






15
C
27





Handwritten text, possibly a signature or date, located in the bottom right corner of the page.

D. PETRI
CHRYSOLOGI,
 ARCHIEPISCOPI RA-
 VENNATIS, VIRI ERUDI-
 tissimi atque sanctissimi, insignis &
 peruetustum opus Homiliarum
 nunc primum in lucem
 editum.

* *
 *

BIBLIOTHECA NAZ.
 ROMANA
 JOH. GR. EMANUELE.

I
N
M
E
M
O
R
S



I
N
M
E
M
O
R
I
A

IV
31

PARISIIS,

Apud Hieronymum de Marnef, & viduam
 Gulielmi Cauellat, sub Pelicano, monte

D. Hilarij.

1585.

Ex Legato

Illustris: Rocini.

Coll. Rom. Soc. Juss. B. P. Cat. Juss.



vita, ex certis authoribus conqui-
sita & collecta.

Petrus Chrysologus in foro Cornelij, quod
molam vocant, honestis parentibus na-
tus, à diuo Cornelio illius ciuitatis episco-
po, non modo sanctissimis moribus, ac di-
scip'inis optimè institutus, sed etiam sacris
altaribus oblatus est, ac consecratus: nec ita
multò post, beatissimo Sixto III. Pont. Max. à deo prae-
monstratus ecclesiae Rauennatis XXII. Archiepiscopus
adlegitur. Hic vir omni genere laudis excellens duobus
Conciliis, quorum alterum Rauenna, Roma alterum,
Calij Symmachi Pont. Max. itémque Theodorici Ostrogo-
thorum regis iussu indictum est, interfuit, subscripsitque.
Ad Chalcedonensem praeterea synodum aduersus Euty-
chen haeticum literas dedit, quae adhuc extant. At verò
quantum aurea quadam ingenij, atque eloquentiae uber-
tate praestiterit, unde & Chrysologi cognomen consecutus
est, ex eius orationibus facillimè existimare licet: quae &
verbis, & rebus illustribus referta, amplius CLXXXVI.
quas quidem adhuc inuenerim, & legerim, feruntur. Is
quum Pontificio munere annos circiter LX. praestantissi-
mè perfunctus esset, apud Forocornelienses. IIII. Non. De-
cemb. excessit è vita, anno ferè D. post natum humanae gen-
tis seruatore Iesum Christum. Sepultus est autem iuxta
corpus gloriosi martyris Cassiani: atque vno omnium con-
sensu, inter diuos relictus: cui etiam anniuersarij honores in
testimonium vitae, pie, sanctaeque transacta decreti sunt.

EXIMII DOCTORIS PE-
tri Chrysologi vita, ex Ioanne Tri-
remio religiosissimo viro, Ab-
bate Sphanhemensi,
contexta.

Petrus archiepiscopus Rauennas, vir erudi-
tus, atque sanctissimus, in vita multis coru-
scans miraculis, in declamandis Homiliis ad
populum excellentis ingenij fuit, multosque
tam verbo, quam exemplo ad veritatis tra-
mitem cōuertit. Multa scripsit pro adificatione fidelium, de
quibus feruntur

Sermones & Homiliae plures. Lib. I.
Ad Eutychen Epistola quæ incipit,
Tristis legi tristes literas.
Scripsit etiam epistolas alias.

Claruit sub Martino Augusto, Anno ab orbe
redempto, C C C C L.



EN tibi Chrysologum, humanissime lector, non minus eloquentia sana, ac solida eruditione, quam vetustate admirandum: cuius scripta nondum Gallia viderat. Hic non multò post D. Ioannem Chrysostomum, atque plerosque alios Christiane Reipublice columnas, vixit: Chrysostomo autè perinde dictionis suavisima copia, & sensus gravitate, atque nomine proximus est. Ille enim os aurèi ob eloquentiam raram, hic eadem de causa *χρυσόλογος*, quasi sermo aureus appellatus est. Neque temerè casu ve hunc tam eximio cognomine dignatum esse mirabitur quisquis intuebitur patrem phraseos maiestatem cum absoluta eruditione coniunctam esse. Tanta enim ubique puritas dictionis citra affectationem, deductionem, translationemque verborum, citra violentiorem coarctatoremque interpretationem: ut, tanquam è riuulo, limpidissima facilitate, tota fluat oratio. Adèd, ut si cum hoc quosdam neotericos τῶς ὁμιλιαρχίας, aut commentatores conferas, Pygmeum Atlanti comparare videaris. Siquidem his plerisque præclarum esse apparet, inculto ac monstroso contextu, horrido stylo, omnis generis ultro, citroque authoritates scripturarum accersere, velutique centones confarcire sine omni gratia. Nonnullis receptum est, dicendi illecebra lectoris animum retinere suspensum. Qui hoc ipso perniciosiores sunt, quòd elocutionis ornamentis, & dicendi virtutibus nimium indulgentes, sine consilio quocunque rapit animi impetus, aut quod inanis persuasio dicat, eò feruntur, nunc in suas conceptas opiniones plenis velis euagantes, nunc in contrarias sententias maledicentissime inuidentes. Atque ita fit, ut vim scripturæ facientes, eam suis paradoxis accommodent, atque violentis interpretationibus suis opinionibus, moribus, & erroribus, tanquam Lesioam regulam inclinent. Cum equius esset & Christiana sinceritate dignius, ad sacram scripturam, velut Lydium lapidem, veritatem explorare, affectus impotentiores retundere, atque insuetas, parùmque pias opiniones corrigere: ut tandem ex illo barbarico cæno emergerent, atque è lethargo illo exitiali veritatis lumine illustrati expergiscerentur. Quanto hic modestior sacrarum literarum interpres à pia eloquentia & eloquenti pietate conspicuus, commoda, sinceraque interpretatione quæque obscuros scripture locos dilucidans: ita ut nihil intortum, nihil durius deductum, aut perperam explicatum inuenias, in quo ipsa sanctitas, integritasque pariter ac exacta doctrina, vel cum quibuslibet sinceris diuinarum scripturarum doctoribus certare queat. Non ille tenere & scitè

parum quoslibet scriptura locos congerit : verum prudenter & coniuncto iudicio, ubi res testimoniis indiget, suo loco adhibet, ad suam sententiam muniendam & confirmandam. Atque illud demum est fructuose scripturam interpretari. Hoc utinam imitarentur huius cui partim concionatores, partim scriptores, & maiori cum autoritate, tum gratia auditi, uberiores verbi dei messem demeterent.

Hunc ergo authorem dignissimum iudicauimus,
quem perpetuo habeas præ manibus:
cuius piis dogmatibus non me-
diocriter ad sacras concio-
nes instruendas iu-
uari poteris.

Vale.





D. PETRI CHRYSOLOGII ARCHIEPI-

SCOPI RAVENNATIS DE

duobus filiis, Prodigio
& Frugi,

Sermo I.

Hodie nobis Dominus patrem cum filiis duobus vocavit, & produxit in mediū: ut immensum suæ pietatis indicium, sæuam Iudaicæ gentis inuidiam, reditum supplicem populi Christiani, pulchram panderet per figuram. *Homo quidam habuit duos* Luc. 15. *filios, & dixit adolescentior ex illis, patri: Pater da mihi portionem substantiæ quæ me contingit. Et diuisit, inquit, illis substantiam. Quantum pius pater, tantum hæres impatiens: qui patris fatigatur ad vitam: qui patris, quia tempus audire non potest, nititur auferre substantiam: hic ipsam prærogatiuam filij meruit non habere, qui ea quæ patris erant noluit possidere cum patre. Sed quæramus quæ res filiū rapuit hos ad ausus, ad petitionem tantam fiducia quæ leuarit. Quæ res? illa scilicet, quæ cælestem patrem sciebat nullo claudendum fine, concludendum tempore nullo, nulla mortis potestate soluendum. Et ideo cupit viuendi libertate gaudere, qui ditari noluerat facultatibus decedentis. Denique illam fuisse huius petitionis offensam, genitoris largitas comprobauit. Et diuisit, inquit, illis substantiam. Perente vno, ambobus totam substantiam mox diuisit; ut scirent filii, quod antè tenebat pater, non fuisse auaritiæ, sed amoris: prouidentia, non inuidentiæ, non dedisse. Tenebat pater seruare substantiam filiis, non negare, & manere ea pignoribus cupiens, non perire. Beati filii quorum tota est in*

patris charitate substantia. Beati quibus manet tota in obsequio patris, in patris cultura possessio. Cæterum facultates unitatem scindunt, fraternitatem separant, cognationem spargunt, parentum perdunt & violant charitatem, sicut ex sequentibus elucescit. Pater, *da mihi portionem substantiæ, quæ me contingit. Et diuisit, inquit, illis substantiam. Et non post multos hos dies, congregatis omnibus adolescentior filius peregrè profectus est in regionem longinquam, & ibi dissipauit substantiam suam, viuendo luxuriose. Et posteaquam consumpsisset omnia, facta est fames valida in regione illa: & ipse cepit egere, & abiit, & adhesit uni ciuium regionis illius, & misit illum in villam suam, ut pasceret porcos. Et cupiebat implere ventrem suum de siliquis, quas porci manducabant, & nemo illi dabat. Ecce quid facit cupiditas ad censum præceps. Ecce quemadmodum sine patre census nudauit filium, non ditauit: census filium tulit è gremio patris, eiecit de domo, exemit patria, spoliauit fama, exiit castitate. Quod viræ, quod morum, quod pietatis, quod libertatis, quod est gloriæ, nil reliquit. Ciuem denique in peregrinam, filium in mercenarium, in egenum locupletem, liberum mutauit in seruum, iunxit porcis à patre piissimo quem sciunxit, ut seruiret cænofo pecori, qui pietati sanctæ parere contempsit. Congregatis, inquit, omnibus adolescentior. Adolescentior iste planè non ætate, sed censu: qui congregauit bona patris, & abiit longe plus mente, quàm loco: ut dato, non accepto precio misere se venderet seruituti. Sic mercator ad talem contractum peruenit, qui parentum debitum nescit soluere, qui vicè nescit redhibere generanti. Est penes patrem dulcis conditio, libera seruitus, absoluta custodia, timor lætus, blanda ultio, paupertas diues, secura possessio. Nanque ad patrem labor respicit, fructus redundat in filios. Dissipauit, inquit, substantiam suam. Quæ composita fuerant patre moderante, prodigente filio dissipantur: ut vel tarde sapiat patrem custodem, non incubatorem fuisse substantiæ. Viuendo luxuriose. Mortalis est ista vita, quia moritur virtutibus, qui vitiis viuunt: sepelitur famæ, perit gloriæ, qui manet turpitudini: crescit infamiæ. Et posteaquam consumpsisset omnia, facta est fames valida in regione illa. Luxuriæ, ventri, gulæ, fames torpor apponitur: ut ibi vltix pœna sæuiat, vbi pœnalis reatus exarserat. Facta est fames valida. Ad talem finem sem-*

per voracitas tendit, ad talem peruenit terminum fugienda voluptatis effusio. *Et ipse cepit egere.* Filium data facit egere substantia, quæ diuitem negata seruabat: vt penes se deficeret habendo, qui penes patrem abundauerat, non habendo. *Et adhesit vni ciuium regionis illius, & misit illum in villam suam, vt pasceret porcos.* Sic inuenit, qui se negat patri, qui se committit extraneo: vt sentiat se verum iudicem, qui fugit indulgentissimum prouisorum. Affectionis desertor, pietatis refuga, deputatur porcis, porcis addicitur, porcorum traditur seruituti, porcorum pascua luculenta percurrit, inquieti gregis teritur & maculatur excursu, vt sentiat quàm miserum sit, amarum quàm sit, quietis paternæ beatitudinem perdidisse. *Et cupiebat implere ventrem suum de siliquis, quas porci manducabant, & nemo illi dabat.* Quàm crudele ministerium, quia neque conuiuuit porcis qui viuit porcis. Miser qui porcorum deficit, & esurit in saginam. Miser, qui squalentis cibi cupit, nec impetrat qualitatem. His edocti, instructi talibus, maneamus in domo patris, matris in gremio perduremus, cognatorum constringamur amplexibus, viscera nos paterna constringant: ne nos ad supradicta mala pertrahat adolescentiæ miseranda libertas. Sepiat nos paterna reuerentia, matris componat affectio, cognatorum custodiamur affectibus. Inter propinquorum lumina non valent delicta versari. Propinquorum quot oculi, tot lucernæ. Dies est aspectus matris, sol patris rutilat in vultu. Vnde viuenti inter tot virtutum duces, criminum tenebræ propinquare non possunt. Sed mensa patris nos alit virtutis cibo, salutis epulo, deliciis honestatis & gloriæ. Et quia latius nos de hac parabola dicere cogit proliza series lectionis, quis sit pater in donando facilis, facilius in recipiendo: quis sit frater fratris tristissimus in salute, quis sit adolescentior in abscessu insipiens, sapientissimus in regressu, sequenti sermone votis communibus inquiremus.

De eisdem, Sermo I I.

Luxuriosum filium, filium patris piissimi desertorem, quæ perculerint mala in tantum, vt fame tabidum porcorum dederit seruituti, superiore, quo valuimus, sermone perstrinximus: Nunc eius reditum, nunc eius penitentiam, meliore iam voto, verbis lætioribus prosequamur.

In se, inquit, reuersus dixit: Quanti mercenarij patris mei abundant panibus, &c. In se reuersus est, in se antè redit, vt rediret ad patrem, qui à se antè recesserat, cum recessit à patre. A se migrat, & ab homine totus transit in bestiam, paternæ pietatis immemor, gratiæ genitoris oblitus. Quanti mercenarij patris mei abundant panibus, ego autem hic fame pereco.

Luc. 15.

Fames reuocat, quem saturitas exularat: fames illi patrem dedit sapere, cui copia tulerat sentire genitorem. Et si tantum præstitit vel inuita fames, probate quid voluntarium possit conferre ieiunium. Oneratus venter ad vitia cor deponit, premit mentem, ne supernam valeat sentire pietatem. Corpus, inquit, quod corrumpitur, aggrauat animam, & deprimit terrena inhabitatio sensum multa cogitantem. Vnde & Dominus: Attendite, ne grauentur corda vestra crapula & ebrietate. Vacuandus est ergo venter meditatione ieiunij, vt exoneratus animus possit ad alta pertendere, conscendere ad virtutes, possit ad ipsum pietatis authorem totus aliger peruolare. Hoc Elias probat, qui dominici continuatione ieiunij defæcatus à carnali pondere, mortis victor euolauit ad cælum. Surgam, & ibo ad patrem meum. Iacebat qui dixit surgam: intellexit lapsum, sensit ruinam iacere se turpis luxuriæ: respexit in lubrico, & ideo exclamat: Surgam, & ibo ad patrem meum. Qua spe? qua fiducia? qua confidentia? qua spe? Illa qua pater est. Ego perdididi quod erat filii: ille, quod patris est, non amisit. Apud patrem non intercedit extraneus, intus est in patris pectore ipse qui interuenit, & exorat affectus. Vrgentur patris viscera iterum filium genitura per veniam. Ibo ad patrem reus, sed pater viso filio cooperit mox reatum, dissimulat iudicem, qui magis vult implere genitorem, & sententiã cito vertit in veniam, qui redire cupit filium, non perire. Surgam, & ibo ad patrem meum, & dicam illi: Pater, peccaui in cælum, & coram te. Confessio patrem pandit, genitorem loquitur pœnitudo. Peccaui in cælum, & coram te. Cui peccatur in cælo, non terrenus pater est, sed & cælestis, ideo adiecit: Coram te. Cui in cælo, & in terra, ante oculos sunt omnia quæ geruntur. Peccaui in cælum, & coram te, & iam non sum dignus vocari filius tuus. Peregre profectus est iste, & in regionem longinquam fugit, sed accusatores suos, sed testes suos, diuini patris oculos non refugit, Hoc Dauid clarius aperit, sic

Sapient. 9.

Luc. 21.

3. Reg. 19.

4. Re. 1.

dicendo: Quo ibo à spiritu tuo? & à facie tua quo fugiam? *Psal. 138.*
 Si ascendero in cælum, tu illic es: si descendero in infernum,
 ades: si sumpsero pennas meas diluculo, & habitauero in
 postremo maris. Etenim illuc deducet me manus tua, &
 tenebit me dextera tua. Videt iste per totum mundum nu-
 da Dei oculis delicta consistere: non cælum, non terram,
 non maria, non abyssum, non ipsam noctem, Deo velate
 posse peccata. Sentit quantum sit sceleris, mali quantum,
 in ipso Dei peccare conspectu, & ideo clamat: Tibi soli pec- *Psal. 50.*
 caui, & malum coram te feci. Vnde & iste adolescentior si-
 militer vociferatur, & clamat. *Peccaui in cælum, & coram te,*
& iam non sum dignus vocari filius tuus. Non dicit, Non sum
 dignus esse filius tuus, sed non sum dignus vocari filius
 tuus: quia vocari ad gratiam, pertinet esse ad naturam. Audi
 Apostolum dicentem: Ab eo qui vos vocauit in gratiam *Gala. i.*
 suam. Hic ergo adolescentior, quia perdiderat quod erat
 naturæ, iudicat se quod est gratiæ non mereri. *Fac me sicut*
unum de mercenariis tuis. Ecce, potestatis suæ filius quo de-
 uenit? voluptas luxuriæ, adolescentiæ libertas, ecce fi-
 lium quo promouit? *Fac me sicut unum de mercenariis tuis.*
 Vt locatione annua seruitus innouetur, vt labore ingi con-
 ditio conductâ deteratur, vt die toto in opere suspiret mi-
 seræ verna mercedis, vt sit semper venditor sui, nec vn-
 quam negare suam valeat seruitutem. Et hoc petit, quia
 qui penes extraneum seruam senserat libertatem, penes pa-
 trem credit sibi futuram liberam seruitutem. Iam nunc
 fratres vellem lectionis huius aperire mysterium, si non
 me reuocaret istius utilitatis intentio, quia vos video non
 quasi nostra audire debito cum dolore, sed quasi extra-
 nea intellectu transuolare festino. Nostra, nostra & om-
 nibus profutura nobis semper loquitur Christus, & ob
 corrigendos nos mystica frequentat exempla dominus,
 qui pater suorum voluit esse seruorum: qui magis amari vo-
 luit, quàm timeri? qui panem vitæ se dedit ipsum, qui san-
 guinem suum in poculum salutis effudit. Præteritis com-
 parationibus præsentis corrigit, & futuros: ne bonum pa-
 trem, ne genitorem pium deserentes, ad mundi longin-
 qua, & nimis peregrina tendamus: ibique viuendo luxu-
 riosè, substantiam totam salutis dissipemus & vitæ, om-
 nibusque consumptis famem spei grauissimam perferamus:

& sic nos primario regionis illius, hoc est, desperationis auctori diabolo iam tradamur: & ille nos mittat in villā suam, hoc est, ad huius seculi illecebrosas conualles: mittat ad pascentes porcos, eos videlicet qui proni semper in terram vivunt ventri, & æstus carnis in volutabro luti temperant, in cœno premunt, refrigerant in gurgite vitiorum. Quod autem mercenarios suos mittat ad porcos, facit hoc insatiata crudelitas, quæ contenta non est homines criminosos fieri, nisi eos vitiorum duces, criminum faciat & magistros. Cum eos tales fecerit, non sinit eos ex ipso porcorum cibo, pastūque saturari: ut esurientes vitia plus delinquant, luxuriosos satietas capere non potest: voluptas nescit expleri. Unde nos cum bono patre simus, permaneamus apud genitorem piū: ut & diaboli laqueos possimus evitare, & bonis patris iugiter perfruamur. Profunda post scrutabimur: quia communioni & moribus plus debemus.

De eisdem.

Sermo III.

Luc. 15.

Filij luxuriosi abcessum, regressum, culpam, pœnitentiam percurrimus hactenus sermone geminato: occursum modo patris, bonitatem patris, patris ineffabilem misericordiam prosequamur. *Surgens, inquit, venit ad patrem suum: cum autem esset longe, vidit illum pater suus, & misericordia motus est, & accurrit, & cecidit super collum eius, & osculatus est illum.* Surgens, venit ad patrem suum. Surrexit iste mentis & corporis de ruina: surrexit de profundo inferni, cæli alta contingens: apud cælestem patrem filius surgit plus de venia, quàm corruit de reatu. *Surgens venit ad patrem suum.* Venit non gressu pedum, sed mentis incessu: longinquus terreni itineris non indiguit: quia compēdia viæ salutaris invenit. Divinum patrem nescit viarum cursu quætere, qui fide quærens, mox sibi illum invenit esse præsentem. *Surgens venit ad patrem suum: cum autem esset longe.* Quomodo longe est is, qui venit? quia nōdum peruenit. Ille qui venit, venit ad pœnitentiam, sed nondum peruenit ad gratiam: venit ad domum patris, sed nondum peruenit ad gloriam pristini vel habitus, vel honoris. *Cum autem esset longe, vidit illum pater suus.* Vidit pater ille, qui in altis habitat, & humilia respicit, & alta à longe agnoscit. *Vidit illum pater suus.* Pater vidit illum, ut & ille patrem posset agnoscere: patris visus illustravit filii venientis aspectum, ut tota fugaretur obscuritas, quæ circumfusa fuerat de reatu. Non sunt tā

psa. 112.

les tenebræ noctis, quales illæ sunt, quæ de cōfusione veniūt
 peccatorum. Audi Prophetam dicentem: Comprehenderunt *Psal. 19.*
 me iniquitates meæ, & non potui videre. Et alibi: Iniquitates *Psal. 37.*
 meæ grauatur sunt super me. Et post: Et lumen oculorū meo-
 rum non est mecum. Nox sepelit hesternum lumen, peccata
 sensum, animum membra confundunt. Nisi ergo cælestis pa-
 ter redeuntis filii radiaffet in vultu, & totam confusionis ci-
 liginem respectus sui lumine sustulisset: nūquam diuini vul-
 tus vidisset iste filius claritatem. *Vidit eum de longè, & miseri-*
cordia motus est. Mouetur misericordia, qui loco nō potest di-
 moueri, accurrit, non progressu corporis, sed pietatis affectu. *Mat. 11.*
Cecidit super collum eius. Non lapsu viscerum, sed cōpassionis:
Cecidit super collum eius. Vt erigeret sic iacentem. *Cecidit super*
collum eius. Vt amoris onere, onus tolleret peccatorum. Veni-
 te ad me, inquit, omnes qui laboratis & onerati estis. Tollite
 onus meum super vos, quia leue est. Videtis quia filius iuuat-
 ur istius patris onere, non grauatur. *Cecidit super collum eius, &*
osculatus est eum. Sic pater iudicat, sic emendat, sic peccati filio
 dat oscula, non flagellā. Delicta nō videt vis amoris, & ideo
 pater peccata filii redemit osculo, clausit amplexu: ne nuda-
 ret pater filii crimina, pater filium ne scdaret. Pater sic curat
 filii vulnera, ne filio cicatricem, næuum filio ne relinquat. *Psal. 31.*
 Beati, inquit, quorum remissæ sunt iniquitates: & quorum
 tecta sunt peccata. Si adolescentis huius factū displicet, hor-
 ret abscessus: nos à tali patre nullatenus discedamus. Aspe-
 ctus patris fugat crimina: expellit noxam: cunctam nequitiam
 & tentamenta propellit. Certe si abscessimus: si substantiam pa-
 tris totam luxuriose dispersimus nos viuendo: si quicquid vs-
 quam commisimus facinoris, & delicti: si ad impietatis præ-
 ruptum totū, totā venimus ad ruinam: surgamus aliquādo,
 & ad talem patrem tali inuitati redeamus exemplo. *Cum au-*
tem videret eum, misericordia motus est, & accurrit, & cecidit super
collum eius, & osculatus est illum. Rogo quis hic desperationis lo-
 cus? Quæ hic excusationis occasio? hic simulatio quæ timor-
 ris? Nisi fortè timeretur occursum: terret osculum: turbat am-
 plexus: & capere ad vindictam, nō recipere ad veniam pater
 creditur, cum filium trahit manibus, claudit gremio, ligat la-
 certis. Sed hanc cogitationem debellatricem vitæ, salutis in-
 micam expugnant, nimis auferunt quæ sequuntur. *Dixit au-*
tem pater ad seruos suos, cito proferte stolam primam, & induite

illum, & date annulum aureum in manu eius, & calceamenta in pedibus eius, & adducite vitulum saginatum, & occidite, & manducemus, & epulemur, quia hic filius meus mortuus fuerat, & reuixit: perierat, & inuentus est. His auditis adhuc moramur? adhuc non redimus ad patrem? Cito proferte stolam primam, & induite illum. Sustulit filii crimina, qui nō sustulit nuditatē: hinc est quod à seruis antē vestiti voluit filium, quā videri: vt soli patri nota esset nuditas: quia pater solus videre filii nō poterat nuditatem. Cito proferte stolam primam. Pater hic, qui in secūdis esse nō passus est peccatorem, plus de venia, quā de iustitia gaudium vult habere. Cito proferte stolam primam. Non dixit, vnde venis? fuisti vbi? vbi sunt quæ tulisti? quare tantam gloriam tanta turpitudine commutasti? sed, Cito proferte stolam primam, & induite illum. Videtis, quia delicta non videt vis amoris. Tardam misericordiam pater nescit. Delicta qui discutit, prodit. Et date annulum in manu eius. Paterna pietas contenta non est innocentiam reparare solam, nisi pristinum restituat & honorem. Et date calceamenta in pedibus eius. Quā pauper rediit qui ditatus abscefferat, & de tota substantia calceamenta in pedibus non reportat! Date calceamenta in pedibus eius. Ne vel in pede remaneret deformitas nuditatis: certe vt calceatus anterioris vitæ rediret ad cursum. Et adducite vitulum saginatum. Communis vitulus non sufficit, nisi fuerit pinguis, nisi fuerit saginatus: vitulus pinguis testatur paternæ pinguedinem charitatis. Et adducite vitulum saginatum, & occidite, & manducemus, & epulemur: quia hic filius meus mortuus fuerat, & reuixit, perierat, & inuentus est. Historiam loquimur adhuc, & iam cogitamus arcanum nudare mysterium. Mortuus filius vituli suscitatur ex morte, & vnus vitulus totius familiæ funditur in saginam. Sed differendum est: vt senioris dolorem verustum, vetustiore inuidiam prosequamur.

De eisdem,

Sermo IIII.

DE iunioris filii reditu & salute gaudentes, senioris flebiliter pandimus, & dolemus inuidiam, qui summum frugalitatis bonū extremo zeli malo perdidit, & liuoris. Erat inquit, filius eius senior in agro, & cum ventret, & appropinquaret domui, audiuit syrrhphoniam, & choros, & vocauit vnum de seruis, & interrogauit quæ hæc essent. Isque respondit, frater tuus venit, & occidit pater tuus vitulum saginatum, quia saluum illum recepit. Indignatus,

est autem, & nolebat introire. Erat, inquit, filius eius senior in agro. Erat in agro terram percolens, se desertans, duritiam solutis cespitis, perdurat affectum, sentes eradicat & gramina, stimulos inuidiæ non euellit. Sic in segete cupiditatis fructum zeli colligit, & liuoris. Et cum venisset, inquit, & appropinquaret domus, audiuit symphoniam & choros. Inuidum fugat symphonia pietatis, chorus charitatis excludit, & quem venire ad fratrem, & appropinquare domui, vocat ratio naturæ, hunc peruenire zelus non finit, liuor non patitur introire. Inuidia malum vetustum, prima labes, antiquum virus, sæculorum venenum, causa funeris. Hæc in principio ipsum angelum cecit, & deiecit de cælo. Hæc de paradiso hominem principem nostræ generationis exclusit. Ipsa hunc seniores fratrem paterna secluserit à domo. Hæc Abrahæ progeniem, populum sanctitatis, ad auctoris sui cædem, ad mortem sui Saluatoris armavit. Inuidia intestinus hostis non carnis quatit muros, non elidit septa membrorum, sed in ipsam cordis arictat arcem: & antequam viscera sentiant, ipsam dominā corporis animam prædo capit, & adducit inclusam. Si ergo volumus cælestem mereri gloriam, si paradisi beatitudinem possidere, si æterni patris inhabitare domum, si volumus rei cælestis patricidii non teneri perigli fide, luce spiritus terras inuidiæ pellamus, & excludamus insidias, inuidiam totis armorum cælestium viribus comprimamus: quia sicut nos Deo iungit charitas, à Deo inuidia sic seiungit. Pater ergo illius egressus cepit rogare illum. Cor patris anxium variis arctatur motibus filiorum, & inter diuersos pignorum casus genitoris pietas stupefacta discurrit, quia videt fratrem fratris reditu mox fugari, & salute alterius sibi alterum mox perire, ac merorem longum breui gaudio pensatum inuidiæ liuore turbari. O zeli tumor, duos non capit domus ampla germanos. Et quid mirum fratres? Fecit inuidia, fecit ut mundi tota duobus esset angusta fratribus latitudo. namque ipsa Cain iunioris crexit in mortem, ut esse solum zeli liuor faceret, quem primum fecerat lex naturæ. At ille respondens dixit patri suo, Pater ecce tot annis ser- Gen. 4. uio tibi. Sic sapit qui patris audet iudicare pietatem. Ecce tot annis seruo tibi. En patri filius nascendi beneficia qua seruitute compensat. Nunquam mandatum tuum prateriui. Hoc tibi non tua innocentia, sed patris venia dedit, quia multa charitate delicta filii maluit tegere, quam nudare. Et nunquam

mihi dedisti hædum, ut cum amicis meis epularer. Fratri inuidus animus gratus esse nō potest patri: & paternę largitatis memor non est, qui est fraternę immemor charitatis. Hædū sibi datum negat, qui substantiæ partem totam tempore diuisionis accepit. Tunc enim cum frater iunior dari sibi substantiæ peteret portionē, pater ambobus totum fratribus mox diuisit: Euangelista dicente, & diuisit illis substantiam. Sed inuidus simulat semper: mentitur inuidus semper. Et nunquam mihi dedisti hædum, ut cū amicis meis epularer. Amicos paternos suos esse non computat, hos non amicos, sed extraneos credit: à quibus vidit in patris gratiam se amari. Sed postea quā filius tuus hic qui deuorauit substantiam tuam cum meretricibus venit, occidisti illi vitulum saginatum. Hic rediisse fratrem dolet, non dolet periisse substantiam: nec damni causa queritur, sed liuoris, qui fratrem redeuntem de suo decorare debuit: non debuit de perditio sic scdare. In filio est substantia patris tota: & ideo nil pater perdidit, filium cum recepit. Frater credidit dānum, qui rediisse conspicit cohæredem. Et quando inuidus non auarus, quando quicquid habet alter, se computat perdidisse? At ipse dixit illi, fili, tu semper mecum es, & omnia mea tua sunt: epulari autem, & gaudere oportebat: quia frater tuus hic mortuus fuerat, & reuixit: perierat, & inuentus est. O quid facit vis amoris: quando malo filio non esse nescit, non esse non potest pater: videt filium degenerasse animo: videt paternę pietatis, paterni generis nil habere: & tamen nuncupat filium: suadet effectum ad gratiam, vel spem reuocat largitatis: dicendo, Tu semper mecum es, & omnia mea tua sunt. Hoc est dicere: Patere filium rediisse patri: permittit patri filiū suscepisse: nec ille aliud quàm patrem quæsiuit, qui veniens non filii, sed loco mercenarii voluit collocari, dicens: Pater peccaui in calum, & coram te: & iam non sum dignus vocari filius tuus: fac me sicut unum de mercenariis tuis. Sint tibi omnia, illi sufficit pater: & ne quid tibi de præsentibus, de veteribus existimes imminutum: illi noua, & futura perquiram. Certè si consilium patris sequeris, & præceptum, participa præsentia cū fratre: ut cum ipso tibi communia sint futura. Gaude ergo, & inuentum gaude: ut ille te gaudeat non periisse. Sed iam sermonem historicum concludamus, ut postea quę sunt mystica, quę profunda, Christo reuelante pandamus.

*De eisdem,**Sermo v.*

Callidi debitoris est & inuerecundi, sepe pacta non soluere & patientissimum creditorem longa & artificii cavillatione protelare. De abscessu, de reditu luxuriosi filii. Quintus est hic sermo nobis, qui historicum sensum, sicut promissimus ad mysticā & singularem deitatis intelligentiā conabitur attollere. Vos orate, ut quia in tanto credito suminus per me idoneus debitor, per Deum vobis idoneus solutor existam. *Homo quidam habuit, inquit, duos filios.* Posteaquam Christus nostrę carnis suscepit oves, & Deus induit exuias humanas, veraciter se Deus hominem vocat, dominus patrē verē se duorum nuncupat filiorum, quia humanitati permixta deitas, deitati cōsociata pietas, miscuit hominem & Deū: quę dominum vniuit in patrem. Hic ergo homo, Pater hic, duos filios habuit cōditoris pontificio, non necessitate generantis: duos filios habuit, quos nō emeruit esse, sed iussit: quia Christus sic in oculis nostris fuit homo: ut Deus semper in maiestatis suę maneret arcano. *Duos filios habuit.* Duos scilicet populos, Iudaicum, Gentilemque: sed Iudaicū seniore prudentia legis fecit, Gentilem paganitatis stultitia reddidit iuniorem. Quia sicut sapientia dat canos, ita quicquid viri est tollit insipientia. Hunc ergo iuniorem mores præstitere, non grates, seniore illum non tempora fecerunt esse, sed sensus. *Et dixit, inquit, adolescēti ex illis patri: Pater da mihi portionem substantiæ quę me contingit.* Cognitorem pectoris non voce petiit iste, sed voto, quia à Deo bona, malā ue reportat propria voluntas in nobis. Denique iste cum patre possessor totius sortis, ad partem propria voluntate peruenit, dicendo, *Da mihi portionem substantiæ quę me contingit.* Et quę est ista portio? quę est? *Habitus, Sermo, Scientia, Ratio, iudicium, quę hominem præ ceteris animantibus in terrena habitatione contingunt, hæc est, iuxta Apostolum, Lex naturę.* Et ideo diuisit illis substantiam, dando iuniori quinque ista, quę diximus, beneficia naturę, seniori quinque legis libros diuinitus inscribendo, per quę substantia impar merito, numero par esset, humanum teneret ista ordinem, diuino illa subsisteret instituto, utraque tamen lex filios utrosque ad notitiā patris perduceret, ad reuerentiā sui seruaret authoris. *Et non post multos dies, inquit, congregatis adolescentiur omnibus peregrā profectus est in regionem longinquam.*

*Luc. 15.**Rom. 2.*

Et ibi dissipavit substantiam suam viuendo luxuriose. Diximus iuniorē non tempora fecisse, sed mores: & ideo dixit, *Non post multos dies.* Quia tūc principio ipso mundi festinauit gentilitas ad idolorum patriam: ad longinquam diaboli regionem animo est peregrinata, non loco: & per elementa vanis est peruagata cogitationibus, nec non est corporeis motibus iactata per terras: nanque coram patre sine patre erat: & cū in se esset non erat secum. Hinc est quod luxuriosus per desiderium sæcularis eloquentiæ, per scholarum lupanaria, per triuia sectarum, dissipauit Dei patris dementi disputatione substantiam. Et cum consumpsisset coniecturis quicquid erat sermonis, scientiæ, rationis, iudicij, egestatem summam, famem magnam cognoscendæ veritatis miserimus sustinebat: quia philosophia quærendæ diuinitatis induxit laborem: veritatis inueniendæ fructum cōtulit nullū. Hinc est quod adhærebat primario regionis illius, à quo mittebatur in istud sæculum, hoc est in vnam multarum superstitionum villam: vt pasceret porcos, id est dæmones, qui dicunt domino, Si eiicis nos, mitte nos in porcos. Vt pasceret dæmones thure, victimis, sanguine, falsarum responsionum mercedē p̄ tali labore relaturus. Occidebatur pecus: vt quod viuum nil scierat, diuinaret occisum: & loqueretur ex fibris mortuum, quod nunquam fuerat ore prolucutum. Verum cum nil diuinum, nil salutare profuturum, nil gentilis inueniret in talibus: desperans de Deo, de prouidentia, de iudicio, de futuris, ab schola ad ventris se deponebat ingluuiem, cupiens saturari de siliquis, quas porci manducabant. Hoc norunt Epicurei: qui cum Platonicas & Aristotelicas percurrerent scholas, nullamque illic aut diuinitatis, aut scientiæ inuenirent disciplinam, Epicuro se tradunt ultimo, desperationis & voluptatis auctori. Et manducant siliquas, hoc est voluptatibus corporis malè dulcibus inhiant, & pascunt dæmones qui semper corporum vitiis sagioantur & sordibus: quia sicut domino qui se iungit, vnus spiritus est: ita qui se iungit diabolo, est dæmon vnus. Sed hic iunior quantis cuperet, nō tamen saturabat de siliquis istis ventrem suum. Quare? quia nemo illi dabat. Diabolus quidem volebat per tamē scientiæ, per voluptatum difficultatem, Gentilem reddere auidiorē ad illicita perquirenda, ad perpetranda delicta: sed Deus pater ideo permisit venire Gentilem, vt erroris occasio salu

Matth. 2.

I. Cor. 6.

Matth. 6.

tis fieret argumentum: namque diabolus sic reliquit, ut perderet: & Gentilem sustinere passus est famem, ut rediret. Rediit autem ad patrem, & clamat, *Pater peccavi in cælum, & coram te.* Rediisse iuniorem ad domum patris, & clamare Deum patrem vox ecclesiæ quotidiana testatur: quæ dicit, *Pater noster qui es in cælis.* Peccavi in cælum, & coram te. Peccavi in cælum, dum in cælo Solem, Lunam, Sidera, deos esse blasphemar: & hæc eadem profanat adorando. *Et iam non sum dignus vocari filius tuus, fac me sicut unum de mercenariis tuis.* Hoc est dicere, quia non mereor iam filij gloriæ, vel veniæ consequar pro mercenario labore mercedem. Et cui honor sobolis perit, saltem vitalis maneat in quotidiano pane substantia. Sed pater occurrit, & occurrit longè. Cum adhuc impij essemus, Christus pro nobis mortuus est. Occurrit pater, occurrit in filio, cum per ipsum de cælo descendit, & peruenit ad terras. Pater, inquit, qui me misit, mecum est. *Cecidit super collum eius.* Cecidit, cum per Christum diuinitas tota nostra decumbit, & incumbit in carne. *Et osculatus est eum.* Quando? quando misericordia & veritas obuiauerunt sibi: iustitia & pax osculate sunt se. *Dedit stolam primam.* Illam quam Adam perdidit immortalitatis gloriâ sempiternam. *Posuit annulum in manu eius.* Annulum honoris, titulû libertatis, insigne pignus spiritus, signaculum fidei, arram cælestium nuptiarum: audi Apostolum, *Desponsauimus vos vni viro virginem castâ exhibere Christo.* *Et calceamenta in pedibus eius.* Ut essent calciati pedes in prædicatione Euangelij, ut essent beati pedes Euangelizantium pacem. *Et occidit ei vitulum saginatum.* Illud de quo David cantabat, *Et placebit Deo super vitulum nouellum cornua producentè, & ungulas.* Occiditur patre vitulus sic iubete, quia Christus Deus Dei filius occidi sine patris voluntate non poterat: audi Apostolum, *Qui proprio filio non pepercit,* sed pro omnibus nobis tradidit illum. Hic est vitulus qui in epulum nostrum quotidie ac iugiter immolatur. Sed frater senior, sed senior filius veniens ex agro, populus legalis, messis quidem multa, operarij autem pauci: audit in domo patris symphoniam, audit choro, & introire non vult. Hoc quotidie oculis nostris intuemur. Nā venit Iudæus ad domum patris, id est, ad ecclesiam, stat foris per inuidiam, audit Davidicam citharam personare, audit ex concentu Prophetico symphoniam, ex populorum vario conuentu cho-

Matt. 6.

Iob. 8.

Psal. 84.

2. Cor. 11.

Eph. 6.

Rom. 10.

Psal. 68.

Rom. 8.

Luc. 10.

ros audit, & introire non vult per inuidiam stans foris. Dum gentilem fratrem pristinis iudicat & horret ex moribus, ipse paternis bonis se eximit, ipse se paternis excludit gaudiis. Quod autem dixit, *Ecce tot annis seruo tibi, & nunquam mandatum tuum praterui, & nunquam dedisti mihi hædum.* Tacendum potius, quàm loquendum esse iam duximus, quia Iudæus loquitur: & non facientis verba sunt, sed tumentis. Pater egreditur, & dicit filio, *Fili, tu semper mecum es.* Quomodo? per Abel, per Henoch, per Sem, per Noë, per Abraham, per Isaac, per Iacob, per Moysen, per omnes sanctos, per quos Iudaica generatio in Evangelio lecta deriuatur, cum dicit, Abraham genuit Isaac, Isaac genuit Iacob. Et omnia mea tua sunt. Quemadmodum? quia tibi lex, tibi prophetia, tibi templum, tibi sacerdotium, tibi sacrificia, tibi regnum, tibi munera, tibi (quod est super omnia) natus est Christus. Sed quia tu per inuidiam perdere vis fratrem, paternas epulas, patris gaudia dignus es non habere. Angusto sermone res latissimas, non ut volumus, aperire potuimus: sed scientiæ vestræ, intellectui vestro lata sunt, quæ in sermone nostro videntur angusta. Non sit hæc ingrata, simplex, & inculta collatio, quæ nos res mysticas & excelsas non narrare, non declarare, sed aperire compulit, & explanare.

In Psalmum

XCIX.

Sermo.

VI.

QUONIAM redeunte filio iuniore familia tota choros egit, caelestem cecinit symphoniam, conuenit & nos hodie psalmum sumere, dare tympanum, ponere organum, citharam tangere, & ad tantam Dei patris gaudium in lodiam Davidicam personare. *Iubilate Deo, inquit, omnis terra.* Quid est, quod intelligentia huius exultationis inquiri? Quid est, quod post tanta deitatis, tam terribilia, tam mirifica præcepta terra nunc vocatur, & inuitatur ad iubilum? *Iubilate, inquit, Deo omnis terra.* Quid est, quod posteaquam terribilis? Deus mitissimi pastoris elegit officium, personam pastoris induit: Ut vagos populos, palantes plebes, dispersas longè, lateque gentes, velut errantes oues in vnum pastor misericors congregaret, immo ut nationes feras, prædam mortis, carnis cibum, potum sanguinis, bestiarum furorem sitiētes, ad usum lactis, ad cibum graminis, ad ouium totam duceret & redderet lenitatem, terræ omni pastoralem mandat, & imperat disciplinam, dicendo, *Omni terra iubilate Deo.* Sicut militem tuba

terribilis producit ad bellum, sic oves ad pascua dulcedo iubilationis inuitat. Bellandi ergo fremitum pastoralis lenitate mitigare conuenit, vt gentes tam mitis gratia saluaret, quas diu peremerat feritas naturalis. Quod autem pastoralis bonus esset reditus, ad terras veniret Christus, clamauit ipse hodie. Ego sum pastor bonus. Pastor bonus animam suam ponit pro ouibus suis. Hinc est quod adiutores, quod socios ad curam totius orbis ipse magister inquit, dicendo, *Iubilate Deo omnis terra*. Hinc est quod oves suas Petro vice sua vt pasceret ad cælum remeaturus commendat. Petre, inquit, amas me? pascce oues meas. Et uenua redditus primordia nõ cogeret potestate, sed pietate portaret, reperit, Petre amas me? pascce agnos meos. Commendat oues, ouium commendat germina, quia fecunditatem gregis sui pastor præsciens nouerat iam futuram. Petre amas me? pascce agnos meos. Istis agnis collega pastotis Petri Paulus pio pastu plena lactis uibera porrigebat, dicendo, Lac uobis porum dedi, non escam. Sensit hoc Rex beatus: & ideo pro balatu clamat, Dominus pascit me, & nihil mihi deerit, in loco viridi ibi me collocauit, supet aquam refectiõis educanit me. Post iuges ergo bellorum gemitus, post tristem sanguinis vitam euangelicæ pacis ad pascua iam redeunti versiculus sequens lætitiã annunciat seruituti. Erat homo peccati seruus, erat captiuus mortis, erat mancipium dæmonum, erat idolotum uenula, erat uitiotum uerbero, erat criminum compeditus. Sic malis dominis talibus, tantisque exhibebat homo malam & miseram seruitutem. Quando homo non sub peccato tristis? Quando non sub morte lugens? Quando non sub dæmoni- bus pallens? Quando sub idolis tremens? Quando non sub uitiis suspectus? Quando non sub criminibus desperatus? Et ideo homo dabat extrema suspiria, quando tales, tam crudeles dominos sustinebat. Propheta ergo uidens nos à talibus liberatos, & reuocatos ad obsequium creatoris, ad patris gratiam, ad vnius boni domini liberam seruitutem, merito exclamat, *Servite domino in lætitia*, intrate, inquit, in conspectu eius in exultatione. Intrate non loco, sed corde. Intrate in conspectu eius in exultatione. Quia quos eiecerat reatus, quos expulerat conscientia, gratia reducit, intromittit innocentia, Intrate in conspectu eius in exultatione. Qui ingreditur in conspectu eius in exultatione, est à reatu liber, est de præmio

Ioh. 10.

Ioh. 21.

I. Cor. 3.
Psal. 23.

persecutus. Tamen quid est quod hortatur? quod suadere nititur hic Propheta? *Intrate in conspectu eius in exultatione.* Quis in conspectu Dei liber? diuinis in oculis quis mentitur? Quis exultans ante terrorem maiestatis supernæ? Archangeli tremunt, pauent angeli, potestates metunt in faciem cali proruant sciaiores: elementa fugiunt, soluuntur saxa, montes defluunt, terra tremit, & homo terre quam intrepidus intrabit? & adhuc consistit exultans? vnde est quod Propheta hoc nos debere facere sic præsumit? vnde est? Ex eo quod sequitur. *Scitote, inquit, quod dominus ipse est Deus.* Quia dominus ille Deus est, qui fuit in carne nostra pusillus: hinc est quod ille Dominus Deus est, qui fuit in cunabulis nostris capax: dulcis in gremio, miris in habitu, in nostro cõtubernio blãdus. Et ideo, *intrate in conspectu eius in exultatione.* Quia totum pauorem diuinitatis, totum merum iudicis in habitum nostrum dedit, prouidenti locauit aspectu: vt ingressus nõ pœnas iudicis metuat, sed parentis præsumat amplexũ. Et quomodo non exultet, qui genitorem reperit, quem timuerat cognitorem? *Intrate in conspectu eius in exultatione: scitote quod dominus ipse est Deus, Ipse fecit nos, & non ipsi nos.* Inanis est patris, matrisque labor, nisi in germine affuerit opus, & auctõritas conditoris. Manus tuæ, inquit, fecerunt me, & plasmauerũt me. Et alibi, Tu formasti me, & posuisti super me manum tuam. Ergo quod nascimur, quod sumus, non debemus ipsi nobis: quia totum debemus auctori. *Nos autem populi eius, & oues pascuæ eius.* Probatum est in prouerbiis sapissimè: quia cœlitus venerit pastor, qui errantes oues, & lethali gramine fauciatas, superno iubilo vitalia reuocaret ad pascua. *Intrate, inquit, portas eius in confessione.* Sola est confessio quæ nos fidei facit introire per ianuam. *Atria eius in hymnis: confitemini illi, laudate nomen eius.* Diximus, quod nobis esset iam positus intra domum patris, assumenda cœlestium canticorum spiritalis symphonia: vt sit nobis in ingressu confessio, sint in atris hymni, sit laus in penetralibus, vbi tota deitatis inhabitat plenitudo. *Confitemini illi, laudate nomen eius. Confitemini illi, quia Deus est, Laudate nomen eius.* Per quod saluati sumus. & in quo cœlestis, terrestris, infernæque, genu flectit, & diligit Dominum Deum creatura. *Quia suauis est dominus.* Vnde? quia *In æternum in misericordia eius.* Verè suauis est per misericordiam, per quam solam totius mundi amarissimam

dignatus est auferre sententiam. Ecce agnus Dei, ecce qui tollit peccata mundi. Et usque in seculum seculi veritas eius Deus enim salua veritate miseretur: qui sic dat peccatis veniam, ut iustitiā in ipsa miseratione, rationēque custodiat: qui est benedictus in secula seculorum. Amen.

In illud Matth. 6. Cum ieiunatis, nolite fieri sicut hypocritæ tristes, &c. Et de hypocritis.

Sermo.

VII.

Ioan. I.

Matt. 6.

VBI Deus dominum mutauit in patrem, voluit charitate magis quàm potestate regnare: & amari maluit, quàm timeri: paterno monuit affectu: ne quid nobis de labore iustissimo deperiret. Euangelista sic ait, *Cum ieiunatis, nolite fieri sicut hypocritæ tristes: exterminant enim facies suas, ut videantur ab hominibus ieiunantes. Amen dico vobis perceperunt mercedem suam.* Hypocritis subtile malum, secretum virus, venenum latens. virtutum fucus: tinea sanctitatis. Aduersa omnia nituntur viribus suis, armis suis pugnant, impugnant palam: vnde & cauentur tam facile, quàm videntur Hypocritis secunda simulat, fallit prospera, curiosa mentitur: & crudeli arte virtutes truncat mucrone virtutum, ieiunium ieiunio perimit, oratione orationem euacuat, misericordiam miseratione prostermit. Hypocritis cognata febris frigido populo propinat ardorem. Quod corporibus est hydrops: hypocritis, animabus: hoc est hydrops bibendo sitit, hypocritis inebriata sitit. *Exterminant enim facies suas, ut videantur hominibus ieiunantes.* Hypocritis dum cupit captiuare oculos, oculis sit ipsa captiua. *Exterminant enim facies suas.* Et si facies exterminatur, ornamentum corporis quod manebit? Verè sicut dominus dixit, Si lumen quod in te est tenebræ sunt: ipsæ tenebræ quantæ erunt? Hypocrita: sit licet tibi facies inculta, neglecta cutis: tristis vultus: exterminatus aspectus: nec ab hominibus inuenisti laudem: & apud Deum fructum ieiunii perdidisti. Hypocrita: elaborasti ieiunio: ut labor tibi ieiunii non prodesset. Hypocrita abstinentiæ fluctus intraisti: continentiae conscendisti vndas: enatasti ieiunii pelagus: & in ipso portu ieiunii naufragasti: quia non comparasti lucrum: sed mercatus es vanitatem: qui de Dei credito humanum negotiū perfecisti. Hinc est quod Deo redditurus es rationē: que ab hominibus percepisti miserę fraudis vsuram. Fratres fugiendū est virus: pestilentia cauenda: quæ de remediis creat morbos: conficit de medecina languorē: sanctitatem vertit in crimē,

& sic nos primario regionis illius, hoc est, desperationis auctori diabolo iam tradamur: & ille nos mittat in villā suam, hoc est, ad huius seculi illecebrosas conualles: mittat ad pascendos porcos, eos videlicet qui proni semper in terram vivunt ventri, & æstus carnis in volutabro luti temperant, in cœno premunt, refrigerant in gurgite vitiorum. Quod autem mercenarios suos mittat ad porcos, facit hoc insatiata crudelitas, quæ contenta non est homines criminosos fieri, nisi eos vitiorum duces, criminum faciat & magistros. Cum eos tales fecerit, non sinit eos ex ipso porcorum cibo, pastūque saturari: ut esurientes vitia plus delinquant, luxuriosos satietas capere non potest: voluptas nescit expleri. Unde nos cum bono patre simus, permaneamus apud genitorem piū: ut & diaboli laqueos possimus euitare, & bonis patris iugiter perfruamur. Profunda post scrutabimur: quia communioni & moribus plus debemus.

De eisdem.

Sermo III.

Luc. 15.

Filij luxuriosi abcessum, regressum, culpam, pœnitentiam percurramus hætenus sermone geminato: occursum modo patris, bonitatem patris, patris ineffabilem misericordiam prosequamur. *Surgens, inquit, venit ad patrem suum: cum autem esset longe, vidit illum pater suus, & misericordia motus est, & accurrit, & cecidit super collum eius, & osculatus est illum.* Surgens, venit ad patrem suum. Surrexit iste mentis & corporis de ruina: surrexit de profundo inferni, cæli alta contingens: apud cælestem patrem filius surgit plus de venia, quam corruit de reatu. *Surgens venit ad patrem suum.* Venit non gressu pedum, sed mentis incessu: longinquus terreni itineris non indiguit: quia compedia viæ salutaris inuenit. Diuinum patrem nescit viarum cursu quærere, qui fide quærens, mox sibi illum inuenit esse præsentem. *Surgens venit ad patrem suum: cum autem esset longe.* Quomodo longe est is, qui venit? quia nōdum peruenit. Iste qui venit, venit ad pœnitentiam, sed nondum peruenit ad gratiam: venit ad domum patris, sed nondum peruenit ad gloriam pristini vel habitus, vel honoris. *Cum autem esset longe, vidit illum pater suus.* Vidit pater ille, qui in altis habitat, & humilia respicit, & alta à longe agnoscit. *Vidit illum pater suus.* Pater vidit illum, ut & ille patrem posset agnoscere: patris visus illustravit filii venientis aspectum, ut tota fugaretur obscuritas, quæ circumfusa fuerat de reatu. Non sunt tā

psa. 112.

les tenebræ noctis, quales illæ sunt, quæ de cōfusione veniūt peccatorum. Audi Prophetam dicentem: Compræhenderunt me iniquitates meæ, & non potui videre. Et alibi: Iniquitates meæ grauatz sunt super me. Et post: Et lumen oculorū meorum non est mecum. Nox sepelit hesternum lumen, peccata sensum, animum membra confundunt. Nisi ergo cælestis pater redeuntis filii radiasset in vultu, & totam confusionis cōliginem respectus sui lumine sustulisset: nūquam diuini vultus vidisset iste filius claritatem. *Vidit eum de longè, & misericordia motus est* Mouetur misericordia, qui loco nō potest dimoueri, accurrit, non progressu corporis, sed pietatis affectu. *Mas. 12.* Cecidit super collum eius. Non lapsu viscerum, sed cōpassionis. Cecidit super collum eius. Vt erigeret sic iacentem. Cecidit super collum eius. Vt amoris onere, onus tolleret peccatorum. Veni te ad me, inquit, omnes qui laboratis & onerati estis. Tollite onus meum super vos, quia leue est. Videtis quia filius iuuatur istius patris onere, non grauatur. *Cecidit super collum eius, & osculatus est eum.* Sic pater iudicat, sic emendat, sic peccāti filio dat oscula, non flagellā. Delicta nō videt vis amoris, & ideo pater peccata filii redemit osculo, clausit amplexu: ne nudaret pater filii crimina, pater filium ne scdaret. Pater sic curat filii vulnera, ne filio cicatricem, nūuum filio ne relinquat. *Psal. 31.* Beati, inquit, quorum remissæ sunt iniquitates: & quorum testata sunt peccata. Si adolescentis huius factū displicet, horret abscessus: nos à tali patre nullatenus discedamus. Aspectus patris fugat crimina: expellit noxam: cunctam nequitiam & tentamenta propellit. Certe si abscessimus: si substantiā patris totam luxuriose dispersimus nos viuendo: si quicquid vscquam commisimus facinoris, & delicti: si ad impietatis præruptum totū, totā venimus ad ruinam: surgamus aliquādo, & ad talem patrem tali inuitati redeamus exemplo. *Cum autem videret eum, misericordia motus est, & accurrit, & cecidit super collum eius, & osculatus est illum.* Rogo quis hic desperationis locus? Quæ hic excusationis occasio? hic simulatio quæ timoris? Nisi fortè timeretur occursum: terret osculum: turbat amplexus: & capere ad vindictam, nō recipere ad veniam pater creditur, cum filium trahit manibus, claudit gremio, ligat lacertis. Sed hanc cogitationem debellatricem vitæ, salutis inimicam expugnant, nimis auferunt quæ sequuntur. *Dixit autem pater ad seruos suos, cito proferte stolam primam, & induite*

illum, & date annulum aureum in manu eius, & calceamenta in pedibus eius, & adducite vitulum saginatum, & occidite, & manducemus, & epulemur, quia hic filius meus mortuus fuerat, & reuixit: perierat, & inuentus est. His auditis adhuc moramur? adhuc non redimus ad patrem? Cito proferte stolam primam, & induite illum. Sustulit filii crimina, qui nō sustulit nuditatē: hinc est quod à seruis antè vestiri voluit filium, quàm videri: vt soli patri notā esset nuditas: quia pater solus videre filii nō poterat nuditatem. Cito proferte stolam primam. Pater hic, qui in secūdis esse nō passus est peccatorem, plus de venia, quàm de iustitia gaudium vult habere. Cito proferte stolam primam. Non dixit, vnde venis? fuisse vbi? vbi sunt quæ tulisti? quare tantam gloriam tanta turpitudine commutasti? sed, Cito proferte stolam primam, & induite illum. Videris, quia delicta non videt vis amoris. Tardam misericordiam pater nescit. Delicta qui discurrit, prodit. Et date annulum in manu eius. Paterna pietas contenta non est innocentiam reparare solam, nisi pristinum restituat & honorem. Et date calceamenta in pedibus eius. Quàm pauper rediit qui ditatus abscesserat, & de tota substantia calceamenta in pedibus non reportat! Date calceamenta in pedibus eius. Ne vel in pede remaneret deformitas nuditatis: certe vt calceatus anterioris vitæ rediret ad cursum. Et adducite vitulum saginatum. Communis vitulus non sufficit, nisi fuerit pinguis, nisi fuerit saginatus: vitulus pinguis testatur paternæ pinguedinem charitatis. Et adducite vitulum saginatum, & occidite, & manducemus, & epulemur: quia hic filius meus mortuus fuerat, & reuixit, perierat, & inuentus est. Historiam loquimur adhuc, & iam cogitamus arcanum nudare mysterium. Mortuus filius vituli suscitatur ex morte, & vnus vitulus totius familiæ funditur in saginam. Sed differendum est: vt senioris dolorem vetustum, vetustiore inuidiam prosequamur.

De eisdem,

Sermo IIII.

DE iunioris filii reditu & salute gaudentes, senioris flebiliter pandimus, & dolemus inuidiam, qui summum frugalitatis bonū extremo zeli malo perdidit, & liuoris. Erat inquit, filius eius senior in agro, & cum veniret, & appropinquaret domui, audiuit symphoniam, & choros, & vocauit vnum de seruis, & interrogauit quæ hæc essent. Isque respondit, frater tuus venit, & occidit pater tuus vitulum saginatum, quia saluum illum recepit. Indignatus,

est autem, & nolebat introire. Erat, inquit, filius eius senior in agro. Erat in agro terram percolens, se desertans, duritiam soluit cespitis, perdurat affectum, seces cradicat & gramina, stimulos inuidiæ non euellit. Sic in segete cupiditatis fructum zeli colligit, & liuoris. Et cum veniret, inquit, & appropinquaret domus, audit symphoniam & choros. Inuidum fugat symphonia pietatis, chorus charitatis excludit, & quem venire ad fratrem, & appropinquare domui, vocat ratio naturæ, hunc peruenire zelus non sinit, liuor non patitur introire. Inuidia malum ventustum, prima labes, antiquum virus, sæculorum venenum, causa funeris. Hæc in principio ipsum angelum eiecit, & deiecit de cælo. Hæc de paradiso hominem principem nostræ generationis exclusit. Ipsa hunc seniozem fratrem paterna secluserit è domo. Hæc Abrahæ progeniem, populum sanctitatis, ad auctoris sui cædem, ad mortem sui Saluatoris armavit. Inuidia intestinus hostis non carnis quatit muros, non elidit septa membrorum, sed in ipsam cordis arietat arcem: & antequam viscera sentiant, ipsam dominā corporis animam prædo capit, & adducit inclusam. Si ergo volumus cælestem mereri gloriam, si paradisi beatitudinem possidere, si æterni patris inhabitare domum, si volumus rei cælestis patricidii nō teneri peruigili fide, luce spiritus terras inuidiæ pellamus, & excludamus insidias, inuidiam totis armorum cælestium viribus comprimamus: quia sicut nos Deo iungit charitas, à Deo inuidia sic seiungit. Pater ergo illius egressus cepit rogare illum. Cor patris anxium variis arctatur moribus filiorum, & inter diuersos pignorum casus genitoris pietas stupefacta discurret, quia videt fratrem fratris reditu mox fugari, & salute alterius sibi alterum mox perire, ac mœrorem longum breui gaudio pensatum inuidiæ liuore turbati. O zeli tumor, duos non capit domus ampla germanos. Et quid mirum fratres? Fecit inuidia, fecit ut mundi tota duobus esset angusta fratribus latitudo. namque ipsa Cain iunioris crexit in mortem, ut esse solum zeli liuor faceret, quem primum fecerat lex naturæ. At ille respondens dixit patri suo, Pater ecce tot annis ser-

Gen. 4.

uio tibi. Sic sapit qui patris audet iudicare pietatem. Ecce tot annis seruo tibi. En patri filius nascendi beneficia qua seruitute compensat. Nunquam mandatum tuum praterini Hoc tibi non tua innocentia, sed patris venia dedit, quia multa charitate delicta filii maluit tegere, quàm nudare. Et nunquam

mihi dedisti hœdum, ut cum amicis meis epularer. Fratri inuidus animus gratus esse nō potest patri: & paternę largitatis memor non est, qui est fraternę immemor charitatis. Hœdū sibi datum negat, qui substantiæ partem totam tempore diuisionis accepit. Tunc enim cum frater iunior dari sibi substantiæ peteret portionē, pater ambobus totum fratribus mox diuisit: Euangelista dicente, *Et diuisit illis substantiam.* Sed inuidus simulat semper: mentitur inuidus semper. *Et nunquam mihi dedisti hœdum, ut cū amicis meis epularer.* Amicos paternos suos esse non computat, hos non amicos, sed extraneos credit: à quibus vidit in patris gratiam se amari. Sed posteaquā filius tuus hic qui deuorauit substantiam tuam cum meretricibus venit, occidisti illi vitulum saginatum. Hic rediisse fratrem dolet, non dolet periisse substantiam: nec damni causa queritur, sed liuoris, qui fratrem redeuntē de suo decorare debuit: non debuit de perdito sic fœdare. In filio est substantia patris tota: & ideo nil pater perdidit, filium cum recepit. Frater credidit dānum, qui rediisse conspicit cohæredem. Et quando inuidus non auarus, quando quicquid habet alter, se computat perdidisse? At ipse dixit illi, *fili, tu semper mecum es, & omnia mea tua sunt: epulari autem, & gaudere oportebat: quia frater tuus hic mortuus fuerat, & reuixit: perierat, & inuentus est.* O quid facit vis amoris: quantum malo filio non esse nescit, non esse non potest pater: videt filium degenerasse animo: videt paternę pietatis, paterni generis nil habere: & tamen nuncupat filium: suadet effectum ad gratiam, vel spem reuocat largitatis: dicendo, *Tu semper mecum es, & omnia mea tua sunt.* Hoc est dicere: Patere filium rediisse patri: perimite patri filiū suscepisse: nec ille aliud quàm patrem quæsiuit, qui veniens non filii, sed loco mercenarii voluit collocari, dicens: *Pater peccaui in celum, & coram te: & iam non sum dignus vocari filius tuus: fac me sicut unum de mercenariis tuis.* Sint tibi omnia, illi sufficit pater: & ne quid tibi de præsentibus, de veteribus existimes imminutum: illi noua, & futura perquiram. Certè si consilium patris sequeris, & præceptum, participa præsentia cū fratre: ut cum ipso tibi communia sint futura. Gaude ergo, & inuentum gaude: ut ille te gaudeat non periisse. Sed iam sermonem historicum concludamus, ut postea quę sunt mystica, quę profunda, Christo reuelante pandamus.

*De eisdem,**Sermo v.*

CAllidi debitoris est & inuerecundi, sepe pacta non soluere & patientissimum creditorem longa & artificio cavillatione protelare. De abscessu, de reditu luxuriosi filii. Quintus est hic sermo nobis, qui historicum sensum, sicut promissimus ad mysticā & singularem deitatis intelligentiā conabitur attollere. Vos orate, ut quia in tanto credito sum minus per me idoneus debitor, per Deum vobis idoneus solutor existam. *Homo quidam habuit, inquit, duos filios.* Posteaquam Christus nostrę carnis suscepit oves, & Deus induit exuuias humanas, veraciter se Deus hominem vocat, dominus patrē verē se duorum nuncupat filiorum, quia humanitati permixta deitas, deitati cōsociata pietas, miscuit hominem & Deū: quę dominum vniuit in patrem. Hic ergo homo, Pater hic, duos filios habuit cōditoris pontificio, non necessitate generantis: duos filios habuit, quos nō emeruit esse, sed iussit: quia Christus sic in oculis nostris fuit homo: ut Deus semper in maiestatis suę maneret arcano. *Duos filios habuit.* Duos scilicet populos, Iudaicum, Gentilemque: sed Iudaicū seniorē prudentia legis fecit, Gentilem paganitatis stultitia reddidit iuniorem. Quia sicut sapientia dat canos, ita quicquid viri est tollit insipientia. Hunc ergo iuniorem mores pręstitere, non etates, seniore illum non tempora fecerunt esse, sed sensus. *Et dixit, inquit, adolescēti ex illis patris: Pater da mihi portionem substantiæ quę me contingit.* Cognito rem peccatoris non voce petit iste, sed voto, quia à Deo bona, malā ue reportat, propria voluntas in nobis. Denique iste cum patre possessor totius sortis, ad partem propria voluntate peruenit, dicendo, *Da mihi portionem substantiæ quę me contingit.* Et quę est ista portio? quę est? Habitus, Sermo, Scientia, Ratio, iudicium, quę hominem prę ceteris animantibus in terrena habitatione contingunt, hæc est, iuxta Apostolum, lex naturę. Et ideo diuisit illis substantiam, dando iuniori quinq; ista, quę diximus, beneficia naturę, seniori quinq; legis libros diuinitus inscribendo, per quę substantia impar merito, numero par esset, humanum teneret ista ordinem, diuino illa subsisteret instituto, vtraque tamen lex filios vtrosque ad notitiā patris perduceret, ad reuerentiā sui seruaret authoris. *Et non post multos dies, inquit, congregatis adolescenti omniū peregrī profectus est in regionem longinquam.*

*Luc. 15.**Rom. 2.*

Et ibi dissipauit substantiam suam viuendo luxuriose. Diximus iuniorē non tempora fecisse, sed motes: & ideo dixit, *Non post multos dies.* Quia tūc principio ipso mundi festinauit gentilitas ad idolorum patriam: ad longinquam diaboli regionem animo est peregrinata, non loco: & per elementa vanis est peruagata cogitationibus, nec non est corporeis moribus iactata per terras: nanque coram patre sine patre erat: & cū in se esset non erat secum. Hinc est quod luxuriosus per desiderium sæcularis eloquentiæ, per scholarum lupanaria, per triuia sectarum, dissipauit Dei patris dementi disputatione substantiam. Et cum consumpsisset coniecturis quicquid erat sermonis, scientiæ, rationis, iudicij, egestatem summam, famem magnam cognoscendæ veritatis miserimus sustinebat: quia philosophia quærendæ diuinitatis induxit laborem: veritatis inueniendæ fructum cōtulit nullū. Hinc est quod adhærebat primario regionis illius, à quo mittebatur in istud sæculum, hoc est in vnam multarum superstitionum villam: vt pasceret porcos, id est dæmones, qui dicunt domino, Si eiicis nos, mitte nos in porcos. Vt pasceret dæmones thure, victimis, sanguine, falsarum responsionum mercedē p̄ tali labore relaturus. Occidebatur pecus: vt quod viuum nil scierat, diuinaret occisum: & loqueretur ex fibris mortuum, quod nunquam fuerat ore prolocutum. Verum cum nil diuinum, nil salutare profuturum, nil gentilis inueniret in talibus: desperans de Deo, de prouidentia, de iudicio, de futuris, ab schola ad ventris se deponebat ingluuiem, cupiens saturari de siliquis, quas porci manducabant. Hoc norunt Epicurei: qui cum Platonicas & Aristotelicas percurrerent scholas, nullāque illic aut diuinitatis, aut scientiæ inuenirent disciplinam, Epicuro se tradunt vltimo, desperationis & voluptatis auctori. Et manducāt siliquas, hoc est voluptatibus corporis malè dulcibus inhiant, & pascunt dæmones qui semper corporum vitiis saginantur & sordibus: quia sicut domino qui se iungit, vnus spiritus est: ita qui se iungit diabolo, est dæmon vnus. Sed hic iunior quamuis cuperet, nō tamen saturabat de siliquis istis ventrem suum. Quare? quia nemo illi dabat. Diabolus quidem volebat per tamē scientiæ, per voluptatum difficultatem, Gentilem reddere audiorē ad illicita perquirenda, ad perpetranda delicta: sed Deus pater ideo permisit venire Gentilem, vt erroris occasio salu

Matth. 23.

1. Cor. 6.

Matth. 6.

tis fieret argumentum: namque diabolus sic reliquit, ut per-
 deret: & Gentilem sustinere passus est famem, ut rediret. Re-
 dit autem ad patrem, & clamat, *Pater peccavi in cælum, & coram*
te. Rediisse iuniorem ad domum patris, & clamare Deum pa-
 trē vox ecclesiæ quotidiana testatur: quæ dicit, *Pater noster* *Matt. 6.*
qui es in cælis. Peccavi in cælum, & coram te. Peccavit in cæ-
 lum, dum in cælo Solem, Lunam, Sidera, deos esse blasphem-
 mat: & hæc eadem profanat adorando. *Et iam non sum dignus*
vocari filius tuus, fac me sicut unum de mercenariis tuis. Hoc est di-
 cere, quia non mereor iam filij gloriam, vel veniæ consequar
 pro mercenario labore mercedem. Et cui honor sobolis pe-
 rit, saltem vitalis maneat in quotidiano pane substantia. Sed
 pater occurrit, & occurrit longè. Cum adhuc impij essemus,
 Christus pro nobis mortuus est. Occurrit pater, occurrit in
 filio, cum per ipsum de cælo descendit, & peruenit ad terras.
 Pater, inquit, qui me misit, mecum est. *Cecidit super collum eius.* *Iob. 2.*
 Cecidit, cum per Christum diuinitas tota nostra decumbit,
 & incumbit in carne. *Et osculatus est eum.* *Psal. 84.* Quando? quādo mi-
 sericordia & veritas obuiauerūt sibi: iustitia & pax osculate
 sunt se. *Dedit stolam primam.* Illam quam Adam perdidit im-
 mortalitatis gloriā sempiternam. *Posuit annulum in manu eius.*
 Annulum honoris, titulū libertatis, in signe pignus spiritus,
 signaculum fidei, aram cælestium nuptiarum: audi Aposto-
 lum, *Desponsauit vos vni viro virginem castā exhibere Chri-* *2. Cor. 11.*
sto. *Et calceamēta in pedibus eius.* Ut essent calciati pedes in præ-
 dicatione Euangelij, ut essent beati pedes Euangelizantium *Ephe 6.*
 pacem. *Et occidit ei vitulum saginatum.* Illud de quo David can-
 tabat, Et placebit Deo super vitulum novellum cornua pro-
 ducentē, & ungulas. Occiditur patre vitulus sic iubēte, quia
 Christus Deus Dei filius occidi sine patris voluntate non
 poterat: audi Apostolum, *Qui proprio filio non pepercit,* *Rom. 8.*
 sed pro omnibus nobis tradidit illum. Hic est vitulus qui
 in epulum nostrum quotidie ac iugiter immolatur. Sed fra-
 ter senior, sed senior filius veniens ex agro, populus legalis,
 messis quidem multa, operarij autem pauci: audit in domo *Luc. 10.*
 patris symphoniam, audit choros, & introire non vult. Hoc
 quotidie oculis nostris intuemur. Nā venit Iudæus ad do-
 mum patris, id est, ad ecclesiam, stat foris per inuidiam, au-
 dit Davidicam citharam personare, audit ex concentu Pro-
 phetico symphoniam, ex populorum vario conuentu cho-

ros audit, & introite non vult per inuidiam stans foris. Dum gentilem fratrem pristinis iudicat & hortet ex moribus, ipse paternis bonis se eximit, ipse se paternis excludit gaudiis. Quod autem dixit, *Eccet tot annis seruo tibi, & nunquam mandatum tuum praterui, & nunquam dedisti mihi hædum.* Tacendum potius, quàm loquendum esse iam diximus, quia Iudæus loquitur: & non facientis verba sunt, sed tumentis. Pater egreditur, & dicit filio, *Fili, tu semper mecum es.* Quomodo? per Abel, per Henoch, per Sem, per Noë, per Abraham, per Isaac, per Iacob, per Moysen, per omnes sanctos, per quos Iudaica generatio in Euangelio lecta deriuatur, cum dicit, Abraham genuit Isaac, Isaac genuit Iacob. Et omnia mea tua sunt. Quemadmodum? quia tibi lex, tibi prophetia, tibi templum, tibi sacerdotium, tibi sacrificia, tibi regnum, tibi munera, tibi (quod est super omnia) natus est Christus. Sed quia tu per inuidiam perdere vis fratrem, paternas epulas, patris gaudia dignus es non habere. Angusto sermone res latissimas, non ut volumus, aperire potuimus: sed scientiæ vestræ, intellectui vestro lata sunt, quæ in sermone nostro videntur angusta. Non sit hæc ingrata, simplex, & inculta collatio, quæ nos res mysticas & excelsas non narrare, non declarare, sed aperire compulit, & explanare.

In Psalmum

XCIX.

Sermo. VI.

Quoniam redeunte filio iuniore familia tota choros egit, caelestem cecinit symphoniam, conuenit & nos hodie psalmum sumere, dare tympanum, ponere organum, citharam tangere, & ad tantam Dei patris gaudium melodiam Dauidicam personare. *Iubilate Deo, inquit, omnis terra.* Quid est, quod intelligentia huius exultationis inquit? Quid est, quod post tanta deitatis, tam terribilia, tam mirifica præcepta terra nunc vocatur, & inuitatur ad iubilum? *Iubilate, inquit, Deo omnis terra.* Quid est, quod posteaquam terribilis? Deus mirissimi pastoris elegit officium, personam pastoris inquit: Ut vagos populos, palantes plebes, dispersas longè, lateque gentes, velut errantes oues in vnum pastor misericors congregaret, immo ut nationes feras, prædam mortis, carnis cibum, potum sanguinis, bestiarum furorem sitiētes, ad usum lactis, ad cibum graminis, ad ouum totam duceret & redderet lenitatem, terræ omni pastoralem mandat, & imperat disciplinam, dicendo, *Omni terra iubilate Deo.* Sicut militem tuba

terribilis producit ad bellum, sic oues ad pascua dulcedo iubilationis inuitat. Bellandi ergo fremitum pastoralis lenitate mitigare conuenit, vt gentes tam mitis gratia saluaret, quas diu peremerat feritas naturalis. Quod autem pastoralis bonus esset reditus, ad terras veniret Christus, clamauit ipse hodie. Ego sum pastor bonus. Pastor bonus animam suam ponit pro ouibus suis. Hinc est quod adiutores, quod socios ad curam totius orbis ipse magister inquirat, dicendo, *Iubilate Deo omnis terra.* Hinc est quod oues suas Petro vice sua vt pasceret ad cælum remeaturus commendat. Petre, inquit, amas me? pascere oues meas. Et vniuia redditus primordia nõ cogeret potestate, sed pietate portaret, reperit, Petre amas me? pascere agnos meos. Commendat oues, ouium commendat germinalia, quia fecunditatem gregis sui pastor præscius nouerat iam futuram. Petre amas me? pascere agnos meos. Istis agnis collega pastoris Petri Paulus pio pastu plena lactis vbera porrigebat, dicendo, Lac vobis potum dedi, non escam. Sensit hoc Rex beatus: & ideo pro balatu clamat, Dominus pascit me, & nihil mihi deerit, in loco viridi ibi me collocauit, super aquam refectiois educavit me. Post iuges ergo bellorum gemitus, post tristem sanguinis vitam euangelicæ pacis ad pascua iam redeunti versiculus sequens lætitiā annunciat seruituti. Erat homo peccati seruus, erat captiuus mortis, erat mancipium demonum, erat idolorum vernula, erat vitiorum verbero, erat criminum compeditus. Sic malis dominis talibus, tantisque exhibebat homo malam & miseram seruitutem. Quando homo non sub peccato tristis? Quando non sub morte lugens? Quando non sub demonibus pallens? Quando sub idolis tremens? Quando non sub vitiis suspectus? Quando non sub criminibus desperatus? Et ideo homo dabat extrema suspiria, quando tales, tam crudeles dominos sustinebat. Propheta ergo videns nos à talibus liberatos, & reuocatos ad obsequium creatoris, ad patris gratiam, ad vnius boni domini liberam seruitutem, merito exclamat, *Servite domino in lætitia, intrate, inquit, in conspectu eius in exultatione.* Intrate non loco, sed corde. *Intrate in conspectu eius in exultatione.* Quia quos eiecerat reatus, quos expulerat conscientia, gratia reducit, intromittit innocentia. *Intrate in conspectu eius in exultatione.* Qui ingreditur in conspectu eius in exultatione, est à reatu liber, est de præmio

Ioh. 10.

Ioh. 17.

I. Cor. 3.
Psal. 22.

persecutus. Tamen quid est quod hortatur? quod suadere nititur hic Propheta? *Intrate in conspectu eius in exultatione.* Quis in conspectu Dei liber? diuinis in oculis quis mentitur? Quis exultans ante terrorem maiestatis supernæ? Archangeli tremunt, pauent angeli, potestates metuunt in faciem cali prouocant seniores: elementa fugiunt, soluuntur axa, montes defluunt, terra tremit, & homo terræ quam intrepidus intrabit? & adhuc consistit exultans? unde est quod Propheta hoc nos debere facere sic præsumit? unde est? Ex eo quod sequitur. *Scitote, inquit, quod dominus ipse est Deus.* Quia dominus ille Deus est, qui fuit in carne nostra posillus: hinc est quod ille Dominus Deus est, qui fuit in cunabulis nostris capax: dulcis in gremio, mitis in habitu, in nostro cõtubernio blãdus. Et ideo, *intrate in conspectu eius in exultatione.* Quia totum pauorem diuinitatis, totum metum iudicis in habitum nostrum dedit, prouidenti locauit aspectu: vt ingressus nõ pœnas iudicis metuat, sed parentis præsumat amplexũ. Et quomodo non exulet, qui genitorem reperit, quem timuerat cognitorem? *Intrate in conspectu eius in exultatione: scitote quod dominus ipse est Deus, Ipse fecit nos, & non ipsi nos.* Inanis est patris, matrisque labor, nisi in germine affuerit opus, & auctõritas conditoris. Manus tuæ, inquit, fecerunt me, & plasmauerunt me. Et alibi, Tu formasti me, & posuisti super me manum tuam. Ergo quod nascimur, quod sumus, non debemus ipsi nobis: quia totum debemus auctori. *Nos autem populi eius, & oues pascuæ eius.* Probatum est in prouerbiis sapienimè: quia cœlitus venerit pastor, qui errantes oues, & lethali gramine fauciatas, superno iubilo vitalia reuocaret ad pascua. *Intrate, inquit, portas eius in confessione.* Sola est confessio quæ nos fidei facit introire per ianuam. *Atria eius in hymnis: confitemini illi, laudate nomen eius.* Diximus, quod nobis esset iam positus intra domum patris, assumenda cœlestium canticorum spiritalis symphonia: vt sit nobis in ingressu confessio, sint in atris hymni, sit laus in penetralibus, vbi tota deitatis inhabitat plenitudo. *Confitemini illi, laudate nomen eius. Confitemini illi, quia Deus est. Laudate nomen eius.* Per quod saluati sumus: & in quod cœlestis, terrestis, infernâque, genu flectit, & diligit Dominum Deum creatura. *Quia suauis est dominus.* Unde? quia *In æternum in misericordia eius.* Verè suauis est per misericordiam, per quam solam totius mundi amarissimam

dignatus est auferre sententiam. Ecce agnus Dei, ecce qui tollit peccata mundi. Et usque in seculum seculi veritas eius Deus enim salua veritate miseretur: qui sic dat peccatis veniam, ut iustitiā in ipsa miseratione, rationēque custodiat: qui est benedictus in secula seculorum. Amen.

In illud Matth. I. Cum ieiunatis, nolite fieri sicut hypocrite tristes, etc. Et de hypocrisi.

Sermo.

VII.

VBI Deus dominum mutauit in patrem, voluit charitate magis quam potestate regnare: & amari maluit, quam timeri: paterno monuit affectu: ne quid nobis de labore iustissimo deperiret. Euangelista sic ait, *Cum ieiunatis, nolite fieri sicut hypocrite tristes: exterminant enim facies suas, ut videantur ab hominibus ieiunantes. Amen dico vobis perceperunt mercedem suam.* Hypocrisis subtile malum, secretum virus, venenum latens. virtutum focus: tinea sanctitatis. Aduersa omnia vituntur viribus suis, armis suis pugnant, impugnant palam: vnde & cauentur tam facile, quam videntur Hypocrisis secura simulat, fallit prospera, curiosa mentitur: & crudeli arte virtutes truncat mucrone virtutum, ieiunium ieiunio perimit, oratione orationem euacuat, misericordiam miseratione prostermit. Hypocrisis cognata febris frigido populo propinat ardorem. Quod corporibus est hydrops: hypocrisis, animabus: hoc est hydrops bibendo sitit, hypocrisis inebriata sitit. *Exterminant enim facies suas, ut videantur hominibus ieiunantes.* Hypocrisis dum cupit captiuare oculos, oculis sit ipsa captiua. *Exterminant enim facies suas.* Et si facies exterminatur, ornamentum corporis quod manebit? Verē sicut dominus dixit, Si lumen quod in te est tenebræ sunt: ipsæ tenebræ quantæ erūt? Hypocrita: sit licet tibi facies inculta, neglecta cutis: tristis vultus: exterminatus aspectus: nec ab hominibus inuenisti laudem: & apud Deum fructum ieiunii perdidisti. Hypocrita: elaborasti ieiuniis: ut labor tibi ieiunii non prodesset. Hypocrita abstinentiæ fluctus intrasti: continentiae conscendisti vndas: enatasti ieiunii pelagus: & in ipso portu ieiunii naufragasti: quia non comparasti lucrum: sed mercatus es vanitatem: qui de Dei credito humanum negotiū perfecisti. Hinc est quod Deo redditurus es rationē: quæ ab hominibus percepisti miserę fraudis vsuram. Fratres fugiendū est virus: pestilentia cauenda: quæ de remediis creat morbos: conficit de medecina languorē: sanctitatem vertit in crimē,

Matt. 6.

placationem facit reatum, generat de propitiatione discrimen. Hypocritam qui fugerit, vincit: qui incurrerit, cadit. Fugiamus hypocrisim, fugiamus fratres: sit nostrum de simplicitate ieiunium, de innocentia sit sanctum, de puritate purum, de sinceritate sincerum, sit hominibus occultum, ignotum diabolo, Deo notum. Thesaurum qui non abscondit, prodit: virtutes proditæ non manebunt. Virtutes sicut proditores suos deserunt: sic suos instant custodire custodes. Ergo ieiunium quod contra vitia prima virtus est nobis, in arce peccatoris collocetur: quia illo in interioribus præsidente, vitia nos, quare in exterioribus non valebunt. Hoc Christus vt Christianus habere possit, hortatur cum dicit, *Tu autem cum ieiunas, vnge caput tuum, & faciem tuam laua: ne videaris hominibus ieiunans: sed patri tuo qui est in abscondito, & pater tuus qui videt in abscondito, reddet tibi.* Cum dicit, vngue caput tuum, & faciem tuam laua: non vt coma capitis illecebroso redundet vnguento, sed rursus magister iniungit, neque faciem nitescere solito vultuacro: sed habitu prædentis vultu celari ieiunium Christiano, quia Christianum vindicare non vult artifici mœrore ieiunium. Sed ad cœpta redeamus. *Vnge caput tuum, & faciem tuam, laua: ne videaris ab hominibus ieiunans: sed patri tuo qui est in abscondito.* Sic non voluptuosos indulget aspectus, sed vultus qui simulantur excludit: facies mœrore deicicta inuitat famam non ieiunium voluntarium profitetur. Si vult, quare tristis? Si non vult, ieiunus quare? Merito tali pœna viuunt, qui sibi faciunt de virtute vitium, mendaciam de veritate, de mercede dispendium, de remissione peccatum. Agricola si non impesserit cultrum: si sulcum non defoderit: si non exciderit sentes: si gramina non euulserit, si in tuto semina non locarit, sibi mentitur, non terræ, nec terræ facit damnum, sed sibi non facit fructum, & ita se vacuat, ita decipit, impugnat ita, qui terræ manu fallaci mœritur. Quid faciet? quid habebit? quid inueniet? qui deo, esuriente carne, hypocriti luxuriante, mentitur? quia agricolæ fecimus mentionem, sciat ille sustinere se laborem incassum se nil habiturum, qui premes ieiunii aratrum, & abscindens gulæ gramina, atque eradicans luxuriæ sentes, misericordiæ semina nulla iactauerit. Hoc dominus aperire voluit, qui de ieiunio docens, mox ista subicit. *Noli te thesaurizare vobis thesauros in terra, ubi arugo & tinea demolitur, & ubi fures effodiunt, & furantur. Sed thesaurizate vobis the-*

sauros in cælo: ubi neque arugo, neque tinea demolitur: & ubi fures nō effodiunt, nec furantur. Quid tam paternum? quid sic veniens de amore? quod tam prouidum de charitate cōsiliū? nihil tibi perire vult, qui tua in thesauris cœlestibus vult reponi. Quā securus dormit, qui deum suorum meruit habere custodem: quā nescit curas: quā deponit angōres: quā nō est anxius: quā seruorum caret fastu, qui sua patri seruanda committit. Quomodo paterna seruat affectio, timor non potest sic seruare seruilis: pater cum dat sua filiis, nō minuit cōmēdata filiorū. Quid sit pater nescit: nescit se filium, qui nō credit patri. Tineam nō excludunt claustra, sed claudunt, & generāt, non repellunt: rubiginem nutriunt seruata, nō vitāt: quia quod de re nascitur, nō vitatur. Vbi est necessitas, fures deesse nō possunt. Qui ergo inter tineas, rubiginē, fures, sua ponit: exponit quæ sua sunt, non reponit. Sicut de vestimēto tinea, rubigo de metallo, de necessitate fures nascūtur: ita de diuitiis auaritia, cupiditas de quæstu, de habendo habēdi ardor acquiritur. Qui ergo vult auaritiā vincere, diuitias pro roget, nō reponat. Præmittamus fratres thesauros nostros in cœlum: sint vectores pauperes, qui possunt sinu suo quæ nostra sunt ad superna portare. Nemo de fraude dubitet baiulorū: tuta est ista transuectio, per quam nostra ad deū deo fideiussore portantur: cui est omnis honor & gloria, virtus & imperium, & gratiarū actio in omnia sēcula sēculorū. Amē.

De ieiunio & elemosyna.

Sermo VIII.

Gubernator prudēs à litore cum nauim soluit, cum mare transitorus intrat fluctus, domus, patrię, cōiugis, pignorū, curas deponit: & ita totus mente, corpore, sensu, nauitricis laboribus occupatur, vt & fluctuum possit superare discrimina, & stationem lucrosi portus periculi victor intrare: Sic nos fratres ingressi iter abstinentię ieiunii pelagus, quadragesimę viam, nauim corporis nostri soluamus à litore mundano: secularis patrię renunciemus curis: in crucis arbore tota mentis vela tendamus: virtutum funibus, sapiētiz remis, gubernaculis disciplinæ, nauigii nostri muniamus incessum, & subducti terris speculemur cœlū: vt ducatu signorum cœlestium inter liquidos calles latentis vię inoffensum tramitam tenere possimus: ac sic gubernante Christo, flante spiritu sancto, euctis voluptatum spumis, superatis vitiorū fluctibus, decursis criminum procellis, transuectis scopulis

peccatorum, atque omnium delictorum naufragiis euitatis, Paschæ portum, lucrum vitæ, gaudia resurrectionis intremus. Verum quia percipos nudos, per falsos vortices, per incertas solitudines, acturi sumus viam, nobis tota est elcæ & potus portanda substantia, imponamus abundantem misericordiam nostræ sitarchiæ profuturam. Fratres esurit ieiunium, ieiunium sitit, quod non pietatis cibo pascitur, quod potu misericordiæ non rigatur. Alget ieiunium, ieiunium deficit, quod non eleemosynæ vellus tegit, quod non miserationis operit vestimentum. Fratres, quod est terris ver, hoc misericordiam scimus esse ieiunio. Sicut verni flatus tota facit germina florere camporum, ita misericordia toto ieiunii semina producit in florem, in cælestem messem totam ieiunii facit fructificare virtutem. Quod oleum lucernæ est, hoc ieiunio pietas, sicut lucernæ lumen olei pinguedo succendit, & moderato pastu facit illud ad totius noctis solatium perlucere, sic pietas facit splendere ieiunium, & ad totam radiare continentiae claritatem. Quod diei sol est, hoc eleemosyna noscitur esse ieiunio. Sicut iubar solis clariorem perficit diem, & totam nubium dispergit obscuritatem, sic eleemosyna ieiunii sanctificat sanctitatem, totamque cupiditatis mortem lumine pietatis excludit. Ac ne multis immorer, quod est anima corpori, ieiunio largitas hoc habetur. Sicut enim mortificatur corpus à corpore, anima cum recedit, ita mors est ieiunii largitatis abscessus. Est quidē ieiunium vitiōrū mors, vita virtutum. Est ieiunium pax corpori, mēbroiū decus, ornamentum vitæ. Est ieiunium robur mentium, vigor animarum. Est ieiunium castitatis murus, pudicitiae propugnaculum, ciuitas sanctitatis. Est ieiunium schola meritōrū, magisterii magisterium, disciplinarum disciplina. Est ieiunium ecclesiasticæ viæ viaticum salutare. Est ieiunium inuictus Christianæ militiæ principatus. Sed in his virtutibus ieiunium tunc viget, tunc vincit, tunc triumphat, cum duce misericordia pugnat. Misericordia & pietas ieiunii sunt alæ, per quas tollitur, & portatur ad cælum, sine quibus iacet, & volutatur in terra. Ieiunium sine misericordia simulacrum famis est, imago nulla est sanctitatis, sine pietate ieiunium occasio est auaritiæ, non est propositū parcitatis, quia parcitas ista quantum siccat in corpore, tantum tumescit in sacculo. Ieiunium sine misericordia non est veritas, sed figura, ubi autem misero-

ricordia, ibi & veritas: probante Propheta cum dicit, Misericordia & veritas obuiauerunt sibi. Ieiunium sine misericordia nō est virtus, sed hypocrisis, dicentē domino, Vos autem cum ieiunatis, nolite fieri sicut hypocritæ tristes, extermināt enim facies suas, vt videantur ab hominibus ieiunātes. Qui non ieiunat pauperi, Deo fingit, qui ieiunans prādium suum non erogat, sed reponit, cupiditati probatur ieiunare, non Christo. Ieiunantes ergo fratres prandium nostrum reponamus in manu pauperis, vt seruet nobis manus pauperis, quod venter nobis fuerat perditurus. Manus pauperis Abraham sinus est, vbi quicquid pauper acceperit, mox reponit. Thesaurus cæli est manus pauperis, quod suscipit ne in terra pereat, reponit in cælum, Thesaurizare, inquit, vobis thesauros in cælo. Manus pauperis est gazophylacium Christi, quia quicquid pauper accipit, Christus acceptat. Da ergo homo pauperi terram, vt accipias cælum. Da nummum, vt accipias regnum. Da micam, vt accipias totum. Da pauperi, vt des tibi, quia quicquid pauperi dederis, tu habebis, quod pauperi non dederis, habebit alter. Clamat deus, Misericordiam volo. Qui quod vult Deus Deo negat, à Deo sibi quod desiderat, vult negari. Misericordiam volo. Homo petit Deus, sed tibi, non sibi. Misericordiam volo. Humanam misericordiam petit, vt largiatur diuinam. Est in cælis misericordia, ad quam per terrenas misericordias peruenitur. Domine, inquit, in cælo misericordia tua. Dicturus causam in iudicio Dei, patronam tibi misericordiam, per quam liberari possis, assume. Qui de patrocinio misericordiæ certus est, de venia sit securus, de absolutione non dubitet Misericordia non solum causam præuenit, anticipat cognitorem, sed etiam sententiam reuocat, absoluit addictos. Quod Ninuitæ probant, quos iam sententiæ subiectos, pœnæ traditos ad victimam stantes, morti deditos, misericordia sic rapuit, sic tenuit, sic præuenit: vt maluerit deus deduci sententiam, ne misericordiæ quid negaret. Stabat quidē & tunc pro causa ieiunium, aspergebat cineres, sternebat ciliciū, dabat gemitus, fundebat lachrymas, & quod nō poterat excusare verbis, luctibus temperabat: sed non valuīt mutare sententiam, nisi perorans misericordia subuenisset. Misericordia & peccatores liberat, & restituit sanctos: qui nisi affuisset misericordia, etiam Dauid cum adulterat, amiserat prophetiam: &

Mat. 6.

Osee. 6.

Psal. 35.

Iona. 3.

2. Re. 11.

Mat. 26. Petrus cum negat, apostolici ordinis perdiderat principatū: & Paulus cum blasphemat, remanserat persecutor: fatetur hoc Paulus cum dicit, *Qui primus blasphemus fui, & persecutor, & iniuriosus, sed misericordiam consecutus sum.* Fratres per misericordias pauperum misericordiam paremus, ut possimus esse de pœna liberi, de salute securi. Beati, inquit, misericordes, quia ipsi misericordiam consequentur. Gratis misericordiam sperat ibi, qui hic non fecerit misericordiam. *Qui facit misericordiam, currit ad præminum, qui non facit misericordiam, decurrit ad pœnam.*

In illud Matthæi, Attendite ne iustitiam vestram faciatis coram hominibus, &c. Et de elemosyna.

Sermo IX.

Mat. 6. **A**git nobiscum Deus, agit in hoc sæculo, ne quid nobis percat in futuro, sicut ex ipso lucet principio lectionis. *Attendite, inquit, ne iustitiam vestram faciatis coram hominibus, ut videamini ab eis: alioquin mercedem nec habetis apud patrem vestrum qui in cœlis est.* Et quomodo quod sit ab hominibus coram hominibus non sit? patentis iustitiæ latet sensus, publici operis quod secretum? *Qui potest celare radios solis, iustitiæ poterit occultare fulgorem.* Iustitia lux rerum consiliis non velatur obscuris. Iustitia cum sibi facto claret, omnes illustrat exemplo. Et quid est quod eam Dominus coram hominibus fieri non vult, per quam statim capiunt res humanæ? Et ubi est illud? Sic luceat lux vestra coram hominibus, ut videant opera vestra bona, & glorificent patrem vestrum qui in cœlis est. Quomodo iustitiam vult celare, cuius opera vult sic elucere? Fratres hic præceptio cœlestis vult iactantiam tollere, auferre pompam, vanitatem demere, sunt mouere inanem gloriam, sic iustitiam vult celare. Iustitia quæ per se sibi abundat ad gloriam, spectaculum populi, vulgi laudes, fauores hominum, mundi gloriam non requirit, à Deo genita cœlum spectat, in oculis agit diuinis, super his virtutibus mixta semper à Deo solo ut glorificetur expectat. Sed hæc est iustitia, quæ ex Deo est, illa verò iustitia quæ est hypocrisis, iustitia non est, mentitur oculis, fallit aspectum, videntibus illudit, decipit audientes, seducit turbas, trahit populos, famam vedit, emit clamorem, fit sæculo, Deo non fit, mercedem rapit præsentem, præmium non quaerit in futuro, cæcat oculos, cæca ipsa non videns vult videri,

propter quam excitatem Christus presenti sic inchoat in præcepto. *Attendite. Hoc est, ne gestiatis attendi. Ne iustitiam vestram faciatis coram hominibus. Quare? Ne videamini ab eis.* Et si visi fueritis: quid? *Mercedem non habetis apud patrem vestrum qui in calis est.* Fratres, hic Dominus non iudicat, sed exponit, pandit cogitationum dolos, secreta mentium nudat, iniuste iustitiam tractantibus modum iustæ retributionis indicit. Iustitia quæ se humanis oculis locat, diuini patris non potest expectare mercedem, voluit videri, & visa est: voluit hominibus placere, & placuit, habet mercedem quam voluit: præmium quod habere noluit, non habebit. *Qua verò de causa sint hæc præmissa, ex sequentibus audiamus.* Cum facis eleemosynam, noli tuba canere ante te: sicut hypocrite faciunt. Bene tuba, quia latis eleemosyna hostilis est, non ciuilis, non misericordix dedita, sed clamori: seditionis vernula non alumna pietatis: ostentationis mundinatio, non commercium charitatis. Eleemosynam quisquis ostentat, insultat. Tu, inquit, cum facis eleemosynam, noli tuba canere ante te: sicut hypocrite faciunt in Synagogis, & in vicis, ut glorificentur ab hominibus. Amen dico vobis receperunt mercedem suam. Audistis quemadmodum notat eleemosynam in conuentu, in plateis in triuiis, non impensam ad leuamen pauperum, sed hominum propositam ad fauorem, ut præbentur misericordiam vendere, non donare. Fugienda est hypocrisis, fugienda fratres, quæ captiua gloriæ verecundiam pauperum non eleuat, sed fatigat: quæ de gemitu inopis pompam suæ gloriæ inquisitionis inquirat, quæ suam laudem dilatat pauperis ex dolore, quæ de miseria petentis famam suæ ostentationis expandit. Sed dicie aliquis, Ergo in conuentu, in plateis, in triuiis, neganda est misericordia? non præbendus est victus? Plane, & in omni loco, & in omni tempore facienda est misericordia, præbendus est victus, nuditas est tegenda: sed sic quomodo docuit misericordix author, ut misericordia non terre sit nota, sed celo: non hominibus insinuada, sed Deo. In plateis, in triuiis suum pietas habet secretum: è contrà platea, triuium est, cum in secreto facit hypocrita nil secretum. Fratres, Deus monendo sic vota culpat, non loca: sensum, non opera studium, non datorem arguit largientem ad suam famam, non ad pauperis famam: iudicat non ubi facias, quando facias, sed qualiter facias: quia Deus de cordibus, non de

Mat. 25.

manibus facta metitur: & de sensu, non de locis operum colligit qualitatem. Misericordiam coram se solum vult fieri, qui solius est misericordiae, & remunerator, & testis, & qui dicit: Esuriui, & dedistis mihi manducare. Vult in paupere sibi dari: & qui vult sibi dari, vult quod datum est se debere: & qui vult se debere quod datum est, vult largientibus nil perire. Deus parua poscit, maxima redditurus. Unde homo si in paupere Deo sceneras, testes homines non requiras: fides arbitros non requirit. De accipientis fide disputat, qui sine meditantibus nil dat: qui credita diffamat, vrit verecundia debitorem. Ergo homo daturus Deo, da secretò: vt quod dederis, non sit oneris, sed honoris. Ob hoc ad te venit tuus dator in paupere, vt cum non dubites accepta reddere, qui tibi gratis dedit habere quod dares. Quàm verò in paupere sit verecunda paupertas, quod largitatis tuæ quærat secretum aperit ipse cùm dicit: *Te autem faciente eleemosynam, nesciat sinistra tua quid faciat dextera tua.* Putas quam vult nescire alterum: qui reipsum qui facis vult aliqua tui parte nescire? *Nesciat sinistra tua quid faciat dextera tua.* Sicut sunt nobis in dextera parte virtutes, ita nobis pars vitiorum in sinistra. Ergo vt opus dexterae quod facit tacitus dator, quod facit dator garrulus, hypocrisis est sinistra. Hypocrisis dolus, simulatio, fraus, mendacium, elatio, tumor, iactantia, insiliunt nobis, & imminet à sinistris. Quoties ergo nobis cum bonitate, pietate, cum misericordia causa est, nesciat hoc sinistra. Sinistra est, quæ nobis animarum prælia semper indicit: & ne virtutes in effectum veniant, elaborat Ne sit pietas, impietas agitur: ne eleemosyna vindicet, cupiditas pugnat, furti avaritia, ne misericordia conualeseat, ne innocetia, puritas, simplicitas, sanctitas regnet, hypocrisis sola configit, quam Christus à nobis tali prædicatione secludit: *Te autem faciente eleemosynam nesciat sinistra tua quid faciat dextera tua.*

Mat. 25. Fratres, in hoc sæculo fugiamus quæ à sinistris sunt, si in futurum à dextris desideramus altare, & audire. Venite benedicti patris mei, percipite regnum, quod vobis paratum est ab origine mundi. Homo, da in terra pauperi, quæ tibi manere vis in cælo. Homo, commilita hic pauperi, si vis tibi regnare cum ipso domino nostro Iesu Christo, qui est benedictus in sæcula sæculorum. Amen.

OMnes qui arduas operum subleuant, & solantur angustias, probant ad solatium laboris datam nobis naturaliter cantilenam. Hinc nautæ cantu superant marina discrimina, hinc immensa pondera adducunt leuamine canticorum, hinc viantes colles arduos facit transcendere vox sonora, hinc præliatores ipsos præcedens cantus subire concitat amara bellorum. Ac ne multis, omne quod duri est operis, quod laboris, dulcis vincit & efficit cantilena. Sic nos fratres *Quadragesimæ* ieiunio cantica diuina iungamus, vt abstinentiæ pondus cælestis temperet, & subleuet symphonia, prouocante nos ad hæc Dauid beato, qui dum fistula pecus earum mulcet, & oblectat in pascuis, cantu dura didicit superare bellorum: cantu meruit ductare populos ad salutem, cantu valuit vocare gentes, reducere Iudæos, fugare dæmones, Dei filios ad superni patris obsequium conuocare, sicut bene inuitans eius cecinit melodia. *Afferre domino, inquit, filij Dei.* Putasne cælestes taliter appellat iste Virtutes? aut homines Dei aptat in filios? & terrenam carnem cælestem subleuat ad naturam? *Afferre domino filij Dei.* Homines fratres, homines nuncupat hic Prophetas, quos Dei filios alibi sic decantat. Ego dixi *Dij estis*, & filij excelsi omnes. Audiuimus fratres quo nos tulit diuina dignatio quo paternitas extulit nos superna: credamus nos Dei filios: respondeamus generi, viuamus cælo, patrem similitudine referamus, ne perdamus vitiis quod sumus per gratiam consecuti. *Afferre domino filij Dei.* Videtis, quia cælestis pater sentit amorem donis, datis effectum, probat muneribus charitatem. Et reuera fratres, filium se nescit, visceribus caret, naturam negat, ingratus est patri, qui authorem vitæ suæ non obsequiis placat, non deuincit cultu, muneribus non honorat. *Afferre domino filij Dei.* Videamus quid sit illud, quod nos tanto patri hic propheta commonet, & hortatur afferre. *Afferre domino filij Dei, afferre domino filios arietum.* Hoc est, totum quod expetit, quod requirit, ouium scetus, vile terreni pecoris germen, stratos per viam partus, semina effusa per campos, diuino patri, vt diuina soboles offerat admonetur. Aut forte Iudaicas victimas, sacrificia cruenta, balantes sub cultris hostias, creator omnium nunc requirit

Psal. 82.

Deus? Et ubi est illud quod dixit? Non accipiam de domo tua vitulos, neque de gregibus tuis hircos, quoniam mee sunt omnes feræ sylvarum, iumenta in montibus, & boues. Cognoui omnia volatilia cæli, & species agri mecum est, Si esuriero, non dicam tibi, meus est enim orbis terræ, & plenitudo eius. Et si ista repulit, quos arietum filios sibi deposcit afferri? Ad Abraham loquitur, Accipe filium tuum dilectum, & offeres mihi in holocaustum. Aries Abraham maturus ad innocentiam, grandævus ad fidem, perfectus ad hostiam, paratus ad holocaustum, afferebat filium suum, filium arietis, imò se immolabat in filio, sanctificabat mentem suam, letificabat fidem suam, ut esset idem victima & Pontifex, Sacerdos & sacrificium patris, patris erat passio ibi tota ubi filius immolabatur, ignavus filius sustinebatur, nescius filius aprabatur vinctus, ut tolleretur de passione martyrium, premium de pœna patris, de cōflictu patris raperet coronā. Denique patris suspensa est dextera, patris gladius est remotus, quia non querebatur mors filij, sed patris charitas probabatur, nec expetebatur sanguis filij, ubi tota victima in patris dilectione constabat, scriptura dicente, Nūc scio, quia diligis Deum: quia non pepercisti vnigenito filio tuo propter me. Abraham diximus arietem, ut Isaac arietis filium probaremus ac sic luceret, quos arietū filios Propheta vult domino nos deferre. *Afferte domino filios arietum.* Filios Patrum, Patriarcharum, Prophetarum, Apostolorum, Martyrum, Confessorum, Christianus modo ut afferat, admonetur, quādo grex dominicus fidei laxatur in pastum, quando agnos suos cælestis pastor ad ouile dominicū vult deferri, ne dispersi per inculta gentium, luporum deuorentur incurribus. Sed quid admoneat vox diuina, planius iam loquamur, *Afferte domino filios arietum.* Afferte domino baptizādos, afferte quos fides concipiat, non caro, afferte quos Dei gratia generet, non mūdāna natura, afferte quos agnos præster innocētia nō habeat pecoris hebetudo, afferte, afferte quos spōte venire aut necessitas vetat, aut grās impedit, aut ignorātia retardat, aut tenent vitia, aut delicta remorātur, aut spectatio decipit, aut fallit cōfusione paupertas, adducite volētes, attrahite nolētes, facite vobis ne aliena necessitate mercedē, seruū cathecuminū si habet dominus adducat, ut habeat iā fidelē, filium pater offerat, non retardet, ut cui præ-

Gen. 22.

Gen. 2.

sentem vitam præstitit, conferat & futuram. Vir coniugem deducat ad fidem, ne quod unum est in carne, spiritu sit diu-
sum. Amicus amicum attrahat ad salutem, vt de gratia diui-
na humanam comprobet charitatem. Peregrinum ciuis, pos-
sessor hospitem Dei ducat ad mensam: vt sine suo sumptu de
diuinis copiis sit humanus. Attrahite nolentes: nemo dicat,
non vult: quia & Abraham, vt offerret filium colligauit, &
Loth angeli, vt subtraherēt flammis, extractum manibus su-
tulerunt, & Petrum dominus vt iret ad martyrium quo no-
tebar, auxilii sui virtute præcinxit, dicens, Præcinget te alius,
& deducet quo tu non vis. Et pater cælestis non solum volē-
tes suscipit, sed attrahit & nolentes, dicente filio, Nemo po-
est venire ad me, nisi pater qui misit me, attraxerit illum.
Quomodo se Christianum credit, qui non Christo annosa
& vetera ducit? Aut quomodo domū suā iudicat ouile Dei,
ubi non pasuale germen dei pecus dat balatum? Obsecro &
testor fratres charissimi per dominum nostrum, vt in hoc
vigiletis omnes, quatenus his diebus nullus à dei gratia, nul-
lus à generatione diuina relinquatur extorris: quatenus quod
liis Deus est per suam gratiam collaturus, vestrum crescat,
& redundet in gaudium. Homines sumus sub incerto viuē-
tes: & nescimus quid pariat superuentura dies. Agamus ergo
cilectissimi, ne serui, ne filii, ne coniuges, ne parentes præ-
senti morte, & præsentī vita careant, & non perueniant ad
futuram.

Gen. 2.

Gen. 1.

Ioan. 6.

C Pro. 27.

De ieiunio & temptationibus Christi.

Sermo XI.

QVod curiositas humana, quod veterum labor, quod sa-
pientia mundana quærens, & diu quærens, non potuit
inuenire: hoc scire & nescire facile præstitit lex diuina. Vnde
malum, culpa vnde, vitiorum vis vnde, vnde criminum fu-
or, vnde corporis bella: vnde conflictus animæ: vnde vitæ
impetūs tanta: vnde mortis naufragium tam crudele nesci-
et homo: nisi Dei lex diabolum prodidisset? Diabolus mali
author, nequitie origo, rerum hostis, secundi hominis sem-
per inimicus, ille laqueos tendit, lapsus parat, foveas fodit,
parat ruinas, stimulat corpora, pungit animas, cogitationes
suggerit: immitit iras, dat virtutes odio: vitia dat amoris, er-
rores ferit, discordias nutrit, pacem turbat, affectus dissipat:
conscindit vnitatem: sapit malum satis: bonum nil: violat di-
uina, humana tentat. Hinc usque ad Christum tetendisse te-

Mat. 6.

rator temerarius sic refertur. *Et cum ieiunasset quadraginta diebus, & quadraginta noctibus, postea esuriit: & accedens tentator dixit ei, Si filius Dei es, dic ut lapides isti panes fiant.* Audientes ista in Deum non vadant, non criminentur naturam, non contumelientur auctori, non accusent carnem, de anima non querantur, non impetent tempora, astris non impudent, infamare desinant innocentiam creaturę, malum sentiant accidens, non reatum, & creatorem boni Deum, diabolum intentorem mali: ac sic scribant diabolo mala, bona Deo, declinent mala, faciant bona habituri in bonis auditorem Deum, qui dat posse quod iubet, & quę precipit, facit ipse: quia sicut diabolus impellit mala, sic Deus deducit ad bona. Nemo ergo quasi concreatis sibi vitiis obsequatur, & quod est criminis esse putet naturę, sedumat cum Christo arma ieiunii, criminũ propellat impetus, prosternat castra vitiortũ, & de ipso authore maliumat Christo dimicante victoriã.

Eph. 6.

Diabolo victo vitia nil valebũt: qui extincto tyrãno solutę acies sunt tyrãni. Audi apostolũ dicentem, *Nō est nobis colluctatio aduersus carnem & sanguinẽ: sed aduersus spiritualia nequitie in cęlestibus.* Tunc, inquit, *Iesus ductus est in desertum à spiritu.* Non à diabolo, ut esset diuinitus cursus, non humanus incursum: ut esset spiritus pręscientię, inscitia non esset humana: & esset potestas Dei, potestas nō esset inimici. Diabolus semper primordia boni pulsar, tentat rudimenta virtutum; sancta in ipso ortu festinat extinguere, sciens quod ex subuertere fundata non possit. Hoc non ignorans Christus diabolo se querẽti patiẽter indulsit, ut inimicus laqueo suo ipse teneretur, & caperetur inde, unde capere se putabat, sicq; à Christo victus, cederet Christianis. *Et cũ ieiunasset, inquit, quadraginta diebus & quadraginta noctibus.* Videtis fratres, quia quod Quadragesimam ieiunamus, nō est humana inuentio, autoritas est diuina, & est mysticum, nō pręsumptum: nec est de terreno vsu, sed de cęlestibus est secretis. Quadragesima quatuor decades quadratam fidei continet disciplinam, quia semper est quadrata perfectio. Quaternarius numerus & denarius quę in cęlo, & in terra teneant sacramenta, quia aperire modo nō vacat, explicemus domini cępta ieiunia. *Et cum ieiunasset quadraginta diebus & quadraginta noctibus.* Homo, Deus in te ieiunat, in te esurit: imò ieiunat tibi, tibi esurit, qui sibi sicut nescit manducare, sic non

potest esurire. Ergo cū propter te ieiunat Christus, te esurit,
Et cum ieiunasset quadraginta diebus, & quadraginta noctibus, postea esuruit. Hoc non est infirmitatis signum, sed est insigne virtutis: quia cum dicit, postea esurit quadraginta diebus & quadraginta noctibus, probat in illo esuriam non fuisse, esuriē sentire: & vincere est laboris humani: diuinæ virtutis est esuriam non habere. Ergo Christus non ieiunio lacescit, non esurit fame, sed esuriuit Christus, vt tentandi materiam diabolus inueniret, quia ad ieiunium nō audebat accedere, quia cū ieiunantem, Deum non hominem sentiebat. Tunc sensit hominem, tunc mortalem credidit, tunc eū putauit posse tentari, quando eum esurire callidus explorator inspexit. *Et accedens tentator dixit.* Accessit tentantis dolo, non obsequentis fectu. Accessit peius impudens quā recessit: sed esuriētī quid obtulerit, audiamus. *Dic vt lapides isti panes fiant.* Lapis esurienti offert, humanitas talis est semper inimici: sic scit moris author, sic inuitus vitæ. *Dic vt lapides isti panes fiant.* Diabole, fallit te prouisio tua. Potest famem vertere in turritatem, qui potest in panem lapides immutare. Quid illi consilium tuum, cui sua sufficit virtus? *Dic vt lapides isti panes fiant.* Diabole, & prodidisti te, & tuum dominum non paviisti. *Dic vt lapides isti panes fiant.* Miser, malus vis esse, sed non potes: cupis tentare, sed nescis: esurienti tenera offerre, non dura debuisti: famem non asperis palpare, sed blandis: ediam non horridis vrgere debueras, sed gulosis. Istis nō modo Dei filium, sed hominis filium tu laqueare non posses. Ad præsentiam Christi deperire tibi artes tuas tentator intellige. *Dic vt lapides isti panes fiant.* Potest de lapidibus panes facere, qui aquas conuertit in vinum. Sed signa fidei sunt æstanda, non dolis: credenti danda sunt, non sunt danda tentanti: & facienda sunt ad petentis salutem, non ad faciendā iniuriam. Diabole, tibi vt quid signa, cui nil subuenit ad uitam? cui totum restat ad pœnam? cui & signa proficiūt in pœnam? Sed accipe responsum, vt te intelligas, & subiiciaris thori. *Non in solo pane viuit homo, sed in omni verbo quod procedit ore Dei.* Audi patris verbum verba salutis nostrę esuriam non panem, & agere vt homo semper viuat cælesti verbo, non solo pane non semper: ac si Deo viuatur, vt sui nesciūs sit moris: quia vere illa vita est, quę sudorem nescit, dolorem non habet, non habet finem.

Quoniam ieiunii verum, & tempus bellorum spirituum cernimus aduenisse: sicut Christi milites, depositum corporis anique corpore, virtutum procedamus ad campum: ut membra quæ sunt nobis hyemali ocio mollita, exercitio celestium roborentur armorum: dedimus corpori annum, demus animæ dies: impendimus nobis tempora, tempus deputemus auctori: viuamus Deo paululum, qui sæculo viximus totum: seponamus domesticas curas, Ecclesiæ maneamus in castris, vigilemus in acie Christi, somnum cubilium non queramus, iungamur fortibus, ab amplexibus separemur mollibus, amor nos teneat triumphorum, paruulorum non auocent blandimenta, auribus nostris insonet vox diuina, familiaris strepitus nostrum non confundat auditum, cibis parcus de celesti sumatur annona, terreni luxus copie non quaerantur, in poculis sobrietatis mensura seruetur, vires & rigas non eneruet. De stipendiis quicquid exuberat, commilito pauper assumat: pestilens effusio nil perdat, in conflictu habebis auxilium, esurientem faucium quæ cibabis. Sic muniti fratres, instituti sic, indicamus bella peccatis: statuamus criminibus pugnam, conflictum viciis nunciemus, sicuti de victoria, quia nec arma celestia hostes poterunt superare terreni, nec diuino regi aduersa poterunt contraire mundana: nec in procinctu fidei constitutos præuenire poterit inimica subuersio: neque cautos, vigilantes, sobrios, diabolus perturbare suis superuentionibus præualebit: certe neque nos taliter armatos publico conflictu prouocare audebit: dolis appetere non præsumet. Animus in celesti specula perseueret: diaboli fraudulentas & occultas deprimat, & declinet insidias. Et quidem diabolus per se nequam: fit tamen nequior prouocatus. Audi Apostolum dicentem Diabolus sicut leo rugiens circuit, querens quem deuoret. Ieiunantibus nobis, diabolus esurit, qui nostris semper saturatur ex culpis. Ille cibum nostrum deducit in crapulam: potum nostrum in ebrietatem diffundit: ut mentem faciat amentem, carnem luteam reddat, corpus animi domicilium, animæ vas, murum spiritus, virtutum scholam, Dei templum, in scenam criminum, in vitiorum pompam, voluptatum redigat in theatrum. Capit ille satietatē: voluptatem percipit: expletur epulis: quando nos luxus soluit, libido stimulat, pōpa

rapit, impellit ambitio: urget ira, furor implet: succendit in-
 uidia, cupiditas inflamat, curæ sollicitant: lites vexant: lucra
 capiunt: vsuræ vinciunt: chirographa ligant: præmunt sac-
 culi: elidit aurum. Quando moriuntur virtutes: viuunt vitia:
 voluptas effluit: honestas perit: misericordia deficit, abundat
 auaritia: regnat confusio, succumbit ordo: prosteritur disci-
 plina. Ista militant aduersum militem Christi: istæ sunt sa-
 nctæ cohortes: istæ diaboli legiones: ista sunt que mundum
 sepulchris obsederunt: debellauerunt populós: vastarunt gē-
 tes, orbem totum duxere captiuium. Ista sunt quibus nullus
 per se potuit obuiare mortalis: & ideo ad vincenda ista deus
 venit ipse: cæli rex ipse descendit: ipse victor singularis ad-
 uenit, ieiunium quadrag. simæ statuens in procinctu: vt qua
 æterna decade ieiunii quadraturam mundi totam muro inex-
 tinguibili communiret. Ieiunium fratres, scimus esse dei ar-
 tem, Christi castra, murum spiritus, vexillum fidei: castita-
 tis signum, sanctitatis trophæum. Hoc Adam seruauit in pa-
 radiso: quem inde detraxit gula. Hoc in arca custodiuit Noe,
 mundum ebrietas cum demersit. Per hoc Lot Sodomiticum
 estinxit incendium: qui per ebrietatem incæsti est adustus
 incendio. Hoc Moſen diuini feruoris fecit lumine perducere:
 quando comessatio & ebrietas Israeliticum populum si-
 nulachrorum tenebrauit erroribus. Hoc Eliam peruenit ad
 cælum: quando Achab impium ebrietas ad inferna deiecit:
 Hoc Ioannem in natis mulierum fecit esse maiorem: quan-
 do tumultu Herodem principem imperio mulierum red-
 didit homicidam. Quadragesimæ ieiunium fratres vetustas
 diaboli prodidit: & patefecit insidias. Diabolus nanque qui
 manducantem contempserat Christum: bibentem velut ho-
 minem computaret: vbi ieiunantem vidit, suspicatur deum:
 dei filium confitetur. *Si filius dei es, inquit, dic vt lapides isti pa-
 nes fiant.* Sic dicendo diabolus hominem vult monstrare, non
 Deum: non cibum parare vult: sed vult amputare ieiunium.
Si filius dei es, dic vt lapides isti panes fiant. Post ieiunium, panẽ
 non diuina virtus: sed infirmata humana disquirat, nec sic
 accescit fame Deus: vt ad prouidendum sibi cibum quod est
 suæ potestatis, addicat. Ex sequentibus itaque diabolus ape-
 rit quid conetur. *Si filius dei es, mitte te deorsum.* Satis hominem
 probare vult: cui non assensum prouidit: sed ruinam: huma-
 na cõditio ad ascensum difficilis: facilis inuenitur ad lapsum.

Gen. 3.
 Gen. 7.
 Gen. 19.
 Exo. 32.

4. Re. 2.

Marc. 6.

Mat. 4.

Mat. 17.

Si filius dei es, mitte te deorsum. Erras diabole: nec tentare nosti: cadere non potest deus. Tunc ostendit ei omnia regna mundi, & gloriam eorum, & dixit ei. Hec omnia tibi dabo, si procidens adoraveris me. O ausus diaboli, deo dicit, adora me: sed sensit mox virtutibus deum, pœnis iudicem, supplicem præmiis quem quærebat: nam Christi nomine, nomine ieiunantis cœpit ab obsessis corporibus effugari, & dare tremēs illi gloriam, cui superbus callidè irrogarat iniurias: ieiuniis vicit, ut nobis vincendi vires, vincendi formam taliter largiretur. Hoc, air, genus non eiicitur, nisi in ieiunio & oratione. Ieiunemus ergo fratres si volumus imitari Christum, si volumus fraudulentas diaboli superare versutias.

De eisdem,

Sermo XIII.

ECce tempus quo miles procedit ad campum, recurrit ad Dei ieiunia Christianus. Ecce tempus quo carnis ocia, quo mentis ignavia, quo ventris cura, & tota est familiaris obsequi deponenda torpedio. Ecce tempus quo in armorum cœlestium meditatione, animæ & corporis exercendæ sunt vires. Ecce tempus quo residente Christo, astantibus angelis, nostra luctaminis exercenda est fortitudo. Nunc est tempus quo gula cum ieiunio, abstinencia cum crapula, cum luxuria castitas cum perfidia fides, pietas cum impietate, patientia, cum furore, cupiditas cum liberalitate, misericordia cum avaritia, humilitas cum superbia, sanctitas cum reatu, Christo remunerante configit. Si quis ergo spectante Deo, cœlesti resonante iâ tuba, angelico insistente occurso, cubi- culi irretitus illecebris, enervatus molliæ plumarū, resolu- tus in totum iugalibus blandimentis, ad exercitium virtutis venire neglexerit: perdit luctaminis præmium, virtutis glo- riam, certaminis palmam, iustitiæ coronam desertoris etiam crimine mulcabitur in futurum. Hodie fratres Christus rex noster commilitones suos de Euāgelico allocutus est tribu- nali, indixit hostibus bella, promisit præmia pugnaturis, re- tulit bellorum causas, inimicorum dolos prodidit, & cona- tus: ubi, & quando, & quomodo configendum sit nobis triumphali constitutione signavit. Et quanvis solus possit obtinere victoriam: propter nos ramen, & nostram formidi- nem, adesse tota iussit præsidia de supernis. Qui ergo ista no- luit audire, qui statuta regis nostri talia, & tanta, scire con- temptit, iudicate si non ipse se exiit nostræ militiæ sacra-

mentis, & cælesti contubernio reddidit, & fecit extorrem. At vos fratres, qui sequi vultis in hoc quadragesimæ ieiunio, ieiunii dominici formam: pugnatu-
 ros vos, sicut prædiximus, contra vitiorum turmas, contra acies criminum, contra in-
 formes concupiscentiarum formas, contra dæmonum totas
 ærias, totas diffusas, & innumeras legiones, triumphatu-
 ros vos ex ipsis quæ dominicum ieiunium subsequuntur, tē-
 tationibus approbare. Vbi enim dominus, quadragesimæ ie-
 iunium indefesso illo virtutis suæ aggressus est documēto,
 nox diabolus occurrit pugnaturus dolis: quia ieiunanti vi-
 bus obistere non valebat. Quantum enim crapulationi
 edicis dominatur, & ebriis, orantes timet tantum, tantū re-
 agit ille ieiunos, dicente domino, Non eiicitur nisi in ieiu-
 io, & oratione. Sed qua fraude diabolus tētare ausus sit, au-
 diamus: *Si filius Dei es, dic ut lapides isti panes fiant.* Audistis quid
 e ieiuniis ipse sentiat, & iudicet inimicus. *Si filius dei es.* Vi-
 detis quia iam non hominem, sed dei filium credit, quem li-
 berum à ventris conspexerat seruitute. Sensit, sensit diabolus
 ieiunium cunctis virtutibus anteferri. Ioannem viderat vr-
 gium delicias squalentis eremi habitatione mutasse, molli-
 tem carnis vestis asperitate calcasse, agresti cibo mundi totā
 renasse luxuriam. Et quod solum deitatis insigne est, homi-
 bus dimisisse peccata. Et tamen non ei dixit: *Si filius dei es,*
ut vbi dominum vidit iugiter ieiunantem, proclamat, Si filius
dei es. Errat diabolus, qui contra dominum astutix suæ nequi-
 as, & argumenta iaculatur. *Si filius dei es, dic ut lapides isti pa-*
nes fiant. Quid est quod ieiunante Christo deitatis signa tota
 sola panis promissione perquirat? Et quem dei filium con-
 nua ieiunii significatione præsentit, esse dei filiū de proui-
 sione panis, de cura ventris, desiderat approbare? *Si filius dei es,*
ut lapides isti panes fiant. Quare non dixit, Si filius dei es, dic
 homines, aut angeli, aut aliquid aliud fiant, sed dic ut lapi-
 des isti panes fiant? Signum panis petit, qui signum ieiunii
 timentescit. Signum panis petit, ut ieiunii tremēdum sibi re-
 giat signum. Panem malus ingerit consolator, ut virtutem
 utet, ut propositum violet ieiunantis. Sed videamus quid
 sponderit de pane, panis qui de cælo descendit. *Non in solo*
ne vivit homo, sed in omni verbo quod procedit de ore dei. Quam
 re vivit in verbo dei, dei verbum. Quam vere panis non
 diget pane, Quam diuinè lapides conuerit in homines,

Matt. 17.

Matt. 4.

Deut. 8.

Matt. 3.

qui de lapidibus Abraham filios ad iudicium suæ maiestatis exsuscitat. Et quia impudens inimicus nescit semel vinci, ad multiplicem vincentis triumphum. *Statuit dominum super pinna-
naculum templi, & ait, Si filius dei es, mitte te deorsum.* O signum, mitte te deorsum: convenientius dixerit, si filius dei es, ascende ad cælum: cum sit hominis utique ad ima cadere, dei sit ad superna cõscendere. *Si filius dei es, mitte te deorsum.* Sic suis suadet, sic suis prouidet semper: sic suos eleuat, vt de alto præcipitet validius in ruinam. *Si filius Dei es, mitte te deorsum.* Consiliis suis se diabolus prodit. *Mitte te deorsum.* Lapsus quærit, præcipitia imperat, & tali consilio per Africam martyres facit, sine clamore dicendo, si vis martyr esse, mitte te deorsum, vt eos impellat de alto ad mortem: non de humili tollat, & eleuet ad coronam. Et sicut se diabolus cõsiliis suis prodit, ita responsione sua dominus se reuelat, dum ait:

Deut. 6.

Non tentabis dominum Deum tuum. Si utique dominum, se utique deum intelligi voluit, hæc dicendo, qui non de pinna templi tantum se dedit ad terram, sed è cælis se ad inferos vsque iactauit, vt non cadentium forma, sed esset resurrectio mortuorum. Aduertite fratres, si possit sequi inimicus, quauis sæpe victus, homini cedere, qui audit, & sentit dominum deum, & tamen adhuc tentare non desinit. *Posuit eum super montem excelsum, & ostendit ei omnia regna mundi, & gloriam eorum, & ait illi, hæc omnia tibi dabo, si procidens adoraueris me.* Hæc dicit, non qui possit dare, sed fallere: nec promissa conferre, sed ipsa auferre promissionibus quæ habentur. *Hæc omnia tibi dabo.* Offert quæ dei sunt deo, authori quæ authoris sunt, repromittit: suadet vt adoret ab omnibus adorandus, & cæcatus ausibus suis ante iudicium iudici quemadmodum simplices deciperet, confitetur: cui dominus nõ tam testimonio legis, quàm diuinitatis suæ respondit imperio. *Dominum deum tuum adorabis.* Tu dominum deum tuum illum, cui genu flectunt omnia non solum cælestia & terrestria, sed etiam inferna. Adorabis ergo tu in inferno stridens & eiulans eum, quem ad te adorandum modo temerarius desertor inuitas. Itaque diabolus toties, & taliter percussus à domino, circa nos seruos eius modo toto furore discurret: & sicut Christus milites suos, ita ille suos alloquitur, & armat ministros. Dicit ergo diabolus, tẽpus nos modo grauitèr ieiuni, obseruatione debellat: per gulam, per crapulam, per ebrieta-

Deut. 6.

Philip. 2.

es, per luxuriam, homines attentare non possumus : armato
tes, seminate discordias, excitate odia, cōcitate iras, inspira-
e mendacia, extorquete periuria, suggerite blasphemias, va-
iloquia diffundite, infundite dolos, constate avaritiam, lu-
ra turpia prouidete, vt quod venter modo ad luxuriam non
ependit, vel sacculus claudat, & reponat ad pœnam. Cauete
nte omnia: ne misericordia, ne eleemosyna, ne humanitas,
ræteritos labores nostros deleat, præsentis auferat, tollat
uturos. Sed nos fratres, & nostri regis agnoscences monita,
& quæ diabolus suis mandauerit audientes, ieiunia nostra
ne lite, sine clamore, sine ira, sine dolo, sine simulatione,
um tota misericordia, charitate, pietate, peragamus: vt do-
minus Christus qui spretis pecorum cruentis victimis, spiri-
us contriti & contribulati cordis sacrificium requisit, cum
illemio pacis ieiunii nostri hostias placatus & propiciatus
ssumat.

In Psalmum XL.

Sermo. XIIII.

Pæliorum peritis militaris tuba personat disciplinam,
imperitis tantum terrificum dat clamorem: vt magistra
bellorum dat suis vires, hostibus dat pauorem. *Qui sine tuba*
dimicat, miles non est: fertur furore, non prælio: virtute non
igit, sed periculo: querit perire, non vincere. Hoc diximus, vt
Christi miles intelligat, cœlestis quare prouisa sit cantilena.
Constituti in campo sæculi pugnam cum diabolo, cum vitiis
sustinemus. Quoties ergo nobis intonat propheticus clan-
gor, toties nos in pace cautos, & in acie fortes, & in prælio
reddit inuictos. Nanque hodie beatus Psalmista ad intelli-
gentiam nos supernam conuocat per clamorem. *Beatus qui*
intelligit super egenum & pauperem. Et quæ est intelligentia, vbi
est professæ paupertas? Vis est intelligentiæ, si rimetur visce-
ra, si deprehendat occulta, si tecta nudet. Verum subiecta
oculis, exposita in publico, ingesta rebus, non est intelli-
gere, sed videre. Nuditate algidus, tabidus fame, siti ari-
dus, lassitudine tremens, defectu luridus, quod egenus sit,
intelligere quis labor? Et si labor intelligentiæ nullus est, vn-
de est intelligentiæ fructus? Oremus fratres, vt ipse nobis in-
telligere intelligenda concedat, qui se intelligi in paupere
sic demonstrat: quod ipse qui cælum regit sit nudus in pau-
pere, quod in esuriente esuriant saturitas rerum, quod sitiat in
esuriente fons fontium, intelligere quomodo non magnū est

quomodo nō beatum intelligere, quōd ei sit ampla paupertas, cui angustum est cēlum? qui ditat mundum, quōd egeat in egente? quod frustum panis, aquę calicem dator omnium queat? quōd se deus amore pauperis sic deponat, ut non adsit pauperi, sed ipse sit pauper? hoc cui videre dederit deus, ipse videt. Sed quo modo aut in se transfuderit pauperem, aut se in pauperē fuderit, dicat ipse iam nobis, Esuriui, inquit, & dedistis mihi manducare. Non dixit, esuriui pauper, & dedistis illi manducare: sed esuriui ego, & dedistis manducare mihi. Sibi datum clamat quod pauper acceperit, se manducare dicit quod comederit pauper: quod bibit pauper, sibi testatur infusum. O quid agit amor pauperis, gloriatur in cēlo Deus: vnde pauper erubescit in terra, & hoc reputat in honorem sibi, quod pauperi computatur iniuria. Dixisse suffecerat, dedistis mihi potum: sed pręmittit, esuriui, sitiui: quia parvus fuisset amor pauperis quōd pauperem suscepisset, nisi & passionibus pauperis suscepisset: & certē verus amor non nisi passionibus probatur. Verus amor est fecisse suas angustias angustias: nimis est quod sapit Deo pauperis cibus, qui totius creaturę bonā nō esurit, saginatū se in esca pauperis prophetizat in regno cęli corā omnibus angelis in cōuentu resurgentiū. Quōd Abel passus sit, quōd seruauit mūdum Noē, quōd Abraham fidem suscepit, quōd Moyses legem tulit, quōd Petrus crucem resupinus ascēdit, deus tacet, & hoc clamat solum quōd comedit pauper. In cęlo prima est esurientis annona, prima stipendia pauperis tractantur in cęlo, erogatio pauperis prima diuinis scribitur in diurnis. Beatus cuius nomen toties Deo legitur, quoties ratio pauperis recitatur in cęlo. Sed istius beatitudinis audiamus & fructū. *In die mala liberabit eum dominus.* Qui se no- uit per mala sæculi vitam ducere, elemosynę semper secū auxilium ducat, ad pręsidium sibi turmas pauperū vocet, in pastu pauperum, largus prorogator exuberet, pauperum frequenter domum, non trepidet erogando, deficere nescit cui porrigit manum parcus acceptor: exhauriri thesaurus is non potest, de quo sufficit nummus. *In die mala liberabit eum dominus.* In die mala illi Deus liberator assistet, qui à malis pauperem liberarit. In angustiis illum Deus clamantem audiet, qui pauperem cum clamaret, audiuit: Non videbit diem malum, qui dies bonos habere pauperem fecit. Videbit diem

Matt. 25.

Gen. 4.

Gen. 6.

Gen. 15.

Exod. 20.

malum, qui diem iudicii sine aduocatione paupertatis intraverit. Sine causa accusant peccata, quem pauper excusat. Excusari non potest, quē famēs pauperis accusarit. *Dominus*, ait, *conseruet eum & viuificet eum*. Non dixit, *conseruat & viuificat*: sed dixit, *conseruet & viuificet*. Dixit, nō vt denunciātis vox ista, sed rogantis. *Qui* audiuit rogantem egenuū, ecce audir oīb: toto pro se ecclesiam sic rogantem. *Dominus conseruet eum & viuificet eum*. Conseruet, ne rapiatur ad pœnam: viuificet, vt resurgat à mortuis, & recipiat vitam. *Et non tradat eum in manu inimici eius*. Cuius inimici? nempe diaboli ipse est inimicitiarum princeps: despicit inimicos, qui ipsum inimicitiarum calcarit authorem. *Dominus autem adiunet eum super lectum doloris eius*. Exequitur propheta omnes ærumnas fragilitatis humanæ. *Dominus autem adiunet eum super lectum doloris eius*. *Quis* est lectus doloris nostri, nisi corpus nostrum? in quo anima iacet, & iacet dolens, & dolet, quē cælum repetere cupiens premitur corporis terra. *Vniuersum stratum eius versasti in infirmitate eius*. Istum non versat in stratum, sed in strato versat infirmus. Cato ergo est, quē versatur & versat. Ipsa est ergo quē in aduersis voluitur, in prosperis versat. *Dominus* ergo versat stratum nostrum, quando nobis aduersa vertit in prospera: & quia in lecto doloris, hoc est, in lecto corporis animus voluebatur ægrotus, ipse qui voluebatur, proclamat: *Ego dixi domine, miserere mei, sana animam meam quia peccaui tibi*. Quia per consensum carnis sentit animi se contraxisse languorem, vt anima sanetur implorat: & misericordiam petit fidens; quia in pauperem miseticordiam fecit. Beatus qui scœnerando pauperi ipsum sibi iudicem præstitit debitorem.

De Centurione

Sermo XV.

Audituri estis hodie fratres, quemadmodū cohortis Romanæ Centurio dux factus est militiæ Christianæ, & merito, quia ante cœpit docere quàm credere. *Venit, inquit, Iesus in Capharnaum, & accessit ad eum Centurio rogans, & dicens, Domine, puer meus iacet in domo paralyticus, & male torquetur. Et ait illi Iesus, Ego veniam, & curabo eum: & respondens Centurio, ait, Domine, non sum dignus ut intres sub tectum meum, sed tantum dic verbo, & sanabitur puer meus: nam & ego homo sum sub potestate constitutus, habens sub me milites, & dico huic, vade, & vadit: & alij, veni, & venit: & seruo meo, fac hoc, & facit. Videtis Centurionem* Matt. 8.

antequam discipulatus subiret officium, locum magisterii
 fuisse sortitum. Præbet enim petendi formam, dat normam
 credendi, fidei pandit causas, virtutum commēdat exempla,
 qui nondum Christianæ scholæ ingressus est disciplinam.
Accessit ad eum Centurio rogans eum. Hoc est sapere, non roga-
 re. *Puer meus iacet in domo.* Causas pueri quasi magister agit:
 vetē Centurio, qui stipendia terrena centenarium cæli mu-
 tauit in fructum & seruitutem militiæ sæcularis in diuinam
 sustulit dignitatem. *Domine, puer meus iacet in domo.* *Qui vo-*
cat dominum, fatetur suam fideliter seruitutem. Et quomo-
 do hic Centurio, qui sic agnoscit dominum, puerum suum
 ausus est profiteri, quasi nesciens serui peculium ad domitū
 pertinere? Aut ignorat communia, qui docet tam secreta, tam
 profunda? *Puer meus.* Meum dico, quia iacet: si tuus esset do-
 mine, non iaceret. Probat hoc Propheta, cum dicit. Ecce nūc
 benedicite dominum omnes serui domini, qui statis in do-
 mo domini. *Qui statis, non iacetis.* ait, stant serui tui: homi-
 num serui iacēt. Puer meus qui iacet, vt tuus sit, surgat: meus
 quia paralyticus: vt tuus sit, iam sanetur. Meus, quia male tor-
 quetur: vt tuus sit, iam non sit in pœna. Domine, tuos seruos
 non decet malis subiacerē: iniuria est tua tuorum pœna ser-
 uorum: tuos seruos possidere non debet vis malorum: serui-
 tus & si patiuntur mala, non patiuntur ad pœnam, sed subeūt
 ad coronas. Aduersa illis non sunt necessitatum causæ, sed
 sunt causa victoriæ. Serui hominum sunt, qui mala patiuntur
 inuiti: quia illis in desperatione sui domini nequeunt subue-
 nire. Tu autem domine. cui virtutes seruiunt, curationes pa-
 raui, obtemperant sanitates, quomodo computabis seruum
 tuum, quem seruum tantorum conspicias esse morborū? No-
 ta est circa malos bonitas tua: pietatē tuam etiam impii con-
 fitentur: clamant exteri misericordiam tuam. Hunc tuum di-
 cerem, quem iacentem tua benignitas non requirit. *Iacet in*
domo, & male torquetur. Hinc est quod offerre eum, & offerre
 tibi pœnæ nō sinit magnitudo, ne familiaris infirmitas pu-
 blice & dolori sit, & pudori. Mouit Centurio iudicem talia,
 & tanta dum perorat: & sic mouit, vt ad seruum suum cæli
 dominum ipsum ire velle perficeret. *Ego inquit Christus, ve-*
niam, & curabo illum. Fratres, non Centurio ad pietatem pie-
 tatis traxit auctorem: neque ad hoc ille ire compulit Chri-
 stum ad quod venerat Christus: sed Centurio magis sic sen-

ire, sapere sic docetur, quare ad seruū in seruo venerit Christus: quare ad hominem in homine venerit deus: utique ut euaret iacentes, elisos erigeret, solueret compeditos, & eos quos iam nemo nec afferre, nec offerre poterat, ipse operis sui vector clementissimus baiularet. Sed iam quid responderit Centurio audiamus. *Domine, inquit, non sum dignus ut intres sub tectum meum.* Dedit debitum de humilitate responsum, & ipsum esse dominum singulari pauore signauit, deducere dum veretur ad animæ suæ domum, ad secretum cordis sui, ad tectum suæ conscientię, ad penetrabile mentis, in quo familia cogitationum incondita & confusa versatur: nec patitur aulam pectoris humani sine vitiorum strepitu in sinceritatis silentio permanere. Magistro ergo timore respondit, *Domine non sum dignus, ut intres sub tectum meum.* Hinc est quod Petrus ubi Christum rerum cognouit auctorem, exclamauit dicens, Exi à me domine, quia peccator sum. Sic eū Petrus exire à se rogar, quomodo Centurio eum ad se supplicat non venite: agit uterque ne indignitas hospitij in hospitio maneat iniuriam. *Non sum dignus, ut intres sub tectum meum.* Hoc bene dictum esset antequam deus hospitium nostræ carnis intraret: at nunc quid sic Centurio tectum suum Christum verat inttare, quem totum videt intra tectum sui corporis iam manere? Fratres, Centurio iam videbat in Christo corporis sui formam, sed passiones in illo sui corporis non videbat. Natus est in carne Christus, sed natus est de spiritu sancto: accepit hospitium carnis, sed in aula virginis: ut & veritas esset corporis humani, & de pollutione humani corporis nil haberet. Bene ergo Centurio tectum suum indignū iudicat Christo: quia sub singulari tecto manebat nostri corporis Christus: iuxta illud Prophetæ, *Vigilaui, & factus sum sicut passer solitarius in tecto.* Sed dic tantum verbo & sanabitur puer meus. Centurio iste cū sine lege esset, nihil sine lege egit: dicit. *Dictantum verbo.* Quia dictū erat, dixit, & facta sunt. Et si omnia perfecta sunt dictu, quomodo dictu solo vnus infirmitas non curatur? *Dic tantum verbo.* Et sine verbo quid dicitur? Sed iste postulat verbum non de loquendi usu, sed de virtute faciendi: verbum de quo dictum est, *Misit verbum suum, & sanauit eos.* Dic verbo tantum. Quia iste credidit in verbo omnes manere virtutes. Verbum tuum domine suauitas est: verbum tuum vita est: verbū tuum ubi accesserit, inde

Luc. 9.

Psal. 107.

Psal. 148.

Psal. 106.

Luc. 5.

confestim fugit dolor, infirmitas mox recedit, verbum in quo Petrus cum laxaret retia, piscium multitudinē cepit: sine quo & ignorantie noctem pertulit: & nullum fructum peruigil piscator inuenit, Domine, inquit, laborantes per totam noctem nihil cepimus, sed in verbo tuo laxabo retia. Et quasi nō sufficeret quod de verbo egerat, verbo prestanti posse quod postulat, rebus astruit, commendat exemplo. Nam & ego homo sum sub potestate positus, habens sub me milites, & dico huic, vade, & vadit: & alij, veni & venit & seruo meo, fac hoc, & facit. Nam & ego homo sum. Hoc est dicere, tu deus, sub potestate positus. Hoc est, tu ipsa potestatum potestas. Habens sub me milites. Hoc est, tu virtutes. Et dico huic, vade & vadit. Hoc est, dic infirmitati, vade & vadit. Alij, veni & venit. Hoc est, dic sanitati veni, & venit. Et seruo meo, fac hoc, & facit. Ille puer meus erit tuus seruus, cum receperit sanitatem. Audiat: quid audiat? Sanus factus es, iam noli peccare: faciat iusticiā, vt liberetur à paralyti omnium peccatorum, & possit psallere cum Propheta: Conuertere anima mea in requiem tuam, quia dominus benefecit tibi: quia eripuit animam meam de morte oculos tuos à lachrymis, pedes meos à lapsu. Placebo domino in regione viuorum Fratres imitetur Centurionem qui ad centesimum fructum desiderat peruenire. Ne ergo leuiter Centurionis huius prudentiam transeamus, hodie de ipso dicta sufficiant: quia mysterium permagnum est, quo Iudæus geritur in figuram.

Ioan. 5

Ipsal. 22.

De duobus demoniacis.

Sermo. XVI.

Christus quòd transfretat maria, quòd loca circuit, non uest res humani desiderij, sed causa est salutis humanæ. Ambulat Christus, non vt videret loca, sed vt homines qui variis casibus perierant inueniret. Qui loca fecerat, quid noui videret in locis? Aut illi quid aberat, qui ubiq; erat? vt homo videbatur in locis, sed vbiq; videbat vt deus: videbat vtrique, & desperatos videbat, quibus ibat diuina remedia largiturus: ibat ad eorum curā, quibus humana iam defecerat cura: sicut hodierna probatum est lectione, Cum venisset, inquit, Iesus trans fretum in regionem Gerasenorum, occurrerunt ei duo habentes demonia, demonum entis exeuntes saui nimis, ita vt nemo posset transire per viam illam. Lucet scisse, & vidisse dominum quid mali, quid periculi illis haberetur in locis: & ideo illuc esse, vt sic desperatis, afflictis sic miseris subueniret. Occurre-

antei duo demonia habentes de monumentis exeuntes. In monumentis sedem fecerant morris authores. Attendite quæ squi-
a, quis furor, quæ rabies dæmonum erga humanum genus:
uanus breue tempus hominum ferre non possunt: contem-
nunt sunt mori homines, sed viuos homines gestiunt sepeli-
re: se sepulchris mandant, vt homines redigant in sepulchra:
ascuntur cadaueribus, putredine saginātur: delicianrur fœ-
re, quibus tota voluptas est homines interire. Sed sentiam?
id machinentur fraudibus, quid moliātur malis, quorum
rudelitas modum non habet in aperto. Quid faciunt isti
quando diuitias ostentāt, vt avaritiam serant? vt inferant su-
berbiā pompā proponunt? singularitatē venditant, vt quod
t communionis excludant? vt iram nutriāt, causas colorāt?
t pietatē violent, affectibus dant querelas? philosophiā fin-
unt, vt ficiāt nihil scire homines plus querēdo? deos mul-
os figurāt, vt Deus, qui vnus & verus est, nesciatur? *Occurre-
nt ei duo demonia habentes.* Quando ad duos homines dæ-
monia multa, ad vnū legionem totā significat cōuenisse: hoc
eo facit, vt doceat cauendos esse dēmones, nō timendos: si-
ulque mōstrat, quā sit potentia Christi singularis, quod
omine solo Christi fugatur omnis dæmonum multitudo:
currerunt ei duo demonia habentes. Exhibiti, nō volentes, vene-
nt impetrātis iussu, nō suo ausu: attracti sunt inuiti, nō sua
ōte currētes: denique ad præsentiā Christi homines exeūt
e monumētis, & versa vice captiuos ferunt, à quibus fuerāt
ptiuati: sistūt pœnis, quotū cruciatibus torquebātur: aptāt
sententiā, à quibus addicti fuerāt iam sepulchris. *Occurre-
nt ei duo demonia habentes scilicet nimis, ita vt nemo posset trāsire per
viam illam.* Videtis quia dēmones venientibus ad Christum
excluserant viā: transitum denegarant. Etenim dæmonum
ta cura, ne ad deum homines possint reditū inuenire. Non
nim aliter possunt homines possidere, nisi eos ab auctoris
societate subducant. Ita vt nemo posset trāsire per viam il-
lam. Hinc est quod Christus factus est via. Ita vt nemo pos-
set trāsire per viam illam. Illam, non istam. Ego sum, inquit, *IOAN. 14.*
ia. Vt ad viam per viam, ad deum per deum venientibus
bsistere vis dæmonum non valeret: ad deum nisi per deum
on potest perueniri. Sed iam quid dēmones clamauerint
diamus. Quid nobis & tibi fili Dei? Hoc est dicere: vitæ
auctor qui tibi cum mortuis? Habitatore celi quid tibi cum

sepulchris? Odor paradisi quid tibi cum fœtore? Quos de cœlo deiecasti, quos de paradiso exclusisti, quibus nunc tollis vrbes, regiones habitabiles negas, permitte inhabitare nos vel sepulchra: & si nos persecutione tanta digni sumus, tu tãta non es dignus iniuria. *Quid nobis & tibi?* *Quid?* quod iudici, & reo: quod vindici, & pœnali: quod Regi, & desertori. *Quid nobis & tibi fili Dei?* Hoc dicunt possessori fures, hoc domino prædones: tenent spolia: prædam gestant: & quid sibi cum eo sit qui sua reposcit interrogant. *Quid nobis & tibi fili Dei?* *Quid?* ut reddatis homines, mundum restituatis auctori: & veniente creatore sciatis vobis in creaturis amplius nil licere. *Quid nobis & tibi fili Dei?* *Venisti ante tēpus torquere nos?* *Quid nobis & tibi?* Et vobis cum hominibus quid? *Quid nobis & tibi fili dei?* Agnoscunt, agnoscunt deum, iudicem confitentur: clamant iudicium se debere, & de tempore præscribunt. *Quid nobis & tibi fili Dei?* *Venisti ante tempus torquere nos?* Auctori temporum tempus opponunt. *Venisti ante tempus torquere nos?* De tempore sic queruntur, quasi ipsum cum tēpore fecerint, ut viuos condiderint in sepulchris. *Venisti ante tempus torquere nos?* Tempus abscindit, præuenit mortem, sepelir viuos crudelitas immatura: & de tempore queritur, quasi ante tempus habere debuerit: & non ut exorta est mox puniri: de tempore causatur nequitia sæculi indurata. Malis patientia brevis est, bonis tarda ultio: quod læsis longum est, angustum est ad lædentes. *Erat, inquit, non longè ab eis grex porcorum multorum pascens. Demone autem rogabant eum dicentes, Siceicis nos, mitte nos in gregem porcorum. Digna petit indigna seruitus. Mitte nos in gregem porcorum. De monumentis mitti se præcatur in porcos nequitia: quia fœtores amittere nescit, sed mutare, Mitte nos in gregem porcorum. Cœnum petūt ruentes cœlo: post ætherias habitationes ambiunt volutabra porcorum. Mitte nos in gregem porcorum. Grex in gregem mittitur, ut prodatur dēmonum multitudo: ut appareat hoc duos portasse homines, quod numerositas nō valuit sufferre porcorum. Ait illis, Ite, at illi exeuntes abierunt in porcos: & ecce impetu abiit totus grex per præceptum in mare, & mortui sunt in aquis. Traditur vile pecus non pro voluntate dēmonum, sed ut tali facto innotescat, quomodo in homines sequuntur, quomodo querunt mortes hominum, qui sic porcos ut perderēt quæsierunt. Dēmones omne quod est agitur, mouetur, viuunt, ardent*

ardent perdere, non habere. Ne quis ergo talis fieri homo præsumat, humano generi inimicitia vetus, fixa ita, malitia destinata est. Dæmones nisi victi non cedunt, lædere non valent nisi iussi. Traditur ergo vile pecus, ut luceat dæmonibus in homines nil licere, quibus in porcos iussum est ut liceret. Nos ergo aut vitiis nostris faciamus, ut illi accipiant potestatem nocendi, aut virtutibus subiecta nobis dæmonum colla Christo triumphante calcemus.

De demoniaco. Sermo XVII.

Mar. 5.

Venisse dominum trans fretum in regionem Gerasenorum, & exeunti ei de naui statim occurrisse hominem de monumentis habentem spiritum immundum, catenis & compedibus vinctum, Euangelico hodie sermone cognouimus, qui domicilium haberet in monumentis. Auctor mortis mortis incubat mansiones: & humanæ necis avidus, quos crudelitate sua occidere non potest: viuos gestit feraliter funerare: sæuit, furit interitus nostri avarus exactor: cui pœna est quòd homo nascitur: quòd tardius moritur, cruciatur: hominis hanc ipsam breuissimam vitam emendare horrida nritur per sepulchra: confusus hostis, & ad utrumque peruersus ingerit sepulchris viuos, mortuis apponit cibos, mera fundit, ut & viuos enecet, & mortuos inquietet. Catenis & compedibus vinctus tenebatur homo: vinctus alieno crimine, & habitatoris scelere habitaculum innocens torquebatur. Diaboli culpa hominis redundabat ad pœnam: & prædæ miseris prædo saginabatur inclusus: nec facientem, sed patientem miserabilis exponit inuidia. Huic morbo cupiens dominus subuenire, transfretat mare: hoc est, fluctantis mundi terminos corporis nostri nauigio transmittit, ad littora peruenit salutis nostræ repleta naufragiis, & regionē cæcis ignorantia tenebris infusam lucis suæ splendore perfundi, callidi hostis deprehensurus insidias: ipsumque principem nequitia spiritualis cū suis legionibus regia potestate fugaturus. ut tandē reddat liberos, quos diu tenuit potestas inimica captiuos. *Videns, inquit, Iesum à longè cucurrit, & adorauit eum, & clamans voce magna dixit, Quid mihi & tibi Iesu fili summi? Adiuu- ro te per Deum, ne me torqueas.* Ad natum Christi conuersus est ordo pœnarum, antè latrocinante diabolo homo vexabatur innocuus: nūc homo currit, sed diabolus incurrit: inclinatur caro, sed immundus iacet, & prosternitur spiritus. *Cucurrit, &*

adorauit eum. Quid est diabole, quem trina tentatione pronocabas ad lapsum, quem promissione regni vt te adoraret subdolos ambiebas, nunc tremens & miserandus prolaberis, & adoras? Ecce qui honores omnes regni promittebat & glorię, habitare fœtidis corruptione cadauerum reperitur in tumulis. Sic, sic iste decipit cum promittit: vt ad inferna secū pertrahat, cum de supernis se consolantes fallax promissor illudit. *Quid mihi & tibi fili Dei summi?* Nam & modo vt adulator, non vt deuotus & obsequēs hic adorat, euadere cupiēs pœnam, prędam perdere pertimescens. Credit infœlix vt eū quem tentatione vincete, quem muneribus nequiuit in fœdere, possit adulatione pulsare: sed ille cōsuevit vinētos absoluerē, reuocare captiuos, nec acquisitos, sed conditos à se sibi restituere terminos, hostem libera virtute percellere, nec factione pellaci inimicum suorum requirere possessorem. *Et clamans voce magna dixit, Quid mihi & tibi Iesu filij Dei summi? adiuro te per Deum ne me torqueas.* Quid agit? quid patitur fragilitas humana talibus & tantis subiecta miseriis? Ecce diabolus patrona voce hominis hominem periturus inclamat: & tota membra hominis hosti suo suam militant in ruinā. *Quid mihi & tibi Iesu fili Dei summi? Quid mihi & tibi?* quod puniendo, & iudici quod regi & desertori, quod inuasori & domino. *Quid mihi & tibi fili Iesu Dei summi?* Si agnoscis filium, vtique non nescis heredem: si hæredem nosti, hæreditatem rapere cur præsumis? *Adiuro te per deum, ne me torqueas.* Timet tergiversator, & simulat: fatetur filium: sed ne deus intelligatur solita arte cōtendit adiurat deum per deum, vt alterum videri ipsum faciat, vt astantium decipiat & fallat auditum. *Interrogabat eum Iesus, quod tibi nomen est?* Interrogat, non ignorat, sed implet iudicem: seruat ordinem cognitoris, nomen interrogat, vt de conditione discutiat, iudicet de reatu, addicat de crimine, deum se esse data sententia perdemōstret. *Respondit, legio, quia multi sumus.* Christi interrogatio nostram ignorantiam sic depellit: nobis aperit quod latebat: ad vnum legio: Euidens est desidia militis, si deferat aciem, si gressum tetrahat, si configere pertimescat, vbi vnū numeroso hoste fortiolem peruidet esse captiuum. Ad præsentiā regis isti quid sunt, qui vt vnum, & nec dum tyronem caperēt, toto cohortis suę agmine conuenerunt? vbi essent si vexillū ibi iam crucis, si Christi signa vidissēt? Age Christiane, incre

de securus, manus tanta, & tam multa quę sic metuit inimicem, procul fugiet, si videat, si sentiat, si cognoscat armatū. *Deprecabantur eum spiritus dicentes, mitte nos in porcos.* Vide ubi satanas sedem desiderat collocare: de sepulchris in porcos semel infectus putredine, habitacula fœtida & immunda perquirat: sordibus delectatur, & cœno, qui utique semper fœtore criminum, & squallore pascitur vitiorum. Sed sic est odor eius tartareus & crudelis, ut cum nec porcorum natura sufficeret sustinere: denique demergi in mari & fluctibus maluit deperire, quàm eius immunditiam pati, & putredinem tolerare: aut quid possunt præsumere dæmones, qui nec porcos quidem contingere prævalent, nisi eos potestas diuina permiserit? Miser est qui relicto iudice frustra carnificis requirit fauorem: qui nec vexare, nec parcere, nec minuere potest tormenta, nec addere: sed facit totum addictus ipse verbero ad ius, & arbitrium iudicantis.

De Socru Petri. Sermo XVIII.

Hodierna lectione didicit attentus auditor, quare cæli dominus, restaurator vniuersorum, terrenas & seruales intrauerit mansiones. Sed nihil mirum si ad omnia dignanter accessit, qui clementer venerat omnibus subuenire. *Cum venisset, inquit, Iesus in domum Petri, vidit socrum eius iacentem & febrientem.* Videtis quæ res ad domū Petri inuitauerit Christus: utique non discumbendi voluptas, sed iacentis infirmitas: non prandendi necessitas, sed salutis occasio, diuinæ virtutis opus, non humani pompa conuiuii. In domo Petri non vina, sed lachrymæ fundebantur: turbabat ibi familiam non cura conuiuij, sed cura languentis: febris ibi, nō edacitas æstuabat. Vnde illuc Christus nō epulas percepturus, sed vitam redditurus intrauit, deus quærit homines, non humana: cælestia dare cupit, non concupiscit inuenire terrena: Christus ergo recepturus nos, nō nostra quę siturus aduenit. *Cum venisset, inquit, in domum Petri, vidit socium eius iacentem & febrientem.* Ingressus in domum Petri, Christus ad quod venerat, vidit, non aspexit qualitatem domus non occurrentiū turbas, non salurantium pompam, non familię concursum: certē non ipsum præparationis ornatū, sed inspexit gemitū languentis: febrientis attendit incendium, vidit periculum desperatæ: & statim manū ad opus suę deitatis extēdit: nec antē ad humana discubuit Christus, quàm mulier quæ iacebat,

consurgeret ad diuina. *Tenuit, inquit, manum eius, & dimisit eam febris.* Videris quomodo dimittit febris, quem tenuerit Christus: ibi nō stat infirmitas, vbi auctor salutis assistit: accessus illuc mortis nullus est, vbi viuificatoris ingressus est. *Tenuit, inquit, manum eius.* Quæ necessitas tangendi erat, vbi inerat ius iubendi? Sed Christus tenuit manum mulieris ad vitam, quia Adam de manu mulieris acceperat mortem. *Tenuit manum eius.* Vt quod manus præsumptis amiserat, manus repararet auctoris. *Tenuit manum eius.* Vt acciperet indulgentiam manus, quæ carpserat de morte sententiam. *Et surrexit, inquit, & ministrabat ei.* Et Christus mulieris indigebat obsequio, & mulieris prouectæ ætatis, senectutis summæ filiis aggrauatæ: sic in domo Petri non erat vernula non minister, non familiaris, non propinquus, certè non vxor, quæ maris obsequium præueniret? & ad summam, Petrus ipse causas suæ verecundiæ non videbat, vt hoc anus, hoc socrus faceret magistro, discipulus quod debebat? fratres Christus ab illa humanum nō exigebat obsequium, cui ministerium diuinitatis impenderat: sed ministrare illam ad indicium redditæ sanitatis admisit. Christus sic fugat morbos, vt vires pristinas mox reducat: vbi curat ars, ibi infirmitatis resider lassitudo: vbi sanat virtus, ibi languor vestigium non relinquit. Sed in hac lectione quid spiritualis intelligentiæ lateat si scire volumus, verborum flosculos non quæramus: qui maturitatis fructum quærit, despicit amœna cāporum: violæ, rosæ, lilia, narcissus grati flores, sed gratior panis. Quod est odor naribus, hoc est auribus, sermonis ornatus: quod dat panis vitæ, hoc scientia dat saluti. Seponenda est ergo eloquentiæ voluptas, quando scientiæ deposcitur fortitudo. *Cum venisset, inquit, Iesus in domum Petri.* Ad domum Petri venit Christus, vt domus Petri veniret ad Christum: tunc ad domum Petri venit Christus, quando habitacula nostræ carnis intrauit. *Cum venisset Iesus in domum Petri.* Quæ est domus Petri? illa de qua dicit dominus, Et tu Bethlechem domus Iuda, non es minima in principibus Iudæ: ex te enim exiet dux, qui reget populum meum Israel. Vnde & Apostolus, Ex quibus Christus secundum carnē, qui est deus benedictus in sæcula. *Cum venisset in domum Petri, vidit socrum eius iacentem, & febricitantem.* Vidit synagogam iacentem in perfidiæ suæ tenebris, decumbentem sub suorum sarcina peccatorum: vitis ad phrenesim

Mat. 2.

M. ch. 5.

Rom. 8.

usque febrientem: & ideo tenuit manum eius, quia non tantum verbo, sed & manibus Iudaicę gentis operatur salutem: *Psal. 73.* audi Prophetam, deus autem rex noster ante sæcula operatus est salutem in medio terræ. *Tenuit manum eius.* Vt antè Prophetarum sanguine manus eius mūdaretur, quàm ministratiōis ecclesiasticę sumeret sacramentum. *Et surrexit, & ministravit ei.* Hinc est quod erecta est quæ iacebat, & ministrat Christo, dum sanctificat manus suas modo in operibus bonis, quas antè malis operibus polluebat. *Vespere, inquit, factō obtulerunt ei multos demonia habentes, & eiiciebat spiritus verbo.* Hoc humanitus quomodo intelligi potest, vt cōtempo die, vespere multos, & malè saucios salutis audi ad salutis remedia baiularent? Sed vespere est, cum finitur dies sæculi: mundus à luce temporum cum declinat. Sero lucis redditor venit, vt nobis gentibus, qui in nocte venimus sæculorum, diē, redderet sempiternum. *Vespere autem factō, obtulerunt ei multos demonia habentes.* Vespere, hoc est, nouissimo tempore nos gentes offert deo Apostolorum pia & solennis deuotio: & pel- *Psal. 95.* luntur à nobis demones, qui nobis idolorum cultibus imperabant: audi Prophetam, Omnes dii gentiū demonia. Ignorantes enim vnum deum innumeris diis seruiebamus sacrilega & sordidissima seruitute. *Et eiiciebat spiritus verbo.* Quia *Rom. 10.* ad nos Christus carne non venit, venit verbo: vbi ergo venit fides ex auditu, auditus per verbum, nos fecit liberos demoniaca seruitute: demones reddidit ex impia dominatione captiuos. Hinc est quòd demones sub manibus nostris torquentur imperantibus nobis, qui nos subiiciebant lignis, lapidibus addicebant, & vacuas quotidie figuras inani timore vexabant. Modo est fratres, ne nos infidelitas ad eorum reuocet seruitutem: non laqueemur auguriis, non diuinatione fallamur, nō capiamur sortibus, non à manibus inducamur, non seducamur mortibus, non pestibus anhelantibus captiuemur: sed nos nostròsque actus commendemus domino: committamus patri, credamus deo, quia tempus hominum sicut deus agit & ideò sicut pater actus dirigit filiorum, & vt dominus curam familiæ non relinquit.

De scriba cui Christus sequi se non permisit.

Sermo X I X.

Hodie Euangelista sic cœpit. *Videns, inquit, Iesus turbas multas circa se, inquit ire trans fretum.* Quoties circa do-

minū se indocilis turba diffundit, & iactatur in conscientia
 procella, quietem deserit, petit fluctus, portū deserit, naufragia
 intrat, ad excelsa contendens mergitur in profundū tunc
 Christus hoc mare talibus turbatū turbis trās-fretari iubet.
Videns, inquit, Iesus turbas multas circa se, insit ire trans-fretū Non
 vt fugeret homines qui hominum venerat ad salutē, sed insi-
 pientibus inducias dat credendi: errantes vt reuertantur ex-
 pectat, patientiam præbet, & veniam, qui non vult proferre
 sententiam: sustinet contumaces, qui vult non perdere, sed
 saluare quod fecit. *Accedens, inquit, unus ex scribis ait illi, Ma-*
gister, sequar te quocunque ieris. Decipit, nō accedit, qui promit-
 tit dominum incautē sequi. Sed ad omnia posse quis promit-
 tit? Dixisset cautius sequar te quocunque iusseris: humanius
 certē, quocunque volueris. *Sequar te quocunque ieris.* Sic dicit
 qui inter se & dominum quid intersit ignorat: sic dicit qui
 Christum deum non intelligit, sed magistrum. *Sequar te quo-*
cunque ieris. Petrus per mare sequitur, sed submergitur: ad pas-
 sionem sequitur, sed negat. Et si Petrus sic deficit, sic succum-
 bit ad paucis iste qui est qui se ad omnia sequi dominum sic
 promittit? *Sequar te quocunque ieris.* Sic dicit iste, quasi posset
 cum Christo subire cōflictum, ignominiam crucis adire per
 gloriā, intrare mortis arcem, mortē mortificare per mortem
 penetrare ignotos tartari sinus, dirumpere inferni vincula,
 sæculis iam duratas animas oblitus ad lucē propria reuocare
 per corpora, concutere terram, saxa scindere, sepulchra rese-
 rare, educere sepultos ab inferis, testes suæ resurrectionis af-
 ferre. Adhuc adiiciat iste ire quocunque vadit Christus, su-
 per sedeat humeris angelorum, conscendat cælos, confideat
 patri, apicem teneat omnium cælestium dignitatum, ad ista
 Christum, ad hæc dominū, scriba stultus, superbus vernula,
 sequi se dominū cur promittit? Sed accipit à Christo tam di-
 gnū pro tanta præsumptione respōsum: *Vulpes foveas habent,*
& aues cali nidos: filius autem hominis non habet ubi caput reclinet.
 Quid est hoc? Vulpis viribus infirma, calliditate potēs, inuē-
 trix doli, fraudis artifex, simulationis magistra, simplicitatis
 vacua, plena strophis, auium domesticarum prædo, tectis fa-
 miliaribus inimica: meritò hanc Christus in typum format
 Herodis principis Iudæorum, qui pristinae libertatis obli-
 tus, sub Romana potestate consistens, dominabatur arte:
 calliditate regnabat, impetabat fraude, præsidebat doli, si-

mulatione pollebat: & quia ab exteris gentibus non valebat
 referre prædam, familiarem plebem, vernaculos populos, ve-
 lut aues domesticas deuorabat. Probat hoc Christus quan-
 do Herodi mandar, Ite, dicite vulpi illi. Verè vulpis, qui re-
 gnatum dolis rapit, quod nec nascendo meruit, nec viuendo.
 Hic ergo Herodes in cordibus scribarum vsque ad necem
 Christi foueas sibi suorum scelerum collocauit: nec reliquit
 locum vbi Christus caput suum, quod Deus est, reclinaret.
Vulpes foueas habent, & aues celi nidos. Aues hic quoque appella-
 lat dæmones in aere volitantes, qui & ipsi in pectoribus scri-
 barum malitiæ suæ nidos fecerunt: vbi tota nequiriæ suæ
 germina procrearent. Hinc est quod vbi se diabolus Iudæ
 animo immisit, mox & concipit doli fructum, & crimen
 peperit proditoris. Videtis, quia scribam Christus non repu-
 lit volentem, sed fingentem prodidit & horruit præsumen-
 tem, Aut quare Christus, aut quare pietatis auctor, largitor
 salutis, istum venire volentem prohiberet, qui mox alium di-
 scipulum ire cupientem retinuit, ne abiret? *Alius, inquit, disci-
 pulus ait, Domine, permitte mihi primum ire, & sepelire patrem meum,*
Iesus autem ait illi, sequere me, & dimitte mortuos sepelire mortuos
suos. Non quid sic Christus negat vltimum pietatis obsequiū?
 vetat extremum munus parentibus quod debetur? Non pie-
 tatis obsequium negat, sed diuinam præponit humanis af-
 fectibus seruitutem: audite quid discipulus dixerit, *Permitte*
mihi primum ire, & sepelire patrem meum. Hoc ei non primum
 esse debuit, sed secundum: terrenus pater cælesti postponen-
 dus est patri. *Sequere me, & dimitte mortuos sepelire mortuos suos.*
 Hoc est dicere, me sequere ad contumeliam passionis, vt
 mecum possis ad resurrectionis gloriam peruenire. *Dimitte*
mortuos sepelire mortuos suos. Fidei filius ad domum perfidi-
 ciæ cur rediret? Salutis proles perditum cum perditis cur
 deffleret? Resurrectionis pignus ad sepulchra genitoris
 quid curaret. *Sequere me, & dimitte mortuos sepelire mortuos*
suos. Quomodo mortui sepeliunt mortuos suos? Fratres,
 ipse dixit, Ego sum vita. Quod est anima corpori,
 hoc est animæ Christus: sine anima corpus non viuit,
 non viuit anima sine Christo: recedente anima mox cor-
 pori fœtor, corruptio, putredo, vermis, cinis, horror, &
 omnia visu detestanda succedunt: discedente Deo, confe-
 ssim venit in animam peccatorum fœtor, corruptio crimi-

Luc. 13.

1. Cor. 2.

Ioan. 14.

Mat. 9.

num virorum putredo, conscientiarum vermis, vanitatem cinis, infidelitatis horror, & sit in corporis sepulchro viuo funus animarum iam sepultum. Accedebat ad causam, quod cadauer perfidiae perfidis agebatur obsequiis, & impietatis ministerio pietas curabatur. *Ingressus, inquit, Iesus domum principis vidit symphoniam.* Nunquid tales piaculum de pietate non faciunt, qui ad luctum musicam, ad funera suorum extranea lamenta conducunt? ubi verò planctus non est, ibi est emptæ & mercenaria cantilena. Mortuum non artifex fistula, sed simplex plangit affectio. Christus ergo discipulum suum non deesse voluit exequiis paternis, sed prophanis luctibus noluit interesse.

De sedata maris tempestate,

Sermo XX.

Mat. 8.

Ioan. 6.

ECclesiasticæ lectiones sic diuino dispensantur arcano, ut & peritis scientiam conferant altiore: & simplicibus salutaris intelligentiæ gratiam largiantur. Ascendente, inquit, in nauiculam Christo, fecisse motum magnum refertur causa tempestas. *Ascendente, inquit, eo in nauiculam, secuti sunt eum discipuli eius, & ecce motus magnus factus est in mari, ita ut nauicula operitur fluctibus, ipse autem dormiebat.* Mare quod pedibus Christi tumentia terga submisit, strauit in plano vertices suos, motus frænauit, astrinxit fluctus: & per liquentem viam saxa soliditate seruiuit, modo quid est quod vsque ad periculum sui sæuit, furit, contendit auctoris? quid ipse Christus futurorum præscius præsentium sic videbatur ignarus, ut instātem procellam, tempestatis horam, tempus periculi non cauere: sed inter vigilantes omnes tunc solus teneretur in somno, quando imminabat sibi, suisque tam grande discrimen? Fratres, gubernatoris peritiam non probat tempestas serena, sed procellosa tempestas: blandiente aura, nauim regit vltimus nauta, in cōfusione ventorum, primi quaeritur ars magistri. Hinc est quod discipuli posteaquam viderunt sibi industriam nauticorum deperisse, in se maria sæuere, se fluctus perere, aduersum se ventorum turbines conuenisse, ad ipsum gubernatorem rerum, vectorem mundi, elementorum magistrum trepidi confugerunt, petentes, ut sedaret fluctus, periculum sammoueret, salutem redderet desperatis. Denique ubi iussio sola addixit mare, recussit ventos, tulit turbines, dedit quietem, nauigantes ipsum esse om-

nium sentiunt, credunt, fatentur auctorem. Sed iam quod in-
 rus est proferamus. Vbi Christus Ecclesiæ suæ nauim mare
 sæculi transferaturus ascendit, gentium flabra, Iudæorū tur-
 bines, persecutorum procelle, vulgi nubes, dæmonum nebu-
 læ, sic ruerunt, vt totius mundi fieret vna tempestas: Regum
 spumabant vndæ, feruebant potestatum fluctus, sonabat ra-
 bies traditorum, populorum gurgites rotabātur, perfidie no-
 tabantur scopuli, mugiebant litora Christiana, lapforū nau-
 fragia vexabantur, & erat totius mundi vnum discrimen, v-
 nūmq̃ naufragium. Tunc discipuli accedunt ad dominum, &
 suscitauerunt eum, dicentes: Domine, salua nos, perimus: & dicit eis
 Iesus, quid timidi estis modica fidei? Suscitatus ergo à discipulis
 Christus, mare, hoc est, mundum, corripit: tranquillat orbem,
 reges mitigat, potestates placat, sedat fluctus, componit po-
 pulos, Romanos efficit Christianos, ipsosq̃, executores verbi
 Christianæ fidei reddidit, qui fuerant persecutores nomi-
 nis Christiani. Hanc tranquillitatem seruāt principes Chri-
 stiani, Ecclesia tenet, habet Christianitas, gentilitas admira-
 tur. Tunc, inquit, surgens imperauit ventis & mari, & facta est tran-
 quillitas magna. Porro homines illi mirati sunt dicētes, qualis est hic,
 quia & venti & mare obediunt ei. Discipuli sunt hi, qui accedūt
 ad dominum, qui suscitant eum, qui saluare se humili sup-
 plicatione deposcunt: homines veidō dicuntur, qui elementa
 Christo taliter obedisse mirantur. Verē homines sunt, & sæ-
 culi homines, qui mirantur ad obedientiam Christi mundū
 sic esse conuersum, qui templorum vertices velut vndarum
 tumores stupent sic esse deiectos, qui idolorum spumas, dæ-
 monum vident turbines sic fugisse: quos attonitos reddit
 Christiani nominis toto orbe profunda & diffusa tranquil-
 litas. Et verē fratres, dormiente in morte Christo, in Ecclesia
 magna est extorta tempestas: resurgente à mortuis Christo,
 Ecclesiæ reddita est, sicut scriptum est, tranquillitas magna.
 Modo nos dormientem in nobis Christum toto præcordio-
 rum gemitu, fidei voce, Christianis lachrymis, ploratu alto,
 apostolicis clamoribus excitemus, & dicamus: Domine salua
 nos perimus. Et quia lectio apte tempori conuenit, & sicut scri-
 ptum est: Aquilo durus ventus, nomine autē dexter vocatur:
 qui nobis gētes sic feras, sic amaras aduectat: hic ergo Aquilo
 ventus durus per dextrum per Africum, per austerum, per
 Eurum diffundit se Christi turbine, maria confundit, delet

Pro. 27.

Iuxta

LXXV.

aëra, montes deiicit, sorbet vrbes, prouincias mergit, totius orbis cogit vnum esse naufragium. Hinc est quod nauicula Christi nunc tollitur ad cælum, nunc in trepidationum ima descendit, nunc Christi regitur viribus, nunc formidine iactatur, nunc operitur fluctibus passionum, nunc confessionū remigiis enatat. Sed nos fratres iterum atque iterum clamemus: *Domine, salua nos, perimus.* Et reuera fratres si essemus vnum, & humanum corpus, si eos qui pereunt nostra esse viscera crederemus, afflictione ieiunii, precum gemitu, effusione fletuum, iugiter clamaremus: *Domine, salua nos, perimus.* Et studeremus nobis in nostris fratribus subuenire: nec furente gladio sanguinis nostri mare videremus in terris, nec tanta corporum, sed nec animarum iam naufragia sentiremus, atque humili voce precaremur, *Domine, salua nos, perimus.* Nec tamen vlla compassio, pietas vlla, vllus pauor, quicumque pudor nos, vel compunctio exsuscitat ad dolorem. Dei, dei est quod virgemur malis, quod verberamur semper, quod gētes valent, quod ruit grando, quod rubigo inficit, quod impietas potest, quod dominantur morbi, quod sæuit mors, quod tremat terra: nos tamen nec tremimus, nec timemus, nec declinamus à malis, nec appetimus bona. Avaritia furit, anhelat pompa, iniquitas placet, aliena delectant, sed nostra pereunt: Dei flagella veniunt, sed nostræ prouocant culpæ. Si Deus iustus, utique nostri misericors. Fratres reuertamur ad dominū, ut reuertatur ad nos Deus: renunciemus malis, ut respondeant bona: seruiamus Deo bono, ut non malis gentibus, & potestatibus iniquis seruiamus, Christo domino, ac gubernatore nos auxiliante, honor cuius & maiestas sine fine permanet in sæcula sæculorum. Amen.

De eadem,

Sermo XXI.

Quoties Christus nostra dormit in naui, & ignauia nostræ somno soporatur in corpore irruit procella tota confusione ventorum, sæuiunt minaces vndæ, & dum spumosis fluctibus sæpius eleuantur & decidunt, amara nauigantibus gignunt expectatione naufragia: sicut præsens euangelistæ lectio declarauit, dicens: *Et ait illis Iesus illa die, cum sero esset factum, transeamus contra, & dimittentes turbam, assumunt eum, ita, ut erat in navi. Et ait illis Iesus illa die. Qua die? Illa nempe qua iuxta Isaiam, confurgit confringere terram: Illa die, qua tota mundanæ lucis claritas vesperscit: illa, qua imminere*

Mat. 4.

Isaie 2.

tentationum nocte crebrescunt imagines fugiendæ vanita-
 tum. *Cum sero esset factum.* Sero tunc est, cum tempus extre-
 mum, & hora nouissima sensibus humanis confusiones re-
 rum nunciant quæ procedunt. *Transcramus contra.* De terrenis
 ad cælestia: de præsentibus ad futura. Et bene contra, quia di-
 uina semper contraria sunt humanis: dum ista subiectos at-
 trahunt ad fragilitatem, ad virtutem illa qui sequuntur, at-
 tollunt. *Et dimittentes turbam.* Dimittunt turbam, qui popu-
 larem auram & vulgum deserunt incerto semper iudicio per-
 uagantem: neque addicti rumoribus humanis à virtutis iti-
 nere retardantur, sed de bono conscientiz stabiles, & securi
 laudum, & derogationum mendaces fluctus Christo comi-
 tante pertranseunt. *Et assumunt eum, inquit, ita, ut erat in naui.*
Quid hoc? Aliter est Christus in cælo, aliter habetur Chri-
 stus in naui, aliter in maiestate patris, aliter in hominis hu-
 militate sentitur, aliter coeternus patri, aliter ætatum no-
 strarum gradibus cernitur temporalis, aliter nostro dormit
 in corpore, aliter in sui vigilat spiritus sanctitate. *Assumunt*
eum, ita, ut erat, inquit, in naui. Laus fidei est, ita Christum re-
 cipere ut est, & habetur in naui, hoc est in Ecclesia: vbi na-
 tus, vbi adoleuit, vbi passus, vbi crucifixus, vbi sepultus, vbi
 ascendisse in cælum, patris ad dexteram consedisse, vnde vi-
 uorum & mortuorum iudicem esse venturum singularis sa-
 lutis est confiteri: qui taliter in naui nostra Christum con-
 fessus assumpserit, & si tunditur fluctuum scandalis, non
 tamen periculis mergitur, & operitur vndarum. *Et facta est,*
inquit, procella magna venti, & fluctus mittebat in nauem, ita, ut
adimpleretur nauis. Et facta est procella magna: non ausa est
 explorare domini dormientis virtutem, sed discipulorum
 pulsare fidem, timorem prodere, ut auctori suo quantum
 seruitutis deberet ostenderet, *Et erat, inquit, in puppi dormiens.*
 Ad dormientem confugiunt vigilantes: & credunt ob-
 sistere sæuientibus elementis eum, cui somnum domina-
 ri sua comparsione conspiciunt: contemplantur irruisse
 taliter humanæ necessitatis soporem, ut nec frago-
 re maris, nec clamore fluctuum, nec extremo imminen-
 te naufragio potuerit suscitari. Et vbi est illud: Ecce non
 dormitabit neque abdoimet, qui custodit Israel? Per se
 non dormit, neque sibi dormitat maiestas expers lassitudi-
 nis, quietis ignata: sed totum per me mihi agit, qui quo-

Isa. 24.

Psal. 12.

sepulchris? Odor paradisi quid tibi cum fœtore? Quos de cœlo deiecisti, quos de paradiso exclusisti, quibus nunc tollis vrbes, regiones habitabiles negas, permitte inhabitare nos vel sepulchra: & si nos persecutione tanta digni sumus, tu tãta non es dignus iniuria. *Quid nobis & tibi?* Quid? quod iudici, & reo: quod vindici, & pœnali: quod Regi, & desertori. *Quid nobis & tibi fili Dei?* Hoc dicunt possessori fures, hoc domino prædones: tenent spolia: prædam gestant: & quid sibi cum eo sit qui sua reposcit interrogant. *Quid nobis & tibi fili Dei?* Quid? vt reddatis homines, mundum restituatis auctori: & veniente creatore sciatis vobis in creaturis amplius nil licere. *Quid nobis & tibi fili Dei?* *Venisti ante tẽpus torquere nos?* Quid nobis & tibi? Et vobis cum hominibus quid? Quid nobis & tibi fili dei? Agnoscunt, agnoscunt deum, iudicem confitentur. clamant iudicium se debere, & de tempore præscribunt. *Quid nobis & tibi fili Dei?* *Venisti ante tempus torquere nos?* Auctori temporum tempus opponunt. *Venisti ante tempus torquere nos?* De tempore sic queruntur, quasi ipsum cum tempore fecerint, vt viuos condiderint in sepulchris. *Venisti ante tempus torquere nos?* Tempus abscondit, præuenit mortem, sepelitur viuos crudelitas immatura: & de tempore queritur, quasi ante tempus habere debuerit: & non vt exorta est mox puniri: de tempore causatur nequitia sæculi indurata. Malis patientia brevis est, bonis tarda ultio: quod læsis longum est, angustum est ad lædentes. Erat, inquit, non longè ab eis grex porcorum multorum pascens. Dæmone autem rogabant eum dicentes, *Si eiicis nos, mitte nos in gregem porcorum.* Digna petit indigna seruitus. *Mitte nos in gregem porcorum.* De monumentis mitti se præcatur in porcos nequitia: quia fœtores amittere nescit, sed mutare, *Mitte nos in gregem porcorum.* Cœnum petũt ruentes cælo: post ætherias habitationes ambiunt volutabra porcorum. *Mitte nos in gregem porcorum.* Grex in gregem mittitur, vt prodatur dæmonum multitudo: vt appareat hoc duos portasse homines, quod numerositas nõ valuit sufferre porcorum. Ait illis, *Ite, at illi exeuntes abierunt in porcos: & ecce impetu abiit totus grex per præceptum in mare, & mortui sunt in aquis.* Traditur vile pecus non pro voluntate dæmonum, sed vt tali factio innotescat, quomodo in homines sequiunt, quomodo querunt mortes hominum, qui sic porcos vt perderet quæsierunt. Dæmones omne quod est agitur, mouetur, viuunt, ardent

ardent perdere, non habere. Ne quis ergo talis fieri homo præsumat, humano generi inimicitia vetus, fixa ita, malitia destinata est. Dæmones nisi victi non cedunt, lædere non valent nisi iussi. Traditur ergo vile pecus, ut luceat dæmonibus in homines nil licere, quibus in porcos iussum est ut liceret. Nos ergo aut vitiis nostris faciamus, ut illi accipiāt potestatem nocendi, aut virtutibus subiecta nobis dæmonum colla Christo triumphante calcemus.

De demoniaco. Sermo XVII.

Mar. 5.

Venisse dominum trans fretum in regionem Gerasenorum, & exeunti ei de navi statim occurrisse hominem de monumentis habentem spiritum immundum, catenis & compedibus vinctum, Euangelico hodie sermone cognouimus, qui domicilium haberet in monumentis. Auctor mortis mortis incubat mansiones: & humanæ necis avidus, quos crudelitate sua occidere non potest: viuos gestit feraliter funerare: sæuit, furit interitus nostri auarus exactor: cui pœna est quod homo nascitur: quod tardius moritur, cruciatur: hominis hanc ipsam breuissimam vitam emendare horrida nititur persepulchra: confusus hostis, & ad utrumque peruersus ingerit sepulchris viuos, mortuis apponit cibos, mera fundit, ut & viuos enecet, & mortuos inquietet. Catenis & compedibus vinctus tenebatur homo: vinctus alieno crimine, & habitatoris scelere habitaculum innocens torquebatur. Diaboli culpa hominis redundabat ad pœnam: & prædæ miseris prædo saginabatur inclusus: nec facientem, sed patientem miserabilis exponit inuidia. Huic morbo cupiens dominus subuenire, transfretat mare: hoc est, fluctantis mundi terminos corporis nostri nauigio transmittit, ad littora peruenit salutis nostræ repleta naufragiis, & regionē cæcis ignorantiae tenebris infusam lucis suæ splendore perfundi, callidi hostis deprehensurus insidias: ipsumque principem nequitiae spiritualis cū suis legionibus regia potestate fugaturus. ut tandē reddat liberos, quos diu tenuit potestas inimica captiuos. *Videns, inquit, Iesum à longè cucurrit, & adorauit eum, & clamans voce magna dixit, Quid mihi & tibi Iesu fili summi? Adiuro te per Deum, ne me torqueas.* Ad natum Christi conuersus est ordo pœnarum, antè latrocinante diabolo homo vexabatur innocuus: nūc homo currit, sed diabolus incurrit: inclinatur caro, sed immundus iacet, & prosternitur spiritus. *Cucurrit, &*

adorauit eum. Quid est diabolus, quem trina tentatione prouocabas ad lapsum, quem promissionem regni ut te adoraret subdolis ambiebas, nunc tremens & miserandus prolaberis, & adoras? Ecce qui honores omnes regni promittebat & glorię, habitare fœtidis corruptione cadauerum reperitur in tumultis. Sic, sic iste decipit cum promittit: ut ad inferna secum pertrahat, cum de supernis se consolantes fallax promissor illudit. *Quid mihi & tibi fili Dei summi?* Nam & modo ut adulator, non ut deuotus & obsequens hic adorat, euadere cupiens pœnam, prędam perdere pertimescens. Credit infœlix ut eum quem tentatione vincete, quem muneribus nequiuit in se cedere, possit adulatione pulsare: sed ille cõsuevit victos absolvere, reuocare captiuos, nec acquisitos, sed conditos à se sibi restituere terminos, hostem libera virtute percellere, nec factione pellaci inimicum suorum requirere possessorem. *Et clamans voce magna dixit, Quid mihi & tibi Iesu filij Dei summi? adiuro te per Deum ne me torqueas.* Quid agit? quid patitur fragilitas humana talibus & tantis subiecta miseriis? Ecce diabolus patrona voce hominis hominem periturus inclamat: & tota membra hominis hosti suo suam militant in ruinam. *Quid mihi & tibi Iesu fili Dei summi? Quid mihi & tibi?* quod puniendo, & iudici. quod regi & desertori, quod inuasori & domino. *Quid mihi & tibi fili Iesu Dei summi?* Si agnoscis filium, utique non nescis heredem. si heredem nosti, hæreditatem rapere cur præsumis? *Adiuro te per deum, ne me torqueas.* Timet tergiversator, & simulat: fatetur filium: sed ne deus intelligatur solita arte cõtendit adiurat deum per deum, ut alterum videri ipsum faciat, ut astantium decipiat & fallat auditum. *Interrogabat eum Iesus, quod tibi nomen est?* Interrogat, non ignorat, sed implet iudicem: seruat ordinem cognitoris, nomen interrogat, ut de conditione discutiatur, iudicet de reatu, addicat de crimine, deum se esse data sententia perdemōstret. *Respondit, legio, quia multi sumus.* Christi interrogatio nostram ignorantiam sic depellit: nobis aperit quod latebat: ad vnum legio: Euidens est desidia militis, si deserat aciem, si gressum tetrahat, si configere pertimescat, ubi vnū numeroso hoste fortiorem peruidet esse captiuum. Ad præsentiā regis isti quid sunt, qui ut vnum, & nec dum tyronem caperēt, toto cohortis suę agmine conuenerunt? ubi essent si vexillum ibi iam crucis, si Christi signa vidissēt? Age Christiane, incre

de securus, manus tanta, & tam multa quæ sic metuit inermem, procul fugiet, si videat, si sentiat, si cognoscat armatū. *Deprecabantur eum spiritus dicentes, mitte nos in porcos.* Vide ubi satanas sedem desiderat collocare: de sepulchris in porcos semel infectus putredine, habitacula fœtida & imunda perquirat: sordibus delectatur, & cœno, qui utique semper fœtore criminum, & squallore pascitur vitiarum. Sed sic est odor eius tartareus & crudelis, ut cum nec porcorum natura sufficeret sustinere: denique demergi in mari & fluctibus maluit deperire, quàm eius immunditiam pati, & putredinem tolerare: aut quid possunt præsumere dæmones, qui nec porcos quidem contingere prævalent, nisi eos potestas diuina permiserit? Miser est qui relicto iudice frustra carnificis requirit fauorem: qui nec vexare, nec parcere, nec minuere potest tormenta, nec addere: sed facit totum addictus ipse verbero ad ius, & arbitrium iudicantis.

De Socro Petri. Sermo XVIII.

HOdierna lectione didicit attentus auditor, quare cæli dominus, restaurator vniuersorum, terrenas & seruales intrauerit mansiones. Sed nihil mirum si ad omnia dignanter accessit, qui clementer venerat omnibus subuenire. *Cum venisset, inquit, Iesus in domum Petri, vidit socrum eius iacentem & febrientem.* Videtis quæ res ad domū Petri inuitauerit Christum: utique non discumbendi voluptas, sed iacentis infirmitas: non prandendi necessitas, sed salutis occasio, diuinæ virtutis opus, non humani pompa conuiuii. In domo Petri non vina, sed lachrymæ fundebantur: turbabat ibi familiam non cura conuiuij, sed cura languentis: febris ibi, nō edacitas æstuabat. Vnde illuc Christus nō epulas percepturus, sed vitam redditurus intrauit, deus quærit homines, non humana: cælestia dare cupit, non concupiscit inuenire terrena: Christus ergo recepturus nos, nō nostra quæ siturus aduenit. *Cum venisset, inquit, in domum Petri, vidit socium eius iacentem & febrientem.* Ingressus in domum Petri, Christus ad quod venerat, vidit, non aspexit qualitatem domus non occurrentiū turbas, non salurantium pompam, non familiæ concursum: certè non ipsum præparationis ornatū, sed inspexit gemitū languentis: febrientis attendit incendium, vidit periculum desperatæ: & statim man⁹ ad opus suæ deitatis extēdit: nec antè ad humana discubuit Christus, quàm mulier quæ iacebat,

Matt. 8.

usque febrientem: & ideo tenuit manum eius, quia non tantum verbo, sed & manibus Iudaicę gentis operatur salutem: *Psal. 73.* audi Prophetam, deus autem rex noster ante sæcula operatus est salutem in medio terræ. *Tenuit manum eius.* Vt antè Prophetarum sanguine manus eius mūdaretur, quàm ministratiōis ecclesiasticę sumeret sacramentum. *Et surrexit, & ministravit ei.* Hinc est quod erecta est quæ iacebat, & ministrat Christo, dum sanctificat manus suas modo in operibus bonis, quas antè malis operibus polluebat. *Vespere, inquit, factō obtulerunt ei multos demonia habentes, & eiiciebat spiritus verbo.* Hoc humanitus quomodo intelligi potest, vt cōtempo die, vespere multos, & malè saucios salutis audi ad salutis remedia baiularent? Sed vespere est, cum finitur dies sæculi: mundus à luce temporum cum declinat. Sero lucis redditor venit, vt nobis gentibus, qui in nocte venimus sæculorum, diē redderet sempiternum. *Vespere autem factō, obtulerunt ei multos demonia habentes.* Vespere, hoc est, nouissimo tempore nos gentes offert deo Apostolorum pia & solennis deuotio: & pel- *Psal. 95.* luntur à nobis demones, qui nobis idolorum cultibus imperabant: audi Prophetam, Omnes dij gentiū demonia. Ignorantes enim vnum deum innumeris diis seruiebamus sacrilega & sordidissima seruitute. *Et eiiciebat spiritus verbo.* *Quia* *Rom. 10.* ad nos Christus carne non venit, venit verbo: vbi ergo venit fides ex auditu, auditus per verbum, nos fecit liberos demoniaca seruitute: demones reddidit ex impia dominatione captiuos. Hinc est quòd demones sub manibus nostris torquentur imperantibus nobis, qui nos subiiciebant lignis, lapidibus addicebant, & vacuas quotidie figuras inani timore vexabant. Modo est fratres, ne nos infidelitas ad eorum reuocet seruitutem: non laqueemur auguriis, non diuinatione fallamur, nō capiamur sortibus, non à manibus inducamur, non seducamur mortibus, non pestibus anhelantibus captiuemur: sed nos nostrósque actus commendemus dominos committamus patri, credamus deo, quia tempus hominum sicut deus agit & ideo sicut pater actus dirigit filiorum, & vt dominus curam familiæ non relinquit.

De scriba cui Christus sequi se non permisit.

Sermo X I X.

Hodie Euangelista sic cœpit. *Videns, inquit, Iesus turbas multas circa se, inquit, ire trans fretum.* Quoties circa do-

minū se indocilis turba diffundit, & iactatur in conscientie procella, quietem deserit, petit fluctus, portū deserit, naufragia intrat, ad excelsa contendens mergitur in profundū tunc Christus hoc mare talibus turbatū turbis trās-fretari iubet. *Videns, inquit, Iesus turbas multas circa se, inquit ire trans-fretū* Non ut fugeret homines qui hominum venerat ad salutē, sed insipientibus inducias dat credendi: errantes ut reuertantur expectat, patientiam præbet, & veniam, qui non vult proferre sententiam: sustinet contumaces, qui vult non perdere, sed saluare quod fecit. *Accedens, inquit, unus ex scribis ait illi, Magister, sequar te quocunque ieris.* Decipit, nō accedit, qui promittit dominum incautē sequi. Sed ad omnia posse quis promittit? Dixisset cautius sequar te quocunque iusseris: humanius certē, quocunque volueris. *Sequar te quocunque ieris.* Sic dicit qui inter se & dominum quid intersit ignorat: sic dicit qui Christum deum non intelligit, sed magistrum. *Sequar te quocunque ieris.* Petrus per mare sequitur, sed submergitur: ad passionem sequitur, sed negat. Et si Petrus sic deficit, sic succumbit ad pauca: iste qui est qui se ad omnia sequi dominum sic promittit? *Sequar te quocunque ieris.* Sic dicit iste, quasi posset cum Christo subire cōflictum, ignominiam crucis adire per gloriā, intrare mortis arcem, mortē mortificare per mortem penetrare ignotos tartari sinus, dirumpere inferni vincula, sæculis iam duratas animas oblitus ad lucē propria reuocare per corpora, concutere terram, saxa scindere, sepulchra reserare, educere sepultos ab inferis, testes suæ resurrectionis afferre. Adhuc adiiciat iste ire quocunque vadit Christus, superseseat humeris angelorum, conscendat cælos, confideat patri, apicem teneat omnium cælestium dignitatum, ad ista Christum, ad hæc dominū, scriba stultus, superbus vernula, sequi se dominū cur promittit? Sed accipit à Christo tam dignū pro tanta præsumptione respōsum: *Vulpes foveas habent, & aues cali nidos: filius autem hominis non habet ubi caput reclinet.* Quid est hoc? Vulpis viribus infirma, calliditate potēs, inuērix doli, fraudis artifex, simulationis magistra, simplicitatis vacua, plena strophis, auium domesticarum prædo, tectis familiaribus inimica: meritò hanc Christus in typum format Herodis principis Iudæorum, qui pristinæ libertatis oblitus, sub Romana potestate consistens, dominabatur arte: calliditate regnabat, imperabat fraude, præsidebat doli, si-

mulatione pollebat: & quia ab exteris gentibus non valebat referre prædam, familiarem plebem, vernaculos populos, velut aues domesticas deuorabat. Probat hoc Christus quando Herodi mandat, Ite, dicite vulpi illi. Verè vulpis, qui regnum dolis rapit, quod nec nascendo meruit, nec viuendo. Hic ergo Herodes in cordibus scribarum vsque ad necem Christi foueas sibi suorum scelerum collocauit: nec reliquit locum vbi Christus caput suum, quod Deus est, reclinaret. *Vulpes foueas habent, & aues cali nidos.* Aues hic quoque appellat dæmones in aere volitantes, qui & ipsi in pectoribus scribarum malitiæ suæ nidos fecerunt: vbi tora nequitia suæ germina procrearent. Hinc est quod vbi se diabolus Iudæ animo immiscuit, mox & concipit doli fructum, & crimen peperit proditoris. Videris, quia scribam Christus non repulit volentem, sed fingentem prodidit & horruit præsumentem, Aut quare Christus, aut quare pietatis auctor, largitor salutis, istum venire volentem prohiberet, qui mox alium discipulum ire cupientem retinuit, ne abiret? *Alius, inquit, discipulus ait, Domine, permitte mihi primum ire, & sepelire patrem meum.* Iesus autem ait illi, *sequere me, & dimitte mortuos sepelire mortuos suos.* Nunquid sic Christus negat vltimum pietatis obsequiū? vetat extremum munus parentibus quod debetur? Non pietatis obsequium negat, sed diuinam præponit humanis affectibus seruitutem: audite quid discipulus dixerit, *Permitte mihi primum ire, & sepelire patrem meum.* Hoc ei non primum esse debuit, sed secundum: terrenus pater cælesti postponendus est patri. *Sequere me, & dimitte mortuos sepelire mortuos suos.* Hoc est dicere, me sequere ad contumeliam passionis, vt mecum possis ad resurrectionis gloriam peruenire. *Dimitte mortuos sepelire mortuos suos.* Fidei filius ad domum perfidia cur rediret? Salutis proles perditum cum perditis cur defleret? Resurrectionis pignus ad sepulchra genitoris quid curaret. *Sequere me, & dimitte mortuos sepelire mortuos suos.* Quomodo mortui sepeliunt mortuos suos? Fratres, ipse dixit, Ego sum vita. Quod est anima corpori, hoc est animæ Christus: sine anima corpus non viuit, non viuunt anima sine Christo: recedente anima mox corpori fœtor, corruptio, putredo, vermis, cinis, horror, & omnia visu detestanda succedunt: discedente Deo, confestim venit in animam peccatorum fœtor, corruptio crimi-

Luc. 13.

I. Cor. 2.

Ioan. 14.

Mat. 9.

num virorum putredo, conscientiarum vermis, vanitatem cinis, infidelitatis horror, & sit in corporis sepulchro viuo funus animarum iam sepultum. Accedebat ad causam, quod cadaver perfidiarum perfidis agebatur obsequiis, & impietatis ministerio pietas curabatur. *Ingressus, inquit, Iesus domum principis vidit symphoniam.* Nunquid tales piaculum de pietate non faciunt, qui ad luctum musicam, ad funera suorum extranea lamenta conducunt? ubi verò planctus non est, ibi est emptæ & mercenaria cantilena. Mortuum non artifex fistula, sed simplex plangit affectio. Christus ergo discipulum suum non deesse voluit exequiis paternis, sed prophanis luctibus noluit interesse.

De sedata maris tempestate,

Sermo XX.

Mat. 8.

Ecclesiasticæ lectiones sic diuino dispensantur arcano, ut & peritis scientiam conferant altiore: & simplicibus salutaris intelligentiæ gratiam largiantur. Ascendente, inquit, in nauiculam Christo, fecisse motum magnum refertur causa tempestas. *Ascendente, inquit, eo in nauiculam, secuti sunt eum discipuli eius, & ecce motus magnus factus est in mari, ita ut nauicula operitur fluctibus, ipse autem dormiebat.* Mare quod pedibus Christi tumentia terga submisit, strauit in plano vertices suos, motus frænauit, astringit fluctus: & per liquentem

Ioan. 6.

viam saxa soliditate seruiuit, modo quid est quod usque ad periculum sui sæuit, furit, contendit auctoris? quid ipse Christus futurorum præscius præsentium sic videbatur ignarus, ut instātem procellam, tempestatis horam, tempus periculi non caueret: sed inter vigilantes omnes tunc solus tenebatur in somno, quando imminabat sibi, suisque tam grande discrimen? Fratres, gubernatoris peritiam non probat tempestas serena, sed procellosa tempestas: blandiente aura, nauim regit ultimus nauta in cōfusione ventorum, primi quaeritur ars magistri. Hinc est quod discipuli posteaquam viderunt sibi industriam nauticorum deperiisse, in se maria sæuire, se fluctus petere, aduersum se ventorum turbines conuenisse, ad ipsum gubernatorem rerum, vectorem mundi, elementorum magistrum trepidi confugerunt, petentes, ut sedaret fluctus, periculum summoueret, salutem redderet desperatis. Denique ubi iussio sola addixit mare, recussit ventos, tulit turbines, dedit quietem, nauigantes ipsum esse om-

nium sentiunt, credunt, fatentur auctorem. Sed iam quod in-
 tus est proferamus. Vbi Christus Ecclesie suae nauim mare
 sæculi transferaturus ascendit, gentium flabra, Iudæorū tur-
 bines, persecutorum procelle, vulgi nubes, dæmonum nebu-
 læ, sic ruerunt, vt totius mundi fieret vna tempestas: Regum
 spumabant vndæ, feruebant potestatum fluctus, sonabat ra-
 bies traditorum, populorum gurgites rotabātur, perfidie no-
 tabantur scopuli, mugiebant litora Christiana, lapforū nau-
 fragia vexabantur, & erat totius mundi vnum discrimen, v-
 nūmque naufragium. *Tunc discipuli accedunt ad dominum, &*
suscitauerunt eum, dicentes: Domine, salua nos, perimus: & dicit eis
Iesus, quid timidi estis modica fidei? Suscitatus ergo à discipulis
 Christus, mare, hoc est, mundum, corripit: tranquillat orbem,
 reges mitigat, potestates placat, sedat fluctus, componit po-
 pulos, Romanos efficit Christianos, ipsosq; executores ver-
 bi Christianæ fidei reddidit, qui fuerant persecutores nomi-
 nis Christiani. Hanc tranquillitatem seruāt principes Chri-
 stiani, Ecclesia tenet, habet Christianitas, gentilitas admira-
 tur. *Tunc, inquit, surgens imperauit ventis & mari, & facta est tran-*
quillitas magna. Porro homines illi mirati sunt dicētes, qualis est hic,
quia & venti & mare obediunt ei. Discipuli sunt hi, qui accedūt
 ad dominum, qui suscitant eum, qui saluare se humili sup-
 plicatione deposcunt: homines verò dicuntur, qui elementa
 Christo taliter obedisse mirantur. Verè homines sunt, & sæ-
 culi homines, qui mirantur ad obedientiam Christi mundū
 sic esse conuersum, qui templorum vertices velut vndarum
 tumores stupent sic esse deiectos, qui idolorum spumas, dæ-
 monum vident turbines sic fugisse: quos attonitos reddit
 Christiani nominis toto orbe profunda & diffusa tranquil-
 litas. Et verè fratres, dormiente in morte Christo, in Ecclesia
 magna est extorta tempestas: resurgente à mortuis Christo,
 Ecclesie reddita est, sicut scriptum est, tranquillitas magna.
 Modo nos dormientem in nobis Christum toto præcordio-
 rum gemitu, fidei voce, Christianis lachrymis, ploratu alto,
 apostolicis clamoribus excitemus, & dicamus: *Domine salua*
nos perimus. Et quia lectio apte tempori conuenit, & sicut scri-
 ptum est: Aquilo durus ventus, nomine autē dexter vocatur:
 qui nobis gētes sic feras, sic amaras aduectat: hic ergo Aqu-
 ilo ventus durus per dextrum per Africum, per austerum, per
 Eurum diffundit se Christi turbine, maria confundit, delet

Pro. 27.

Iuxta

LXXX.

aëra, montes deiicit, sorbet vrbes, provincias mergit, totius orbis cogit vnum esse naufragium. Hinc est quod nauicula Christi nunc tollitur ad cælum, nunc in trepidationum ima descendit, nunc Christi regitur viribus, nunc formidine iactatur, nunc operitur fluctibus passionum, nunc confessionū remigiis enatat. Sed nos fratres iterum atque iterum clamemus: *Domine, salua nos, perimus.* Et reuera fratres si essemus vnum, & humanum corpus, si eos qui pereunt nostra esse viscera crederemus, afflictione ieiunii, precum gemitu, effusione fletuum, iugiter clamaremus: *Domine, salua nos, perimus.* Et studeremus nobis in nostris fratribus subuenire: nec furente gladio sanguinis nostri mare videremus in terris, nec tanta corporum, sed nec animarum iam naufragia sentiremus, atque humili voce precaremur, *Domine, salua nos, perimus.* Nec tamen vlla comparsio, pietas vlla, vllus pauor, quicunque puer nos, vel compunctio exsuscitat ad dolorem. Dei, dei est quod vrgemur malis, quod verberamur semper, quod gētes valent, quod ruit grando, quod rubigo inficit, quod impietas potest, quod dominantur morbi, quod sœuit mors, quod tremat terra: nos tamen nec tremimus, nec timemus, nec declinamus à malis, nec appetimus bona. Auaritia furit, anhelat pompa, iniquitas placet, aliena delectant, sed nostra pereunt: Dei flagella veniunt, sed nostræ prouocant culpæ. Si Deus iustus, utique nostri misericors. Fratres reuertamur ad dominū, ut reuertatur ad nos Deus: renunciemus malis, ut respondeant bona: seruiamus Deo bono, ut non malis gentibus, & potestatibus iniquis seruiamus, Christo domino, ac gubernatore nos auxiliante, honor cuius & maiestas sine fine permanet in sæcula sæculorum. Amen.

De eadem,

Sermo XXI.

Quoties Christus nostra dormit in naui, & ignauix nostræ somno soporatur in corpore irruit procella tota confusione ventorum, sœuiunt minaces vndæ, & dum spumosis fluctibus sæpius eleuantur & decidunt, amara nauigantibus gignunt expectatione naufragia: sicut præsens euangelistæ lectio declarauit, dicens: *Et ait illis Iesus illa die, cum sero esset factum, transeamus contra, & dimittentes turbam, assumunt eum, ita, ut erat in navi. Et ait illis Iesus illa die. Qua die? Illa nempe qua iuxta Isaiam, confurgit confringere terram: Illa die, qua tota mundanæ lucis claritas vesperascit: illa, qua imminere*

Mar. 4.

Isaie 2.

centrationum nocte crebrescunt; imagines fugiendæ vanitatum. *Cum sero esset factum.* Sero tunc est, cum tempus extremum, & hora nouissima sensibus humanis confusiones rerum nunciant quæ procedunt. *Transcamus contra.* De terrenis ad cælestia: de præsentibus ad futura. Et bene contra, quia diuina semper contraria sunt humanis: dum ista subiectos attrahunt ad fragilitatem, ad virtutem illa qui sequuntur, attollunt. *Et dimittentes turbam.* Dimittunt turbam, qui popularem auram & vulgum deserunt incerto semper iudicio peruagantem: neque addicti rumoribus humanis à virtutis itinere retardantur, sed de bono conscientia stabiles, & securi laudum, & derogationum mendaces fluctus Christo comitante pertranscunt. *Et assumunt eum, inquit, ita, ut erat in naui.* Quid hoc? Aliter est Christus in cælo, aliter habetur Christus in naui, aliter in maiestate patris, aliter in hominis humilitate sentitur, aliter coeternus patri, aliter ætatum nostrarum gradibus cernitur temporalis, aliter nostro dormit in corpore, aliter in sui vigilat spiritus sanctitate. *Assumunt eum, ita, ut erat, inquit, in naui.* Laus fidei est, ita Christum recipere ut est, & habetur in naui, hoc est in Ecclesia: vbi natus, vbi adoleuit, vbi passus, vbi crucifixus, vbi sepultus, vbi ascendisse in cælum, patris ad dexteram consedisse, vnde viuorum & mortuorum iudicem esse venturum singulatis salutis est confiteri: qui taliter in naui nostra Christum confessus assumpserit, & si tunditur fluctuum scandalis, non tamen periculis mergitur, & operiur vndarum. *Et facta est, inquit, procella magna venti, & fluctus mittebat in nauem, ita, ut adimpleretur nauis.* Et facta est procella magna: non ausa est explorare domini dormientis virtutem, sed discipulorum pulsare fidem, timorem prodere, ut auctori suo quantum seruitutis deberet ostenderet, *Et erat, inquit, in puppi dormiens.* Ad dormientem confugiunt vigilantes: & credunt obistere sæuentibus elementis eum, cui somnum dominari sua compassione conspiciunt: contemplantur irruisse taliter humanæ necessitatis soporem, ut nec fragore maris, nec clamore fluctuum, nec extremo imminente naufragio potuerit suscitari. Et vbi est illud: Ecce non dormitabit neque ab dormiet, qui custodit Israel? Per se non dormit, neque sibi dormitat maiestas expers lassitudinis, quietis ignata: sed totum per me mihi agit, qui quo-

Psal. 10.

Psal. 50.

1. Cor. 7.

ties speciem sui actus, sui vultus immutat, toties nostrarum varietates arguit, & culpas animarum: audi prophetam dicentem, Palpebrę eius interrogant filios hominũ. Videte quemadmodum dei oculi clauduntur, ne videant eos, vt vindicent, qui delinquant: Averte, inquit, faciem tuam à peccatis meis: & iterum patent, vt currentes incitent, lassescentes erigant, respiciant supplicantes. Hic ergo domini somnus explorat discipulorum fidem, dubitationem prodit: & modicę eos credulitatis aperit esse, qui non modo in se tantum, sed in ipsum authorem credunt posse elementa consurgere. *Fluctus, inquit, mittebatis nauim.* Quia dominicam nauẽ, quantum extrinsecus quatiunt, & infundunt vndę gentium moles: tantũ intrinsecus tumidi hæreticorum irruunt & desæuiunt fluctus. Hanc tempestatem beatus Paulus se pertulisse declarat, cum dicit, Foris pugnat, intus timores. Ita, vt adimpleretur nauis. Merito spumosis fluctibus Euangelista refert fuisse nauem repletam: cum tot pene hæreses ecclesia patiatur, quot diuinę legis legimus esse quæstiones. Et erat, ait, ipse in puppi, dormiens super ceruicale, & excitant eum, & dicunt ei, Magister, non ad te pertinet: quia perimus? & exurgens, comminatus est vento, & dixit mari: tace, & obmutescet: & cessauit ventus, & facta est tranquillitas magna. Et ait illis, quid timidi estis? necdum habetis fidem? Dum factum pandit lectio, tempus commendat exemplo. Siquidem magna, & satis grauis imminet procellosa tempestas, dum se vndique furens, ac perniciosus ingerit turbo vectorum: maria mugiunt: ipsę quoque insulę funditus subruuntur, & tristi sonitu litora vniuersa feriuntur. Sed quia, vt diximus, Christus nostra dormit in naui, accedamus ad eum magis fide, quàm corpore: & pulsemus eum. plus opere misericordię, quàm desperantium tactu: suscitemus non insolenti strepitu, sed clamore spiritualium canticorum: non murmuratione improba, sed supplicatione peruigili: demus deo aliquid temporis vitę nostrę, ne totam diē infelix ista vanitas, & sollicitudo miseranda consumat: ne noctem totam perniciosus somnus, & inanis sopor expēdat, sed itidem pars diei & noctis ipsi tēporum deputetur auctori. Vigila homo, vigila, habes exēplum, vt quod tibi gallus impendit hospitii, tu tuo exhibeas creatori: præsertim cum tibi ille insonat profuturus, cum te ad opus suscitāt, cum diem nunciat iam vicinum: quāto magis hymnis cælestibus te deum desuper-

na sede tuam suscitare conuenit in salutem, audi prophetam *Isaie. 26.*
dicentem, De nocte spiritus meus uigilat ad te deus. Et Psal- *Iuxta.*
mista: Manibus meis nocte coram eo, & non sum deceptus. *L-X X.*
Dici uero tria tempora idem Psalmista deo admonet depu- *Psal. 76.*
tanda, dicens, Vespere, & mane, & meridie narrabo, & annun- *Psal. 54.*
ciabo, & exaudiet uocem meam. Per quæ tria tempora dum *Dan. 6.*
Daniel Deo sedulus supplicaret, impetrauit non solum præ-
scientiam futurorum, sed & captiue diu gentis sue meruit
libertatē. Dicamus ergo quod Propheta: Exurge, quare ob- *Psal. 43.*
dormis domine? Exurge, & ne repellas usque in finem. Dica-
mus cum Apostolis: *Magister, non ad te pertinet, quia perimus?*
Et uere magister, quia non solum factor est omnium elemen-
torum, sed etiam moderator & rector est: qui cum nos audie-
rit, cum fuerit euigilare dignatus, planabuntur undæ, & tumi-
di fluctus sternentur, & colles: uenti diffugient, peribit pro-
cella, & tempestas ista quæ imminet, & magna tempestas in
tranquillitatem maximam commutabitur.

De terrenorum cura despicienda, deque sermo vi-

gili, Sermo. X X I I.

PRæmia statuuntur his semper quibus certamina dura pro-
ponuntur, ac pro magnitudine certaminis, præmij pro-
ponitur magnitudo. Hinc est quod discipulis suis Christus
regnum ponit in præmio, ut in certamine non cedant periculis,
non timori: pericula despicit, qui tendit ad regnum:
uictoriæ cupidus nescit timere. *Nolite timere, inquit, pusillus grex: Luc. 12.*
quia complacuit patri uestro dare uobis regnum. Grex pusillus mu-
do, magnus deo: pusillus, quia gloriosos uocat eos, quos in-
stituit ad ouium innocentiam & mansuetudinem Christia-
nam: pusillus grex est, qui non de magno minuitur, sed cre-
scit de pusillo: pusillus grex nascentis ecclesiæ sic designat
infantiam, quam uenire ad regni sui insulas incrementis ex-
lestibus mox promittit. *Nolite timere pusillus grex, quia compla-*
cuit patri uestro dare uobis regnum. Adiecit quid faciendum sit
regnaturis. *Vendite quæ possidetis, & date elemosynam: facite uobis*
saccos qui non uetescunt: thesaurum non deficientem in celo. Ven-
dite quæ possidetis: non potest dominari omnibus, nisi is
qui propriis non tenetur: deiectionis mentis est, qui familiaris
rei meminit cum uocatur ad regnum: a cens animus plebeius
nummulum thesauris regalibus anteponit: pauper sensus par-
uis incubans, perdit magna: & inhians temporalibus, deserit

sempiterna. *Vendite, inquit, quæ possidetis, & date eleemosynam: facite vobis sacculos, qui non veterascunt: thesaurum non deficientem in celo.* Homo tali monitu Christus te ditare voluit, non nudare: manere tibi tua voluit, non petire: perpetuari, non vacuari sacculos imperauit: iussit te transferre, non perdere. *Thesaurum non deficientem in celo: quo fur non appropriat, neque tineæ corrumpit.* Plus consilio patris agit, quàm iure dominantis: inter insidias latronum & tinearum morsus, quare tua recòdas, obiurgat: peruigiles noctes, dies anxios, sollicita tempora, ne tibi ipse facias commoneris. Auri custos, seruator argenti, securitatem non habet: nescit quietem: & cui deest securitas, quies perit: pœna diues est ille, non sensu. *Thesaurum non deficientem in celo.* Hoc est dicere, vbi ego sum, ibi ponere: date mihi: ego seruo. Homo da patri, crede deo: quia & hæredi pater, & deus homini creditum non negabit: tenere tua non potest, quia sua dedit. An humanis indiget, qui diuina largitur? an est nostrorum cupidus, qui nos suorum fecit hæredes? certè quibus regnum contulit, quid negabit? O homo si sic permanurus es, quæ tua sunt hic reponere: si illuc iturus es, hinc quæ tua sunt cur relinquis? Qui relinquenda seruat, alienorum custos est, non suorum. Si in hac vita, qua peregrini sumus, & viuimus, & modicum temporalem esse pauperem dolet tristem, in honorum esse: quale est in perpetua patria, inter æternos ciues, de cōtemptu dolorem, de ignobilitate pœnam, de nuditate opprobrium sustinere: & nunc addici pœnis, quando alij promouentur ad regnum? quādo pauper ducitur ad consellum dei, & diues trahitur ad consortium punitorum? Heu quàm lamentandæ vices, quando desperati penes homines possidebunt spem diuinam: & humanis bonis præditi, bonis cælestibus fraudabuntur. Et hoc facit thesaurus, qui cor hominis, aut per eleemosynam leuat ad cælum, aut per auaritiam demergit in terram. Et ideo dixit, *Vbi enim thesaurus vester est, ibi & cor vestrum erit.* Homo mitte, & præmitte thesaurum tuum in cælos, ne cælestem animam demergas in terram. Aurum de profundo terræ, anima ab excelsis cæli. Melius proinde est ad sedem animæ deferri aurum, quàm in sepulchro auri anima demergatur. Exutos ergo totis diuitiarum curis, & iam per omnia expeditos, militare sibi in sæculo iubet, quos regnare donauit in celo: *Sint lumbi vestri præcincti, & lucerna ardentes in manibus vestris, & vos similes ho-*

minibus expectantibus dominum suum, quando veniat à nuptiis. Sint lumbi vestri præcincti: ibi præcingenda est virtus, vbi volūtas est cōprimēda. Nescit vincere vitia corporis, virtutis cingulum qui deponit. Cincti ergo castitatis baltheo, quod est insigne militiæ Christianæ, fluxam carnis detrūcemus ignaviā: & regis nostri expectatione perugiles insomnē somnum sæculi nesciamus. Non dormiunt, inquit, nisi cum malē fecerint. *Et lucernæ ardentes in manibus vestris.* Beati, in quorum

manibus bonorum operum lucent lucernæ. Sic enim luceat lux vestra coram hominibus, vt videāt bona vestra opera: & magnificent patrem vestrū qui est in cælis. Et vt lucerna ante oculos, opus bonum in mentibus sic resulget. Nō portāt tantum lucerna lucet, sed multis: & opus bonum dum factū in vno lucet, multos illustrat exemplo. Lucerna repellit noctium obscura, opus bonum malitiæ fugat tenebras. Accendamus lucernam bonis operibus in manibus nostris, si volumus coram domino & hominibus nos lucere. *Et vos similes hominibus expectantibus dominum suum, quando veniat à nuptiis.* Quia semper nuptiis amicæ sunt faces: luminum testimonio celebratur castitas nuptiarum. Sicut enim fugit lucem illicita qui præsumit, sic multiplici coruscat in lumine licita qui requirit. *Et vos similes hominibus expectantibus dominū suū, quando veniat à nuptiis.* Homines sunt, qui more debitiæ seruitutis indefessis excubiis aduētū sui domini præstolātur: qui verò sic venter seruiunt, vt diuinā nesciāt seruitutem: & de carnis voluptate solliciti, solitudinē occursum dominici perdidērunt, homines nō vocādi sunt, sed iumēta. *Et vos similes hominibus expectantibus dominū suū, quando veniat à nuptiis.* Ex quo ad despōlandū suā ecclesiā Christus aduenit, thalamus ornatur spōsæ: & ornatur auro fidei, argento sapientiæ, virtutū gemmis, sanctitatis velis, verecūdię rosis, liliis castitatis, pudoris violis: & ad alta cæli, pudicitie templū, fastigium virginitaris attollitur: nec desunt psalmodi citharæ, prophetica organa, apostolorū voces, totæ quæ symphonie cælestiū nuptiarū. Satis seruus somni est, qui tali & tanto clamore nō ad celestis regis nuptias suscitatur. *Et vos similes hominibus expectantibus dominum suum, quando veniat à nuptiis: vt cum venerit & pulsauerit, confestim aperiāt ei.* Veniēs pulsat, corda bene cōscius aperit, male cōscius claudit: iusta mēs patescit ad præmiū: iniusta, quia nō meruit, se præcludit. Vigilem⁹ ergo dilectissimi,

Prouer. 4.

Matt. 5.

ut beatitudinem quæ sequitur, consequamur. *Beati serui illi, quos cum venerit dominus, inuenerit vigilantes.* Sufficiant beatitudinis hæc promissa, sed quia Christus ipsius beatitudinis eloquitur charitatem, differamus hodie, ut plenius audiamus, quid suis filiis promiserit talis pater.

De terrenorum cura despicienda. Sermo XXIII.

Luc. 12.

Psal. 43.

Isaia. 53.

AV distis hodie quemadmodum dominus pastoralis iubilo clangorem tubæ cælestis adiunxit, ut diu inclinatæ ouium mētes ad diuina tolleret, cæleste protinus promoueret ad regnum. *Nolite, inquit, timere pusillus grex, quoniam complacuit patri vestro dare vobis regnum.* Acquisiuit humilitas, superbia quod amisit: & grex pusillus ac mitis, totas & varias edomuit propria māsuetudine feritates: pusill⁹ grex vicit ac fregit tot genera bestiarū, quot diuersitates subdidit iugo Christi nationum. Grex pusillus ac mitis diu cōtentus occidi, diu deuorari passus est, donec gentilis sæuitia sanguine sanata, vel carnibus, Evangelici pabuli suauitatem, & diuini fontis fluentia degustans, totum cōtagium sæculi euitaret, & pastū: atque in hominē rediret ex bestia, qui ex homine fuerat dilapsus in bestiam. Hoc sensisse ante prophetas, hoc apostolos implexisse, hoc pertulisse martyres constat: attestante illo qui dicit, Propter te mortificamur tota die: æstimati sumus ut oues occisionis. Ut vero iste grex noui ordinis aggrediretur præliū, vbi viuit ille qui fuerit occisus: qui occuberit, vincit: inuenit animam, qui amittit: imitatus est suum regē, illam ouem: illum secutus est agnum, qui sicut ouis ad occisionem ductus est: & sicut agnus coram tondente se non aperuit os suum: tacet, qui volens patitur: clamat, qui laniatur inuitus. Nec potest de morte conqueri, qui mortē dignatus, nō coactus assumit. Potestatis insigne est, cum pro multis volens quis moritur: nolens cum moritur, est necessitatis extremæ: quia venit de contemptu mortis alterum, alterum de conditione naturæ. Christus ergo sicut ouis, & volens, & tacens tonditur: ut regat illam quam Adam primus intulit nuditatem: velut agnus occiditur, ut peccatum totius mundi immolatus, absoluat: ponit pro ouibus animam suam, ut impleat & pietatem pastoris, & curam. Tibi ergo rex, tibi sacerdos, tibi pastor, tibi sacrificium, tibi ouis, tibi agnus, tibi totum factus est, qui fecerat totum. Et qui sibi nunquam, tibi toties immutatur, propter te varias monstratur in formas, qui

qui manet vnica suæ maiestatis in forma. Et quid plura? dat se tibi deus homo, vt ferrepotes, quia vt est, tu nõ potes, sustinere. Sed audiamus iam quid pusillo gregi talis promiserit pastor. *Nolite timere, inquit, pusillus grex, quia complacuit patri vestro dare vobis regnum.* O bonitas effusa, O inaudita pietas, O ineffabilis affectio, in societate sensus pastor oues assumit, atque ad consortiũ dominationis seruos dominus assiscit: ad participatum regni rex gregem populi totius admittit: sic, sic dat, cui deficere census, cui regnum minui, vacuari potestas non potest largiendo. Prouidenter autem cœpit dominus, dicendo, *Nolite timere, pusillus grex, quia complacuit patri vestro dare vobis regnum.* Promissionem regni sine timore seruilis status audire non sufficit, quia qui libertate vix dignus est, capere nõ valet infulas principatus. Dominus ergo seruorum mentes tali voce confirmat, ne eos repẽtinus promissi regni prosternat auditus. Regnum velle seruum crimen est: audire periculum, temeritas non timere. Sed hoc ad Christum quantum est? aut quàm mirum, quòd dat seruis regnum, quòd si bi seruos facit in dominatione consortes, qui seruorum pedes lauat, vt extrema seruis seruiat seruitute? Veniãt huc, veniant, qui discutiunt potestatem eius, & tunc de eius æquitate contendant, cum potuerint tantam capere, loqui, æstimare pietatem: nec iam calumnientur, si se in nostro corpore patre minorem dicat, qui non dicto, sed & facto, cum pedes lauat seruorum, se subdidit, & subiecit pedibus seruulorum. Homo iã tibi parce, quia vt tibi parcas, tuos deus lauit, tuos tenuit, tuos amplexatus est pedes. Sed ad cœpta redeamus: *Nolite timere, pusillus grex, quia complacuit patri vestro dare vobis regnũ.* Ecce qui dat, dare loquitur patrem, nunquid largitatẽ suã denegat, sic dicendo? Absit, non potestatem minus, sed pandit affectum, sic dicendo. Non distãtiam facit, sed patris, suãque voluntatem monstrat, firmat vnitatem. *Quod autem dixit, cõplacuit: & non dixit, placuit, munus edocet Trinitatis: quia quod erga nos filio placuit, hoc cõplacuit Trinitati.* *Nolite timere, pusillus grex, quia complacuit patri vestro dare vobis regnum.* Post tantam ergo dominus largitatem, post suã gratiam tibi copiosius collatam, abiecta & vilia pecunia seruitutis iubet abicere regnaturum. *Vendite quæ possidetis, & date eleemosynam.* Plebeum cultum regia non admittit potestas, augustus honor non nisi diademate confertur, & purpura,

Matt. 21.

Abiicere ergo debet habitum seruitutis, qui se regem credidit diuinitus consecratum. Hinc est quod rex supernus illum, qui cum indigna veste maiestatis eius ausus est intrare conuiuium, ligari, precipitari, detrudi in tenebras iussit exteriores: quia deformitas inuitati ad inuitantis redundat iniuriā. Peculia quoque pristinae libertatis, iam diuitiis, iā regiis ditatus opibus qui reseruat, captiuus miseria se nescit esse felicē. Est cōsuetudinis, est animi foelicis, ut adscitus ad regnū, quod fuit proprium, quod priuatum, mox parentibus, mox propinquis, ciuibus indigētibz, liberaliter prorogare: ne sit mendicus animo, qui cēsu functus, & honore. Tali ergo prouidentia dominus, consilio tali, vilia & eaduca iubet ut vendamus, ut largiamur, ut donemus, qui in cēlesti regno omnia quæ in cælo, & quæ in terra sunt volumus possidere. Sed si vis seruare tuorum precia prædiorum, & sæculorum forte condita te delectāt, fac tibi faceulos quales ille præcepit, qui iam cupiditatis tuæ custos est & prouisor. Denique, ut vidit, quod duriter dixit, Vendite quæ possidetis: mox adiecit, *Facite vobis sacculos, qui non veterascunt: thesaurum non deficientem in cælis.* Iterum contristatus es: quia quod habes, in cælis cogeris collocare. Rogo crede deo tuo, qui seruo credis: & magis deo, quàm homini cōmenda. Sed si times, ne quid inde præsumat, ne quid dispergat pietas largitoris, signa fidei annulo sacculos tuos: ut tali custode dormias tu securus: quia ubi ille est, ibi locus nullus est furi. Non poterit tibi tuam pecuniam denegare, qui tibi omnia sua contulit, qui te regni sui & honore ditauit, & gloria.

*De sermo vigili.**Sermo XXIII.*

Semper & ad omnia vigilias esse salutare nullus ignorat: quia re vera plus vigilare, plus viuere est. Nam quid tam mortis simile, quàm dormientis aspectus? quid tã vita plenum, quàm forma vigilantis? Indulgēdum somno est, ut corpus reparet, non resoluat: & vires reuocet, non eneruet. Semper ergo ad omnia vigilias esse salutare null' ignorat. Quæ ars, quod opus, quod tempus, quæ potestas, quod officium, non vitæ lucra lucubratione perquirat? Hinc est quod rex in procinctu peruigil callidi hostis præcauet, & curat insidias: tunc in castris miles superueniētes nocturnos impetus cauta pernoctatione propellit. Sic nauta vigilando diffusi itineris incertas vias intrat, & calles trāsit inuios, & vestigio fur-

tino ad lucrosi portus votiuam peruenit mansionem. Hinc pastor adiungit noctes diebus, & totum sibi tempus denegat dormiendi: ne qua lupis suffragante somno, grassandi in gregem præbeat occasio. Sic viator solers per auras noctis æstus solis præuenit: actumque diem providentius deputat mansioni. Hæc propheta sciens non die solo, sed de nocte tota clamabat ad dominum: Domine deus salutis meæ in die clamaui, & nocte corā te. Quid plura? Ipse dominus pernoctat in oratione dei: ut antè nos oratione liberet, quàm redimat passionem. Et si pro seruis dominus vigilat: merito pro se ipsis seruos vigilare sic iubet. *Præcincti, inquit, sint lumbi vestri, & lucernæ ardentes in manibus vestris, & vos similes hominibus expectantibus dominum suum, quando veniat à nuptiis. Sint lumbi vestri præcincti.* Nouus ordo vigiliarum, nouus habitus imperatur. *Sint lumbi vestri præcincti, & lucernæ ardentes in manibus vestris.* Nil de vestitu, nil de calceamentis, nil de ipsius occursum apparatu serui vigilantes admonetur, sed tota in præcingendis lumbis mandatur cura: tota in constringendis lumbis statuitur vis præcepti, addito lucernarum solatio tantum, sine quo nec noctis aperitur obscuritas, nec venientis diei clarescit aspectus. *Sint lumbi vestri præcincti: & lucernæ ardentes in manibus vestris.* Cingulum quidem est proprie indicium seruitutis: quod & discursus expeditos reddat, & faciat obsequentes. Sed dixisse suffecerat, estote præcincti: cur lumbos potissimum nominat? cur tanta iubentis reuerentia lumborum facit magnopere mentionem? *Queris quare?* quia in lumbis est tota corporis causa, ex lumbis tota carnis negocia suscitatur, in lumbis tota est humani lapsus, humanæ fragilitatis occasio. Inde venit quod virtutis ignaros reddit, efficit segniores. Hinc est ergo quod principaliter dominus lumbos nostros astringi iubet baltheo castitatis: & totum carnis nostræ pendulum, fluidum, resolutum, constringi mandat continua zona virtutis: ut carne succincta ad domini occursum liber, velox, expeditus nostræ mentis reddatur incessus. Hæc tamen audiens homo scire debes, quia te non retardat ab occursum dei caro: quia ipsius occursum, officij ipsius est inseparabilis comes, si tu eius cõponas sarcinas: si releues onera eius, si pèdula & sinuosa inuolucra eius tu puidus viator astringas. Quid plura? Erit tibi salubre contubernium, si tu eius deses & resolutus nõ fueris institutor: quemadmodum autè debeas æquare sar-

Col. 3.

cinas eius, eius pondera iniusta moderari, Apostolus edocet, sic dicendo, Mortificate membra vestra quæ sunt super terrâ: fornicationem, immunditiam, libidinem, concupiscentiam malam, & auaritiam, quæ est idolorum seruitus. Cōstringenda est ergo caro continentię cingulo, ne effusa vitiis, ac toto peccatorum grauata pondere, supernis & cælestibus insistere non possit incessibus. Bene ergo dominus adiecit: *Et lucernæ ardentes in manibus vestris.* Quia semper ad innocentię testimonium lucernę nocturno portantur in tempore: & sicut vitiis amicę semper sunt tenebrę, ita lucernę semper inimicę criminibus: sociæ semper boni operis sunt lucernæ. Sed in manibus sanctorum ipsa bona opéra sunt lucernæ, dicente domino, Sic luceat lux vestra coram hominibus, vt videant vestra bona opera, & magnificent patrem vestrum qui in cælis est. Et vere portant lucernas suas, vere fomentis operum, vere misericordiæ vnguēto inflammant lampades suas, quæ cum loco, proposito, studio, latitant: opere, virtute, meritis coruscant, ac splendent toto orbe terrarum. Et quia expectationis suæ dominus satis tristes, satis anxios nouerit mores: ne quis superaretur tēdio, ne quis lassesceret tarditate, ne quis longæ expectationis fatigatione succumberet, perseuerantibus beatitudinem cælestem, cæleste promittit obsequium. *Beati, inquit, serui illi, quos cum venerit dominus, inuenerit vigilantes.* Et ne ipsius beatitudinis qualitas haberetur incerta, mox adiecit: *Amen dico vobis, quia præcinget se, & faciet illos discumbere, & transiens ministrabit eis.* Præcinget se deus, & faciet seruos discumbere, & ministrabit eis. En mutatio inaudita rerū, en terribilis correptio dominationis, en pauenda conuersio seruitutis: quia parumper seruus astitit in domini sui expectatione succinctus: & sustinendi fidem breui fatigatione portauit: cui vt talionem redderet, dissimulat se in ipsa diuinitate diuinitas. *Præcinget se, & faciet illos discumbere, & transiens ministrabit eis.* Discumbenti homini deus astat, & astat in cælestibus: epulāti seruo seruit dominus, & seruit accinctus: pueris suis, ministris suis ministerium facit Christus: & facit in patris iam gloria constitutus. Homo calumniaris: est adhuc quod detulerit patri, qui tibi in terra lauando pedes, extremum repræsentauit obsequium, & repromittit in cælestibus nouissimam seruitutem: Crede hæretice, & tu illi stude reddere talionem. Ille tibi in cælestibus parat conuiuium se

ministro, & tu illi in terra non desinis continuas ingerere & generare blasphemias: faciet & ille transitus suos, quia transiens ministrabit illis: de dominatione ad fidelium suorum pia transiet & migrabit obsequia: ad te de misericordi patre seuerissimum transibit in iudicem. *Et transiens ministrabit illis.* Confitentibus, expectantibus ministrabit epulas, ministrabit & tibi, sed dignam de tua negatione sententiam. *Et si venerit in secunda vigilia, & si in tertia vigilia venerit, & ita inuenerit, beati sunt serui illi.* Si in secunda & tertia vigilia venerit: vigilias mundus plures, tres tantum vigilias nouit expectatio Trinitatis: quare tamen à secunda cœpit, & tacuit primam? Quia prima iam vigilia in ortu dominicæ natiuitatis excesserat. Probant hoc pastores, qui dum supra gregem suum vigilare, gregis ipsum pastorem in præsepio inuenire, videre, tenere merentur & authorem, sed quæ sit secunda & tertia vigilia requiramus. Sicut utique prima vigilia est sui ortus in carne, ita secunda est vigilia, qua nostra redit & resuscitatur in carne. Denique vt ad resurgentem veniat, annuas excitatur, & euigilat mundus. Tertia vigilia est illa, qua expectatio tota nouissimo venientis finitur aduentu: vt sicut ille resurrexit nobis, ita nos illi iam perpetuam resurgamus ad vitam.

De terrenorum cura despicienda. Sermo XXV.

Hodie dominus Euangelici gregis pusilla & tenera primordia quàm blâda exhortatione sit consolatus audistis. *Nolite timere, inquit, pusillus grex, quia complacuit patri vestro dare vobis regnum.* Aufert spes anxias, dubios tollit euentus, omnemque propellit, & excludit timorem, quando in exordio ipso regnum nascentibus pollicetur. *Quoniam complacuit patri vestro dare vobis regnum.* Quis de victu, quis de vestitu, quis de plebeio censu, & vernalis cespitis vilitate suspirat, de regno certus, de dominatione securus? Satis sibi inuidet qui eleuatus ad summa, ipse se ad humilia deiicit, ad egena deponit. Sed scire conuenit, pater iste qui est, vel qualis est, vel quod regnum suis filiis repromittit. Quis sit iste pater, quotidie te confitente cognoscis, cum clamas: Pater noster qui es in cælis. Qualis autem sit, ipsa operum magnitudine peruidisti: ex nihilo fecit cælum, terram solidauit ex liquido, montes statuit ad stateram, maria intra legitimos terminos sola præcepti auctoritate conclusit. Verum si regni, quod promittit pusillis desideras nosse qualitatē, ipse aperit, sic dicēdo, *Sinite*

Luc. 12.

Matt. 6.

Matt. 19.

I. Cor. 13.

paruos venire ad me, talium est enim regnū cælorum. Et se in cælo mirum est: in cælo viuere, est maiestatis. Iam regnare in cælo quanti sit, sensus definit æstimare morralis: & tamen homo, quod æstimare non potes, percepisti, Apostolo sic dicente, Quod oculus non vidit, nec auris audiuit, nec in cor hominis ascendit, quæ præparauit deus diligentibus se. Et quod te mereri dubitas, habere te, & possidere iā cogeris confiteri. Quid ergo cum terra illi, qui possidet cælum? Quid illi cum humanis, qui adeptus est iam diuina? nisi forte placeant gemitus, eliguntur labores, amantur pericula, pessima mors deletat, & illata mala bonis sunt gratiora collatis. Sed videamus quod dat pater tantus consilium regnaturis. *Vendite quæ possidetis, & date elemosynam.* Si victuros vos, si regnuros, si vos iam diuites esse creditis in supernis, vbi futuri, quo migraturi, vbi regnaturi estis: vos illa quæ vestra sunt iam præcedant: opes miseras misericordia computate: quæ humana sunt in diuina cōuertite. Et ne cui forsitan decisset euectio ad porranda illa quæ dimittitis, angrieratus est pauper: ferunt pauperes onera nostra, & volentes ferunt: quia tali nō deprimuntur pondere, sed leuantur. *Vendite quæ possidetis, & date elemosynam: facite vobis sacculos, qui non veterascunt, thesaurum non deficientem in calis, vbi fur non appropriat: neque tinea corrumpit. Facite vobis sacculos, qui non veterascunt.* Videtis, quia pater iste ditare vult filios, non nudare. *Facite vobis sacculos, qui non veterascunt.* Nouo modo, imò cælesti modo, qui hunc audit; vendendo comparat, recondit erogando: dum amittit, acquirit. Quam cupit pecuniam perdurare, perpetuare sacculos diuitiarum, condita permanere, qui dicit, *Facite vobis sacculos, qui non veterascunt.* Ecce docet auaritiam, qui cœperat suadere contemptum. *Facite vobis sacculos, qui non veterascunt.* Et qui thesaurizantes temporaliter arguebat, ad totum cupiditatis fomitem iubet sacculos sine fine perquiri. Christe, quo te pertrahit amor ruorum? vt auarum lucrifacias, facis eum quod desiderat, non quod oportet, audire: sacculos imperas: æternos thesauros, qui non deficient vis parari, vt avarus dū consueta percurrit ad lucra, aut virtutem capiat, aut à virtute capiatur. Vere pater es, qui cum tuis quibuscunque parulis sic agis. Nanque & nos interdum nostris parulis peccentibus noxia, ingerimus salutaria sub specie noxiorum: fallentes insipientiam, nō decipientes affectum. Dixisti, Fa-

erte vobis sacculos, qui non veterascunt, thesauros non deficientes in celo. Sacculus cur paratur? Quid ibi claustra, vbi ipsa custos est innocentia? ibi quid signaculum, vbi fraudis suspicio non habetur? Si & in celo sacculis opus est, cura non amittitur, sed mutatur Domine, tu vidisti quia in thesauris tota fides, tota spes in sacculis sit auaris: & ideo imputribiles in celo sacculos vis parari, vt qui te non sequitur ad celum, sequatur saltē sacculos suos. Auare, fac tibi sacculos, & fac iubēre deo: quia votis tuis annuit diuina maiestas. Sed fac tibi sacculos erogādo, quia quicquid pauper acceperit, pater cælestis suscipit. Et vbi recōdit? in celo. Et ne fortē perdidisse te doleas vel vsurā, centuplū in cælesti fœnore recipies, quicquid in celo paupere trāsmiseris perferente. Usura mūdi centū ad vnum, deus vnum accipit ad centū: & tamen hominēs cum deo nolunt habere cōtractū. Sunt forsitan de cautione solliciti. Quare? Nōne homo homini exiguæ chartulæ obligatione cōstringitur? Deus tot, & tantis voluminibus cauet, & debitor nō tenetur? Sed dicis, esto quōd debeat, quo exigēte restituet? seipso, quia non potest ille mētiri: idem ipse est, & executor & debitor. Non erit in reddendo durus, qui profusus est in largiendo. Crēde homo deo, quod tibi deus dedit: maiora reddere vult, cum vult debere largitor.

De fideli dispensatore.

Sermo XXVI.

Quod hodie dominus interroganti Petro respōdisse legitur, per figuram ad apostolos ipsos, ad doctores tantum, & ad eos qui ecclesiis præsident, dictum, multorum per- Luc 13,
fensit auditus. Interrogat Petrus. Domine ad nos dicis hanc parabolā, an & ad omnes? Cui respondit dominus, Quis putas est fidelis dispensator & prudens, quem constituit dominus super familiam suam, vt det illis in tempore tritici mensuram? Beatus seruus ille quem cum venerit dominus ita inuenerit facientem: verē dico vobis, quod super omnia quæ possidet, constituet eum. Quod si dicat seruus ille in corde suo: moram facit dominus meus venire, & exeperit percutere pueros, & ancillas, & edere, & bibere, & inebriari, veniet dominus serui illius in die qua non sperat, & hora quæ nescit & diuidet eum, partemque eius cum infidelibus ponet. Ecclesię quidem præsules ista quamprimum similitudo constringit, sed hominem nullum, mortalem nullum prorsus eximit hæc figura, quæ dum loquitur ad dispensatorem, omnibus vno interrogante, respondit, Si est quisquam qui à deo nil acceperit, discussionem

Luc. 11.

Sap. 6:

Leui. 10.

1. The. 5.

dispensationis, dispensatoris officium non timebit. Homo si hoc ipsum quod des accepisti, accepisse te quod habes, quomodo tu negabis? De cælestibus conditis, de horreis diuinis rationem reddet, præstabit causas ecclesiæ prorogator. Et quanto maius suscipit creditum, tanto maius se debitum non dubitat redditurum, dicente domino, Cui plus est creditum, plus exigetur ab eo. Et alibi, Potentes potenter tormenta patientur. Quanto altius ascenderit homo, lapsus, tanto alius cadet. Quid altius cælo? De cælo cadit in cælestibus qui delinquit: desperatus incurrit, qui in ipsis dominantis oculis offendit: & excusatione caret, qui facinus ipso iudice teste committit. Aut quam defensionem sperat, quem testimonium cognitoris accusat? Sic diabolus cum esset angelus, & in cælo, & coram deo semper clarissimus versaretur, & fulgens, dum dei tentat aures, dum in dei superbit aspectu, lapsus ad terram, ad tartara deiectus, in diabolum mutatur ex angelo? & qui erat minister veniæ, factus est dux pœnarum. Hinc est quod Apostolus nostri ordinis hominem commonet, ne incidat in superbiam & laqueum diaboli. Dispensator ergo diuini verbi, & cælestis doctrinæ prorogator, qui ante dominum stat iugiter, versatur inter altaria semper, neque à dei oculis recedit vnquam, qui peccatorum causas, dolores populi suscipit, fert, offert, ingerit preces, accipit, refert, restituit impetrata, ex homine totus in Angelum substitutus, nō potest nisi in ipsa dei facie inter sanctorum sancta peccare: vt inde sibi sumat crimen vnde aliis veniam consueuerat reportare. Denique Nadab & Abiud sacerdotes filij Aaron sacerdotis, dum contaminare extremo igne altaria præsumunt, ipsius altaris consumuntur incendio: vtsumerent de sacrificio pœnam, qui fecerant de propitiatione peccatum, quod peccatum illis suscitaret ebrietas: nam vini odor odorem fugarat incensum, & ebrietatis ignis flammam prouocarat altaris: vnde quia alienati vino alienum portauerat ignem, mox diuino igne referuntur extincti. Ebrietas in alio crimen est, in sacerdote sacrilegium: quia alter animam suam necat vino, sacerdos spiritum sanctitatis extinguit, dicente Apostolo, Spiritum nolite extinguere. Merito inter cetera quæ in dispensatore malo arguit hodiernus sermo, vini condemnat insaniam, dicendo, *Quod si dicat seruus ille, moram facit dominus meus venire: & ceperit percutere pueros & ancillas, & edere, & bibere, &*

inebriari. Propriè dixit, edere & bibere, & inebriari, & percutere. Ebrietas cordis mater, parēs litium, furoris genitrix, petulantie deformiter est magistra: hanc qui habet, se non habet: hanc qui habet, homo non est: hanc qui habet, non peccatū facit, sed est ipse peccatum. Ebrietas est dæmon blādus, venenum dulce, rabies voluntaria, inuitatus hostis, illecebra honestatis, & pudoris iniuria: hanc nullus nouerit Christianus, ne auditu quidē sacerdos attingat: ne qui est forma virtutum, vitiorū inde fiat, & inueniatur exemplum. Verū quia ad nos, & ad ecclesiasticos viros satis dictum est, quēadmodum cunctos teneat responsio saluatoris, quod non sit qui à dei dispensatione inueniatur extraneus, perquiramus. *Rom. 13,* Apostolus dicit, Non est potestas nisi à deo. Si à deo potestas omnis, à deo rex etiam dispensationis regie adeptus est dignitatē. Sic dux, sic miles, sic prouinciarum rectores, sic urbium, rationē reddituri sunt omnes isti, si in vllō creditę potestatis excessere mensuram: si Rex iusticiam custodiuit, si æquitatē tenuit, si potestatem moderatus est, si misericordiā non omisit, si tenuit sic pōderis sui librā, vt in neutrā partem potestatis suę trutina perpēsa declinaret: si omnium curam gessit, si ciuium procurauit quietem, si sic tēperauit seasum: vt neque militi sufficiētia deesset neque tributarius lassaretur. Et dux præstabit deo causas, si sequētibz se præbuit virtutis exemplū, si in excubiis peruigil, si in discursibus indefessus, si pacē omnium proprio labore perquisiuit. Rationē reddet & miles, si paruit imperatis, si cōcussit neminē, si accepta stipēdia iustissimo labore pensauit. Iudex quoque iudicij sui supernū iudicē sustinebit. Erru qui dominus es domus tuę, dispensatorem positum plusquā dominū volo credas: vt exhibeas cōiugi simplicem charitatem, doctrināque ei quam didiceris in ecclesia prudenter infundas: cui Apostolus in ecclesia tacere præcepit, & domi discere te docēte, dicēs, Mulieres in ecclesijs taceāt: si quid autē volunt discere domi viros suos interrogēt. *1. Cor. 14,* Filis impendas affectum sobriū, sollicitā curā, cōsque fideliter in domini enutrias disciplinā. Sernis victum, & vestitū debitum reddas, remittas culpas, minas temperes imperes disciplinā: & habeas eos fratres progenie cælesti, quos subditos mundana possides seruiture. Vos quoque serui debetis domino fidem in ipsa quam geritis seruitute: quia qui pio & puro corde carnali domino debitum nō reddet oblie-

quum, deo antè qui corda videt, quàm homini tenetur obnoxius: qui te parem fecit per gratiam; quem conditio ferat disparem vilitate serui. De diuite quid dicam: qui quanto plus habet, tanto amplius debet.

Desunt nonnulla. Denique simul reddit, simul tradit alteri: quæ si noluerit reddere, singulis committat per partes. Et tu pauper commissam tibi dispensationem non paruam paupertatis existimes, si patienter feras, si ingratus non sis, si sis vel in ipsa necessitate sobrius & frugalis, si dâti agas gratias, non danti non ingeras blasphemans iniurias: si tantum, quæras, quantum dat misericordia, non quantum cupiditas importuna compellit. Certè & tu pauper qui libenter petis, da etiam tu libenter petentibus. Sed fortè dicis, non habeo: sit dandi animus, & facultas non deerit largiendi: pone aduenienti sellam tuam, pone mensam tuam, candelabrum, lucernâ: certè ex eo quod accepisti gratanter appone. Sic Elias, Sic Elisæus dum declinât ad viduarum vacuas & inopes mansiones, copiosè quod viduis decrat suppleuerunt. Adiecit autem dominus ad confirmationem similitudinis huius, dicendo, *Ille autem seruus qui cognouit voluntatem domini sui, & non se preparauit, & non fecit secundum voluntatem eius, vapulabit multis, qui autem non cognouit & fecit digna plagis, vapulabit paucis.* Ille quidem qui per conscientiam peccat, meritò grauius soluit conscientie pœnas: sed & istæ per ignorantie culpas, plagas ignorantie non vitabit: deum sicut contemnere non licet, sic non licet ignorare.

De scandalo tollendo,

Sermo XXVII.

IN procinctu belli semper vigiliæ sunt militum distributæ: ut insidiis nil liceat, nil pateat dolis. Perniciosissimus nimis est repentinus hostis: nam aut inscios præuenit, aut incautos præoccupat, aut opprimit dormientes. Hinc est quòd Christus rex noster ante sæcula per totam sæculi noctem milites suos præmandatis vigiliarum vicibus commonuit contra diaboli, id est, veteris hostis subtilissimū dolum: contra latentes impetus vitiorum: contra criminum insidias irruentes, contra scandala quæ nobis variis oriuntur ex causis, contra tentamenta præsentis vitæ, cōtra vrentes acies sæcularium pressurarum, taliter admonendo: *Vigilate & orate, ne intretis in tentationem.* Et statuēs qualiter vigilaretur: adiecit, *Et si venerit in secunda vigilia, & si in tertia vigilia ve-*

1. Reg. 17.

4. Reg. 4.

Matt. 26.

Luc. 12.

nerit, & ita inuenerit, beati sunt serui illi quos cum venerit inuenerit vigilantes. Et plane beati, quia qui vigilat & anticipat dolos hostium de domini sui gloriabuntur aduentu. Hodie tamen dominus ipsas nostrorum ducum contra scandala exsuscitauit, & armavit excubias: dicendo ad discipulos, *Impossibile est ut non veniant scandala.* Hoc est, impossibile est ut non veniant hostes. Et primum fratres scire nos conuenit scandala hæc quid sint. Scandalorum genera sunt diuersa, & prima sunt illa quæ diaboli fraus parit. Secunda sunt, quæ generat calliditas humana. Tertia sunt quæ parit ipsa ex nobis suspicax & incauta natura. Et à diabolo sunt illa quæ fallunt specie, quæ prætendunt bona, cum mala inferant: sicut illud ad Adam, cum nobis humana abstulit, dum diuina promittit. Et illud, quod per Petrum, Non tibi hoc erit domine: triumphum crucis vacuare contendit, cum seruire se nimio amore mentitur. Nam cum dominus loqueretur passionis suæ gloriam: respondit per Petrum, Non tibi hoc erit domine: venenum quàm dulce serpentis: ante facit militem regis sui negare victoriam, seruus ipse dominum quam negaret: vnde dominus seruum post se mittit, scandalum remittit auctori: dicendo ad Petrum, Vade post me: & diabolo, Sathanas scandalum mihi es. Et verè post dominum vadit Petrus, quia ut eum sequeretur ad cælum, crucem resupinus ascendit. Sed & illud est scandalum tale quod fecit Iudæis. Nam lapidem firmadis vestigiis latum, in totam sulcauit & exasperauit offensam: & totius fundamenti petram vertit in scandalum, ut esset miseris ad ruinam. Ecce pono, inquit, in Sion lapidem offensionis & petram scandali. Hinc est quòd Psalmista anxia supplicatione deposcit, Custodi me à laqueo quem statuerunt mihi: & à scandalis operantium iniquitatem. Et quia transilierat offensam, scandalum vicerat, taliter gloriatur. In petra exaltasti me, & deduxisti me, quia factus es spes mea. Diximus primum genus scandali: dicamus & secundum quòd de humana calliditate diximus euenire. Scandalum populo Israëlítico Balaam diuinatorem obiecit, quando bellatoribus non cum ferratis viris, sed cum puellis toto lenocinio fueris occurrit: ut arma verteret in luxum, triumphum mutaret in infamiam, & in reatu reatus deuocaret ultores: & ad summam prophanaret totam de turpitudine sanctitatem. Hinc

Luc. 17.

Genes. 3.
Matt. 16.Esai. 8.
Esai. 28.
Psal. 140.

Psal. 60.

Nu. 31.
Apocal. 2.

3. Reg. 11.

est quoddam cum Moyses tali notauit sententia cum puniret. Et Balaam, inquit, diuinum occidite: quia hic misit scādalum ante filios Israel. Scandalum molitus est Ieroboam, qui ex auro vacas populo in Deos figmento miserabili collocauit, ne Deum viuum, ne verum templum, ne diuinam legem, ne legitimos reges, ne patrios ritus quæreretur: sic populus manipatos erroris scandalum facit iuxta Apostolum: cum quis

1. Cor. 2.

idolis immolata quasi nihil nocitura manducat, & insensatos lapides, & ligneos Deos, qui neque sanctificare, neque polluere quid possunt, tali facto æstimat debere contemni. Sed quod ille fidei arbitratum exemplum, sit ignorantibus erroris occasio: quia non ad contemptum, sed ad cultum prouocat nescientes, & conuiuium religionis videri facit in-

1. Col. 3.

sciis, quos sciens studio derisionis absument. Vnde bene Apostolus concludit, & aperit. Et peribit infirmus in tua scientia frater, propter quem Christus mortuus est. Tertium genus est scandalum, quod nobis nostris generatur ex sensibus, cum fallimur oculis, cum decipimur auditu, capimur odore

Gene. 3.

& sapore vitiamur. Vnde Eua vetiti & letalis cibi sic gustu est fauciata, sic visu, Et vidit, inquit, mulier quod bonum est lignum ad manducandum, & quod gratum oculis ad videndum, & speciosum est ad intuendum. Bene ergo dominus

Mar. 9.

adiexit scandalizare sensus ipsos, dicendo. *Si scandalizaueris te oculus tuus aut manus tua, abscide, & proiice abster: melius est tibi sine oculo & manu venire ad vitam, quam toto corpore ingredi in gehennam.* Et quanuis dominus lapsus, & vitia iusserit sic nos secare, non membra: tamen si hoc Eua mater humani generis sic fecisset: melius sine oculo & manu in vitam venisset, quam totam posteritatem suā lamentabilem misisset in mortem. Cauere ergo oportet nos fratres, ne scādalum faciamus

alii, ne vel ipsi alio faciente patiamur. Scandalum est quod offendit sensus, quod mētem turbat, quod confundit intelligentiæ puritatem. Scandalum est, quod diabolus fecit ex angelo, quod ex apostolo reddidit proditorem: quod inuexit peccatum mundo, quod hominem deduxit ad mortem: audi dominum dicentem, *Ve mundo à scandalis.* Scandalum sanctos

Mat. 18.

tētas, fatigat incautos, incautos deiicit, confundit omnia, conturbat omnes: & licet in presenti loco dominus de scandalis suæ passionis loquatur, & Iudam denotet, per quem venit ipsum scandalum scandalorum: tamen ne quis in hoc de-

niret, admonuit, dicendo, *Impossibile est ut non veniant scādā-
vā tamen illi per quem veniunt. Bonum est illi si lapis molaris ap-
datur collo eius, & proiciatur in mare, quā scandalizet unum
pusillis istis. Quare non lapis, sed lapis molaris: quia lapis
molaris dum triticum terit, dum farinam fundit, à polline
refutem dum secernit, panē piē laborantibus subministrat.
Bene ergo illi qui eligit minister scandalī magis esse, quā
māgis, ad collum lapidis alligatur molaris: ut hoc illum ad mor-
tem trahat, quod illum trahere debuisset ad vitam: quia sen-
sus ad vitam datos mortis conuertit in scandalum, suadendo
id videre, aliud audire, aliud sentire, aliud sapere, quā e-
rat in Christo quā erat in scientia salutari. Hinc angularē
lapidem, hinc adiutorii lapidem, hinc lapidem sine manibus
confectum, quod est Christus: sic pusillorum circuit & trahit
ad scandalum: ut non panem vitæ, sed panem lachrymarum
conficeret, & doloris: sicut propheta testatur, dicēs, *Qui mā-
ducatis panem doloris. Bene ergo illi, sicut alibi dixit, Ut mo-
la asinaria alligetur collo eius: & inde sumat pœnam, vnde
cūmpsit & sensum, & exequetur iumentis insipientibus, qui
noluit hominibus superna sapientibus comparari.**

De Matthæo & Christo cum publicanis manducante.

Sermo XXVIII.

Quod si virtutibus cognata paupertas, terrena, & cæle-
stis comprobatur disciplina, Athleta ad luctamen nudus
accedit, configit cum fluctibus nauta nudus, miles in acie nō
nisi expeditus assistit: qui tendit ad philosophiam, totum
quod in rebus est, antē cōtemnit. Est ergo virtutibus cognā-
ta paupertas: & si paupertas virtutum parens, virtutum socia
si habetur, sapere convenit quare Christus ad virtutis offi-
cium pauperes sic eligit. Petrus & Andreas, Iacobus & Ioan-
nes, germanitas combinata, imo congeminata paupertas, in
apostolorum principes eliguntur, pauperes sensu, loco humi-
les, viles arte, obscuri vita, labore communes, addicti vigiliis
fluctibus mancipati, negati honoribus, iniuriis dati, præsidio
reliis, solo piscium capto victum, vestitūque cōquirentes.
Sed in istis quantum vilis mūdānus videbatur aspectus, pre-
ciosas tantum animas Dei intuitus tunc videbat. Erant censu
pauperes, sed innocentia locupletes: loco humiles, sed sancti
tate sublimes: viles arte, sed simplicitate preciosi: obscuri vi-
ta, sed vitæ merito perlucētes: labore communes, sed pro-

Luc. 17.

Isa. 28.

1. Re. 7.

Dan. 2.

Psal. 116.

Marc. 18.

Mat. 4.

posito singulares: ad dicti vigiliis, sed ad cælestes victorias iā vocati fluctibus mancipati, sed fluctibus non demerſi: negati honoribus, ditati magis honoribus, non negati iniuriis dati, sed iniuriis non relictī, captores piſcium, sed piſcatores hominum iam decreti. Venite, inquit, & faciam vos fieri piſcatores hominum: vt vitalis eſcæ iactu, vt hanc cæleſtis verbi de mortis gurgite animas ad lucem tollerent ſempiternam. Captores piſcium fiunt hominum piſcatores: de labore trāſeunt ad laborem, quia labor nescit laſſeſcere meditatus. Omnia quæ de vſu veniunt non fatigant. Virtus exercitio perſeuerat. Hinc eſt quod apoſtolos ſuos Chriſtus humanis laboribus exerceri voluit, vt eos indefeſſos redderet in diuinis: voluit eis Deus manēre fortitudinem, de exercitio præſtare virtutem: & quia fructus prouenit ex labore, voluit eos labores non perdere, sed mutare: ipſe antè illis vſum laboris indulſit, qui poſtea eis tolerantiam dedit virtutis. Hinc eſt quod regna, gentes, carceres, vincula, tormenta, mortes, ſæuientes homines terris omnibus ſic vicerunt. Diximus quod in apoſtolis amica virtutum, Deo chara ſit electa paupertas.

Mat. 9.

Matthæum de telonio diuitem, de vſuris locupletem, lucris ſæculi onuſtum quod in apoſtolatum Chriſtus elegerit. quid dicemus? Hodie Matthæus de ſeipſo ſic cœpit. *Et cum tranſiret inde Ieſus, vidit hominem ſedentem in telonio Matthæum nomine: & ait illi ſequere me.* Matthæus publicanus generat nobis non paruam ſuis quæſtibus quæſtionem: & magnum nobis negotium ſua negotiatione proponit. Sed dicit aliquis, Quæ quæſtionē? Quod negotiū? Deus ſuſcipit pauperes, ſed diuites nō repellit. Habētes ſuſcipit, & ad ſe attrahit nō habētes.

Luc. 16.

Abrahā diues, diues Iob, Dauid diues. Et quid Abraham beatius? Quid fortius Iob? Quid Dauid ſanctius? Nā & Abrahā poſt terrenos mœrores piæ animas, & reuolātes ad cœlū in gremiū ſuæ conſolationis includit. Et Iob in ipſis diuinarū machinis diabolū & ipſe vicit, & nobis vincendi eū reliquit exemplū. Abrahā ſic poſſedit diuitias, vt eas ſape & oblatas cōtemneret & calcaret indultas: & ſic diligeret poſſidere diuitias, nō à diuitiis poſſideri: habere eas ad largitatis materiā non ad cupiditatis incendium. Sed ad hæc reſponderetur, fuerunt ſanctis innocentes diuitiæ, vt pote à Deo datæ, non turpiter acquiſitæ: conſeſſæ ad vſum vitæ, non ad mortis vſuram. Matthæum vero publicanum diuitiæ ſic cupiditatis

Gen. 14.

publicabant magistrum, fornace avaritiæ sic coquebant, sic alligabant vinculis cautionum, sacculorum ponderibus sic premebant, ut leuari ad innocentiam, ad iustitiam surgere, ad virtutem progredi non valeret. Unde & sedere eius erat iam subsidere, non sedere. Hunc ergo talem ad sua cur vocauerit Christus, cur elegerit ad diuina, nisi quæratur alius, facit altissimam quæstionem, & non tantum quæstionem, sed & scandalum: sicut illo tempore circumstantium patefecit intentio. Quomodo enim infirmitas non laboraret humana, quando videbat apud Christum pecuniam sic valere, ut daret fraudulento fidem, venali gratiam, cupiditatis magistro officium largitatis, doctori scænoris magistrum sanctitatis, publicano sæculi cæleste secretum? Vtbat videntes, quod usura quæ vastat terram tollebatur ad cælum, & hanc quam detestantur homines deitas aduocabat. Sic autem sensisse tunc videntes aperit Matthæus ipse, qui dicturus vera de se, non potuit hæc tacere. *Cum autem Iesus discumberet in domo, ecce veniebant multi publicani & peccatores: & discumbebant cum eo & discipulis eius. Pharisei autem videntes, dicebant discipulis eius, Quare cum publicanis & peccatoribus manducat magister vester? Et hoc dicebant Pharisei, ut esset magnum malum, quod & malis pòterit displicere: & si erat nefas publicanos Christo participes vel in cibo esse: diuinis sociare quid erat publicanum? Fratres, in quæstione hac ingenium laboraret interpretis, si non ipse dominus, cui sit ipsa quæstio, totum quod est quæstionis auferret. Reperamus ergo ordinem lectionis: Christus quare ad Matthæum venerit, audiamus: *Cum transiret, inquit, Iesus. Non dixit, cum staret ibi: transiuit, & pertransiuit inde Iesus, ne Matthæus remaneret ibi: transiuit inde Iesus, ne Matthæus ibi taliter permaneret. Vidit hominem. Non dixit vidit Matthæum: quia in Matthæo hominem liberarat, hoc est, homines quos pecunia possidebat, seruire deo nequeunt pecuniæ seruiētes. Non potestis, inquit, deo seruire & mammonæ. Veni, sequere me. Non dixit affer ad me, quia Matthæum, non Matthæi sacculos requirebat. Veni, sequere me. Hoc est, depone pondera, disrumpe vincula, solue laqueos, Me sequere. Quære te, perde usuram, ut te valeas inuenire: Sed iam Phariseis quid responderit, audi amemus: *Non est opus, inquit, sanis medicus, sed male habentibus. Ecce quare ad Matthæum venerat***

Mat. 6.

Christus, ut avaritiæ curaret vulnera, ut saniem sanaret v-
suræ. *Euntes, inquit, discite, quid est, misericordiam volo, & non
sacrificium.* Misericordiam voluit, ut Matthæus quod ultimat
per miseriam, in misericordias prorogaret: & inde redimeret
pœnam, vnde comparauerat culpam. *Non veni vocare iustos,
sed peccatores.* Sic dicens non repulit iustos, sed iniustos, qui
se iustos mentiebantur, exclusit. Christus ergo quod ad pec-
catores venit, peccata delere voluit, nō peccatoribus voluit
commanere. Quod est dare vitam mortuo, hoc largitatem
tribuere est avaro. Itaque Christus quod Matthæum vocat,
non est illa pecuniæ ratio, sed est ratio tota virtutis. Deni-
que Matthæus mox factus est terræ pauper, ut diues habere-
tur in cœlo.

De eisdem,

Sermo XXX.

Mat. 2.

CVM Matthæum publicanū dominus ad apostolatus fa-
stigiū euocat & extollit, dat manum lapsis, sp̄e restituit
desperatis, reddidit vitæ quos sibi iam mors detinebat addi-
ctos. *Cum preteriret, inquit, Iesus, vidit Leui Alphaei sedentem ad
telonium.* Sedebat utique, quia stare non poterat pondere cu-
piditatis oppressus, & ipsa totus cōscientia fraudis incurvus
Aurum natura graue, grauius sit avaritia nimis. Hinc est
quod plus habentem deprimit, quā ferentem: & vehemen-
tius aggrauat corda, quā corpora. Nascitur in terra pro-
funda, sectatur ipsa montium fundamenta: p̄rque ima ve-
narum cæcis discurrit anfractibus, & dum suam semper repe-
tit ad naturam, cælestes animos ad inferna deponit, obscu-
rat sensus semper, alta mentium semper in terrena demergit.
Aurum erogare bonum, reponere malum, contemnere vali-
dum, fugere persecutum: quod sicut viuere virtutis est, ita
fœlicitatis est euasisse. Auri furor ardentius humano feruet
in pectore, quā canibus totus ignescit incendiis: & acrius
homines dissoluit in terrā, quā soluitur in calore flamma-
rum. Crudelitatis dominus, sæuus hostis, amando lēdit, nu-
dat vitando, ipsum etiam captiuat aspectum, fidem frangit,
violat affectum, vulnerat charitatem, turbat quietem, adimit
innocentiam, docet furtum, suadet fraudes, imperat latroci-
nium. Et quid plura? Hoc est, quod Apostolus dixit, Radix
omnium malorum est avaritia. Est commutatio sane vnā, si
homo prudens illud antè mittat ad cœlum, quā mutetur
ab illo, ut stultus, in tartarum. Mirat per manum pauperis,

1. Tit. 6.

quia quicquid propter Deum pauperi dederit, ad cælum sine dilatione transmittit. Merito Matthæum dominus talibus vinculis absoluti cupiens præpeditum suscitavit, dicendo. *Sequere me.* Hoc est, me sequere de supernis ad superna tendentem, & non aurum de inferis ad inferna mergentem. Vbi fuerit thesaurus tuus, illic & cor tuum erit. Aurum patriarcharum stirpem, progeniem sanctam, tantam germanitatis singularem coronam adeo corripit: & totius reddidit pietatis extortem, ut Ioseph Aegyptiis, fratrem barbaris, innocentem noxiis, ingenuitatem traderent seruituti. Sic siccauit mentes, sic corda depressit: sic quod in eis fuerat humani sensus, ferinam in rabiem commutavit: ut non offensam Dei, non sancti patris dolorem, non proprii sanguinis sensum meminisse permisset. Intuere quid auro grauius, quod cum mores hominum perdit, perdit & naturam. Aurum Iudaicum populum sic suo captiuauit aspectu, vicit illecebris, specie perdecepit, ut hoc esse Deum crederet, & Deum verum, Deum tot beneficiis cognitum denegarent: sic conuertit homines in iumenta, ut vituli caput, caput suum crederent, & omnium rerum capiti caput pecudis anteferrent. Attendite quam sit perniciēs ista fugienda, quæ cum mores hominum, honestatem, vitamque perdiderit, ipsum quoque Deum voluit homini & contendit auferre. Hoc est, quod Iudam fecit esse proditorem, ut hominem cogeret Deum negare, videri germanum sui sanguinis, distrahere conditorem, & ipsum sanguinem taxare precio, quem sponte dominus erat nostrum largiturus in precium. Sed ne multa super hoc generent exempla fastidium, transeamus ad reliqua. *Sequere me, & surgens secutus est eum.* Sæpe legitur & in hoste utilis virtus, sæpe in aduersario comprobatur. Matthæus non subtrahitur operi, sed mutatur: & telonium suscipit magis, quam relinquit, ut mansura Deo, non homini peritura conquirat, ut non trigesium in quadragesium, quinquagesimumque nummum tristis redigar supputator: sed trigesium in sexagesimum & centesimum gaudii fructum lætus recondat diuinis commodis profuturum. *Et surgens secutus est eum.* Generosus animus, qui sic ea quæ magna putarat, facile, & quasi nulla contempsit: apparet illum per ignorantiam lucra ante præsentia conquisisse, à quibus ut se sensit, & vidit liberum, sic raptus est ad diuina. *Et factum est dum accumberet in domo illius, multi publicani &*

Mat. 16.

Gen. 13.

Exo. 31.

Mat. 26.

Mat. 4.

peccatores discumbebant cum Iesu & discipulis eius. Discumbebat Iesus plus in Matthæi mēte, quàm sigmate: & epulabatur nō cibis, sed redditu peccatoris: vt reuocaret conuiuio, collegio, humanitatis affectu, dulcissima sui confabulatione discumbentes, quos sciebat posse iudicis agnita potestate dissolui, percelli terrore maiestatis suæ, de nuda mox præsentia posse prosterni, velatus humano corpore, qui homini voluit subuenire. Occultauit dominum, qui seruis dignatus est fiduciam non negare: maiestatem texit, qui fragilem studuit parentis amore complecti. Sed offendūtur Iudæi, dicentes, *Quare cum publicanis & peccatoribus manducat & bibit magister vester?* Miraris Iudæe cur misceatur conuiuio peccatorum, qui propter peccatores & nasci voluit, & non recusauit occidi: oblatras cur peccatorum vinum bibat, qui pro peccatoribus suum sanguinem fudit. Et si vis nosse amplius, suscepit ipse peccatum ne perderet peccatores, in se sententiā suā iudex retorfit, vt amasse se peccatores proderet magis soluendo debitum, quàm donando. Sed talibus ipsum dominum respondisse sufficiat. *Non necesse habent sani medico, sed male habentes: non enim veni vocare iustos, sed peccatores.* Et quis non erat ægrotus, ipsa generis humani sic ægrotante natura? Ad omnes ergo venit, qui omnes male habentes vt curaret inuenit, sed planè mori meruit, qui medicum contempsit ne se accusaret, vel confiteretur ægrotum: sed dicti sui dominus aperit mox figuram, dicendo, *Non enim veni vocare iustos, sed peccatores.* Non hic dominus iustos respuit, sed superbos & eos notat, qui cum non sint, esse se iactant iustos. Et vbi erant iusti? Cum iuxta Prophetam, Non erat qui faceret bonum, nō erat vsque ad vnum. Vt intelligāt ægritudinem, medicum, vt curerentur admittant, confiteantur se peccatores: vt modo Christus parens & coniuua, largiatur veniam, ne post iudex ferat in contumaces debitam sine fine sententiam.

Psal. 13.

De eisdem,

Sermo XXX. •

Hodierna Euangelica lectio Matthæum publicanum sic in Apostolum commutauit, vt qui erat fraudator pecuniæ, fieret gratiæ distributor: & de impietatis schola ad pietatis magisterium perueniret, fieretque doctor misericordiarum, qui auaritiæ fuerat institutor. *Dum transiret Iesus, vidit hominem sedentem in telonio, Matthæum nomine. Cum transiret in de*

Iesus, bene transiret inde: transibat Iudæam, vt veniret ad gentes: præteribat synagogam, vt Ecclesia permaneret: prætergredebatur carnis patriam, vt deitatis suæ remearet ad se dem. In Christo fratres transitoria est carnis iniuria, in quo diuinitatis honor est sempiternus. *Dum transiret inde, vidit hominem.* Vidit plus diuinis oculis, quàm humanis. *Vidit hominē.* Vt peccata hominis non videret. Vidit opus suum, vt despiceret opera peccatorū. Vidit illū Deus, vt ille videret Deū. Vidit illum Christus, vt ille pecuniæ latebras amplius non videret. Vidit illum Christus sedentem, quia pressus cupiditatis pondere, surgere non valebat. Fratres, deterior sedebat in telonio publicanus iste, quàm paralyticus, de quo antè diximus, tacebat in lecto, Quia iste carnis patiebatur paralytism, iste mentis: in illo fuerat compago turbata membrorum, in isto totus ordo fuerat sensuum dissipatus: ille iacebat captus carne, sedebat corpore & animo iste captiuus: ille doloribus succumbebat inuitus, iste vitiis voluntarius seruiebat: iste sibi innocens auaritię videbatur in crimine, ille se cognoscebat inter vulnera peccatorum: iste lucrorum cumulabat peccata, ille dolorum gemitibus peccata debebat. Merito igitur paralytico dicitur, confide fili, dimittuntur tibi peccata tua, quia compensat delicta doloribus: publicano autem dicitur, *Veni sequere me.* Hoc est, vt sequendo me repares quod consequendo pecuniam perdidisti. Sed dicit aliquis, Quare publicanus qui maior videtur in crimine, maior habetur in munere? Nam mox apostolatus certa præditus dignitate non solum ipse accepit, sed aliis indulgentiam tribuit peccatorū: totum orbem splendore Euangelicæ prædicationis irradiat, & paralyticus sola dignus venia lux habetur. Vis nosse quare plus consecutus sit publicanus? Quia iuxta Apostolū, ubi abundauit peccatum: superabundauit & gratia. Simul vt publicanus gentilis populi typum teneat, paralyticus Iudaici populi sit figura, qui hodiēque malæ valetudinis tenetur in lecto: vt nisi porratus fuerit fide gentiū, oblatu Christo miseratione sanctorū, Christiani populi credulitate saluatus, ad domum fidei, ad domū patriæ non potest peruenire. Et discumbente eo in domo, ecce veniebant, inquit, multi publicani & peccatores, & discumbebant cum eo & discipulis eius. Videntes autem Pharisei dicebant discipulis eius, Quare cum publicanis & peccatoribus magister vester manducat? Arguitur Deus, quare inclinat se

Mat. 9.

Rom. 6.

homini, quare coniacet peccatori, quare esurit pœnitentiâ, quare sitit reditum peccatorum, quare acceptat misericordiæ: fercula, quare sumit poculum pietatis. Fratres, venit ad prandium Christus, venit ad conuiuium vita, vt faceret secum cõuigere motituros: iacuit resurrectio, vt de sepulchris surgeret qui iacebant: decubuit indulgentia, vt peccatores leuaret ad veniam: venit ad humanitatem diuinitas, vt ad diuinitatē veniret humanitas: venit iudex ad reorum prandium, vt humanitas præueniret reatus sententiam: venit ad languentes medicus, vt reficeret conuescendo defessos: inclinauit pastor bonus humeros suos, vt ouem perditam salutare reportaret ad caulas. Sed hoc Phariseus, detestatur, & arguit, qui prandiū dominicum putat nō virtutis esse, sed ventris: nō spiritus, sed carnis: non diuinæ bonitatis, sed voluptatis humanæ: terreni luxus, non gratiæ cælestis. Sic, sic se videt, qui Deum non videt. Quis arguit medicum iacentibus coniacentem, nisi humanæ salutis inimicus? quis pastorem subnixum lasso pectori reprehendit, nisi qui luctuosi gregis amorem nescit? quis iudicem de pietate iudicat, nisi ille qui fuerit desperatus? quis communionem Dei, nisi sacrilegus spernit? indulgentiam quis, nisi crudelis horrescit? *Quare magister vesier cum publicanis & peccatoribus manducat?* Et quis est peccator, nisi qui se peccatorem negat? Magis ipse peccator est: & vt verius dicam, ipse iam peccatum est, qui se iam non intelligit peccatorem. Et quis iniustus, nisi qui se indicat iustum? Legisti Pharisee, quia non iustificabitur in conspectu tuo omnis viuens. *Quandiu sumus in mortali corpore, & fragilitas dominatur in nobis: & si actu peccata vincimus, vincere peccata cogitationum non possumus, & iniustitias fugere: qui si corpore possumus euitare, & si conscientiam malam denincere valemus, culpas negligentia, ignorantia peccata quemadmodum possumus abolere?* Pharisee confitere peccatū, vt Christi venire possis ad mēsam: vt sit tibi panis Christus, & panis ipse frangatur in tuorum veniam peccatorum: vt fiat tibi poculum Christus, qui in tuorum delictorum remissionem funditur. Pharisee prande cum peccatoribus, vt possis prandere cum Christo: agnosce te peccatorem, vt tecum prandeat Christus: intra cum peccatoribus conuiuium domini tui, vt possis non esse peccator: intra domum misericordiæ cum Christi venia, ne cum tua iustitia extra domum

in misericordiæ puniaris exclusus: agnosce Christum, audi Christum, audi dominum tuum, audi cælestem medicum calum-
 nias tuas peremptoriè confutantem. *Non est opus sanis medicus, sed male habentibus* Si vis curâ, agnosce languorem. Non veni
 vocare iustos, sed peccatores. Si cupis misericordiam, confite-
 re peccatum. *Euntes, inquit, discite quid est, misericordiam volo, & non sacrificium.* Christus misericordiâ vult, & non sacrificiû:
 aut quod sacrificiû quæret, qui ut te quæreret, sacrificium fa-
 ctus est ipse? *Non veni vocare iustos, sed peccatores.* Non repulit
 iustos, sed quia sine Christo innocens non habetur in terris.
Non veni vocare iustos, sed peccatores. Sic dicendo, non repulit
 iustos, sed quia omnes reperit peccatores: audi Psalmistam,
 Dominus de cælo prospexit super filios hominum: ut videat
 si est intelligens aut requirens Deum. Omnes declinauerunt,
 simul inutiles facti sunt: non est qui faciat bonum, nō est vs-
 sue ad vnum. Fratres simus, simus peccatores confessione
 nostra, ut Christi venia non simus peccatores.

De Phariseorum & Discipulorum Ioannis ieiunio.

Sermo XXXI.

Bonitas virtutum mater, malitia origo vitiorum, virtutes
 comitatur gloria: inhæret vitiis cognata confusio: sicut
 vitia reguntur, dolis, ita illustantur libertate virtutes. Hinc
 est quod Christus virtutum lux agebat liberè, loquebatur
 purè, præstabat ut Deus, patiebatur ut parens, ut dominus
 arguebat: Iudæi verò viperinum germen, genitricis mors,
 genitoris occisio, dum perimunt Christum synagogæ ma-
 tris utrum diripuerunt. Verè sicut scriptum est, Progenies
 viperarum summittabant capita, adulabatur lingua, vulnera
 dabant dolis, blasphemiis venena fundebant: & quasi non
 sufficeret ad odium contemptus, despectus ad iniuriam, sic
 Christum persequiebantur insidiis, tentabant dolis, interro-
 gatione pulsabant, appetebant contumeliis, & tota cupidi si-
 mulatione vallabant, obiciebant curandos sabbatho: ut si
 non curasset, fieret de impossibilitate contemptus: de lege
 maneret calumnia si curasset. Interrogabant, in qua pote-
 state faceret sua iussione virtutes: ut si dixisset, deitatis, in-
 vidiam commouerent: si tacuisset, artis magicæ crimen infer-
 rent. Dicebāt enim, in Belzebub principe dæmoniorū eiicit
 dæmonia: & sicut hodie lectum est, apud discipulos in ma-
 gistrum notam de publicanorum conuiuio componebant:

apud magistrum discipulos ieiunii nescios, gulæ de ditos ac-
 cusabant : sed discipulis de magistro , magistro de discipulis
 odiorum causas, discordiæ semina liuore iactabant. *Acceffe-
 runt, inquit, discipuli Ioannis, dicentes, Quare nos & Pharisei ieu-
 namus frequenter, discipuli autem tui non ieiunant?* Et cum discipu-
 lis Ioannis quæ societas Phariseis? nisi quia iunxerat inui-
 dia, quos disiunxerat disciplina. Hic iam sua perdit iura ze-
 lus: iunxit disiungere consuevit. Iudæi postponi Moysen do-
 mino non ferebant: discipuli Iohannis Christum nolebant
 Iohanni vllatenus anteferi: sic in Christum fremebant vtri-
 que liuore communi. *Quare nos & Pharisei ieiunamus frequen-
 ter, discipuli autem tui non ieiunant?* Quare? quia penes vos est de
 lege, non de voluntate ieiunium: ieiunium non ieiunan-
 tem respicit, sed lubentem. Et quis vobis ieiunii fructus est,
 qui ieiunium ieiunatis inuitum? Ieiunium est singulare san-
 ctitatis aratrum, colit corda, eradicat crimina, euellit deli-
 cta, vitia subruit, charitatem serit, copiam nutrit, parat inno-
 centiæ messem. Discipuli ergo Christi in tota sanctitatis se-
 gete constituti, & virtutum manipulos colligentes, haben-
 tes panem iam noui fructus, inuenerata non possunt ieiunia
 ieiunare: quæ iactantur verbis, pallore proponuntur, vendi-
 tantur defectu: placent humanis oculis, non diuinis. *Quare
 nos & Pharisei ieiunamus frequenter, discipuli autem tui non ieiunant?*
 Respondit dominus, Nunquid possunt filij sponsi ieiunare quam-
 diu cum illis est sponsus? Quid est hoc? Interrogatus Iohannes
 sponsum esse licet status est Christum. *Qui* habet sponsam
 sponsus est: amicus autem sponsi qui stat, & audit eum, gau-
 dio gaudet propter vocem sponsi. Conuenienter ergo disci-
 pulis Iohannis magistri sui voce respondit, vt vel illi crede-
 rent, & non cogereant tempora sponsi læta tristis intrare ieiun-
 nii: quia qui querit sponsam, ieiunia seponit: relinquit au-
 stera, totum sedat gaudiis, epulis indulget: totus blandus, to-
 tus amabilis, totus festiuus incedit: & facit totum quod
 sponsæ tenera requirit affectio. Christus ergo qui tunc Ecce-
 siam desponsabat, indulgebat se mensis: conuiuantibus se
 non negabat: humanum, comem, blandum se pia charitate
 reddebat: donec diuinis humana coniungeret, & faceret de
 terrena societate cæleste consortium. Adiecit dominus di-
 gens. Nemo inmittit commissuram panni rudis in vestimentum ve-
 stis: tollit enim plenitudinem eius à vestimento, & peior scissura fit.

Mat. 9.

Ioan. 3.

antiquæ legis supplectilem dicit Iudaicis studiis attritam: corruptis sensibus, sectis scissam: impuris actibus obsoletam. annum rudem Euangelij nuncupat indumentum. Sed audi annum non scissuræ partem, sed principium texturæ. Tunc nim primum regalís indumēti tela de Christi vellere texatur, de vellere quod dabat agnus, Agn⁹ dei qui tollit peccata mundi. Tangebatur autem regium vestimentum, quod in purpureum fulgorem cruor tingeret passionis. Merito ergo Christus hunc pannum rudem Iudaicę vetustati prohibebat immitti: ne peior scissura fieret, si Iudaicam vetustatem nouitas scinderet Christiana. Et geminat exemplum, dicens, *Neque mittunt vinum nouum in vtres veteres, alioquin rumpunt vtres, & vinum effunditur, & vtres pereunt: sed vinum nouum mittunt in vtres novos, & ambo conseruantur.* Vtres veteres Iudæos vocat: nouos vtres nuncupat Christianos: quia sicut vtres pellium ab omni squallore purgantur, & pigmentis liniuntur odoratis, vt saporem vini possint inuiolabilem custodire: ita ieiuniis corpora humana ab omni carnalium delictorum squallore purgantur: & fiunt vtres diuinis torcularibus apti: vt de prælo crucis accipiant vinum nouum: & incorruptam nouitatem conseruent. Sed hoc sicut accipiunt Christiani, ita Iudæi nisi Christiani fuerint non habebunt: qui corrupti vitiis, & inueterati malis, vinum nouum quod ad Euangelij verbum, si acceperint, & rumpuntur, & fundunt. Agnoscendum est ergo, quia Christus per exempla hæc non discipulos suos noluit ieiunare, sed noluit ieiunium verum fraudulentum miscere ieiunio.

De eo qui habebat manum aridam. Sermo XXXIII.

OMnia signorum Christi opera, stupenda virtutum, non humanitus, neque casu, sed diuina procuratione credenda sunt euenisse: sicut hodie nobis euangelicum demonstrauit eloquium. *Et intrauit, inquit, Iesus in synagogam: & erat ibi homo habens manum aridam.* Christus quidem ingreditur synagogam, sed Iudæus nec recipit intrantem, nec agnoscit præsentem, nec operantem cæcatus intelligit. Cernite quàm nihil sit præsentia corporalis, vbi fuerit mentis miseranda separatio: sicut contrà nihil officit absentia corporalis, vbi corda fuerint sociata per fidem. *Et erat ibi homo habens manum aridam.* In hoc homine omnium hominum imago figuratur: in hoc geritur cura cunctorum: in hoc vniuersorū

Gen. 3.

sanitas diu expectata reparatur. Aruerat enim manus hominis magis stupore fidei, quàm siccitate neruorū: & plus culpa conscientiz, quàm debilitate carnali. Antiqua nimis ista erat, & quæ in ipso mundi principio cōtigerat ægrotudo: nec arte hominis, aut beneficio poterat hæc curari, quæ iusta dei fuerat indignatione cōtracta, tetigerat veritas, incōcessa præsumpserat: cum se ad arborem sciendi bonum, malūque porrexerat, auctore indigebat, non qui malagma imponeret, sed qui posset illatam relaxare sententiam: & ignoscendo resolvere, quod religauerat indignando. In hoc homine nostræ tantum geritur umbra sanitatis: perfecta autem salus nobis reſeruat in Christo: quia tunc ariditas nostræ manus miseranda dissoluitur, cū cruore perfunditur dominicæ passionis: cum in illo vitali ligno crucis extenditur: cum carpit fructuosam de dolore virtutem: cum totā arborem salutis amplectitur: cum clausi domini corpus affigitur, quo nunquam ad arborem concupiscentiæ, & aridæ redeat voluntatis. *Observabant, inquit, Pharisei, et si sabbathis curaret, ut accusarent eum.* Ad infamiam iudicis, & nequitiam cognitoris, quaeritur de cura crimen, de pietate accusatio, reatus de virtute, de salute supplicium. Sed mirum non est: semper offendunt bona malos, pia impios, sancta profanos: aut quando non laesit disciplina, virtutem vitiosus, innocentiam criminosis acculat? *Observabant solliciti sacerdotes sabbathis non si peccaret, sed si curaret: ut accusarent eum.* Amatores criminum inuigilant, inſidiātur in accusatione virtutum: quasi contra salutem, non pro salute sabbathum sit prouisum. Si sabbathis curaret observant: tali legis interprete, non dico laborat numis, sed funditus expirat ægrotus. Sabbathum non impie curam denegauit infirmis, sed tota pietate aliquotiens quietem perſtat reſſis nimio labore mortalibus. *Et ait hominibus habitantibus in mari: surge in medium.* Professor debilitatis propere: superæ pietatis exactor: testis diuinæ virtutis Iudææ incredulitatis assertor. *Surge in medium.* Ut quos non compungit virtus tanta signorum, quos non opera tante salutis inclinant, vel debilitatis tantæ miseratio constringat, & moueat. *Tunc dicit eis, uos sabbathum benefacere, an male animam suam facere, et perdere?* Hoc dicendo, bonitatem commendat operis: sed & illorum malitiæ conceptæ conscientiam acculas: quæ cum ille hominem saluum face-

corpore, animoque gestiret, illi eum accusandi studio
 ere moliantur: qui & patiebantur eum sabbathis cura-
 ssidiantes animo vitium curaret, vt cum curasset, sensus
 malignitate damnarentur: & essent tali patientia, quàm
 malitia nequiores: & plus furentes dolo, quàm tali iudi-
 cements. *At illi tacebant: & circumspiciens eos cum ira, con-*
tristatus super cecitate cordis eorum. Circumspiciens dixit, non
 piciens, id est, non tantum faciem vt homo intuens, sed
 us corpora, corda, mētes, sensus, præterita, præsentia, fu-
 contemplatus. *Circumspiciens eos cum ira, contristatus.* Irasci-
 t dominus, contristatur vt parens, dolet vt homo, intue-
 t deus. *Dicit homini, extende manum tuam: & extendit: & re-*
uertit manus illius. *Extende manum tuam:* iussione soluitur,
 fuerat iussione deuincta. *Extende manum tuam.* Agnouit
 a iudicem, opus deum, indulgentia prodidit cōditorem.
 e fratres, vt sola synagoga tali debilitate fuscetur: nec sit
 clesia cuius manum arefaciat cupiditas, contrahat auari-
 apina debilitet, tenacitas ægrotā cōstringat: sed si acci-
 id ipsum, audiat dominum: & cito eam in opere piete-
 extendat, relaxet & in misericordia, in eleemosynis porri-
 Sanari nescit, qui nescit pauperi fœnerari. *Tunc egressi*
sui statim cum Herodianis consilium faciebant, quomodo eum
rent. Semper Iudæus Herodianis iungitur, vt inuadat
 stianos. *Iesus, inquit, cum discipulis secessit ad marc.* Vt com-
 ione fluctuum prauiores Iudæorum probaret & de-
 straret errorem. Sed quia Iesus deseruiente nauicula, id
 ecclesia, sequestratur à confusione turbarum, & Chri-
 i populi gubernator residet indefessus vario genere me-
 i, & imperauit ventis & mari, vt tandem tranquillita-
 obedientia conualescant, iuxta prophetam: Dirumpā-
 vincula eorum, & proiciamus à nobis iugum ipsorum,
 iugo pietatis manentes, diuinæ gloriæ mereamur esse
 cipes.

De filia archisynagogi, deque muliere sanguinis profluvio
laborante. *Sermo XXXIII.*

Vdaturi estis hodie fratres, & sancto euangelista Marco
 eferente mecum pariter cognituri, qualiter ante Chri-
 synagogæ prolabitur, & proruit principatus, & eum
 ci modo deum & dominum confitetur, cum adorat
 gis imperio sic dicentis. Dominum deum tuum adora-

Marc. 4.

Psal. 19

Deut. 6.

Mar. 5.

bis : & redditorem vitæ indicat, cum salutem filiz morientis implorat. *Venit, ait, ad eum quidam archisynagogus, nomine Iairus: & videns eum, procedit ante pedes eius: & deprecabatur eum multum, dicens, Filia mea in extremis est, veni, impone manum tuam super eam, ut salua sit, & viuat.* Antequam sermo Euangelici sensus aperiat sacramentum, libet in hoc loco paululum parentum prodere passiones, quas sumunt & proferunt de affectibus, & amore filiorum. Circumstante familia inter tenera & blanda obsequia propinquorum, molli filia decumbit in lectulo: pater pronus sicca iacet & versatur in terra: illa deficit corpore, hic mente & animo contabescit: illa secretas languoris sui sustinet passiones, hic fœdus & lugubris torus, toto fertur & iactatur in populo: illa moritur ad quietem, hic viuit ad pœnam. Et certe omisimus anxia parentum vota, cum gignant: periculosos ordines, sobolem cum producunt, cum nutriunt, mœstos labores: & iuges pœnas, cum ferunt agrotantes: peior est mortis dies pignora cum præcedunt. Heu me cur tanta filij nesciunt? cur ista non sentiunt? cur vicem parentibus reddere non desudant? & tamen parentū pietas perseuerat: quia quicquid filiis parentes impenderint, repensabit parentibus parens omnium deus. Sed ad proposita redeamus. *Venit autem quidam archisynagogus, nomine Iairus, & videns eum procedit ante pedes eius, & deprecabatur eum multum, dicens, Filia mea in extremis est: veni, & impone manum tuam super eam, ut salua sit.* Quod supplicatione flebili, extrema filiz sic lamentatur: quod remedium lāguoris sic postulat, desperatum satis probat & demonstrat affectum: vnde est quod curæ ordinem sic deposcit. *Veni, impone manum tuam super eam.* Agrotus non quemadmodum curetur imperat, sed tantum ut curetur, implorat. Sed cum esset archisynagogus, legis notitiam hic habebat: & cum verbo cætera, hominem manu dei legerat esse figuratum: credidit ergo deo, quia eadem manu qua creatam senserat filiam, recreari, & reduci posse ad vitam. Cognouimus quid sit: *Veni, & impone manum tuam super eam.* Ut qui sponte posuit ad creandum, ad reparandam iterum exoratus imponat. Hoc est, quod propheta faretur, cum decantat in Psalmis, Tu formasti me, & posuisti super me manum tuam. Quia qui posuit eum formaret ex nihilo, imposuit iterum, ut reformaret ex perditio. Denique idem Psalmista, ut manus huius salutare sensit, & adeptus est largitatem,

Psal. 138.

petitam prorupit in vocem. Dextera, inquit, domini fecit
 tutem: dextera domini exaltauit me: dextera domini fecit
 tutē. Et vt meruisse se quod archisynagogus poposcerat,
 monstraret, adiecit: Non moriar, sed viuam. Ille cum pete-
 rat, dixerat, Veni, impone manum tuam, vt salua sit, & viuat:
 c iam consecutus exultat. Non moriat, sed viuam. Dextera
 domini Christus est, sicut prophetico docemur eloquio. Et
 ere fecit virtutem diabolū dum debellat: dū alligato forti, *Matth. 12.*
 cut ipse dixit, vasa fortis diripit: dum infernum destruit: dū
 osam mortificat mortem. Et vere exaltauit nos, quos de pro-
 undo extulit, & eleuauit ad cælum, Sed iam ad mulierem
 ermo transeat: quæ occulto vulnere, & verecundo languori
 emedium sic quæsiuit, vt & suum pudorem regeret, & cu-
 rantis reuerentiam custodiret. *Et abiit cum illo, & sequeba-*
tur, inquit, eum turba multa, & comprimebant eum: & ecce mulier
quæ erat in proflunio sanguinis annis xii. & fuerat multa perpeffa
à compluribus medicis, & erogauerat omnia sua, nec profecerat quic-
quam, sed deterius habebat, cum audisset de iesu, venit in turba retro,
& tetigit vestimentum eius, dicens, Si vel vestimentum eius tetigero,
salua ero. Et confestim siccatus est fons sanguinis eius, & sensit corpo-
re quòd curata est à plaga. Non tantum duo maria confundun-
 tur fluctibus suis, quantum mulieris huius animus ancipiti
 cogitationum cumulo iactabatur. Post certamina desperata
 medicorum, post medicamina sumptuosa, post inanem &
 antiquissimam cūram, vbi ars & peritia defecerat iam curan-
 tum, vbi languentis omnis iam consumpta fuerat substan-
 tia, ipsi authori reuerendum vulnus non casu, sed diuinitus
 occurrit: vt quod humana arte tot annis curari non potuit,
 sola fide & humilitate curaretur. Mulier stabat eminus, quā
 natura pudore perfuderat: quam per hoc immundam Iudai-
 ca lex notarat, dicens, Immunda erit, & sanctum non con-
 tinget: contingere metuens, ne Iudaicum ferocem, ne le-
 gis posset subire sententiam. Dicere non est ausa, ne cir-
 cunstantium confunderet, & oneraret auditum: ne fieret
 populorum fabula: quæ tot annis stadium, & σκάμμα fue- *Id est, cauea*
 rat passionum. Siquidem & amplius ferre, & sustinere do- *ludorum.*
 lor diuturnus, & continuus non sinebat: & deliberandi tem-
 pus Christi prætereuntis celeritas amputabat: & econtrà no-
 uerat, quòd tacenti, quòd occultanti morbum suum sani-
 tas non daretur. Inter hæc bella cogitationum, solam salutis

viā mulier, eura mvt furaretur, inuenit: vt raperet tacita, quod petere non valebat, & pro sua verecundia, & pro reuerentia præstaturi: & quæ non merebatur corpore, corde perueniret ad medicum: fide deum, manu tantum tangeret vestimentū: sciens hanc fraudem non solum veniam, sed & remedium præstaturam, quam non voluntas, sed necessitas verecunda generauit: præsertim cum & furantis lucrum quæreret: & ei cui auferebatur nullum gigneret detrimentum. Pium latrocinium, quod ministra fide, fide attrahente committitur. Ecce vbi virtus est quæsitā contrariis, vbi fraus fide conuiuēte quod nitebatur, obtinuit. Mulier inter comprimentes, vt nesciretur accedit, & præsumpsit furari se posse coram fide sola: vt habitu lateret, & corpore, retro accedit: & ad videndum se iudicabat indignam. Curauit fides intra istum temporis, quod X I I. annis ars humana curare non potuit. Post hoc exemplum suo vitio longa trahit in langoribus tempora, & sua negligentia diu laborat, qui sola fide nescit curari, sed aromatum dispendiis onerari. Tetigit vestimentum mulier, & curata est: & ab antiquo est absoluta languore. Miseri qui quotidie corpus dominus tractamus & sumimus, & à nostris vulneribus non curamur. Non Christus infirmantibus, sed fides deest: nam multo magis modo in nobis manentes poterit vulneratos curare, qui latentem mulierem præteritēs sic curauit. Sufficit hodie fratres furta fidei, & domini prætereūtis narrasse virtutem: cur autē dominus veluti ignorans quærit, quam virtutis suæ opere scit curatam. quia nunc longum est, sequenti sermone narrabimus.

De eisdem,

Sermo

XXXIII.

OMnes Euangelicæ lectiones fratres charissimi, magna nobis & præsentis, & futuræ vitæ commoda largiuntur. Sed hodierna lectio & totum quod est spei contulit: & quicquid desperationis exclusit. Est nobis dura, & descendenda conditio: peccare nos cogit fragilitas innata, & confiteri prohibet confusio cognata peccati: malum enim facere pudor non est, & pudor est confiteri: timemus dicere, quod cōmittere non timemus. Sed hodie mulier cum quæreret medicinam tacita vulnere verecundo, inuenit silentium, per quod possit peccator ad veniam peruenire. Prima est felicitas in peccatorum turpitudinem non venisse: sed felicitas est secūda peccatorum veniam peccatis latentibus inuenisse. Hoc

pheta senserat, qui dicebat, Beati, quorum remissa sunt iniquitates: & quorum recta sunt peccata. Ecce, inquit, evangelium, mulier, quæ sanguinis fluxum patiebatur ab annis duodecim, accessit retro, & tetigit fimbriam vestimenti eius. Confugit mulier ad fidem subitam, cui longa defecerat cura: quæ confundebatur medicinam petere, turari voluit sanitatē: nesciri se ab eo voluit, à quo se credidit posse saluari. Vt aer ventorū turbine: sic cogitationum procellis mulier turbabatur: confligebat cum fide causa, cum timore spes, necessitas cum pudore, timoris frigus extinguebat credulitatis ardorem, obscurabat lucē fidei vis amoris, spei confidentiam necessitas verecunda frangebat: sic mulier magni maris instar confusis æstibus iactabatur: quærebat quomodo faceret occultum de publico, de turba secretum: agebat ut sibi & rediret sanitas, & verecundia non periret: curabat ne cura sua ad curantis redundaret iniuriam: providebat ut redderetur sibi salus salva reuerētia saluatoris. Tali ergo sensu mulier merito de summitate fimbriæ peruenit totam ad deitatis summam. *Accessit, inquit, retro.* Sed ubi retro? *Et tetigit fimbriam vestimenti eius. Accessit retro.* Sed ubi? Retro nil erat: ibi faciem quam declinabat, inuenit. Erat in Christo corp⁹ multiplex, sed erat deitas simplex, erat totus oculus, qui post se supplicē sic videbat. *Accessit retro: & tetigit fimbriam vestimenti eius.* O! quid ista mulier vidit habitare in interioribus Christi, quæ in Christi fimbria diuinitatis totam vidit inhabitare virtutem! O! quā docuit mulier quantum sit corpus Christi, quæ in Christi fimbria tantum esse monstrauit! Audiant Christiani qui quotidie corpus Christi attingunt, quātam de ipso corpore sumere possunt medicinam: quādo mulier totam rapuit de sola Christi fimbria sanitatem. Sed quod nobis flendum est, mulier de vulnere medicinam tulit, nobis medicina ipsa retorquetur in vulnus: Hinc est quod Apostolus tangentes indignē corpus Christi taliter admonet, & deplorat: *Qui enim tangit indignē corpus Christi, iudicium sibi sumit.* Et quod inde temeritas infirmitatem capiat, vnde fides accipere debebat sanitatem, rursus intulit: Propterea inter vos multi infirmi & imbecilles, & dormiunt multi. Item dormientes mortuos dicit, quos luget in viuo corpore iam sepultos. Petrus & Paulus principes fidei Christianæ notitiam nominis Christi toto orbe diffuderunt: mulier accedendi ad Christum prima tra-

Psal. 31.

Matth. 9.

1. Cor. 11.

didit disciplinam: mulier prima dedit formam, quomodo peccator tacita confessione debeat sine cōfusione peccatum: quomodo delinquens soli deo cognitus de reatu nudare apud homines verecunda conscientiz non cogatur: quomodo homo possit venia iudicium præuenire. *At Iesus, inquit, conuersus, & videns eam, inquit, Confide filia, fides tua te saluam fecit.* At Iesus conuersus non motu corporis, sed diuinitatis aspectu: Christus conuersus est ad mulierem, vt mulier conuerteretur ad Christum: vt ab ipso curam sumeret, vnde sumperat vitā, & sciret sibi præsens vulneris causam fuisse perpetuæ rem salutis. *Conuersus, & videns eam.* Vidit eam diuinis oculis, nō humanis: vidit vt saluti redderet, non vt agnosceret quam sciebat: vidit eam, donatur bonis, malis caret, quæ viderit deus. Hoc vniuersitas sentit ex vsu de sc̃elicibus sic dicendo. Vidit illum deus. Vidit ergo istam deus, quam curando reddidit sic sc̃elicem. Et quid plura? Christus mulieris docuit exemplo, quā fides sola totam proficiat ad salutem. Sed de synagogæ principe iam loquamur: qui dū Christum ducit ad filiam suam, viam dedit qua mulier perueniret ad Christum. Sic cœpit hodiernæ principium lectionis. *Eccē princeps vnus accedens adorabat eum, dicens, Domine, filia mea modo defuncta est, sed veni, impone manum tuam super eam, & viuet.* Futurorum præsium Christum non latebat, quod prædictæ mulieris eueniret occursum: per quam Iudeorum princeps disceret, deum non mouendum locis: non itinere ducendum non trahendum præsencia corporali, sed credendum quā sit deus vbique præsens, vbique totus, vbique semper: Et quā totum possit iussu facere, non labore: virtutes mittere, nō deferre: mortem non manu, sed imperio effugare: vitā non arte reddere sed præcepto. *Filia mea modo defuncta est, sed veni.* Hoc est dicere, Adhuc vitæ manet calor, adhuc animæ vestigia vidētur, adhuc est in via spiritus, adhuc dominus domus habet filiā, adhuc mortuam tartarus nescit, ergo vt euntem possis animā retinere, festina. Stultus putauit Christum non posse suscitare mortuam, nisi teneret. Hinc est, quod Christus vbi peruenit ad domū, & vidit puellā, quasi perditā fieri, vt infideles animos promoueret ad fidē, dormire eam dicit, nō defunctā: vt crederet facilius de morte posse surgere, quā de somno. *Non est, inquit, mortua puella, sed dormit.* Et verē apud deum mors somnus est: quia velocius deus mortuū ad vitā

citatur, quàm de somno dormiens ab homine suscitetur, & tunc deus frigentibus morte membris viuificantem refundit loré, quàm homo sepultis somno corporibus vigoré pos-
 infundere: audi Apostolum, In momento, in ictu oculi, mortui resurgent. Beatus Apostolus, quia velocitatem resurrectionis non potuit referre verbis, aptauit exēplis. Aut quomodo ibi celeritatem sermonis perstringeret, ubi ipsam celeritatem præuenit vis diuina? Aut quomodo apparet ibi tempus, ubi æterna sine tempore res donatur? Sicut temporalitatem tempus attulit, sic exclusit æternitas tempus.

De muliere profluvio sanguinis obnoxia.

Sermo XXXV.

Quid sit Christum tangere, hodie docuit mulier in profluvio sanguinis constituta: quæ cum tangit fimbriam Christi; tum diuini pectoris pulsatur arcanum: & furro fidei summam rapuit de fimbriæ summitate virtutē. Fœlix fraus, quæ & lucrum saluis contulit, & damna sustulit mox pudoris: probat hoc Euangelicæ lectionis auditus. Ecce, inquit, mulier quæ sanguinis fluxum patiebatur *XII. annis*, accedens retro tetigit fimbriam vestimenti eius, dicens intra se: Si te tetigero tantum vestimentum eius, salua ero. In arduis languoribus dat crebro consilium vis doloris: in desperatis causis est sæpe magistra necessitas: inuenit ipsa sibi passio medicinā. Hinc est quod mulier verecūdo vulnere qualiter subueniret inuenit, ut fidei insinuaret silētio, quod insinuare publico clamore nō poterat: & secreta spiritus via cælestē perueniret ad medicū, ad quem peruenire manifesto carnis itinere non valebat. Dabat audaciam multam pietas curantis, sed fiduciam pudendi languoris necessitas auferebat: cogebat ad Christū doloris accedere magnitudo, sed audire Christum fœditas vlcere non sinebat. Sic anceps mulier, & fidei trepidante consilio, maluit de fide iudicari, quàm de fœdo vulnere sic perire. *Accessit retro, & tetigit fimbriam vestimenti eius.* Sciens quod deum nec tactus polluit, nec offendit visus, nec odor exasperat, nec auditus sauciat, nec inquinat humana cogitatio. Nā si sol tãgit stercora, nō tamen stercorebus inquinatur: quāto magis creator solis tangit omnia, & tamē nō potest ullis cōtactibus inquinari? Et si medicus cū saniem vulnere tractat, cum curat verecunda mēbrorum, non in iuriā computat, sed honorem: quāto magis deus non arbitratur iniuriā, dum vulnere nostra

homini, quare coniacet peccatori, quare esurit penitentiā, quare sitit reditum peccatorum, quare acceptat misericordiarum fercula, quare sumit poculum pietatis. Fratres, venit ad prandium Christus, venit ad conuiuium vita, ut faceret secum coniungere morituros: iacuit resurrectio, ut de sepulchris surgeret qui iacebant: decubuit indulgentia, ut peccatores leuaret ad veniam: venit ad humanitatem diuinitas, ut ad diuinitatem veniret humanitas: venit iudex ad reorum prandium, ut humanitas praeueniret reatus sententiam: venit ad languentes medicus, ut reficeret conuescendo defessos: inclinauit pastor bonus humeros suos, ut ouem perditam salutare reportaret ad caulas. Sed hoc Phariseus, detestatur, & arguit, qui prandium dominicum putat non virtutis esse, sed ventris: non spiritus, sed carnis: non diuinæ bonitatis, sed voluptatis humanæ: terreni luxus, non gratiæ cælestis. Sic, sic se videt, qui Deum non videt. Quis arguit medicum iacentibus coniacentem, nisi humanæ salutis inimicus? quis pastorem subnixum lasso peccatori reprehendit, nisi qui lucrosi gregis amorem nescit? quis iudicem de pietate iudicat, nisi ille qui fuerit desperatus? quis communionem Dei, nisi sacrilegus spernit? indulgentiam quis, nisi crudelis horrescit? *Quare magister vesper cum publicanis & peccatoribus manducat?* Et quis est peccator, nisi qui se peccatorem negat? Magis ipse peccator est: & ut verius dicam, ipse iam peccatum est, qui se iam non intelligit peccatorem. Et quis iniustus, nisi qui se iudicat iustum? Legisti Pharisee, quia non iustificabitur in conspectu tuo omnis viuens. *Quandiu sumus in mortali corpore, & fragilitas dominatur in nobis: & si actu peccata vincimus, vincere peccata cogitationum non possumus, & iniustitias fugere: qui si corpore possumus euitare, & si conscientiam malam denuncere valemus, culpas negligentiae, ignorantiae peccata quemadmodum possumus abolere? Pharisee confitere peccatum, ut Christi venire possis ad mensam: ut sit tibi panis Christus, & panis ipse frangatur in tuorum veniam peccatorum: ut fiat tibi poculum Christus, qui in tuorum delictorum remissionem funditur, Pharisee prande cum peccatoribus, ut possis prandere cum Christo: agnosce te peccatorem, ut tecum prandeat Christus: intra cum peccatoribus conuiuium domini tui, ut possis non esse peccator: intra domum misericordiae cum Christi venia, ne cum tua iustitia extra domum*

Psal. 142.

misericordiæ puniaris exclusus: agnosce Christū, audi Christum, audi dominum tuum, audi cælestem medicum calumnias tuas peremptoriè confutantem. *Non est opus sanis medicus, sed male habentibus* Si vis curā, agnosce languorem. Non veni vocare iustos, sed peccatores. Si cupis misericordiam, confitere peccatum. *Euntes, inquit, discite quid est, misericordiam volo, & non sacrificium.* Christus misericordiā vult, & non sacrificiū: aut quod sacrificiū quæret, qui ut te quæreret, sacrificium factus est ipse? *Non veni vocare iustos, sed peccatores.* Non repulit iustos, sed quia sine Christo innocens non habetur in terris. *Non veni vocare iustos, sed peccatores.* Sic dicendo, non repulit iustos, sed quia omnes reperit peccatores: audi Psalmistam, Dominus de cælo prospexit super filios hominum: ut videat si est intelligens aut requirens Deum. Omnes declinaverūt, simul inutiles facti sunt non est qui faciat bonum, nō est vsque ad vnum. Fratres simus, simus peccatores confessione nostra, ut Christi venia non simus peccatores.

De Phariseorum & Discipulorum Ioannis ieiunio.

Sermo XXXI.

Bonitas virtutum mater, malicia origo vitiorum, virtutes comitatur gloria: inhæret vitiis cognata confusio: sicut vitia reguntur, dolis, ita illustantur libertate virtutes. Hinc est quod Christus virtutum lux agebat liberè, loquebatur purè, præstabat ut Deus, patiebatur ut parens, ut dominus arguebat: Iudæi verò viperinum germen, genitricis mors, genitoris occisio, dum perimunt Christum synagogæ matris utrum diripuerunt. Verè sicut scriptum est, Progenies viperarum summittēbant capita, adulabātur lingua, vulnera dabant dolis, blasphemias venena fundebant: & quasi non sufficeret ad odium contemptus, despectus ad iniuriam, sic Christum persequēbantur insidiis, tentabant dolis, interrogatione pulsabant, appetebant contumeliis, & tota cupidi simulatione vallabant, obiciebant curandos sabbatho: ut si non curasset, fieret de impossibilitate contemptus: de lege maneret calumnia si curasset. Interrogabant, in qua potestate faceret sua iussione virtutes: ut si dixisset, deitatis, inuidiam commouerent: si tacuisset, artis magicę crimen inferrent. Dicebāt enim, in Belzebub principe dæmoniorū eiicit dæmonia: & sicut hodie lectum est, apud discipulos in magistrum notam de publicanorum conuiuio componebant:

apud magistrum discipulos ieiunii nescios, gulæ deditos accusabant : sed discipulis de magistro , magistro de discipulis odiorum causas, discordiæ semina liuore iactabant. *Accesserunt, inquit, discipuli Ioannis, dicentes, Quare nos & Pharisei ieiunamus frequenter, discipuli autem tui non ieiunant?* Et cum discipulis Ioannis quæ societas Phariseis? nisi quia iunxerat inuidia, quos disiunxerat disciplina. Hic iam sua perdit iura zelus: iunxit disiungere consuetus. Iudæi postponi Moysen domino non ferebant: discipuli Iohannis Christum nolebant Iohanni vllatenus anteferrî: sic in Christum fremebant utriusque liuore communi. *Quare nos & Pharisei ieiunamus frequenter, discipuli autem tui non ieiunant?* Quare? quia penes vos est de lege, non de voluntate ieiunium: ieiunium non ieiunantem respicit, sed lubentem. Et quis vobis ieiunii fructus est, qui ieiunium ieiunatis inuitum? Ieiunium est singulare sanctitatis aratrum, colit corda, eradit crimina, euellit delicta, vitia subruit, charitatem ferit, copiam nutrit, parat innocentie messem. Discipuli ergo Christi in tota sanctitatis segete constituti, & virtutum manipulos colligentes, habentes panem iam noui fructus, inueterata non possunt ieiunia ieiunare: quæ iactantur verbis, pallore proponuntur, venditantur defectu: placent humanis oculis, non diuinis. *Quare nos & Pharisei ieiunamus frequenter, discipuli autem tui non ieiunant?* Respondit dominus, Nunquid possunt filij sponsi ieiunare quamdiu cum illis est sponsus? Quid est hoc? Interrogatus Iohannes sponsum esse sic testatus est Christum. Qui habet sponsam sponsum est: amicus autem sponsi qui stat, & audit eum, gaudio gaudet propter vocem sponsi. Conuenienter ergo discipulis Iohannis magistri sui voce respondit, ut vel illi crederent, & non cogerent tempora sponsi læta tristis intrare ieiunii: quia qui querit sponsam, ieiunia seponit: relinquit austeram, totum se dat gaudiis, epulis indulget: totus blandus, totus amabilis, totus festiuus incedit: & facit totum quod sponsa tenera requirit affectio. Christus ergo qui tunc Ecclesiam desponsabat, indulgebat se mensis: conuiuantibus se non negabat: humanum, comem, blandum se pia charitate reddebat: donec diuinis humana coniungeret, & faceret de terrena societate cæleste consortium. Adiecit dominus digens. Nemo inmittit commissuram panni rudis in vestimentum veteris: tullis enim plenitudinem eius a vestimento, & peior scissura fit.

Mat. 9.

Ioan. 3.

Antiquæ legis supplectilem dicit Iudaicis studiis attritam: corruptis sensibus, sectis scissam: impuris actibus obsoletam. Pannum rudem Euangelij nuncupat indumentum. Sed audi pannum non scissuræ partem, sed principium texturæ. Tunc enim primum regalīs indumēti tela de Christi vellere texebatur, de vellere quod dabat agnus, Agn⁹ dei qui tollit peccata mundi. Texebatur autem regium vestimentum, quod in purpureum fulgorem cruor tingeret passionis. Merito ergo Christus hunc pannum rudem Iudaicæ vetustati prohibebat immitti: ne peior scissura fieret, si Iudaicam vetustatem novitas scinderet Christiana. Et geminat exemplum, dicens, *Neque mittunt vinum novum in utres veteres, alioquin rumpunt utres, & vinum effunditur, & utres pereunt: sed vinum novum mittunt in utres novos, & ambo conservantur.* Utres veteres Iudæos vocat: novos utres nuncupat Christianos: quia sicut utres pellium ab omni squallore purgantur, & pigmentis liniuntur odoratis, ut saporem vini possint inuiolabilem custodire: ita ieiuniis corpora humana ab omni carnalium delictorum squallore purgantur: & fiunt utres diuinis torcularibus apti: ut de prælo crucis accipiant vinum novum: & incorruptam novitatem conservent. Sed hoc sicut accipiunt Christiani, ita Iudæi nisi Christiani fuerint non habebunt: qui corrupti vitiis, & inueterati malis, vinum novum quod ad Euangelij verbum, si acceperint, & rumpuntur, & fundunt. Agnoscendum est ergo, quia Christus per exempla hæc non discipulos suos noluit ieiunare, sed noluit ieiunium verum fraudulento miscere ieiunio.

Iob. 1.

De eo qui habebat manum aridam. Sermo XXXIII.

Omnia signorum Christi opera, stupenda virtutum, non humanitus, neque casu, sed diuina procuratione credenda sunt evenisse: sicut hodie nobis euangelicum demonstravit eloquium. *Et intrauit, inquit, Iesus in synagogam: & erat ibi homo habens manum aridam.* Christus quidem ingreditur synagogam, sed Iudæus nec recipit intrantem, nec agnoscit præsentem, nec operantem cæcatus intelligit. Cernite quàm nihil sit præsentia corporalis, ubi fuerit mentis miseranda separatio: sicut contrà nihil officit absentia corporalis, ubi corda fuerint sociata per fidem. *Et erat ibi homo habens manum aridam.* In hoc homine omnium hominum imago figuratur: in hoc geritur cura cunctorum: in hoc uniuersorū

Marc. 3.

sanitas diu expectata reparatur. Aruerat enim manus hominis magis stupore fidei, quàm siccitate neruorū: & plus culpa conscientia, quàm debilitate carnali. Antiqua nimis ista erat, & quæ in ipso mundi principio cōtigerat ægrotudo: nec arte hominis, aut beneficio poterat hæc curari, quæ iusta dei fuerat indignatione cōtracta, tetigerat vetita, incōcessa præsumpserat: cum se ad arborem sciendi bonum, malūque porrexerat, auctore indigebat, non qui malagma imponeret, sed qui posset illatam relaxare sententiam: & ignoscendo resolueret, quod religauerat indignando. In hoc homine nostræ tantum geritur vmbra sanitatis: perfecta aurem salus nobis reseruatur in Christo: quia tunc ariditas nostræ manus miseranda dissoluitur, cū cruore perfunditur dominicæ passionis: cum in illo vitali ligno crucis extenditur: cum carpit fructuosam de dolore virtutem: cum totā arborem salutis amplectitur: cum clauis domini corpus affigitur, quo nunquam ad arborem concupiscentiæ, & aridæ redeat voluntatis. *Observabant, inquit, Pharisei si sabbathis curaret, ut accusarent eum.* Ad infamiam iudicis, & nequitiam cognitoris, quæritur de cura crimen, de pietate accusatio, reatus de virtute, de salute supplicium. Sed mirum non est: semper offendunt bona malos, pia impios, sancta profanos: aut quando non lasciuus disciplinam, virtutem vitiosus, innocentiam criminosis accusat? Observabant solliciti sacerdotes sabbathis non si peccaret, sed si curaret: ut accusarent eum. Amatores criminum inuigilant, insidiātur in accusatione virtutum: quasi contra salutem, non pro salute sabbathum sit prouisum. Si sabbathis curaret observant: tali legis interprete, non dico laborat nimis, sed funditus expirat ægrotus. Sabbathum non impiè curam denegauit infirmis, sed tota pietate aliquotiens quietem præstitit fessis nimio labore mortalibus. *Et ait homini habenti manum aridam: surge in medium.* Professor debilitatis propriæ: supernæ pietatis exactor: testis diuinæ virtutis: Iudaicæ incredulitatis assertor. *Surge in medium.* Ut quos non compungit virtus tanta signorum, quos non opera tantæ salutis inclinant, vel debilitatis tantæ misratio constringat, & mitiget. *Tunc dicit eis, licet sabbathis benefacere, an mallet animam saluam facere, an perdere?* Hoc dicens, bonitatem commendat operis sui: & illorum malitiæ conceptæ conscientiam accusat: quia cum ille hominem saluum face-

corpore, animoque gestiret, illi eum accusandi studio
 rdere moliuntur: qui & patiebantur eum sabbathis cura-
 infidantes animo utrum curaret, ut cum curasset, sensus
 i malignitate damnarentur: & essent tali patientia, quàm
 a malitia nequiores: & plus furentes dolo, quàm tali iudi-
 o dementes. *At illi tacebant: & circumspiciens eos cum ira, con-*
tristatus super cecitate cordis eorum. Circumspiciens dixit, non
 uspiciens, id est, non tantum faciem ut homo intuens, sed
 deus corpora, corda, mētes, sensus, prætērita, præsētia, fu-
 ra contemplatus. *Circumspiciens eos cum ira, contristatus.* Irasci-
 ut dominus, contristatur ut parens, dolet ut homo, intue-
 ut deus. *Dicit homini, extende manum tuam: & extendit: & re-*
vertita est manus illius. Ex tēde manum tuam: iussione soluitur,
 ē fuerat iussione deuincta. *Extende manum tuam.* Agnouit
 ena iudicem, opus deum, indulgentia prodidit cōditorem.
 ate fratres, ut sola synagoga tali debilitate fuscetur: nec sit
 ecclesia cuius manum arefaciat cupiditas, contrahat avari-
 , rapiua debilitet, tenacitas ægtotā cōstringat: sed si acci-
 it id ipsum, audiat dominum: & cito eam in opere pieta-
 extendat, relaxet & in misericordia, in eleemosynis porri-
 t. Sanari nescit, qui nescit pauperi fœnerari. *Tunc egressi*
erisai statim cum Herodianis consilium faciebant, quomodo eum
derent. Semper Iudæus Herodianis iungitur, ut inuadat
 ristianos. *Iesus, inquit, cum discipulis secessit ad marc.* Ut com-
 ratione fluctuum prauiores Iudæorum probaret & de-
 monstraret errorem. Sed quia Iesus deseruiente nauicula, id
 , ecclesia, sequestratur à confusione turbatum, & Chri-
 ani populi gubernator residet indefessus vario genere me-
 ndi, & imperauit ventis & mari: ut tandem tranquillita-
 obedientia conquiescant, iuxta prophetam: Dirumpa-
 s vincula eorum, & proiciamus à nobis iugum ipsorum,
 sub iugo pietatis manentes, diuinæ gloriæ mereamur esse
 ticipes.

De filia archisynagogi, deque muliere sanguinis profluvio
laborante. *Sermo XXXIII.*

Vd ituri estis hodie fratres, & sancto euangelista Marco
 A referente mecum pariter cognituri, qualiter ante Chri-
 m synagogæ prolabitur, & proruit principatus, & cum
 plici modo deum & dominum confitetur, cum adorat
 legis imperio sic dicentis. Dominum deum tuum adora-

Marc. 4.

Psal. 19

Deut. 6.

bis : & redditorem vitæ indicat, cum salutem filiz morientis implorat. *Venit, ait, ad eum quidam archisynagogus, nomine Iairus: & videns eum, procedit ante pedes eius: & deprecabatur eum multum, dicens, Filia mea in extremis est, veni, impone manum tuam super eam, ut salua sit, & viuat.* Antequam sermo Evangelici sensus aperiat sacramentum, libet in hoc loco paululum parentum prodere passionem, quas sumunt & proferunt de affectibus, & amore filiorum. Circumstante familia inter tenera & blanda obsequia propinquorum, molli filia decumbit in lectulo: pater pronus sicca iacet & versatur in terra: illa deficit corpore, hic mente & animo contabescit: illa secretas languoris sui sustinet passionem, hic fœdus & lugubris totus, toto fertur & iactatur in populo: illa moritur ad quietem, hic viuit ad pœnam. Et certe omisimus anxia parentum vota, cum gignunt: periculosos ordines, sobolem cum producant, cum nutriunt, mœstos labores: & iuges pœnas, cum ferunt agrotantes: peior est mortis dies pignora cum præcedunt. Heu me cur tanta filij nesciunt? cur ista non sentiunt? cur vicem parentibus reddere non desudant? & tamen parentum pietas perseuerat: quia quicquid filiis parentes impenderint, repensabit parentibus parens omnium deus. Sed ad proposita redeamus. *Venit autem quidam archisynagogus, nomine Iairus, & videns eum procedit ante pedes eius, & deprecabatur eum multum, dicens, Filia mea in extremis est: veni, & impone manum tuam super eam, ut salua sit.* Quod supplicatione flebili, extrema filiz sic lamentatur: quod remedium languoris sic postulat, desperatum satis probat & demonstrat affectum: vnde est quod curæ ordinem sic deposcit. *Veni, impone manum tuam super eam.* Agrotus non quemadmodum curetur imperat, sed tantum ut curetur, implorat. Sed cum esset archisynagogus, legis notitiam hic habebat: & cum verbo cætera, hominem manu dei legerat esse figuratum: credidit ergo deo, quia eadem manu qua creatam senserat filiam, recreari, & reduci posse ad vitam. Cognouimus quid sit: *Veni, & impone manum tuam super eam.* Ut qui sponte posuit ad creandum, ad reparandum iterum exoratus imponat. Hoc est, quod propheta faretur, cum decantat in Psalmis, Tu formasti me, & posuisti super me manum tuam. Quia qui posuit eum formaret ex nihilo, imposuit iterum, ut reformaret ex perduto. Denique idem Psalmista, ut manus huius salutare sensuit, & adeptus est largitatem,

petitam prorupit in vocem. *Dextera, inquit, domini fecit* *Psal. 117.*
virtutem: dextera domini exaltauit me: dextera domini fecit
virtutē. Et vt meruisse se quod archisynagogus poposcerat,
monstraret, adiecit: Non moriar, sed viuam. Ille cum pete-
ret, dixerat, Veni, impone manum tuam, vt salua sit, & viuat:
et iam consecutus exultat. Non moriar, sed viuam. Dextera
domini Christus est, sicut prophetico docemur eloquio. Et
re fecit virtutem diabolū dum debellat: dū alligato forti, *Matth. 12.*
ut ipse dixit, vasa fortis diripit: dum infernum destruit: dū
sciam mortificat mortem. Et vere exaltauit nos, quos de pro-
fundo extulit, & eleuauit ad cælum. Sed iam ad mulierem
non transeat: quæ occulto vulneri, & verecundo languori
medium sic quæsiuit, vt & suum pudorem regeret, & cu-
ratu reuerentiam custodiret. Et abiit cum illo, & sequeba-
tur, inquit, eum turba multa, & comprimebant eum: & ecce mulier
erat in profluvio sanguinis annis x i i. & fuerat multa perpeſſa
omnibus medicis, & erogauerat omnia sua, nec profecerat quic-
quam, sed deterius habebat, cum audisset de iesu, venit in turba retro,
et tetigit vestimentum eius, dicens. Si vel vestimentum eius tetigero,
cuia ero. Et confestim siccatu est fons sanguinis eius, & sensit corpo-
quod curata est à plaga. Non tantum duo maria confundun-
tur fluctibus suis, quantum mulieris huius animus ancipiti
cogitationum cumulo iactabatur. Post certamina desperata
medicorum, post medicamina sumptuosa, post inanem &
iniquissimam curam, vbi ars & peritia defecerat iam curan-
tem, vbi languentis omnis iam consumpta fuerat substan-
tia, ipsi auctori reuerendum vulnus non casu, sed diuinitus
occurrit: vt quod humana arte tot annis curari non potuit,
fide & humilitate curaretur. Mulier stabat eminus, quā
tura pudore perfuderat: quam per hoc immundam Iudai-
lex notarat, dicens, Immunda erit, & sanctum non con- *Leu. 15.*
tinget: contingere metuens, ne Iudaicum ferocem, ne le-
sos posset subire sententiam. Dicere non est ausa, ne cir-
cumstantium confunderet, & oneraret auditum: ne fieret
populorum fabula: quæ tot annis stadium, & οὐράμια fue- *Id est, cauea*
passionum. Siquidem & amplius ferre, & sustinere do- *ludorem.*
ret diuturnus, & continuus non sinebat: & deliberandi tem-
perantis Christi prætereuntis celeritas amputabat: & econtrā no-
rat, quodd tacenti, quodd occultanti morbum suum sani-
ari non daretur. Inter hæc bella cogitationum, solam salutis

viā mulier, eura m vt furaretur, inuenit: vt raperet tacita, quod petere non valebat, & pro sua verecundia, & pro reuerentia præstaturi: & quæ non merebatur corpore, corde perueniret ad medicum: fide deum, manu tantum tangeret vestimentū: sciens hanc fraudem non solum veniam, sed & remedium præstaturam, quam non voluntas, sed necessitas verecunda generauit: præsertim cum & furantis lucrum quæreret: & ei cui auferebatur nullum gigneret detrimentum. Pium latrocinium, quod ministra fide, fide attrahente committitur. Ecce vbi virtus est quæsitā contrariis, vbi fraus fide conuiuēte quod nitebatur, obtinuit. Mulier inter comprimentes, vt nesciretur accedit, & præsumpsit furari se posse coram fide sola: vt habitu lateret, & corpore, retro accedit: & ad videndum se iudicabat indignam. Curauit fides intra ictum temporis, quod XII. annis ars humana curare non potuit. Post hoc exemplum suo vitio longa trahit in langoribus tempora, & sua negligentia diu laborat, qui sola fide nescit curari, sed aromatum dispendiis onerari. Tetigit vestimentum mulier, & curata est: & ab antiquo est absoluta languore. Miseri qui quotidie corpus dominus tractamus & sumimus, & à nostris vulneribus non curamur. Non Christus infirmantibus, sed fides deest: nam multo magis modo in nobis manentes poterit vulneratos curare, qui latentem mulierem præteries sic curauit. Sufficit hodie fratres furta fidei, & domini prætereūtis narrasse virtutem: cur autē dominus veluti ignorans quærit, quam virtutis suæ opere scit cutatam. quia nunc longum est, sequenti sermone narrabimus.

De eisdem,

Sermo

XXXIIII.

OMnes Euāgelicæ lectiones fratres charissimi, magna nobis & præsentis, & futuræ vitæ commoda largiuntur. Sed hodierna lectio & totum quod est spei contulit: & quicquid est desperationis exclusit. Est nobis dura, & desceda conditio: peccare nos cogit fragilitas innata, & confiteri prohibet confusio cognata peccati: malum enim facere pudor non est, & pudor est confiteri: timemus dicere, quod eōmittere non timemus. Sed hodie mulier cum quæreret medicinam tacita vulnere verecundo, inuenit silentium, per quod possit peccator ad veniam peruenire. Prima est felicitas in peccatorum turpitudinem non venisse: sed felicitas est secūda peccatorum veniam peccatis latentibus inuenisse. Hoc

propheta fenderat, qui dicebat, Beati, quorum remissa sunt
iniquitates: & quorum tecta sunt peccata. Ecce, inquit, evangeli-
sta, mulier, quæ sanguinis fluxum patiebatur ab annis duodecim, ac-
cessit retro, & tetigit simbriam vestimenti eius. Confugit mulier
ad fidem subitam, cui longa defecerat cura: quæ confunde-
batur medicinam petere, furari voluit sanitatē: nesciri se ab
eo voluit, à quo se credidit posse saluari. Vt aer ventorū tur-
bine: sic cogitationum procellis mulier turbabatur: confige-
bat cum fide causa, cum timore spes, necessitas cum pudore,
timoris frigus exinguebat credulitatis ardorem, obscurabat
lucē fidei vis amoris, spei confidentiam necessitas verecunda
frangebat: sic mulier magni maris instar confusus æstibus ia-
ctabatur: quærebat quomodo faceret occultum de publico,
de turba secretum: agebat ut sibi & rediret sanitas, & verecū-
dia non petiret: curabat ne cura sua ad curantis redundaret
iniuriam: providebat ut redderetur sibi salus salva reuētētia
saluatoris. Tali ergo sensu mulier merito de summitate sim-
briæ petuenit totam ad deitatis summam. *Accessit, inquit, retro.*
Sed ubi retro? *Et tetigit simbriam vestimenti eius. Accessit retro.*
Sed ubi? Retro nil erat: ibi faciem quam declinabat, inuenit.
Erat in Christo corp⁹ multiplex, sed erat deitas simplex, erat
totus oculus, qui post se supplicē sic videbat. *Accessit retro: &*
tetigit simbriam vestimenti eius. O! quid ista mulier vidit habi-
tate in interioribus Christi, quæ in Christi simbria diuinita-
tis totam vidit inhabitare virtutem! O! quàm docuit mulier
quantum sit corpus Christi, quæ in Christi simbria tantum
esse monstrauit! Audiant Christiani qui quotidie corpus
Christi attingunt, quātam de ipso corpore sumere possunt
medicinam quādo mulier totam rapuit de sola Christi sim-
bria sanitatem. Sed quod nobis sciendum est, mulier de vul-
nere medicinam tulit, nobis medicina ipsa retorquetur in
vulnus. Hinc est quod Apostolus tangentes indignē corpus
Christi taliter admonet, & deplorat: Qui enim tangit indig-
nē corpus Christi, iudicium sibi sumit. Et quod inde teme-
ritas infirmitatem capiat, vnde fides accipere debebat sani-
tatem, rursus intulit: Propterea inter vos multi infirmi & im-
becilles, & dormiunt multi. Item dormientes mortuos dicit,
quos luget in viuo corpore iam sepultos. Petrus & Paulus
principes fidei Christianæ notitiam nominis Christi toto
orbe diffuderunt: mulier accedendi ad Christum prima tra-

psal. 31.
Matth. 9.

1. Cor. 11.

didit disciplinam: mulier prima dedit formam, quomodo peccator tacita confessione debeat sine cōfusione peccatum: quomodo delinquens soli deo cognitus de reatu nudare apud homines verecunda conscientiz non cogatur: quomodo homo possit venia iudicium præuenire. *At Iesus, inquit, conuersus, & videns eam, inquit, Confide filia, fides tua te saluam fecit.* At Iesus conuersus non motu corporis, sed diuinitatis aspectu: Christus conuersus est ad mulierem, vt mulier conuerteretur ad Christum: vt ab ipso curam sumeret, vnde sumplerat vitā, & sciret sibi præsentis vulneris causam fuisse perpetuæ rem salutis. *Conuersus, & videns eam.* Vidit eam diuinis oculis, nō humanis: vidit vt saluti redderet, non vt agnosceret quam sciebat: vidit eam, donatur bonis, malis caret, quæ viderit deus. Hoc vniuersitas sentit ex vsu de fœlicibus sic dicendo. Vidit illum deus. Vidit ergo istam deus, quam curando reddidit sic fœlicem. Er quid plura? Christus mulieris docuit exemplo, quàm fides sola totam proficiat ad salutem. Sed de synagogæ principe iam loquamur: qui dū Christum ducit ad filiam suam, viam dedit qua mulier perueniret ad Christum. Sic cœpit hodiernæ principium lectionis. *Ecce princeps vnus accedens adorabat eum, dicens, Domine, filia mea modo defuncta est, sed veni, impone manum tuam super eam, & viuet.* Futurorum præscium Christum non latebat, quod prædictæ mulieris eueniret occursum: per quam Iudæorum princeps disceret, deum non mouendum locis: non itinere ducendum non trahendum præsentia corporali, sed credendum quàm sit deus vbique præsens, vbique totus, vbique semper: Et quàm totum possit iussa facere, non labore: virtutes mittere, nō deferre: mortem non manu, sed imperio effugare: vitā non arte reddere sed præcepto. *Filia mea modo defuncta est, sed veni.* Hoc est dicere, Adhuc vitæ manet calor, adhuc animæ vestigia videtur, adhuc est in via spiritus, adhuc dominus domus habet filiā, adhuc mortuam tartarus nescit, ergo vt euntem possis animā retinere, festina. Stultus putauit Christum non posse suscitare mortuam, nisi teneret. Hinc est, quod Christus vbī peruenit ad domū, & vidit puellā, quasi perditā fieri, vt infideles animos ptomoueret ad fidē, dormire eam dicit, nō defunctā: vt crederet facilius de morte posse surgere, quàm de somno. *Non est, inquit, mortua puella, sed dormit.* Et verè apud deum mors somnus est: quia velocius deus mortuū ad vitā

suscitat, quàm de somno dormiens ab homine suscitetur, & antè deus frigentibus morte membris viuificantem refundit calorè, quàm homo sepultis somno corporibus vigorè possit infundere: audi Apostolum, In momento, in ictu oculi, mortui resurgent. Beatus Apostolus, quia velocitatem resurrectionis non potuit referre verbis, aptauit exèplis. Aut quomodo ibi celeritatem sermonis perstringeret, vbi ipsam celeritatem præuenit vis diuina? Aut quomodo apparet ibi tempus, vbi æterna sine tempore res donatur? Sicut temporalitatem tempus attulit, sic exclusit æternitas tempus.

De muliere profluuio sanguinis obnoxia.

Sermo XXXV.

Quid sit Christum tangere, hodie docuit mulier in profluuio sanguinis constituta: quæ cum tangit simbriam Christi; tum diuini pectoris pulsat arcanum: & furto fidei summam rapuit de simbriæ summitate virtutè. Fœlix fraus, quæ & lucrum saluis contulit, & damna sustulit mox pudoris: probat hoc Euangelicæ lectionis auditus. Ecce, inquit, mulier quæ sanguinis fluxum patiebatur X I I. annis, accedens retro tetigit simbriam vestimenti eius, dicens intra se: Si te tetigero tantum vestimentum eius, salua ero. In arduis languoribus dat crebro consilium vis doloris: in desperatis causis est sæpe magistra necessitas: inuenit ipsa sibi passio medicinâ. Hinc est quod mulier verecûdo vulnere qualiter subueniret inuenit, vt fidei insinuaret silêtio, quod insinuare publico clamore nō poterat: & secreta spiritus via cœlestē perueniret ad medicū, ad quem peruenire manifesto carnis itinere non valebat. Dabat audaciam multam pietas curantis, sed fiduciam pudendi languoris necessitas auferebat: cogebat ad Christū doloris accedere magnitudo, sed audire Christum fœditas vlcis non sinebat. Sic anceps mulier, & fidei trepidante consilio, maluit de fide iudicari, quàm de fœdo vulnere sic perire. *Accessit retro, & tetigit simbriam vestimenti eius.* Sciens quod deum nec tactus polluit, nec offendit visus, nec odor exasperat, nec auditus sauciat, nec inquinat humana cogitatio. Nā si sol tãgit stercora, nō tamen stercoribus inquinatur: quāto magis creator solis tangit omnia, & tamē nō potest vllis cōtactibus inquinari: Et si medicus cū saniem vulnere tractat, cum curat verecunda mēbrorum, non in iuriā computat, sed honorem: quāto magis deus non arbitratur iniuriam, dum vulnere nostra

I. Cor. 13.

Mat. 9.

curando respicit, tangit ad remedium, visitat ad salutem: Dei conspectum offendunt peccatorum vulnera, non dolorum: morbi criminum, non corporum passionum: vitiorum sanies, non viscerum fluxus: quia homo habetur voluntarius in delictis, in languoribus tenetur inuitus. Hinc est quod peccator poenam recipit, ægrotus recipit curam. Mulier ergo non voluntatis conscia, sed doloris, nec confusa crimine, sed confusa languore, accessit retro, ut turbę declinaret oculos, non Christi vitaret aspectum: à populis nesciri voluit, non à Christo: gestiuit non deum lare, sed homines: quia non nisi à solo deo potuit larens videri, audiri tacens, celara curari. *Accessit, & tetigit simbriam vestimenti eius.* Quia in Christo nil postremum credidit, nil indicauit extremum: quia peccato ratur deus in homine: nec virtus attenuatur in simbria: nec celestis natura membrorum variatur officiis. Hinc est, quod mulier per dorsum peruenit ad faciem: per vestimentum penetrauit interna, & per simbriam capitis tetigit summitatem, nec hoc sine mysterio audite prophetam dicentem, Sicut inuentum quod descendit in oram vestimenti eius. Videtis fratres in simbria vestimenti huius totam plenitudinem diuini christismatis, totam diuini capitis transisse virtutem. Sciēter ergo mulier sacram Christi simbriam gestiuit attingere, ut de occulto mysterio vulneris posset sumere medicinam. Frates, magna hæc mulier, & nimium permiranda, quæ scientia doctores legis vicit, sacramento omnes Iudæos superauit, fide præcessit Apostolum: nam Iudæa cum Scribis & doctoribus suis deum totum despexit in corpore: Thomas apostolus ut Christum deum crederet, immisit manus, iniecit digitos, patefecit vulnera: & ut Christum crederet, iterum pati compulit Christum. Sed hæc mulier quam personam teneat, cuius typum præferat, cuius præsentet imaginem, spirituali intelligentia perquiramus. Quæ est ista, quam sic genuinus sanguis, naturalis debilitas, originalis morbus, ad causas mortis, ad lethale vulnus, ad fœdi languoris adduxit angustias: & quam sic sordidauit vitiis, fœdauit criminibus, secretis vulneribus sauciauit, ut eam ars curare, non solum videre oculus, non solum honestas pateretur, non præualeret lex ipsa mundare, imò quam lex ipsa iusserat arceri templo, prohiberi sacris, sanctis omnibus abstinere: & quam sic dixerat immundam, ut quicquid tetigisset haberetur immundum.

Ita est

Isa. 132.

Ioan. 20.

Ista est fratres, ista est, ista est ecclesia: quæ primi hominis vulnerata peccato, toto fluebat sanguine, tota originaliter decurrebat in mortem.

*Hoc loco diuus Petrus obmutuit, cuius silentij ratio abunde
reditur* Sermo LXXXVI.

*De Hæmorrhoiſſa, & filia archiſynagogi,
Sermo XXXVI.*

Verecundi debitoris est mox promissa dissoluere: nec creditoris animum aut deludere moris, aut longa expectatione suspendere. Cum archiſynagogi, vel Hæmorrhoiſſæ mulieris connexa ſibi, & producta narratio à cõſuetâ ſermonis noſtri breuitate diſcederet, malimus dimidiare tractatũ: ne non rectearetur tantum, quantum veſter oneraretur auditus Domino archiſynagogus occurrit, & totus prolabitur in terram, cauſam refert, inſinuat doloꝛem, mouet præſtãtis affectum: impetrat vt properet, & accedat ad curã: eontrã mulieri dominus non quæ ſitus occurrit: præteriens occaſionem ſalutis ingeſſit: tacens cauſam tacetis agnouit: occultũ vulnus etiam celantis aſpexit. Inter dominum & mulierem furtiua ſalutis agitur tam grandẽ commercium & dum publica petitione viam facit rogatus, fidei cogitatio diuinum penetrat, & peruenit ad ſecretum. Fœlix mulier, quæ in tanta multitudine eſt ſola cum Chriſto: vt ſola ſit cõſcia & ſalutis reditiæ, & virtutis excelſæ. Beata quæ talem reperit acceſſum, cui nullus poſſit obſiſtere. Beata quæ tali via ad ſuum proripuit & irrepiſit authorem, quæ antequam de vulnere ſuo confunderetur ab homine, careret ipſius vulneris ſorditate: ſciens ſibi apud homines, & per homines intercluſum totius aditum ſanitatũ: qui horrere magis, quàm curare vulnera conſueuerunt. Deus abſtergit vulnera humana, non deſpicit: neque horret languores hominum, ſed depellit: nec deſteſtatur immunditias humani corporis, ſed emundat: quia creaturæ ſuæ ad tactum neſcit deus, deus non poteſt ſordidari. Sed euangelista generat quæſtionem, cum dicit, *Et ſtatim Ieſus in ſemet ipſo cum cognouiſſet virtutem qua exierat de eo, conuerſus ad turbam, aiebat, Quis tetigit veſtimenta mea?* Dum interrogat, velut ignorantiam proſtitetur: exiſſe virtutem de ſe ſentit, ad quã exierat, neſcit: quod præſtiterat nouit, cui præſtiteri, ignorat: de perſona dubitat, qui certus eſt de ſalute collata. Verum nõ

Mat. 9.

ignorantis errore, sed maiestate dominus hic sciētis, & præscentis interrogat nec quod occultum sibi esset, requirit: sed & ipsum sibi bene esse cōgnitum, sic demonstrat dum taliter quærendo cunctis ignorātibz, solus aperit quod latebat. Interpellatricem tacitam, & suggerentem cogitationibus solis, ac post tergum virtutis suæ consiliis adhærentem, non ut discissor nescius. sed ut præscius inquisitor producit in mediū, suisque facit aflare conspectibus, ut quæ sibi portarat salurē, omnibus reportaret: & quæ virtutem probarat, agnoscere in maiestatem: nec rediret, ut putabat, incognita, quæ plenam sibi dederat notionem. Dum erubescit vulnus, dum in tali cura ipsum veretur ut deum, fidei suæ mulier non parva nubila sustinebat: & mentis suæ lumine confusionum nebulis ipsa caligabat. Vox ergo inquirentis domini, velut flatus salutaris fugavit nubes: dispersit nebulas, illustravit fidē: & illam, quæ noctis latebat in tenebris, ipso sole reddidit clariorem. Aut minor est ista sole, quæ toto orbe radiat, quæ toto ecclesiæ fulget & resplendet in cœtu: si sic rediisset inuisa, date veniam, eluserat medicum, nō probarat: & sibi quod cōsecuta fuerat, ascribere potuit, non sananti: quæ se curam rapuisse de fimbria curantis crediderat, non de sensu: aut quid illius esse crediderat, cuius in se virtutem senserat, voto tamē iudicabat extraneum? Quæ utique, & si ante curam veri cunctiæ fuerat quod latebat, humilitatis quod se iudicabat indignam, cur post curam non sponte, ut ageret gratias, ut honorē redderet, ut gloriā tāti operis referret, occurrit? sed postea quam vidit dominum in inquisitione persistere, & discipulis excusantibus, & compressionem turbę opponentibus, non posse conspici se latere, postquā illam timor & tremor cōscientiæ cœpit arguere, venit in mediū: ut quem occultē senserat medicum, palām profiteretur, & adoraret ut deū: & tam præscentibus, quā futuris fieret de tanto suo lāguore medicina, dicente euangelista, *Mulier autem timens, ac tremens, sciens quod factū esset in se venit, & prociens ante pedes eius dixit ei omne veritatem.* Verum quia historica relatio ad altiore semper intelligentiam sublimāda: & figuris præscentibus futura sunt noscēda mysteria. Archisynagogus, vel eius filia, siue mulier in fluxu sanguinis constituta, quid sub harum specie personarum, teneant sacramenti, allegorico nūc sermone pādendū est: Archisynagogi filia ad quam venit Christus, vadit, &

properat, & humano gradu iter facit, qui diuinitus loco non potest promoueri, sine dubio synagoga est, dicente domino, *Matt. 13.* Non sum missus nisi ad oues quæ perierunt domus Israël. Sed dum ad illam Christus tendit, ecclesia in cunctis gentibus posita amisso naturæ bono, perdebat & profundebat sanguinè generis humani: cuius languorem peticia humana dum curare nititur, ipsum cumulat: nam censura fragilitatis humane, ac mundanæ districtio disciplinæ, & populorum semper sanguinem fudit, & tamen nec hostes abolere, nec ciuium bella compescere, nec criminum potuit dementia perdelere. Hæc ergo talibus confossa curis, ubi quicquid suæ fuerat & erat substantiæ, vidit esse consumptum, id est, animum mentem sensum, ingenium, laborem, industriam, rationem, quæ utrique rectoribus ad profectum velut medicantibus commodamus, ubi Christi prætereuntis sensit præsentiam, retro accessit. quia videre eum sanguine polluta non merebatur accedit retro, hoc est, fidei sequitur auditum: & extrema Christi velut ipsam tangit fimbriam: dum non honoratur in patribus, non sanctificatur in lege, non se iactat in prophetis, non domino ipso honoratur in corpore: dum ab illo generationis Christi ordine habetur extranea. Post tergum, hoc est, nouissimo tempore Christum sequitur, & sancitur occulto fidei sacramento, & verè tergit vestimentum, quod in sepulchro reperit, per quod resurgentis domini credidit & prædicauit insignia. Sed dum circa hanc Christus suis virtutibus occupatur, in archisynagogi filia deficit, & moritur synagoga: ut & ipsa ad vitam per fidem redeat quæ per legem mortua fuerat & perierat per naturam. *Inter hæc veniunt de domo, archisynagogi, & dicunt, Noli vexare magistrum, mortua est puella. Hodièque Iudæi nolunt vexari Christum, quem cupiunt non venire: & mortem pronunciant, qui spem resurrectionis infideliter perdiderunt, sed & illud huic assertioni nostræ quàm conuenit, quod archisynagogi filia duodecim annos egisse refertur in vita, & hæc duodecim annos perseuerasse memoratur in vulnere cum utrisque nouissimo, & expleto tempore salus redderetur, & vita: nam iste numerus tempus humanæ vitæ concludit: qui ut annū faciat duodecimū, distinguitur & numeratur in mensibus: unde & propheta sub annum domini acceptum Christum indicat aduenisse, & Apostolus temporis plenitudine Christum venisse approbat, dicēs, Postquam venit temporis* *Esa. 61.*
Iuxta
Lxx.
Gala. 4.

plenitudo, misit deus filium suum. Orate fratres, ut sicut sibi & legi, ut Christo videret defuncta est sinagoga: ita & nos peccatis moriamur: & carni, ut vivere possimus in Christo.

De Iona prophetæ signo.

Sermo XXXVII.

Fratres sanctorum gesta casibus non sunt depuranda; sed signis: & quæ vitia putatur illorum mysteriis sunt applicanda, non lapidibus: sicut hodie dominica signauit, & patefecit instructio, dicens, *Turbæ autem cōcurrentibus cepit dicere Iesus, Generatio hæc nequam & sceleratissima, signum quærit, & signum non dabitur ei, nisi signum Ionæ prophetæ: sicut enim Ionas signum fuit Ninuitis: ita erit & filius hominis generationi isti.* Ecce prophetæ fuga ipsius domini vertitur in figuram: & quod celebratur færale naufragium, hoc sacramentum Dominicæ resurrectionis existit. Nam quemadmodum Ionas typum per omnia tenuerit, & impleuerit saluatoris historiæ, quæ de ipso scripta est, textus ostendit. Fugit, inquit, Ionas a facie dei. Nonne dominus ut hominis faciem præferret, & formam, faciem, formamque propriæ deitatis aufugit? Apostolo sic dicente, *Qui cum in forma dei esset, non rapinam arbitratus est esse se æqualem deo, sed semetipsum exinaniuit, formam serui accipiens. Formam suscepit serui dominus, ut lateret mundum: ut diabolus præueniret, in hominem se fugit ipsum.* E bene typus Christi ipsius Ionæ seruatur in verbis non dixit, fugio deum, sed à facie dei ego fugio: Deus qui ubique est, quo se ipsum fugiat non est: sed Christus non ut loco, sed sicut specie faciem deitatis aufugeret, totum nostræ seruitutis contugit ad vultum. Descendit, inquit, Ionas in Ioppen, ut fugeret in Tharsis. Audi descensorem. Nemo, inquit, ascendit in cælum, nisi qui de cælo descendit. Descendit dominus de cælo ad terram, descendit deitas ad humana, descendit ad nostram superna dominatio seruitutem: & tamē qui descenderat ad nauem, nauem nauigaturus ascendit: sic Christus qui in hunc mundum descendit, virtutibus & mirabilibus ecclesiæ suæ conscendit in nauem. Quid sibi vult aut confusa ventis procella, nisi diabolus qui cor Iudæ penetrans, reges, gentes, populos, militiam, iudices marinos eleuauit, & inflauit in fluctus, ut ascendentes & cadentes vndæ auctorem suum sæculi peteret ad quietem? audi vndas sæculi, audi prophetam dicentem, *Quare fremuerunt gentes, & populi meditari sunt inania? Astiterunt reges terre, & principes cōue-*

Luc. 11.

Ionæ. 1.

Phil. 2.

Ioan. 3.

Psal. 2.

nerunt in vnum aduersus dominum, & aduersus Christum eius. Et quia fors Ionam proditura non defuit, implet super Christum Dauidicam prophetiam, quæ dicit, Et super vestimentum meum miserunt sortem. Quod autem Ionas auctor suæ demersionis existit: cum dicit. Tollite me, & mittite in mare, voluntariam domini indicat passionem: nam quare sibi illi sustinent hæc ciuberi, qui sibi in periculo tali sponte poterant subuenire? Quando enim multorum salus petit vnus mortem, mors in intereuntis arbitrio collocatur: quia & inoriturum retardare potest ad mortem voluntas, & periclitantis mora periculum præuenire: sic hic vbi torum domini geritur in figuram, expectatur morientis auctoritas, vt mori non sit necessitas, sed potestas: audi dominum dicentem, Potestatem habeo ponendi animam meam: & potestatem habeo iterum sumendi eam: nemo tollit eam à me. Quomodo? quia Christus & si emisit spiritum, non amisit: quia qui omnium in sua manu recipit, & tenet animas, ipse animam suam quemadmodum possit perdere non videtur: audi prophetam dicentem, Anima mea in manibus tuis semper. Et alibi, In manus tuas commendo spiritum meum. Sed quid plura? Currit, occurrit, adest belua de profundo toruin dominicæ resurrectionis impletura & proditura, imò conceputa & paritura mysterium: adest belua, adest imago horrida & crudelis inferni, quæ dum fertur audis faucibus in prophetam, vigorem sui sensit, & degustauit auctoris: incurrit namque ieiunium deuorando, sed domicilium cordis sui tremens ad superni hospitis aptat & præparat mansionem: vt ipsa quæ fluctat tota causa discriminis, ipsa fieret necessariæ nauigationis inaudita vectura vectorem suum seruans, & post triduum referens ad superna: & hoc daret gentibus, quod abstulerat à Iudeis, quibus signum querentibus, solum dandum dominus esse signum hoc decernit: per quod scirent gloriam, quam in Christo sperauerant, totam esse gentibus conferendam. *Generatio, inquit, hæc nequam est, signum querit, & signum non dabitur illi, nisi signum Iona prophete. Sicut enim Ionas signum fuit Nininitis: ita erit & filius hominis generationi isti.* Quia Iudaica perfidia fluctuante inferni Christus demersus est in profundum: & triduo cursu tota tartari occulta percurrens, & Iudaicæ crudelitatis, & maiestatis suæ, ac peremptæ mortis dedit indicium cum resurgeret: merito ergo surgent Niniuitæ

in iudicio: & condemnabunt illam generationem, quia illius
 vnius prophetæ naufragi aduentu ignoti, præconio corrigun-
 tur: isti post virrutes tãtas, mirabilia tanta, cum toto resurre-
 ctionis corusco, ad fidem non veniunt, ad pœnitentiam non
 mouentur: ipsum nanque resurrectionis signũ non credunt,
 sed gestiunt infamare: dum precio militum claudunt oculos,
 corda corrumpunt, quod scierant, quod viderant vt taceret
 redimentes mendacium, vt tollerēt veritatem, facinus suum
 in Christi retorsere discipulos: cum dicunt, dicite, quia disci-
 puli illius nocte venerunt, & furati sunt. Erras Iudæ: hoc di-
 scipuli non tulerant, sed magister: & ipse se furatus est, qui
 videbatur occisus. Sed miror quod Iudæus Christum requi-
 rit, quem inter duos latrones feraliter collocarat: committit
 malè, custodit impiè, iniquius quærit. Iudæ, Christus perire
 non potest, sed tu cum tibi tuo scelere perdidisti. Veniet, ve-
 niet in iudicium regina austri, & eo ipso, qui furatus putaba-
 tur, iudice te condemnabit: quia illa venit ab extremo terræ
 audire sapientiam Salomonis, & tu aduentem sapietiam
 dei in foelicissimus occidisti. Niniuite crediturarum gentiũ,
 regina austri ecclesiæ tunc prouisa est in figurã, Beati sumus
 fratres, quia quod præcessit in typo, quod promissum est in
 figura, nos specie, veritate veneramur, cernimus & habemus.

De iniuria æquo animo toleranda.

Sermo. XXXVIII.

Quanta sit cælestis philosophiæ magnitudo, quanta vir-
 tus militiæ Christianæ, hodie docuit dominus, sic dicẽ-
 do, *Si quis te percusserit in dexteram maxillam tuam, præbe illi &*
alteram. Hoc putat arduum, qui præmia patientiæ quãta sint
 nescit. Putasne potest iste vulneribus inuenire victoriã. qui
 nec ictu palmæ acquirere vult coronam? Potest iste morte
 inquirere gloriam, cui pro honore diuino humana grauis vi-
 detur iniuria? Homo nõne præceptis talibus infantie tuæ
 rudimenta componuntur? Palmæ paruulorum sunt verbera
 nõ virorum. Hinc est quod leuibis mandatis pueritia Chri-
 sti animatur: vt ad grauiã toto iam robore Euãgelica iuuetus
 accedat: vt hoc laboribus, pœnis, morte se gaudeat obtinere,
 quod per infantiam paruis iniuriis acquirere nõ valebat. Vt
 autem dura non esse quæ præcepta sunt approbentur, man-
 datorum series ipsa replicetur. *Audistis quia dictum est anti-*
quis, Oculum pro oculo, & dentem pro dente: Ego autem dico vo-

his, non resistere malo: sed si quis te percussit in dexteram maxillam tuam, præbe illi & alteram: & qui vult tecum in iudicio contendere, & tunicam tuam tollere, remitte illi & pallium: Et qui te angariauerit mille passus, vade cum illo & alia duo. Audistis quia dictum est antiquis. Quibus antiquis? vtiq; Iudæis, quos antiquos plus malitia tenebat, quam vetustas, quos furor vindictæ cupidus sic tenebat: vt pro oculo caput, pro dente animam postularent. Hinc est, quod eos lex ad vindictæ vicissitudinem refrænabat, vt qui veniam culpæ sapere non valebāt, vel modum saperent ultionis: & tantum vindictæ exigent, quantum læsionis intulerat vis furentis. Sed hoc antiquis, nobis autem per gratiam innouatis diuina quid imperet bonitas audimus. Ego autem dico vobis. Quibus? vtiq; Christianis. Non resistere malo. Sic cum dicit, vult nos vitia non repensare vitiis, sed superare virtutibus: & in ipsis scintillis adhuc extinguere iram, quæ si peruenit ad totum furoris incendiū, sine sanguine non sedatur. Ira vincitur lenitate, mansuetudine extinguitur furor, malitia bonitate palpat, crudelitas pietate præsternitur, impatientia patientia punitur, coquentio superatur iniuriis, superbia humilitas sternit. Ergo fratres, qui vult vitia vincere, pietatis arma teneat, non furoris. Et quauis possit lucere sapienti, quid sit quod instituuntur iniuriis pumordia Christiana: tamen quia non intelligunt quidem esse hoc virtutis, esse hoc bonitatis culmē, pietatis esse hoc fastigium, hoc esse diuinæ philosophiæ, nō humanæ, non resistere malo sed vincere in bono malum, maledicenti benedicere, percutienti iterum percutienti licentiam non negare, tollet tunicam dimittere pallium, & rapienti prædam facere largitatem: angarianti mille passus addere suā ad alia duo millia seruitutem: vt vincat necessitatē voluntas impietatis pietas: & hoc sit patientis virtus, quod imperat vis cogentis: ergo quauis ista doceant, quare milles Christi ad virtutem roboreretur iniuriis: tamē vt plus pateat, quæ ex causa sint præcepta altius requiramus. Fratres, vbi se peccatorum morbus, vitiorum scelus impietatis phrenesi mentibus infudit humanis: & quicquid erat scientiæ, sensus, & rationis extinxit, furore vesano fecit per orbem diffusas gentes Deum fugere, sequi demones, creaturas colere, contemnere creatorem, desiderare vitia, horrere virtutes, agi gladiis, vulnetibus rueri, viuis mortibus deperire: vnde sanari aliter homines

non valebant, nisi cælestis medici armati pietate tota, & patientia niteretur: qui sic laborantium phrenesi paterentur iniurias, maledicta portarent, sustinerent verbera, vulneribus scinderentur: donec eos ad sobrietatem sensus, ad sinceritatem spiritus, ad mentium reducerent sanitatem: ac sic Deum quærere, fugere demones, languores sentire, sapere sanitatem, abicere vitia, capere virtutes declinare vulnera, horrere sanguinem, recusare mortem, vitam desiderare perficerent. Et si vultis ut quod diximus plenius innotescat, carnalium medicorum loquamur exempla. Nonne quoties miserum hominem cholerae inflammauerit incendium, & dominante febre vesanum reddiderit ægrotantem, turbatur, sensus, mens deperrit, feritas accedit, recedit humanitas, & ne multis, moriente homine furor viuit? Hinc est quod frendit dentibus, prætes laniat, scindit proximos, cædit pugno, morfu agit, atque afflicto obsequentes: tunc medicus ad virtutis laudem, ad artis gloriam, ad famæ cumulum armatur patientia: tolerantiam sumit, iniurias despicit, morsus sustinet, fert labores, & non leues pœnas patitur, ut à pœna liberet laborantem: fouet obto, insistit curis, erogat medicinam; certus quod mercedem honoris obsequiis repenset ægrotus dum receperit sanitatem. Rogo, quæ maior phrenesis, quæ grauior vis furoris, quæ par dementia, sancti hominis percutere maxillam? mansueti fratris faciem verberare, placidi vultus gratiam tristi liuiore persuadere? nudare hominem solo quo tegitur vestimento? & ob vilem prædam nil Deo, nil homini, nil naturæ relinquere, nil pudoris angariare hominem suis actibus occupatum: & alienam pœnam suam solatiū computare? Ergo fratres si talia perpetrantes grauissima phrenesi laborare cognouimus, obediamus Christo, & furentem fratrum morsus, verbera, onera, tota pietatis virtute portemus, ut & fratres nostros liberemus à pœna, & nos æternum patientiæ præmiū consequamur: nec dedignetur seruus hoc accipere à conseruis, quod dominus à seruis & proseruis dignanter accepit, palmis faciem non negauit, tollenti tunicam & pallium, dimisit & corpus: angariam se ad laborem, gratus ac libens est secutus ad mortem. Ergo fratres, si dignum dominus pati duxit, pati seruum quomodo, quomodo videtur indignum? Erramus erramus fratres, qui non facit quod iussit dominus, gratis sperat dominus quod promissit.

De perseverentia orationis.

Sermo XXXIX.

Per se semper sibi diuinæ sufficienti, sed ob hoc hominibus humanis frequenter insinuantur exemplis: quia cælestis prouidentia non quid ipsa dicere, sed quid auditor capere possit, attendit. Sic fons per tenues venarum primirus erumpit meatus, atque angustis sensum serpit in riuulis, donec digno successu in totam se fluuiorû latitudinē prorumpat, & valēter effundat. Et ut vobis de nobis loquar: nato paruulo mox coquum præparat succum natura, escam commutat in potû, & stupentes adhuc fauces, torpentēsq; internorû meatus, ad vsum solidoris cibi longa lactis infusione componit: sic nos dominus ad capiēda diuina vernaculis erigit, & informat exemplis, dicendo, *Quis vestrum habebit amicum*, & ibit ad illam media nocte, & dicet illi, *Amice, commoda mihi tres panes: quoniam amicus meus venit de via ad me, & non habeo quod ponam ante illum: & ille deintus respondeat, noli mihi molestus esse, quia iam ostium clausum est, & pueri mei mecum sunt in cubili: non possum surgere, & dare tibi: dico vobis, si non dabit illi surgens, quia amicus eius est: propter improbitatem tamen eius surget, & dabit illi quotquot habet necessarios. O quàm dare vult, qui se inquietari taliter, taliter patitur suscitari. O quàm necessitatis esse suæ, quod suæ potestatis est vult videri. O quàm pulsanti iste gestiuuit occurrere, qui sic secreti sui cubile ipsam collocauit ad ianuam. O quàm negare noluit, qui sibi etiam negari qualiter extorqueretur, ostendit. O quàm non ad ianuam tantum dominus, sed ipsa ianua dominus fuit: Ego sum, inquit, ianua. Qui dormientibus seruus pulsantis necessitatem solus & primus audiuit. O quàm pius, quàm misericors, qui quod mandatis docet, probat & informat exemplis. Cum facis, inquit, elemosynam, noli tuba canere. Et iterum, Nesciat finis tratu tua quid faciat dextera tua. *Quis vestrum habebit amicum*, & ibit ad illam media nocte. Parum est quod facienti misericordiam nox velabatur, quod largitatem dantis, petentis obtegebat improbitas, nisi ad cumulum pietatis velandæ ascriberetur & somnus. Indicit in hac humanitate geminam necessitatis speciem, petentis & dormientis: ut illū petere hospes, dare compellat hunc somnus: utpote qui propterea se daturum ei dicat in tempore, quod non occurrere amico, sed recurrere videatur ad somnum: & ut ei magis dormire liceat, quā dare libeat sic petenti. Quid plura? ecce pulsanti illi plus*

Luc. 11.

Ioan. 10.

Mat. 6.

somnus quàm somnus extitit suffragator. Nec otiosum reor esse quòd horam petèdi sic aperit, sic designat, dicendo, *Quis vestrum habet amicum, & ibit ad illum media nocte? Quasi non & prima & secunda, & tertia hora noctis, cum se sopor blandus dormientibus primum fundit in corpora, & visceribus diurno labore fessis dulcis, ac totus illabitur, molesta, & aspera sit inquietatis improbitas. Sed hoc tempus est, quod devotum, & iuge pernoctantis demonstrat iudicium: hoc tempus est, quo inter præteritos & futuros labores ardens animus, sed ad diuina, nil indulget corpori, nil quieti: sed antequam finiat transacti diei opera, inchoat & anticipat iam futuri. Ista satis hora est efficax impetrandi: hoc sciens Propheta, ipsum tempus suæ supplicationis asserit extitisse, cantando:*

Ps. 118. Media nocte surgebam ad confitendum tibi. In hac hora vigilantibus semper sponsus ille cælestis occurrit: qui dicit,

Mat. 15. Media nocte clamor factus est, ecce sponsus venit. Non potuit non impetrare quod voluit, qui ut reciperet hospitem, hospitem reficeret, totam sibi requiem denegavit. Aut quomodo sic petenti, sic pulsanti, non responderet ille, qui se in

Ibidem. hospite suscipi confitetur: cum dicit, Hospes fui, & suscepisti me. Aestimo hoc dixisse pulsantē, aut fortè taliter cōuenisse: feci quod iussisti, redde quod promissisti: tibi credidit di-

Mat. 6. centi, Nolite solliciti esse in crastinā. Vnde hesterno hospiti quod apponerē non reliquit: si tibi ego sic habenti molestus sum, quāto mihi ille extitit molestior non habenti? & tamen ego illi excusare nō potui, quia tibi obedire cōtendi. Plus hic iubētis, quàm non habentis verecundia nūc laborat. Hospes in domo est, & tu dormis: immò tu dormis, qui non dormis. Ego suscepi hospitem, nisi dederis panem, panem hospiti tu negasti. Merito sic pulsanti, petēti taliter, quorquot necessarios habuit Evangelicus iste fœnerator largitus est panes, quid faciunt qui se non in cubili, sed ipso collocāt in sepulchro? qui se nō somno, sed morti tradūt? quos gallus nō cōmonet, lucifer non suscitāt, sed ipse non reuocat & producit ad lucem? Isti & tempus supplicandi, & hospitis mercedem, & ipsa diei opera perdiderunt. Contristamur fratres: quando nos diluculo stamus ante dominum: & nobiscum nostros filios non videmus. Ille noctis medio sic pulsavit, in cuius domo hospes venerat: rogo, tu quare nō vel diluculo vigilas, cui est hospes in domo? quod ille gratiæ, tu tribuo

vel pigritie: quod ille humanitati, tu necessitati saltem, plus somni, quam tui amator impendere: certè ut possis vigilare ad vitam, qui dormis ad mortem: quæ sequuntur ausculta. *Et ego dico, inquit, petite, & dabitur vobis: querite, & inuenietis: pulsate, & aperietur vobis. Omnis enim qui petit, accipit: & qui quærere, inuenit, & pulsanti aperietur.* Sed dicis, esto quod petere possim, pulsare quomodo potero cæleste secretum? quemadmodum? iterando preces, & expectando iudicium largitoris, moras dantis patientissimè sustinendo, quia quicumque cum semel pulsauerit, indignatur mox si non fuerit auditus, iste nō est petitor supplex, sed est imperiosus exactor: audi Prophetam dicentem, *Expecta dominum, viriliter age, & confortetur cor tuum.* Et si iterum distulerit in futurum, tu dominum tuum patienter expecta. Vbi autem quid quærere debeas, vis nosse, sunt diuitiæ in sinu pauperis, & regnum cælorum intra te est: *Intra vos est regnū cælorum, dicit dominus.* Quis sit autem amicus qui dormit, & quis est amicus qui de via venit, & qui sunt pueri qui dormiunt, & quis est iste qui pulsar, & cur iub certo numero tres tantum postulat panes: cum petiero, quæsero, pulsauero, & peruigil inquietator accipere meruero, vobis amicis mei domini non negabo. Sed dicitis mihi, ecce amicus domini tui venit ad te: iste dare, non accipere consuevit: hanc denique sitarchiam de viatici surcopia pastor audus expleuit: ut de nostræ paupertatis vilissima præparatione gustaret, nec passus est intempesta nocte me sibi aliunde petere hospitium locupletissimus quod habebat. Nec mirum fratres, semper dare vult diues ad pauperem cum declinat. Iste illius Evangelici amici semper manet in ianua: in istius cubili ille cum pueris suis largitor Evangelicus perseverat: in cuius corde Pater & filius, & spiritus sanctus faciunt semper & collocant mansionem. Quid plura? Pater est, ab ipso petere, in ipso quærere, per ipsum pulsare me credidit, & ideo me vobis daturum non incautus promissor asserui.

Psal. 126.

Luc. 17.

De bono pastore.

Sermo XL.

Vbi vernalis auræ tempus annuos ouium cœperit partus aperire, vbi per campos, prata, vias cœperit fœcūdi gregis germina copiosa dispergere, pastor bonus seponit & cantus, & discursu anxio tenetos quærir, legit, colligit fœtus, atque eos collo, humeris, vltis, lætus vector imponit, ut saluos

Ioh. 10.

omnes perferat, & totas perducatur ad caulas. Sic nos fratres, ubi quadragesimæ aridente verno ecclesiasticum gregem videmus fundere vberes partus, tractatus nostri cātus, & cōsueti sermonis epulas seponentes, totam curam in colligendo & comportando cælesti germine anxij grauissimo labore dependimus. Sed quia agnos redditos gregi, & totos intra Christi videmus esse iam septa, diuinos lætissimi reuocatur ad cātus, dominici vobis cibi exultatione tota vitales copias apponentes: vt quos socios senserimus in labore, participes in gaudiis habere possimus. Et quia præfatio hæc nostra pastoris boni fecit, & intulit mentionem: de ipso qui solus bonus, solus pastor, solus pastorū pastor est, tota sermonis nostri & tractatus repleatur & habeatur intentio. *Pastor, inquit, bonus, animam suam ponit pro ouibus suis.* Forrem faciat vis amoris, quia nil durum, nil amarum, nil graue, nil lethale, cōputat amor vetus. Quod ferrum? quæ vulnera? quæ pœna? quæ mortes amorem prævalent separare perfectum? Amor impenetrabilis est lorica, respuit iacula, gladios excutit, periculis insultat, mortem ridet, si amor est, vincit omnia. Sed quæramus, vtrum sit ouibus commoda mors ista pastoris, quæ destituit oues, quæ lupis tradit inerme pecus? quæ sic charū gregem ferinis moribus detelinquit, direptioni dat, & exponit morti, sicut ipsius pastoris Christi pbatur ex morte. Ex quo nanque posuit ipse animam suam pro ouibus suis: seque Iudaico furore permisit occidi, oues eius gentiliū velut prædonum diripiuntur incursu: mactandæ in carceribus velut latronum clauduntur antris, à persecutoribus quasi sēuienti- bus lupis sine celsatione lauiantur, ab hereticis quasi ab extraneis canibus rabido dente carpuntur. Hoc apostolorum peremptus probat chorus: hoc martyrum toto orbe diffusus clamat sanguis: hoc Christianorum membra data bestiis, consumpta ignibus, demersa fluminibus, patenter demonstrant: quod utique totum sicut mors intulit, ita vita potuit prohibere pastoris. Ideo pro te pastor amorē morte probat, quia cum videat ouibus imminere discrimen, cum gregem defendere non possit: mauult mori antequam mali de suis ouibus quid videat. Sed quid facimus, quia vita mori non poterat nisi voluisset? datori animæ animā quis tollere potuisset nolenti? dicente ipso, *Potestatem habeo ponendi animam meā, & potestatem habeo iterum sumendi eam: nemo tollit eam à me.* Ergo

mori voluit, qui se cum mori nō posset, permisit occidi. Quz-
 ramus ergo huius quæ vis, quæ ratio sit amoris, quæ huius
 causa mortis, quæ huius sit utilitas passionis. Est planè vis cer-
 ta, vera ratio, causa lucens, utilitas tanti sanguinis peraperta:
 nāque pastore vna ex morte virtus emicuit singularis, pastor
 pro ouibus mori quæ ouibus imminēbat, occurrir, vt aucto-
 rem mortis diabolu, nouo ordine capius caperet, victus vin-
 ceret, poniret occisus, & ouibus moriendo viā vincendæ mor-
 tis aperiret. Nam & diabolus, dum in hominem tendit, prosi-
 liuit in deum: dum in reum sæuit, incurrit in iudicem, inue-
 nit supplicium: dum ingerit pœnam, ipse accipit: dum dat
 sententiam, & viuens mortalium pastus mors moritur: dum
 deuorat vitam, absorbens reos mors, absorbetur innocentie
 dum deglutit auctorem: & perit mors ipsa quæ perdebat om-
 nes, dum omnium perimere vult salutem. Ergo tali forma
 præcessit oues pastor, pastor ab ouibus non recessit nec illas
 dedit lupis, sed tradidit lupos illis, quibus donauit suos elide-
 re sic prædones: vt occisæ viuerent, laniatæ resurgerēt, san-
 guine suo tinctæ fulgerēt regali purpura, niueo vellere per-
 ducerent: sic bonus pastor pro ouibus cum posuit animam,
 non amisit, & oues taliter tenuit, non reliquit, nec destituit
 oues taliter, sed inuitauit: quas per mortales campos, per iter
 mortis, vitalia vocauit & pduxit ad pascua. Sed dicit aliquis,
 quando hæc erunt? Ecce interim oues, id est, apostoli, pro-
 phetæ, martyres & confessores iacent sepulti: discerpri toto
 sparguntur in orbe, inuoluti sanguine, terreis clauduntur sepul-
 chris. Et quis dubitat quod resurgant, viuant, regnent occisi
 martyres, quādo Christus illis resurrexit, viuit & regnat oc-
 cisus? Audi vocem pastore huius, *Oues mea vocem meam au-*
diunt, & sequuntur me. Necesse est vt quæ sunt ad mortem se-
 cutæ, sequantur ad vitam: quæ ad contumeliā comitatæ
 sunt, comitentur ad honorem: & sint participes gloriæ, quæ
 passionis participes extiterunt. Vbi sum, inquit ego, ibi erit
 & minister meus. Vbi? vtique super cælos, vbi Christus est ad
 dexterā dei sedens. Homo non te turbet fides, spes te lōgior
 non fatiget: quia certa tibi res est, quæ in ipso tibi rerum ser-
 uatur auctore. Mortui, inquit, estis, & vita vestra abscondita
 est cum Christo in deo: cum autem apparuerit Christus vita
 vestra, tunc & vos cum illo apparebitis in gloria. Laborans
 messor quod in semine non videt, videbit in messe: & quod

Ioh. II.

Colos. 3.

in sulco deflet, gaudebit in fructu.

De ieiunio & eleemosyna.

Sermo XLI.

Bella gentium legimus superasse quàm plurimos, quos tamen pugnas carnis legimus non vicisse: & audimus eos dedisse delictis pectora, qui dorso hostibus nō dederunt. Proh dolor, victores gētium vitiorum fuisse captiuos: nationum dominos turpi seuiisse criminibus seruitute: sterisse inter squiētes gladios, & inter eneruata lenocinia corruisse, regnis fuisse terrori, ludibrio fuisse peccatis: aduersas acies cōtriuisse ieiunos, & crapulatos suarum castra dissoluisse virtutum, iacuisse effuso vino, qui iacere effuso sanguine nesciunt. Vnde est hoc? vnde? quia hoc non est ratio, sed languor: non vita, sed febris: phrenesis, non natura. Nam quotiens ciborum cruditas vitalia deiecit, infirmat stomachum, corrumpit sanguinem, vitiat humores, succendit choleam, extremū febris gignit incendium, totiens æger mentem perdit, amittit sensum, ferrut desideriis, contrariis vrgetur, salutaria respuit, quærit noxia, fugit curam: tunc medici studio parant abstinentiæ remedio subuenire vt sanetur: vt sanet abstinentia, quod voracitas sauciarat. Et si pro temporali cura ægri medicis obediunt, seruāt arduam parcitatem: quare pro sempiterna salute sit durum Christo moderatis obedire ieiuniis? corpus gubernare mēsurā? mentem regere parcitate? sensum sobrietate frænare? Sicut terræ nubes caligant cælum, sic obscurant animas intemperata conuiuia: sicut ventorum turbines elementa confundunt, sic fercula congesta stomachum conturbant: vt nauem fluctus, corpus ebrietas sic demergit, hominē dat in profundū, lucra vitæ aufert, mortis facit subire naufragium. Est ergo febris, est febris quam beatus Apostolus anhelare in humanis viscerib⁹ sic deplorat. Scio quia non habitat in me, hoc est, in carne mea, bonum: si non bonum, utique malum: quod malum? Fragilitas certè, quæ dum serpit in carne, in venis æstuat, intrat ossa, cōditur in medullis, feruet in sanguine, in vitiorū phrenesim sic erumpit. Fragilitas febris naturæ, languorum mater, genitrix passionum: fragilitas est, quæ nobis i⁹ necessitatis imponit: & vbi necessitas, non voluntas: vbi extat de conditione captiuitas, iudicium de potestate non constat. Fragilitas est per quam vadit homo, non quo inuitat voluntas, sed quo necessitas ducit: audi Apostolum dicentem, Non quod volo hoc ago. Fragilitas

Rom. 7.

Rom. 7.

am parat homini necessaria, facit illum ad non necessaria
 venire: dum parat cibum, perducit ad crapulam: ebrie-
 tem suadet, dum potum ministrat: offert somnum, ut iner-
 am tradat: cura ventris onerat, ut salutis auferat curam: dat
 ni totum, ut animæ nil relinquat: facit corpus passionum
 mpani: facit ut sit homo sua mors vita vitiorum. Vnde si se
 omo taliter sentit ægrotum, medico se cælesti tradat, securè
 us monitis acquiescat, à cibis se temperet, mēsuram seruet
 potu, ut possit sic fragilitatis superare languorem, fragili-
 rem fugere passionū, febrim ac phrenesim vitare vitiorum,
 ostinentia est hominis prima medicina, sed ad plenam cu-
 m misericordiæ requirit expensas. Abstinētia extinguit fe-
 rem, sed arefacta membra longæ febris incendio, nisi largo
 fundantur vnguento, nisi blandissimis rigentur fomentis,
 si iuuentur medicinæ sumptu, ad integram sanitatem redi-
 non possunt: sic ieiunium quāuis excludat vitiorum mor-
 s, carnis amputet passionēs, criminum causas propellat: ta-
 en sine misericordiæ vnguento, sine pietatis riuo, sine elec-
 osyna sumptu, perfectam salutem mentibus non reponit.
 iunium sanat vulnera peccatorum, sed cicatrices vulnerū
 e misericordia non emundat. Audi dominum dicentem, *LUC. XI.*
 e eleemosynam: & ecce sunt vobis omnia munda. Ieiun-
 i singulari cultu euellit vitia, eradicat crimina: ad fructus
 nos agrum parat & mentis & corporis: sed nisi misericor-
 e fecerit fundamenta, senium est studium ieiunantis. Ieiun-
 am est sanctitatis hostia, sacrificium castitatis, sed sine mi-
 icordia incenso ad diuinum non potest conspectura in o-
 rem suauitatis ascendere. Quod anima est corpori, hoc mi-
 icordiam cōstat esse ieiunio: quando ieiunium ex miseri-
 dia viuit, tunc viuificat ieiunantem. Ieiunium virtutū na-
 portat quæstum vitæ: lucrum salutis adnectat. Sed qui in-
 t carnis pelagus, scindit vitiorum fluctus, inter scopulos
 minum transit, præterit litora passionum: nisi cito portum
 etatis intrauerit, exercere virtutes non potest, lucrum non
 test habere virtutum. Qui se stare nouit in huius vitæ lu-
 ico, qui se intelligit carnis viam transire per lapsum, qui se
 uit incursionibus ignorantiz, negligētiæ casibus subiace-
 sic ieiunium teneat, ut misericordiam nō relinquat. Ieiun-
 um nobis aperit cælum, ieiunium nos intromittit ad deū,
 nisi tunc affuerit nobis misericordia nostrarum patrona

Iaco. 2.

Osee. 6.

Matt. 25.

Luc. 22.

causatum, qui de innocentia constare non possumus, semel de venia non erimus: dicente domino, Iudicium sine misericordia illi, qui non fecerit misericordiam: dies gratus, sed gravior est serenus: erit ergo ieiunium nostrum illo clarius, si nobis quadagesimæ dies splendor misericordiæ dat serenitatem. Clamat deus, Misericordiam volo. Homo da deo quod vult, si vis tibi dari à deo quod vis, Misericordiam volo, dei vox est: deus à nobis misericordiam petit: & si dederimus, quid disturus est illud quod hodie lectum est. Esuriui, & dedistis mihi manducare: sitiui, & dedistis mihi potum: Et quid? Venite benedicti patris mei, percipite regnum quod vobis paratum est ab origine mundi. Qui dederit esurienti panem, dabit sibi regnum: negabit sibi fontem vitæ, sitiienti aquæ calicem qui negarit. Amore pauperis deus suum regnum vendit: & ut emere illud omnis homo possit, fragmentum panis ponit in præcium, quia vult habere omnes, qui tantum petit precij, quantum hominē scit habere. Deus regnum suum fragmento panis vendit: quis excusare poterit non clementem, quem tanta vilitas venditionis accusat? Fratres, prandium nostrum sit pauperis cœna, ut mensa Christi nostrum paretur in prædium promittente ipso. cum dicit, Manducabitis in mensa mea in regno meo. Fratres, sint deliciæ pauperum nostra ieiunia, ut temporale ieiunium nostrum in æternas possit nobis delicias immutari. Homo dando pauperi das tibi: quia quod pauperi non dederis, habebit alter. Tu solum quod pauperi dederis, hoc habebis.

De eisdem.

Sermo

XLI.

Ieiunij bona fratres, prout potuimus superiori sermone perstrinximus: & quod esset oratio cognata ieiuniorum, patefecimus ipsa conclusione sermonis. Sed quia ieiunium sine misericordia deficit, ieiunium sine pietate ieiunat, sine miseratione infirmatur oratio, oratio sine largitate lassescit: reficiamus nostrum misericordiæ exhibitione ieiunium: orationem nostram pietatis erigamus auditu, adhibeamus ieiunio misericordiam patronam: quia fames est avaritiæ ieiunium sine misericordia: cupiditatis pœna est, sine pietate ieiunium ultio non deuotio est, non deo ieiunare, sed sacculo: atterere se abstinentia, & hydropi cupiditatis inflari: conerare ventrem cibis, & mentem pecuniæ pondere prægrauare. Ipsum se redigit

se redigit in sacculum, qui pecuniam nescit prorogare, sed claudere: iste alienorum custos, nō dominus est suorū, quia parat alij, negat sibi, cum misericors eroget, quod avarus oppressit. Est ager cultus sine semine, sine miseratione ieiunās. Ager cultus caret sentibus, vitat gramina: euadit totū quod est negligentiae, quod est squaloris: sed sicut sine semine fit sterilis, ipso cultu fructum nō dat, dat laborem, & ad bonam frugem non valet peruenire: ieiunās ira excollit animā, purgat sensus, cor mundat, abscindit vitia, eradicat crimina, dat menti cultū, corpori dat decorē, sed sine misericordia ad fructum vitæ nō peruenit, ad salutis præmiū nō vadit. Quod est sine rege aula regia, hoc est, sine largitate ieiuniū. Aula regis fulget auro, nitet marmore, picturis splendet, grandescit spatiis, letuatur culmine, amœnatur viretis, ipso terribilis est secreto: sed sine rege honorem nō habet, caret gloria, est vacua solitudo, est clausa eremus, est horribilis solitudo: sic ieiuniū lucet innocentia, radiat castitate, fulget actu, pingitur moribus, incessu micat, sanctitatis toto magnificatur ornatu: sed sine misericordia gloriā non habet, mercede caret, palmā nō tenet, perdit fiduciā supplicādi, impetrandi meritum non capescit: attestāte scriptura quæ dicit, *Qui claudit aurē ne audiat infirmū, & ipse clamabit, & non erit qui exaudiat. Quo-* *modo petet misericordiā qui negarit? Iudiciū, inquit, sine mi-* *sericordia fiet illi qui non fecerit misericordiā. Misericordiā* *qui nō dat alteri, tollit sibi. Misericordia sibi erit, qui spargit* *pauperi. Dispersit, inquit, dedit pauperibus, iustitia eius ma-* *net in sæculum sæculi. Misericordiam qui seminat inopi, sibi* *metet. Qui seminant, inquit, in lachrymis, in gaudio metent.* *Nō sic imbet, infundit terrā, quomodo ieiuniū lachrymæ ri-* *gant pauperū. Homo in lachrymas pauperū iacta semina ie-* *iunij tui: quia siccantur ieiunij virtutes, atescunt ieiunārium* *messes, quæ pauperū fletibus nō fuerint irrigatæ. Cæli pluvia* *infundit terrā, lachrymæ pauperis cælū rigāt: ergo sitit cælū,* *& expectat de ploratu pauperū vicē roris, quia misericordia* *arat cæli campos, sulcos ducit pietas per superna, illic miseri-* *cordia seminat, quia quæ susceperit manus pauperis, ibi me-* *tit, ibi segetem colligit qui semen suum pauperi commiserit* *hic serendum. Beatus cui seminanti sic æterna horrea perpe-* *tem præparantur ad vitam. Hunc serētem beatus Apostolus* *perscribebat cum diceret. Hoc autem dico, Qui parat semi-*

Prouerb. 21.

Iuxta.

L X X.

Psal. 111.

Psal. 125.

2. Cor. 9.

- nat, parcè & metet: & qui seminat in benedictionibus, de benedictionibus & metet: vnusquisque sicut proposuit cordi suo, non ex tristitia, aut ex necessitate: huiusmodi enim datorem diligit deus. Magna sunt opera domini, sed magnitudinem præcellit misericordiarum magnitudo: nam cum dixisset Propheta, Magna opera domini: adiecit alibi, Misericordiarum eius super omnia opera eius. Misericordia fratres, implet cælum, replet terram, domine, inquit, in cælo misericordia tua. Et idē ipse, Misericordia domini plena est terra. Et re- vera fratres, periisset totū quod deus fecerat, nisi misericordia subuenisset. Culpa & vltio quicquid in hunc mundum venerat auferebant: quia & fragilitas semper tēdebat ad lapsum, & coge- batur ad vindictam semper censura iudicantis. Sic angelus delicitur è cælo: sic de paradiso exultat homo, sic mundus diluio deletur, sic gentes confunduntur linguis, dātūr gladio, sic exuruntur vrbes incendio diuino, sic ex Ægypto plebs e- ducta in eremo occulebatur, sic terra hians vorat populum: & ne multis, sic Indam vltor Christi sanguinis Romanus deleuit exercitus. Hæc est Christi magna, larga, sola miseri- cordia quæ iudicium omne in diem seruauit vnum: & homi- ni totum tempus ad pœnitentiæ deputauit inducias, vt quod de vitiis infantia suscipit, rapit adolescentia, inuadit iuuetus, corrigat vel senectus: & de peccato vel tunc pœniteat, quan- do sentit iam se non posse peccare: & tunc saltem reatum de- serat, quando illum reliquerit iam reatus: faciat de necessi- tate virtutem, moriatur innocens, qui totus vixit in crimi- ne. Hinc est quod Propheta ad misericordiam currit totus: quia fiduciam de sua iustitia non habebat, Miserere, inquit, mei deus, secundum magnam misericordiam tuam. Et qua- re magnam? quia misericordia tua, inquit, magna est super me, & cruxisti animam meam ex inferno inferiori. Et si deus reddit per misericordiam, quod per iudicium deperierat, ho- mo tibi quid staret, quid constare sine misericordia tu puta- bas? Probatum est ergo tibi non ieiunium, solum, sed omnes sine misericordia mutare virtutes. Abraham cælestis cōiuii principem humanitas ardens deo impensa perficit: nā quia duos cum deo terrenam suscepit ad mensam, orientis & oc- cidentis populum mensam suscepit ad cælestem. Venient, in- quit, ab oriente & occidente, & recumbent cum Abraham, Isaac, & Iacob in regno calorum. Lot quia hospitio su-
- Psal. 110.*
- Psal. 144.*
- Psal. 35.*
- Psal. 32.*
- Esa. 14.*
- Gen. 3.*
- Gen. 7.*
- Gen. 11.*
- Gen. 14.*
- Gen. 19.*
- Exod. 19.*
- Num. 16.*
- Matt. 24.*
- Psal. 50.*
- Psal. 85.*
- Gen. 18.*
- Gen. 19.*

cepit angelos, iudicium præuenit. Hinc gehennam vicit in
 arne: misericordem nescit diuinus ignis exurere. Facit ergo
 misericordiam qui vult gehennæ incendium nō timere. De-
 que veniens Christus ante de misericordia disputat, quā
 dicet de reatu Cum sederit, inquit, super thronum gloriæ
 æ, dicet, Esuriui, & non dedistis mihi manducare. Non
 occidistis, furtum fecistis: sed esuriui ego, & non de-
 distis mihi māducare. De crimine non præstabit causas, cui
 misericordia causa constabit. Quare? quia, date eleemosy-
 nam, & ecce sunt vobis omnia munda. Non iudicabitur de
 pa, cui de largitate laus defertur à iudice: vindictam non
 git humanitatis debitum qui fatetur. Esuriui, inquit, & nō
 distis mihi manducare. Manducat deus in cælo panē, quē
 ceperit pauper in terra. Quandiu fecistis vni ex minimis
 s, mihi fecistis. Da ergo panem, da potum, da vestimen-
 a, da tectum, si deum debitorem, non iudicem vis habere:
 il nos docebit in terra, si nobis in cælo misericordia sit
 ona.

Matt. 25.

Luc. 11.

Matt. 25.

De oratione, ieiunio, & eleemosyna. Sermo XLIII.

Opulis populariter est loquendum, communio compen-
 anda est sermone communi, omnibus necessaria dicenda
 more omnium, naturalis lingua chara simplicibus, do-
 dulcis, docens loquatur omnibus profutura: ergo hodie
 erito verbo veniam dent periti. Tria sunt, tria fratres,
 quæ stat fides: constat deuotio, manet virtus: Oratio,
 aiūm, Misericordia. Quod oratio pulsat, impetrat iei-
 um, misericordia accipit. Oratio, Misericordia, Ieiun-
 a, sunt hæc tria vnum, dant hæc sibi inuicem vitam. Est
 ue orationis anima ieiunium: ieiunij vita misericordia
 Ecce nemo rescindat: nescient separari. Horum qui vnum
 t, ista qui simul non habet, nihil habet. Ergo qui orat,
 et: qui ieiunat, misereatur: audiat petentem, qui petēs o-
 udiri: auditum dei aperit sibi, qui suum supplicanti nō
 it auditum. Ieiunium ieiunator intelligat, esurientem
 at, qui vult deū sentire quod esurit: misereatur, qui mi-
 rdiam sperat: pietatem qui querit, faciat: qui præsta-
 vult, præstet. Improbis petitor est, qui quod aliis ne-
 sibi postulat. Homo esto tibi misericordiæ forma, sic
 odo vis, quantum vis, quā cito vis, misericordiam ti-
 i: tam cito alij, tantum, taliter, ipse misere. Ergo ora:

tio, misericordia, ieiunium, sint vnum patrocinium pro nobis ad deum, pro nobis hæc aduocatio sint vna, vna hæc pro nobis oratio sit triformis. Hæc sunt fratres, hæc sunt quæ tenent cæli arcem, quæ secretum dei iudicis pulsant, quæ ante tribunal Christi causas humani generis exequentur, quæ iniustorum petunt indulgentiam: reorum veniam promerentur. Hæc cui in cælestibus nō assistunt, ipse nō subsistit in terris: hæc cum reueant in cælestibus principatum, in terris rerum summam moderantur, hæc regunt prospera, hæc aduersa propellunt, vitia extinguunt ista, virtutes ista succendunt, hæc reddunt casta corpora, corda pura, hæc pacē membris, mentibus dant quietem, humanos ista sensus, scholam faciunt disciplinæ: per hæc in templum dei pectora humana consurgunt, hæc hominem præstant angelum, homini deitatis deferunt hæc honorē. Hinc est, quod sit horū suffragio Moyses deus, & ad triumphos suos militare sibi omnia mandat elementa: iubet mare discedere, durari vndas, profunda siccari, cælum pluere, dat frumēta, vêtos spargere cogit carnes, noctē splendore solis illustrat, solem nubis tēperat velamēto, petrā percutit, vt de recenti vulnere frigida sitientibus det fluentia, primus dat terris lēgem cæli, scribit vitæ normā, figit terminos disciplinæ. Per hæc Elias nescit mortē, relinquit terras, cēlos intrat, commoratur angelis, conuiuio deo: & terrenus hospes supernas possidet mansiones. Per ista Ioānes fit angelus in carne, cælestis in terra, & auditu, visu, tactu, totā solus capit, tenet, complectitur Trinitatem. Et nos fratres, si volumus Moyse gloriæ, Eliæ vitæ, Ioannis virtutibus, omnium sanctorū meritis applicari, insistamus orationi, vacemus ieiunio, misericordiæ seruiamus: qui in his vixerit, qui per ista fuerit communitus, iacula peccati, diaboli tela, mundi machinas, vitiorum cuneos, mala carnis, voluptatum laqueos, arma mortis, Christianus armiger, bellator dominicus non timebit: sed nos qui ad incerta consurgimus, qui inter insidias diē ducimus, qui horarū varietates, momentorū motus, verborū lapsus, actū pericula sustinemus, quid est quod ecclesiā manē nolumus intrare? quid est quod matutina prece toti⁹ diē custodiam nolumus postulare? quid est quod homini astare toto tempore libet, & deo assistere nec puncto libet? Non est nostrū fratres, non est nostrum: inimici est ista surreptio, decipere parat quos non patitur orationibus communiri. Quid

Exod. 7.

Exod. 14.

Exod. 16.

Exod. 13.

Num. 28.

Exod. 24.

Gen. 75.

4. Reg. 2.

Marc. 1.

de aduersis queritur, qui sibi prospera non precatur? Audiamus vocem dei monentem: Orate, ne intretis in tentationem. In *Matth. 26.* tentationem vadit, qui ad orationem non vadit. Hoc sciens propheta, catabat, Venite adoremus, & procidamus ante deum: *Psal. 94.* proplemus coram domino qui fecit nos. Purasne ante deum chrymas fundere dignatur, qui verba non dignatur exprobrare? Magnificemur, oremus, vel humano timore, si non amore uiuino, si non inuitari bonis, vel coacti malis. Mala tempora cit nobis contemptus dei, temporum cursus non facit. Quod ergo contemptu perdidimus, ieiuniis conquiramus, animas nostras ieiuniis immolemus: quia nihil est quod deo prestantius offerre possimus, probante propheta, cum dicit, Sacrificium deo spiritus contribulatus: cor contritum & humiliatum deus non spernit. Homo offert deo animam tuam, & offert orationem ieiunij: ut sit pura hostia, sacrificium sanctum, ens victima, quæ & tibi maneat, & data sit deo. Hoc qui dederit deo, excusatus non erit: quia daturus, se non potest non habere. Sed accepta ut sint ista, misericordia subsequetur: ieiunium non germinat, si de misericordia non rigescat: ieiunium misericordie siccitate, quod imber terræ in hoc ieiunio misericordia est. Quauis cor excolat, carnem adet, eradicet vitia, virtutes seruat, si misericordie fluentia dederit, fructum non colligit ieiunator. Ieiunator ager misericordie ieiunante ieiunat: ieiunator quod tu in misericordia fuderis, tibi in horreo hoc redundat. Homo ergo seruando perdas, collige prorogando; homo dando pauda tibi: quia quod tu alteri reliqueris, non habebis.

In Psalmum I. Sermo XLIIII.

Eritus medicus, quoties vario languore defessis plenam desiderat conferre medicinam, altas aperit morborum vias, latentes pestilentie exponit incursum, pestiferas commonet regiones, quamplurima remedium generum monstrat, herbarum vires pandit, medicamentorum locum qualitates, obedientibus promittit longissimam sanationem: sic ægros arduas & asperas suadet, & perducit ad curam: hic est, quod propheta sanctus corporis animeque medicinam cælitus prolaturus, impietatis profundos patefecit furus: opertos peccatorum nudat morbos, iniquitates ostendit: cretum virus, vitiorum naturas, origines delictorum, & criminum mirabili ratione depromit. Sic ægras mor-

talium mentes moderatione pia, pro ætate, pro sexu, pro tēpore, pro viribus ad salutem perpetem diuina curatione perducit. Psalmus quem hodie cantauimus psalmorum præfatio est, imò est psalmorum psalmus, titulorum titulus, est argumentum generans argumenta, est tota causa sequentium canticorum. Et sicut clauis aulæ regalis vbi primam ianuam patefecerit, penetrales reddit intimas ac multiplices mansiones: ita psalmus iste vbi reserauerit aditus intelligentiæ primos, psalmorum omnium pandit mysterium, pandit secretū. *Beatus vir, qui non abiit in consilio impiorum: & in via peccatorum non stetit, & in cathedra pestilentie non sedet.* Beatus vir, sicut dimicaturum cum bestiis, & grauissimorum, certaminum discrimina subituro pronunciantur ante brauia, præmia, coronæ, propheta beatitudinem sic præmisit, vt prouocaret hominem totam, quam post enumerat, criminum vincere feritatem. *Beatus vir, qui non abiit in consilio impiorum, & in via peccatorum non stetit.* Quòd in consilio abire, & in via stare dixit, forsitan videatur absurdum: cum in consilio consistere, & in via abire magis hominum sit in vsu. Peruersa quidem sunt vniuersa peruersis, nec possunt tenere ordinem quæ per ordinē non aguntur: tamen hic propheta non de corporis loquitur, sed mentis incessu: neque prohibet pedum lapsus, sed ruinas arcet animarum. *Beatus vir, qui non abiit in consilio impiorum.* Abiit, abiit à se, à deo impius cum recessit: nec stat in cōsilio impiis cogitationibus qui vagatur. Iste modo fertur ad cælum, modo refertur ad terras: tractatur per maria, leuatur fluctibus, mergitur in profundo: cūque sua semper mente volutetur vt ebrius, non se computat, & computat cælum: qui se scire exiitimat totū, se nescit: qui si sciret se, nunquam cælum, solem, lunam, ligna, lapides adoraret, quæ sunt omnia suæ data & subdita seruituti, sed adorat lapidē seruicū ligno, qui deo viuo, deo vero seruire contēpsit. Et vt ab ipso principio, rerum impietatis facta replicemus, impietatis cōsiliū perduxit ad inferna angelum de supernis, nūcium celestis secreti in diabolū commutauit, hominem de regimine viæ ad mortalis habitaculi transmisit exilium, de paradisi deliciis ærumnosos sæculi pepulit ad labores, mulierem de virginitatis gloria gemitus conscios deiecit ad partus, inde est quòd antequam gaudear, non ignorat dolores, & soluit antè de reatu pœnam, quàm sobolis gaudeat de processu,

Multiplicans, inquit, multiplicabo tristitias tuas, & gemitus tuos: in tristitia & gemitu paries filios, Qualis finis est, ubi sit origo pœnalis? in vita lætitia quæ tenebit, qui vitæ sumit xordium de mœrore? Hoc propheta nouerat qui dicebat. In iniquitatibus conceptus sum: & in delictis peperit me mater mea. Si sic fratres ab vtero in viam proicimur peccatorum, & delictorū iter totas currimus per ætates, cogitemus infanz vanitates, adolescentiæ lapsus, iuuentutis ruinas, senectutis morbos, & tunc nos non viam vitæ, sed peccatorum viam sperare sic videbimus. Hanc viam notat Christus, sic dicens, Quam lata & spaciofa via, quæ ducit ad perditionem, & multi iunt qui intrant per eā. Delictis lata, diffusa fluxibus, minibus spaciofa: & verè via est vita præfens, in quam venit, & vadit homo, Generatio, inquit, vadit, & generatio venit, & terra in æternum stat. Et ideo ante dixit, *Beatus vir, qui abiit in consilio impiorum, & in via peccatorum non stetit.* Non venit, non venit: nemo enim in viam nō venit peccatorum, qua nos lex ipsa naturæ perducit, & mortis, sed beatus ille, nō stat in ea. Stat ille, ille demoratur in ea, qui leuat onus peccatorum, & onustus viator tardè peruenit, & celestem usam sibi inuenit mansionem. Istis ponderibus impediebatur propheta, dicens, Iniquitates meæ super posuerunt onus meum, & sicut onus graue grauatur sunt super me. Et toto vitæ tempore has ferebar, exclamat, Miser factus sum, & incuruatus sum vsque in finē. Peccatorum viam via ille pertrāsit, qui mala huius vitæ videt, sed despicit: sened calcatur: patitur, sed vincit: & dum fugit illa, plus currit: & illi occurrit cælestis ianitor, cælestis illi mansio se non dedit. Sed quid est quod peccatorum viæ impietatis conueniens sic præmisit: *Beatus vir, qui non abiit in consilio impiorum, & in via peccatorum non stetit?* Quia & si natus homo mox peccatorum venit in viam, iacet tamen primum: non mox currit in viam, sed vbi cœperit impietatis venena guttur, tūc saporem trahit de pinguedine peccatorum. Impius cum deo tendit, à deo vadit cum delinquit, peccatores deus emittit, qui antè mādauit non debere peccare. Lucem tenebræ fugiunt, tenebræ luce redeunt, abscedēte: vbi deus, peccatum nullum: vbi peccatum, non ibi deus. Et vt scias hominem in conspectu dei hominem viam cursitare peccatorum, audi prophetam, Non est deus in conspectu eius: polluuntur viæ

Gen. 3.

Psal. 50.

Matt. 7.

Eccle. 1.

Psal. 37.

Psal. 9.

eius in omni tempore. Grauius ergo homo tunc in via labitur peccatorum: quando in ea per præruptam impietatis illabitur. *Et in cathedra pestilentie non sedit.* Impietatem probat qui facit, amat: qui amat, non potest non docere: hinc est, quod docens impietatem, pestilentie residet in cathedra: & sermone mellito virus doctrinæ lethalis audientibus sic diffundit. Pestilentie cathedram philosophiam posuit, quæ docuit aut deos multos, aut eum qui est vel non esse, vel non posse docuit inueniri: qui ipsam creaturam naturæ dedit, ut naturæ negaret auctorem. Cathedram pestilentie phariseus proposuit: qui traditiones humanas decretis cælestibus antepones, vastam lucem fudit populo Iudæorum. In cathedra pestilentie hæreticus sedit, qui sub specie fidei, fidei scindit, rumpit, distrahit unitatem. *Beatus ergo vir, qui non abiit in consilio impiorum, & in via peccatorum non stetit, & in cathedra pestilentie non sedit.* Et planè beatus, quia ista tria declinando ad Trinitatis beatitudinem meruit peruenire. Meditetur ergo in lege domini, & meditetur die ac nocte, ut quæ sequuntur mereatur videre in futuro, & audire latius tempore competenti.

In Psalmum 183,

Sermo XLV.

R Esponsorium, quod hodie propheta supplicante cantauimus, opportunum tēpori, aptum malis præsentibus mecum vestra probat, & cognoscit affectio. *Domine, inquit, ne in ira tua arguas me: neque in furore tuo corripas me.* Et deus tu mescit ira? calefcit furore? absit fratres. Deus nec subiacer passioni, nec ira acceditur, nec furore turbatur: sed ira dei est delinquentium poena: furor dei est supplicium peccatorū. Fratres, puluere cōcreti, plasmati luto, calcamur vitis, subdimur delictis, curis conficimur, arefcimus membris, morte dissoluimur, foetidis horremus sepulchris, & sic inhabiles ad virtutes, ad vitia habiles inuenimur. Propheta ergo memor fragilitatis humanæ, & carnalis substantiæ conscius, quia non confidebat de meritis, ad auxilium misericordiæ conuolauit: ut dei constaret circa eum de pietate, non de seueritate iudiciū. *Domine, ne in ira tua arguas me.* Hoc est dicere, argue me, sed non in ira: corripe me, sed non in furore: argue me ut pater, non ut iudex: corripe me non ut dominus, sed ut parens: argue me non ut perdas, sed corripas: corripe me non ut interimas, sed emendes: & hoc quare? quoniam infirmus sum. *Miserere, inquit, mei domine, quoniam infirmus sum.* Quid infirmius

omine, quem sensus fallit, ignorantia decipit, circumuenit
 adiciū, pompa lædit, tempus deserit, mutat ætas, hebetat
 fantia, iuuentus præcipitat, senectus frangit? Huic ergo
 irasci in ira, indignari in furore, non est, non est crea-
 tis pij, sed est seuerissimi cognitoris. *Miserere mei domine,*
quoniam infirmus sum. Et quid vis? *Sana me domine.* Sentit iste
 status sui vulnera, sentit morsum serpentis antiqui, sentit pri-
 parentis ruinam, agnoscit se ad has infirmitates venisse.
 scendo agnoscit se ad mortem naturaliter peruenisse: &
 ia mortem remouere non poterat ars humana, diuinam
 gitur expetere medicinam: & vt facilius ægritudini suæ
 petret curam, ipsius ægritudinis causas aperit, qualitates
 rat magnitudinem pandit, exprimit vim doloris. *Sana me*
domine. Quare? *Quoniam conturbata sunt ossa mea.* Totam stru-
 ram corporis ossa portant, & si ossa turbantur, quæ mem-
 orum firmitas? quæ fortitudo neruorum? vbi carnis mise-
 da substantia? Turbantur ossa fratres peccatorum ponde-
 metu mortis, terrore iudicij: audi ipsum alibi hoc dicentē,
 on est, inquit, sanitas in carne mea à facie iræ tuæ: non est *Psal. 37.*
 ossibus meis à facie peccatorū meorum. Et post: Anima
 a impleta est illusionibus, & nō est sanitas in carne mea.
 ritò ergo addidit, *Et anima mea turbata est valde.* Inter dei
 cepta & cordis passionēs, inter virtutes & vitia, inter ad-
 sa & prospera, inter pœnas & præmia, inter vitam & mor-
 a, stans in acie, bella sustinens, suscipiens vulnera, raro stās
 umbēs sensu, turbatur anima, turbatur valde: quia carnis
 edita pōderibus, priusquam ad virtutes veniat, vitiorum
 ntè captiua. Hæc bella describit Apostolus: cum dicit, *Gala. 5.*
 o concupiscit aduersus spiritum, & spiritus aduersus car-
 nē: vt non quæ vultis, illa faciatis. Et alibi: Video aliam le- *Rom. 7.*
 a in membris meis, repugnantem legi mentis meæ, & ca-
 um me ducentem in lege peccati. Allegans ergo beatus
 pheta has infirmitates, hæc bella, has animorum turba-
 es, deum tali voce conuenit: *Et tu domine usquequo?* Hoc
 quousque patetis? quousque dissimulas? quousque non
 uenis? quousque dissipari opus tuum, deleri imaginē tuā,
 n tibi creaturam perire permittis? Vbi est Christus tuus
 es nunciatus per legem, per nos, per prophetas multi-
 ic repromissus? Veniat, veniat, prius quàm pereunte scē-
 in sæculo nil inueniat quod resaluet. Veniat, veniat, vt

carnem reparet: innouet animam, ipsam naturam in cælestem commutet substantiam. Veniat, ut peccatum tollat: mortem deleat, destruat infernum, vitam reddat, donet cælum, ne amplius terrena labes possit in nobis inuenire quod perdat. Hoc autem petere prophetam; sequens sermo demonstrat, *Conuertere domine*. Homo deo, reus iudici, additus sic loquitur cognitori? *Conuertere domine*. Homo peccat, & deus conuercitur? Ita fratres, quia iuxta prophetam Iste peccata nostra portat: & pro nobis dolet. Et beatus Ioannes: Ecce agnus dei, ecce qui tollit peccatum mundi. Suscepit peccatum, ut peccatum tolleretur, non haberet, *Conuertere domine*. Vnde? ubi? De deo in hominem: de domino in seruum: de iudice in patrem: ut pius conuersio te demonstret, quem potestas terribilem comminatur. *Conuertere domine, libera animam meam*. De inferno inferiori. *Saluum me fac propter misericordiam tuam*. Non propter meritum meum, quem labor afficit gemitus sauciat, soluunt lachrymæ, ira turbat, impugnat inimicus. Sed hoc ut clareat, ipsa prophetæ decantetur oratio. *Saluum me fac propter misericordiam tuam*. Quare? *Quia non est in morte qui memor sit tui, in inferno autem quis confitebitur tibi? Laboravi in gemitu meo, lauabo per singulas noctes lectum meum: lachrymis meis stratum meum rigabo*. Hoc dicebat sanctus Dauid in regali vertice constitutus: qui sic agebat principatum potestatis humanæ, ut in se sanctitatem spiritus, prophetæ gratiam custodiret, & nos in ira tota dei positi nescimus dicere, *Domine ne in furore tuo arguas me*. Terra negat fructus, cælum temperiem, aer salubritatem: hinc pestilentia ubique diffusa per vrbes, per agros vario membrorum genere consumit genus omne mortaliū, & tamen nos non dicimus, *Domine ne in furore tuo arguas nos: neque in furore tuo corripias nos*. Ille post triumphos gemitibus noctes & dies lachrymis occupabat, nos sub hostili gladio subiacentes, nulla tempora deo damus nullas vel ad horam lachrymas deo fuodimus: sed iugiter rapinis, fraudibus, periuriis, dolis, detractionibus nosmetipsos tradimus & donamus, & magis, magisque iram dei in nos fomentis criminum suscitamus. Venite fratres, venite cum prophetâ: Venite adoremus, & procidamus ante eum, & ploremus coram domino qui fecit nos: venite dicamus, *Domine ne in ira tuo arguas nos: neque in furore tuo corripias nos*. Ut memor misericordiæ suæ iram mutet in misericordiam, reddat perdat

Esai. 53:

Iuxta.

LXX.

Ioan. I.

Psal. 9.

, captiua liberet: nōsque sibi cum lētitia seruire iam donet,
 ui uiuit & regnat in sēcula sēculorum. Amen.

In Psalmum XCIIII

Sermo XLVI.

Sicut graniter est uanri, & longo sitis ardore succenso, fons
 frigidus, satis lētus, & satis salubris occurrit: ita nobis po-
 nis in mōrtore, & nimium tribulationum pondere depressis
 gaudia hodie propheticae uocis extitit cātilena. *Venite in-*
it exultemus domino. Venite, quō? uel unde? ex te homo in te:
 i non locorum mutatio, sed cōuersio sensuum aduersa de-
 lilit mōrtōres fugat, desperationes abiicit, excludit angu-
 as, & intra domiciliū synceri pectoris lētitiae diuinā aeter-
 nū prāparat māsionem. *Exultemus domino.* Et ubi est illud:
 ati qui lugent, & vā vobis qui ridetis. Planē beati qui lu- *Mat. 15.*
 ut mundo, & vā qui rident mundo: sed beati qui exultant *Luc. 6.*
 mino, qui nesciunt de rapinis, nesciunt de fraudibus, ne-
 unt lātari de lachrymis proximorum. *Exultemus domino.*
 e exultat domino, qui verbo, actu, opere, non sibi, sed suo
 altat auctori. *Exultemus domino.* Ille exultat domino, cui
 a & tota lētitia semper est deus. *Iubilemus, inquit, deo saluta-*
stro. Non est ouium vox ista, pastoris est: qui dulci iubi-
 & varia modularione, aut gregem producit ad pascua, aut
 o nemore vmbroso fessum pecus retinet ad quietem, aut
 a collum salubrioris graminis hortatur cupiditate con-
 ndere, aut ad deuexa vallium sensim tota necessitate de-
 ndere. Sed beatæ sunt oues illę, quę sui vocem admittunt
 toris, attrahunt nutriunt, congregant, & verē pastori suo
 i lāt: quę germina sui gregis domino multiplicare molitū-
 . *Præueniamus faciem eius in confessione.* Et quis præuenit pec-
 orū cognitorem? scrutatorē cordium? cogitationum cō-
 i? futurorū præsciū? præsentē semper, & ubique? sed præ-
 iēdus est nō sensuū vicinitate, sed ingenij sagacitate: nō
 ocitate pedū, sed prouido cōfessionis obsequio. si quidē
 it, præueniamus eum tantū, sed *præueniamus faciē eius in cō-*
one. Hoc est, cum spes misericordiae est, cum tempus est
 iā, cum pœnitentię locus est, confiteamur patri, ne iudi-
 n sentiamus: prodamus quæ fecimus pietari, ne seueritati
 gamur exoluere quæ tacemus: dicamus indulgentiæ tem-
 e delicta nostra, ne si tacemus, ad excipiendam sententiā
 leamus. Et quid plura fratres? non iudicem, sed iudicium

Psal. 38.

nos hortatur propheta clementissimus præuenire. *Et in psalmis, inquit, iubilemus ei.* Ne indicta pectori nostro irrationabilis iubilatio crederetur. *In psalmis iubilemus.* Vt mysticis distinguerentur, in psalmis diuinum resonet sacramentum: & quod ad prouectum salutis animos promoueat audientium. *Quoniam deus, inquit, magnus dominus.* Hic dominici corporis aperit sacramentum: quia deus etiam in nostro corpore magnus dominus. *Et rex magnus super omnes Deos.* Iuxta illud: *Quis similis erit Deo inter filios Dei?* quia omnes supernæ virtutes cum regant cæteros, ipsæ tamen reguntur à Christo. *Quia in manu eius sunt omnes fines terræ.* Quia quæ in manu Dei sunt, siue Deo nequeunt obtineri: si dilatare fines, si prorogare terminos, si desideramus amissa reuocare. Deum ergo fidei viribus deprecemur: per cuius offensam nobis ista depereunt: & ipsius propitiatione redeunt ampliata, qui dat sicut vult, tollit, & cum vult: si reddere non potest, omnipotens non habetur: multa facit ad suæ maiestatis indicium, ad nostræ emendationis & correctionis exemplum. Vacant aliena præsidia, si nostri regis non subuenerint adiutoria. *Quoniam ipse est mare, & ipse fecit illud.* Ne putetis quæ situm, inuentum, & non à Deo conditum. *Ipsius est mare, & ipse fecit illud: & aridas manus eius formauerunt.* Vbi sunt qui Deum de materia, & maxime de aqua mundum figurasse constringunt: Deus noster in cælo, & in terra, non vt inuentor, sed vt conditor materiæ, ex nihilo cuncta perfecit. *Venite, inquit, adoremus.* Quæ sequuntur fratres, ignorantibus veluti immemorem prophetam exultationis suæ fuisse demonstrant, dum prouocatos ad gaudia, mox euocat ad ploratus. *Venite, inquit, adoremus, & procidamus ante eum, & ploremus coram domino qui fecit nos.* Dixerat, *Venite exultemus:* verum hic propheta secum fletus suorum nos desiderat fundere gaudiorum: quia semper lachrymæ sicut dolore magno, ita producuntur & gaudio: quæ utique interni pectoris exponunt, & testantur affectum. Qui ergo lapidibus prosternebamur, & lignis, vero tandem Deo cognito, vult nos adorare, procidere, & repensare lachrymis, atque continuo deuotionis obsequio, quod diu, & longo tempore negleximus. Plorat ergo, dum de præteritis pœnitet, gaudet de presentibus, æstuat, & metuit de futuris. Perfectæ autem lætitiæ fletus fuisse ex sequentibus sic demonstrat. *Venite adoremus, & procidamus ante deum, & ploremus coram domino qui fecit*

Et quasi interrogaretur, quare? reddit causas, aperit rationes. *Quia ipse est Deus noster, & nos populus pascuæ eius, & oves annus eius.* Ex hoc utique quantum deuotus est ille qui gau- det, tantum certe qui contristatur ingratus. Sed iam quæ ad- onet audiamus intentius. *Hodie si vocem eius audieritis, nolite durare corda vestra, sicut in irritatione secundum diem temptationis in- seruo ubi tentauerunt me patres vestri probauerunt, & viderunt ope- mea.* Quadraginta annis proximus fui generationi illi, & dixi, *sem- per hi errant corde: Ipsi vero non cognouerunt vias meas: quibus in- ueni in ira mea, si introibunt in requiem meam.* Cum dicit, hodie, cõuenit, ad te loquitur, quicumque homo es auditor, ne au- ta voce eius, contemptus reatum, contumaciæ crimẽ incur- s: quem non præcepta, quem non correxit exemplum. Nã hoc Iudaicam duritiam longo sermone narrauit, ut te hristianæ faceret cautiorem: cui non quadraginta annis tã- m conuersatur, & cohabitat Deus, sed toto vitæ tempore ret, & militat ad salutem.

De parabolis inuenta margarita, & sagena missæ in mare.

Sermo X L V I I .

Christus Deus noster, quod cælum, terram, mare, & in- cis magnas, multas, varias condiderit creaturas, miran- potentiæ suæ documenta monstrauit: quòd vero humana scipit, agit hominem, intrat tempora, transit ætates, docet rbo, virtute curat, similitudines loquitur, proponit exem- a, affectus nostri in se pon d us aperit: inesse sibi dilectionis umanæ pãdit ineffabilem charitatem. Hinc est, quod cèle- a terrenis commendat exemplis: de præsentibus sapere dat tura: inuisibilia visibilibus insimulat argumentis: probãt oc similitudines, quas nobis hodie Euangelicus clamat au- tus. *Simile est regnum calorum homini negotiatori quarenti bonas* Ma 13
margaritas: inuenta autem una preciosa margarita abiit, & vendi- omnia que habuit, & emit eam. Neminem qui hoc audit no- en negotiatoris offendar: hic negotiatorem loquitur qui t misericordiam, non qui dat fœnoris semper vsuram: pro- dentem ornamenta virtutum, non irritamenta vitiorum, auitatem morum, non lapidum pondera perferentem, ho- statis, non luxus monilia portantem, gestantem non volu- atis pompam, sed insignia disciplinæ. Iste ergo negotiator s cordis & corporis margaritas proponit, non humano mmercio, sed diuino exercens: nō ad præsens commodũ,

sed ut futurum meretur : non ad terrenam gloriam, sed cælestem : quatenus cælorum regnum possit virtutum præmio comparare, & innumeris bonis vnam redimere perpetuæ vitæ margaritam. Adiecit autem similitudinem dominus dicēs, *Iterum simile est regnum cælorum sagenæ missæ in mare, & ex omni genere piscium congreganti: quam cum impleta esset, educentes, & secus litus sedentes, elegerunt bonos in vasa, malos autem foras miserunt. Simile est regnum cælorum sagenæ missæ in mare.* Similitudo hæc proditur in apostolatū piscatores elegerit Christus, & captiores piscium fecerit hominum piscatores, ut diuini iudicii typus arte piscatoria monstraretur. Pisces congregat captura confusos sed in vasa discretio dat electos: sic vocatio Christiana iustos, & iniustos, malos, bonosque congregat, sed bonos, malosque electio diuina discernit. *Simile est regnum cælorum sagenæ missæ in mare.* Ad huius sæculi mare tumens pompa, elatum vertice, vndosum scētis, insecitia fluctuans, elamოსum litibus, fremēs ira, sequum perfidia, peccatis naufragium, impietate demersum, misit peccatores suos Christus, hoc est, Petrum, Andream, Iacobum, Iohannem, probatos aite, cum

Mat. 4. dicit, Venite post me, faciam vos fieri piscatores hominum. Misit ergo piscatores suos retia portantes præceptis legalibus, & Euangelicis innodata, monitis circuncincta virtutum donis, & grātia dilatata, Euangelico sinu congregantia sine fine capturam. Hoc tempus modo, hoc agitur fratres: per gētes, per populos Christi retia nūc trahuntur, & ducunt confusas toto orbe credituras sine discretione personas, Sed quia sæculi vicinus est finis, & ad iudicii litus capturæ nostræ retia iam propinquant, pisces, hoc est homines, qui profundo sæculi discursu feriato ac libero vagabantur, siccitatis litoris, hoc est, finis propinquitate turbati, tota se rerū dispensatione collidūt: videntes impias gentes triumphis succedētibz amphari, angustiari captiuos toto orbe populos Christianos: impios prosperis gaudere successibus pios malorum continuata successione calcari: subdi dominos seruituti, dominari dominis seruos: rebelles filios in parentes, senes iuuenibus esse contemptui: omnēque naturę statum, virę ordinem deperiisse. Sed hæc cum ita sint, fortes non turbant: imò infirmos turbant, fortes turbare non possunt, quia sumūt vires de similitudine, fortitudinem de figura. Eiecti de profundo pisces parum quidem in litore sui confusione volūt,

ur, sed citata discretio dum malos abiicit, eligit bonos: facit bonos, non turbat, brevis ista, & cito transitura cōfusio. Ista discretio superna quæ dat malos pœnis, bonos rapit ad honorem, impios deducit ad tartarum, pios trāsmittit ad regnū, patres, senes, iustos, electos, omnes de contumelia exigua per petua gloria consolatur: probat hoc autem comparatio ipsa, cum dicitur: *In consummatione sæculi exhibunt angeli Dei, & segregabunt malos de medio iustorum.* In consummatione sæculi, qui consummationem sæculi credit, qui de sæculi minoratione causatur, qui confidit mansura succedere, habere quid querit transitura? Fratres, mundus de fine principium sumit: sine innouatur, non deficit creatura: sæculum deficit nō creatori, sed crimini: neque iustis, sed peccatoribus finiuntur elementa. *In consummatione sæculi exhibunt angeli.* Parere iustis, nec quisquam dubitet sanctis angelos esse parituros, quibus obsequium suum promittit & Christus: Christi vox est, Præcingam me, & ministrabo vobis. *Exhibunt angeli Dei, & segregabunt malos de medio iustorum.* Portate iusti, portate, imò inducias iusti dare, brevis ista mixtura longa separatione pensabitur, *Separabunt malos de medio iustorum, & mittent eos in calidum ignis.* Ecce qui eiciūt vicinos, qui expellunt hospites, qualem sibi eligunt mansionē: ecce qui ubi hic delicias pauperis fame, pœnis præparant alienis, ibi ignem sibi quantum de exigua voluptate succendunt. *Ibi erit fletus, & stridor dentium.* Quam male stridet ibi, qui hic male ridet: & qui nunc malis pauperum gaudet, de bonis pauperum tunc lugebit, quia potuit cum paupere gaudere, sed noluit: vos autem fideles gaudete in domino semper.

In illud Matthæi, Venit Iesus in patriam suam, & cætera.

Et de inuidia.

Sermo XLVIII.

E Vangelista hodie Iudæorum circa Christum proditurus inuidiam, sic cæpit, *Venit inquit, Iesus in patriam suam, & docebat eos in synagogis eorum, ita ut mirarentur, & dicerent, Unde huic sapientia & virtus? Nonne hic est fabri filius? Nonne mater eius dicitur Maria? & fratres eius, Iacobus, & Ioseph, & Simon, & Iudas: & sorores eius nonne omnes apud nos sunt? unde ergo huic tanta ista? Non sic nubes cælum, nox diem, solem caligo, uomodomentem cæcat, & tenebrat inuidia. Liur hoc Iudaicus probat, qui Christi sapiētiā miratur, virtutes*

stupet, attollit opera, dicta suscipit, & tamen ne in ipso videatur diuinitas, deitas sentiatur, carnalium parentum nomina commonet, & diuulgat. *Venit, inquit, Iesus in patriam suam.* Nemo miretur, sic conditor rerum, cælorum dominus, deus omnium, patriam, locumque sortitur, quando se claudit vtero: metitur cunis, vberibus occupat, arctat gremio, dat in vlnas: & vt angustias tollat humanas, humanis se dedit, atque aptauit angustias. Homo ad te deus se per ista deponit, te per ista sequitur, per istas te perquirat angustias, vt quem formauit opere, te reformet exemplo: quem iudicio repulit, reducat affectu, & in se seruet, quem præter se conspiciat deperisse. *Venit, inquit, Iesus in patriam suam, & docebat eos in synagogis eorum.* Nō in templo suo, sed in synagogis eorum: synagogæ non poterant eius esse in quibus se turbæ perfidiæ, non fidei congregabant: in quibus conueniebat inuidiæ populus, nō amoris, in quibus considerabat consiliū malignantium, non bonæ consilium disciplinæ. *Docebat in synagogis eorum, ita vt mirarentur.* Mirabantur indignatione, non gratia: stupebant linore: non laude: furebant, quia quod sapere non poterant superba subsellia, stans humilitas perducebat. *Ita vt mirarentur, & dicerent, Vnde huic hæc sapientia?* Sic dicit qui Deum, ex quo est sapientia, ex quo virtus, ignorat: sic dicit qui Christum nescit esse Dei sapientiam, Dei esse virtutem. Vnde sic sapientia Salomon probat: qui cum regni apicem paruulus suscepisset, vt creditum sibi populum regeret virtute, non fastu: sapientia, non tumore: corde, non vertice, à Deo sapientiam voluit, poposcit, accepit. *Vnde huic hæc sapientia, & virtus?* Virtutem quæ dat oculos quos natura non dedit, quæ auditum reddit debilitate cōclusum, quæ in mutis sui soluit vincula sermonis, quæ claudos reducit ad cursum quæ animas apud inferos iam deuinctas propria redire cogit ad corpora, à Deo esse, nisi salutis inuidus non negaret: at Iudæi sciebant Christi opera diuinæ virtutis esse, non esse possibilitatis humanæ, sed liquoris nubilum, malitiæ fumus, visum spectantium caligabant, ne lumen Christi, ne tempus Evangelii peruiderent, dicendo, *Nonne hic est fabri filius?* Dicebant, hic est fabri filius, sed cuius fabri filius non dicebant: dicebant fabri filius, vt arte vili ars lateret authoris: & deitatis nomen fabrilis nomen absconderent. Christus erat fabri filius, sed illius, qui mundi fabricam fecit non malleo, sed præceptis qui

clemen

elementorum membra non ingenio, sed iussione compegit: qui massam sæculi autoritate, non carbone conflavit: qui solem non terreno igne, sed superno calore succendit: qui lunam, tenebras, noctem firmavit, & tempora: qui stellas variata luce distinxit: qui cuncta fecit ex nihilo, & fecit ô homo tibi, ut opificem operis æstimatione pensares. Sed tu Iudæ huius fabri filium notas, cui pro tantis beneficiis repensare vicem deberes in filium: hinc est, quod non accepis futura, quia de præsentibus existis ingratus. *Nonne hic est fabri filius? Nonne mater eius dicitur Maria?* Iterum Iudæ matris nomen clamas, occultas patris: patrem dicis, nomen non dicis, fabri dicis opus non dicis. Iudæ decipiunt te ista, non decipiunt credituros. *Nonne mater eius dicitur Maria? & fratres eius Iacobus, & Ioseph, & Simon, & Iudas: & sorores eius nonne omnes apud nos sunt?* Si mater, si fratres, si sorores apud vos sunt, pater ubi est? vobiscum non est: quia Deus odit fictos, invidios deserit, declinat ingratos, sibi non sinit crudeles & impios commorari. *Et fratres eius & sorores eius, nonne omnes apud nos sunt?* Calidè fratres ingeris, ostentas sorores, ut numero so patu sanctæ matris virginitas lateat, obscuretur integritas, & sentiat de filio totum quod humanum est, nihil diuinum. Iudæ quos dicis fratres & sorores Christi, Cleophæ sororis Mariæ filii sunt, non Mariæ: & fratrum & sororum filios, fratres nuncupat & diuina lex, & humano cognatio. Ergo Christi fratres fecit nō matris virginitas, quæ permāsit virgo post partum, sed materis eius fecit propinquitatis assertio. Beata Maria, si alios filios habuisset, à Christo mater in ipso crucis tempore in articulo ipso mortis non discipulo traderetur, non commendaretur extraneo. Inuidia de cælo abiecit angelum, de paradiso exclusit hominem: Ipsa primum contaminauit terras germano sanguine: Ipsa germanos compulit venundare germanum: Ipsa Moysen fugauit, Aaron in fratris excitauit iniuriam: Mariam maculauit liuore germani, ac ne multis, quod pauet mens, quod visus tremit, quod auditus non capit, ipsum Christi attēdit & peruenit ad sanguinem. Inuidia omnibus malis peior: quos cœperit, liberari nequeunt: quos vulnerauit, ad cutam non veniunt, non reueant ad salutem. Inuidia delictorum venenum, criminum virus, peccatorum mater, origo vitiorum: hanc qui non videt, bona videt: hanc qui nescierit, mala nescit: hanc qui fuge-

Esa. 14.

Gen. 3.

Gen. 4.

Gen. 37.

Exod. 2.

Num. 12.

uit, viuit. Inuidia vitari fuga potest, non potest superari confictu. Sed iam quid dominus responderit, audiamus, *Non est propheta sine honore, nisi in patria sua & in domo sua.* Christus quidem venit in patriam suam & in domum suam: quia scriptum est, *In sua venit, & sui eum non receperunt.* Verum dicendo, *Non est propheta sine honore, nisi in patria sua & in domo sua,* Docet, quia inter suos posse, morsus est, adustio est: inter ciues eminere proximos, proximorum vrit gloriam: propinqui propinquo si honorem debeant, computant seruitutem. *Et non fecit, inquit, ibi virtutes multas propter incredulitatem illorum.* Non si tibi virtus, ubi incredulitas non meretur. Et si mercedem cum sanat non exigit Christus, indignatur tamen dū pro honore sibi fertur iniuria, qui est super omnia Deus benedictus & gloriosus in sæcula sæculorum. Amen.

De eisdem secundum Marcum.

Sermo XLIX.

Quotiens humana dominum sanctus Euangelista sustinuisse, aut egisse commemorat, totiens carnaliū sensus tota velut fluctuum commotione conturbat: imbecilles nanque mentes, nesciunt dominici corporis audire, discernere & dispensare mysteria: sicut hodierna lectio monstrat, quæ dicit, *Egressus inde Iesus, abiit in patriam suam.* Egreditur vnde, quod ingreditur, qui nullo continetur nullo concluditur loco? ad quam patriam vadit, orbem qui fecit & possidet vniuersum? dicente propheta, *Tui sunt celi, & tua est terra: orbem terrarum, & plenitudinem eius tu fundasti.* Verum non sibi per se, sed per te tibi egreditur & ingreditur Christus, donec te intromittat expulsum, exulem reuocet, reducat, & reportet eiectum. *Abiit ergo Iesus in patriam suam.* Non vt suam sibi, sed vt tuam tibi, quam Adam perdidit, patriam redonaret. *Abiit in patriam suam.* Si natus quomodo non homo? si homo, quomodo non ciuis? si ciuis, esse illi patriam quis miretur? Sed dic humanitatis modus, non diuinitatis ordo est quem fatetur: quia qui est, & qui erat ante sæcula Deus noster, parens noster, nouissima voluit esse per sæcula: vt quos potestate fecerat, pietate saluaret & compatiendo reciperet, quos extorres arguendo fecerat & iubendo. Quicquid enim per hominem susceptum legimus egisse, aut pertulisse Christum non ad diuinitatis audiamus iniuriam, sed profecisse hominis ad gloriam. *Et sequebantur, inquit, illum,*

Scripta eius. Merito discipuli Christum redeuntem suam se-
 quuntur ad patriam: quos iam in superni ordinis albo descri-
 tos celestis patriæ ciues. & municipales electio tanta, tantæ
 ratione perfecerat plenitudo dicente domino, Gaudete, quia Luc. 10.
 omnia vestra scripta sunt in cælis. Et facta sabbatho cæpit in
 synagoga dicere, & multi audientes mirabantur in doctrina eius, do-
 centes. Unde huic her omnia, & quæ est sapientia quæ data est illi? &
 virtutes tales quæ per manus eius efficiuntur? Infelix Iudaicæ mē-
 tis, & detestanda nequitia ad discutiendum semper prom-
 ptior, quàm credendum, diuinis virtutibus non ad fidem, sed
 ad calumniam sollicitè commouetur, vel quia meruit audire
 sapientiam tantam: sed vnde sit malitiosè curiosus, vel quæ-
 ra, an bonis suspicax, ad noxia satis facilis, doctrinā despiciat,
 quam miratur: quæ probat præcepta, contemnit: ad Deū con-
 statur: ad idola perprocliuis: in diuinis astuta, ligno, lapidibus
 tota resoluta, prophetiæ rebellis, contraria veritati, auguriis,
 mendaciis quæ perditæ. Rogo, cui cautum quod cæcus videt?
 cui solitū quod mortuus surgit? cui dubiū quod loquitur
 mutus? certè quis nesciat esse deum, cuius sola curatur omnis
 debilitas iussione? Moyses signa fecerat multa, Elias maxi-
 ma monstrauetat documenta virtutum, nec dissimilia ope-
 ra fecerit Elifæus: cur nemo personam discutit? cur nemo sta-
 tus cōmouet quæstionē? cur nemo vnde essent, quæue essent,
 vnde ista, & per quæ facerent curiositate sic requisivit ingra-
 tus? Sed iudicatur hic solus, qui solus iudicare noluit ne puni-
 ret: improbā seueritate discutitur, qui vt largiretur veniā, nil
 quæsiuit: & cum solus innocens inuenerit omnes reos, ad in-
 diciū pietatis immensæ suscipere maluit, quàm rogare sentē-
 tiam: vt vitā mortalibus olim perditā redderet, & repara-
 ret ociosos. Verè sicut dixit Apostolus, Magnum pietatis est 1. Tim. 3.
 sacramentum quod Christi nostri manifestatur in carne. Ex-
 tēdit tamen adhuc curiositatē suam carnalis ista æmulatio,
 cui semper est inimica cogitatio: nec patitur Christum virtu-
 tibus, & sapientia Deum credi, sed proximorum, parentum,
 fratrum, affinium documento hominem tantum asserit, ge-
 stit, optat intelligi, dicendo, Nonne iste est fabri filius & Ma-
 ria? frater Iacobi & Ioseph. & Simonis, & Iudæ? nonne &
 sorores eius hic nobiscum sunt? Caiphas prophano prophetat o- Ioan. 11.
 te: Et cum sacerdos esset, falsitatis suæ sensum vicit offi-
 cio veritatis: sententiam non suo, sed addicti probat im-

Num. 23. &

24.

Balaam maledico benedicit ore, & conductus ad nequitiam tota loquitur mysteria veritatis? & sicut in spinis rosa, hoc est, in frutice horrenti miri odori flosculi germinantur: ita sensus aliquotiens pessimorum ad bona diuinitatis impulsu aguntur inuiti, vt non sit meriti, sed mysterii, quod loquuntur: quod tunc malitiæ Iudaicæ videmus euenisse, quæ in contumeliam dominicæ generationis, cum per artem Ioseph prosapiæ Christi exaggerat veritatem, veri genitoris confiteretur, & loquitur qualitatem, dicendo, *Iste est fabri filius*. Bene personam tacuit, vt proderet ex arte genitorem, dicendo non Ioseph, sed fabri filius. Et quis talis faber, qualis est iste, qui ex nihilo tantum, talem fabricatus est mundum? & quis faber talis, qui totius bonæ artis solus auctor, solus largitor existit? Dic ergo Iudææ fabri filium, vt Dei filium fatearis inuitus: dic Mariæ, vt verum hominem, sed virginis filium confitearis impulsus: dic fratres, vt tantam dignationem tui prædices & proferas creatoris. Et licet ipse genitricis sanctæ per hoc virtutes moliaris abscondere: tamen Euangelistæ veritas non Ioseph & Mariæ, sed Cleopæ sororis eius filios. quos tu fratres appellas, probat & asserit extitisse: vsus enim temporis etiam præsentis, germanorum & germanarum filios, fratres noscitur nuncupasse. Nunquam enim contra pietatis ordinem matrem dominus extero, hoc est, Iohanni commendasset ex cruce, si alios ipsa præter illum filios suscepisset: sed virgini virginem tradit, vt inter tales cura sola sacramenti, sola societas religionis haberetur: nec mundanæ sollicitudini discipulus cæcus iste seruiret, sed prædicaturus virginitatis partum, domi haberet vnde hoc dubitantibus approbaret: at Iacobus vnius femine & matris habere non potuit curam: qui inter primordia, & in illo Iudæico tunc furore Hierosolymitanam singulariter rexit Ecclesiam: bene addidit dominus, *Non est propheta sine honore, nisi in patria sua*. Ecce qualiter carnales sapiunt ciues: ecce qualiter mundani parentes sentiunt & honorant. Beatus qui cum patrem meruerit habere Deum, præter cælestem patriam nil requirit.

De paralytico.

Sermo L.

Dinis Hieronymo ac Iohanni Chrysostomo
falso abscriptus.

Christum in humanis actibus diuina gessisse mysteria; & in rebus visibilibus inuisibilia exercuisse negotia, lectio hodierna monstrauit. *Ascendit, inquit, in nauiculam, & transfretauit, & venit in ciuitatem suam.* Nonne ipse est qui fugatis fluctibus maris profunda nouit: ut Israëliticus populus inter stupentes undas sicco vestigio velut montium concaua pertransfret? Nonne hic est, qui Petri pedibus marinos vertices inclinauit, ut inter liquidum humanis gressibus solidum præberet obsequium? Et quid est quod sibi maris sic denegat seruitutem ut breuissimi lacus transitum sub mercede nautica transfretaret? *Ascendit, inquit, in nauiculam & transfretauit.* Et quid mirum fratres? Christus venit suscipere infirmitates nostras, & suas nobis conferre virtutes: humana quæ rere, præstare diuina, accipere iniurias, reddere dignitates: ferre tædia, referre sanitates: quia medicus qui non fert infirmitates curare nescit: & qui non fuerit cum infirmo infirmatus, infirmo non potest conferre sanitatem. Christus ergo, si in suis mansisset virtutibus, commune cum hominibus nil haberet: & nisi impleisset carnis ordinem, carnis in illo esset otiosa susceptio. Sustinuit ergo has necessitates, ut homo uerus humanis necessitatibus probaretur. *Ascendit, inquit, in nauiculam.* Christus Ecclesiæ suæ nauem sæculi fluctus semper mitigaturus ascendit, ut credentes in se ad cælestē patriā tranquillā nauigatione perducatur, & municipes ciuitatis suæ faciat, quos humanitatis suæ fecit esse cōsortes. Non ergo Christus indiget nauis, sed nauis indiget Christo, quia sine cælesti gubernatore nauis Ecclesiæ per mundanum pelagus tali, & tanto discrimine ad cælestē portū non valet peruenire. Hæc diximus fratres, quātū ad intelligētiā pertinet spiritualem: verū nunc ipsius historiæ ordinem prosequamur. *Ascendit, inquit, in nauiculam, & transfretauit, & venit in ciuitatem suam.* Creator rerum, orbis dominus, posteaquam se propter nos nostra angustauit in carne, cœpit habere humanam patriam, cœpit ciuitatis Iudaicæ esse ciuis, parentes habere cœpit parentum omnium ipse parens: ut inuitaret amor, attraheret charitas, vinceret affectio, suaderet humanitas, quos fugarat dominatio, metus disperferat, fecerat ius potestatis extorres. *Venit in ciuitatem suam, & ecce offerebant ei paralyticum iacentem in lecto & respiciens, inquit, Iesus fidem illorum: dixit paralytico, Confide fili, dimittuntur tibi peccata tua.* Audit veniam, & tacet paralyticus,

nec ullam respondet gratiam, quia plus corporis quam animæ tendebat, ad curam: & temporales erumnas resoluti corporis sic deflebat, ut æternas pœnas resolutionis animæ non defleret: gratiarum sibi præsentem vitam iudicans, quam futuram. Merito Christus operantium fidem respicit: & recordiam respicit sic iacentis, ut fidei alienæ suffragio paralytici anima antè curaretur, quam corpus. *Respiciens, inquit, fidem illorum.* Cernitis in hoc loco fratres, Deum non querere insipientium voluntates, non expectare ignorantium fidem, non infirmiorum stulta desideria persequari: sed ad alterius fidem subuenire, quod per solam gratiam conferebat, cum quicquid diuinæ voluntatis est non negaret. Et re vera fratres, quando medicus languentium aut querit, aut respicit voluntates, cum semper contraria desideret & requirat infirmus? hinc est quod nunc ferrum, nunc ignem, nunc amara pocula ingerit, & apponit inuitis, ut curam sani sentiant, quam non poterant sentire ægrotantes. Et si homo iniurias despicit, maledicta contemnit, ut sauciatis morbo sponte vitam conferat & salutem: quanto magis Christus medicus bonitate diuina morbis saucios peccatorum, & phrenesi criminum laborantes, ad salutem etiam inuitos attrahit, & nolentes? O si velimus fratres, & si velimus omnem mentis nostræ paralytum peruidere, animam nostram virtutibus destitutam iacere in vitiorum stratis cerneremus: laceret nobis quemadmodum Christus & nostras quotidie noxias respicit voluntates, & ad salutaria nos: media pertrahit, & perurget inuitos. *Fili, inquit, remittuntur tibi peccata tua.* Hæc dicens, Deum se volebat intelligi, qui per hominem oculis adhuc latebat humanis. virtutibus enim & signis comparabatur prophetis, qui per ipsum fecerant, & ipsi virtutes: peccatis autem dare veniam, quia penes hominem non est & est singulare deitatis insigne, Deum illum peccatoribus inferebat humanis. Probat hoc Pharisaicus liuo: nam cum dixisset. *Remittuntur tibi peccata tua.* Responderunt Pharisei, *Hic blasphemat: quis enim potest peccata remittere nisi solus Deus?* Phariseæ, qui sciendo nescis confitendo negas: cum testatis, impugnas: si Deus est qui remittit peccata, cur tibi Christus Deus non est, qui vnius indulgentiæ suæ munere totius mundi probatur abstulisse peccata? Ecce, inquit, agnus Dei, ecce qui tollit peccata mundi, Ut autem possis maiora, cape eius diui-

mitatis insignia: audi eum pectoris tui penetrasse secretum aspice eum ad cogitationū tuarū latebras peruenisse: intellige eum cordis tua t̄cita nudare consilia. *Et cum vidisset, inquit, Iesus cogitationes eorum, dixit, quid cogitatis mala in cordibus vestris? Quid enim est facilius dicere, remittuntur tibi peccata tua: an dicere, surge & ambula? Ut autem sciatis, quia filius hominis habet potestatem dimittendi peccata: dixit paralytico surge, tolle lectum tuum, & vade in domum tuam: & surrexit, & abiit in domum suam.* Scrutator animarum præuenit mentium maligna consilia, & deitatis suæ potentiam operis attestatione monstrauit, dum dissipati corporis membra componit, neruos stringit, iungit ossa, complet viscera, firmat artus, & gressus ad cursum sulci-
tat in viuo cadauere iam sepultos. *Tolle lectum tuum.* Hoc est, porta portantem, omnes muta vices: vt quod est infirmitatis testimonium, sit probatio sanitatis: vt lectus doloris tui sit meæ curationis indicium, vt receptæ fortitudinis magnitudinem ponderis asserat magnitudo. *Vade, inquit, in domum tuam.* Ne Christiana fide curatus, in viis Iudaicæ perfidiæ iam moreris.

De demoniaco, furdo & muto.

Sermo L I.

Quia solito plus sē se terris æstus infuderat, diu tacui, ne compressio quæ ex desiderio nascitur audiendi, ipsa nobis cynocnematum generaret incendium: nunc vbi aërem temperies mitigauit autumnus, dominicum, iuuante domino, reuocamur ad verbum. Cum filium suum quidam furdi & muti spiritus furore possessum ingereret domino curandum, dominum præter morem patientiæ suæ Euangelista sic retulit fuisse commotum, vt antè in patris vulnus ipse inueheretur, quàm ad filii moueretur curam. *Respondens, inquit, vnus de turba, dixit, Magister, attuli filium meum ad te, habentem spiritum mutum: qui ubicunque eum apprehenderit, allidit eum & spumat, & stridet dentibus & arescit: & dixi discipulis tuis, vt eicerent eum, & non potuerunt: qui respondens eis, dixit, O generatio incredula.* Respondens vnus de turba, quid est quod vno interrogante feriuntur multi? quid est quod conquerente vno, incredulitatis norantur omnes? quid est quod ad vnius vocem tota generatio superba perfidiæ nūcupatur? quid est? quia iste non ad deum venerat, sed ad magistrum venerat: curam non à virtute exigens, sed ab arte: tarditatem quæ non causæ deputans, sed curanti impossibilitatem di-

Mar. 9.

Psal, 38.

nos hortatur propheta clementissimus præuenire. *Et in psalmis, inquit, iubilemus ei.* Ne indicta pectori nostro irrationabilis iubilatio crederetur. *In psalmis iubilemus.* Ut mysticis distinguerentur, in psalmis diuinum resonet sacramentum: & quod ad prouectum salutis animos promoueat audientium. *Quoniam deus, inquit, magnus dominus.* Hic dominici corporis aperit sacramentum: quia deus etiam in nostro corpore magnus dominus. *Et rex magnus super omnes Deos.* Iuxta illud: *Quis similis erit Deo inter filios Dei?* quia omnes supernæ virtutes cum regant cæteros, ipsæ tamen reguntur à Christo. *Quia in manu eius sunt omnes fines terræ.* Quia quæ in manu Dei sunt, siue Deo nequeunt obtineri: si dilatare fines, si prorogare terminos, si desideramus amissa reuocare. Deum ergo fidei viribus deprecemur: per cuius offensam nobis ista depereunt: & ipsius propitiatione redeunt ampliata, qui dat sicut vult, tollit, & cum vult: si reddere non potest, omnipotens non habetur: multa facit ad suæ maiestatis indicium, ad nostræ emendationis & correctionis exemplum. Vacant aliena præsidia, si nostri regis non subuenerint adiutoria. *Quoniam ipsius est mare, & ipse fecit illud.* Ne putetis quæsitum, inuentum, & non à Deo conditum. *Ipsius est mare, & ipse fecit illud: & aridam manus eius formauerunt.* Vbi sunt qui Deum de materia, & maxime de aqua mundum figurasse constringunt: Deus noster in cælo, & in terra, non ut inuentor, sed ut conditor materiæ, ex nihilo cuncta perfecit. *Venite, inquit, adoremus.* Quæ sequuntur fratres, ignorantibus veluti immemorem prophetam exultationis suæ fuisse demonstrant, dum prouocatos ad gaudia, mox euocat ad ploratus. *Venite, inquit, adoremus, & procidamus ante eum, & ploremus coram domino qui fecit nos.* Dixerat, *Venite exultemus:* verum hic propheta secum fletus suorum nos desiderat fundere gaudiorum: quia semper lachrymæ sicut dolore magno, ita producuntur & gaudio: quæ utique interni pectoris exponunt, & testantur affectum. Qui ergo lapidibus prosternebamur, & lignis, vero tandem Deo cognito, vult nos adorare, procidere, & repensare lachrymis, atque continuo deuotionis obsequio, quod diu, & longo tempore negleximus. Plorat ergo, dum de præteritis poenitet, gaudet de presentibus æstuat, & metuit de futuris. Perfectæ autem lætitiæ fletus fuisse ex sequentibus sic demonstrat. *Venite adoremus & procidamus ante deum, & ploremus coram domino qui fecit*

nos. Et quasi interrogaretur, quare? reddit causas, aperit rationes. Quia ipse est Deus noster, & nos populus pascuæ eius, & oves manus eius. Ex hoc utique quantum deuotus est ille qui gaudet, tantum certe qui contristatur ingratus. Sed iam quæ admonet audiamus intentiùs. Hodie si vocem eius audieritis, nolite obdurare corda vestra, sicut in irritatione secundum diem temptationis in deserto ubi tentauerunt me patres vestri probauerunt, & viderunt opera mea. Quadraginta annis proximis fui generationi illi, & dixi, semper hi errant corde: Ipsi vero non cognouerunt vias meas: quibus intraui in ira mea, si introibunt in requiem meam. Cum dicit, hodie, te cõuenit, ad te loquitur, quicumque homo es auditor, ne audita voce eius, contemptus reatum, contumaciæ crimẽ incurras: quem non præcepta, quem non correxit exemplum. Nã ob hoc Iudaicam duritiam longo sermone narrauit, vt te Christianæ faceret cautiorẽ: cui non quadraginta annis tantum conuersatur, & cohabitatur Deus, sed toto vitæ tempore parer, & militat ad salutem.

De parabolis inuenta margarita, & sagena missa in mare.

Sermo XLVII.

Christus Deus noster, quod cælum, terram, mare, & in cæcis magnas, multas, varias condiderit creaturas, miranda potentiæ suæ documenta monstrauit: quòd vero humana suscipit, agit hominem, intrat tempora, transit ætates, docet verbo, virtute curat, similitudines loquitur, proponit exempla, affectus nostri in se pondus aperit: inesse sibi dilectionis humanæ pãdit ineffabilem charitatem. Hinc est, quod cœlestia terrenis commendat exemplis: de præsentibus sapere dat futura: inuisibilia visibilibus insinuat argumentis: probat hoc similitudines, quas nobis hodie Euangelicus clamat auditus. Simile est regnum cælorum homini negotiatori quarenti bonas margaritas: inuenta autem una preciosa margarita abiit, & vendidit omnia quæ habuit, & emit eam. Neminem qui hoc audit nomen negotiatoris offendar: hic negotiatorem loquitur qui dat misericordiam, non qui dat scœnoris semper vsuram: prouidentem ornamenta virtutum, non irritamenta vitiorum, grauitatem morum, non lapidum pondera perferentem, honestatis, non luxus monilia portantem, gestantem non volutatis pompam, sed insignia disciplinæ. Iste ergo negotiator has cordis & corporis margaritas proponit, non humano commercio, sed diuino exercens: nō ad præsens commodũ,

Mat. 13.

sed vt futurum meretur : non ad terrenam gloriam, sed celestem : quatenus celorum regnum possit virtutum præmio comparare, & innumeris bonis vnā redimere perpetuam vitam margaritam. Adiecit autem similitudinem dominus dicens, *Iterum simile est regnum celorum sagenæ missæ in mare, & ex omni genere piscium congreganti: quam cum impleta esset, educentes, & secus litus sedentes, elegerunt bonos in vasa, malos autem foras miserunt. Simile est regnum celorum sagenæ missæ in mare.* Similitudo hæc prodit cur in apostolatū piscatores elegerit Christus, & captiores piscium fecerit hominum piscatores, vt diuini iudicii typus arte piscatoriæ monstraretur. Pisces congregat captura confusos sed in vasa discretio dat electos: sic vocatio Christiana iustos, & iniustos, malos, bonosque congregat, sed bonos, malosque electio diuina discernit. *Simile est regnum celorum sagenæ missæ in mare.* Ad huius sæculi mare tumens pompa, elatum vertice, vnde sum sectis, inscitia fluctuans, elatus litibus, fremens ira, seuum perfidia, peccatis naufragium, impietate demersum, misit peccatores suos Christus, hoc est, Petrum, Andreā, Iacobum, Iohannem, probatos arte, cum

Mat. 4. dicit, Venite post me, faciam vos fieri piscatores hominum. Misit ergo piscatores suos retia portantes præceptis legalibus, & Euangelicis innodata, monitis circuncincta virtutum donis, & grātia dilatata, Euangelico sinu congregantia sine fine capturam. Hoc tempus modo, hoc agitur fratres: per gentes, per populos Christi retia nūc trahuntur, & ducunt confusas toto orbe credituras sine discretione personas. Sed quia sæculi vicinus est finis, & ad iudicii litus capturæ nostræ retia iam propinquant, pisces, hoc est homines, qui profundo sæculi discursu feriato ac libero vagabantur, siccitate litoris, hoc est, finis propinquitate turbati, tota se rerū dispensatione collidunt: videntes impias gentes triumphis succedentibus ampliari, angustiari captiuos toto orbe populos Christianos: impios prosperis gaudere successibus pios malorum continuata successione calcari: subdi dominos seruituti, dominari dominis seruos: rebelles filios in parentes, senes iuuenibus esse contemptui: omnemque naturæ statum, vitæ ordinem deperiisse. Sed hæc cum ita sint, fortes non turbant: immò infirmos turbant, fortes turbare non possunt, quia sumunt vires de similitudine, fortitudinem de figura. Eiecti de profundo pisces parum quidem in litore sui confusione voluunt,

zur, sed citata discretio dum malos abicit, eligit bonos: facit bonos, non turbat, brevis ista, & cito transitura cōfusio. Ista discretio superna quæ dat malos pœnis, bonus rapit ad honorem, impios deducit ad tartarum, pios trāsmittit ad regnū, patres, senes, iustos, electos, omnes de contumelia exigua per petua gloria consolatur: probat hoc autem comparatio ipsa, cum dicitur: *In consummatione sæculi exhibunt angeli Dei, & segregabunt malos de medio iustorum.* In consummatione sæculi, qui consummationem sæculi credit, qui de sæculi minoratione causatur, qui confidit mansura succedere, habere quid querit transitura? Fratres, mundus de fine principium sumit: sine innouatur, non deficit creatura: sæculum de sic nō creatori, sed crimini: neque iustis, sed peccatoribus finiuntur elementa. *In consummatione sæculi exhibunt angeli.* Parere iustis, nec quisquam dubitet sanctis angelos esse parituros, quibus obsequium suum promittit & Christus: Christi vox est, Præcingam me, & ministrabo vobis. *Exhibunt angeli Dei, & segregabunt malos de medio iustorum.* Portate iusti, portate, imò inducias iusti date, brevis ista mixtura longa separatione pensabitur. *Separabunt malos de medio iustorum, & mistent eos in caminum ignis.* Ecce qui eiiciūt vicinos, qui expellunt hospites, qualem sibi eligunt mansionē: ecce qui vbi hic delicias pauperis fame, pœnis præparant alienis, ibi ignem sibi quantum de exigua voluptate succendunt. *Ibi erit fletus, & stridor dentium.* Quam male stridet ibi, qui hic male ridet: & qui nunc malis pauperum gaudet, de bonis pauperum tunc lugebit, quia potuit cum paupere gaudere, sed noluit: vos autem fideles gaudete in domino semper.

In illud Matthæi, Venit Iesus in patriam suam, & cætera.

Et de inuidia.

Sermo XLVIII.

Evangeliſta hodie Iudæorum circa Christum proditurus inuidiam, sic cœpit, *Venit inquit, Iesus in patriam suam, & docebat eos in synagogis eorum, ita ut mirarentur, & dicerent, Unde huic sapientia & virtus? Nonne hic est fabri filius? Nonne mater eius dicitur Maria? & fratres eius Iacobus, & Ioseph, & Simon, & Iudas: & sorores eius nōne omnes apud nos sunt? unde ergo huic omnia ista? Non sic nubes cælum, nox diem, solem caligo, quomodo mentem cæcat, & tenebrat inuidia. Liuer hoc Iudaicus probat, qui Christi sapiētiā miratur, virtutes*

elementorum membra non ingenio, sed iussione compegit: qui massam sæculi autoritate, non carbone conflavit: qui solem non terreno igne, sed superno calore succendit: qui lunam, tenebras, noctem firmavit, & tempora: qui stellas variata luce distinxit: qui cuncta fecit ex nihilo, & fecit ô homo tibi, vt opificem operis æstimatione pensares. Sed tu Iudæ huius fabri filium notas, cui pro tantis beneficiis repensare vicem deberes in filium: hinc est, quòd non accepis futura, quia de præsensibus existis ingratus. *Nonne hic est fabri filius? Nonne mater eius dicitur Maria?* Iterum Iudæ matris nomen clamas, occultas patris: patrem dicis, nomen non dicis, fabrū dicis opus non dicis. Iudæ decipiunt te ista, non decipiunt credituros. *Nonne mater eius dicitur Maria? & fratres eius Iacobus, & Ioseph, & Simon, & Iudas: & sorores eius nonne omnes apud nos sunt?* Si mater, si fratres, si sorores apud vos sunt, pater ubi est? vobiscum non est: quia Deus odit fictos, inuidos deserit, declinat ingratos, sibi non sinit crudeles & impios commorari. *Et fratres eius & sorores eius, nonne omnes apud nos sunt?* Callidè fratres ingeris, ostentas sorores, vt numerofo partu sanctæ matris virginitas lateat, obscuretur integritas, & sentiat de filio totum quod humanum est, nihil diuinum. Iudæ quos dicis fratres & sorores Christi, Cleophæ sororis Mariæ filii sunt, non Mariæ: & fratrum & sororum filios, fratres nūcupat & diuina lex, & humano cognatio. Ergo Christi fratres fecit nō matris virginitas, quæ permāsit virgo post partum, sed materteræ eius fecit propinquitatis assertio. Beata Maria, si alios filios habuisset, à Christo mater in ipso crucis tempore in articulo ipso mortis non discipulo traderetur, non commendaretur extaneo. Inuidia de cælo abiecit angelum, de paradiso exclusit hominem: Ipsa primum contaminauit terras germano sanguine: Ipsa germanos compulit venundare germanum: Ipsa Moysen fugauit, Aaron in fratris excitauit iniuriam: Mariam maculauit liuore germani, ac ne multis, quod pauet mens, quod visus tremit, quod auditus non capit, ipsum Christi attēdit & peruenit ad sanguinem. Inuidia omnibus malis peior: quos cœperit, liberari nequeunt: quos vulnerauit, ad curam non veniunt, non redeunt ad salutem. Inuidia delictorum venenum, criminum virus, peccatorum mater, origo vitiorum: hanc qui non videt, bona videt: hanc qui nescierit, mala nescit: hanc qui fuge-

Esa. 14.

Gen. 3.

Gen. 4.

Gen. 37.

Exod. 2.

Num. 12.

Joan. 1.

uit, viuit. Inuidia vitari fuga potest, non potest superari conflictu. Sed iam quid dominus responderit, audiamus, *Non est propheta sine honore, nisi in patria sua & in domo sua.* Christus quidem venit in patriam suam & in domum suam: quia scriptum est, In sua venit, & sui eum non receperunt. Verum dicendo. *Non est propheta sine honore, nisi in patria sua & in domo sua,* Docet, quia inter suos posse, morsus est, adustio est: inter ciues eminere proximos, proximorum vitare gloriam: propinqui propinquo si honorem debeant, computant seruitutem. *Et non fecit, inquit, ibi virtutes multas propter incredulitatem illorum.* Non si tibi virtus, ubi incredulitas non meretur. Et si mercedem cum sanat non exigit Christus, indignatur tamen dum pro honore sibi fertur iniuria, qui est super omnia Deus benedictus & gloriosus in sæcula sæculorum. Amen.

De eisdem secundum Marcum.

Sermo XLIX.

Mat. 6.

Psal. 88.

Quotiens humana dominum sanctus Euangelista sustinuisse, aut egisse commemorat, totiens carnalium sensus tota velut fluctuum commotione conturbat: imbecilles namque mentes, nesciunt dominici corporis audire, discernere & dispensare mysteria: sicut hodierna lectio monstrat, quæ dicit, *Egressus inde Iesus, abiit in patriam suam.* Egreditur unde, quò ingreditur, qui nullo continetur nullo concluditur loco? ad quam patriam vadit, orbem qui fecit & possidet vniuersum? dicente propheta, Tui sunt celi, & tua est terra: orbem terrarum, & plenitudinem eius tu fundasti. Verum non sibi per se, sed per te tibi egreditur & ingreditur Christus, donec te intromittat expulsum, exulem reuocet, reducat, & reportet eiectum. *Abiit ergo Iesus in patriam suam.* Non ut suam sibi, sed ut tuam tibi, quam Adam perdidit, patriam redonaret. *Abiit in patriam suam.* Si natus quomodo non homo? si homo, quomodo non ciuis? si ciuis, esse illi patriam quis miretur? Sed dic humanitatis modus, non diuinitatis ordo est quem faterur: quia qui est, & qui erat ante sæcula Deus noster, parens noster, nouissima voluit esse per sæcula: ut quos potestate fecerat, pietate saluaret & compatiendo reciperet, quos extorres arguendo fecerat & iubendo. Quicquid enim per hominem susceptum legimus egisse, aut perulisse Christum non ad diuinitatis audiamus iniuriam, sed profecisse hominis ad gloriam. *Et sequebantur, inquit, illum.*

Discipuli eius. Merito discipuli Christum redeuntem suam sequuntur ad patriam: quos iam in superni ordinis albo descriptos & electis patrie ciues. & municipes electio tanta, tantæ gratiæ perfecterat plenitudo dicente domino, Gaudete, quia nomina vestra scripta sunt in cælis. *Et factis sabbatho cepit in synagoga dicere, & multi audientes mirabantur in doctrina eius, dicentes. Vnde huic hæc omnia, & quæ est sapientia quæ data est illi? & virtutes tales quæ per manus eius efficiuntur?* Infelix Iudaicæ mentis, & detestanda nequitia ad discutiendum semper promptior, quàm credendum, diuinis virtutibus non ad fidem, sed ad calumniam sollicitè commouetur, vel quia meruit audire sapientiam tantam: sed vnde sit malitiosè curiosa, vel querula, in bonis suspicax, ad noxia satis facilis, doctrinam despicit, quam miratur: quæ probat præcepta, contemnit ad Deum conuocatur, ad idola perprocliuis: in diuinis astuta, ligno, lapidibus tota resoluta, prophetiæ rebellis, contraria veritati, auguriis, mendaciisque perditæ. Rogo, cui tantum quod cæcus videt? cui solertiū quod mortuus surgit? cui dubiū quod loquitur motus? certe quis nesciat esse deum, cuius sola curatur omnis debilitas iussione? Moyses signa fecerat multa, Elias maxima monstrauerat documenta virtutum, nec dissimilia opera fecerit Elisæus: cur nemo personam discuit? cur nemo statum commouet quæstionem? cur nemo vnde essent, quæue essent, vnde ista, & per quæ facerent curiositate sic requisituit ingratus? Sed iudicatur hic solus, qui solus iudicare noluit ne puniret: improbam seueritate discuitur, qui vt largiretur veniam, nihil quæruit: & cum solus innocens inuenerit omnes reos, ad indicium pietatis immensæ suscipere maluit, quàm rogare sententiam: vt vitam mortalibus olim perditam redderet, & repara- ret ociosos. Verè sicut dixit Apostolus, Magnum pietatis est sacramentum quod Christi nostri manifestatur in carne. Ex- rēdit tamen adhuc curiositatē suam carnalis ista æmulatio, cui semper est inimica cogitatio: nec patitur Christum virtu- tibus, & sapientia Deum credi, sed proximorum, parentum, fratrum, affinium documento hominem tantum asserit, ge- stit, optat intelligi, dicendo, *Nonne iste est fabri filius & Ma- riæ? frater Iacobi & Ioseph. & Simonis, & Iudæ? nonne & fratres eius hic nobiscum sunt?* Caiphas prophano prophetat o- Et cum sacerdos esset, falsitatis suæ sensum vicit offi- cio veritatis: sententiam non suo, sed addicti probat im-

Luc. 10.

1. Tim. 3.

Ioan. 11.

Num. 23. &
24.

petio. Balaam maledico benedicit ore, & conductus ad nequitiam tota loquitur mysteria veritatis? & sicut in spinis rosa, hoc est, in frutice horrenti miri odori flosculi germinantur: ita sensus aliquotiens pessimorum ad bona diuinitatis impulsu aguntur inuiti, vt non sit meriti, sed mysterii, quod loquuntur: quod tunc malitiz Iudaicæ videmus euenisse, quæ in contumeliam dominicæ generationis, cum per artem Ioseph profapiæ Christi exaggerat veritatem, veri genitoris confitetur, & loquitur qualitatem, dicendo, *Iste est fabri filius*. Bene personam tacuit, vt proderet ex arte genitorem, dicendo non Ioseph, sed fabri filius. Et quis talis faber, qualis est iste, qui ex nihilo tantum, talem fabricatus est mundum? & quis faber talis, qui totius bonæ artis solus auctor, solus largitor existit? Dic ergo Iudææ fabri filium, vt Dei filium fatearis inuitus: dic Mariæ, vt verum hominem, sed virginis filium confitearis impulsus: dic fratres, vt tantam dignationem tui prædices & proferas creatoris. Et licet ipse genitricis sanctæ per hoc virtutes moliaris abscondere: tamen Euangelistæ veritas non Ioseph & Mariæ, sed Cleophræ sororis eius filios. quos ru fratres appellas, probat & asserit extitisse: vsus enim temporis etiam præsentis, germanorum & germanarum filios, fratres noscitur nuncupasse. Nunquam enim contra pietatis ordinem matrem dominus extero, hoc est, Iohanni commendasset ex cruce, si alios ipsa præter illum filios suscepisset: sed virgini virginem tradit, vt inter tales cura sola sacramenti, sola societas religionis haberetur: nec mundanæ sollicitudini discipulus tantus iste seruiret, sed prædicaturus virginitatis partum, domi haberet vnde hoc dubitantibus approbaret: ac Iacobus vnius scemine & matris habere non potuit curam: qui inter primordia, & in illo Iudæico tunc furore Hierosolymitanam singulariter rexit Ecclesiam: bene addidit dominus, *Non est propheta sine honore, nisi in patria sua*. Ecce qualiter carnales sapiunt ciues: ecce qualiter mundani parentes sentiunt & honorant. Beatus qui cum patrem meruerit habere Deum, præter caelestem patriam nil requirit.

De paralytico.

Sermo L.

Dinis Hieronymo ac Iohanni Chrysostomo
falso abscriptus.

Christum in humanis actibus diuina gessisse mysteria, & in rebus visibilibus inuisibilia exercuisse negotia, le-
ctio hodierna monstrauit. *Ascendit, inquit, in nauiculam, & transfretauit, & venit in ciuitatem suam.* Nonne ipse est qui fugatis fluctibus maris profunda nouit: vt Israëliticus populus inter stupentes vndas sicco vestigio velut montium concaua pertransiret? Nonne hic est, qui Petripedibus marinos vertices inclinauit, vt inter liquidum humanis gressibus solidum præberet obsequium? Et quid est quod sibi maris sic denegat seruitutem vt breuissimi lacus transitum sub mercede nautica transfretaret? *Ascendit, inquit, in nauiculam & transfretauit.* Et quid mirum fratres? Christus venit suscipere infirmitates nostras, & suas nobis conferre virtutes: humana quæ rere, præstare diuina, accipere iniurias, reddere dignitates: ferre rædia, referre sanitates: quia medicus qui non fert infirmitates curare nescit: & qui non fuerit cum infirmo infirmatus, infirmo non potest conferre sanitatem. Christus ergo, si in suis mansisset virtutibus, commune cum hominibus nihil haberet: & nisi impleffet carnis ordinem, carnis in illo esset otiosa susceptio, Sustinuit ergo has necessitates, vt homo verus humanis necessitatibus probaretur. *Ascendit, inquit, in nauiculam.* Christus Ecclesiæ suæ nauem sæculi fluctus semper mitigaturus ascendit, vt credentes in se ad cælestē patriā tranquillæ nauigatione perducatur, & municipes ciuitatis suæ faciat, quos humanitatis suæ fecit esse cōsortes. Non ergo Christus indiget naui, sed nauis indiget Christo, quia sine cælesti gubernatore nauis Ecclesiæ per mundanum pelagus tali, & tãto discrimine ad cælestē portū non valet peruenire. Hæc diximus fratres, quātū ad intelligētiā pertinet spiritualem: verū nunc ipsius historiæ ordinem prosequamur. *Ascendit, inquit, in nauiculam, & transfretauit, & venit in ciuitatem suam.* Creator rerum, orbis dominus, posteaquam se propter nos nostra gustauit in carne, cœpit habere humanam patriam, cœpit ciuitatis Iudaicæ esse ciuis, parentes habere cœpit parentum omnium ipse parens: vt inuiteret amor, attraheret charitas, vinceret affectio, suaderet humanitas, quos fugarat dominatio, metus disperferat, fecerat ius potestatis extorres. *Venit in ciuitatem suam, & ecce offerebant ei paralyticum iacentem in lecto & respiciens, inquit, Iesus fidem illorum: dixit paralytico, Confide fili, dimittuntur tibi peccata tua.* Audit veniam, & tacet paralyticus,

Mat. 9.

Exod. 14.

Mat. 11.

nec ullam respondet gratiam, quia plus corporis quàm animam tendebat, ad curam: & temporales erumnas resoluti corporis sic deflebat, ut æternas peccatorum resolutionis animæ non defleret: gratiarum sibi præsentem vitam iudicans, quàm futuram. Merito Christus operantium fidem respicit: & recordiam respicit sic iacentis, ut fidei a ienæ suffragio paralytici anima antè curaretur, quàm corpus. *Respiciens, inquit, fidem illorum.* Cernitis in hoc loco fratres, Deum non quærere insipientium voluntates, non expectare ignorantium fidem, non infirmiorum stulta desideria persequari: sed ad alterius fidem subuenire, quod per solam gratiam conferebat, cum quicquid diuinæ voluntatis est non negaret. Et re vera fratres, quando medicus languentium aut quærît, aut respicit voluntates, cum semper contraria desideret & requirât infirmus? hinc est quod nunc ferrum, nunc ignem, nunc amara pocula ingerit, & apponit inuitis, ut curam sani sentiant, quam non poterant sentire ægrotantes. Et si homo iniurias despiciat, maledicta contemnit, ut sauciatis morbo sponte vitam conferat & salutem: quanto magis Christus medicus bonitate diuina morbis saucios peccatorum, & phrenesi criminum laborantes, ad salutem etiam inuitos attrahit, & nolentes? O si velimus fratres, ô si velimus omnem mentis nostræ paralytism peruidere, animam nostram virtutibus destitutam iacere in vitiorum stratis cerneiemus: laceret nobis quemadmodum Christus & nostras quotidie noxias respicit voluntates, & ad salutaria nos trahit: media pertrahit, & perurget inuitos. *Fili, inquit, remittuntur tibi peccata tua.* Hæc dicens, Deum se volebat intelligi, qui per hominem oculis adhuc latebat humanis. virtutibus enim & signis comparabatur prophetis, qui per ipsum fecerant, & ipsi virtutes: peccatis autem dare veniam, quia penes hominem non est & est singulare deitatis insigne, Deum illum pectoribus inferebat humanis. Probat hoc Pharisaicus liuo: nam cum dixisset. *Remittuntur tibi peccata tua.* Responderunt Pharisei, *Hic blasphemat: quis enim potest peccata remittere nisi solus Deus?* Phariseæ, qui sciendo nescis confitendo negas: cum testaris, impugnas: si Deus est qui remittit peccata, cur tibi Christus Deus non est, qui vnius indulgentiæ suæ munere totius mundi probatur abstulisse peccata? Ecce, inquit, agnus Dei, ecce qui tollit peccata mundi, Ut autem possis maiora, cape eius diui-

nitatis insignia: audi eum pectoris tui penetrasse secretum aspice eum ad cogitationū tuarū latebras peruenisse: intellige eum cordis tua t̃cita nudare consilia. *Et cum vidisset, inquit, Iesus cogitationes eorum, dixit, quid cogitatis mala in cordibus vestris? Quid enim est facilius dicere, remittuntur tibi peccata tua: an dicere, surge & ambula? Vt autem sciatis, quia filius hominis habet potestatem dimittendi peccata: dixit paralytico, surge, tolle lectum tuū, & vade in domum tuam: & surrexit, & abiit in domum suam.* Scrutator animarum præuenit mentium maligna consilia, & deitatis suæ potentiam operis attestatione monstrauit, dum dissipati corporis membra componit, nervos stringit, iungit ossa, complet viscera, firmat artus, & gressus ad cursum sulciat in viuo cadauere iam sepultos. *Tolle lectum tuum.* Hoc est, porta portantem, omnes muta vices: vt quod est infirmitatis testimonium, sit probatio sanitatis: vt lectus doloris tui sit meæ curationis indiciū, vt receptæ fortitudinis magnitudinem ponderis asserat magnitudo. *Vade, inquit, in domum tuam.* Ne Christiana fide curatus, in viis Iudaicæ perfidiæ iam moreris.

De demoniaco furdo & muto.

Sermo L I.

Quia solito plus sese terris æstus infuderat, diu tacui, ne compressio quæ ex desiderio nascitur audiendi, ipsa nobis cynocœumatum generaret incendium: nunc vbi aërem temperies mitigauit autumnus, dominicum, iuuante domino, reuocamur ad verbum. Cum filium suum quidam surdi & muti spiritus furore possessum ingereret domino curandum, dominum præter morem patientiæ suæ Euangelista sic retulit fuisse commotum, vt antè in patris vulnus ipse inueheretur, quàm ad filii moueretur curam. *Respondens, inquit, vnus de turba, dixit, Magister, attuli filium meum ad te, habentem spiritum mutum: qui ubicunque eum apprehenderit, allidit eum & spumat, & stridet dentibus & arescit: & dixi discipulis tuis, vt eicerent eum, & non potuerunt: qui respondens eis, dixit, O generatio incredula.* Respondens vnus de turba, quid est quod vno interrogante feriuntur multi? quid est quod conquerente vno, incredulitatis notantur omnes? quid est quod ad vnius vocem tota generatio superba perfidiæ nūcupatur? quid est? quia iste non ad deum venerat, sed ad magistrum venerat: curam non à virtute exigens, sed ab arte: tarditatem suam non causæ deputans, sed curanti impossibilitatem di-

scipulorum magistri imperitiæ assignans: Iudaico liuori, inuidiæ scribarum talem satisfaciens per clamorem. *Et dixi discipulis tuis, ut eiicerent eum, & non potuerunt.* Hoc est dicere, esse diabobolum, qui Christo non cederet: esse dæmonē, qui parui possit Christi nominis habere virtutem. Discipuli non suo, sed Christi nomine dæmones de obsessis corporibus effugabant. Quod ergo dæmon discipulis imperantibus non cedebat: iste ad infirmitatem Christi nominis, non discipulorum trahebat ad culpam. Videns ergo dominus Iudæorum sic circumstantes sapere cateruas: in filiis patrum peridiam sic inurit, & in genitoribus germina sic venenosa percellit. *O generatio incredula.* Veniens, inquit, dominus ad discipulos suos, vidit circa illos turbam magnam, & scribas conquiritantes cum illis: & confestim omnis populus videns Iesum stupefactus est & expauerunt. Timentes utique ne quod insultauerant discipulis, veniente magistro hoc perderent: & tanto dæmone fugato ipsa fieret discipulis causa gloriæ, quæ fuerat confusio- nis occasio. Hinc est quod dominus vno omnibus interro- gante respondit, *O generatio incredula, quandiu apud vos ero?* Quorum incredulitate neque vnus dæmon captiuo fugatur ex corpore. *Quandiu apud vos ero?* Et non ad gentes mittam? ubi ad vnus discipuli mei vocem templa corruunt, simula- cra fugiunt, consumuntur aræ, cadunt idola, cæduntur luci, tota demonū potestas antiquis & veteriosis sedibus suis gemens & tremens, & eiulans effugatur: cōmutantur in ec- clesias delubra, in altaria vertuntur aræ, pecorum victimæ mortuorum in viuam cordis hostiam transferuntur, augu- ria, diuinationes, somnia, in solo dei nutu, in dei tantum constituantur arbitrium. *Quandiu apud vos ero? quandiu pa- tiar vos?* Patitur patientia, non timore: non necessitate, sed misericordia: expectatione, non metu hos patitur, portat, ex- pectat, qui redire vult impium, non perire. *Afferte illum ad me,* quasi longē positum curare non possit, sed afferte vos incre- dulitatis vestræ causam, infidelitatis titulum, perfidiæ docu- mentum. *Afferte illum.* Ut qui saltem docenti deo nolulistis credere, vel dæmone confitente credatis, & sentiatis vos ipso diabolo nequiores, cum videritis illum confiteri, tremere sui mox præsentia cognitoris. *Et attulerunt eum, & cum vidisset eum, statim spiritu conturbauit illum, & elisus in terra voluebatur spumans.* Voluebatur homo, sed diabolus torquebatur: in ua-

sum verabat cura, sed inuasorē maiestatis indicis arguebat: sistebatur captus, sed puniebatur hostis, diaboli pœna cruciatu humani corporis apparebat. Opus est fratres, opus est dei lumine, ne in opere dei oculi sic fallantur humani. *Et interrogauit patrem eius, quantum temporis est, ex quo hoc accidit ei? at ille ait, ab infantia.* Requirit passionis tempus auctor temporis, medicus passionis tempus requirit: non vt nescius, sed vt sciens nescientibus prodar: denique interrogatione tali tempus aperit, ætatem pandit, reuoluit infantia, vt tanti mali causa non tangat sobolem, sed parētem: quia à deo sibi datum pignus ad diaboli gratiam dæmonum retulit ad honorem: dicente scriptura. Et obtulerunt filios suos & filias suas dæmoniis. Infantia vt in se diabolo locum faceret, quid criminis admiserat? quid reatus? sed replentur dæmone paruuli, quando à parentibus suis offeruntur diabolo, dæmonū ducuntur ad curam. Denique patris fide soluitur, quem patris infidelitas alligarat. Patris vox est, *Si quid potes, adiuua nos miserere nostri.* Hoc est, nos adiuua, miserere nobis, quorum reatus aggrauat innocentem, ad quorum pœnam infantis periculum sic redūdat. Et bene dominus à parente fidem repetit, dicens, *Si potes credere, omnia possibilia sunt credenti.* Et pater, *Credo domine, adiuua incredulitatem meam.* Pater credit: & sicut diximus, patris liberatur fide, qui patris fuerit infidelitate damnatus. Nam cui genitoris fides profuit quomodo ei genitoris perfidia potuit non obesse? Quomodo autem sanatus sit, vel quare discipuli, qui multos eiecerant dæmones, hunc nequiuert effugare, iuuante domino secururo sermone pandemus.

De eisdem.

Sermo LII.

DOCTORIS officium est lecta disserere, & mysticis obscura sensibus lucido astruere, & demonstrare sermone, ne minor intelligentia inde perniciem generet auditori: unde scientiam conferre debuit, & potuit salutarem. Hæc est igitur hodiernæ consonantia lectionis. *Et respondens vnus de turba, dixit, Magister, attuli filium meum habentem spiritum surdum & mutum.* Non dixit, attuli filium meum surdum & mutum, sed attuli filium meum habentem spiritum surdum & mutū. Nunquid nequitia spiritalis humanis distinguitur membris, & sensib⁹ angustatur humanis, vt debilitates nostras, nostras perferat passiones: nec videre possit, nisi fenestris oculorū,

Psal. 105.

Marc. 9.

& foraminibus aurium capere auditum, sermonem linguarum, aut oris officio proferre: & per hoc surdi, mutique statim miserabilem sustinere, cum tenuis & aërea natura carere nesciat, refutet ossa, velut aura spirans orbem totum temporis transeat in momento: diuersas species assumat, varias mutetur in formas, corda penetret, illudat animas, inspiret impias & turpissimas cogitationes: nec unde veniat, aut quo redeat, sentiatur: ac sic innocuas mentes, velut iaculum volans, lethali vulnere, & tota facilitate transuerberet? Parum esset si hoc pater solus sua supplicatione dixisset: cum dicit, *Attuli filium meum habentem spiritum surdum & mutum*. Nisi dominus ipse immundum spiritum tali increpatione depulisset. *Surde & mute spiritus ego precipio tibi, exi ab eo*. Sed iam quæ ad solutionem questionis pertinent, prosequamur. Deus qui demones est perpetuo crematorus incendio, qui iam eos, & in præsentia astringit vinculis, angit cruciatibus, vrget pœniss: potest & cum iusserit tota debilitate truncare, atque eo modo quo vident, quo audiunt, quo loquuntur cæcos reddere, surdos & mutos facere ne loquantur. Sed in hoc loco quid diabolus homini fecerit declaretur. Antiquus refuga, ubi deum terris reperit aduenisse, obstruxit aures hominum, vinxit linguam, & obseratis humani sensus foribus speluncæ suæ latebram pectus fecit & parauit humanum: estimans quod illuc auditus verbi, virtus diuini nominis non veniret: simul ut est dolosus, & callidus patrem capere, parentisque tali se credit decipere figmento: ut desperarent curari posse eum, qui audire nec poterat, nec fari & ut quod erat diabolici operis, esse crederent debilitatis humanæ, deputarent pignori, ascriberent naturæ quod intulerat hostis inclusus. Denique sicut

Matt. 27. Matthæus de eodem refert, & alia simulatione istius miseri fefellerat patrem: nam ibi sic supplicat, Domine, miserere filii mei, quia lunaticus est, & male torquetur. Aut humanæ naturæ, aut celestis elementi demon, quod suæ attis fuerat, voluit tunc videri aptans lunæ cursibus hominis passiones, vexabat corpus lunaribus incrementis: ut esse lunæ crederetur, quod erat diabolici criminis & futuri. Sic homines illudit, circumuenit gnaros, infamauit apud desides creaturam, quæ lumini tantum condita ledere nescit, homines quos continua magis iuuare cogitur seruitute. Verum posteaquam venit occultorum cognitor, inspector validissimus secretorum,

eui latentia diaboli non poterunt obuiare figmenta, adducitur puer sanandus præceptione diuina: vt quicquid diabolus vincerat, solueretur à Christo. Egit, egit inimic' vt hoc quod videbatur, esset naturæ. Sed quare discipuli non potuerunt eicere eum? Quia hic homo gentilis populi producit in figuram: siquidem gentilis populus, iuxta Apostolum, habebat spiritum ætis huius. Aeris, inquit, spiritus qui nunc operatur in filiis diffidentiae. Hic ergo erat surdus & natus, qui nec audire legem poterat: nec deum poterat confiteri, sed in igne gehénæ, & per aquas amari semper gurgitis iactabatur: nec poterat a discipulis, vel villo homine sanari, quia Christ' olim auditus fidei, confessio salutis, gentiû redemptio dicebatur & vita. Denique vbi imperio Christi fugatus est diabolus, patescunt clausa, vincula soluantur, sermo redditur, auditus redit, homo reparatur, & solus diabolus deflet diuturna se possessione detrusum. Hinc est quòd veniens ex gentibus impositionem manus, & exorcismus antè à demone purgatur, & apertionem aurium percipit, vt fidei capere possit auditum, vt possit ad salutem proficquente domino peruenire.

Eph. 2.

De pace.

Sermo LIII.

BEati pacifici, ait euangelista, charissimi, quia ipsi filij *Matt. 5.* dei vocabuntur. Merito Christianæ virtutes virescunt in eo, qui vnanimitatem Christianæ habet pacis, nec peruenitur ad vocabulum filij dei, nisi per nomen pacifici. Pax est charissimi, quæ spoliat hominem seruitute, dat nomen ingenuum: mutat apud deum cum conditione personam: ex famulo filium, liberum facit ex seruo. Pax fratrum voluntas est dei, iocunditas Christi, perfectio est sanctitatis, iustitiæ regula, magistra doctrinæ, morum custodia, atque in rebus omnibus laudabilis disciplina. Pax suffragium precum est, supplicationum facilis, atque impetrabilis via, desideriorum omnium cōpetens plenitudo. Pax dilectionis mater est, concordie vinculum, ac puræ mentis indicium manifestum, quæ sibi exigit de deo quod velit: quæ quicquid voluerit petit, quicquid petierit sumit. Pax præceptis regalibus conseruanda est, ipso domino Christo dicente, Pacem relinquo vobis, *Ioh. 14.* pacem meam do vobis: hoc est dicere, In pace vos dimissi, in pace vos inueniam: proficiscens voluit dare quod desidera-

I. Ioan. 3.

I. Ioan. 4.

bat rediens in omnibus inuenire. Cæleste mandatum est seruare quod dedit: vna vox est, inueniam quod dimisi. Plantare pacem radicitus est dei, euellere, penitus inimici. Nam sicut amor fraternitatis ex deo est, ita odium ex diabolo: quapropter damnanda sunt odia, quoniam scriptum est, *Qui odit fratrem suum, homicida est.* Videtis ergo fratres dilectissimi quare pax amanda est, & diligenda concordia: ista sunt enim quæ generant & nutriunt charitatem: scitis autem secundum Apostolum, quia charitas ex deo est: sine deo ergo est, qui non habet charitatem. Pax plebis charissimi est gloria sacerdotis, & pacis plena lætitia est perfecta charitas filiorum, Sacerdotis est admonere quod decet, plebis est audire quod monet: quicquid non licet pastoris est prohibere, gregis audire ac velle ne fiat: vtrique conueniant, salua sunt omnia, nec deus inuenit in plebe quod puniat, nec sacerdos potest habere quod doleat. Seruemus ergo fratres mandata quæ vitæ sunt, teneat se profundæ pacis nexibus colligata fraternitas: & salutari vinculo charitatis mutua se dilectione cōstringar, quæ oderit multitudinem peccatorum. Dilectio ergo omnibus desiderijs amplectenda est: quæ tot bona potest habere quorū præmia. Custodienda præ omnibus virtutibus pax est, quoniam deus semper in pace est. Locum non demus inimico, ne in tritici segete valeat seminare zizania, & securo iam rustico, & spe longi laboris eluso, expectatos fructus ipsa melsis maturitate perdat, aut vinum vetustate suaue in liquorē perfidix demutatum infusa fæcis permixtione conturbet, aut inter dulcia mella felle venena amariora confundat. Procul contentiones, procul lites, procul maledicta mittantur: & quia laqueus est mortis, lingua susurronis & bilinguis, parcat vnusquisque animæ suæ, ne in supplicium suum vincula sibi mortis innectat. Amate pacem, & tranquilla sunt omnia: vt & nobis præmia, & vobis gaudia referuetis: vt ecclesia dei in pacis vnitæ fundata, perfectam in Christo teneat disciplinam.

De Zacchæo.

Sermo.

LIIII.

Luc. 19.

BEatus euangelista proximè dum diuitis inhumani vitam describit, & finem, humanos mouit & mœstificauit affectus: sed hodie Zacchæi diuitis humanitatem fidemque referendo, cæleste nos extulit, & prouexit ad gaudium. *Et ingressus, inquit, Iesus, perambulabat Hiericho.* Quare perambu-

lat, non ambulat? Quia quod Moyſes ambulauerat, perambulabat Chriſtus: & populum quem Moyſes induxit in via, Ieſus ad quietem promiſſę mansionis adduxit. Perambulabat Hiericho. Hiericho ciuitas ipſa eſt, quam Ieſus Naue ſepteno turbatum clangore ſubuerit. Sed quia Chriſtus venit ſaluare quod perierat: ingreditur Hiericho, vt quod lex terribili vociferatione deiecerat, Ieſus clamore pię prædicationis attollat. *Ieſus, inquit, ingreſſus perambulabat Hiericho, & ecce vir nomine Zacchæus, & hic erat princeps publicanorum, & ipſe diues.* Princeps publicanorum in ciuitate perdita perditio operis Zacchæus egiſſe ſcribitur principatum: ex loco, perſona, officio, reatus magnitudo monſtratur: vt ex magnitudine criminis remittentis luceat magnitudo. *Et quærebat Ieſum videre.* Qui Chriſtum videre quærit, cælum vnde Chriſtus eſt, non terram, de qua aurum eſt intueatur. Diues ergo, qui ſurſum reſpicit, non portat diuitias, ſed proculcat: nec incuruatur diuitiis, ſed leuatur: atque agit diuitias ad largientis obſequiũ, non ad diuitiarum auaritię ſeruitutem: diuitiarum ſeruus, non dominus eſt auarus: at miſericors tot ſeruos ſe probat habere quot nummos. *Quærebat Ieſum videre, & non poterat præ turba, quia ſtatura puſillus erat.* Satis hic animo magnus erat qui puſillus videbatur in corpore: nam mente tangebatur cælos, qui corpore homines non æquabat. Nemo ergo de breuitate corporis, cui addere nil poteſt, curet: ſed vt fide emineat hoc procuret. *Et præcurrens, aſcendit in arborem.* Quibus putas iſte gradibus altiffimę arboris peruenit ad ramos? Iſte calcauit terram, ſuperaſcendit aurum, tranſcendit auaritiã, & totam diuitiarum ſupergreſſus eſt molem, vt proſiliens in arborem veniã, miſericordię apprehenderet fructum: & de ſpecula confeſſionis, indulgentię cerneret largitorem. *Aſcendit in arborem ſycomorum.* Myſterio, non cauſa aſcendit in arborem ſycomorum: vt vnde Adam texerat nuditatem corporis, Zacchæus inde velaret ſordiditatem auaritię. *Aſcendit in arborem ſycomorum, vt videret Ieſum, quia inde erat tranſiturus.* Verè dixit tranſiturus: quia Chriſtus per terrenas vias & humanos labores non manſurus venerat, ſed venerat tranſiturus. *Cum autem Ieſus veniſſet ad locum, ſuſpiciens, vidit eum.* Quasi ſi illuc non vertiſſet oculos non videret, qui Nathanaël cum obſens eſſet ſub eadem arbore longè viditiſed vidit eum, vidit ad veniã: reſpexit ad gratiã, intendit ad vitam, con-

Iofue. 6.

Ioh. 1.

templatus est salutem. Deus quem videt non vt ignorans agnoscere cupit, sed vt sciens ad gloriam vult videre. *Vidit eum, & ait ad illum, Zachæe festinans descende, quia hodie oportet me in domo tua manere.* Si bene ascenderat, quare ei dicitur descende? Superius dixit, præcurrens ascendit arborem, præcurrit seruus dominum: & antè Zachæus ascendit arborem, quàm crucem dominator ascenderet: hinc est quod dicitur ei, *Festinans descende, si sapias, festinans descende: descende ante dominum de Adamatice arbore, vt post crucem dominicę passionis ascendas.* Nisi quis tulerit crucem suam, & secutus me fuerit: non dicit, præcesserit me. Descende ergo vt deponas tantę f. audis onera, pondera cupiditatis, vsurarum molem, magisterium publicani, exactionis crudelissimę principatũ, expeditus intres pauperis scholam, discipulatum misericordię, pietatis vsu, patientię disciplinã, studia virtutum, sciẽtiam diuinitatis, tolerantiã passionum, philosophiam mortis, atque inter vitalis ligni arduam iam perfectus ascēdas. *Descende, quia hodie in domo tua oportet me manere.* Cuius domum non intrauerit Christus, ille ad diuinam non perueniet mansionem: & cuius hic ad mēsam non sederit Christus, ille cælestem non accumbet ad mensam. *Et festinans descendit, & suscepit eum gaudens.* Gaudet, quia suscepit susceptorem suum, quia pastorem suum pascit, quia reus, iudicem suffragio humanitatis inclinat, quia cibi & potus sc̃nore debitorem suũ sibi facit & acquirit: & sic fit, vt quæstum non perdat publicanus iste, sed mutet. *Et cum uiderent, inquit, omnes murmurabant, dicentes, quòd ad hominem peccatorem diuertisset.* Et quis sine peccato? Et si nemo, ipse sibi veniam negat, qui deum, quòd ad peccatores ingreditur, accusat. Deus quando peccatorem quærit, non peccata, sed hominem quærit: vt peccatum quod est opus hominis, despiciat: vt opus suum quod homo est, non amittat. Audi prophetam dicẽtem, Auerte faciem tuam à peccatis meis: hoc est, ab operibus meis: de se autẽ, Opera manuum tuarum ne despicias. Iudex cum vult agnoscere, hominem respicit, non culpam: pater cum misereri vult filio, affectum cogitat non delictum: sic in homine deus sui memor est operis, vt operis obliuiscatur humani. Tu ergo qui reprehendis, qui murmuras, cur ad peccatorem diuertet Christus, viam salutis, exemplum veniẽ, misericordię spem: de tali ingressu cape, & caue ne hoc tibi sit blasphem̃.

Mat. 10.

Psal. 50.

Psal. 137.

mandi materia, quod tibi occasio est salutis. Quo medicus nisi ad ægrum? Non est opus, inquit, sanis medicus, sed malè habentibus: ubi anhelus pastor, nisi ad ouem perditā: Quando se hostibus immiscet, nisi cum vult liberare captivum? Et qui preciosam perdit margaritam, loca squallida non dedignatur intrare, & eam inter stercore ipsa perquirere non abhorret. In quod præceptum post filium non se dat mater? Et arguitur deus qui creavit hominem ad imaginem & similitudinem suam: quare hominem inter peccata charitate conditoris inquiri? Murmuras homo quare hominem deus inter peccata quærat: quid facies cum videris eum propter hominem ipsas tenebras tartari penetrare? Audi tamen quid ingressus ad peccatorem fecerit Christus. *Stans, inquit, Zacchæus dixit.* Vides quomodo erectus est qui iacebat. Iacemus in vitiis, & iacemus oppressi: stamus, cum bonis operibus erigimur ad profectum. *Stans, inquit, Zacchæus dixit, dimidium bonorum meorum do pauperibus.* Ille post mortem se credit esse victurum, qui dimidium bonorum iam futuram transmittit ad vitam. Sit licet illè perfectus, qui totum quod habet illuc ubi victurus est semper hinc præmittit: est iste tamen virtutum socius, consors prudentiæ, fidei particeps, qui ad deum vel dimidium mittit: quia homo quod hic reliquerit, hoc amittit. Et re vera fratres, sicut se iste ibi credit vivere qui illuc transmittit sua: ita ille se sibi non credit esse victurum, qui sibi illic quod habere debeat, nil paravit. Nam si paupertatem vix ferre possumus temporale in æternum mendicus fieri quis durabit? Quis militans non ad patriam mittit, quicquid bellico sudore conquirat, ut adolescentiæ labores senectus deliciosa compenset? Et Christianus cui militare est id quod vivit in sæculo, quomodo non cogitat ut pericula terrena otis cælestibus consoletur? Qualiter hæc faciat Christianus, Zacchæus ipse & verbo docet & monstrat exemplo. *Dimidium bonorum meorum do pauperibus, & si cui aliquid fraude abstuli, reddo quadruplum.* Qui aliena prorogat, plus dando diripit, quàm furando: nec compescit inde dolentem gemitum, sed producit. Audeo dicere, qui de fraude deo offert, cumulat crimina, non emundat: quia deus in talimunere exuias suorum pauperum, non misericordias intueretur. Sine causâ deo plorat, cōtra quem iustè causa pauperis ploraverit deo. Dei vox est, Si pignus tuleris fratri tuo *Exod. 22.*

tunicam, ante solis occasum reddes illi. Sicut furem lucernâ prodit, ita sol eos qui fraudantur accusat. Si volumus deo offerre nostra, si apud deum quæ nostra sunt possidere volumus, mereamur & nos audire talia, qualia Zacchæus audiuit. Hodie domui huic salus aduenit, quia & hic filius est Abrahe. Inhumanus diues cum esset filius Abrahe, factus est gehennæ filius: iste cum esset rapinæ filius, dando sua, aliena reddendo Abrahæ adoptatur in filium. Ne quis tamen putet Zacchæum offerendo dimidium bonorum perfectionis non tenuisse fastigium, qui post omnia sua, & seipsum sic dedit domino, ut episcopatus honore fultus, à mēsa publicani questus ad mēsam dominici corporis perueniret: & fraudulentas sæculi diuitias derelinquens, in paupertate Christi veras sæculi diuitias inueniret.

In illud Luca, Quis ex vobis patrem petit panem, &c. Deque patrum in filios charitate. Sermo LV.

Luc. II.

POSTEAQUAM præcepta legis diffusa voluminibus, congesta libris, amorem nobis non suffecerunt commendare diuinum duris hominum præcordiis, comparationibus, exemplis, inseritur dei, & insinuat affectus. Quis inquit, ex vobis patrem petit panem, nunquid lapidem dabit illi? aut piscem, nunquid pro pisce serpentem dabit illi? aut si petierit ouum, nunquid porriget illi scorpionem? Si ergo vos cum sitis mali, nostis dona data dare filiis vestris: quanto magis pater vester celestis spiritum bonum dabit petentibus se? Quis ex vobis patrem petit panem, nunquid lapidem dabit illi? Charitas dolum non habet: fraudem pietas, affectio non recipit falsitatem. Si pater est, non potest non amare: si amat, nisi quod bonum est dare nescit: negat patrem, qui de patris suspectus est largitate: ignorat se filium, quem data paterna sollicitant: totum quod est pietatis excludit, qui salutare non credit quicquid dederit pater aut quomodo pater poterit filiis dare mala pro bonis, qui mala semper pro filiis paratus est sustinere, qui pro filiis mortem non refugit, pericula non declinat? Ideoque te deus patrem fecit: ideo à te voluit hominem procreari: qui utique quod te de terra fecerat, poterat fecisse quam plurimos: sed egit, ut generando scires quanta esset generantis affectio, & in te amorem tui tantum probares authoris, quantum ipse author pignoris tuo pignori conaris impendere. Certè non solum in te quid esset generantis affectio, sentire te deus voluit, sed in feris, & in pecudibus, &

dibus, & auihus, hoc deus voluit te videre: quæ cum de terra
 produxerit sola iussione, postea laborem sentire compulsi
 generandi: mutare patrias, loca cubilibus apra conquirere,
 fœtus locorum difficultatibus communire, gemitibus edere,
 maximis laboribus enutrire, ac se morti, si natos suos capi vi-
 derint, non negare. Vnde si non hominis, vel ferarum com-
 paratione, pecudum similitudine, ex æplis auium, disce quan-
 ta sit in paterna charitate sinceritas. Si ergo deum credis, &
 confessus es patrem, quicquid iusserit, quicquid in te elegerit,
 crede tibi satis esse salutiferum: crede satis esse vitale. Matris
 data discutere non licet, patris monita retractare non con-
 uenit si licet paterni mandati species tristior, res tamen ipsa
 salutifera & vitalis. Sic Abraham ubi deum patrem credidit, *Gen. 17.*
 mandatorum formas non attendit a speras & acerbis: circun-
 cisionem recipit verecundam: & quæ cœlestis pater iubet non
 discutit, sed iudicat gloriosa, patricidium considerat persce-
 lestum: sed quia deus imperat, totum pietati cōmittit. Hinc
 Isaac patris super se gladium cum videret, hostiam se esse cū
 horrere, cū dolore poterat, est gauisus: Hinc Iephthæ filia pa-
 tris munus, patris vota, sua morte tota gratulatione persol-
 uit. Quare ergo iam sciens deum de patris disputat datis,
 cum paruulus & innocuus quærit à patre, non nisi bona &
 profutura percipit? Sed cur has similitudines dominus fece-
 rit, perquiramus. *Quis, inquit, ex vobis patrem petit panem nun-*
quid lapidem dabit illi? Potuit dicere, nunquid zizania, nun-
quid lolium, quod ex vicinitate & similitudine mentitur pa-
nem, sed generat angustias? Sed Christus venerat filiis, id est *Esa. 1.*
Iudæis, quos genuisse tali clamore quærebatur, Filios genui
& exaltaui. ipsi autem spreuerunt me: venerat ergo filiis, ve-
nerat panis de cælo, qui dixit, Ego sum panis qui de cælo de- *Ioan. 6.*
scendi: sed Iudæis est conuersus in lapidem offensionis, & *Rom. 6.*
petram scandali, dicente domino, Ecce pono in Sion lapidē *Esa. 8.*
offensionis, & petram scādali. Quare petram? Quia mordere *Esa. 28.*
petram, non panem à patre quærere gestiebant. Circundede- *Psal. 21.*
runt me, inquit, canes multi. Denique posteaquam illi ex ho-
 minibus in canes probantur esse conuersi, cœlestis illis in pe-
 tram conuersus est panis, non dantis vitio, sed accipiētis ne-
 quitia: qui illos non reficeret, sed necaret: nec in fundamen-
 to positus promoueret ad culmen, sed eos qui sui patris ten-
 debāt ad necem, in profundam daret & volueret in ruinam,

Ioan. 3.

Mat. 23.

Rom. 7.

Adiecit aliam similitudinem. *Nunquid pro pisce serpentem dabit illi?* Erat & piscis Christus Iordanis leuatus ex aluco, qui carbonibus impositus passionum, post resurrectionem suis, id est discipulis, escam præbuit tunc vitalem: sed Iudæis in serpentē piscis iste commutatur, dicēte domino, Sicut Moyses exaltauit serpentem in eremo, ita exaltari oportet filium hominis. Iudæus in serpente videbat Christum, quia impius oculus deum videre non potest: non potest videre pietatem. Dixit & tertiam similitudinem. *Nunquid si petierit ouum, porriget illi scorpionem?* Consuetum est, & solenne semper paruulos ouum petere, & parentes ouum pusillis petentibus non negare: sed quia Christus venerat congregare sicut gallina pullos suos, ouum protulit verbi, per quod ecclesię germina sancta nutrentur: sed quia Iudæus per inuidiam effundere magis, quàm sumere ouum id volebat, reperit ibidem scorpionem: vt iuxta Apostolum, Mandatum quod erat illis in vitam, hoc illis esset ad mortem. In commendationem pietatis tria dominus protulit, & demonstrauit exempla, vt tribus testimoniis, sicut tribus testibus, & pios ad fidē sui amoris animaret: & confutaret impios, non patris, sed suo vitio charitatis gratiam non cōpisse.

De symbolo apostolorum,

Sermo LVI.

Acto. 9.

I. Cor. 13.

Solicitaret me acerbi partus subita & confusa tempestas, & immatura germinum me pullulamenta turbarent, nisi crebro disruptis tēporum moris, & rudi latrocinio, & fractis viscerū claustris, repētina viuēdi lucra quærerēt, & raperent nascituri. Hinc est, quòd homo sæpe mensis decimi despiciēs terminum, septimo mēse angustas primæ domus, & arctas vteri abiicit & deserit mansiones, vt præliator nouus ante se tēpus euicisse gaudeat, quàm depēdat ipse suā tēporibus seruiturē. Et si hoc humanæ licet naturæ, naturæ celesti quid obistere poterit, & diuinæ? Aut quid sanct⁹ spiritus non potest, si hoc potest caro? Aut quomodo gratia superna nō efficit, quod fragilitas obrinet & implet humana? Nōne sic Paulus acerbo dolore viā nostrę vexauit, & viscera genitricis, vt celesti turbine, ac tota tēpestate ecclesię præniret tēpora parietis: vt subito, & in via nasceretur, qui erat ad fidē viā gentibus præbitorus: meritò se abortiuū nūcupat, & miratur se fuisse natū, qui nouit se nulla cōceptus tēpora pertulisse. Nanque cū adhuc hostis ipse cēderet extrinsecus sanctē

matris vterū, & in ipso ortu pignora venerāda collideret, repente sanctū mutatur in germen, qui ipſus germinis fuerat ferociſſimus perſecutor. Eunuchus etiam generatur in via: ut quē caſtrauerat humana reueritas ad hominis ſervitutē, & intra regis aulā inuita caſtitas collocaretur, voluntaria caſtitas, & votiuā ad cæleſtis aulę gloriā, ad æterni regis promoueret & trāſferret obſequiū. Beatus iſte cui datum eſt, ut palatii inſulas nō amitteret, ſed mutaret. Hęc dicit ratio filioli, ut vos quos triſtes ſuſcepimus ad matris vterū: latiffimos perducamus vno, eodēque momento. Audite fidē: orationē diſcite. Sed quia impediēte tēpore nec nos vobis poſſumus aperire myſteriū, nec vos nobis poteſtis ſolenniter reddere quæ tradūtur. agite ut & nunc ſymboli ſimpliciter verba diſcatis: & Paſchali tempore quo plenius hęc traditur, ſacramētū ipſius interiora poſſitis agnoſcere. Accipite quod vultis: quod deſideratis inuadite: quia regnū cęlorum vim patitur: & qui vim faciūt, diripiunt illud: accipite quod vultis, & quod vis poteſt tollere, gratia largiatur. Ingreſſus vītę, ianua ſalutis, introitus fidei, ſingularis innocēs, & pura cōfeſſio perdocetur, dicente propheta. Intrate portas eius in cōfeſſione. Vnde idē propheta taliter admonitus, dei in ſe loquētis auditū morū poſtular, dicēs: Aperire mihi portas iuſtitię, & ingreſſus in eas cōfitebor domino. Videtis quia non poteſt cōfiteri, qui non fuerit ingreſſus hęc domū ſalutis & fidei, in quam ſicut intromittit cōfeſſio: ita negatio de ea indubitanter excludit. Sed quomodo cōfitendū ſit audiamus: Corde, inquit Apoſtolus, creditur ad iuſtitiā: ore autē cōfeſſio ſit ad ſalutē. Et quid crederetur oſtēdit: Si credis, inquit, dominū Ieſum in corde tuo, & ore cōfeſſus fueris, ſaluus eris. Corde creditur ad iuſtitiā: ore cōfeſſio ſit ad ſalutem: magnum filioli per hoc fidei noſtrę videmus eſſe compendium, quando inter cor & linguā totum ſalutis humanę verſatur, & geritur ſacramētum. Habes homo vnde credere debeas, corde creditur ad iuſtitiā: habes vnde debeas cōfiteri ore cōfeſſio ſit ad ſalutē. Et quid dicam? Totum in ſe habet homo, qui ſe habet: ipſe autem ſe habet, qui deum habet: Deum vero habet, qui eum ſuū credit, & cōfiteretur auctorem. Signate vos. Fides quę capitur auditu, corde creditur: ore promittitur ad ſalutē, in ſecreto mētis eſt collocanda: & ipſis eſt noſtri pectoris cōmittenda vitalibus, ne dum chartis, & atramento deſcribitur incautē, nō

reſeruetur credulis ad vitam, ſed prodatur perfidis ad ruinã
In te homo cuſtodire debes, quod tibi extrate poſitum po-
terit deperire.

In ſymbolum apoſtolorum.

Sermo LVII.

Eſa. 6.

Iuxta.

LXX.

BEatus Iſaias euangelista non minus, quàm propheta,
labbia immunda ſe habere, & in medio populi habentis
labbia immunda ſe habitare deplorat, dicens: O miſer ego,
quoniam compunctus ſum, quia cum ſim homo, & immun-
da labbia habeam: in medio quoque populi habentis labbia
immunda ego habitem, regem dominum ſabaoth vidi oculis
meis. Super humano percellitur hic dolore, quia quod de
deo ſentit & videt, loqui non valet, annunciarè non poteſt,
non poteſt confiteri. Quantum caro anguſta eſt, animo ſuo
arcta ſunt labbia tantum: lingua tantum brevis eſt ſuæ mentis
interpretes. In carne ignis anhelat incluſus, vaporat venas, in-
flamat viſcera, exaſtuat in medullis, totaque hominis in-
terna ſemper incendit, quia quod mentis contemplatur affe-
ctu, ore depromere, effundere labiis, lingua diſtinguere, & in
totum non ſufficit euaporare ſermonẽ. Hinc eſt, quod Iſaias
vbi vidit regem cæli, hoc eſt Chriſtum, ipſumque eſſe do-
minum ſabaoth, clara viſione conſpexit ſua, ſuique populi
labbia immunda deſleuit: quia ſicut illuſtrat corda, purgat ora,
labbia emundat Chriſti confeſſa diuinitas, ita Chriſti polluit
negata maietas. Sed quid iſte profecerit prophetae gemitus
audiamus, Et miſſus eſt, inquit, ad me vnus de Seraphim, qui
in manu habebat carbonem, quem forcipe tulerat de alta-
ri, & tetigit os meum, dicens, Ecce hoc tetigit labbia tua: & ab-
ſtulit iniquitates, & peccata circumpurgauit. Non eſt huius
reporis dicere, cur vnus mittitur, & quis ſit iſte qui mittitur,
& quantus eſt qui carbonem ſuperni ignis ſic manu geſtat
intrepidus, imò ſic ſuo temperat actaſtu, vt prophetae purget
labbia, non perurat, ſed nunc nos etiam toto cordis compun-
gamur affectu: nõsque in hac miſeria carnis miſeros eſſe fa-
teamur, immunda quoque labbia nos habere piis gemitibus
deſleamus, vt vnus iſte de Seraphim legis gratiæ forcipe ac-
ceptum de ſuperno altari nobis ignitum fidei deferat ſacra-
mentum, talique moderamine noſtrum tangat ora labio-
rum, vt iniquitates auferat, peccata depurget, & ora noſtra ſic
in flammã plenæ confeſſionis accendat, vt ſit iſta ſalutis adu-
ſtio, nõ doloris. Petamus etiam vt ad corda vſque noſtra per-

neniat calor iste carbonis, vt de tanta suauitate mysterij, nō
 solum labiis gustum, sed ipsis totam satietatem sensibus, &
 mente capiamus: & sicut Isaias post emundationem labiorū
 ineffabilem partum virginis est locutus, dicens, Ecce virgo *Esai. 7.*
 in vtero accipiet, & pariet filium: sic nos passionis sacramen-
 tum, & resurrectionis referamus gloriam. *Credo in deum patrē*
omnipotentem. In deum vos hodie merito confitemini credi-
 disse, quādo deos, deāque sexu dispares, numero cōfusus, tur-
 ba populares, viles genere, fama turpes, impietate maximos, —
 primos scelere, crimine singulares ipsis etiam sepulchrorum
 suorum vultibus accusatos, lætāmini vos fugisse: quia mise-
 rix doloris, & infelicitatis est, tātos, & tales habuisse seruu-
 los, quantos vos, & quales dominos hactenus pertulistis: sed
 ad vnum viuum, verum, solum, sed non solitarium deum vos
 peruenisse gaudete, dicendo, *Credo in deum patrem.* Iam cōfi-
 teatur filium, qui nominat patrē: quia qui vocari pater, pater
 dici voluit, habere se filium clemēter ostēdit quem nō acce-
 pit ex tēpore, non genuit in tempore, non suscepit ad tēpus,
 Diuinitas nec initium capit, nec recipit finē, nec admittit po-
 sterum, quæ nō agnoscit occasum. Deus filiū non doloribus
 parturit, sed virtutib⁹ esse manifestat: nec pręter se facit quod
 ex se est, sed generat, dum quod in se est aperit, & reuelat. De
 patre processit filius, nō recessit, nec successurus patri prodi-
 uit ex patre, sed prodit māsurus semper in patre: Audi Ioā. *Ioan. 1.*
 nem dicentem, Hoc erat in principio. Et alibi, Quod fuit ab *1. Ioan. 1.*
 initio. Quod erat, vtique nō accessit: quod fuit apparet vtique *Esai. 44.*
 non cępisse: Ego sum, inquit, primus, & ego nouissimus. Qui
 primus est, non est iste post alterum: qui nouissimus, post se
 alterum nō relinquit: sed ista cum dicit, nō excludit patrem,
 sed in se & patre vniuersa cōcludit. Sede a quę ante sunt ac-
 cedamus. Et in Christum Iesum filium eius unicum dominum no-
 strum. Sicut reges triumphorum suorum titulis nuncupātur, &
 subiectarū gentiū nominibus cōquirunt numerosissima co-
 gnomenta: ita Christus bonorū suorum titulis nuncupatur:
 à chrismate enim vocatus est Christus, qui diuinitatis vn-
 guentū ari dis iam mortaliū membris pius medicator infudit
 & vt à chrismate Christus, sic Iesus vocatus est à salute, qui
 ob hoc nos diuino infudit vnguento, vt ægris certā salutem,
 perditis perpetuā redderet sanitatē. Et in Christum Iesum filium
 eius unicum, Quia & si sunt multi filij per gratiam, iste vnus,

Genes. 2.
Luc. 1.

& singularis est per naturam, *Dominum nostrum*. Qui nos de tatorum, tam crudeliū, tam turpiū liberatos seruitio dominorū, ut nō ad cōditionem pristinā vendioet, sed ut ad perpetuā libertatem manumittat, inquit. *Qui natus est de spiritu sancto*. Ita, & taliter tibi nascitur Christus donec tibi homo nascēdi ordine mutet: ut sit tibi nouus ortus in vita, cui ventus semper in morte manebat occasus. *Qui natus est de spiritu sancto, ex Maria virgine*. Vbi spiritus generat, virgo parturit, totū diuinū geritur nil humanū: nec vllus infirmitati locus est, vbi virtus est sociata virtuti: soporatus est Adā, ut de vito virgo sumeretur: nūc stupuit virgo, ut vit repararetur ex virgine. Quid sibi de tātō, de tali partu natura poterit vendicare, vbi dū videt nouari ordinē suū, tota sua conspiciit iura mutari, venisse in suā sobolem suū sentit & miratur auctorē? Videatur hoc perfidis vile, magnū est credētibus sacramētū. *Qui sub Pontio Pilato crucifixus est & sepultus*. Audis iudicis nomē, ut tēpus etiā passionis agnoscas? audis crucifixū, ut nobis salutē perditam per quod perierat reparatā esse agnoscas: & vbi videas pēdere credentiū vitā, vbi mors pependerat perfidorū: audis sepultum, ne mors putetur illusa. Hoc est diuinæ virtutis insigne, cum mors morte moritur: auctor mortis proprio mucrone trūcatur: prædo capitur sua præda: infernus vita dirūpitur deglutita. *Tertia die resurrexit à mortuis*. Tres dies sepulturæ suæ tribus impēdit Christus habitationibus profuturos, in fetis, terrē, cēlo, instauraturus quæ in cēlo sunt: & quæ sunt reparaturus in terra: & quæ apud inferos redēptur: simul ut Trinitatis gratiā tridui sacramēto datā pāderet hominibus ad salutē. *Ascēdit in cælos*. Ascēdit, nō ut se referrer in cēlū, qui semper māsit in cælo, sed ut te perfetteret, quē taliter victū absoluit, & subtraxit inferna. Intellige vnde, vbi, homo per deū sis leuatus, ut esses in cēlestibus stabilis, qui eras lubricus, ac semper mutabūdus in terra. *Sedet ad dexterā patris*. Sed suis pater nil habet à sinistris. Confessio nostra non diuini confessus loca, sed virtutis assignat indicia: Deus loca nescit: Diuinitas recipit nil sinistrum. *Inde venturus est iudicare viuos, & mortuos*. Esto viuos, mortuos quemadmodum poterit iudicare? Sed illi viuunt, qui nobis mortui computantur. Ergo, resurrecturos eos confitemini ad iudicium, quos infidelitas existimat deperisse: ut qui mortui fuerint, & qui reperiatur viui, pariter suorū reddant actum, vitæ quo

rationem. *Creda in spiritum sanctum.* Postquam susceptæ carnis confessus es sacramentum, oportet te deitatem spiritus confiteri: ut Trinitatis unitas æqua, patris, filii, sancti spiritus, per omnia, & in omnibus, virtutis integram fidei in nostra confessione custodiat & teneat veritatem. *Sanctam Ecclesiam catholicam.* Quia neque à capite membra, neque sponsa separatur à sponso: sed dum tali coniunctione spiritus sit vnus, sit omnia, & in omnibus Deus. Ergo ipse in Deum credit, qui in Deum sanctam Ecclesiam confitetur. *Et remissionem peccatorum.* Ipse sibi donat veniam, qui sibi peccata per Christum remitti posse confidit. *Carnis resurrectionem.* Bene credis, si te per Deum credis resurgere ex morte posse, cui resurgunt semper elemēta: sic tempus ex tempore, sic ex nocte dies, sic de sepultura sua semina, nec tu perire poteris, cum illa reuiuiscant: nec difficile est Deo facere de te sene, quod tu facis semper ipse de semine. *Vitam æternam.* Hęc fides, hoc sacramentum non est committendum chartis, non scribendum literis, quia chartæ & literæ magis cauta, quàm gratiam proloquuntur: ubi vero Dei gratia, donatio diuina cōsistit, ad pactum fides, altitudo cordis sufficit ad secretum: ut hoc salutis symbolum, hoc vitæ pactum, dignus arbiter nouerit, testis falsus ignoret. Signate vos. Ipse autem dominus Deus noster sensus vestros, corda vestra custodiat: & in his quę præcepit vobis ipse vobis fautor assistat.

In idem Sermo. LVIII.

Qui fidem quærit, rationem non quærit: qui diuinā potulat, seponit humanam: qui Deo genitore nascitur, transcendit naturam: & tempori nil debet, qui temporis meretur auctorem. Ecce pia fidei germina videmus antè nasci vos velle, quàm concipi: antè percipere cæli regnum, quàm ventris angustias sustinere: sic tendere ad patris gaudia, ut matris trāscatis lāguores: nec putatis abortiuum, quod maturum creditis esse per Christum. Sic Paulus apostolus per fidem maturus nascitur qui se abortiuum clamat esse per tempus. Accipite ergo fidem sola fide: nec quæretis aperiri vobis ipsius fidei rationem, quā vos ne requireretis intra fidem vestra festinatione clausistis. Ad fidem vos filii hodie fides vestri auctoris inuitat, qui promissionis suæ antè fidem implet, quàm fidem vestræ percipiat sponsonis, & hoc restituit rebus humanis, ut olim verbo promiserat per prophetā: Dilata, *Psal. 80.*

I. Cor. 15. 1

inquit, os tuum, & adimplebo illud. Hoc est, tu dilata in cōfessione, & ego illud ipsius cōfessionis replebo sacramēto: & mystico sermone ditabo, & replebo illud toto eloquio cælestis arcani. Et te vera filii quicquid audientis, quicquid respondentis obedientia profitetur, hoc donantis & docentis Dei redundat ad gratiam. Accepturi ergo symbolum, hoc est pactum vitæ, salutis placitum, & inter vos, & Deum fidei insolubile vinculum pectora parate, non chartam: sensum acuite non calamum: & audita non atramento, sed spiritu ministrāte describite: quia committi non potest caducis, & corruptibilibus instrumentis æternum, & in cælestē secretū, sed in ipsa arca anime, in ipsa bibliotheca interni spiritus est locādum: ne profanus arbiter, ne improbus quod dilaceret discussor, inueniat: & fiat ad continentis & ignorantis ruinam quod confitentis, & credentis donatum est ad salutem:

Psa. 80.

Psa. 118.

sed dicēti tibi prophetæ, Dilata os tuum, & adimplebo illud: tu respondere possis. In corde meo abscondi eloquia tua, vt non peccem tibi. *Credo in Deum patrem omnipotentem. Qui cōfessus est patrem, cōfiteatur & filium, quia sine filio pater dici non potest: & quia Deo augeri, Deo addi nil potest: semper fuit filius, quia fuit semper & pater: nescit inchoari filius, quia deficere pater nescit: nec crescit genitus, vbi genitor nō senescit: æterna, & cōeterna patris, & filii substantia non gradibus humanis, sed diuinis est æstimanda virtutibus.* *In Christū filiū eius unicum, dominum nostrum.* Christum vnctum accipe non communi oleo, sed sancto quo natus est spiritu.

Qui natus est de spiritu sancto. Tali natiuitate consecrata est in Deo humanitas, non tali dignatione minorata est in homine deitas. *Qui natus est de spiritu sancto ex Maria Virgine.* Virginitas Deum credidit, quia nō nisi per Deum ipsa virgo esse potuit, & mater. *Qui sub Pontio Pilato crucifixus est, & sepultus.* Iudicem indicat vt tempus designet: crucifixum memorat, vt passionis conferat qualitatem: & inde fides argumētū diuinæ virtutis & veræ resurrectionis colligat, vnde impietas materiam contumeliæ, & occasionem præsumpsit erroris. Crucifixus in cruce, in ædito coram omnibus inimicis, & tota crudelitate spēctantibus, & tota acerbitate obseruantibus, mortem suscepit. Sepulturam patitur, ne mortem non adiisse vt vinceret, sed simulasse vt eluderet, ab impiis iactaretur. *Sepultus tertia die resurrexit.* Et si in passione nostræ se carnis ve-

ram probauit habuisse substantiam, per trium dictum figuram totam Trinitatis resurgit in gloriam. *Ascendit in celos.* Ascendit nos perferens, non se referens, qui nunquam recessit à cœlo. *Sedet ad dexteram patris.* Ordo ibi diuinus est, non humanus: sic à dextris sedet filius, vt pater non sedeat à sinistris vnica & singularis est diuina confessio, vbi superna virtus recipit nil sinistrum. *Inde venturus est iudicare viuos & mortuos.* Desinant homines, desinant hæretici iudicare iudicem suum: sperent veniam, ne incurrant de tali præsumptione sententiam. *Credo in spiritum sanctum.* Nunc perfecta est tua in Trinitate confessio, quando spiritum sanctum vnus cum patre, & filio substantiæ fidei voce confessus est. *Et sanctam Ecclesiam.* Quia sic coniuncta Christo est, vt totam diuinitatis transferatur in gloriam. *Remissionem peccatorum.* Acquire tibi tua fide veniam: quia satis sibi inimicus est, qui hoc sibi dari non credit, quod tota benignitate largissimus promittit indultor. *Carnis resurrectionem.* Crede carnis resurrectionem? quia qui hoc non credit, fidem non habet in prædictis, dicente Apostolo, Si mortui non resurgunt, neque Christus resurrexit. *Quos iudicabis, quibus regnabit Deus, si vitæ, iudicio, resurrectio non reddiderit, quos sæculo mors ademit? Vitam æternam.* Manifestum est, quia vita æterna ipsa morte moriente succedit.

1. Cor. 15.

In idem,

Sermo L I X.

AVdistis vocem patris, vocem vocantis audistis, venite filii, venite, venite, quia venit tempus fidei, credulitatis dies, confessionis hora, venite petitores fidei, afferte syncerū pectus, cor mundum, puram vocem, vt quod per nos sermo salutaris insinuat, vos sancto capiat is auditu. Fides ex auditu, auditus ex verbo constat. Placitum fidei, pactum gratiæ, salutis symbolum tota simplicitate sensus audire, quatenus illud confessionis tempore, & audire possitis, & reddere: quia istud reddere est habere: diuinum munus qui reddiderit, non amittit. Daturus legē Deus, insit vt populi lauarent vestes, lauarent corpora sua, totosque se ab omni carnis contagione mundarent, quia appropinquare Deo homo non potest fæce corporali, mundano squallore pollutus. Lex illa, quæ gratiæ vmbra tenuit, & figuram, purificationem meritò querit tantam, tantam merito exigit puritatem. Audituris diuinitatis sacramentum totum, quanta mentis, quanta cor-

poris opus est puritate? Mundemus ergo corda, purificemus corpora, aperiamus oculos, reseremus sensum, animæ ianuas patefaciamus totas, ut symbolum quod est fidei pactum, audire, capere, tenere, & in ipsō cordis nostri secreto semper seruare possimus. *Credo in Deum patrem omnipotentem.* Credimus in Deum, si negamus Deos, si renunciamus idolis: si diabolū

Dent. 6. & eius angelos abnegamus. Audi, inquit, Israël, dominus

Mar. 12. Deus tuus vnus est. Et iterum: Non erunt tibi dii alij absq̃,

Exo. 20. me. Habebit ergo Deum verum vnum Deum, qui Deum al-

terum non habebit. Credimus in Deum, & eundem confitemur patrem, ut eūdem semper habuisse filium nos credamus: habuisse autem filium, non conceptum, non inchoatum, non separatum partu, non auctum tempore, non minoratum gradu, non ætatibus immutatum, sed intra æternum genitorem

Ioa. 14. germano permanens in æternum. Ego inquit, in patre, & pater in me est. Audiuius patrem, credamus filium virtute diuina ordine non humano: æreano Dei, non ratione mundana: non lege sæculi potentia, sed superna. Quod scire licet, discutere non licet: credere cōuenit, nō conuenit perscrutari nam ob hoc omnipotentem Deum diximus, ut Deo impossibile nil putemus. *Et in Iesum Christum filium eius unicum, dominum nostrum.* Ab vocatione Christus, Iesus vocatus est à salute: quia & vñctio quæ per reges, prophetas, & sacerdotes olim eucurrerat in figuram, in hunc regem regum, sacerdotem sacerdotum, prophetarum prophetam, tota se plenitudine spiritus diuini effudit: ut regnum, & sacerdotiū, quod per alios præmiserat temporaliter, in auctorem ipsum refunderet, & redderet sempiternum. Et Iesus quidem, id est saluator, recte dicitur salus, quia & dedit rebus esse, & idem pereuntibus dat salutem. *Filium eius unicum.* In se est vnicus filius, qui quod aliis per suam gratiam donat, ipse sibi vnicā possidet per naturam. *Dominum nostrum.* Sicut suprā diximus, Dominus Deus, Deus vnus constat in Christo: quia quicquid est, & deitate, & humanitate Deus vnus est: desinit in Christo substantiarū diuersitas, vbi caro cœpit esse quod spiritu, quod homo Deus, quod nostri corporis & deitatis vna maiestas.

Qui natus est de spiritu sancto, ex Maria virgine. Quid terrenum nascitur, vbi authore spiritu virgo vocatur in partu? quis nō diuinum etedat, quando quæ peperit nil sensit humanum? Deum mulier virgineo portabat in templo: hinc est, quod &

acquisiuit honorem matris, & virginitalis gloriam non amisit. *Qui sub Pontio Pilato crucifixus est, & sepultus.* Nomen iudicis dicimus, vt passionis tempus, vt rei gestæ veritas sic patet. *Crucifixus est.* Vt quia per lignum mors venerat, rediret vita per lignum. *Et sepultus.* Vt officia tota mortis impleret, vt mors morte moreretur, vt ex illius semine corporis omnis humanorum corporum satio vitalem surgeret, & leuaretur in messem. *Tertia die resurrexit à mortuis.* Vt tribus in diebus Trinitatis beneficium panderetur, vt per triduanum tempus humana trium temporum generatio salueretur, id est, ante legem, in lege, & in gratia. *Ascendit in celos.* Non vt petens, sed vt repetens celos. Nemo ascendit in celum, inquit, nisi de celo descendit. *Sedet ad dexteram patris.* Sed patrem non habet ad sinistram. Diuinitatis confessus recipit nil sinistrum. *Sedet ad dexteram patris.* Vt patris deitate vna. *Sedet ad dexteram.* Ne sit minor gradu, posterior ordine, sed patri diuinitate vna, æqua potestate conregnet. Ego, inquit, & pater vnum sumus. *Inde venturus est iudicare viuos & mortuos.* Si credimus venturum iudicem, innocentes iudici nos præparemus: iudicem negat esse, aduenire non credit: iudicandum se satis ille diffidit, qui male viuit. Iudicat viuos, iudicat & mortuos, quos vtique iudicaturus exultat. *Credo in spiritum sanctum.* Hucusque dominicæ natiuitatis, passionis, resurrectionis, ascensionis, aduentus mysteriorum consistentes, ad confessionem sancti spiritus iam venimus: vt sicut in patrem, & filium, in sanctum spiritum sic credatur: vt vnam in Trinitate deitatem, virtutem, gloriam prædicemus. *Et sanctam Ecclesiam,* Credimus & Ecclesiam, quam Christi receptam, confirmatam credimus, & consistemus in gloriam. *Remissionem peccatorum.* In nouum hominem nasciturus, antiqui reatus, peccati veteris quid habebit? cui præterita sibi remissa non credit debita, dubitat percipere se futura *Carnis resurrectionem.* Crede homo de morte resurgere te posse, quia antequam viueres nil fuisti? aut quare dubitas quòd resurgas? cum tibi totum quod in rebus est quotidie sic resurgat? Sol occidit, & resurgit: dies sepelitur, & redit: menses, anni, tempora, fructus, semina, cum transeunt ipsa moriuntur, cum redeunt sua ipsa morte reuiuiscunt: & vt resurrecturum te iugi, & vernaculo instruaris ex èplo, quoties dormis, & vigilas, toties moreris, & resurgis. *Vitam æternam: Amen: Ne-*

Ioan. 3.

Ioan. 10.

cesse est ut qui resurgit, uiuat in æternum: quia si in æternum non uiueret, nō vitæ resurgeret, sed mortis. Signate vos. Hoc spei pactum, hoc salutis placitum, hoc vitæ symbolum, fiant fidei cautionem mens teneat, conseruet memoria, ne diuinitatis preciosum munus depreciet charta vilis, ne mysterium lucis atrum tenebret atrametum, ne secretum dei habeat indignus & profanus auditor. Si mihi silentium semper vestra charitas sic præberet, ad omnes tractus mei sermonis vester perueniret auditus: sed deus noster & mihi fiduciam dicendi, & vobis audiendi desiderium donare dignetur.

In idem.

Sermo L X.

Matt. 15.

Acto. 8.

Act. 10.

Luc. 23.

Deut. 32.

Iuxta.

L X X.

SI Cananitis mulier clamore subito, repentina fide, iuante Christo, & quod petebat, accepit: & quod negabatur, extorsit: si Æthiops spado arcanum vitalis lauacri præteriens inuenit in via, rapuit in transitu, si Cornelius Centurio antequam intraret baptisma, peruenit ad spiritum, si latro in ipso momento mortis paradisum inuasit, & vitam vobis, in articulo temporis quam quæritis, quis negabit? Ex fide ergo accipite fidem: & ut fidei mysterium scire possitis, accessu temporis laborate. Moyses laturus legem, cælū vocat & terram: sacerdos quid inuocabit gratiam prolaturus? Ille dixit, attende ad cælum, & loquar: & audiat terra verba ex ore meo: ego dicam, attende deus, loquar: & audiat homo verba ex ore meo. Ille dixit, Expectetur sicut pluuia eloquium meum: & descendat sicut ros verba mea: ego dicam, veniat sicut ros spiritus tuus: & inundet sicut flumen gratia tua: fiatque nunc celestis verbi vnda saliens, in vitam æternam. Ille dixit, quia nomen domini inuocaui, date magnificentiam deo nostro: ego dicam, quia fidem inuocaui, date credulitatē deo vestro. Et quia nauigia corporum nostrorū quadragesimæ sunt curata ieiunio, necesse est ut placitum fidei, symbolum celestis cōmercii iam dicamus, quatenus sub certa spe per tota mundi æquora, per infidos sæculi fluctus lucra mansura sæculis conquiramus. Accipite ergo fidem, expectate rem: quia cui fides nō præcedit in semine, res ei non sequitur in fructu. Signate vos. Sermo creat auditum, auditus concipit fidem, credulitatem parturit fides, confessionem credulitas nutrit, confessio perpetuam dat salutem. Hinc est, quod meo vestrique ore occurrat sibi fides, credulitas sic amplectitur se, salus se confessionis osculo sic salutat. *Credo in deū patrem omnipotentē.*

Hæc vox totum Trinitatis fatetur & aperit sacramentum. Deum dicit, non deos, quia vnum deum in Trinitate credit Christiana fides, scit patrem, scit filium, scit spiritum sanctum, deos nescit. Diuinitas in personis trina est, sed vna est in Trinitate diuinitas: personis Trinitas distincta est, non est diuisa substantiis: deus vnus est, sed Trinitate: deus solus est, sed non solitarius: diuinitas nec Trinitate diuiditur, nec confunditur vnitatem: hæc sentit fides cum dicit, *Credo in deum*. Mox addidit, *Patrem*. Qui credit patrem esse, filium confitetur: qui credit patrem & filium, ætates non sentiat: gradus non cogitet, non tempora suspicetur, non conceptum querat, nesciat partum: qui deum credit, diuina confessus est, non humana. Sed dicit hæreticus: quomodo pater, si non præcedit? quomodo filius, si non sequitur? quomodo non dat initium qui generat? quomodo quod generatur, principium à generante non sumit? Hoc ratio docet, hoc natura probat. Erras hæretice, hoc habet humana ratio, non habet hoc diuina: hoc accipit natura mundi, deitatis non recipit hoc natura: fragilitas humana concipitur, & concipit: parturit, & parturit: generatur, & generat: accipit initium, & dat finem: mortem suscipit, & refundit: & reseruat in sobole quicquid suæ conditionis est, & naturæ. Deus verò pater non genuit in tempore, quia tempus ignorat: non dedit initium, qui initium nescit: non transfudit finem, qui non habet finem: sed sic genuit ex se filium, ut totum quod in se erat, esset: & maneret in filio. Honor geniti, generantis honor est: perfectio geniti, generantis forma est: minoratio geniti reuelat ad generantis iniuriam. Sed hæc audiens, hæretice non dicas quomodo ista sint: dixisti deum: credidisti patrem: omnipotentem confessus es: si dubitas, mentitus es: credo si dicis, quomodo non credis, sed discuris? si putas impossibile, omnipotentiam quam confessus es sustulisti: sed nos qui patrem, & filium, & spiritum sanctum vnius maiestatis & gloriæ cōfitemur, fidē dominici corporis iam loquamur. *Et in Iesum Christum filium eius unicum dominum nostrum*. Posteaquam dei filius sicut pluuia in vellus togo diuinitatis vnguento nostram se fudit in carnem, ab vnguento nuncupatus est Christus: & huius nominis exitit solus auctor, qui sic deo superflus est, & infusus, ut homo, deusque esset vnus deus. Hoc ergo vnguētī nomen effudit in nos, qui à Christo dicimur Christiani: & im-

Canti, 2.

pletum est illud quod cantatur in Canticis Canticorum: Vnguentum effusum est nomen tuum. *Et in Christum Iesum filium eius.* Illud sacramenti nomen est, hoc triumphi: nam sicut à deo vnctus nomen sortitur ex vngvine, ita cum salutem perditam mundo reddidit, à saluando nomen saluatoris assumit. Sæpe iam diximus, quòd Iesus Hebraica lingua dicitur, Saluator dicitur hoc Latina. *Et in Christum Iesum filium eius.* Cuius? vtiue dei patris: cum dicis ergo in Iesum filium eius, confiteris Iesum qui natus est de Maria dei esse filium. Caue ergo ne amplius scias in Christo quòd homo fuit, sed semper quòd deus sit confitere: Apostolo sic dicente, Et si nouimus Christum secundum carnem, sed iam nunc non nouimus. *Vnicum dominum nostrum.* Hoc conuenit ad vtrumque: quia & vnicius patris est, & vnicius dominus noster est: alij filij, alij domini esse per gratiam perceperunt: solus Christus esse filius, esse dominus habet, & possidet per naturam. *Quis natus est de spiritu sancto ex Maria virgine.* Si iuxta Euangelistam quòd in ea natum est, de spiritu sancto est, quia deus spiritus est, hæreticus iam deum natum virginea confiteatur ex carne: neque amplius cæleste mysterium, virginitatis partum, trahat ad conceptum mundi, ad terrenę fragilitatis iniuriam. *Qui sub Pontio Pilato crucifixus est & sepultus.* Nomen iudicis audis, vt tempus passionis agnoscas: audis crucifixum, vt ex mortis ignominia magnitudinẽ sentias charitatis: mortẽque quæ per lignum venit, mortificatam scias esse per lignũ: & credas maiora tibi esse reddita per crucis arborem, quàm perdidisse te per paradisi arborem suspirabas: sepultum dicis, vt veram carnem Christi, mortẽque non perfunctoriã probet confessio sepulturæ: mortem suscepisse & vicisse, in rasẽ inferos & rediisse, venisse in iura tartari, & tartari iura soluisse, non est fragilitas, sed potestas. Confiteris die tertia resurrexisse, vt intelligas resurrectionem Christi totius Trinitatis fuisse victoriam. Dicis ascendisse in celos, vt cæli dominum credas: vt vnde venerat rediisse fatearis, quia superato diabolo, calcata morte, liberato mundo, super cælos triumphat Christus, qui victus putabatur in terris. Clamas, *Sedet ad dexteram patris.* Vt quia patris & filii vna est deitas, par potestas, in cælesti confessu nulla sit sinistra sessionis iniuria. *Inde venturus est iudicare viuos & mortuos.* Quia veniente Christo resurgent mortui, sistentur viui, vt pariter causas reddant de suorum ra-

1. Cor. 5.

Matt. 1.

Ioh. 4.

tionem factorum. Et quia dominici corporis iam diximus sacramentum, ad conficendum deitatem spiritus perueniamus. *Credimus in spiritum sanctum.* Quem deum nobis inclamat vox diuina: cum dicit, Quia deus spiritus est. *Credimus in sanctum* Ioan. 4.
spiritum. Quem propheta cooperatorem patris & filii sic de- Psal. 31.
 cantat, Verbo domini cæli firmati sunt, & spiritu oris eius omnis virtus eorum. Totus deus, totaque dei virtus est, qui creator cælestium probatur esse virtutum. *Credimus sanctam ecclesiam.* Quam sic in se suscepit Christus, ut eam diuinitatis suæ faceret esse consortem. *Credimus remissionem peccatorum* Quia qui per Christum & ecclesiam in nouum hominem fuerit natus, veteris delicti nil habebit. *Credimus carnis resurrectionem.* Ut credamus passionis, mortis, resurrectionis Christi hanc fuisse causam, ut nos resurgeremus ex mortuis. Resurget caro, resurget, ut ipsi sumus, ut agnitio maneat personarum, ut & martyr de persecutoris pœna lætitiāumat, & persecutorumat de martyris honore supplicium. *Credimus vitam eternam.* Quia post resurrectionem nec bonorum finis est, nec malorum. Signate vos. Fidē quam credimus & docemus, non aramento, sed spiritu, committamus pectori, non chartæ: demus memoriæ, nō libro, ne diuinum munus violent res humanæ, ne cæleste secretum arbiter prophanus assumat: ne quod est credentibus ad vitam, existat perfidis ad ruinam. Sol lip-pientibus oculis nō lucem tribuit, sed tenebras: vinum vires febrientium non reparat, sed enervat: sine medico vitæ poculum fit lethale, sic perfidis perniciosum est sine fide fidei sacramentum. Sicut dicit Apostolus, capiaturs fides ex audi- Rom. 10.
 tu: auditus autem capiaturs ex verbo, & vitæ placitum, pactum fidei, lex salutis non hæreat morituris, sed viuus sensibus affigatur.

In idem.

Sermo L X I.

Nisi me solaretur beati Pauli subita & inopinata con- Acto. 9.
 uersio, vix crederem tam facile vos de terrena labe in cælestem posse gloriam commutari. Illum nanque de persecutore mox Apostolum præstitit repentina confessio, & ecclesie dedit insignem magistrum, quem furentem Christiani nominis inuenerat vastatorem. Nec minus animat me il- Acto. 8.
 lius spadonis exemplum, quem fides antè rapuit ad gratiam, quam currus ad Indiam, domumque reuocaret. Accedit illud Luc. 13.
 etiā latronis mirabile documentū, qui nūc rapuit paradysum,

quando latrocinij sui pœnas est appensus, vt solueret. Vnde nos filioli, quia sic tempus vestræ regenerationis aptastis, vt neque nos possim⁹ dicere quod necesse est, neque vos possitis quod oportet audire, fidem fidei committentes tradimus breuiter, quod latius commendare non possumus. Nā quemadmodum exponentibus nobis potestis cognoscere symboli sacramentum, qui ipsum symbolum memoria capere vix valetis? Hoc monemus solum, ne quis cōmittat literis, quod est cordi mandaturus, vt credat: Apostolo sic monente, Corde creditur ad iustitiā, ore autem confessio fit ad salutē. Audituri formam fidei, credulitatis normam, confessionis ordinem, parate simul corporis & cordis auditum. Sicut fons ore angusto manēs magnis fluuiorum laticibus ampliatur, sic fides symboli breuiato sermone credulitatis latissimos dat meatus. Et sicut radix altè fixa in excelsum germē se protēdit, fides sic radicata pectoris in profundo in excelsum credulitatis cacumē attollitur. Ergo de cordibus vestris expurgate perfidiæ cœnū, vt pura per vos fidei fluentia percurrant: incredulitatis fruteta in vobis radicitus amputate, vt exerceant ad alta credulitatis vestrę robusta plantaria. Et quia auctore Apostolo, corde creditur ad iustitiam, ore confessio fit ad salutem, in confessionis vocem modo date quod iam corde creditis. *Credo in deum patrem omnipotentem. Qui credit in deum, deum discutere non præsumat: Deus quod sit, sufficit scire: qui requirit vnde sit, quantus sit deus, deus quid sit, hic nescit: sol importunum tenebrat aspectum, ad deum inconcessus cæcatur accessus: Deum qui vult videre, visionis eius discat tenere mensuram: Deum suum qui vult scire, nesciat gentium deos: qui deos dicit, contradicit deo. Seruire vni libertas est, captiuitas multis. Quem deum confessus es, crede patrem: vt credens patrem, esse filium discas: dicens filium, genitum cognoscas esse de patre: cognoscens de patre genitum, quomodo sit genitus non requirit: quia dixisti, *Credo in deum patrem omnipotentem*. Omnipotens potest omnia, & si omnia potest quod in se, ex se; & semper secum habeat filium quis negabit? Generatio dei initium non habet, nescit finem, non admittit excessum: quando in genitore genitus permanet, & in genitore genitus permanere persistit: dicente ipso domino, Ego in patre, & pater in me est. Ego & pater vnum sumus. Confessus es patrem, confessus es filium, cōfessus es*

Rom. 10.

Rom. 10.

Ioh. 13.

Ioh. 10.

sus es diuinitatis arcanum, confitere incarnationis dominicę
 sacramentum. *Et in Christum Iesum filium eius.* Christus à su-
 perno vocatur vnguento: est enim tota plenitudine diuini-
 tatis infusus: Iesus nomen est à salute, quod nomen omne
 quod in cęlo, quod in inferno est, tremens, genuflexum, sum-
 misso vertice confitetur. *Et in Christum Iesum filium eius unicum*
dominum nostrum. Vt patris & filii, est nobis vna deitas, ita do-
 minatio vna sit nobis. *Qui natus est de spiritu sancto ex Maria*
virgine. Spiritus & virgo copula terrena non est, cęleste sed
 est secretum: hinc est, quod nascitur est diuinum. Ergo quod
 natus est, confitendum est: quomodo natus est, tacendum est:
 quia quod secretum est, sciri non potest: quod clausum est,
 nescit aperiri: quod singulare est, non refertur exemplo. *Qui*
sub Pontio Pilato crucifixus est & sepultus. Iudicis nomen audis,
 ne tempus ignores: Crucifixum audis, vt tibi mortis quali-
 tas innotescat: & intelligas quid impenderit tibi, qui propter
 te pœnam tantę mortis exceperit. Audis sepultum, vt scias
 mortem non fuisse perfunctoriam, sed veracem. Mori nolle
 est timoris humani, diuinę virtutis est surrexisse de morte:
 hinc ergo nō offendat mortis auditus, vbi resurrectionis glo-
 ria abscondit mortis iniuriam. *Tertia die resurrexit.* Quia ho-
 minis est quod moritur: Trinitatis est quod resurgit. *Ascen-*
dit in celos. Hominem ferens illò, vbi semper mansit. *Sedet ad*
dexteram patris. Ad dexteram sedet, quia habet deitas nil sibi
 strum. *Inde venturus est iudicare vivos & mortuos.* Iudicabit vi-
 uos & mortuos, quia resurgent ad iudicium, qui non putan-
 tur esse post mortem, quos gentilitas existimat periisse cum
 sæculo. *Credo in spiritum sanctum.* Vt in patre & filio, & spi-
 ritu sancto vnā credas & intelligas esse deitatem. *Credo san-*
ctam ecclesiam. Vt confitearis ecclesiam Christi spōsam in per-
 petua Christi societate mansuram. *Credo remissionem peccatorū.*
Carnis resurrectionē. Qui remissionem peccatorum, qui carnis
 resurrectionem non credit, aufert veniam sibi, ipse sibi sub-
 trahit vitam. *Quod audistis & credidistis, quod cōfessi estis,*
cor habeat, memoria teneat, charta nesciat, scriptor ignoret,
ne sacramentum fidei diuulgetur in publicum, ne ad infide-
lem fidei deriuetur arcanum. Deus qui vobis sacramentum
 fidei & audire dedit, & credere, ipse vos æternam peruenire
 faciat ad salutem.

Nutritor pius nisi totus fuerit redactus in paruulū, nunquam paruulum perfectum perducit in virum: denique tunc vocem tenuat, verba ponit, agit nutribus, sensus seponit, infirmat viscera, abiicit vires, membra dissoluit, gressum tardat, gestit non ambulare, sed repere: ridere simulat, timere fingit, flere mentitur, quia est in illo mendacium pietas, desipuisse prudentia est, est infirmitas virtus. Hoc reor beatum Paulum fecisse: cum dicit, Factus sum paruulus in medio vestri, tāquam si nutrix fouear filios suos. Sed forte aliquis stupeat, cum videat nutriculum ista facientem: non irridet si est parens, si pater est non miratur: hoc stultitiam dicere nō potest qui scit amare. Vnde vos iam patres, iam fortes, iam prudentes deprecor, vt me patiamini paruulis domini mei dependere debita nutritionis obsequia & blandimentis hodie magis congrua, quā peritiā verba depromere: non quadrare, sed liquare sermones: & eos adhuc teneris faucibus in modum lactis effundere: docente Apostolo, Lac vobis potū dedi, non escam, mutare voces, amate varios affectus: & quid plura? mente, corde, corpore, imbecillis paruulorum mentibus occupari. Sed iam vos ecclesie pia germina prophetico sermone compello, Venite filii, audite me: imō per me, & per meam vocem, iussa veri genitoris audite: quia vos meo ore deus vocat. Venite filii: quo venite? & ad quid? Timorem domini, inquit, docebo vos. Et quis veniat ad timorem? ille qui vult vitam, ille qui cupit videre dies bonos: ille qui vult bonum facere, fugere malū: ille qui post carnis & spiritus conflictum quietem diuinę pacis desiderat obtinere. Venite filii, audite me: timorem domini, inquit, docebo vos. Quis est homo qui vult vitā, & cupit dies videre bonos? prohibe linguā tuam a malo, & labia tua ne loquantur dolum. Sicur autem vitiant crimina cōscientiam, sic dolus labia polluit, linguam maledicta contaminant: ac sic deo confiteri non potest labiis inquinatus & lingua. Et quia corde creditur ad iustitiā, ore confessio fit ad salutem, sanctificate corda, mundate labia, iustificare linguā, vt vox fidei baiula de puro pectore toto sanctitatis procedat exemplo. Signate vos. Placidum vel pactum, quod lucri spes venientis continet: vel futuri, symbolum nuncupari contractu etiam docemur humano: quod tamen symbolum inter duos firmat semper germinata con-

1. Thes. 2.

2. Cor. 3.

Psal. 33.

Rom. 10.

Scriptio, & in stipulatione cautum reddit humana cautela, ne cui surrepat, ne quem decipiat perfidia contractibus semper inimica: sed hoc inter homines, inter quos fraus, aut à quo facta est, aut cui facta est semper lædit: inter deum verò & homines symbolum fidei sola fide firmatur: non literæ, sed spiritui creditur: & mandat ut cordi, non chartæ: quia diuinum creditum humana non indiget cautione. Deus facere fraudem nescit, pati non potest: quia non excluditur tempore, non ætate vincitur: occultatione non fallitur, videt abscondita, furata tenet, negata possidet. Deo salua est ratio sua semper, quia ille quod credidit ubi pereat non est: ac sic homini, non deo, neganti petit, non perit sceneranti. Sed dicis, qui falli nō potest, quid est quod exigit placitum? quid symbolum quærit? Quærit ille propter te, non propter se: non quia ille dubitat, sed ut tu credas: quærit symbolum, quia qui ad tuam sortem venit, ad tuum non dedignatur venire contractum: quærit symbolum, quia qui cum totum semper ipse commodat vult deberi: quærit symbolum, quia te modo non ad rem reuocat, sed ad fidem: & per placitum præsens futurum pertrahit & inuitat ad lucrum. Hoc Apostolus commemorat, cum dicit, Ex fide in fidem. Et alibi, Iustus ex fide viuit. Nemo ergo immemor symboli sit: nemo inniti cū deo placiti sit oblitus: nemo cum fidem modo suscepit, rem requirat: cum ad spem venerit, quare non mox sperata percipiat conqueratur. Audi Apostolum dicentem, Spe salui facti sumus: spes autem quæ videtur, non est spes: quod enim videt quis, quid sperat? si autem quod non videmus speramus, per patientiam expectamus. Spes ad futura tēdit, fides ad promissa transmittit: cum res venerint, aduenerint & promissa, spes definit, fides cessat. Dulcis est epistola, sed vsque dum veniat ipse qui misit: necessarium chirographum, sed vsque ad debiti redditionem: grati flores, sed vsque dum veniatur ad poma, sed præsentia epistolam delet, rumpit solutio cautionem, flores consumuntur à pomis: & ideo te superni patris filium, hæredem dei, cohæredem Christi, participem regni cælestis, confessorem diuini iudicis, cæli incolam, paradisi possessorem, modo designatum te fide noueris: modo spe, non renoueris te promotum. Et ideo suscipite fidem, tenete spem, dicite symbolū: ut ad rem & ad illa valeatis bona quæ prædicimus peruenire. Signate vos. Hodie homo representata est

Ioan. 9.

deo anima tua. *Credo in deum.* Quæ diu antè dicebat deum, sed nesciebat: vocabat deum, sed ignorabat: ignorabat utique, quem taliter per lapides & ligna requirebat: dicat ergo modo, dicat, *Credo in deum patrem omnipotentem.* Quæ diu cum videt lapides, cui crederet non videbat: sed est verè deus, qui te præstitit non videndo videre, quem videndo dii gentium fecerant non videre. Audi dicentem dominum, In iudicium veni in hunc mundum, ut qui non vident, videant: & videntes, cæci fiant, *Credo in deum patrem.* Inest deo pietas, est in deo semper affectio, paternitas permanet apud illum: semper ergo filium fuisse credas, ne patrem semper non fuisse blasphemias. Sed dicis, si genuit, quomodo semper habuit? quomodo genuit? Qui interrogas, fidem denegas quam faceris, credo dixisti: si credis, unde venit quomodo? quomodo sermo dubitantis est, non credentis. Credo, dixisti, in deum patrem omnipotentem: si est quod non potest, omnipotens non est: sed tu illum genuisse ex aliquo filium putas, quem totum fecisse confiteris ex nihilo: ex aliquo utique si ex tēpore. quòd si pater tempus nō capit, filius initium nescit. Sed quàm miserum, ut tu illum facias temporalem, qui te præstitit sempiternum. Non ergo conceptione temporum, non passione viscerum, sed pater filium generat nobis dum reuelat. *Et in Christum Iesum filium eius unicum dominum nostrum.* Attende homo quā reuerentia tibi fides insinuat & traditur: audi patrem, ut sentias, intelligas, credas, nō discutias filium: & quia est, confitearis: non unde, & quando, & quomodo sit, temerarius perscrutator inquiras. Hinc est quòd tibi cælestis sermo ut annunciet patrem, mox te ad Christum, ad Iesum, ad filium, ad unicum dominum nostrum tota mēte transmittit, ut cū videris eius quæ sunt humana te nec assequi posse, nec æstimare, nec capere, non audeas eius quæ sunt diuina contingere. *Quia natus est de spiritu sancto ex Maria virgine.* Age homo, si tamen homo, progredere corde tuo, consurge mēte tua, dilatare sensibus tuis, arripe ingenii tui acumina, excita scientiæ tuæ vires: quicquid in te rationis est exuscita, examina, discute, perscrutate: & tunc stupenti mundo solus aperiri quid est, quod spiritus generat: Virgo concipit, Virgo parit, permanet Virgo post partum: quemadmodum fit Verbū caro, Deus homo, homo transfertur in deum: quemadmodum cunabula capiunt, quem non capit cælum: quemadmodum

portatur humeris , orbem qui sustinet totum , quare ipse qui fecit omnia, instituit vniuersa cuncta moderatur, de te nasci, à te regi voluit, instituit nutriri, vt te parète viueret, cui? ante despexerat seruitutem: & si hoc potueris de reposito diuinitatis attingere & proferre de deitatis arcano, tunc interius accede, ascende altius, licentius intueri: & tunc patris tēpora, initia filii, explorator nouus, singularis inuētor, proditor diuinitatis expone: esto maior Isaia, qui dixit, Sicut ouis ad occisionem ductus est, & sicut agnus coram tūdente se sine voce, sic non aperuit os suum: in humilitate iudicium eius ablatum est, generationem eius quis enarrabit? Cuius? huius generationem qui sicut ouis ad occisionem ductus est. Si Christi humana generatio extitit, si diuina: & si vt generatur narrari non potest , quare te homo vnda, qui te fluctus : ad istud naufragium pettulerunt? qui te spiritus per aëra volitare impulit ad ruinam? Pater, filius, & spiritus sanctus , vna deitas, vna virtus, vna sempiternitas, maiestas vna : quicquid autem filius minoratur, accipit, nescit, mei est corporis, nō substantiæ suæ. Aut miraris homo, quia patrem vocat in cælo, qui matrē habere dignatur in terra ? *Qui sub Pontio Pilato crucifixus est & sepultus.* Quare homo , qui in se æqualis est patri, hoc solum quod in te minor esse voluit accusas? quem audis sedente Pilato astare, cognoscente Pilato iudicari: quare hoc solum accipis, addici accusantibus criminosis? reo pronunciante damnari? Sed ille de carne tua nasci voluit , tuis voluit vberibus occupari, iacere in tuo pectore , tuis voluit humeris baiulari, qui semper à te amari voluit, non timeri. Require quid in lege mandauerit primum, & quid in gratiam quæsierit, tunc videbis. Interrogatus dominus, sicut Euangelista dixit: quod esset mandatum in lege primum, ait , Diliges dominū deum *Matt. 22,* tuum ex toto corde tuo, & ex tota anima tua, & ex tota mēte tua: hinc est quod ad cor tuum venit , & ad mentem tuam, quia animo , corde , corpore à te ab initio diligere perquisiuit. *Qui sub Pontio Pilato crucifixus est & sepultus.* Hucusque Iudæus, sequitur hæreticus: expectet ad priora illorum, nullus accedat, quia Christi pascuntur & saginātur iniuriis: sed vos filioli audite, vt post passionem mortis, sepulturæ mœrorem resurrectionis gaudiis effugeris. *Tertia die resurrexit.* Vt esset nostri corporis resurrectio, virtus, gratia, beneficium Trinitatis. *Ascendit in calos.* Per me , qui per se nunquam defuit cæ-

10. *Sedet ad dexteram patris.* Diuinæ virtutis ordine, non honoris humani. Diximus, sic filius à dextris sedet, ut nūquam pater sedeat à sinistris, *Inde venturus est iudicare vivos & mortuos.* Et quid debet iudici mors? hinc est quod resurgit, ut debeat. *Credo in spiritum sanctum.* Hunc in quem credir, negat: qui spiritum sanctum negat. *In sanctam ecclesiam.* Quia ecclesia in Christo, & in ecclesia Christus est: qui ergo ecclesiā fatetur, in ecclesiam se confessus est credidisse. *Remissionem peccatorum.* Da tibi homo veniam tu credendo, qui ad omnia peccata dilapsus es desperando. *Carnis resurrectionem.* Hoc est totū fidei documentum: si carnem quæ corrupta est, quæ putrefacta est, quæ perlit, per deum resurgere, repaginari, ridere posse credas, quem posse omnia, quando omnipotentem confessus es, tunc iurasti. *Vitam æternam.* Bene addidit vitam æternam, ut se resurrecturum crederet, qui resurget per ipsum, qui cum deo patre & spiritu sancto viuit & regnat, nunc & semper, & per immortalia sæcula sæculorum. Amen.

De Lazaro à mortuis suscitato. Sermo LXIII.

Post apostolicam lectionem cupientibus nobis ad Evangelicas redire virtutes, mox Lazarus ab inferis reuersus occurrit, apportans vincendæ mortis formam, deferens resurrectionis exemplum. Si ergo placer, priusquam ingrediamur pelagus lectionis, priusquam aggrediamur quæstionum fluctus antequam factitalis altitudinē penetremus, resurrectionis tantum contemplemur aspectum: quia hoc signum videmus esse signorum, virtutum cernimus esse virtutem, mirabilem esse mirificentiam peruidemus. Suscitauerat dominus filiam Iairi principis synagogæ, sed adhuc funere calente, sed adhuc mediante morte, corpore adhuc præsentē, adhuc inter homines homine morante, adhuc viante spiritu, adhuc anima claustra tartari nesciente: ac ne multis, sic mortuæ vitam reddidit, ut ius maneret inferni. Suscitauit & vnicum matris: sed sic, ut retineret pheretrum, ut anticiparet sepulchrum, ut corruptionem suspenderet & præueniret fetorem: ut antè mortuo vitam redderet, quàm tota mortuus iura mortis intraret: circa Lazarum verò quod geritur, totum singulare est: cuius mors, cuius resurrectio commune nil habet cum prædictis: quem circa & vis tota mortis impleta est, & forma resurrectionis plena resplendet: audeo, & dico totum

Marc. 5.

Luc. 7.

capuisse resurrectionis dominicæ sacramentum, triduanus ab inferis Lazarus si redisset : nam Christus rediit triduanus vt dominus, Lazarus reuocatur quatruiduanus vt seruus. Sed ad probanda quæ diximus, iam prælibemus aliqua lectionis. *Miserunt, inquit, sorores eius ad dominum dicentes, Domine, ecce quæ* Ioan. II.
amas infirmatur. Sic dicentis affectum pulsat, interpellant amorem, conueniunt charitatem, necessitudinem necessitudine gestiunt submouere : sed Christus cui plus est mortem vincere, quàm remouere languorem : cuius amare illud est, non vt dilectum alleuet, sed ab inferis vt reducat: dilecto nõ languoris medicinam, sed resurrectionis gloriam mox parauit: denique, *Vt audiuit infirmari Lazarum, sicut dicit euangelista, mansit in eodem loco duobus diebus.* Videtis quemadmodum dat locum morti licentiam dat sepulchro, corruptioni posse permittit: negat nil putredini, nil fœtori: atque vt tartarus rapiat, trahat, habeat, admittit : atque agit vt humana spes tota pereat, & tota vis mundanæ desperationis accedat: quatenus quod facturus est diuinum sit non humanum. Tantum autẽ in loco expectatione mortis residet, vt & mortuum ipse nũciat : & tunc ad Lazarum denunciet se venire, Ait enim, *Lazarus mortuus est, & gaudeo.* Hoc est amasse? gaudebat Christus, quia mœror mortis vertendus mox erat resurrectionis in gaudium. *Et gaudeo propter vos.* Quare propter vos? quia in morte & resurrectione Lazari, figura tota mortis & resurrectionis dominicæ pingebatur: & quod eræ secururum mox in domino, iam præcedebat in seruo. Dicebat semel, & iterũ Mat. 20.
discipulis suis, Ecce ascendimus Hierosolymã, & filius hominis tradetur principibus sacerdotum & scribis: & cõdemnabunt eum morte, & tradent eum gentibus ad deludendum & flagellandum, & ad crucifigendum: & ista dicens, videbat eos fieri satis dubios, satis tristes, satis cõsolationis extorres; & nouerat eos ita opprimendos esse ipso pondere passionis, vt nihil in eis ex vita, nihil in eis ex fide, nihil in eis remanere posset ex luce: sed tota penè perfidiæ nocte fuscãdos. Et ideo mortem Lazari vsque ad quatruiduanum tempus protendit, vsque ad fœtorem præualere permittit, vt discipuli dubium non haberent, posse dominum post triduum adhuc recentem surgere, cum seruum vidissent post quatruiduanum surgere iam fœtentem : & crederent illum faciliè posse sibi vitam reddere, qui alium taliter reuocarat ad vitam. Hinc est quod

dici, *Gaudeo propter vos, ut credatis.* Necessè ergo erat, ut & mors Lazari cum Lazaro & discipulorum fides conſurgeret cum ſepulgo. *Quoniam non eram ibi.* Et erat locus ubi non erat Chriſtus? & quomodo non erat ibi, unde mortuum Lazarum diſcipulis nunciabat? Fratres, erat ibi Chriſtus deus, ſed ibi non erat homo Chriſtus: erat ibi Chriſtus deus cum moreretur Lazarus, ſed tunc ad mortuum vèturus erat Chriſtus, quando erat mortè Chriſtus dominus ſubiturus: dicebat itaque, *Quoniam non eram ibi.* Hoc eſt in morte, in ſepulchro, in inferno, ubi per me, & meam mortem potestas tota mortis eſt ſubruenda. *Martha, inquit, ut audiuit quia Ieſus venit, occurrit illi, dicens, Domine, ſi hìc fuiſſes, frater meus non fuiſſet mortuus.* Mulier, & deum conſiteris & dicis, ſi hic fuiſſes? Deum nec abſeſtant loca, nec tempora repræſentant. Non moreretur Lazarus ſi dominus fuiſſet ibi, qui erat ibi, ſed ſi in paradifo tu mulier non fuiſſes: mulier tu quæſiſti lachrymas, tu inueniſti gemitus: tu mortem gulæ precio comparafſti, & accuſas abſeſtiam dei, quando cauſam mortis fuiſſe tuam præſeſtiam non recuſas? Mors quando à te propiſa eſt tunc lamentandi materia fuit: nunc verò facta eſt virtutis occaſio, quia tunc ad pœnam peccantis data eſt, nunc permiſſa eſt reſuſcitantis ad gloriam: tunc tartarus inuenit hominem, nunc amittit. Sed iam quære per fidem mulier, quod per perfidiam perdiſti. *Domine, ſi fuiſſes hìc, frater meus non fuiſſet mortuus: ſed & nunc ſcio, quia quæcunque petieris à deo, dabit tibi deus.* Hæc mulier non credit, ſed credere conatur, cuius crudelitatem incredulitas confundit, *Quæcunque petieris à deo, dabit tibi deus.* Deus ex ſe dat, non à ſe petit. Quid affers moras mulier ſupplicandi, cum iam præſtaturus aſſiſtat? Mulier, iudex ipſe eſt, quem tu deſideras aduocatum: in hoc dantis potestas eſt, non neceſſitas eſt rogantis. *Scio, inquit, quia quæcunque petieris à deo, dabit tibi deus.* Mulier hoc credere, non eſt credere: hoc ſcire, neſcire eſt: Probauit hoc Apoſtolus, quia homo quando ſe putat aliquid ſcire, tunc neſcit. Sed iam quid dominus reſponderit audiamus. *Reſurgit frater tuus.* Et mulier, *Scio, quia reſurgit in reſurreccióne in nouiſſimo die.* Martha iterum ſcis quod neſcis: ſcis, quia in nouiſſimo die poſſit reſurgere frater tuus: ſed quod & hic poſſit neſcis: aut fortè deus qui tunc poteſt ſuſcitare omnes, vnum modo mortuū non poteſt ſuſcitare? Poteſt, poteſt deus ſuſci-

tate ad temporale signum mortuum vnum, qui tunc omnes mortuos ad vitam perpetuam suscitabit. Scio *quacunque petieris à deo, dabit tibi deus: & scio, quia resurget in resurrectione in nouissimo die.* Martha, ante te est resurrectio quam tam longè mittis. Ego sum, inquit, resurrectio. Et quid est ego sum resurrectio? & non ego resuscito: quid est? quia suscepit hominem, suscepit mortem, ut qui resuscitat iubendo vnum resurgendo in se resuscitet omnes: & quibus Adam puteus mortis exitit, his vitæ fons Christus existat: & impleatur illud Apostoli, Sicut in Adam omnes moriuntur, ita & in Christo omnes viuificabuntur. Ego sum, inquit, resurrectio & vita: qui credit in me, etiam si mortuus fuerit, viuet: & omnis qui vivit & credit in me, non morietur in æternum: credis hoc? Et mulier, Vtique domine, ego credidi, & credo, quia tu es Christus filius Dei vivi, qui in hunc mundum venisti. Qui ad Lazarum venerat, quid sic occupatur in Martha? quid? ut ante ista in fide surgeret, quam ille resuscitaretur in carne. Sic facit qui & viuis & mortuis consulturus aduenit, nec pertimescit faciendi moras, penes quem facti & effectus permanet & potestas. Fratres, patimini hodie differri verbum, si desideratis audire latius quæ sequuntur.

1. Cor. 15.

De eodem,

Sermo. L X I I I.

Singula scripturæ verba si libris singulis mandarentur, nec sic mysteria quæ in ipsis sunt audientibus perlucere: & quid faciet subitus & brevis sermo, qui in modum fulguris, priusquam illustret oculos, iam refugit: nec dat lucem videntibus, sed pauorem? Orate ergo, ut quia in sæculi obscuritate versamur, & in carne positi noctis tempus agimus, non diei, lucernam nobis verbi sui Christus accendat, qua præuia mysterij cælestis ingrediamur obscura: & gradu lento perueniamus ad scientiæ diuinæ quantam possumus charitatem: sicut illi Magi, qui montis suæ oculos metientes, non audent splendori solis, aut diuinæ se committere claritati, sed nocte tenerum stellæ lumen tenerioribus oculis asfumentes, ad cubile Christum tenerimum pervenerunt. Sed iam sicut promissimus, Euangelicæ lectionis quod superest, exequemur. Martha, inquit, ut audiuit quia Iesus venit, occurrit illi. Sic seruus non fuit, non proximus, non amicus, certe qui aderat consolator, ut mulier sola medias per turbas, per castrum totum, extra ciuitatem, & luctus tempore, venienti occurreret

Mat. 2.

Ioan. 11.

saluatori? Frates, in his personis non causæ currunt, sed sacramenta signantur. Mulier currit pro morte, quæ cucurrit ad mortem: festinat ad veniam, quæ festinavit ad culpam: ad redemptorem piûm peruenit, seductor pessimus quam præuenit: resurrectionem quærit, quæ quæsiuit ruinam: & ipsa quæ mortem vito attulit, vt vitam viro teferat, hæc anhelat. Hinc est quod in loco Christus testitur: expectauit Christus, quod non intrauit turbas, quod non contendit ad domum, quod non ad sepulchrum diuertit, quod non ad Lazarû propter quem venerat festinavit: sed mulierem sustinet, mulierem remoratur, mulierem primam suscepit, quam primam suasor infecit: à muliere perfidiam fugat, ad mulierem reuocat fidem: vt quæ fuit perditionis obsequium, salutis eadem sit ministra: & sit tandem per deum viuientium mater, quæ per diabolum diu matet exitit mortuorum. Et quia mulier fuerat mali caput, causam mortis agit, vt antè crimen diluat, quàm veniam largiatur: antè causam tollat, quàm sententiâ soluat: & cauet ne vir mulierem, per quam semel deceptus est, participem refugeret ad vitam: ac ne multis periisset mulier, si antè ad vitum Christus dominus peruenisset. Hinc est frates, quod per mulierem nascitur Christus: hinc est quod virum mulier semper ventris sui suscitât de sepulchro: vt doloribus reuocet, quem depulit blandimentis: vt flendo reparet, quem petdidit manducando. Denique vbi Martha confessa est Christo, & quicquid suæ culpæ non in persona mulieris pia confessione deleuit, mittitur ad Mariam, quia sine Maria nec fugari mors poterat, nec vita poterat reparari. Veniat Maria, veniat mater ei nominis baiula, vt videat homo Christum, virginalis vteri habitasse secretum: quatenus prodeant ab inferis mortui, mortui exeant de sepulchris. *Iesus, inquit, videns Mariam plorantem, & Iudeos qui cum eam reuerant plorantes, fremuit spiritu, & turbauit seipsum: & dixit, Vbi posuistis illum? Responderunt, Domine, veni & vide, & lachrymatus est Iesus.* Plorat Maria, plorant Iudæi, plorat & Christus: putâne simili cõpassione? Esto, quod Matia soror fletet: quia nec fratrem retinere potuit, nec morti potuit obuiare: quæ licet esset de resurrectione secura, destitutione tamen solatij præsentis, mora absentiæ tam longæ, tristitia diutinx separationis non potuit non deslere: simul quia tam trux, tam funera, tam crudelissimâ imago mortis, quamuis fidelem mētem nō

potuit non tangere, non mouere: flebant Iudæi & conditionis suæ memores, & futuræ vitæ desperatione possessi. Mors cum satis viuētibz sit amara, satis turbat ipso exitu, plus cōturbat exemplo mortuum quotiens quis viderit, totiens se morti eiulat de vinatum. Sic de morte non potest non dolere mortalis. Quid horum Christus? & si nihil horum, quare flebat? certē ipse qui dixerat, Lazarus mortuus est, & gaudeo: de quo gaudet mortuo, ipsum cum resuscitat tunc lamentatur: qui cum amittit, non flet: cum recipit, tunc deplorat: tunc fundit mortales lachrymas, vitæ spiritu cū refundit. Fratres, habet hoc natura corporis humani, vt producat lachrymas vis gaudii, vis mœroris. Quoties enim viscera, aut lētitia, aut tristitiæ nimio arctantur impulsu, oculi in lachrymas mox erumpunt. Hinc est quòd Christus non dolores mortis, sed illius lætitiæ recordatione lachrymauit: qui voce sua, voce vna, omnes est mortuos perpetuā suscitaturus ad vitā. Fremit spiritu, & tota se viscerum commotione conturbat, quia adhuc solum Lazarum, & non iam omnes mortuos suscitabat. Quis ergo ex humana infirmitate existimet hic fleuisse *Luc. 15.* Christum, cum cælestis pater luxuriosum filium non quando abiit, sed quando recepit tunc deplorat? Christus recipiēs fleuit Lazarū, non amittens: denique non quando plorantes videt, tūc plorat Christus, sed quādo interrogat: & in respondentibus videt fidei nil manere, dixerat, *Vbi posuistis eum? At illi responderunt, Domine, veni & vide.* Putauerunt eum nescire vbi positus esset in terra, qui sciebat vbi illum tartara dira retinerent. Ille sic interrogans exigebat, fidē, sciētiā porrigebat, vt astantes scirēt quòd mors, quòd sepulchrū, quòd corruptio, quòd putredo, quòd fœtor nō ex conditione dei, sed ex delicto hominis hominibus accedisset. Nam cū dicit, vbi posuistis eū, mulieres increpat, mulieres arguit hoc est, quem ego posui in paradiso, in regionē vitæ, ecce vos vbi posuistis eū. Sed & Iudæi ad ignorantia requirentis respōdebant, *Domine, veni & vide.* Quid? illum iubere mori? quid? iubere illū inferis crederent, qui credebant eum quod erat in oculis nō videre? qui de lachrymis eius taliter disputabant? *Qui potuit aperire cæci oculos, quomodo facere non potuit, vt & hic non moreretur?* Potuit facere vt non moreretur, sed mori permisit is qui mortuum ad suam gloriam voluit suscitare: permisit ad inferna descendere, vt appareret deus ab inferis hominem cum

reducit. Sed Iudæi parebūt corda vestra obstrictiora inferis, viscera vestra duriora mortuis, oculi vestri terriores sepulchris, cum vox quæ patefecit tartara, vestra non patefecit arcana: cum iussio quæ exuscitat mortuum, mentes vestras non suscitavit: cum lux quæ illustrat sepulchrum, vestram non illuminat cæcitatem. Sed ista sufficiant ut cū Christo resurgentis Lazari gloriam patentius videre possimus.

De eodem,

Sermo LXV.

Ioan. II.

QUONIAM mortē Lazari, Marię fletus, lachrymas Marthæ, Iudæorum planctus iam perstrinximus sermone geminato: nunc exoneremus animos, abiciamus curas, exoccupemus sensus, ut resurrectionis tantæ gaudia totis mentibus & capere & audire possimus. Euāgelista venisse ad monumentum sic prædicat salvatorem. *Iesus, inquit, rursus fremens in semetipso venit ad monumentum erat autem spelunca, & lapis superpositus erat ei. Iesus fremens venit ad monumentum.* Fremit Christus, ut caro reviviscat: fremit vita, ut mors fugetur: fremit Deus, ut resurgat homo fremit indulgentia, ne sententia cōtradicat: fremit Christus debellans mortem, quia non potest non fremere, qui singularem rapit de hoste victoriam: quod autem dixit, *Rursus fremens.* Fremit rursus, ut geminata resurrectionis demonstraret insignia: quia voce Christi sicut mortui corpore de sepulchris suscitantur ad vitam, perfidia mortui ad vitam fidei sic resurgunt. *Erat, inquit, spelunca.* Dixisse suffecerat, venisse ad monumentum: quid est quod tantopere speluncam Euāgelista commemorat? Spelunca planè, ubi hominem diaboli latrocinium collocavit: spelunca, ubi virum fraus condidit mulieris: spelunca, ubi Dei plasma mortis rapacitas includebat. *Et lapis, superpositus erat ei.*

Duræ mortis ianua durior durissimo lapide claudebatur, sed plorans quid proficit ad sepulchrum, quando sic duos & cōgestos obices non penetrat vox plorantis? Christiani ploremus Deo pro peccatis nostris: & mortuis non audientibus cum gentibus non ploremus. *Ait Iesus, tollite lapidem.* Inter divinas virtutes humanum Christus requirit auxilium? non sufficit amovere lapidem, qui mortē sufficit effugare? sepulchri claustra referare non valet, qui portas tartari prævalet aperire? Dixerat per prophetam: Auferam cor lapideum de carne eorum, & dabo eis cor carneum: præcepit ergo, ut Iudæi ex se cor lapideum tollant, cuoluant perfidię saxum,

Exe. II.

filicem duræ incredulitatis excludant, quatenus animæ per infidelitatem mortuæ de sepulchro pectoris profilirent: & non tantum surrexisse Lazarum, quantum se Lazaro non cōsurrexisse gauderent. *Tollite lapidem.* Tollite miseræ humanitatis obsequium, vt diuinitatis beatæ opera nūc clarescāt. *Tollite lapidem.* Quem posuisti vos, vt hominem quem ego posui nunc reponam. *Respondit Martha, Domine, iam sciet, Mulier & quod sceret cuius est? Iam sciet.* Modo ad te pertinet, quod à te venit: ad sepulchrum non sentires scēctorem, si in paradiso suaforem noluisses audire. *Iā sciet.* Quod perditori scēctet, nō scēctet creatori. *Iam sciet.* Quod horret alieni operis euerfor, amator sui operis nō abhorret. Sed dicendo sic, testaris mortem quam tu mulier intulisti scēctorem clama, vt plena mors audientibus innotescat: quatenus quod resurget Lazarus, redeuntis sit spiritus, non latentis: Diuinę virtutis sit, *Mat. 9.* non sit artis humanæ: neque Iudæi, qui nos dicunt in principe dæmoniorum eicere dæmones, iterum dicant nos non imperio Dei, sed humano præsidio mortuos suscitare. *Iam sciet, quatrduannus est.* Dicit & tempus, vt sciant, quia auctor est temporum, cui tempora nulla præscribunt. *Iam sciet, quatrduannus est.* Dicendo sic, exaggerat desperationem, vt qui adsunt videant, quia Deus est, qui sic vitam mortuis, desperatis salutem, scēctentibus dat vigorem. *Eleuatis, inquit, oculis sursum.* Eleuat oculos sursum, vt nobis formam supplicandi tribuat, non sibi viam præparet impetrandi: nanque sursum respicit, qui semper est sursum cum patre, semper pater in ipso est, & ipse est semper in patre. Ego, inquit, in patre: & pater in me est. *Pater, inquit, gratias tibi ago, quia audisti me.* De præstito agit gratias: & quod pater audierit hoc dicitur, quod filius petierit hoc tacetur. Fratres, inter patrem & filiū audiēdi est affectio, nō est necessitas supplicandi: charitas assensus est, nō est austeritas iusionis: ibi amore gerūtur omnia, vbi non indigetur obsequio: sicut ex sequentibus elucescit. *Pater gratias ago tibi, quia audisti me: ego autem sciebam, quia semper me audis.* Vacat inuocandi cura, vbi fiducia certa est audiendi. Aut quid tibi faciet petendi labor, vbi præstādi est causa cōmunis? Nemo ergo sic filium minoret precibus, ne patrem circa salutem hominum, sic minoret. *Quare autem sic loquatur filius, ipse aperit, sic dicendo, Pater gratias ago tibi, quia audisti me: ego autem sciebam, quia semper me audis: sed propter populum*

Ioan. 14.

dixi, qui circumstat. Videtis quia loquēdo talia, suum patrīsq̃ affectum tollit: prodit pandit gratiam: loquitur vnitatem.

Ioan. 17. Dixerat, Omnia quæ habet pater, mea sunt: & si sua sunt omnia, quomodo petit: *Qui* de suo petit quod petit, non necessitatis est, sed amoris. *Pater gratias ago tibi, quia audisti me: ego autem sciebam, quia semper me audis: sed propter populum dixi, qui circumstat: ut credant quia tu me misisti.* Missum se dixit, ut populi sciant de cælo venisse Christum, non recessisse de cælo. Sic ergo mittitur, sic & quod habet, accipit, quomodo vnde venerat non recessit: sic ergo & filius quod habet, accipit: & pater quod dederit, non amittit. Fratres, & quod auditur, & quod mittitur, & quod venit, & quod accipit, & quod nascitur, & quod patitur, & quod moritur, & quod resurgit, non est hoc diuinitatis suæ, infirmitatis hoc nostræ est, nostræ est hoc naturæ: quod tamen totū causa nostri tulit in nostro corpore, nō propter se in sua pertulit maiestate. Sed ad proposita redeamus. *Quid* est quod dicit, *Pater gratias ago tibi, quia audisti me?* *Quid* est? Vbi Christus cœpit inferi pulsare fores, portas tartari submouere, ianuas aperire mortis, gehēnæ soluere legem vetustā, deturbare antiquissimum ius pœnalū, reposcere Lazari animam, ab inferis viam reditus innouare, occurrere ei tartari tota furens potestas, præferens ædictum superni principis, excelsi regis portās decretum, gestās latam tot seculis Deo loquente sententiam, & videns hominē, sciscitabatur quis iste esset, quid auderet, quid sibi vellet, cur solus, aut sine tremore tremēdos mortis lacessat & accessus. Cui dicēti quis esset, responderunt prophetica voce ministri resurrectionis angeli, Ipse est rex gloriæ, ipse est fortis & potens prælio. Sed refert tartarus, Ego regem gloriæ in cœlestibus scio omnibus potestatibus cœlicis præsidere, cuius nutū tota sufferre non potest creatura: hunc autem video de terrenis vnum, concretum limo, corpore mortali septum, & in ipso habitu hominis hominibus viliorem, & ad summam citodandum sepulchro, subdendum meæ protinus esse ditioni. Sed persistentibus angelis, & repetentibus: Ipse dominus virtutum, ipse est rex gloriæ, ipse cœli præsul, ipse creator mundi, ipse saluator sæculi, ipse redemptor omnium, & de qua furis tu, lator ipse sententiæ, ipse tuum calcaturus caput, ipse tuum contriturus imperium, ipse te suo iudicio perditurus, qui reos iussus capere, attrahis innocentes, sanctos diri-

is, ipsi Dei filio conuincaris. Redde ergo vnum, priusquam multos cogaris exoluere. Sed tartarus adhuc ista non credens, per consuetos nuncios recurrit ad cælum, hæc inuidiosa interpellatione deploratus. Ego domine, & si extremus creaturæ tuæ, & si tristi seruitio mancipatus, præcepta tua inuiolabili lege seruo, peruigilo ne quis sententiæ tuæ vetustum ius nouus temerator immutet: sed apparuit homo qui dicitur Christus, tuum se filium iactans, sacerdotes tuos notat, scribas tuos arguit, sabbatha tua violat, legem tuam soluit, & animas exemptas carne, & pœnæ iam, meæque custodiæ deputatas, ad corpora in quibus sceleratè vixerāt, redire compellit: & tantis quotidie procedit ausibus, vt Lazarum iam carcere nostro clausum, iam lege nostra vinctum, iam in iure nostro manentem, extractis claustris inferi conetur eruere: aut cito subueni, aut si patefecerit semel ianuas, omnes quos tot sæculis seruauimus, nunc amittis. Ad hæc filius de sinu patris respondit, Pater iustum est, vt carcer non innocentes teneat, sed nocentes: pœna non iustos cruciet, sed iniustos. Quam diu sub vnius hominis culpa, propter Adæ solius noxam, patriarchas, prophetas, martyres confessores, virgines, viduas, in castitate coniugii permanentes, omnes etates, vtrunque sexum, certe paruulos nescientes bonum vel malum, hic carnifex ad se trahere crudeli infestatione non cessat? Pater ego moriar, vt non moriantur omnes: Pater ego Adæ debitum soluam, vt per me tibi viuât, qui per Adam moriuntur in ferno: Pater propter sententiâ tuâ ego meum sanguinem fundam: tâtum est vt ad te tua redeat creatura: precium chari tibi sanguinis mei redemptio sit omniû mortuorum. Ad hæc totius Trinitatis cōsensus, & Lazarum præcepit exire, & tartarus ad reddēdos omnes mortuos Christo iussus est obedire: hinc est quòd filius clamat, *Pater gratias tibi ago, quia audisti me*, Testatur Apostolus, quòd Chri-

Hebr 4.

stus aduocatus noster sit apud patrem, denique quādo sedet, coniudicat patri: quando stat, officio fungitur aduocati. Tūc Christus peracta aduocatione clamat voce magna, *Lazare, veni foras*. Tunc tartarus ligatis manibus & pedibus, Lazarū retulit ad superna: timens, & tremens, ne dum soluit, ne dum moras facit, ne dum tardius refert vnum, omnes cogeretur afferre: sic factus est viuorū relator, qui raptor esse consueuerat mortuorum, Nam quare Christus vincula inferni dirupit,

Iude. mortis ligamenta dissoluit, nisi ut nobis monstraret inferni tremendam seruitutem? Nam si de Moyse corpore diabolus angelo contradixit, quomodo non tartarus Christo de vita & de resurrectione Lazari contradicet? Orate fratres, ut qui gustum resurrectionis Lazaro propinante suscepimus, redeunte Christo vniuersalis resurrectionis voces mereamur audire.

De diuite & Lazaro.

Sermo

LXVI.

D Vas hodie à duobus euangelistis æditas, ita recitari fecimus lectiones, ut sermoni nostro vester intellectus occurreret, paterent abdita. Lazari resurgentis occasio, cur alterius nos Lazari cōpulerit facere mentionem, ex sequentibus audietis: modo inhumani diuitis, & Lazari pauperis, stupendas vices, pauendas successiones. cōditiones admodum lamentandas in medium producere & afferre gestimus: quia diues qui participem pauperem in bonis presentibus audire contempsit, in futuris malis compatiens pauperem non meruit inuenire: nec ardens aquæ refrigerium percepit, æstuantem pauperi fame panis refrigerium qui negauit. *Cum esset, inquit, in tormentis, eleuauit oculos suos, & vidit Abraham de longe, & Lazarum in sinu eius.* Gratis respicit modo Lazarum sursum, qui ante deorsum Lazarum videre despexit. De talibus dixit propheta, Oculos suos statuerunt declinare in terram. *Cum esset in tormentis.* Pungit pœna, quem non pœnitudo compunxit: & vexant tormenta, quem Lazari vulnera non mouerunt: nec gratis aculeos percipit pœnarum, qui in purpura volutabatur ingratus. *Vidit Abraham de longe.* Longe illi erat Abraham, cui non fuerat proximus pauper. Vidit Abraham diuitiarum consortem, sed inhumanitatis exortem: & Abraham diues, sed plus humanitate, quam censu, tu diues inhumanitate tua maior tuis diuitiis extitisti: Abraham sibi peregrinus, cuius hospitum fuit, tu palatia possidens, rectum pauperi non dedisti: Abraham dum seruos suscipit, dominum sic recepit, & cunctis hominibus ponens panes, ipsum dominum suum suscepit ad mensam tu dum singulari in pauperi negas micam, styllam refrigerii perdidisti. *Et ipse clamans, dixit.* Sic clamat ibi, qui hic clamantes contempsit audire, ibi cassa vox est, istic inanis est clamor. Audi prophetam dicentem, *Psal. 6.* In inferno autem quis confitebitur tibi? In inferno quis misericordię locus: in tormentis quæ spes veniẽ, & in hora sen-

tentis

entia: tempus indulgentia: quis requirit? *Pater Abraham misere me.* Crudelis fili, quam misericordiam petis, quam tibi negando pauperi tu negasti? *Et mitte Lazarum.* Miser fili, si Lazarus ad tuam mensam venisset, tu ad istum discubitum non venisses. *Vt intingat extremum digiti sui in aquam.* Qui claudit manum pauperi, extremi stipem digiti sic deposcit: & sitit aquæ guttam, qui vini lacus, ne guttam daret, inclusit. *Vt intingat extremum digiti sui.* Qui diuitias suas non miserando pauperi dedit, sibi misericordiam sic minorat. *Et refrigeret linguam meam quia crucior in hac flamma.* Quasi reliquum corporis ab incendio haberet immune: sed lingua plus ardet, quæ misericordia ut fieret, iubere neglexit: in lingua maius sentit incendium, quæ maledixit pauperi, misericordiam contradixit: lingua in tormentis prima est, quæ derogando pauperi pauperis blasphemauit authorem. Sed audiamus iam quid responderit Abraham. *Fili, inquit, recordare, quia recepisti bona in via tua, & Lazarus similiter mala.* Nemo putet audiendo ista, quia diues pro bonis teceperit bona, quando hinc magis reus est, quod cum à Deo pro malis receperit bona, bona pro bonis Deo reddere contempsit. Nam de diuitiis tantis nec victum dedit pauperi, nec sacrificium Deo minima oblatione dependit. At pauper diues vulnere, censu nudus, exutus corpore, vestitus pœnis animam quam solam non tenebant vulnere Deo in hostiam iugiter offerebat. Hinc est, quod recipit pro doloribus requiem, pro opprobrio gloriam, pro contumeliis honorem, pro despectu gratiam, pro pœnis immortalitatem, pro vulneribus præmia, pro siti refrigerii fontem: pro fame cælestis mensæ delicias sempiternas, & quem diuitis angulus, non cœpit, sinus diuinæ cōsolationis includit. Tu diues fulgens quondam purpura, nunc tegere fumo, pro coccino vestire flammis: pro molli discubiti sustine tormentorum dura, pro lautis ferculis epulare pœnas, copias inopia compensa, ebrietates siti digere, pro odoribus aspersere fœtores: & cui astiterunt voluptatis obsequia, astet tibi ministeria nunc pœnarum, qui ista tibi despiciendo pauperem taliter tu mutasti. Adiecit autem Abraham, dicens, *In his omnibus inter nos, & vos chaos magnum firmatum est, ut qui volunt hinc transire ad vos non possint, neque inde huc transmeare.* Dicendo sic, tam iustos, quàm iniustos ante aduentum domini apud inferos fuisse declarat, & discretos locis tantum, non

regionibus aperit fuisse diuifos. Postquam vero dominus re-
 surgens à mortuis aperuit infernum, patefecit cælos, paradifi
 claustra reſerauit, dedit ſanctis paradifi intrare requiem, ad
 cæli gloriam peruenire. Iſta quia ſic credit, intelligit quid
 mortalibus veniens donauerit Chriſtus. Inſipienter ergo di-
 ues putat apud inferos mutari loca, quando hic agendo ho-
 mo bene, vel male ibi ſibi terminum aut pœnæ, aut quietis
 indicit. Stultus in vita diues, ſtultior inuenitur in pœna: &
 qui bonorum ſuorum nesciuit tempus, nec malorum ſuorum
 tempus miſerandus agnoſcit. *Rogo te pater.* Modo rogas, mo-
 do tibi tempus patiendi eſt, nō rogandi. *Rogo te pater.* Quid?
Vt mittas Lazarum in domum patris mei. Ante quàm bene iacuit
 Lazarus: ad illam ianuam, in qua fame ſua inhumanita-
 tis tuæ titulos fixit, vbi poſteſtuos ſuis vlceribus laureauit,
 vbi ſanie ſua pinxit micæ tuas. Patere ergo ſtare vices, iā de-
 pone dolos, licet quia tu Lazarum non potes videre: ſcitur
 quia plus te fœlicitas Lazari, quàm gehennæ torquet incē-
 dium. *Reſpondit Abraham, habens Moysen & prophetas, audiant*
illos. Hoc eſt, ſi Moysen qui regna Aegypti elementis ſecum
 militantibus triuit qui ſiccauit mare, qui durauit fluctus, qui
 lapides in fluentia conuertit, qui ſolem texit nube, qui no-
 ctē luce radiauit, qui cælum fecit pluere carnes, rorare pa-
 nes, non ſolum non audierunt, ſed & occidere ſunt moliti,
 iſti Lazarum digrabūtur audire, quem tot vulneta ſēpiunt,
 quot Moysen cinxere virtutes? patere, & me ſentire quod ge-
 nui, & tu patere quæ feciſti. *Non pater Abraham.* Vere non pa-
 ter, quia non erat Abrahæ filius, ſed gehennæ. *Non pater Abra-*
brahim, ſed ſi quis ierit à mortuis ad eos, pœnitentiam agent. Hoc
 diues de corde omnium dicit, hoc de deſideriis cunctorum
 petit, hoc de votis omnium loquitur mundanorum, omnes
 enim ſuſurrare conſueuimus. O ſi quis veniret à mortuis, &
 quod ibi agitur hic reſerret, omnes crederent ei. Certe, vt du-
 bitantes dicerent, quis inde venit, vnde nemo venit? Poſt
 mortem quòd ſit aliquis, quis probabit? Omnes audita lo-
 quimur, dictis inſinuata ſentimus: nā quid veri fides habeat,
 meſum eſt in profundum: ſed perfidiæ, non ignorantix eſſe
 quòd ſic loquimur, cum ita credimus, hodie beati Iohannis
 Euangelix lectione ſecuta mōſtrauit. Nam ſicut diues petit,
 Deus pro Lazaro Lazarum miſit. Sed quid miſſus, quid deſi-
 deratus, quid reſurgens proſecerit, patienter audite. *Cogitauit*

Exod. 7.

Exo. 14.

Exo. 17.

Exo. 13.

Num. 16.

Ioh. 12.

ent inquit, principes sacerdotum, ut Lazarum interficeret, quia multi propter illum absabant ex Iudeis, & credebant in Iesum. Quasi ad hoc desideratus aduenerit, ut iterata mortis pericula sustineret. Nolunt, nolunt referri visa, qui volunt audita non credere. Scimus, scimus, & vitam parari bonis, & malis tormentis reparari: sed dum vitiis capti virtutum tempus nolumus aduenire, fingimus nescire quod scimus, & post mortem quid nolumus ab inferis venire qui dicat, cum de cælo Christus veniens, & ab inferis ipse rediens, & quid bonos in cælo mereatur, & quid malos expectet in inferno, & verbo docuerit, & firmaverit exemplo, sed forte ideo nec ista credimus, nec Christum volumus aduenire, quia mundum transire nolumus, imò non quia mundum transire nolumus, sed quia docemus vitia præterire. Christus venit non vitam fugare, sed mortem: mortem fugare, non vitam: mundum reuocare, non tollere: vitia perdere, non suam disperdere creaturam. Sed orate fratres, ut veniens nos inueniat tales, quales regni sui cupit & præcipit esse consortes.

In orationem dominicam.

Sermo

L X V I I .

Accepistis auditum fidei fratres charissimi, formam dominicæ orationis audite: Christus breuiter orare docuit, qui cito vult postulata præstare. Aut quid petentibus se non dabit, qui seipsum non petentibus dedit? Aut id respondendo quam facit moram, qui in dictantibus precibus vota supplicium sic præuenit? Hodie quod audituri estis stupent angeli, miratur cælum, pauet terra, caro non fert, auditus non capit, non attingit mens, tota sustinere non potest creatura, ego dicere non audeo, tacere non possum: Deus det ut & vos audire possitis, & ego dicere. Quid est magis tremendum, quod se dedit terris Deus, aut quod vos dat cælo? quod societatem carnis intrat ipse, aut quod vos facit consortium diuinitatis intrare? quod mortem sumit ipse, aut quod vos resumit ex morte? quod ipse in vestram nascitur seruitutem, aut quod vos sibi gignit in liberos? quod suscipit pauperetatem vestram, aut quod vos sibi facit hæredes, sui vnici coheredes? Est utique terribilius, quod terra transfertur in cælum: homo deitate mutatur: seruitutis fors dominationis iura sortitur. Sed hoc quamuis metuendum sit, tamen quia causa non docentem respicit: sed iubentem, accedamus filioli quo vocat charitas, trahit amor, inuitat affectio: Deum patrem vi-

dici, *Gaudeo propter vos, ut credatis.* Necesse ergo erat, ut & mors Lazari cum Lazaro & discipulorum fides conurgeret cum sepulto. *Quoniam non eram ibi.* Et erat locus ubi non erat Christus? & quomodo non erat ibi, unde mortuum Lazarum discipulis nunciabat? Fratres, erat ibi Christus deus, sed ibi non erat homo Christus: erat ibi Christus deus cum moreretur Lazarus, sed tunc ad mortuum venturus erat Christus, quando erat mortuus Christus dominus subiturus: dicebat itaque, *Quoniam non eram ibi.* Hoc est in morte, in sepulchro, in inferno, ubi per me, & meam mortem potestas tota mortis est subruenda. Martha, inquit, ut audiuit quia Iesus venit, occurrit illi, dicens, Domine, si hic fuisses, frater meus non fuisset mortuus. Mulier, & deum confiteris & dicis, si hic fuisses? Deum nec absentant loca, nec tempora repræsentant. Non moreretur Lazarus si dominus fuisset ibi, qui erat ibi, sed si in paradiso tu mulier non fuisses: mulier tu quaesisti lachrymas, tu inuenisti gemitus: tu mortem gulæ precio comparasti, & accusas absentiam dei, quando causam mortis fuisse tuam præsentiam non recusas? Mors quando à te propiata est tunc lamentandi materia fuit: nunc verò facta est virtutis occasio, quia tunc ad pœnam peccantis data est, nunc permissa est resuscitantis ad gloriam: tunc tartarus inuenit hominem, nunc amittit. Sed iam quaere per fidem mulier, quod per perfidiam perdidisti. Domine, si fuisses hic, frater meus non fuisset mortuus: sed ex nunc scio, quia quaecunque petieris à deo, dabit tibi deus. Hæc mulier non credit, sed credere conatur, cuius crudelitatem incredulitas confundit, *Quaecunque petieris à deo, dabit tibi deus.* Deus ex se dat, non à se petit. Quid affers moras mulier supplicandi, cum iam præstaturus assistat? Mulier, iudex ipse est, quem tu desideras aduocatum: in hoc dantis potestas est, non necessitas est rogantis. Scio, inquit, quia quaecunque petieris à deo, dabit tibi deus. Mulier hoc credere, non est credere: hoc scire, nescire est: Probauit hoc Apostolus, quia homo quando se putat aliquid scire, tunc nescit. Sed iam quid dominus responderit audiamus. *Resurget frater tuus.* Et mulier, Scio, quia resurget in resurrectione in nouissimo die. Martha iterum scis quod nescis: scis, quia in nouissimo die possit resurgere frater tuus: sed quod & hic possit nescis: aut fortè deus qui tunc potest suscitare omnes, vnum modo mortuum non potest suscitare? Potest, potest deus susci-

rare ad temporale signum mortuum vnum, qui tunc omnes mortuos ad vitam perpetuam suscitabit. Scio quæcunque petieris à deo, dabit tibi deus: & scio, quia resurget in resurrectione in nouissimo die. Martha, ante te est resurrectio quam tam longè mittis. Ego sum, inquit, resurrectio. Et quid est ego sum resurrectio? & non ego resuscito? quid est? quia suscepit hominem, suscepit mortem, ut qui resuscitat iubendo vnum resurgendo in se resuscitet omnes: & quibus Adam puteus mortis extitit, his vitæ fons Christus existat: & impleatur illud Apostoli, Sicut in Adam omnes moriuntur, ita & in Christo omnes viuificabuntur. Ego sum, inquit, resurrectio & vita: qui credit in me, etiam si mortuus fuerit, uiuet: & omnis qui uiuit & credit in me, non morietur in æternum: credis hoc? Et mulier, Vtique domine, ego credidi, & credo, quia tu es Christus filius Dei uiui, qui in hunc mundum uenisti. Qui ad Lazarum uenerat, quid sic occupatur in Martha? quid? ut antè ista in fide surgeret, quam ille resuscitaretur in carne. Sic facit qui & uiuis & mortuis consulturus aduenit, nec pertimescit faciendi moras, penes quem facti & effectus permanet & potestas. Fratres, patimini hodie differri verbum, si desideratis audire latius quæ sequuntur.

1. Cor. 15.

De eodem,

Sermo. LXIIII.

Singula scripturæ verba si libris singulis mandarentur, nec sic mysteria quæ in ipsis sunt audientibus perlucere: & quid faciet subitus & breuis sermo, qui in modum fulguris, priusquam illustret oculos, iam refugit: nec dat lucem videntibus, sed pauorem? Orate ergo, uti quia in sæculi obscuritate versamur, & in carne positi noctis tempus agimus, non diei, lucernam nobis uerbi sui Christus accendat, qua præuia mysterij cælestis ingrediamur obscura: & gradu lento perueniamus ad scientiæ diuinæ quantam possumus claritatem: sicut illi Magi, qui montis suæ oculos metientes, non audent splendori solis, aut diuinæ se committere claritati, sed nocte tenerum stellæ lumen tenerioribus oculis asperantes, ad cubile Christum tenerissimum perueniunt. Sed iam ut promissimus, Euangelicæ lectionis quod superest, explemur. Martha, inquit, ut audiuit quia Iesus uenit, occurrit illi. c. seruus non fuit, non proximus, non amicus, certè qui ad eum consolator, ut mulier sola medias per turbas, per castrum, extra ciuitatem, & luctus tempore, ueniēti occurreret

Mat. 2.

Ioan. 11.

saluatori? Fratres, in his personis non causæ currunt, sed sacramenta signantur. Mulier currit pro morte, quæ cucurrit ad mortem: festinat ad veniam, quæ festinavit ad culpam: ad redemptorem piæ peruenit, seductor pessimus quam præuenit: resurrectionem quærit, quæ quæsiuit ruinam: & ipsa quæ mortem viro attulit, vt vitam viro referat, hæc anhelat. Hinc est quòd in loco Christus restitit: expectauit Christus, quòd non intrauit turbas, quòd non contendit ad domum, quòd non ad sepulchrum diuertit, quòd non ad Lazarum propter quem venerat festinavit: sed mulierem sustinet, mulierem remoratur, mulierem primam suscepit, quam primam suasor infecit: à muliere perfidiam fugat, ad mulierem reuocat fidem: vt quæ fuit perditionis obsequium, salutis eadem sit ministra: & sit tandem per deum viuentium mater, quæ per diabolum diu mater exitit mortuorum. Et quia mulier fuerat mali caput, causam mortis agit, vt antè crimen diluat, quàm veniam largiatur: antè causam tollat, quàm sententiã soluat: & cauet ne vir mulierem, penquam semel deceptus est, participem refugeret ad vitam: ac ne multis perisset mulier, si antè ad vitum Christus dominus peruenisset. Hinc est fratres, quòd per mulierem nascitur Christus: hinc est quòd virum mulier semperventris sui suscitavit de sepulchro: vt doloribus reuocet, quem depulit blandimentis: vt flendo repararet, quem perdidit manducando. Denique vbi Martha confessa est Christo, & quicquid suæ culpæ non in persona mulieris pia confessione deleuit, mittitur ad Mariam, quia sine Maria nec fugari mors poterat, nec vita poterat reparari. Veniat Maria, veniat materni nominis baiula, vt videat homo Christum, virginalis vteri habitasse secretum: quatenus prodeant ab inferis mortui, mortui exeant de sepulchris. *Iesus, inquit, videns Mariam plorantem, & Iudeos qui cum ea venerant plorantes, fremuit spiritu, & turbauit seipsum: & dixit, Vbi posuistis illum? Responderunt, Domine, veni & vide, & lachrymatus est Iesus.* Plorat Maria, plorant Iudæi, plorat & Christus: putâsne simili cõpassione? Esto, quòd Maria soror fletet: quia nec fratrem retinere potuit, nec morti potuit obuiare: quæ licet esset de resurrectione secuta, destitutione tamen solatiij præsentis, mora absentię tam longæ, tristitia diuinæ separationis non potuit non deslere: simul quia tam trux, tam funera, tam crudelissimã imago mortis, quamuis fidelem mētem nō

potuit non tangere, non mouere: flebant Iudæi & conditionis suæ memores, & futuræ vitæ desperatione possessi. Mors cum satis viuētibz sic amara, satis turbat ipso exitu, plus cōturbat exemplo mortuum quorienz quis viderit, toriens se morti eiulat deſtinatum. Sic de morte non poteſt non dolere mortaliſ. Quid horum Chriſtus? & ſi nihil horum, quare flebat? certè ipſe qui dixerat, Lazarus mortuus eſt, & gaudeo: de quo gaudet mortuo, ipſum cum reſuſcitatur tunc lamentatur: qui cum amittit, non fiet cum recipit, tunc deplorat: tunc fundit mortales lachrymas, vitæ ſpiritu cū reſundit. Fratres, habet hoc natura corporis humani, vt producat lachrymas viſ gaudii, viſ mœroris. Quorienz enim viſcera, aut lætitiæ, aut triſtitiæ nimio arctantur impulſu, oculi in lachrymas mox erumpunt. Hinc eſt quòd Chriſtus non dolores mortis, ſed illius lætitiæ recordatione lachrymauit: qui voce ſua, voce vna, omnes eſt mortuos perpetuā ſuſcitaturus ad vitā. Fremit ſpiritu, & tota ſe viſcerum commotione conturbat, quia adhuc ſolum Lazarum, & non iam omnes mortuos ſuſcitabat. *Quis ergo ex humana infirmitate exiſtmet hic fleuiſſe* Luc. 15. Chriſtum, cum cæleſtis pater luxurioſum filium non quando abiit, ſed quando recepit tunc deplorat? Chriſtus recipiēſ fleuit Lazarū, non amittens: denique non quando plorantes videt, tūc plorat Chriſtus, ſed quādo interrogat: & in reſpondentibus videt fidei nil manere, dixerat, *Vbi poſuiſtis eum? At illi reſponderunt, Domine, veni & vide.* Putauerunt eum neſcire vbi poſitus eſſet in terra, qui ſciebat vbi illum tartara dira retinerent. Ille ſic interrogans exigebat, fidē, ſciētiam porrigebat, vt aſtantes ſcīrēt quòd mors, quòd ſepulchrū, quòd corruptio, quòd putredo, quòd ſextor nō ex conditione dei, ſed ex delicto hominis hominibus accendiſſet. Nam cū dicit, vbi poſuiſtis eū, mulieres increpat, mulieres arguit hoc eſt, quem ego poſui in paradifo, in regionē vitæ, ecce vos vbi poſuiſtis eū. Sed & Iudæi ad ignorantia requirentis reſpōdebant, *Domine, veni & vide.* Quid? illum iubere mori? quid? iubere illū inferis crederent, qui credebant eum quod erat in oculis nō videre? qui de lachrymis eius taliter diſputabant? *Qui potuit aperire cæci oculos, quomodo facere non potuit, vt & hic nō moreretur?* Potuit facere vt non moreretur, ſed mori permiſit iſ qui mortuum ad ſuam gloriam voluit ſuſcitare: permiſit ad inferna deſcendere, vt appareret deus ab inferis hominem cum

filicem duræ incredulitatis excludant, quatenus animæ per infidelitatem mortuæ de sepulchro pectoris profilirent: & non tantum surrexisse Lazarum, quantum se Lazaro non cōsurrexisse gauderent. *Tollite lapidem.* Tollite miseræ humanitatis obsequium, vt diuinitatis beatæ opera nūc clarescāt. *Tollite lapidem.* Quem posuisti vos, vt hominem quem ego posui nunc reponam. *Respondit Martha, Domine, iam sciet, Mulier & quod sciet cuius est? Iam sciet.* Modo ad te pertinet, quod à te venit: ad sepulchrum non sentires factorem, si in paradiso suasorem noluisses audire. *Iā sciet.* Quod perditore sciet, nō sciet creatori. *Iam sciet.* Quod horret alieni operis euerfor, amator sui operis nō abhorret. Sed dicendo sic, testis mortem quam tu mulier intulisti factorem clama, vt plena mors audientibus innotescat: quatenus quod resurget Lazarus, redeuntis sit spiritus, non latentis: Diuinę virtutis sit, *Mat. 9.* non sit artis humanæ: neque Iudæi, qui nos dicunt in principe dæmoniorum eicere dæmones, iterum dicant nos non imperio Dei, sed humano præsidio mortuos suscitare. *Iam sciet, quatrduanus est.* Dicit & tempus, vt sciant, quia auctor est temporum, cui tempora nulla præscribunt. *Iam sciet, quatrduanus est.* Dicendo sic, exaggetat desperationem, vt qui adsunt videant, quia Deus est, qui sic vitam mortuis, desperatis salutem, factentibus dat vigorem. *Eleuat, inquit, oculos sursum.* Eleuat oculos sursum, vt nobis formam supplicandi tribuat, non sibi viam præparet impetrandi: nanque sursum respicit, qui semper est sursum cum patre, semper pater in ipso est, & ipse est semper in patre. Ego, inquit, in patre: & pater in me est. *Pater, inquit, gratias tibi ago, quia audisti me.* De præstito agit gratias: & quod pater audierit hoc dicitur, quod filius petierit hoc tacetur. Fratres, inter parrem & filiū audiēdi est affectio, nō est necessitas supplicandi: charitas assensus est, nō est austeritas iussionis: ibi amore gerūtut omnia, vbi non indiget obsequio: sicut ex sequentibus elucescit. *Pater gratias ago tibi, quia audisti me: ego autem sciebam, quia semper me audis.* Vacat inuocandi cura, vbi fiducia certa est audiendi. Aut quid tibi faciet petendi labor, vbi præstādi est causa cōmunis? Nemo ergo sic filium minore precibus, ne patrem circa salutem hominum, sic minoret. Quate autem sic loquatur filius, ipse aperit, sic dicendo, *Pater gratias ago tibi, quia audisti me: ego autem sciebam, quia semper me audis: sed propter populum*

Ioan. 14.

dixi, qui circumstat. Videtis quia loquēdo talia, suum patrisque affectum tollit: prodit. pandit gratiam: loquitur vnitatem.

Ioan. 17. Dixerat, Omnia quæ habet pater, mea sunt: & si sua sunt omnia, quomodo petit? Qui de suo petit quod petit, non necessitatis est, sed amoris. *Pater gratias ago tibi, quia audisti me: ego autem sciebam, quia semper me audis: sed propter populum dixi, qui circumstat: ut credant quia tu me misisti.* Missum se dixit, ut populi sciant de cælo venisse Christum, non recessisse de cælo. Sic ergo mittitur, sic & quod habet, accipit, quomodo vnde venerat non recessit: sic ergo & filius quod habet, accipit: & pater quod dederit, non amittit. Fratres, & quod auditur, & quod mittitur, & quod venit, & quod accipit, & quod nascitur, & quod patitur, & quod moritur, & quod resurgit, non est hoc diuinitatis suæ, infirmitatis hoc nostræ est, nostræ est hoc naturæ: quod ramen totū causa nostri tulit in nostro corpore, nō propter se in sua pertulit maiestate. Sed ad proposita redeamus. Quid est quod dicit, *Pater gratias ago tibi; quia audisti me?* Quid est? Vbi Christus cœpit inferi pulsare fores, portas tartari submouere, ianuas aperire mortis, gehēne soluere legem vetustā, deturbare antiquissimum ius pœnæ, repositum Lazari animam, ab inferis viam reditus innouare, occurrit ei tartari tota furens potestas, præferens ædictum superni principis, excelsi regis portās decretum, gestās latam tot seculis Deo loquente sententiam, & videns hominē, sciscitabatur quis iste esset, quid auderet, quid sibi vellet, cur solus, aut sine tremore tremēdos mortis laceſsat & accessus. Cui dicēti quis esset, responderunt prophetica voce ministri resurrectionis angeli, Ipse est rex gloriæ, ipse est fortis & potens prælio. Sed refert tartarus, Ego regem gloriæ in cœlestibus scio omnibus potestatibus cælicis præsidere, cuius nutū tota sufferre non potest creatura: hunc autem video de terrenis vnum, concretum limo, corpore mortali scriptum, & in ipso habitu hominis hominibus viliorem, & ad summam citodandum sepulchro, subdendum meæ protinus esse ditioni. Sed persistentibus angelis, & repetentibus: Ipse dominus virtutum, ipse est rex gloriæ, ipse cæli præsul, ipse creator mundi, ipse saluator sæculi, ipse redemptor omnium, & de qua furis tu, lator ipse sententiæ, ipse tuum calcaturus caput, ipse tuum contriturus imperium, ipse te suo iudicio perditurus, qui teos iussus capere, attrahis innocentes, sanctos diri-

pis, ipsi Dei filio comminatis. Redde ergo vnum, priusquam
 multos cogaris exoluere. Sed tartarus adhuc ista non cre-
 dens, per consuetos nuncios recurrit ad cælum, hæc inuidio-
 sa interpellatione deploratus. Ego domine, & si extremus
 creaturæ tuæ, & si tristi seruitio mancipatus, præcepta tua in-
 uiolabili lege seruo, peruigilo ne quis sententiæ tuæ vetu-
 stum ius nouus temerator immutet: sed apparuit homo qui
 dicitur Christus, tuum se filium iactans, sacerdotes tuos no-
 tat, scribas tuos arguit, sabbatha tua violat, legem tuam sol-
 nit, & animas exemptas carne, & pœnæ iam, meæque custo-
 diæ deputatas, ad corpora in quibus sceleratè vixerât, redire
 compellit: & tantis quotidie procedit ausibus, vt Lazarum
 iam carcere nostro clausum, iam lege nostra vinctum, iam
 in iure nostro manentem, estrictis claustris inferi conetur e-
 ruere: aut cito subueni, aut si patefecerit semel ianuas, om-
 nes quos tot sæculis seruauimus, nunc amittis. Ad hæc filius
 de sinu patris respondit, Parer iustum est, vt carcer non in-
 nocentes teneat, sed nocentes: pœna non iustos cruciet, sed
 iniustos. Quam diu sub vnius hominis culpa, propter Adæ
 solius noxam, patriarchas, prophetas, martyres confesso-
 res, virgines, viduas, in castitate coniugii permanentes,
 omnes ætates, vtrunque sexum, certe paruulos nescientes bo-
 num vel malum, hic carnifex ad se trahere crudeli infesta-
 tione non cessat? Pater ego moriar, vt non moriantur omnes:
 Pater ego Adæ debitum soluam, vt per me tibi viuât, qui per
 Adam moriuntur inferno: Pater propter sententiâ tuâ ego
 meum sanguinem fundam: tâtum est vt ad te tua redeat crea-
 tura: precium chari tibi sanguinis mei redemptio sit omniû
 mortuorum. Ad hæc totius Trinitatis cōsensus, & Lazarum
 præcepit exire, & tartarus ad reddēdos omnes mortuos Chri-
 sto iussus est obedire: hinc est quòd filius clamat, *Pater gra-
 tias tibi ago, quia audisti me*, Testatur Apostolus, quòd Chri- Hebr 4.
 stus aduocatus noster sit apud patrem, denique quâdo sedet,
 coniudicat patri: quando stat, officio fungitur aduocati. Tûc
 Christus peracta aduocatione clamat voce magna, *Lazare,
 veni foras*. Tunc tartarus ligatis manibus & pedibus, Lazarû
 retulit ad superna: timens, & tremens, ne dum soluit, ne dum
 moras facit, ne dum tardius refert vnum, omnes cogeretur
 afferre: sic factus est viuorû relator, qui raptor esse consueue-
 rat mortuorum, Nam quare Christus vincula inferni dirupit,

Iude. mortis ligamenta dissoluit, nisi ut nobis monstraret inferni tremendam seruitutem? Nam si de Moyſi corpore diabolus angelo contradixit, quomodo non tartarus Christo de vita & de resurrectione Lazari contradicet? Orate fratres, ut qui gustū resurrectionis Lazaro propinante suscepimus, redeūte Christo vniuersalis resurrectionis voces mereamur audire.

De diuite & Lazaro.

Sermo

LXVI.

DVas hodie à duobus euangelistis æditas, ita recitari fecimus lectiones, ut sermoni nostro vester intellectus occurreret, paterent abdita. Lazari resurgentis occasio, cur alterius nos Lazari cōpulerit facere mentionem, ex sequentibus audietis: modo inhumani diuitis, & Lazari pauperis, stupendas vices, pauendas successiones. cōditiones admodū lamentandas in medium producere & afferre gestimus: quia diues qui participem pauperem in bonis presentibus audire contempsit, in futuris malis compatiētem pauperem non meruit inuenire: nec ardens aquæ refrigerium percepit, æstuantipauperi fame panis refrigerium qui negauit. *Cum esset, inquit, in tormentis, eleuauit oculos suos, & vidit Abraham de longe, & Lazarum in sinu eius.* Gratis respicit modo Lazarum sursum, qui ante deorsum Lazarum videre despexit. De talibus dixit propheta, Oculos suos statuerunt declinare in terram. *Cum esset in tormentis.* Pungit pœna, quem non pœnitudo compunxit: & vexant tormenta, quem Lazari vulnera nō mouerunt: nec gratis aculeos percipit pœnarum, qui in purpura volutabatur ingratus. *Vidit Abraham de longe.* Longe illi erat Abraham, cui non fuerat proximus pauper. Vidit Abraham diuitiarum consortem, sed inhumanitatis exortem: & Abraham diues, sed plus humanitate, quàm censu, tu diues inhumanitate tua maior tuis diuitiis extitisti: Abraham sibi peregrinus, ciuis hospitum fuit, tu palatia possidens, tectum pauperi nō dedisti: Abraham dum seruos suscipit, dominum sic recepit, & cunctis hominibus ponens panes, ipsum dominum suū suscepit ad mensam tu dum singulari in pauperi negas micæ, styllam refrigerii perdidisti. *Et ipse clamans, dixit.* Sic clamat ibi, qui hīc clamantes contempsit audire, ibi cassā vox est, istic inanis est clamor. Audi prophetam dicentem, *Psal. 6.* In inferno autem quis confitebitur tibi? In inferno quis misericordię locus? in tormentis quæ spes veniē, & in hora sen-

sentis

*tentia tempus indulgentia quis requirit? Pater Abraham misere-
 re me. Crudelis fili, quam misericordiam petis, quam tibi
 negando pauperi tu negasti? Et mitte Lazarum. Miser fili, si
 Lazarus ad tuam mensam venisset, tu ad istum discubitum
 non venisses. Ut intingat extremum digiti sui in aquam. Qui claudit
 manum pauperi, extremi stipem digiti sic deposcit: & sicut a-
 quae guttam, qui vini lacus, ne guttam daret, inclusit. Ut in-
 tingat extremum digiti sui. Qui diuitias suas non miserando
 pauperi dedit, sibi misericordiam sic minorat. Et refrigeret
 linguam meam quia crucior in hac flamma. Quasi reliquum cor-
 poris ab incendio haberet immune: sed lingua plus ardet,
 quae misericordia ut fieret, iubere neglexit: in lingua maius
 sentit incendium, quae maledixit pauperi, misericordiam con-
 tradixit: lingua in tormentis prima est, quae derogando pau-
 peri pauperis blasphemauit authorem. Sed audiamus iam
 quid responderit Abraham. Fili, inquit, recordare, quia recepisti
 bona in via tua, & Lazarus similiter mala. Nemo purer audien-
 do ista, quia diues pro bonis receperit bona, quando hinc
 magis reus est, quod cum a Deo pro malis receperit bona,
 bona pro bonis Deo reddere contempsit. Nam de diuitiis
 tantis nec victum dedit pauperi, nec sacrificium Deo mini-
 ma oblatione dependit. At pauper diues vulnere, censu nu-
 dus, exurus corpore, vestitus poenis animam quam solam non
 tenebant vulnere Deo in hostiam iugiter offerebat. Hinc
 est, quod recipit pro doloribus requiem, pro opprobrio glo-
 riam, pro contumeliis honorem, pro despectu gratiam, pro
 poenis immortalitatem, pro vulneribus praemia, pro sibi refri-
 gerii fontem: pro fame caelestis mensae delicias sempiternas,
 & quem diuitis angulus, non cepit, sinus diuinæ consolatio-
 nis includit. Tu diues fulgens quondam purpura, nunc tegere
 fumo, pro coccino vestire flammis: pro molli discubiti susti-
 ne tormentorum dura, pro lautis ferculis epulare poenas, co-
 pias inopia compensa, ebrietares sibi digere, pro odoribus as-
 persere foetores: & cui astiterunt voluptatis obsequia, astet
 tibi ministeria iunc poenarum, qui ista tibi despiciendo
 pauperem taliter tu mutasti. Adiecit autem Abraham, di-
 cens, In his omnibus inter nos, & vos chaos magnum firmatum est, ut
 qui volunt hinc transire ad vos non possint, neque inde huc transmeare.
 Dicendo sic, iam iustos, quam iniustos ante aduentum domi-
 ni apud inferos fuisse declarat, & discretos locis tantum, non*

regionibus aperit fuisse diuifos. Postquam vero dominus re-
 surgens à mortuis aperuit infernum, patefecit cælos, paradifi
 claustra reſerauit, dedit ſanctis paradifi intrare requiem, ad
 cæli gloriam peruenire. Iſta quia ſic credit, intelligit quid
 mortalibus veniens donauerit Chriſtus. Inſipienter ergo di-
 ues putat apud inferos mutari loca, quando hic agendo ho-
 mo bene, vel male ibi ſibi terminum aut pœnæ, aut quietis
 indicit. Stultus in vita diues, ſtultior inuenitur in pœna: &
 qui bonorum ſuorum nesciuit tempus, nec malorum ſuorum
 tempus miſerandus agnoſcit. *Rogo te pater*: Modo rogas, mo-
 do tibi tempus patiendi eſt, nō rogandi. *Rogo te pater* Quid?
Vt mittas Lazarum in domum patris mei. Ante quā bene iacuit
 Lazarus: ad illam ianuam, in qua fame ſua inhumanita-
 tis tux titulos fixit, vbi poſteſtuos ſuis vlceribus laureauit,
 vbi ſanie ſua pinxit micæ tuas. Patere ergo ſtare vices, iā de-
 pone dolos, licet quia tu Lazarum non potes videre: ſcitur
 quia plus te ſcælicitas Lazari, quā gehennæ torquet incē-
 dium. *Reſpondit Abraham, habent Moysen & prophetas, audiant*
illos. Hoc eſt, ſi Moysen qui regna Aegypti elementis ſecum
 militantibus triuit qui ſiccauit mare, qui durauit fluctus, qui
 lapides in fluentia conuertit, qui ſolem texit nube, qui no-
 ctem luce radiauit, qui cælum fecit pluere carnes, rorare pa-
 nes, non ſolum non audierunt, ſed & occidere ſunt moliti,
 iſti Lazarum dignabūtur audire, quem tot vulneta ſepiunt,
 quot Moysen cinxere virtutes? patere, & me ſentire quod ge-
 nui, & tu patere quæ feciſti. *Non pater Abraham.* Vere non pa-
 ter, quia non erat Abrahæ filius, ſed gehennæ. *Non pater Abra-*
brahim, ſed ſi quis ierit à mortuis ad eos, pœnitentiam agent. Hoc
 diues de corde omnium dicit, hoc de deſideriis cunctorum
 petit, hoc de votis omnium loquitur mundanorum, omnes
 enim ſuſurrare conſueuimus. O ſi quis veniret à mortuis, &
 quod ibi agitur hic reſerreret, omnes crederent ei. Certe, vt du-
 bitantes dicerent, quis inde venit, vnde nemo venit? Poſt
 mortem quod ſit aliquis, quis probabit? Omnes audita lo-
 quimur, dictis inſinuata ſentimus: nā quid veri fides habeat,
 meſum eſt in profundum: ſed perfidiæ, non ignorantiz eſſe
 quod ſic loquimur, cum ita credimus, hodie beati Iohannis
 Euangeliftæ lectio ſecuta mōſtrauit, Nam ſicut diues petit,
 Deus pro Lazaro Lazarum miſit. Sed quid miſſus, quid deſi-
 deratus, quid reſurgens proſecerit, patienter audire. *Cogitauit*

Exod. 7.

Exo. 14.

Exo. 17.

Exo. 13.

Num. 16.

Ioh. 12.

rant inquit, principes sacerdotum, ut Lazarum interficerēt, quia multi propter illum abibant ex Iudeis, & credebant in Iesum. Quasi ad hoc desideratus aduenerit, ut iteratæ mortis pericula sustineret. Nolunt, nolunt referri visa, qui volunt audita non credi. Scimus, scimus, & vitam parari bonis, & malis tormenta præparari: sed dum vitiis capti virtutum tempus nolumus aduenire, fingimus nescite quod scimus, & post mortē quid sit nolumus ab inferis venire qui dicat, cum de cælo Christus veniens, & ab inferis ipse rediens, & quid bonos in cælo maneat, & quid malos expectet in inferno, & verbo docuerit, & firmaverit exemplo, sed forte ideo nec ista credimus, nec Christum volumus aduenire, quia mundum transire nolumus, imò non quia mundum transire nolumus, sed quia dolemus vitia præterire. Christus venit non vitam fugare, sed mortem: mortem fugare, non vitam: mundum reuocare, non tollere: vitia perdere, non suam disperdere creaturam. Sed orate fratres, ut veniēs nos inueniat tales, quales regni sui cupit & præcipit esse consortes.

In orationem dominicam.

Sermo L X V I I .

Accepistis auditum fidei fratres charissimi, formam dominicæ orationis audite: Christus breuiter orare docuit, qui cito vult postulata præstare. Aut quid petentibus se non dabit, qui seipsum non petentibus dedit? Aut id respondendo quam facit moram, qui in dictantibus precibus vota supplicium sic præuenit? Hodie quod audituri estis stupent angeli, miratur cælum, pauet terra, caro non fert, auditus non capit, non attingit mens, tota sustinere non potest creatura, ego dicere non audeo, tacere non possum. Deus det ut & vos audire possitis, & ego dicere. Quid est magis tremendum, quod se dedit terris Deus, aut quod vos dat cælo? quod societatem carnis intrat ipse, aut quod vos facit consortium diuinitatis intrare? quod mortem sumit ipse, aut quod vos resumit ex morte? quod ipse in vestram nascitur seruitutem, aut quod vos sibi gignit in liberos? quod suscipit paupertatem vestram, aut quod vos sibi facit hæredes, sui vnici coheredes? Est utique terribilius, quod terra transfertur in cælum: homo deitate mutatur: seruitutis fors dominationis iura sortitur. Sed hoc quanuis metuendum sit, tamen quia causa non docentem respicit: sed iubentem, accedamus filioli quo vocat charitas, trahit amor, inuitat affectio: Deum patrem vi-

Mat. 16.

sceta sentiant, vox perfonet, loquatur lingua, spiritus clamet, & totum quod est in nobis, respondeat gratiæ: non timori: quia qui iudicem mutauit in patrem, amari voluit, non timeri. *Pater noster qui es in celis.* Hoc cum dicis, non sic habes, quasi non sit in terris: non sic accipias, quasi sit loco clausus qui claudit omnia: sed intellige esse tibi genū ē cælo, cuius pater habetur in cælo: & age vt viuendo sanctē sancto respondeas patri. Dei filium ille se probat, qui vitiis non obscuratur humanis, qui diuinis virtutibus elucescit, *Sanctificetur nomen tuum.* Cuius genus sumus, eius censemur & nomine: rogamus ergo, vt nomen eius quod in se, & per se sanctum est, sanctificetur in nobis: nomen enim Dei aut honoratur ex nostro actu, aut ex nostris actibus blasphematur: Audi Apostolum dicentem: Nomen Dei per vos blasphematur in gentibus. *Veniat regnum tuum.* Et quando non regnauit Deus? Petimus ergo, vt qui sibi regnauit semper, modo regnet in nobis, vt & nos in illo regnare possimus. Regnauit diabolus, regnauit peccatum, regnauit mors, & fuit diu captiua mortalitas: petimus ergo, vt regnante Deo, pereat Diabolus, deficiat peccatum moriatur mors, captiuitas captiue-
tua sicut in cælo, & in terra. Hoc est regnum Dei, quando & in cælo, & in terra Dei voluntas est sola, quādo in omnibus hominibus Deus mens est, Deus viuit, Deus agit, Deus regnat, Deus est totū, vt iuxta illud Apostoli, Sit Deus omnia in omnibus vobis. *Panem nostrum quotidianum da nobis hodie.* Qui patrem se nobis dedit, qui sibi nos adoptauit in filios, qui rerū nos fecit hæredes, qui nos nomine sublimauit, qui nos suo & honore donauit, & regno, ipse nos vt panem quotidianum postulemus, addixit. In regno Dei, inter munera diuina, quid querit paupertas humana? tam bonus, iam pius, tam largus pater panem filiis non nisi postulatus indulget? Et vbi est illud? Nolite solliciti esse quid manducetis, aut quib bibatis, aut quid vestiamini Hoc petere iubet, quod prohibet cogitare, quatenus cælestis pater cælestem panem, cælestes filii vt postulemus hortatur, ipse dixit, Ego sum panis, qui de cælo descendit: Ipse est panis, qui satus in virgine, fermentatus in carne, in passione confectus, in fornace coctus sepulchri, in Ecclesiis conditus, illatus altaribus, cælestem cibum quotidie fidelibus subministrat. *Et dimitte nobis debita nostra, sicut*

Rom. 2.

1, Cor. 15.

Mat. 6.

Ioan. 6.

Et nos dimittimus debitoribus nostris Homo si sine peccato esse non potes, & vis semper dimitti tibi totum, dimitte semper: quantum vis dimitti tibi, dimitte totum: quoties vis dimitti tibi, toties tu dimitte: imò quia vis totum dimitti tibi, totum dimitte: homo intellige, qui a remittendo aliis, tu tibi veniam dedisti. *Et ne nos inducas in tentationem.* Quia in sæculo est ipsa vita tentatio. Tentatio, inquit ille, est vita hominis. Rogemus ergo, ut nos arbitrio nostro non relinquat, sed in omni actu paterna nos pietate constringat: & in vitæ tramite cælesti moderatione confirmet. *Sed libera nos à malo.* A quo malo? à diabolo quippe, ex quo est omne malum. Rogamus liberari nos à malo, quia malo qui non caruerit, frui non potest bono Si adhuc non nati, si adhuc in utero constituti, panem petunt, expetunt regnum, quare sit quæstio, quòd semper Dei filius in Dei patris mansit arcano? Si Ecclesia generat, ratio non est, est cæleste mysterium, quod in patre Deo Dei filius fuerit, quomodo humana ratiocinatione tractetur non est, non est humano modo diuinitas æstimanda: audisti Deum, nil terrenum cogites: nil humanum: audisti patrem Christi, hoc per substantiam crede: audisti patrem tuum, hoc crede per gratiã ille ut esset filius habuit semper, te esse filiũ dedit modo. Sic ergo te filium scito, ut seruum te esse nõ nescias: sic audi ad Christi similitudinem te reductum, ut semper te Christo cognoscas esse subiectum.

In eadem, Sermo. LXVIII.

Conditio mortalis, terrena compago, limosa substantia, vitæ ac mortis incerta, labore attrita, cõsumpra pennis, putredini ac pulveri subiecta natura capere non valet, æstimare non sufficit, fugare non audet, credere pertimescit, quod hodie cogitur confiteri: tantam donorum dei gratiam, promissorum magnitudinem, munerum largitatem, fragilitas humana vnde promereri valeat non potest inuenire. Hoc reor non ambiguum Abacuc prophetam mentis intuitu præuidisse: dum se tanto pauore concussus, huius auditis taliter exagitarum tremore, dicit, Domine, audiui auditum tuum, & timui: Consideraui opera tua, & expaui. Auditum timuit, non qui tunc propheta tantus audierit dominum: sed quia tunc seruus dominum suum sibi conuersum reperit, & audiuit in patrem: non quia mundi huius fabricam elementis ita sibi dissonis consonantem contemplatus ex-

Abac. 3.

Iuxta

LXX.

pauit, sed quia pietatis erga se tantæ considerans tunc operæ admirationis tremore concussus est, & pauore. Consideraui, inquit opera tua, & expaui. Adoptatum se tunc stupuit in filium, quando perdiderat ipsius fiduciam seruitutis. Denique ut sciatis huius orationis quam vobis hodie diuinitatis insinuat, & infundit affectum, propheta tunc audit cælitus percepti huius muneris quodammodo pauore solitus. Quid iterum dixerit peruidete, Custodiui, inquit, & expaui venter meus à voce orationis labiorum meorum. Posteaquam diuini muneris senserat largitatem, custodiuit se, ne se hostem, ne inimicum, ne latronem se iterum sicut in paradiso sustineret: sit vigilantior, sit sollicitior sui custos, qui se post tantæ rei iacturam cælestem thesaurum in vasis fictilibus custodiuit. Et expaui venter meus. Ventrem cordis interna nominat hic propheta: quia sicut venter cibus, cor sic sensibus pascitur & repletur; Et expaui venter meus à voce orationis labiorum meorum. Si intellectus cordis infuderat ori vocem, labiis dederat verba, cur vota sua, cur desideria sua, cur ex hoc quod est exoraturus expaui? Quia non suggestionem sui cordis, sed diuini spiritus loquebatur affatu. Audi Paulum dicentem, Misit Deus spiritum filij sui in corda nostra clamantem Abba pater. Quod auditum cum ad interna transmitteret, tantum se meruisse mirabatur: & interna tota hominis pauebant. Merito adiecit, Et intrauit tremor in ossa mea, quia ipsa prophetę viscera vexabatur. Et subrus me, inquit, commota est virtus mea. Quid est subrus me? quatenus ipse, idemque homo sursum per gratiam iam leuatus iacebat subrus pristinam per naturam: nec virtutem cælestem vittus poterat sustinere terrena. Iam fumauit mons Sina, cum daturus legem Deus descendit in montem. Quid caro faceret, cum descendit deus in carnem carni gratiam collaturus? Venit pater, quia homo deum, seruus dominum non ferebat. Et quia fidelis est in verbis suis, qui dixit, Aperi os tuum, & implebit illud. Aperite nunc ora vestra, ut ipse e tali prece, tali repleat & clamore. *Pater noster qui es in cælis.* Vbi sunt qui de Dei promissione diffidunt? Ecce quam cito fidei est remunerata confessio: mox ut Deum vnici filij confessus es patrem, tu ipse es Dei patris adopsitatus in filium, ut esses cæli hæres, qui paradisi exul habebaris, & terræ: & ideo nunc vocas. *Pater noster qui es in cælis.* Quia fuit tibi quondam pater, qui te resoluit in li-

Gala. 4.

Exo. 19.

Psal. 18.

Mat. 6.

mum, qui te ad claustra duxit, & pertraxit inferni: terram ne-
 fciat, amorem carnis ignoret, patrem pulueris non requirat,
 nihil in se vitii licere permittat, qui deum patrem cælestem
 repetit ad naturam. Et qui se dei filium credit: actû, vitâ, mo-
 ribus, honestate, tanto generi respondeat, ne iterum ad terre-
 na descendens ad ipsam tanti genitoris tendat iniuriam. *San-*
ctificetur nomen tuum. Si nomen Christi cæcis visum, cursum
 claudis, defessis vario languore sanitatem, mortuis dat vitâ,
 teque homo ipsum, totâmq; sanctificat creaturam, quem-
 admodum tu ipsius nominis oras, & expostulas sanctitatem:
 Quia à Christo vocatus es Christianus: & ideo supplicas vt
 prærogatiua tanti nominis meritis in te subsequenter ro-
 boretur. *Adueniat regnum tuum.* Deuotionem mandat, exigit
 desideria, vota perquirat ipse, qui aduētum suum in sua con-
 tinet potestate. Fidelis est ille miles, qui regis sui præsentiam
 sitit, exoptat regnum, expetit & coacupiscit triumphos: sed
 hic petis, vt tibi, & in te adueniat regnaturus, in quo diabolus
 arcem, mors imperium, diu infernus gessit, & retulit potesta-
 tem. Oremus ergo charissimi, vt Christus semper suo regnet
 in milite: vt miles semper suo triumphet in rege. *Fiat volun-*
tus tua, sicut in celo, & in terra. Beatus dies ille, qui terrenorum
 iungit, sociat, exæquat cælestibus voluntates, vt inter dispa-
 res substantias, vna atque eadem sit voluntas. Hæc est fida
 pax, inconcussa concordia, gratia perseuerans, quando per
 vnius domini ordinem familia natura diuersa, voluntate fit
 vna: eadem reperitur & sensû. *Panem nostrum quotidianum da*
nobis hodie. Post cæleste regnum panem quis postulet tempo-
 ralem? Sed quotidianum, & in diem vult nos in sacramento
 sui corporis panis viaticum postulare, vt per hoc ad perpetuum
 diem, & ipsam Christo perueniamus ad mēsam, vt vn-
 de hic gustum sumpsimus, inde ibi plenitudinē, totâsq; sa-
 tietates capiamus. *Et dimittite nobis debita nostra, sicut nos dimis-*
istis debitoribus nostris. Qui sic petit, & debita non relaxat, iste
 se etiam per quod orat, accusat: qui sibi tantum donari postu-
 lat remitti tantum, quantum ipse remittit, & donat, ad placi-
 tum deum, deum taliter inuitat ad pactum. Quisque quātum
 ipsæ præstiterit alteri, tantum sibi exigat & ipse præstari. Di-
 mittere ada sunt autem fratres debita, non pecuniæ solum, sed
 omnium causarum, culparum, criminum, quicquid homo in-
 currere poteris, in his tibi cum incurrerit alter, ignosce. Fi.

dens, peccatis suis petit veniam, qui peccāti libēter ignoscit. *Et ne nos inducas in tentationem.* Hoc petere miles multis modis cogitur fratres, ne fragilitas plus ausa, & de se tumore præsumens, nec virium suarum modum colligens, in conflictu male cauta succumbat: deinde offensus deus tradat tentationibus, quos relinquit. *Sed libera nos à malo.* Satis de se humiliter sentit, nec saluari per se præsumit, qui vt à malo per deum liberetur, implorat. Signate vos. Intelligite filioli quāta perfectorum, quanta fortium gloria sit, & potestas, quando tanta virtus in ipso conceptu, tanta maiestas aperitur in partu. Nondum natus patrem vocat, sanctitatem postulat, regnum petit, dat iura terris, terrenas cælestibus exæquat voluntates, & laboribus profuturis exigit iam deuotus coronam Panem nostrum, inquit, quotidianū da nobis hodie. Beati estis, qui cœpistis antè pugnam vincere, antè triumphare, quàm vivere: antè ad patris promptuaria, quàm matris ad gremium peruenire: antè pastum gregis, quàm succum lactis inuadere: toto antè victoriatum sonare iubilo, quàm vagitu respondere cunarum. Vere, vt dixit Apostolus, infirmum dei fortius est hominibus. Aut quis poterit tantū conceptus referre sacramentum? vbi virgo mater parit orbe quotidie, nec relinquit posteros ad laborem, sed æternam germina præmittit ad gloriam.

1. Cor. 1.

In eandem,

Sermo LXIX.

PUtāne mortale pectus dominicę charitatis erga nos magnitudinem capiat? Putāne terreni corporis pondere mēs depressa erga nos diuinum intelligat ac sentiat affectū? Nam quicquid cæli micat, radiat, & splendet ornatus, quicquid terra fragrat in floribus, sapit in fructibus, in animātibz gaudet, nostro amore factum, nostræ addictum est seruituti. Sed quamuis magna, parua tamen sunt ad supernę in nos dilectionis indicium. Nobis principatus cælorum, nobis æthericę potestates, nobis supernę dominationes, nobis angelorum officia excubiis militant indefessis. Sed ista adhuc asserendę in nos diuinę necessitudinis parua sunt, & minora, tantūque infima, quantū creatore suo minor est creatura Deus vultu incōtemplabilis, visu imperispicabilis, nullo sensu æstimabilis, inaccessus mēte, ne ipso quidem ad plenū notus auditu, quoties, qualiter, quàm variē, quàm diuersę, se humanis aptauit obtutibus? quàm se cōmunioni, quàm

se familiaritati præstitit, & cōcessit humanæ? Cum Noë con- *Gene. 6.*
 filii sui facit esse participem: & expiando mundo diluuium
 præmonet imminere: & totū sæculū ipso custode paruo arce
 designat in semine. Cum ad Abraham velut hospes aduētat, *Gene. 18.*
 inuitatus tōta dignatione succedit, oblata non respuit, appo-
 sita velut esuriens & lassus assumit, & diuina collatione velut
 egens suscipit, & acceptat humana. Hinc est, quòd emortua *Gene. 21.*
 mox senis membra reuiuiscūt, sterilis vetulæ iam viscera sus-
 scitantur exuncta, & natura in viuo cadauere persepulta pro-
 ditura suum rēsurgit authorem, & generat plurimos trans-
 acto iam tempore per vnum quem crediderat cōditorem. Ad
 Moysen igneus deus glomeratur in rubo, deinde cōfert fa- *Exod. 3.*
 tienda cum seruo, exercetur variis in Ægypto virtutibus, & *Exod. 8.*
 patefit ad natum famuli: irrogat flagella, vel tollit: & in ma- *Exod. 14.*
 ri quantus sit, quantumve homini dederit, vlticis vndæ de-
 monstrant obsequia: cum siccato gurgite cedit vnda piis: &
 liquore durato murum præstat, munimen exhibet libera-
 ndis: ac tota naturæ suæ virtute de hoste sæuissimo triumphau-
 itura decurrit. Miro contubernio Israëlitis deus cōuersatus *Deut. 23.*
 in castris: numerosas gentes nunc ferit fulmine, nunc tangit
 grandine, nunc solo tubarū clāgore prosternit: vt sine con- *Iosue. 10.*
 flictu, sine vulnere deus ducat victrices acies, quas præcedi- *Iosue. 6.*
 t: affuit desideriis, votis annuit singulorum, mox ad ir-
 ra respondit, occulta prodidit, prædixit futura, quæ
 fecit, regnum contulit, donauit opes, temperauit pluias, fœ-
 cundas præstitit terras, coniugia ipsa filiorum copia & hono-
 re decorauit. Sed adhuc parum esse credidit, si affectū suum
 erga nos præstando prospera tantum, & non etiam aduersa
 sustinendo monstraret. Post omnia mundum suum pauper
 ingreditur: iacet in cunabulis vt homo: vagitu suo implorat,
 inquit, exigit quam tibi præstitit ipse pietatem. Parēs om-
 nium vltus est te parente: subiectus tibi extitit, cui omnis sub-
 iacet altitudo: timuit, quem timēda metuunt: fugit, ad quem
 cuncta confugiunt: cælorum arbiter est hospes in domibus
 peccatorum: pane pascitur, qui pascet omnes: & quid plura?
 παντοκράτωρ tenetur sæculorum: sistitur terræ fundator, iudi- *Id est, omni-*
 catur humanæ largitor veniæ, discutitur cordis scrutator, pu- *potens.*
 nitur vitæ dator & redditor: cunctorum resurrectio sepelitur,
 vt tarda mens hominis, & intelligentia satis pigra, vel morrē
 in se dei probaret affectum, quæ prædictis & innumeris dei

Matt. 6.

Ioan. 1.

Rom. 2.

Matt. 25.

Luc. 1.

Gene. 25.

beneficiis, dei erga se non intellexerat, non senserat charitatem. Qui ergo esse fecit, dedit vivere, docuit & orare: quia totum voluit præstare, qui sua sibi prece voluit supplicari. *Pater noster qui es in celis.* Ecce homo tua te voce Christus hodie ut sibi faceret cohæredem, dei patris adoptat in filium, dum ait, *Pater noster.* Quod suæ dignationis est, tuæ esse voluit potestatis, iuxta illud: Quotquot receperunt eum, dedit eis potestatem filios dei fieri: & tamen iubet dicere, ut dignatio donantis sit, non temeritas præsumptis. *Qui es in celis.* Non quod non sit in terris, sed te qui cælestem patrem iam vocas, ad cælestem vult tendere, & repetere iam naturam, ut generi tanto vita nostra respondeat, ne terreni mores degenerent, quos cælestis donauit & contulit iam natura. *Sanctificetur nomen tuum.* Non quod tua sit præ sanctificandum, quod te sanctificat nomen, sed quia Christi nomine vocatus es Christianus, petendum tibi est, ut actu tuo nomen hoc sanctificetur, & honoretur in te. Quia sicut virtutum fama nominis tantum respondet ad gloriam, ita male conuersantis infamia ad eiusdem nominis redundat iniuriam: dicente Apostolo, Nomen dei per vos blasphematur in gentibus. Et reuera filij, tunc gentilis nomini derogat Christiano, quando aliter quam profitetur, & dicitur vivere, viderit Christianum. *Veniat regnum tuum.* Non ut deo veniat regnum haberi semper, sed postulas ut tibi veniat non haberi: & percipias illud quod tibi affectu suo dominus pollicetur, cum dicit, Venite benedicti patris mei, percipite regnum quod vobis paratum est à constitutione mundi. Venite benedicti, non dixit veniamus: percipite, non dixit percipiamus. Nemo miretur, quia patrem vocat qui nondum natus est: nam si Ioannes exultat, & Iacob collaturatur in utero. prudens æstimet quid possit natura divina, si tantum potest per deum humana conceptio.

In eandem,

Sermo LXX.

OMnia quæ diuinitus dicta, facta quæ referuntur, sunt miraculo, sunt stupori, sunt pauenda mortalibus, ipsis etiã celestibus sunt tremenda: sed nihil tam stupet cælum, pavet terra, expauescit vniuersa creatura, quàm quod vos estis hodie nobis dicentibus audituri. Seruus dominum patrem vocare audet, iudicem suum reus puncupat genitorem, cõditio terrena sua se voce adoptat in filium: qui terrena perdidit, æstimat se diuinitatis hæredem, Sed audemus, quia præsum-

ptio dicentis non est, vbi authoritas est iubentis: ipse enim nos hodie dicere sic voluit, qui nos docuit sic orare. Et quid mirum si homines dei consecrauit in filios, quando se hominis dedit & aptauit in filium? Carnis tunc naturam transtulit in diuinam, deitatem quando humanam detulit ad naturam: tunc hominem sibi in celestibus prestitit coheredem, quando se participem reddidit terrenorum. Aut homini negare quid amoris potuit, quid maneris, qui totum quod erat hominis, etiam peccatum suscepit, & mortem? Aut quomodo hominem in suis prosperis socium non habebit, qui in aduersis hominis se fecit esse consortem? Homo redi ad deum sic amatus à deo & ad illius gloriam da totum te, qui se totum propter te ad suam deduxit iniuriam: & voca patrem fidens, quem tanto amore tuum probas, sentis, intelligis esse genitorem. *Pater noster.* Quod nondum natus patrem vocat, nemo miretur: deo nata sunt nascitura, futura facta sunt deo. *Quæ futura sunt, inquit, iam fuerunt.* Hinc est quod in utero suum *Eccle. 5.* Ioannes sentit auctorem: & extat nuncius matri, qui erat *Luc. 1.* suæ nescius vitæ. Hinc est quod Iacob antè legitur bellare, *Gene. 25.* quàm nasci: antè triumphare, quàm viuere. Hinc est quod iam sunt deo, qui sibi adhuc non sunt, qui electi sunt ante constitutionem mundi. *Quies in celis.* Non quod ille nō sit in terra, sed vt tu per hoc germen esse noueris te celestem: & si te dei filiū esse fateris, viue quasi dei filius, vt actu, vita, virtutibus, tanto possis respondere genitori. *Sanctificetur nomen tuum.* Quia à Christo vocatus es Christianus, petis vt prerogatiua tanti nominis sanctificetur in te: quia nomen dei quod per se, & sibi sanctum est, aut sanctificatur in nobis nostro actu, aut nostro actu blasphematur in gentibus. *Veniat regnum tuum.* Ipse dicit, Regnum dei intra vos est: si intra nos est, veniat vt *Luc. 17.* quid oramus? Est in fide, est in spe, est in expectatione, sed vt in te veniat iam, precamur. Veniat autem nobis, non illi qui semper conregnat patri suo, semper regnat in patre, sed veniat nobis. Venite benedicti patris mei, percipite regnum *Matt. 25.* quod vobis paratum est ab origine mundi. Dicimus, *Veniat regnum tuum.* Vt sic deus regnet in nobis, quatenus in nobis designat mors regnare, desinat regnare peccatum. Regnauit, inquit, mors ab Adam vsque ad Moysen. Et alibi, *Rom. 5.* Non regnet peccatum in vestro mortali corpore. *Fiat vo-* *Rom. 6.* *luntas tua, sicut in celo & in terra.* Nunc in terra multa sunt pro

diaboli voluntate pro sæculi nequitia, pro desiderio carnis: in cælo verò sit nihil præter domini voluntatem: petimus ergo, vt interempto diabolo, vt nouo sæculo, vt mutato corpore, vt destructo mortis imperio, vt abolita dominatione peccati, in cælo & in terra, in deo & hominibus, vna dei sit, eadèmq; voluntas. *Panem nostrum quotidianum da nobis hodie.* Post regnum cælestè, terrenum panem petere non iubemur prohibente ipso, cum dicit, Nolite solliciti esse animæ vestræ quid manducetis, aut quid biberis. Sed quia ipse est panis qui de cælo descendit, petimus & precamur, vt ipsum panem quo quotidie, id est, iugiter sumus in æternitate victuri: hodie, id est, in præsentī vita de conuiuio altaris sancti ad virtutem corporis, mentisq; capiamus. *Et dimitte nobis debita nostra, sicut & nos dimittimus debitoribus nostris.* Sic dicendo homo indulgentiæ modum, mensuramq; veniæ tibi dedisti, qui à domino tantum tibi petis dimitti, quātum dimiseris ipse conseruo: Dimitte ergo delinquenti in te totum, si vis ipse de tuis nihil domino debere delictis: in altero dimitte tibi, si vis ipse, vindicem vitare sententiam. *Et ne nos inducas in tentationem.* Deus, sicut scriptum est, neminem tentat, sed tentare dicitur, cum cōtumaciter euntes ad tentationem laqueos derelinquit. Sic Adam tentatoris incurrit insidias, dum sui præcepta deserit conditoris. Vnde autem & à quo tentaretur homo, prodit sic dicendo. *Sed libera nos à malo.* Hoc est, à diabolo, qui totius mali & auctor est, & origo: diabolus natura cælestis fuit: nunc est nequitia spiritualis, ætate maior sæculo, nocendi vsu tritus, lædendi arte peritissimus: vnde non iam malus, sed malum dicitur, à quo est omne quod malum est. Hinc est quòd propriis viribus liberari homo non potest, carnalibus vinculis illigatus. Peten dū nobis est ergo, vt deus nos à diabolo liberet, qui Christum terris vt diabolum vinceret commodauit. Clamet homo, clamet ad deum, clamet, libera nos à malo, vt à tanto malo solo Christo vincente liberemur. *Pater noster qui es in celis.* Orandi thema, materiā petendi, supplicandi normā paucissimis in verbis ipse tibi qui tibi est exorandus indulsit: vt ex hoc tu petendi sumas sensum, intellectum postulandi capias, mensuram colligas impetrandi & breuissimo magisterio orandi latissimā capias disciplinā, simul quia ad amoris iudicium rex ipse officio sanctus est aduocati, vt preces qui-

Matt. 6.

Ioan. 6.

Iacob. 1.

Genes. 3.

bus responsus erat, ipse dictaret. Cunctatio ablata est impetrandi omnis, imò fiducia collata est tota promerendi, quando ipsum se legit in precibus qui rogatur. Metus locum non habet, ubi à patre filius pietate interprete desiderat quæ sancta sunt impetrare.

In eandem, Sermo LXXI.

FRATRES charissimi, qui vos donauit credere, ipse vos docuit & orare: & totam petendi formam paucis aptauit in verbis: quia cum patrem postulat, multa prece filius non laborat: sicut enim petere cogit necessitas genitum, ita urget charitas dare genitorem. Pater ergo qui sponte præstat, non tam ut petatur, quàm quid petatur ostendit: ut filius petendo iusta placeat, qui potest stulta postulans displicere. Audite patrem, & vos filios esse iam credite, ut quæ petieritis, in cunctanter impetrare possitis. Quid valeat fides, credulitas quid possit, quanti sit confessio, hodie monstrantur in vobis. Ecce Trinitatis trina cōfessio in cœlestem sobolē de terrena vos sustulit seruitute: ecce fides quæ deum locuta est patrem, patrem vobis deum hodie conquisiuit: ecce vox quæ confessa est deum filium, vos dei adoptauit in filios: ecce credulitas quæ deum spiritum proclamauit, de carnis substantia mortali in vitalem spiritus substantiam vos mutauit. Quis pietatis tantę dignus inuenietur assertor? Deus pater homines dignatur hæredes, Deus filius non dedignatur seruos coheredes, Deus spiritus carnem consortem diuinitatis assumit, sit cœlum possessio terrenorum, & inferis additi iurisdictione suscipiuntur in supernis, Apostolo probante, cum dicit, An nescitis quia angelos iudicabimus? *i. Cor. 6.* Vocate ergo deum patrē, vósque & si nondum natos, iam tamen designatos filios esse iam credite, & date operam: quatenus sit vobis cœlestis vita, sint vobis diuini mores, & forma deitatis tota vestra præferatur in forma, quia cœlestis pater respondentes generi filios muneribus ditat diuinis: degenerantes ad pœnalem reuocat seruitutem. *Pater noster qui es in cælis.* Succumberet conscientia seruilis, terrena conditio solueretur, nisi nos ad hunc clamorem ipsius patris auctoritas, ipsis filij spiritus excitaret. Misit, ait, deus spiritum filij sui in corda nostra clamantem Abba pater. Lacescit mens, caro deficit ad diuina, nisi deus quæ fieri iubet, impleat ipse qui iubet. Quando ausa mortalitas deum vocare patrem nisi modo, quando superna virtute

hominis animantur interna? *Pater noster qui es in celis*. Homo quid commune cum terris tibi, qui confiteris tibi genus esse de cælis? Ergo cælestem vitam monstra in habitatione terrena: quia si quid in te gesserit terrena cogitatio cælo, maculam, cælesti generi iniuriam intulisti. *Sanctificetur nomen tuum*. Nos perimus, ut sanctificet nomen suum deus, quod sanctitate sua totam saluat & sanctificat creaturam. Frates hoc nomen est, quod supernæ potestates pauent, quod tremenda suscipiunt seruitute: hoc nomen est, quod mundo perditodat salutem: sed perimus, ut nomen dei actu nostro sanctificetur in nobis: nobis enim bene agentibus benedicatur nomen Dei, nobis malè agentibus blasphematur. Audi Apostolum dicentem, Nomen dei per vos blasphematur in gentibus. Perimus ergo, perimus ut quantum nomen dei sanctum est, tantum nos eius mereamur in nostris mentibus sanctitatem. *Veniat regnum tuum*. Quasi non semper fuerit, ac sit, sic regnum Christi ut veniat nunc rogamus. Et ubi est, illud, Regnum dei intra vos est: Intra nos est fide, sed ut re veniat, supplicamus. Fratres, quandiu diabolus vario nequitiarum genere, multimoda arte fallendi rerum aciem turbat, sensus hominum, morèsque confudit, senit idolis, sacrilegiis furit, fallit auguriis, diuinatione mentitur, signis decipit, illudic astris, spectaculis occupat, obsidet viriis, peccatis vulnerat, criminibus sauciat, desperatione prostermit, Christi regnum prolongat & absentat à nobis. Perimus ergo ut veniat tempus, quo mali tanti auctore pereunte, mundus totus creatura tota, totam solius Christi regnet & triumphet ad gloriam: & fiat quod sequitur, ut sicut in cælo, ita & in terra vna domina sit voluntas. Sit terra cælum, vita deus, tempus æternitas, patria requies, census innocentia, honor immortalitas, furia castitas, deus totum. Addidit, *Panem nostrum quotidianum da nobishodie*. Post paternitatem dei, post diuini nominis sanctitatem, post cæli regnum, quotidianum panem iubemur exposcere. Christus obliuioni non subiacet, Christus mandatis suis contraria non demandat: ipse dixit, Nolite solliciti esse animæ vestræ quid manducetis, aut quid bibatis. Sed quia ipse est panis qui de cælo descendit, qui legis & gratiæ mola aptatus est in farinam, qui crucis confectus est passione, qui magnæ pietatis fermentatus est sacramento, qui cōspersionis lenis leuamentum sustulit de sepulchro, qui ut diuini-

Rom. 2.

Luc. 17.

Mat. 6.
Ioan. 6.

tatis suæ calore coqueretur, ipse clibanum decõxit inferni, qui ad caelestem cibum quotidianus ecclesiæ desertur ad mēsam: qui in remissionem frangitur peccatorum, qui edentes se perpetuam pascit & enutrit ad vitam: hunc panem quotidie nobis dari petimus, donec illo die perpetuo perfruamur. *Et dimitte nobis debita nostra, sicut & nos dimittimus debitoribus nostris.* Homo penes te est potestas veniæ, in te est indulgentiæ ius: tu tibi remissionis auctor es constitutus. Gratis petis veniam, qui tibi in alio indulgere contemnis. Homo tu tibi misericordiæ, factus es ipse mensura: quantum quæris misericordiæ, fac tantum. *Et ne nos inducas in tentationem.* Tentatio est frater, species fallens, quæ prospera in aduersis, aduersa occultat in prosperis, humanamque ignorantiam dolosos educit in lapsus: petimus ergo ne peccatis impellentibus in tentationum foueas incidamus. Inducere autem deus dicitur, currentes ad crimina cum relinquit. *Sed libera nos à malo.* Hic mali malum designat auctorem, hoc est diabolū. Petimus ergo vt munere hoc vno malis omnibus cum mali careamus auctore. *Pater noster qui es in calis.* Nemo cum se filium clamat, manere se nitetur in habitu seruitutis: ad diuinum germen hodie designatus es, non promotus: spem, non rem te nouerit consecutum. Audi Apostolum, Spe salui facti sumus: spes autem quæ videtur non est spes: quod enim videt quis, quid sperat? si autem quod non videmus, speramus: per patientiā expectamus. Hodie adoptionis est dies, hodie promissionis tempus est: audi, crede, expecta, crede creditor tuo, qui tibi credidit debitori, expecta parumper vt veniat, qui te diu sustinuit vt venires: da illi inducias de promisso, qui tibi quicquid erat debiti, iam donauit. Aut quare tu fatigaris spe dei, cum genus omne hominū subsistat spe, fide viuat, Agricola nunquam sereret anhelus, si fructum laboris sui de tempore non speraret: viator laborem prolixi itineris non subiret, nisi se ad destinata crederet peruenire: nauta mare non intraret incertus, si se lucris sequentibus cōpensaturū viarū discrimina non speraret: miles tota iuuentutis tempora nō ageret in periculis, si senectutis honores copiosissimos non speraret: filius paternæ dominationis tempora non daret, si se substantiæ paternæ non speraret hæredem. Et tu si te iam filium Dei credis: iuxta prophetam, Expecta do-

Rom. 8.

Psal. 16.

Ioan. 3.

Coloss. 3.

ut hereditatem dei de expectationis fide: & de virtute patientiæ consequaris. Audi Apostolum, Filii dei sumus, & nondum apparuit quid erimus: scimus quoniam cum apparuerit, similes ei erimus. Et iterum, Vita vestra abscondita est cum Christo in deo: cum autem apparuerit Christus vita vestra, tunc & vos apparebitis cum ipso in gloria. Fratres. beati sunt filii dei, quia & hereditatem rerum omnium possidebunt: & de excessu patris luctus temporum non videbunt.

In eanlem,

Sermo LXXII.

1. Cor. 2.

Esa. 53.

Hier. 4.

Abac. 3.

Quod ego modo cum magno tremore dicturus sum, quod vos estis nunc terribiliter audituri: imò terribiliter vocaturi, stupent angeli, pauescunt virtutes, supernum caelum non capit, sol non videt, terra non sustinet, tota non assequitur creatura. Quid ad hæc mortale pectus? Qui ad hæc mens hominis imbecilla? Quid ad hæc humani sensus angustia? Quid ad hæc humanæ vocis aura? Quid ad istud humana lingua cito tacitura? Hoc Paulus invisibiliter cum vidisset, prodidit non prodendo, dicens, Nec oculus vidit, nec auris audiuit, nec in cor hominis ascendit, quæ præparauit deus diligentibus se. Hoc Isaïas, cum suo mox cœpisset auditu, ad hoc hominum peruenire posse dubitat, vel fidem dicēs, Domine, quis credidit auditui nostro? Hoc Hieremias cum diuino concepisset auditu, partus supernorum sensuum non sustinebat, clamans, Ventrem meum, ventrem meum doleo, & sepsus cordis mei perturbati sunt. Hoc Abacuc diuini spiritus perorabat afflatu, eū dicit, Custodiui, & expauit venter meus à voce orationis labiorum meorum. & intrauit tremor in ossa mea, & subitus me commota est virtus mea. Eleuatus virtute dei sensit suam sub se succubuisse virtutē. Longum est super hoc, sacramentum pauoris prosequi & dinumerare sanctorum: tempus non sinit diu me in hoc timore demorari, cælestis partus impetus non potest tardare nascentium. Dico ergo, & vos in vtero adhuc penetrali voce cōpello, prouida exhortatione præmoneo: ut antequam videatis matrem, vocetis & patrem: antè blandimenta matris, patris tendatis & festinetis ad regnum: antè patris perueniatis ad panem, quàm matris ad vbera pendeatis. Nec in vos quicquam sibi, aut matris necessitas, aut etatis tempora vindicet: sed in vobis totum diuino patri, totum cælesti respōdeat & occurrat auctori, *Pater noster qui es in calis*, Hoc est quod pauebam

pauebam dicere, hoc est quod trepidabam proferre, hoc est quod neque cælestium, neque terrestrium quenquam sinebat seruitutis propriæ conditio suspicari: cæli & terræ, carnis & dei repentè tantum posse prouenire commercium, vt deus in hominem, homo in deum, dominus in seruum, seruus verteretur in filium, fieretque diuinitatis & humanitatis ineffabili modo vna & sempiterna cognatio. Et quidem deitatis erga nos dignatio tanta est, vt scire nequeat quid potissimū mirari debeat creatura: vtrum quod se deus ad nostrā deposuit seruitutem: an quod nos ad suæ diuinitatis rapuit dignitatem. Hinc est homo quod te diuinitus adhortatur, qui tanto nunc tuo amore flammatur: quòd adhuc in vtero voce tua te deus adoptat in filium: quòd te non fieri solum liberū vult ille, sed nasci: quòd ipsam propter te manumittit naturā: ne quem næuum, ne quam maculam imponat ortus pristinae seruitutis. O vos beatos, quibus dominari datum est antè, quàm nasci: antè regnare, quàm viuere antè ad dei patris gloriam peruenire, quàm profapiam propriæ utilitatis agnoscere. Ecclesia fœlix mater, quæ vos tales respicit, quæ cum virgo permaneat, genuisse tales & tantos vos taliter semiratur. Olim parrus iste præcedentibus designabatur exemplis. Hinc est quòd Iacob in vtero matris cū fratre lustratur, præripit & triumphos. Hinc est quòd in vtero Thamar gemini de primatus honore præliantur, retardant partus: nec antè lucem cupiunt videre, quàm vincere. Hinc est quòd Ioannes exultat antè, & antè suo occurrit auctori, genitricis ex vtero quàm procedat. Et si humana pignora sic antè deo militant, quàm nascuntur parentibus, quàm viuunt sæculo: quid mirum si ecclesiæ diuina germina, si deo sua soboles in vtero adhuc quod sit superni germinis iam fatetur? *Pater noster qui es in calis.* Stupor insurgit, Christus de dei patris pectore matrem vocat, & fatetur in terra: & homo de matris vtero patrem vocat, & confitetur in cælis. *Pater noster qui es in calis.* Quo te homo repentè prouexit gratia? quo te rapuit cælestis natura? vt in carne & in terra positus adhuc, & carnem iam nescias, & terram, dicendo, *Pater noster qui es in calis.* Qui ergo se tanti patris filium confitetur, & credit respondeat vita generi, moribus patri: & mente, atque actu asserat, quod cælestem consecutus est per naturam. *Sanctificetur nomen tuum, Cuius utique genus esse cæ-*

Genes. 25.

Gene. 38.

Luc. 1.

pimus, eius utique censemur & nomine: & ideo petimus, ut
 in nobis illius nominis sanctificatio perseveret, honor &
 prerogativa nominis, quod sublimavit sic tanti genitoris
 cellitudo, *Adveniat regnum tuum.* Non illi petimus, cui nun-
 quam defuit regnum: imò qui est ipse regnum, totamque in
 se regni continet potestatem: sed qui nos vult ad promissam
 regni gloriam peruenire, monet nos experere omnibus hoc
 votis in hoc vult nos totis mentibus inhare. Quantum nan-
 que est temerarius qui discurit de genere: ignarus est tantum
 qui non gaudet, estuat, anhelat, cum promissum intendit &
 pertendit ad regnum. *Fiat voluntas tua, sicut in celo & in terra,*
Sicut in celo, sic & in terra: tunc iam totum cælum est, tunc
 agit dei mens vna omnes, tunc in Christo omnes, & in omni-
 bus Christus, quando omnes solius dei sapiunt, & faciunt
 voluntates: tunc omnes vnum, imò vnus omnes, quando dei
 spiritus in omnibus vivit vnus. *Panem nostrum quotidianum da*
nobis hodie. Sicuti in Psalmo, Benedictus dominus de die
 quotidie, ita hîc. *Panem nostrum quotidianum da nobis hodie.* Quo-
 tidianum iugem dicimus iugis panis ille est, qui de cælo de-
 scendit. Ego sum panis, qui de cælo descendit. Perfectio ergo
 beatitudinis est hodie, hoc est in presenti illius panis, illius
 panis iam cibo vivere, cuius perpetuitate, quod est quotidie,
 saginabimur in futurum. *Et dimitte nobis debita nostra, sicut &*
nos dimittimus debitoribus nostris. De supplicantis pectore ve-
 nix fons emanat, & ad veniam refluet: quicquid pietatis exu-
 berat, & effundit in alterum, quando indulget sibi tantum,
 quantum, alteri condonarit. *Et dimitte nobis debita nostra si-*
cut & nos dimittimus debitoribus nostris. Satis potest homo
 misericors, qui cum deo de pietate configit, cum tantum
 sibi dari, quantum dederit, quantum donaverit, tantum desi-
 derat & donari. Homo sit semper in pectore tuo venia, si
 vis crimina non timere. *Et ne nos inducas in tentationem.* Hæc
 interpretatione non indigent, quia tentatio diaboli prævia
 & amara est ministra eius: quandiu verò hoc fragili con-
 tinemur in corpore, necessario precamur, ut in nos nec ten-
 tationi pateat aditus, nec diabolo tribuatur accessus. *Sed li-*
bera nos à malo. Ipse autem dominus deus noster liberet
 nos à malo, & perducatur ad omne bonum: qui vivit &
 regnat deus modo & semper, & per infinita sæcula sæculo-
 rum. Amen.

Psa. 67.

Ioan. 6.

Hodie in festiuitas fratres charissimi nobis vetera non connectit, nec carnes agni seruat in crastinum: sed dum præterita præsentibus solenni deuotione participat, & pascha nostrum pascha redeunte coniungit, nouę regenerationis ablactat infantiam: quia iuxta Apostolum, Vetera trāsierunt: & ecce facta sunt omnia noua. Annus domini perficitur temporibus, non senescit, qui tandiu suo recurrit in circulo, quandiu nos ad diem retributionis adducat. Paschalis hodierna solennitas à lacte quos antè genuit nunc repellit, vt solidioris cibi pastu perfectum Christi roborentur in virum. Fecisse Abrahami epulum magnum, totiusque domus sue lætitiā suscitasse ablactato Isaac, historia diuina referente cognouimus. Et si senectutis soboles, si sterilis vnicus, choris tripudiantibus, ciuthara & tympano, & toto psalterij resonante concentu, vniuersę familię corda traxit, & commouit in gaudium: quanto magis nos in hymnis spiritualibus conuenit exultare, vel canticis, quando virginici germenis ablactatur vniuersa sæcunditas? Anna quoque Sarę constertilis, quę lachrymis orationum suarum tandiu mædificauit ariditatem sui corporis & naturę, quandiu fuerat longo vitę tempore negata posteritas. Samuëlem diuino munere susceptum, ablactatum mox diuinum refundit in munus, & lætitiā suam sacrificiorum victimis ad plenitudinem liberationis accumulauit: multo magis nos oportet laudis immolare sacrificium, vota soluere, suauitatis incensum adolere, & tota holocaustorum pinguedine deo patri victimas immolare, quando virgo mater enutrita & ablactata tot numero pignora: quot stellas cęli, patri toto orbe representat, vt impleatur illud propheticum, Benedices coronam anni benignitatis tuę, & campi tui replebuntur vbertate. Nemo ergo otiosum credat istud festiuitatis nostrę salutare mysterium, nec existimet pannum nouum veteri nos assuere vestimento, vbi nihil Iudaicę vetustatis nouitati coniungimus Christianę: scientes, Apostolo dicente, nonam totam in Christo nobis emeruisse creaturam: sed agnitionem diuinam supernę virtutis euehimus ad profectum, vt dum simul nuper nati quid facere debeant imbuuntur, & antè geniti quantam deo gratiā de perfectione sua debeant, instruuntur, appendantur colo ij qui modo nati sunt; & pietate tota sub ecclesię matris

2. Cor. 5.

Gen. 28.

1. Reg. 1.

Psal. 46.

2. Cor. 5.

Gen. 17.

Rom. I.

Matt. 28.

vberibus occupentur, trahant teneris faucibus innocentia pactum, in opere sancto brachia meditentur extendere, nitantur in cursu fidei tremulo firmare vestigia. Nūquid sic relinquendi sunt iam nutriti, ut non patris cura, patris manu, patris regantur arbitrio? & ita matris consilio, matris fide muniantur, ut non humana solum, sed etiam diuina prudentia percipiant & præcipiant salutaria? Sic Iacob suo nimis timidus, matris consilio satis ausus, patris ut præriperet benedictionem, plus mysticus, quàm dolosus incessit: nam primogenitum se mentitus non est, quia ille primus est, quem cælestis gratia generat, non natura mortalis: ille nos sub hircorum pellibus figurabat, qui ut moriamur peccato hortatu matris ecclesiæ mortificati corporis induimur vestimento & odore agri continuis confessionum fructibus & vbertate redolemus, donec cæcitari Israëlitiçe salutariter illudentes, paternam benedictionem toto fidei præcipiamus arcano: dicente Apostolo, Cæcitas in patre in Israël facta est donec plenitudo gentium introiret.

De resurrectione Christi. Sermo. LXXIIII.

Aliquantulum nos tacere fratres charissimi & vigiliarum labor fecit, & coëgit ieiunii lassitudo: & ideo hodie reddimus de dominica resurrectione sermonem: in qua si diuinum est quod ex virgine nascitur Christus, quantum diuinius est Christus à mortuis quod resurgit? Quod ergo diuinum est humano non accipiat auditu. *Vespera, inquit, sabbathi, quæ lucefcit in prima sabbathi.* Vespera sabbathi, hoc nescit dies sæculi, hoc non habet mundi vsus. Vesper finit, non inchoat diem: tenebre fcit vesper, non lucefcit, non in auroram vertitur, quia lucis ortum ignorat. Vespera mater noctis parturit diem, mutat ordinem, dum agnoscit auctorem: radiat de nouitate mysterium, anhelat creatori seruire non tempori. *Vespera, inquit, sabbathi, quæ lucefcit in prima sabbathi, venit Maria Magdalena & altera Maria videre sepulchrum.* Sero mulier currit ad veniam, quæ maturè cucurrit ad culpam. Vespere quærit Christum, quæ in matutinis Adā se nouerat perdidisse. *Venit Maria & altera Maria videre sepulchrum.* Quæ de paradiso perfidiam sumpterat, festinat fidem sumere de sepulchro: contendit rapere de morte vitam, quæ de vita rapuerat mortem. *Venit Maria.* Hoc nomen matris est Christi: venit ergo mater in nomine, venit

mulier, vt fieret mater viuentium, quæ facta fuerat morientium mater: vt quòd scriptum est, impleretur, *Hæc est mater omnium viuentium. Venit Maria & altera Maria.* Non dixit venerunt, sed venit: sub vno nomine venerunt duæ Gen. 3. mysterio, non casu. *Venit Maria & altera Maria.* Venit ipsa, sed altera: altera, sed ipsa, vt mulier mutaretur vita, nō nomine: virtute, non sexu: & fieret resurrectionis nuncia, quæ internuncia & lapsus extiterat & ruinæ. *Venit Maria videre sepulchrum.* Vt quam deceperat arboris visus, visus repararet sepulchri: & quam prostrauerat illecebrosus aspectus, aspectus salutaris attolleret. *Ecce, inquit, terramotus factus est magnus: Angelus enim domini descendit de celo.* Tremuit terra, non quia angelus descendit de cælo, sed quia ab inferis dominator ascendit. *Ecce terramotus factus est magnus.* Mouetur chaos, dissiliunt ima terrarum, timet terra, montium tremunt pondera, orbis fundamenta quatuntur, corripitur tartarus, sistuntur inferna: addicitur mors, quæ in reos tendens incurrit in iudicem, dominata seruis, exarsit in dominum, sæuiens in homines, profiliuit in deum. Meritò ergo perit lex tartari, remota sunt inferni iura, potestas mortis ablata est, & in pœnâ temeritatis suscitauit mortuos cognitoris iniuria: denique redduntur corpora, redintegratur homo, vitæ reparatur: & cōstat de venia iam totum, quia in auctorem vitæ mox est transgressa sententia. *Ecce terramotus factus est magnus.* Modo terræ motus magnus, O si tunc vel leuis turbo arborem mortiferam deiecisset, O si nebule fumus illius mulieris tenebrasset aspectum, O si terra nubes lethalis pomi speciem caligasset. O si manus tangens inconcessa tremuisset. O si peccati diem tenebrasset nox iniusta, & lamenta mundi, & incrementa mortis, & creatoris iniuriam tunc tulisset: sed vitæ semper seruiant blandimenta, lenocinantur dulcia delictis, virtutibus verò austeræ & fortia sunt amica. *Angelus enim domini descendit de celo.* Resurgente Christo morte pereunte terrenis redditur cælestè cōmerciū: & mulieri cui fuerat cum diabolo lethale consiliū, cum angelo colloquium fit vitale. *Angelus enim domini descendit de celo, & reuoluit lapidem.* Non dixit voluit, sed reuoluit: reuoluit lapidem, qui aduolutus probauit mortem, & reuolutus extitit resurrectionis assertor. Beatus lapis qui Christum & reuelare meruit & velare: Beatus qui nō minus corda aperit, quàm sepulchrum: beatus

qui dat resurrectionis fidem, fideique resurrectionem, qui diuinam carnem resurrexisse testatur. Mutatur hic ordo rerū: mortem, non mortuum deuorat hic sepulchrū, domus mortis manio fit vitalis, vteri noua forma morruum concipit, parit viuum. *Angelus enim domini descendit de celo, & accedens reuoluit lapidem, & sedebat super eum.* Et angelo quæ causa sedendi erat, cui nulla inerat lassitudo? Sed sedebat vt fidei doctor, vt resurrectionis magister: sedebat super petram, vt soliditas sedis daret credentibus firmitatem. Ponebat angelus super petram fundamenta fidei, super quam Christus erat ecclesiam fundaturus, qui dixit, *Tu es Petrus, & super hanc petram ædificabo ecclesiam meam.* *Erat, inquit, aspectus eius sicut fulgur, & vestimenta eius sicut nix.* Ad angeli gloriam non sufficit fulgor, ad ecelestem naturam quid facit vestimentum? Sed splendore tali referebat speciem nostrę resurrectionis & formam: quia resurgentes per Christum Christi mutantur in gloriam. *Præ timore autem exterriti sunt custodes, & facti sunt veluti mortui.* Miseri quos nunc percutit pauor mortis, quando securitas redditur viræ: sed crudelitatis ministri, perfidix executores alienæ fiduciam sumere, quomodo poterāt de supernis? Obsidebāt sepulchrum, resurrectioni ianuas obstruebant, & ne qua posset intrare vita, mors perire, seruabāt: meritò eos angeli perculit & prostrauit aduentus Misera, & sibi semper inimica mortalitas dolet se mori: ne resurgere possit, oppugnat: sepulchrum aperire conuenerat, & ad resurgendum quicquid erat facilitatis asferre, vt esset miraculum de facto, de exemplo spes, de reuerso res, credulitas de videndo. Grandis dementia est hoc, hominem nolle credere, quod sibi desiderat euenire. Hoc de his custodibus hodie dixisse sufficiat: quid autem nostra fides habeat, ne hodie longum sit, post dicemus, præstante domino nostro Iesu Christo, qui viuit & regnat cum patre deus in sæcula sæculorum. Amen.

De eodem, Sermo LXXV.

Quamtum à vobis ego, à me tantum peregrinatus est sermo: sed orate fratres, vt sicut me vobis deus reddidit, ira mihi dignetur reddere, & redonare sermonem, Audistis Euangelistam dicentem, *Vespera, inquit, sabbathi, que lucescit in prima sabbathi.* Quid hic intelligit humanus sensus? quid hic humana sapit sapientia? *Vespera que lucescit. Vesper*

Mat. 16.

Mat. 28.

finit, non inchoat diem, nec lucem parturit, sed tenebras: sed hic elementorum auctor, elementorum vices mutat, ut in resurrectione domini rotum diuinum sentias, nil humanum, Denique resurgente Christo fidelibus lucefcit vesp̄er dies in fidelibus tenebrefcit: Discipulis nox mutatur in diem, Iudæis dies vertitur & mutatur in noctem. Ab hora, inquit, sexta, tenebræ factæ sunt super vniuersam terram vsque ad horā nonam. Ut ipsa quæ tota est meridiana claritas obscuraretur, & illud quod scriptum est, impleretur, Occidet illis sol meridie, occidet illis: id est, Iudæis: nostris autem, Nox sicut dies illuminabitur. Quia vesp̄er, qui in profundam semper caliginem vergit, totam nūc Christi tetendit & crexit in lucem: ac splendore toto tota mortalium pectora ab inferis Christo resurgente compleuit. *Vespera sabbathi.* Quia illuminatur per Christum sabbathum, non deletur. Non enim venit soluere legem, sed adimplere. Illuminatur, ut in die dominico luceat, clarescat in Ecclesia, quod in synagoga Iudæis obscurantibus fuscabatur. *Venit Maria Magdalene, & altera Maria videre sepulchrum.* Præcedunt Apostolos ad miuisterium fœminæ, quæ sexu viros, ordine discipulos quæ sequuntur: sed non hinc faciunt apostolos segiores, quæ non fœminarum formas, sed Ecclesiarum typum deferūt dominicum ad sepulchrum. Maria, & Maria, sic altera, ut ipsa: ipsa ut altera, altera ipsa Maria, Maria mater Christi: vnum nomen duas geminatur in fœminas, quia hic Ecclesia ex duobus populis veniens vna figuratur: ex duobus populis, id est, ex gentibus & Iudæis, quia primi nouissimi, & nouissimi primi. Venit Maria ad sepulchrum, venit ad resurrectionis vterum, venit ad vitæ partum: vterum Christus ex sepulchro nascetur fidei, qui carnis fuerat generatus ex ventre: & cum quem clausa virginitas vitam protulerat ad præsentem, clausum sepulchrum ad vitam redderet sempiternam. Diuinitatis insigne est clausam virginem reliquisse post partum: de sepulchro clauso exisse cum corpore est diuinitatis insigne. Maria & Maria venerunt, ut viderent sepulchrum: vides quia venerunt, non ut dominum cerneret, sed sepulchrum: nec quærebant cum mortuis iam viuentem, quæ dominum iam resurrexisse credebant. *Angelus enim domini descendit de celo, & accedens reuoluit lapidem.* Reuoluit lapidem, non ut egredienti domino præberet aditum, sed ut dominum mundo iam re-

Luc. 23.

Amos 8.
Psal. 138.

Mat. 5.

Mat. 10.

surrexisse monstraret: conseruis ad credendum daret fidem; non ad resurgendum domino præstaret auxilium. *Reuoluit lapidem.* Reuoluitur ad fidem, qui ad perfidiam fuerat aduolutus. *Reuoluit lapidem.* Vt idem esset vitæ titulus, qui acceperat mortis tenere custodem. Orate fratres, vt nunc descendat angelus, & totam duritiem nostri cordis euoluat: aperiat sensuum clausa nostrorū, surrexisse Christum nostris etiā testetur ex mentibus: quia sicut illud cor cælum est, in quo viuit & regnat Christus: ita illud pectus sepulchrum, in quo Christus adhuc habetur mortuus & sepultus, Christi mors sicut fuisse, ita pertransisse credatur: Christus homo passus, mortuus & sepultus fuit: est, viuit, regnat, manet, permanet

2. Cor. 5.

Rom. 6.

Deus. Audi Apostolum dicentem, Et si nouimus Christum secundum carnem: sed iam nunc non nouimus. Et, *Quod mortuus est peccato, semel mortuus est: quod autem viuit, viuit Deo: hoc est, viuit Deus.* Et *accedens reuoluit lapidem, & sedebat super eum.* Sedebat ad docendam resurrectionem, non ad lassitudinem subleuandam. Cælestis natura ignorat lassitudinem, nescit laborem: sed factus est lapis vas angelicæ celsionis, doctrinæ cælestis cathedra, schola vitæ, quia Iudæis ad mortis ianuam, ad cineris seruitium, ad triste silentium fuerat constitutus. *Erat, inquit, aspectus eius sicut fulgur, vestimenta autem eius sicut nix.* Vultus claritas à vestium candore separatur, & facies fulguri, niui vestis angeli comparatur, quia fulgur de cælo, nix de terra. Audi prophetam dicentem, Laudate dominum de terra igois, grando, nix. In facie ergo angeli claritas cælestis seruat naturæ: in veste verò figuratur gratia communionis humanæ, & temperatur species angeli colloquentis, vt carnales oculi, & vestium ferant placidam claritatem, & ex fulgore vultus nuncium sui tremere, & reuereretur auctoris. *Pro timore autem eius exterriti sunt custodes.* Quare territi? quia custodiebant crudelitatis studio, non pietatis obsequio. Ruit, destruitur, stare non potest, quem conscientia destituit, impellit reatus. Hinc est quod angelus perterret impios, pios alloquitur & solatur. *Nolite timere vos.* Hoc est, illi timeant: quærentes non timeant, timeant persequentes. *Nolite timere vos, scio enim quod Iesum qui crucifixus est quaeritis: non est hic.* Hoc est, ego veni, vt instruerem vos, non vt illum eximerem, qui & rerum factor est, & sui est suscitator. *Non est hic: surrexit*

Esa. 148.

enim sicut dixit. Vides quia venit angelus, vt factis assereret seruus, quæ dominus prædixerat verbis: & doceret moriendi & viuendi penes illum potestatem fuisse, qui antè suam mortem prædixerat resurrectionem: nam vtique qui scire potuit, potuit & cauere: sed quia vincere potuit, declinare cōtempnit, qui resurgentis gloria sepeliuit morientis iniuriam, De sequentibus fratres, sequenti sermone tractabimus, quia protrahere nos & dilatare sermonem adhuc recens itineris prohibuit lassitudo.

De eadem, deque secunda Christi manifestatione facta mulieribus, à monumento regredientibus.

Sermo LXXVI.

SVperiore sermone Mariam, & alteram Mariam Ecclesie ex duobus populis venientis figuram diximus habuisse: hoc ex sequentibus hodie cupimus approbare, si modo nobis vester benignus præbeat auditus. *Respondens, inquit, Mat. 28. angelus dixit, Nolite timere vos, scio enim quia Iesum qui crucifixus est queritis: non est hic, surrexit enim sicut dixit. Venite, videte locum ubi positus erat dominus.* Angelus prædicat nomen, crucem dicit, loquitur passionem, fatetur mortem, sed resurrectionem mox, mox dominum confitetur. Et si angelus post tanta supplicia, post sepulchrum agnoscit dominum, suam loquitur seruitutem, & iniuriam passionis totam transisse sentit resurrectionis in gloriam: cui homo aut minoratum Deū in carne iudicat, aut in passione existimat eius defecisse virtutem, aut consumptam dominationem credit seruitute digna? Dicit crucifixum, ostendit locum, ubi positus erat dominus, ne alter, & non ipse idem surrexisse crederetur ex mortuis. Et si dominus eadem redit in carne, vulnera reportat, ipsa clauorum foramina resumit, & ipsa facit testimonia sui corporis, suæ resurrectionis indicia, quæ suæ fuerant contumelia passionis: quare homo se in alia putat, aut in sua nō putat carne rediturum, aut carnem seruus forte dedignatur suam, cum nostram dominus non mutarit? Acquiesce homo ipsum te futurū esse in carne tua, ne tu ipse nō sis, si in carne surrexeris aliena. Adiecit angelus, dicens, *Et cito euntes dicite discipulis, quia surrexit, & præcedet vos in Galileam: ibi eum videbitis.* Angelus hic non fœminas, sed Ecclesiam duabus in fœminis mittit, vnā misit, vt eam mittendo sic lōge, latēque diffun-

dat: Angelus hic sponsam mittit ad sponsum: denique euntibus illis occurrit dominus, & salutat eas dicens, *Auete*. Occurrit, & non potestate terret, sed præuenit charitatis ardore: non auctoritate turbat, sed salutat lege sponsi: non dominum. tisi iure onerat, sed honorat dilectione consortis, salutat, *Auete*.

Luc. 10. Dixerat discipulis suis ipse, Neminem salutaueritis in via, & quid est quod hic in via tam festiuus salutat, occurrit, non expectat cognosci, intelligi non requirit, non ut intetrogetur admittit, sed in salutationem vadit totus, vadit seruus, & suū soluit ipse salutatione mandatum? Fecit, fecit, quia totū vincit, & exuperat vis amoris: simul, quia Christus in Ecclesia se salutat, quam suam fecit esse: & sic viscera sua suum sic recipit in corpus: dicente Apostolo, Et ipse est caput corporis Ecclesie. In istis vero fœminis Ecclesie figuram manere plenā res ipsa ostendit euidenter, quia discipulos suos Christus de resurrectione nutantes arguit, trepidantes firmat, ostensione lateris, clauorū cauernis, sumptione cibi, vis reuocat ad fidē. Vnde & merito in fide paruulos sic pueros appellat, dicēdo.

Ioan. 11. Pueri nunquid habetis pulmentarium? ipsamque aibi Mariā

Ioan. 20. fientem quasi de mortuo, mulierem vocat: atque tangendi se licentiam negat: istas autem sic perfectas inuenit, sic credētes, sic non de sexu trepidantes, sed mysterio currentes, sic dominum toto fidei ardore requirentes, ut habendum se tradat eis salutatione tali, dicens, *Auete*. Angelus dixerat, Scio enim, quia Iesum crucifixum quaeritis: & requirentibus Christus, auete, respondit: alibi autem Mariæ nec tangendi datur facultas: hic non solum tangendi, sed & tenendi copia tota conceditur. *Illæ autem, inquit, accesserunt, & tenuerunt pedes eius.* Istæ tenent pedes Christi, quæ in Ecclesia typum Euangelicę prædicationis tenent, & mere ntur ex cursu: ac sic fide tãgūt sui vestigia saluatoris, ut ad totius deitatis pertingant gloriam, perueniant ad honorem, illa autem merito audit: Noli me tangere: quæ in terris desiet dominum, & sic in sepulchro quaerit mortuum, ut eum in cælis nesciat regnare cum patre. Noli me tãgere, id est, obsequi tactu carnis, quem fidei tactu deberet attingere: nec quasi hominem tantū tangere tu præsumas in terra, quem Deum nondum sapis in cælestibus adorare: fœminea cura desinat, muliebris sollicitudo desistat, vitilis credulitas tuam cōscendat in mentem, ascensum meū cordis tui capiat lātītudo, ut in cælestibus æterna tactus meī

*Ioan. 10.**Ioan. 20.*

beatitudine perfruaris. Iuxta illud prophetæ. Beatus vir, cuius est abs te domine: ascensus in corde eius disposuit. In terra non tangit Christum, qui fide in cælo non conscendit ad Christum. Quod ergo eadem Maria nunc in fidei vertice constituta, nunc in Ecclesiæ sublimata fastigio, & tangit Christum, & tenet toto sanctitatis affectu, nunc imbecillitate carnis, & scæminea infirmitate deiecta dubitat, & tactum sui non meretur authoris, non facit quæstionem: siquidem illud de figura est, hoc de sexu: illud est de diuina gratia, hoc de humana natura: quia nos idem ipsi cum diuina scimus, Dei munus est cum humano sapimus, cæcamur ex nobis. Sic beatus Petrus Christum, dum Dei filium confiteretur, patre releuante cognoscere: cum negat Christum, carnis sentit & patitur cæcitate. Inter hæc Iudæi crimina, aut male emunt sua, aut distrahunt peius aliena, dum peccata taxant precio, dum pecunia pensant & compensant delicta. dum in sceleribus suis fundunt, quod toto scelere cōgregauerunt. Sic Iudam comparant traditorem domini sui, & precio redemptoris mundi sanguinem pensant: sic aperti sepulchri fidem claudunt saeculo, ut negandæ resurrectionis crimen nummis criminam mercarentur. Pecuniam, inquit, copiosam dederunt militibus, dicentes. Dicite, quia discipuli eius uenerunt nocte, & furati sunt eum, nobis dormientibus: & si hoc præses audierit, nos suadebimus ei: & securos vos faciemus. At isti accepta pecunia, fecerunt sicut erant edocti: & diffamatum est verbum istud apud Iudeos usque in hodiernum diem. Apud Iudeos, nunquid apud Christianos? Iudæe, quod tu in Iudæa obscurabas auro, fide toto claruit & eluxit in mundo: Discipuli receperunt, non furati sunt Christum: tu perfidiam comparasti, sed non furatus es veritatem: Iudæe resurrexit Christus, tu pecuniam perdidisti. Sanguis eius super nos, & super filios nostros. Iudæe Christus uiuit: tu, & te, & tuos posteros occidisti.

Mat. 16.

Mat. 27.

De resurrectione Christi.

Sermo

L X X V I I .

Plenum satis & perfectæ deuotionis indicium, quod tempore passionis tota creatori suo cōpatitur creatura. Quæ caro terra tremante non tremuit, quæ mēs non torpuit, quod ingenium nō defecit cū sol ante tempus occidit, lux refugit? Denique fratres & nostra occubuerunt tunc viscera, sensus est commortuus, sermo noster suo est consepultus authori, ut eius totam nūc suscitaretur ad gloriā. Ista extitit silentii mei

causa: ista debiti mei deuota dilatio fuit. Nec mirum fratres, si prouidè sermo meus toto affectionis obsequio ad inferos etiam suum securus est largitorem: quia sine ipso vobis talibus, ac tantis creditoribus quod redderem non habebā: quod si cupidus aliquis, & audax exactor de solutionis tarditate cōqueritur, calumniam temporis nobis desistat inferre, quia diues dominus meus multiplicem sc̃noris ipsius auget & repensat vsuram. Absoluat ergo nos iam Euangelicæ largæ lectionis humanitas, quos officii necessitas hoc tantum deduxit, & addixit ad debitum. *Vespera, inquit, sabbathi quæ lucefcit in prima sabbathi.* In domino resurgente non humanæ solum conuersum est ius naturæ, sed etiam ipse creaturæ ordo insigniter est mutatus. *Vespera sabbathi quæ lucefcit.* Ecce, domino resurgente, non tenebre scit vespera, sed lucefcit: & fit lucis exordium, quod principium noctis esse consueuerat. *Vespera sabbathi quæ lucefcit in prima sabbathi.* Sicut mortalitas in immortalitatem, corruptio in incorruptionem, caro in deum: ita tenebræ transferantur in lucem: vt se nox ipsa taliter nō periiſſe gaudeat: sed esse mutatā, quæ obſcuritate magis, quā tempore sic defecit: quæ interualla, quæ vicem suæ foelicius perdidit seruitutis, vt in perpetuæ lucis profluere & erūperet libertatem, dicente propheta, Et nox illuminatio mea in deliciis meis. *Vespera quæ lucefcit in prima sabbathi.* Sabbathum secundarium se lætatur effectum, quod iussione legis torpebat in otio, & per diei dominici primatū in diuinæ virtutis opera mirabiliter excitatur, quod Iudaicæ obseruationis inertia à virtute salutari reddebat extraneum, dicēte domino, Non licet sabbathis ægris curam, afflictiſ opem, cæcis viſum, vitam mortuis condonare? & interpretando taliter à deo diem sabbathi sanctę legis studiis deputatum, miseræ tantum ventris adduxerat seruituti. *Vespera sabbathi quæ lucefcit in prima sabbathi, venit Maria Magdalene, & altera Maria.* Vna venit nomine, quæ nunc alia legitur in diuersa persona. *Venit Maria, & alia Maria.* Quo & vnā in duabus nominis vnitas figuraret: & mutatam tēminam diuersitas panderet personarum: venit enim, non venerunt: & cum dicit alia, in veraque eandem mystico designat affatu, vt aliam venisse ante fidem, aliam post fidem redituram esse mōstraret. Venit mulier, sed redit Maria: venit quæ intulit mortem, redit quæ genuit vitam: venit Adam quæ deduxit ad inferos, redit quæ ab

Matt. 28.

Psal. 138.

Luc. 6.

inferis Christum recepit. *Venit Maria, & alia Maria. Quare? Videre sepulchrum, & non Christum querere: tantum videre sepulchrum, reatus sui titulum, facinoris sui triste documentum, suę cū diabolo præsumptionis, sui questus færale commercium, vt inæde recuperaret fidem, vnde perpetuū suę præuaricationis sustinebat opprobrium. Et ecce terramotus factus est magnus. Si sic terra tremuit, cum suorum dominus resurgit ad veniam, quemadmodum contremiscet, cum noxiorum confurgat ad pœnam? dicente propheta, Terra tremuit, & quieuit, cum resurgeret in iudicium deus. Et quę cōserui, hoc est angeli, præsentiam sustinere non valuit, quemadmodum deum iudicem sustinebit? Ecce hisdem lineis quibus petierat salus humana, reparatur. Prima ad perfidiam mulier, prima procuratur ad fidem: prima currit ad interemptorē mortis, quæ prima cucurrerat ad mortis authorem: prima audit ab angelo, quæ prima cum diabolo fuerat collocuta. Angelus domini descendit de celo, & accedens reuoluit lapidem, & sedebat super eum. Non vt conferret resurrectionem tali operatione, sed vt proderet, dicēte domino, Potestatem habeo ponendi animam meam: & potestatem habeo iterum sumendi eam. Nobis clausa aperit, nobis occulta reseat, nec authorem suum qui iam non erat in sepulchro educit ad lucem, sed conseruos suos qui positi erant in dubitationis obscuro ad fidem resurrectionis adducit, ipso attestante cū dicit, Non est hic, surrexit: Reuoluit lapidem, & sedebat super eum. Quare non voluit, sed reuoluit? Vt quem perfidia Phariseorum ad offensam voluerat, & scandalum, angelus ad fidem reuolueret, & salutem, dicente propheta, Ecce pono in Sion lapidem offensio-*

Esa. 8.
Et 28.
Rom. 9.
Deut. 28.

nis, & petram scandali. Reuoluitur ergo lapis, vt euolueret mortem, qui vitam clauserat aduolutus, dicēte scriptura, Videbitis vitam vestram pendentem coram oculis vestris, & nō credetis. Et sedebat super eum. Non lassitudinem recreans, sed sacri & vitalis sepulchri se esse præsidem sic demonstrans: & destructā esse mortem cēlestis minister officii tali sessionis suæ declarabat indicio: & esse deum qui passus est, deum qui intra nostri corporis est receptus angustias, deū quem habitu superno sic residens testabatur assertor: & quid plura fratres? sedet, quia ab illo tam venerabili sepulchro nunquam angelus recedit. *Præ timore autem eius exterriti sunt custodes: & facti sunt sicut mortui, Quos prostermit terror noxiōs, ad con-*

scios mox recurrit. Sic, sic innocui cum resurgent, terror, & mors iniustos, & impios possidebit. *Erat autem aspectus eius, sicut fulgur, & vestimenta eius sicut nix.* Quid facit vestis ubi nulla est nuditas? quid indumentum ubi regendi necessitas non habetur? Sed angelus fratres, nostrum habitum, nostram formam, nostram similitudinem, in resurrectione taliter præfigurat, ubi homo ipsa corporis sui claritate restituitur, dicente domino, Tūc iusti fulgebūt sicut sol in regno patris eorū. Respondens autem angelus dixit mulieribus, Nolite timere vos: scio enim quod Iesum, qui crucifixus est, queritis. Adhuc crucifixum & mortuum requirebant: quarum fidem sæua passionis procella turbauerat, & tērationis eas ita pōdus incuruauerat, ut cēli dominum adhuc quærerent in sepulchro. *Non est hic.* Secundum id quod in loco extitit: hic est autem, per hoc quod ubique est, & loci capacitate non clauditur. *Venite, videte locum ubi positus erat dominus.* Mulieres vocat angelus ad videndum, ut sacri corporis locus mundaret oculos, quos diabolo claudēte veritæ arboris macularat aspectus. Ingrediuntur sepulchrū, ut consēpultæ domino totam fidei resurgerent in salutem: Si complanati sumus similitudini mortis eius, simul & resurrectionis erimus. *Euntes dicite discipulis eius.* Reuertere ad virū mulier iam sanata, & suade fidē, quæ perfidiam suasisti: refer homini dominicæ resurrectionis indicium, cui ante tentationis & ruinæ consilium detulisti.

De septima Christi manifestatione facta discipulis ad mare Tiberiadis.

LXXVIIII.

Post illam terris inexpertem, tremendam cælis, inauditā sæculis, inferis non ferēdam tempestatē dominicæ passionis, venit ad mare dominus & discipulos suos nocturnis in tenebris reperit fluctuantes: fugiēte enim sole qui de splendore lunati, quid de stellis ad noctis potuit solatium remanere? Erat enim vna terra, & confusa caligo, quæ non solum visum corporis, sed ipsum mentis cæcabat obtutum: nec sinebat litus fidei, portum salutis petere, vel repetere nauigātes. *Manē, inquit, euangelista, iam factō, stetit Iesus in litore: non tamen cognouerūt discipuli quia Iesus est.* Creatoris iniuriam tota fugerat creatura: necem domini sui mundus cuitare contendit: sciens ad totam domum vindictam pertendere, in qua fuerit feruorum scelere dominator occisus. Hinc est, quod suis se deserentibus fundamentis terra tremit: Sol ne videret, au-

Matt. 13.

Rom. 6.

Ioh. 21.

fugit: dies ne interesset, abscellit: petra, quia non valebant discedere per naturam, nouum scinduntur per vulnus: facinus tantum sono, quia voce non poterant accusantes: infernus ubi ad se penetrare ipsum iudicem vidit, victus, & ciulās quos tenebat amisit: hinc est, quod redditæ corporibus suis animæ resurrecturos mortuos, quos mundus putauerat deperiisse, viuētibz nunciarunt. Ergo taliter cum mundi compago tota confuso ordine fluctuaret, & ad primordiales tenebras, atque antiquū chaos crederet se authoris sui morte deuoluram, subito resurrectionis suæ lumine dominus diem reducit, & orbem totū pristinum reformat in corpus, vt quē sibi taliter viderat esse compassum, suam secum suscitaret ad gloriam, dicente euangelista, *Mane iam factō*. Id est, transacta nocte dominicæ passionis, *Stetit Iesus in litore*. Vt in antiquum terminum reuocaret vniuersa, firmaret dubia, iactata compesceret, turbata componeret, & statione sua ipsa fundamenta orbis, quæ sic commota fuerant, stabiliret, quo mox mundus ad sui recurreret authoris obsequium, qui ad sui diffugerat authoris iniuriam. *Mane autem factō stetit Iesus in litore*. Vt ecclesiam præcipuē, in qua discipuli amaris tunc fluctibus iactabatur, ad fidem fidei suæ reduceret stationem: denique quia eos fidei virtute repererat destitutos, & à virili robore inuenerat perdeiectos, arguit tales pueros nuucupando, cum dicit, *Pueri, nunquid pulmentarium habetis?* Ibi enim erat Petrus, qui negauerat: Thomas, qui dubitauerat: Ioannes, qui fugerat: non ergo vt fortissimos milites, sed pueros compellit vt timidos: & quos idoneos necdum deprehendit ad præliū, vt teneros inuitat ad mensam, dicendo, *Pueri, nunquid habetis pulmentarium?* Vt humanitas ad gratiam, panis ad fiduciam, pulmentum reuocaret ad fidem: corpus enim resurrectisse non crederent, nisi cum toto hominis ordine cernerēt manducantem. Hinc est quod petit escas saturitas tota rerum, panis ipse manducat, quia non ille cibum, sed suorum semper esurit charitatem, *Pueri, nunquid habetis pulmentarium? responderunt ei, non*. Et quid habebant, qui Christum iam secum positum non habebant, qui coram stantem dominum suis adhuc oculis non videbant. *Non enim cognouerunt discipuli quod Iesus est. Dicit eis, mittite in dexteram partem nauis rete, & inuenietis*. Reuocat ad dexteram, quos turbo passionis egerat, & redegerat ad sinistram, *Miserunt, inquit, & non poterant illad*

Matt. 26.

Ioh. 20.

Mar. 14.

trahere à multitudine piscium. Miserant in dexteram, miserant in virilem partem, sed ut pueri adhuc trahere nō valebant: senserunt tamen ex ipso pondere, senserunt pisces venisse ad iubentis imperium, non humanę artis incurrisse capturam. Discipulus autem ille, qui diligebatur ab Iesu, ait, dominus est. Primus qui diligitur videt quia semper amoris oculus acutius intuetur, & semper viuacius qui diligitur sentit. Petrus ut audiuit. Quę res illam Petri sic tardauerat mentem, ut ab alio audiret dominum, qui cæteris consueuerat nunciare? Vbi est illud ipsius singulare. Tu es Christus filius dei viui, vbi est? In domo aufugerat Caiphę principis Iudæorum, tardius suum dominum videbat, qui vocem facillè ancillę susurrātis audiuit. Ut audiuit, inquit, quia dominus est, tunica se præcinxit, erat enim nudus. Mirum fratres, cum comprehenderetur dominus, Ioannes abiicit sindonē, & Petrus inuentus est nudus, quia Ioānem texit fuga: Petrum negatio sic nudauit. Mirum fratres, & vere mirū, quia qui in navi nudatus est, in mare se demergit indutus: quia innocentia nūquam nuda est: & reatus semper refugit ad velamen: denique sicut Adam, ita & nunc Petrus post culpam suam gestit tegere nuditatem, qui fuerant ambo utique ante culpam sancta nuditate vestiti. Tunica se præcinxit: & misit se in mare. Ut mare dilueret, quod negatio taliter sordidauerat. Misit se in mare. Ut esset primus in reditu, qui acceperat in ordine principatum. Et tunica se præcinxit. Qui præcingendus erat martyrii passione, dicente domino, Alius te præcinget, & ducet quod tu non vis. Alij autem discipuli nauigio venerunt, non enim longè erant à terra, sed quasi cubitis ducentis, trahentes rete piscium. Alij nauigio petueniunt, & capturam piscium trahunt, ut ecclesiam sæculi iactatam procellis, & eos quos euangelico reti ad supernam lucem rapiunt, & eleuant de profundo, ad dominum secum fideli labore perducant. Non, inquit, longè erant à terra. Non erant longè à terra viuentium, quos præsentium finis proximos esse fecerat iam futuris. Sed quasi cubitis ducentis. Ex Iudæis & gentibus centenariū numerum duplicat, qui duorum vitam, salutemque iungit populorum. Reliquam partem lectionis sequenti sermone, domino iuuante tractabimus.

De resurrectione Christi. Sermo LXXIX.

QVoniam Matthęi & Marci super dominicam resurrectionē iam cucurrimus lectiones, modo quid hinc in-
tonuerit

toauerit Lucas beatissimus, exquiramus. *Vna, inquit, sabbathi* Luc. 24.
valde diluculo venerunt ad monumentum mulieres portantes quæ pa-
rauerunt aromata. Sæpe diximus quæ circa resurrectionem
 Christi gesta sunt, gesta esse resurrectionis nostræ in formâ,
 hinc est quòd euangelistæ sermone plus mystico, quàm no-
 uo factorum Christi seriem proloquuntur. *Vna, inquit, sabba-*
thi. Bene vna, quia resurrectionis dies alteram nescit: lucis
 æternæ mater noctis tempus ignorat, perpetuus dies perpe-
 tuò illucescit, resurgentium lux moti nō potest, lux quæ no-
 ctem delet, nescit extingui. *Venerunt, inquit, ad monumentum por-*
tantes quæ paraauerant aromata: & inuenerunt lapidem reuolutum à
monumento: & intrantes non inuenerunt corpus domini Iesu. Quid
 est, quòd quæ antè de monumento fugerant, nunc audaces
 redeunt ad sepulchrum, intrepidæ pauidum redeunt ad fu-
 nus, sepulchri tristitiam confidenter inuadunt, & non inue-
 nientes dominum, constanter quærunt, constantius immo-
 rantur: nec illud pauescunt, quòd monumento nox addita,
 dum tenebras generat, addit timorem? Fratres, mulier mali
 causa, peccati author, via mortis, sepulchri titulus, inferni ia-
 nua, lamenti necessitas tota, ob hoc nascuntur lachrymis, mā-
 cipantur mærotibus, gemitibus addicuntur, & in lamentis
 tantum fortes sunt, quantum viribus inveniuntur infirmæ: &
 quantum imparatæ sunt ad labores, tantum ad lachrymas
 sunt paratæ: hinc est quòd lachrymis arma viuunt, regna
 fletibus inclinant, lamentis totam sortitudinem virorū fran-
 gunt. Non est ergo mirum, si ad lachrymas, ad funus, ad se-
 pulchrum, ad obsequium dominici corporis formiæ arden-
 tiores apostolis hic videntur, vbi mulier prima currit ad la-
 chrymas, quæ prima cucurrit ad lapsum: præcedit ad sepul-
 chrum, quæ præcessit ad mortē: fit resurrectionis nuncia, quæ
 fuit mortis interpret: & quæ viro porrexerat interitus tantū
 nuncium, viris ipsa porrigit magnæ salutis auditum: vt com-
 penset fidei nūcio, quòd perfidiæ ademit auditu. Non est hic
 præposterus ordo, sed mysticus: non postponuntur apostoli
 fœminis, sed ad maiora seruantur: fœminæ obsequium Chri-
 sti suscipiunt, apostoli Christi suscipiunt passiones: illæ por-
 tant aromata, isti flagella: illæ intrant sepulchrum, isti carce-
 rem: illæ ad obsequium festinant, isti peruolant ad catenas:
 infundunt illæ oleum, isti sanguinem fundunt: mortem stu-
 pent illæ, suscipiunt hi mortes: & quid multa? residēt illæ de-

mi, ad acies isti tendunt, vt deuoti milites probent aduersis fidem, virtutem laboribus, iniuriis patientiam, periculis mortem, vulneribus tolerantiā, deuotionem pœnis, viscerum laceratione constantiam: mulieres ergo ferunt pro Christo lachrymas: apostoli diabolo superato, & victis hostibus, Christo & victoriam referunt, & triumphum. Verum quod apostoli resurrexisse dominum mulieribus nunciantibus, aut nō credidisse, aut deliramētum iudicasse referuntur, grauitèr nemo arguat: altè dubitat, qui altius credit: decipi non potest, qui non est facilis auditor: ignauus nimis est, qui post exemplum inuenitur incautus, rudis miles ad aciem concurrit, qui causam belli nescit, vim bellatoris ignorat: peritia est, nō est segnities, cum sensim miles veteranus incedit. Sic Adam nouus cito cecidit, dum cito credidit: & dum facile dat aures ad mulieris auditum, se suōsque posteros pessimo addixit inimico: at veteranus Petrus fœminam non facilè audit, fœminis nunciantibus credit tarde, & vt veteranus deliberat, ne vt puer incurrat: denique vbi duo ex discipulis, qui post resurrectionem Christū meruerūt itineris habere collegam, reuersi nunciabant dominum se vidisse: apostoli quod audiunt non delirum iudicant, sed virile, dant aures, ora figunt, aperiunt oculos, corda pandunt, & quæ dicuntur sic commendant sensibus, vt post cunctationis æstus sitienter bibāt auditum fidei de flumine, quod collegarum lingua fundebat. Sicut ardorē sitis frigida pocula restinguunt & refrigerant: ita mentis auditus lætior fit post mororem. Fratres, quis causas capere dominicæ natiuitatis potest? Dominicæ resurrectionis negocium existimare quis meretur? Ista cogitare, capere, estimare, nisi qui ab ipso deo acceperit, non valebit: quod creator rerū fœmineo creatur partu, quod mundi dominus in seruitute videtur humana, quod pastor omnium pastu indiget, reis quod addicitur qui absoluit vniuersos, quod punitur vita sæculi, quod mortuorum moritur suscitator, quod claudens omnia sepulchro clauditur, quod supernorum dominus apud inferos inuenitur: qui ergo ista capere potest, apostolorum cunctationes, trepidationes, timores, fugas, latebras profunde iudicans non miratur. Ergo frâtres, quod apostoli dubitâr, quod ista tam tarde tanta credulitate suscipiunt, nō miremur nos qui hucusque non credimus: sed oremus, vt de his tātum sentire mereamur, quātum dederit ille, qui diuinā hominem

Luc. 24.

Gen. 3.

sentire largitur. Quod remansit de serie lectionis, deo iuuantem, proximo sermone perscrutabimur.

De Christi resurrectione, & secunda manifestatione facta mulieribus, à monumento regredientibus.

Sermo LXXX.

Sermone proximo, quia primam patrem perstrinximus lectionis, hodie quæ sunt in sequentibus audiamus. Respondens, inquit, angelus dixit mulieribus, nolite timere vos, scio enim quia Iesum, qui crucifixus est, queritis, non est hic: surrexit enim sicut dixit, venite, videte locum ubi positus erat dominus. Putasne Petri, Ioannis, discipulorum omnium absentia vritur, castigatur ignavia, quod resurgenti Christo mulieres primæ solæ perugiles ardentem occurrant, ipsa etiam virilis portio sic notatur, ut ad resurrectionis gloriam muliebris præcurrat infirmitas? Absit fratres, est istud causa, non casus: mysterium, non euentus: ordo, non culpa: nam mulier hic virum sequitur, non præcedit: ubi vir resurgit in Christo. Sentias ergo Petrum non mulieribus cecidisse, sed Christo: non ancillæ, sed domino: sacramento, non somno: ordini, non timori: denique iam vir erat in Christo, quando ad mulieres angelus venit, ut quantum præcellit deus angelum, tantum vir mulierem præcederet in honore. *Nolite timere vos.* Quia bonos amor possidet, malos pavor: & impios timor terret, pios solatur affectio. *Nolite timere vos.* Hoc est dicere, timeat Iudæus, qui tradidit: Pilatus, qui addixit: qui illudit, miles: quæ crucifixit, impietas: crudelitas, amara pocula quæ propinauit: sæuitia, quæ obsedit sepulchrum: perfidia, quæ emit mēdacium: fides, quæ vendidit inhumanitas: quæ dominum suum resurrexisse dolet, non dolet occidisse: vos autem gaudere cōuenit, non timere: quia resurrexit quem quærebatis mortuū, viuit quem lugebatis occisum. Scio enim, quia Iesum, qui crucifixus est, queritis. Hoc est, quid queritis viuentem cū mortuis? vitam quid queritis in sepulchro? Ite potius ad occursum viuentis: & iam nolite concurrere ad morientis obsequium. Scio quia Iesum, qui crucifixus est, queritis: non est hic. Sic dixit angelus, qui aperuit ob hoc sepulchrum, non ut inde exiret Christus, qui ibi iam non erat, sed ut ibi Christum iam non esse monstraret. *Surrexit sicut dixit.* Gemina virtus est, & redire à mortuis, & futura præscire. *Venite, videte locum, ubi positus erat dominus.* Venite mulieres, venite, videte ubi Adam

posuistis vos: ubi sepelistis hominem: ubi virum vestro consilio contrulistis, per quod fecistis pro seruis ipsis dominum sic iacere: & intelligit erga vos tantam magnitudinem veniæ, quanta fuit domino iniuriæ magnitudo. *Venite, videte locum, ubi positus erat dominus.* Virtus angelica esse dominum qui crucifixus est, confitetur: & infirmitas humana discit, utrum sit dominus qui resurgit? Christus sic humanas suscepit passiones, ut totum quod diuinitatis est non amittat. *Et euntes cito, dicite discipulis eius, quia surrexit: & ecce precedet vos in Galileam: ibi eum videbitis.* Neque hic mulieribus apostoli postponuntur, sed mulier absoluitur à reatu, dum portat vitæ, portat resurrectionis auditum, quæ auditum mortis portauerat, & ruinæ: *Et exeuntes, inquit, cito de monumento cum timore, & gaudio magno.* Mulieres intrant sepulchrum, ut fierent sepulchræ participes, sociæ passionis: exeunt de sepulchro, ut ante fide surgerent, quàm resurgerent carne. *Exeuntes cum timore, & gaudio magno.* Et ubi est, nolite timere. Quia timor nō ablatus est, sed mutatus: timor abscefferat de reatu, sed de seruitio manebat: malus timor culpæ, bonus reuerentiæ timor: Adam datum perdiderant, ne perderent ipsum redditum pertimescebant. *Cum timore, & gaudio magno.* Scriptum est, *Seruite domino cum timore: & exultate ei cum tremore. Cum timore, & gaudio magno.* Quia timor domini sanctus permanet in sæculum sæculi. In sanctitate ergo manet, qui dei permanet in timore. *Currebant nunciare discipulis eius: & ecce occurrit eis Iesus, dicens, Aue.* Fideliter currentibus occurrit Christus, ut quod fide crediderant, agnoscerent visu: & firmaret præsentia, quas adhuc trepidas habebat auditus. *Occurrit eis Iesus, dicens, Aue.* Occurrit ut dominus, salutat ut pater: affectu animat, seruat timore: salutat, ut per amorem seruiant, non fugiant per timorem. *At illæ accesserunt, & tenuerunt pedes eius.* Haberi se voluit, qui passus est se teneri. *Accesserunt, & tenuerunt pedes eius,* Ut scirent in capite Christi virum esse, se esse in pedibus Christi: & datum sibi virum sequi, non præire per Christum. *Dicit eis, nolite timere.* Quod dixerat angelus, dicit & dominus: ut quas firmauerat angelus, Christus redderet firmiores. *Sedite, dicite fratribus meis, ut eant in Galileam: ibi me videbunt.* Resurgēs à mortuis Christus resumpsit hominem, non reliquit: vocat ergo fratres, quos corporis sui fecit esse germanos: vocat fratres, quos pa-

Psal. 2.

Psal. 18.

tris sui adoptauit in filios: vocat fratres, quos benignus hæres sibi præstitit cohæredes. Sed resurgente Christo impietas qualiter resurgat audite. Ecce venerunt quidam de custodibus in ciuitatem: & nunciauerunt principibus sacerdotum omnia quæ facta fuerant. At illi congregati cum senioribus, consilio accepto, pecuniam copiosam dederunt militibus, dicentes, dicite, Quia venerunt nocte discipuli eius: & furati sunt eum dormientibus nobis. Qui dant pecuniam, non perdenda comparant, sed seruanda: Iudæi vendente Iuda emerunt, vt perderent Christum: nunc pecuniam copiosam, vt se, legem, templum, patriam perderent, effuderunt. Viri sanguinum, & dolosi, statuunt precium falsitatis, perfidiæ conficiunt instrumentum, commercio crudeli fraudem fidei, veritatis latrocinium nundinantur: corrumpunt milites, vt furtum vocent, quod erat resurrectionis arcanum. Venerunt discipuli eius nocte: & furati sunt eum. Non contenti interfecisse magistrum, quomodo discipulos possent perdere moliuntur: discipulorum crimen esse faciunt virtutem magistri. Venerunt nocte discipuli eius, & furati sunt eum. Plane amiserunt milites, perdiderunt Iudæi, sed discipuli magistrum suum non furto, sed fide: virtute, non fraude: sanctitate, non crimine: viuum, non mortuum sustulerunt: hinc est, quod in Galilæam vt eum possint videre mittuntur, quia deus in loco perfidiæ non videtur. Quod autem dixit, *Data est mihi omnis potestas in celo & in terra.* Quid ipse in se sibi dederit, hoc declarat: probante Apostolo, cum dicit, Deus *1. Cor. 5.* erat in Christo mundum reconcilians sibi. Filius dei virginis filio, deus homini, diuinitas carni contulit, quod semper cum patre possedit, & spiritu. Et ideo ait, *Ite, baptizate omnes gentes in nomine patris, & filij, & spiritus sancti.* Vt omnes gentes potestas vna, eademque recrearet ad salutem, quas crearat ad vitam. Et ecce, inquit, ego vobiscum sum omnibus diebus usque ad consummationem sæculi. Est semper vobiscum, qui cum patre est semper: & veniet nobis per hoc quod assumpsit ex nobis. Et quid plura fratres? Quod nascitur: quod patitur, quod resurgit, quod accipit, non est, non est necessitatis suæ, nostræ est hoc salutis.

De quinta Christi manifestatione facta discipulis, cum Thomas abesset.

Sermo LXXXI.

DUm rebellis Iudæa creatorem suum debellare contendit, & in authoris sui necem leuat impias manus, terris

Luc. 24.

abstulit pacem, concordiam rerum soluit, elementorum si-
 fædus rupit, ut mundum totum ad chaos reuocaret antiquū:
 denique diem fugat, noctem inuadit, lucem tenebris, cæ-
 lum rebus aufert, facit tremere terram, miscet mortuos vi-
 uis, inferos, superosque cōfundit, & dissipato ordine in crea-
 toris, iniuriam pacificum nil penitus, amicum penitus nil re-
 liquit. Hinc est, quod reuersus ab inferis Christus, ut rebus
 pacem reddat, exclamat, *Pax vobis. Dum hæc loquuntur, inquit,*
discipuli, Iesus stetit in medio eorum, & dicit eis, Pax vobis. Bene
 addidit vobis, quia iam terra steterat, dies redierat, sol recur-
 rerat, & ordinem suum compago mundi redditum iam tene-
 bat. Discipulis autem manebat adhuc bellum: & collidebat
 eos acriter fidei, perfidiæque conflictus: non sic terram, sicut
 discipulorum corda turbo concusserat passionis: & ideo
 animos eorum credulitatis & incredulitatis acies pertinaci
 dimicatione vastabat: insistebant mentibus eorum cogita-
 tionum cateruæ: & excursibus desperationis ac spei robusta
 licet pectora rumpebantur. Inter miracula innumerosa si-
 gnorum Christi, & multimoda passionis eius genera, inter
 deitatis insignia, & imbecilla carnis, inter mortis damna, &
 dona vitæ, discipulorum sensus, mentesque ferebantur: nunc
 spiritus eorum tollebatur ad cælum, nunc eorum animæ col-
 lidebantur in terram, & in intimis eorum tali procella sæ-
 uiente, portum quietis nullum, nullam stationem pacis po-
 terant inuenire. Hoc videns scrutator pectorum Christus, qui
 iubet ventis, procellis imperat, & solo nutu tempestates tran-
 quillitate commutat, mox eos sua pace confirmat, dicens,
Pax vobis, ego sum, nolite timere. Ego sum crucifixus ille, mor-
 tuus, sepultus. *Ego sum.* Per me deus, per vos homo. *Ego sum.*
 Non spiritus in figura carnis, sed ipsa veritas in carne. *Ego*
sum. Ego ex mortuis sum viuus: ex inferis sum supernus. *Ego*
sum. Quem mors fugit, inferna tremuerunt: tartarus deū con-
 fessus est cum pauescit. *Nolite timere, Petre,* quod negaueris,
 quod fugeris tu Ioannes, quod deseruistis omnes, quod infi-
 delibus de me totis cogitationibus iudicastis, quod adhuc
 nō creditis, me vidētes. *Nolite timere, ego sum.* Qui vos per gra-
 tiā vocavi, elegi per veniā, pietare sustinui, charitate portavi,
 & modo vos sola bonitate suscipio: quia culpas videre nescit
 pater cū filiū recipit, suos affectio cum reseruit. *Conturbati, in-*
quit, & cōterriti existimabant se spiritū videre. Quare? quia clausis

Matt. 16.

Marc. 14.

estis intrauerat dominus. Discipuli ergo consternati mor-
 roris somno, dabant Christo non quod potest diuina virtus,
 sed quod natura recipit humana. *Putabant se spiritum videre.*
 Namque spiritus hominis in vtero septa transit, penetrat mu-
 ros, vt clauso corpore intret corpus inclusum: sic anima quā-
 do dat vitæ finem, à corporis dulci contubernio cum rece-
 dit, domorum claustris, mundanis obstaculis non tenetur:
 substantia cælestis terrenis ergastulis nescit includi, iuxta il-
 lud, Spiritus nescis vnde veniat, aut quo vadat, Discipuli er-
 go post resurrectionē clausis ostiis domino ingresso repor-
 tasse eum soliditatem corporis nō credebant: in imaginē car-
 nis solam rediisse animam suspicantes, vt dormientibus solēt
 corporeæ imagines apparere. *Existimabant se, inquit, spiritum
 videre.* Ergo, sicut diximus, in discipulis non sedabantur co-
 gitationum bella, non sedabantur, sed magis magisque cogi-
 tationum bella crescebant: & tumultus mensium ipsis etiam
 visionibus augebatur: & vnde resurrectionis assercebatur fi-
 des inde totius cunctationis scrupulus nascebatur. Quod ve-
 nerat, erat res: quod clausis ostiis intrauerat, fides non erat:
 non erat fides, sed virtus erat: humanum non erat, sed homo
 erat: vt esset verum corpus in deitatis potentia, nō inanis car-
 nis species in resurrectionis iniuriam. Ergo ad comprimē-
 dos ex hoc nascentes cōflictus cogitationū, respondit Chri-
 stus, *Quid turbati estis? & cogitationes ascendunt in corda vestra?*
 Bene ascendunt: non descendunt: quia depressæ carnis pon-
 dere cogitationes humanæ ad altum dei mysterium conan-
 tur ascendere, & conatibus in ipsis franguntur, ruunt, depo-
 nuntur ad terram, nisi ille iuuerit, qui donat homini cogitare
 diuina. *Quid turbati estis? & cogitationes ascendunt in corda ve-
 stra? Videte manus meas & pedes.* Videte, hoc est dicere, vigilate:
 quare? quia non est somnium quod videtis. *Videte manus meas
 & pedes.* Quia grauatis oculis caput adhuc respicere nō po-
 testis: videte carnis vulnera, quia dei opera non videtis: cō-
 siderate inimicorum titulos, quia dei adhuc nōn considera-
 stis insignia: palpare, vt vel manus fidem faciat, quia videns
 oculus, sit cæcatur: oculus non videt, videat tactus: digiti ve-
 stri intrent vestigia clauorum, manus vestræ alta vulneris
 exquirant, aperite manuum foramina, sulcate latus, reno-
 uate vulnera, quia negare non possum discipulis ad fidem,
 quod inimicis in pœnā sequantibus non negavi: palpare, pal-

pare, & vsque ad ossa inquisitores ardui peruenire: vt vel ossa carnis astruât veritatem, & me esse ipsum vel vulnera seruata testetur. Rogo quare me resurrexisse non creditis, qui innumeros mortuos sub vestris oculis suscitauit? Nisi forte virtus quæ aliis affuit, mihi defuit: iuxta illam vocem quæ mihi pendenti insultauit in cruce dicēs, Alios saluos fecit, seipsum

Mat. 26. saluum facere non potest: si rex Israël est, descendat de cruce, & credemus ei. Et quid est maius, excussis clauis descēdere de cruce, aut ab inferis calcata morte conscēdere? Ecce & me ipsum saluum feci, & ruptis inferni vinculis ad superna conscendi: & tamen neque apud vos fidem meam deitatus inueni.

Ioh. 11. Aut fortè triduanam mors abnegat fidem credendi? Nōne quatruiduanum Lazarum iam ferentem vobis coram vocauit ab inferis vox mea, mea iussio reuocauit ad vitam? Et si seruus quatruiduanus surgit, cur triduanus dominus non resurgit? *Adhuc autem illis non credentibus præ gaudio & mirantibus.* Votiuia gaudia & cum data fuerint, vix creduntur: optata cum perueniant dant stuporem: hinc est quòd apostoli resurrectionem Christi celeriore quàm sperauerant, admirantur: & quod credunt tardius, non est perfidix, sed amoris: scrutantes enim taliter fidem non abnegant, sed requirūt: & dum intendunt altius, vetum esse quod inueniunt, exoptant. Fratres discipulos ad ista tardos, stupidos ad tanta, non perfidix timor, sed causæ præstitit magnitudo, visa non videre, nescire scita, credita non credere, non incredulitas facit, sed miraculum singulare. Fratres, ad virtutes natura est nimis infans quæ nisi per deum creuerit, capere matura non potest, non valet perfecta sentire. Deus ergo quod per nos non possumus, ipse nos capere per se, & sentire concedat.

De Christi resurrectione, & quarta manifestatione facta duobus euntibus in castellum.

Sermo LXXXII.

Mar. 16. Quoniam Matthæus sanctus iam nobis quæ de resurrectione domini cognouerat salutariter indicauit hodie quid etiam beatus referat Marcus audiamus. *Et cum transisset, inquit, sabbathum Maria Magdalene, & Maria Iacobi & Salome emerunt aromata, ut venientes ungerent Iesum.* Mulieres hoc loco serminea deuotione discunt, quæ nō vt viuenti fidem, sed vt mortuo vnguenta deferunt ad sepulchrum, & sepulto parant mortoris obsequia, non resurgēti diuinorum

gaudia triumphorum. Mortem Christus, vt mors moreretur, accepit: Christus dum occiditur, illud quod omnes occidebat, occidit: sepulchrum Christus infernum patefacturus intrauit. Soluta ergo lege tartari, & inferni carcere destructo & ipso mortis imperio perempto, iam Christus non est vngendus vt mortuus, sed adorandus vt victor. Mulieres pernoctant, vigilant insomnes agunt, obscura penetrant erumpentis auroræ: vnde etiam lucem dubiam non minus cordis videntur sustinere, quàm corporis. *Et valde mane, inquit, vna sabbathorum, veniunt ad monumentum orto iam sole.* Si valde mane, quomodo orto iam sole? Sic nescit euangelista quid dicat? Euangelista quid dicat scit, sed quid audiat, qui non didicerit nescit: non est erroris ista relatio, Veritatis est: nec lapsus patitur sermonis humani, sed rei gestæ cælitus aperit veritatē: dixerat, Ab hora sexta, vsque ad horam nonam tenebræ factæ sunt: ergo sol qui præter horam vt domino compateretur abscefferat, claritate cum resurgeret dominus antè tempus occurrit: & qui vt suo commoreretur auctori, ipsam meridianam suam mortificauerat claritatem, vt consurgeret auctori suo, cuius tenebris antelucanus erupit. *Valde mane.* Quia tunc sol vt mane faceret manebat & qui ante noctem fugerat, nunc ipse noctem præuenit fugaturus, vt reddat lux nox horas, quas terror dominicæ passionis inuaserat. *Dicebant, inquit, adinuicem, Quis reuoluet nobis lapidem ab ostio monumenti?* Ab ostio monumenti, an cordis? à sepulchro, an ab oculis? Mulieres, obseratum est pectus, oculi sunt clausi & ideo patefacti sepulchri gloriam non videtis, oleum nō corpori dominico, sed lucernæ cordis vestri, si videre desideratis, infundite, vt luce fidei pateat quod clauditur incredulitatis obscuro. *Et respicientes, inquit, viderunt lapidem reuolutum: erat quippe magnus valde.* Planè magnus, & magnus valde, & plus iam magnus meritò, quàm forma, qui creatoris mundi corpus & claudere, & operire suffecit. *Et introeuntes monumentum, viderunt iuuenem sedentem à dextris, coopertum stola candida.* Introierunt sepulchrum, vt conspulerent Christo, Christo cōsurgerent de sepulchro: & impleretur illud Apostoli, conscripti estis ei in baptismo, in quo & resurrexistis. Vident iuuenem, vt cernerent nostræ resurrectionis gratiam: vident iuuenem, Quia nescit resurrectio senectutem, neque ætates recipit æterna perfectio. Homo vbi nescit

Matt. 13.

Crlos. 2.

nasce, mori nescit: & ubi nasce, morique nescit, ibi ætatum
 nec admittit detrimentum, nec indiget incrementis. Vident
 iuuenem sedentem à dextris, quia resurrectio recipit nil fini-
 strum. Vias inquit, quæ à dextris sunt, nouit, dominus. Et,
 Tunc statuet iustos ad dexteram suam. Orate fratres, vt &
 nos moriamur vitiis, sepeliatur temporalibus pompis, vt
 æternitati resurgamus in Christo, & à dextris positi mereamur
 audire, Venite benedicti patris mei, percipite regnum
 quod vobis paratum est ab origine mundi. *Coopertum stola
 condita.* Stola ista non ex mortali vellere, sed ex virtute vi-
 talis: splendens cælesti lumine, non colore terreno: & clara
 creatoris munere, non arte fullonis: dicente propheta, Ami-
 ctus lumen sicut vestimentum: & de iustis, Tunc iusti ful-
 gebunt sicut sol. Terreni terrenis velati sunt vestimentis: &
 ideo sicut nouitate splendēt, ita vetustate sordescunt: cæle-
 stes vero amictu cælestis luminis ambiuntur: & à terreno
 squallore suspensi, nec fœdantur vetustate vnquam, nec vi-
 lis sordibus obscurantur: sed vestes quas semel dederit re-
 surrectio, perpetuò lumine vestiuntur. *At ille exeuntes de
 monumento, fugerunt: inuaserat enim illas tremor & pavor.* An-
 gelus sedet in monumento, de monumento fugiunt mulie-
 res: quia ille de cælesti substantia confidit, turbantur istæ
 de conditione terrena. Sepulchrum qui mori non potest ti-
 mere nescit: mulieres autem & de facto tremunt, & sepul-
 chrum sicut mortales adhuc mortaliter expauescunt: hinc
 est quod nemini quicquam dicunt. *Et nemini quicquam di-
 xerunt.* Quia mulieribus audite, non loqui datum est di-
 scere datum est, non docere: dicente Apostolo, Mulieres
 in ecclesia taceant: Denique eadem Maria postea & vadit, &
 nunciat, sed iam non fœminam, sed ecclesiam gestans: vt ibi
 sicut fœmina taceat: hic vt ecclesia enunciet & loquatur. *Post
 hec, inquit, dnobus ex his ambulantiibus ostensus est.* Quare non
 tribus, quare non quatuor, sed duobus? Quia duobus popu-
 lis, id est, gentibus & Iudæis resurrectionis fides hic prædi-
 canda monstratur: vnde sicut diximus, probatur in duabus
 fœminis, aut in discipulis duobus ecclesiam vnā figurari,
Ostensus est in alia effigie. Nemo putet Christum sua resurre-
 ctione sui vultus effigiem commutasse, vt qui in vulnere
 erat ipse, alter esset in vultu: sed mutatur effigies, dum effici-
 tur ex mortali immortalis, & ex corruptibili incorruptibilis

Prou. 1.

Iuxta.

LXX.

Mat. 25.

Psal. 103.

Matt. 13.

1. Cor. 4.

ut hoc sit mutasse substantiam, non mutasse personam, & acquisiuisse vultus gloriam, non vultus notitiam perdidisse. Et ne festinus sermo aut fugiat, ut tranſuolet quaestiones, quod sequitur proximo sermone, domino reuelante, innotescamus.

De nona Christi manifestatione facta, recumbentibus undecim discipulis. Sermo. LXXXIII.

Hodie beatus Euangelista sic retulit apostolos in ipso crucis tempore mensis deditos, inhiantes epulis, conuiuiis occupatos, dominicæ passionis oblitos. *Recumbentibus, inquit, illis undecim, apparuit dominus.* Recumbentibus ubi? ad sepulchrum domini, mox ad mensam serui? Hæc est seruatorum fides? hæc discipulorum charitas? hic Petri ardor? hæc est Iohannis de ipso Christi pectore assumpta dilectio? hæc est tanto tempore, tantis donis, virtutibus tantis, affectio cōquisita ut in ipso articulo passionis, calente adhuc morte, recenti adhuc funere, exultantibus inimicis, insultante Iudæa tota, discipuli, toto tori cultu, totaque discumbentium voluntate pranderent? Moyſi mortuo assistunt angeli, agit sepulchri curam deus ipse: Iudaica castra sistuntur, dissimulatur iter, horrida eremi statio duratur, indicitur triginta dierum planctus, & longo lamentationis obsequio seruire funus honoratur: & Christus verus vnus dominus, creator rerum, redemptor omnium, post illā tragicam passionem, post mortem, & mortem crucis, triduanus à discipulis lachrymas non meretur? Terra tremuit, turbatur tartarus, scinduntur saxa, monumenta dissiliunt, sol fugit, dies sepelitur, sit nox totum, & soli discipuli alto sigmate, choro vno, toto otio, deliciis securi epulantur: & hoc fratres reuersus ab inferis ipse sic magister inuenit. *Recumbentibus ergo illis undecim, apparuit dominus, & exprobrauit incredulitatem eorum & duritiam cordis, quia his qui viderant eum resurrexisse, non crediderunt.* Ad hæc Petre fidelis, Petre deuotissime quid dicemus? *Recumbentibus illis.* Nunquid prudentibus? Fratres, hoc non erat discumbere, sed iacere: nec conuiuij erat chorus ille, dolotis erat ille conuētus: ibi panis non erat gaudij, sed mœroris: ibi crucis felle, non vini dulcedine pocula miscebantur, *Erant, inquit, clausi propter metum Iudeorum.* Si metuentes, si clausi, certè non prudentes & si non prudentes, non erat domus illa, sed carcer: illud sigma nō erat: sed sepulchrum: tunc tota ad discipulos pœna

Dent. 34.

Ioan. 20.

dominicę transferat pafsionis, & nō ſolum lateribus eorum, ſed & cordibus doloris lancea tota figebatur: tunc triftitię clauis affixę manus eorum, pedesque tenebantur: tunc illis acetum, tunc ſcilicet amaritudo Iudaica propinabatur: tunc illis ſol occidit, dies fugit: tunc illorum mentes, animasque nox profundiffima poſſidebat: tūc illos in perfidię ſcopulos, in naufragium fidei cogitationum tentatio ſauiffima collidebat: tunc deſperatio quę eſt inter omnia mala peior, & in aduerſis venit ſemper extrema, funereis illos ſternebat ſepulchris: vnde, ſicut diximus, non diſcumbentes, nō epulantes eos dominus, ſed iacentes inuenit, ſed ſepultos: & ideo exprobrat incredulitatem eorum, quia tantum crediderant deſperationi, vt reſurrectioni prædictę à domino nil crederent, à ſeruis non crederent nunciatę: atque in ſe nihil fidei relinquerent & ſalutis, ſed ſeculo mortui, ſepulti mundo, vnā domum illam, vnum ſibi eſſe omnes crederent iam ſepulchrum, Hinc eſt quod eos dominus videns exemiſſe ſe mundo, ad mundū reuocat, remittit in mundum, dicens, *Ite in mundum vniuerſum, predicate Euangelium vniuerſę creaturę.* Venite in mundum, vt qui putatis vos in vno omnes domicilio iam iacere, ſubiaccere vobis omnem mundum repente videatis. *Venite in mundum vniuerſum, predicate euangelium vniuerſę creaturę.* Hęc eſt dicere eſtote vos ſpes omnibus, qui vobiſiſ ſ deſperationis cauſa fuiſtis: & incredulitas veſtra quanta ſit tunc probate, cum videritis auditui veſtro mundum credere, qui credere veſtro viſui non potuiſtis: & cordis veſtri quanta ſit duritia tunc ſcītote, cum ſenſeritis, non viſo me, orbe toto gentes ferociſſimas me fateri, quem poſitum veſtris in oculis vos negaſtis. Videbitis in terra diuiſos clauſos in ſulis, pendentes rupibus, ſolitudine remotos Magorum ſciolos, Gręcorum querulos, Romanorum peritos, fidem fide ſola quærere, quam manu, digito, ſulcatis meis vulneribus vos quęſiſtis. Sed quia meę pafsionis, meę mortis, meę reſurrectionis vos mitto teſtes, altius vos iſta perſcrutatos eſſe concedo: dummodo cunctatio veſtra fiat eis qui vobis credituri ſunt firmamentum. *Qui crediderit, inquit, & baptizatus fuerit, ſaluus erit.* Fratres quod eſt anima corpori, hoc eſt baptiſmati fides: hinc eſt quod qui generatur ex fonte, ex fide viuunt: luſtus, inquit, ex fide viuunt. Moritur ergo omnis quicūque fuerit ſine fide. *Qui crediderit.* Quia Trinitas Deus vnus eſt, quia in patre & filio & ſpiritu

sancto vna est tota æqualitate maiestas, quia deitas Trinitate diuisa est, non est vnitatem confusa, sed deitate vna est, est trina personis: quia Deus Trinitatis nomen est, quia pater & filius non censendi sunt ordine, sed æstimandi sunt charitate: quod spiritus sanctus non est habendus inferior, plus, minúsve, non vt exterior habendus est plus, minúsve, quia nescit exteriora diuinitas: quia Christus sic vt homo factus est, vt quod Deus est permaneret: sic est mortuus, vt mortuos, totis sæculis sua resuscitaret ex morte: quod non sibi resurrexit ille, sed nobis: quod nos cælo intulit, dum se sustulit cælo: quod sedet ad authoritatã iudicis, nõ ad requiem fatigati: quod veniet non loco, qui vbique est ad mouendum: neque vt mundum suum teneat, qui totum possidet mundũ, sed vt mundus iam semper visionem sui mereatur authoris. Credat homo etiam peccatorum remissionem, quia cælestis regio cum sit latissima, non capit peccatorem: neque de suorum desperet homo magnitudine peccatorum, quia si est quod Deus donare non potest, omnipotens nõ est. Credat & carnis resurrectionem, vt sit homo ipse: vt accipiat ipse qui peccat, pœnam, ipse præmium, qui laborat. Credat æternam vitam, ne locum habeat mors secunda. Quod autem de humanis corporibus dæmones, id est, hostes effugantur antiqui quod ex vno ore varius funditur sermo linguarum, quod tãti per Christum nesciunt sua venera serpentes, quod venenata pocula bibentes non valent nocere per Christum, quod morbi corporum fugantur Christum prædicãtis ad tactum, est fratres summum credulitatis indicium. *Signa, inquit, credẽtes hæc sequentur, In nomine meo demonia eiicient: linguis loquẽtur nouis serpentes tollent: & si quid mortiferum biberint, non nocebit eis: super agros manus imponent, & bene habebunt.* Homo ergo esto tibi per fidem medicus, ne cogaris extraneis medicis tuo dispendio subiacere, & carẽ quod gratis possides comparare. Orate fratres, vt & in præsentem medicinam semper fidei sentiamus: & in expectatione Christi positi in aduentu eius securi de nostra cõscientia gloriemur.

De quinta Christi manifestatione facta discipulis cum abesset Thomas, de quæ sexta cum adesset.

Sermo LXXXIII.

Etus & magnanimitatis, continui confictus prælia sustinebant: talium ergo cogitationum bella inspector prævidens secretorum pacem primitus se videntibus reddit, ut qui taliter ablatum materiam reliquerat configendi, redditus oculis eorum causam totam certaminis amputaret. *Gaui sunt, inquit, discipuli viso domino.* Gaui sunt, quantum post tenebras gratior lux est, serenitas post tempestatis obscura, tantum est acceptius gaudium post mœrorem. *Dicit eis iterum, pax vobis.* Quid repetitæ pacis largitas ista manifestat, nisi quia quietem, quam sensibus indixerat singulorum, vult iater eos etiã repetitæ pacis donatione seruari, quos utique non modica habituros esse nouerat in posterum de sua cunctatione certamina: dū vauis se in fide perstitisse iactaret, dubitasse alter mœreret. Ut ergo & arrogantis iactantiam, tumoremque rescaret, & eius qui infirmatus fuerat sanaret, & excluderet passiones, causæ, non discipulis quicquid acciderat pius moderator ascribens, imperio pacis suæ bella nascitura cōpresit: ne alter alteri improperearet quod ipse, cui totū debebatur donauerat in futuro. Petrus negat, Iohannes fugit, Thomas dubitat, cuncti relinquunt: quibus nisi pacem suā Christus dedisset: & Petrus qui primus erat omnium, putaretur inferior, & sequens indebitè forsitan extolleretur aduersus primum. *Sicut misit me pater, sic & ego mitto vos.* Missi sermo nō minorat filium, sed declarat: quia nō mittentis potestare hic, sed missi voluit intelligi charitatem: cum dicit, *Sicut misit me pater.* Non dominus, sed pater. Sic & ego mitto vos. Non auctoritate adhuc iubētis, sed toto diligentis affectu: mitto vos ad tolerantiam famis, ad onera vinculorum, ad squalorē carceris, ad perferenda omnia genera pœnarum, ad subleuandū cunctis execrabile mortis iugum, quæ omnia charitas utique humanis mentibus imperat, non potestas. *Quorum remisistis peccata, remittuntur eis: & quorum retinueritis, retenta sunt.* Dedit potestatem remittendi peccata, qui insufflatione sua infudit ipsum cordibus eorum, & largitus est remissorem. *Hæc cum dixisset, insufflauit eis, dicens, Accipite spiritum sanctum: quorum remisistis peccata, remittuntur eis.* Vbi sunt qui per homines hominibus remitti peccata non posse præscribunt? qui semel diabolica impulsione collapsos opprimunt, ne se erigant? qui langoribus curam vulneribus crudeli spiritu subtrahunt, negantque medicinam? qui peccatoribus remittendi &

Matt. 16.

Mar. 14.

Ioan. 20.

redeundi desperatione impia resultant? Remittit petrus peccata, & toto cum gaudio suscipit pœnitentes, atque omnibus sacerdotibus hanc à Deo concessam amplectitur potestatem: qui post negationem nisi pœnitentiam reperisset, apostolatus gloriam & vitam pariter perdidisset. Et si Petrus per pœnitentiam rediit, quis sine pœnitentia subsistit? *Thomas autem cum audisset à discipulis suis quod vidissent dominum: respondit, Nisi videro figuram clavorum, & misero manum meam in latus eius, non credam.* Cur Thomas vestigia fidei sic requirit? cur tam pie patientem, tam durè discutit resurgentem? cur ea vulnera quæ manus infixit impia, deuota dextera sic resulcat? cur latus quod impij militis lancea patefecit, refodere manus nititur obsequentis? cur dolores persecutorum futuribus irrogatos, famulantis curiositas renouat inmitis? cur tormentis dominum, cur pœnis Deus, cur cælestem medicum probaturus de vulnere discipulus sic requirit? Cecidit potestas diaboli, patefactus est carcer inferni, disrupta sunt vincula mortuorum, moriente domino sunt euulsa monumenta, & resurgente domino tota mortis est mutata conditio, ab ipso domini sacratissimo sepulchro lapis reuolutus est, linteamina resoluta sunt, & resurgentis ad gloriam mors fugit, vita rediit, caro amplius casum nescitura surrexit: & cur tibi solus Thomas sola vulnera præsentari ad iudicium fidei nimis callidus explorator exoptulas? quid si ista cum aliis abolita fuissent, quod periculum fidei tuæ curiositas ista peperisset. Nulla pietatis monumenta, nulla dominicæ resurrectionis inueniri æstimas potuisse documenta, nisi manibus tuis sulcares Iudaica crudelitate exarata sic viscera? Quæsiuit fratres pietas ista, exegit ista deuotio, vt resurrexisset dominus nec in ipsa in posterum dubitaret impietas: sed Thomas non solum cordis sui, sed omnium humanum curabat incertum: & prædicaturus hæc in gentibus, quemadmodum tantæ fidei astrneret sacramentum executor strenuus perquirebat. Certè prophetia magis, quàm cunctatio fuit. Nā cur talia peteret, nisi à domino ad iudicium resurrectionis suæ seruata sola vulnera prophetali spiritu cognouisset? Denique sponte præstitit cæteris, quod iste tardius implorat. *Venit, inquit, Iesus, & stetit in medio, & ostendit ei manus & latus.* Nam qui ingressus fuerat clausis ostiis, & merito à discipulis spiritus esse putabatur: non aliter ipsum se, nisi ipsa corporis passione, ipsis

vulnerum

vulnerum notis, taliter dubitantibus poterat approbare. Denique venit & dicit Thome, *Infer digitum tuum huc, & vide manus meas, & asser manum tuam, & mitte in latus meum, & noli esse incredulus, sed fidelis.* Ut effundant toto orbe iterum te aperiente hæc vulnera fidem, quæ aquam in lauacrum, sanguinem in omnium precium iam fuderunt. Respondit Thomas & dixit, *Dominus meus & Deus meus.* Veniant & audiant hæretici: & sicut dixit dominus, non sint increduli, sed fideles: Ecce nō solum corpus humanum, sed per pœnalis corporis pafsiones Deum & dominum esse Christum, Thoma vociferante manifestant. Et vere Deus est qui viuit ex morte, resurgit ex vulnere: qui talia & tanta cū suscepit, viuit & regnat Deus per omnia sæcula sæculorum, Amen.

In illud Iohannis, Iam die festo mediante.

Sermo LXXXV.

ET si aliqua videtur occulta sui profunditate mysterij, nulla tamen est Ecclesiastici cultus infructuosa solennitas: diuina festiuitas non pro nostris est voluntatibus consecranda, sed pro suis est percolēda virtutibus: Christianus animus quæ sunt traditione patrum, & ipsis roborata temporibus, nescit in disputationem deducere, sed venerari ea toto desiderat deuotionis eloquio. *Iam die festo, ait, mediante ascendit dominus in templum.* Quod templum? Nescitis quia templum Dei estis, & spiritus Dei habitat in vobis? Ascendit hodie dominus nostri pectoris in templum, qui tam clementer nostri corporis descendit in formam: quidd autem ascensus Dei sit inhumani cordis excelsio: beatus propheta asserit, cum decantat, *Beatus vir cuius est auxilium abs te domine, ascensus tui in corde eius.* *Iam die festo mediante ascendit dominus in templū.* Merito die festo mediante ascendit dominus in templū, quia nobis erat perfectum diem festum præstaturus è cælo: quicquid sublime, quicquid ad cælum tendens in cordibus habebatur humanis, vsque ad infernum dominicæ pondus incuruauerat pafsionis. Id nanque est, quod Christus quadraginta diebus residet & remoratur in terris: & si dici fas est, patris occursum differt, patris suspendit amplexum, donec totum se releuet, & reformet suæ ascensionis in gloriam. In cuius ergo templo hic non ascenderit Christus, cælum non ascendet ille cum Christo. *Ascendit in templum, & docebat: & mirabantur Iudæi dicentes, quomodo hic literas scit, cum non didicerit?*

Ioan. 7.

1. Col. 3.

Psal. 83.

Acto. 1.

Ioan. 3. Bene mirantur Christum, quòd non didicerit scire, quando ipsi probantur, quæ didicerint & doceant, legis præcepta nescire: dicente domino, Tu es doctor in Israel, & hæc ignoras? Mirantur Iudæi iam rebelles, nolunt credere: mirari norunt, detrectant sapere, nescire possunt: *Mirabantur Iudæi, dicentes, quomodo hic literas scit, cum non didicerit?* Quid virgo peperit derogas, non miraris: quòd Deus nostro sentitur & operatur in corpore abrogas, nō fateris: quòd cæcus videt, surdus audit, claudus currit, surgit mortuus, & tota Christus arcana Dei loquitur, non miraris? hoc solum quòd sciat cum non didicerit, hoc miraris? Hic est ipse qui non didicit literas, sed donauit: hic est qui sensum cōdidit, per quem literæ finguntur: Peritus legis, auctor omnium cur literas non didicerit, admiratur? Deus utique adest origo cūctorū, qui facit esse quod non fuit: cum non didicerit, docet.

Deesse videntur non pauca.

De annunciatione & conceptione dñi Iohannis Baptiste.

Sermo LXXXVI.

Ioan. 1. **M**undanus sermo, ut humano profertur ex sensu, humanis seruit & obsecūdat ingeniis: Diuinus verò sermo in potestate dantis est, non dicentis. Audistis quemadmodum Zacharias ille summi sacerdotij, splendor dum exorat, obmutuit: tacuit pater vocis, Ego, inquit, vox clamantis in deserto, genitor clamoris obmutuit: & egressus silentium reulit, qui responsa relaturus intrauerat. Videtis ergo quia silentium meum quod antea contristauit vos, venit de antiquo pontificali usu, non de nouitatis incurfu. Ille ubi sensit linguæ suæ vincula sua ianuam clausisse sermonis, imperauit nutu, ne quis causas taciturnitatis inquireret, quia celeste mysterium dicere non didicerat qui didicerat scire: sed hoc ad tempus, quia sacerdotis differtur sermo, non aufertur: reconditur, non negatur: mysterio suspenditur, non fugatur, denique Zacharias ipse quod tacet, non est pœna, sed signum. nō est terrena debilitas, sed celeste secretum: Deus qui loqui dat tacere facit: & imperat silentium, qui inserit verbum: dominatur diuinus sermo, non seruit, quia Deus verbum: & ideo non cum iubetur, loquitur, sed cum iubet: non cum exigitur, sed cum donat: non cum cogitur, sed cum venit. Vnde fratres: & cum venit, audite, & cum non venit, sustinere, &

eum se donat, accipite : & cum se negat, orate: quia hoc doctor accipit, quod meretur auditor. Ergo tam nobis, quàm *Mat. 9.* nāhi præteritus suspēsus est sermo, vt profluuium mulieris, & verecundi vulneris causam, & illius pudorem sic nostra verecundia celaret: vt quod illa tacuit, etiam nostro silentio clauderetur: sed cœptum reuertamur ad verbum. Hierosolymitanus fons abundat, cum impellit angelus, nun cum sinit hauritor, sic sacerdotis sermo exuberat: quando dat Deus, non cum perorat sacerdos. Hinc est quod Zacharias ipse qui prophetias loquebatur populis, tacet sibi, vt non ingrati deo nō simus, si nos semel tacere voluit, quibus semper inoffensum largitus est verbum. Ille non dedignatur à filio verbum, recipere, cui dederat lucem: & vos filii orate nobis vocem, vt possitis audire sermonem: reparate gaudium meum, vt assue tam possitis lætitiā possidere: & implere illud apostoli, *Quis* *2. Cor. 2.* est qui me lætificet, nisi qui contristatur ex me? Veniat ergo, veniat in medium beatus Zacharias, qui nos tacens pio consolatur exemplo, & silentio suo nos de nostro non sinit tristes esse silentio. Veniat, veniat precursor verbi, sacerdotij speculum, sanctitatis exemplum, euangelistarum princeps, *Luc. 1.* clausula prophetarum. *Fuit, inquit, in diebus Herodis regis Iudæe, sacerdos quidam nomine Zacharias.* Dum dicitur sub quo rege quis sacerdos sit, temperātur mala: adest semper in mœrore solatium, nec consolator deest, cui imminet persecutor. *Fuit in diebus Herodis regis Iudæe, sacerdos quidam nomine Zacharias.* Vsq̃ue ad Herodem Iudaicæ genti sacerdotalis sanctitas, senum grauitas, patrum pietas præsidebatur: erat lex diuina, ambitio nil ibi, nil temeritas, præsumptio nil valebat: quia gerebatur totum diuino ordine, non humano: sed Herodes veniens ex gente aliena inuasit regnum. violauit sacerdotium, confudit ordinem, mutauit mores, spreuit senes, infecit iuuenes, tribus miscuit, deleuit stemmata, corrupit genus, tulit quicquid erat & diuinæ & humanæ funditus disciplinæ. Sed hoc quid ad Zachariam sanctum? Ne quid ergo tale & in ipso Zacharia crederetur admissum: Euangelista cogitur sic referre, *Fuit in diebus Herodis regis Iudæe, sacerdos quidam nomine Zacharias, de vice Abia.* Qui vsque ad ipsum ab atanis, auiis, patribus, transfusum genus mansit sacerdotii tempus legis, sacrificii omnis seruata est disciplina, eo quod impietate regis, iniquitatem temporis, ambitionis rabiem, temeritatis

fitroiem, sacerdotis & meritum superauit & vita. Sed quid sequatur, audiamus, *Factum est ut incensum poneret ingressus in templum domini: & omnis multitudo populi orabat foris in hora incensi.* In hora incensi fratres, iam sol Iudaico occumbebat in templo, vt in Ecclesia matutinus exurgeret, & Iudaicæ doctrinæ instabat vespert: quia Euangelii imminebat aurora: legis obscurabatur dies, vt totus reluceret in gratia. Hinc est quod Zacharias in hora incensi, hoc est, in extremo tempore legalium ceremoniarum prophetali spiritu incensum infert: offert preces, desideria ingerit, vota commendat, tempus admonet, promissa repetit, exigit Christum. *Et omnis multitudo orabat foris.* Vt ergo populus qui stabat foris intromitteretur, exorat: quia quos lex adducit ad ianuam, gratia intromittit in templum. *Apparuit, inquit, ei angelus domini, stans à dextris altaris incensi: & videns Zacharias, turbatus est, & pavor cecidit super eum.* Ergo non est mirum si turbatur sacerdos, si super doctor, si pauescit antistes, si tacet minima, cum videt maxima: si deserit verba, cum signa conspiciat. Et ne solus Zacharias timuisse videatur: audi alium prophetam dicentem Domine, auidi auditum tuum & timui, consideraui opera tua & expaui. Qui cum Deo loquitur expauescit: vnde loquatur angelus ignorat? & quid tenemus? Vnde sacerdos taceat, iam dicamus. *Et respondens ei angelus dixit, Ego sum Gabriel, qui sto ante conspectum Dei, & missus sum ad te hæc loqui, & hæc tibi euangelizare: & ecce eris tacens, nec poteris loqui.* Quæ tacēris culpa, si imperat silentium vis iubentis? Ergo & nos tantilli qui tacuimus, quod tacuimus habetote non obliuionis fuisse, sed temporis: diuini negotii, non rationis humanæ. Ergo tristes non sumus, quia donante Deo, silentium momenti continuato sermone pensabitur, & modicum quid tristitiæ nostræ magnum vertetur in gaudium. Gratias ago deo meo, qui mihi in amoris lucrum vertit dampnum sermonis: nam quanta sit in me charitas vestra, pallor prodidit: testatus est clamor, ostenderunt lachrymæ, oratio effusa monstrauit.

De eisdem. Sermo LXXXVII.

Sicut nimio dolore & infirmitate longa luminibus obscuratis, nisi sensum refusa fuerit, fit inimica lux: certè cum solis sit condita lux oculis, solis sit oculis lux amica, per quos vtique reliquo corpori vel traditur, vel negatur ita diuino

perfidie morbo contenebratis mentibus, nisi paulatim fuerit
 fi dei claritas restituta, subito ipso fidei splendore magis per-
 fidie crassescit caligo, longo usu aut producitur, aut obrudi-
 tur semper natura. Hinc est quod dominus tetro infidelitatis
 nubilo cordibus iam cæcatis, ut irradiaret partus virginiei
 sacramentum, desperatæ & annosæ sterilitatis antè præmisit
 conceptum: ut qui videbat post senectutem longam arida
 membra reuiuiscere, & transacto curriculo iam vitæ veteranæ
 in primam reflorescere pubertatem, atque ipsam naturam in
 occiduâ ætatem ad nascētis serui insignia suscitari, pudicitie
 florē, pudoris titulum, castitatis insignæ, virginitatis claustra
 manere post partū posse crederet, posse auctore ipso ex utero
 procedente seruari. Et ut præfationi nostræ ac similitudinī,
 quàm de oculis sumpsimus vetusto languore defessis: ipsa
 de qua loquimur modo, adsit, & astipuletur auctoritas, ac
 probet oculos hominum nocti malè assuetos, obscuratos,
 promotos sensim reuocatos ad lucem: in Ioanne dominus
 accedit sui luminis, & præmisit lucernā, ut degustato lumine
 in se iam diuini solis iubar ipsum præferrent, ipsam deitatis
 caperent claritatem: Iuxta illud quod dictum est de Ioanne,
 Ille erat lucerna ardens & lucēs: ut ille dēsas noctis placido
 lumine aperiret tenebras, ipse noctis nescium diem iam
 desiderantibus, ad lucē perpetem redonaret. Hinc est quod &
 Magos adhuc noctis incolas, & totis obstupescences oculis,
 tenuiter micās stella assuefacit ad lucē, & gradatim pertrahit
 ad ipsum fontem luminis & dierum: Et re vera fratres, con-
 gruit, quia totius anni meas temporum quadriga percurrit,
 ac nobis domini nostri natalitia festa reuocat, & gaudia iam
 reducit. Nunc de Ioannis ortu, de partu sterilis iam loqua-
 mur: ut compendio credulitatis isto, ad illud ubi partus est
 sine partu, ubi creatur auctor ipse procreantis, ubi nascitur
 ipsa origo generāis, inter hyemales, ac nubibus & nebulis
 dubias luces, lucerna præuia, stella duce peruenire possimus.
 Fuit, inquit, euangelista, sacerdos quidam nomine Zacharias, & uxor
 eius Elizabeth: & non erat illis filius, eo quod esset Elizabeth steri-
 lis: & processisset ambo in diebus suis. Sterilitas senectutis exagge-
 ratur extrema: & ab spe generandī totum subducitur quic-
 quid est corporis & naturæ: & ne vel cogitatio sobolis vlla
 remaneret, ad id peruētū est temporis & ætatis, quo trāsacto
 calore vitālī moriale frigus sterilis iā viscera possidebat: ut

Ioan. 5.

Mat. 2.

Luc. 1.

genitor ipse cognosceret inde iam per hominem nō posse nasci hominē, vnde abscesserāt res humanę Sic, sic fratres, duris hominum pręcordiis credulitas asseritur, & inseritur fides: & tunc totū diuinum creditur, cum fuerit nil humanum. *Sorte exiit ut incensum poneret Zacharias ingressus in templum domini.* Bene dixit ingressus in templum, non ingressus templum: quia ipse erat Dei familiaris templū, portans in sui pectoris puritate tota legis arcana: & apponens non tā thuris, quā purę supplicationis incensum. Gratius nanq. Deus in suo, quā in hominis opere requiescit: & non tam libēter odoratur Arabicę arboris guttā, quā synceri cordis & pectoris sanctitatem. *Apparuit ei angelus domini, inquit, stans à dextris altaris incens.* Dicere suffecerat, apparuit ei angelus, quid magnopere à dextris altaris? Vt esse in sanctis angelis auditor intelligas nil sinistrū, dicere scriptura, Vias quę à dextris sunt nouit dominus. *Apparuit ei angelus.* Cū iam defecerat totus homo, vt ante Iohannes nasceretur ex sterili, quā Christus nasceretur ex virgine: dictum est de Iohanne, Ecce ego mitto angelum meum. *Fœlix,* quę vt in Deum cresceret, in senibus sic defecit natura: *fœlix,* quę sterilitatis damna virginea scđdita te mutauit: *fœlix,* quę vno cōcepit in partu quicquid in toto orbe confundere deplorabat: *fœlix,* quę facta est vitaliū germinans mater, quę erat antē origo miseranda mortalium, ad dolores pariens cum dolore, ad gemitus edēs cum gemitu, ad pericula producēs hominem cū periculo generātis, & in ipso ortu occasum nuncians per lamēta & lachrymas. semper deuorās partus suos, ferēs se tantis mœroribus generare morituros. Pascebat ergo sterilitate magis natura, ne ipsa scœcūditate grauius defauiret, fletus potius editura, quā pignora: quę vique lachrymis, mœrore, gemitu, tāto tēpore suū quærebat & interpelliabat authorē. intelligens hoc sibi accidisse per culpā nō esse ab uthore piissimo institutū, cū crearetur. Huc est, quōd dominus cōditor ipse naturę viā virginei cōceptus, virginei partus, inuisibili vestigio & ignoto calle pertransit, & iter humani ortus diuino gressu ambulat, non humano, vt nascēdo ipsam naturā à seruiture mortis, cui taliter addicta fuerat primitus liberaret: & fonte purgato supernā ciuilitas redderet puritatē. Merito Iohannes in veteri exultat, qui originis suę libertatē antē posse, quā esse meruit, antē meruit leatire, quā viuere. In hora incēsi per angelū apert

Prov. 4.

Iuxta

LXX.

Mat. 11.

ritur sterilitas, conceptus iubetur, promittitur partus, & inter sacraria natiuitas sacra procuratur: hinc est, quòd adhuc in utero cum membrorum compage pene concepta in Ioanne est prophetia: antè nutu dei loquitur, quàm pertineat ad vocis officium. Verum ne dum profunda & mira latissimæ lectionis breuiato cupimus sermone còcludere, quæ maximè dicenda sunt transeam: proximè, si deo placuerit, de sequentibus differemus.

De eisdem,

Sermo

LXXXVIII.

Semper debere anxium est fratres: semper triste scœnoris vinculis alligari: sed me, quem vobis mea sæpe facit promissio debitorè, satis sibi de talis debiti natura & obligatione blanditur, quid dat, non accipit qui promittit: & qui dando debet, sibi magis ipsum facit obnoxium creditorem: atque ubi qui credidit debet, & qui debet credidit, ibi necessitudinis, non necessitatis probatur esse còtractus: & in tali scœnore animæ nō oneris, sed honoris prædulcis currit vsura. Posteaquam Zachariæ sacerdoti apparuisse angelum domini euangelicus sermo descripsit, adiecit dicēs, *Et turbatus est Zacharias* Luc. I, *videns, & timor irruit super eum.* Si de iudicis potestate sollicitus est, qui semper de apparitoris turbatur & contremiscit aduentu: & mandati meritum de persona venientis æstimat, & meretur: & quāuis bene concitus pauet, donec causas venientis agnoscat & intelligat qualitatem: quid faciet, quo pauore trepidabit, cum potestatem supernā senserit hominis imbecilla natura, cum respexerit homo angelū, & diuinę sedis ministrum viderit? Caro nunquam de sua conscientia est secura: sicut Zacharias ipse, de quo loquimur nunc, comprobauit: qui in ipso tempore placationis offendit: qui dum credit, dubitat, dicente angelo, quia non credidisti verbis meis: dum postulata promeretur, incurrit, condemnatur, munera ipsa cum suscipit: qui vocem, cum vocem percipit, tunc amittit. Hinc est, quòd angelus antequam mandata pandat: dona tradat, referat impetrata, metum discutit, fugat timorē, confortat animos ancipiti cogitatione turbatos, ut mēs quę mi-grauerat à se nimio pauoris excessu, in semetipsam reuersa beneficiorum tantam sentiret & caperet largitatem, dicens, *Ne timeas Zacharia, quoniam exaudita est deprecatio tua: & uxor tua Elisabeth pariet tibi filium: & vocabit nomen eius Ioannem.* Putasne sacerdos tantus sic est populi, sic vniuersitatis obli-

tus, vt de conceptu veteranz coniugis, de partu desperatę sterilis rogarer, vt sibi soli legatus omnium tunc adesset, vt aduocatus omnium pro se singulariter oraret, vt tantum pontificatus officium intra domesticas arctaret curas, inter familiares clauderet & occuparet angustias, & incensum totius plebis in solum desiderium proprij pignoris addiceret veteranus antistes, ac tali desiderio grandęuus, & ipsum tempus iam respiciens, ad partum succederetur intempestiuum? Absit fratres, absit, vt hoc de sancto Zacharia fidelis anima suspicetur. Er quidem angelus in hoc fuisse refert totius supplicationis effectum, dicens, *Exaudita est deprecatio tua: & uxor tua Elisabeth pariet tibi filium.* Si angelus ad petita respondit, sacerdos pro solo pignore supplicauit, si pro omnibus egit supplicatio sacerdotis, cor angel' de sola pignore retulit impetrata? Quid tenemus, quid diu suspendimus animos auditorum? quā non sibi soli, sed omnibus affuerit iste venerandus antistes, quā responderit angelus vniuersis, quā deus prospexerit in vno isto germine sacerdotis, quę genitoribus vtiq; & ipsi ob hoc delegerat naturę, vt cum daret vniuersitati, largiretur sæculis, populis condonaret, & fieret sacramenti filius inter sacraria delatus, inter sacramentacōcessus, esset antistes de venerando generatus antistite, esset angelus ore angeli sancta dilatatus in viscera, esset vox Christi. Ego vox clamanis in deserto, esset vox Christi, ad Christum sua reseruatus ad tempora, esset p̄eco iudicis p̄sentiam clamarurus, esset p̄nitentia populos Christi vocaturus ad veniā: quā sacerdos ergo iste iam sui nescius, iam sibi mortuus, extraneus coniugi, soboli iam negatus egerit omnibus, omnibus impetrarit mox angelo referente, discamus, *Et multi, inquit, in natiuitate eius gaudebunt.* Non est vnigenitus, qui est cunctorum creatus ad gaudium. *Erit enim magnus coram domino.* Qui coram deo magnus est, quantus sit p̄ces homines quis p̄obabit? *Et vinum & siceram non bibit.* Qui natus est sancto de corpore sacerdotis, & summa senectute, ab omnibus vitiis defæcato, atque exempto iuuetutis incendiis, vinū nescit, ignorat siccam, quę pariunt, luxus ebrietatis & vitia: & tota dissipant morum decora ornamenta virtutum: *Et vinum & siceram non bibit, sed spiritu sancto replebitur adhuc in utero matris sue.* Iuxta illud Apostoli, Fratres, nolite inebriari vino, in quo est luxuria, sed repleamini spiritu sancto. *Et spi-*

Ioan. 1.

Eph. 5.

ritu sancto replebitur adhuc in utero matris sue. Beatus Ioannes, qui antè dei spiritu meruit intonare, quàm hominis vagiret in fletu: beatus, qui antè diuina possidere meruit, quàm sortiretur humana: beatus, qui antè meruit cælum scire, quàm tetram: beatus, qui antè quàm videret præsentia, futura meruit nuocere: beatus, qui antè deum capere potuit, quàm suo ipse caperetur à corpore: beatus, & singulariter est beatus, qui antequam saperet quærere, meritum cōquisiuit: beatus, qui non peruenit ad gratiam per laborem, sed ad labores ipsius gratiæ dignatione descendit. *Et multos, inquit, filiorum conuertet.* Ad quem? dicat angelus, vt quia blasphematur, quia negatur hæreticus, contemescatur: dicat angelus, vt audiat fidelis, & gaudeat: credat hæreticus, & recurat. *Conuertet.* Ad quem? *Ad dominum deum, inquit, ipsorum.* Quis est hic deus? De quo propheta dicit, Hic est deus noster, & non est alius absque eo, qui inuenit omnem viam disciplinæ, & dedit eam Iacob puero suo, & Israël dilecto suo. Quando dedit? Tunc vtique quando legalibus in tabulis totius vitæ regulam, totam disciplinæ descripsit & normam. Attentus esto auditor, vt scias quis est hic deus noster, absque quo alius non est. Quis est? Post hæc in terris visus est: & cum hominibus conuerſatus est. Quis est ali? visus in terra nisi Christus, qui nostra est conuerſatus in carne? Et quis est alius, cōuerſatus cū hominibus, nisi ille qui cū hominibus humano est commoratus in corpore? Et si hic est deus noster, & nō alius absque eo, hæretice cum hunc non habueris, quem habebis? Non est alius, inquit, absque eo: & hunc non dicis, ergo vbi est pater? Propheta dicit, non est alius absque eo: & vbi est? In filio vtique, quia præter filium non est pater. Ego in patre dicit, & pater in me est. Vnde & propheta non dixit, non est alius, sed non est alius absque eo: hoc est dicere, est: sed in ipso est. Sed dicis, & si in ipso est, quomodo est alius? Hæretice, sic est alius persona, vt sit ipse substantia: sic est ipse substantia, vt nulla sit cōfusio Trinitatis: sic est vnitas trinitatis, vt nulla sit in deitate distātia: sic in se est, & sine se tota trinitas nō est, vt inſit in patre, & filio, & spiritu sancto personalitas diffinita, non separata diuinitas. *Et ipse precedet ante illum.* Ante quem? Ante Christum, qui est deus ipsorum, deus noster deus omnium, deus absque quo alius non est. *In virtute Eliæ.* Nemo cum hoc audit, *μὴ μὴ* *ἔχῃς* imputet: hic spiritum dicit illum, quem per

Baruc. 3.

Ioh. 14.

Id est, eos, qui animarum demigracionem afferunt.

diuinam gratiam meruit, non quem carnis est consecutus ad vitam: & virtutem dicit illam, quam de supernis habuit: non illam, quam propter corporis adeptus est firmitatem. Ioannes ergo Eliæ venit in spiritu, & in eius virtute graditur, qui totum victu, vestitu, honore, castitate, abstinētia, & omnibus Eliam virtutibus repræsentat, & Christum. *Preparare domino plebem perfectam.* Quam in vobis deus, & dominus noster præparare & confirmare dignetur in gloriam nominis sui.

De eisdem, Sermo LXXXIX.

Gen. I.

Iuxta

LXX.

OMnia quæ à deo creata sunt nobis, bona sunt, & bona valde: dicente scriptura, Et vidit deus omnia quæcunque fecit, & ecce valde bona. Ergo omnia quæ à deo creata sunt, bona sunt, & valde bona: sed inter vitia, virtutisque media sic habentur, ut ex ipsis, & periti doctrinæ materiam sumant, & erroris causam inueniant imperiti. Sapiētes namque creatorem creaturæ contemplatione cognoscunt: stulti vero dum creaturas ipsas deos existimant, sapere nequeunt creatorem. Hinc est, quòd solem, lunam, stellas, aurum, lapides, ligna, deos sibi fecerunt gentiles, quæ Christiani addicta suæ sapiunt seruituti. Nec mirum sic esse mediā creaturam, quando ipse creator omnium Christus est fidelibus in salutem, infidelibus in ruinam, euāgelista dicente, Hic positus est in ruinam & resurrectionem multorum. Apostoli etiam aliis habentur in mortem, aliis habentur in vitam: Paulo probante, cum dicit, Quibusdam sumus odor mortis in mortem, quibusdam autem odor vitæ in vitam. Ergo & euāgelicæ lectiones fiunt bonis intelligentiæ salutaris, malis verò erroris occasio. Ante hac euāgelista beatissimus, cum referret Ioannem Baptistam Herodis astrictū vinculis, adulteriis Herodiadis extinctum, truncatū in præmium saltatricis, sensimus aliquos fuisse permotos, cur deus sacrilegæ sanctum, adulteræ

Luc. 2.

2. Cor. 2.

*Infra sermo-
ne, CXXVII.*

virginem, angelū addixerit saltatrici. Fratres, virtutes Ioannis, Herodis crimina abundanter alio sermone tractauimus: nunc eloquamur quæ vinculorum causa, carceris quæ necessitas, quæ mortis utilitas fuerit in Ioanne. Ioannes non potuit mori communi sorte, qui natus est priuilegio singulari: cum Christus deus nasceretur in carne, Ioannes angelus est generatus in terris, ut ita officia terrena officiis se cælestibus miscerent, sicut humanis se diuina miscerant: & in terra deo angelus, domino ordo cælestis obsequii non deesset. Sed au-

diamus ordinem nascentis Ioannis, vt causas mortis eius inuenire possimus. *Fuit, inquit, in diebus Herodis regis Iudæe, sacerdos quidam nomine Zacharias, de vice Abia: & uxor eius de filiabus Aaron, & nomen eius Elizabeth: Erant autem ambo iusti ante deum, incedentes in omnibus mandatis & iustificationibus domini sine querela.* Oratores magni, & excellentes ingenio, quoties illustrium virorum parant narrare virtutes, auos, atauosque commemorant, vt ad honorem præsentium accedat dignitas antiquorum, & laus patrum filiorum redundet ad gloriam. Maior est innata gloria, quàm quæsitæ: præcedit quod venit ab origine, quod sequitur ex labore: gloriâ beatius est habere, quàm quærere hinc est, quòd euāgelista vt extollat Ioannis gloriâ, Zachariæ patris, Elizabeth matris genus dicit, auos memorat, scribit merita, loquitur titulos, gradus digerit, vitâ pādit, dilatat insignia prædicat sanctitatem. *Fuit, inquit, in diebus Herodis regis Iudæe.* Tempus memorat regis nefandi, qui sacrum sacerdotij violauit morem: cōfudit ordinem, statutū soluit, abstulit institutū. Et hoc accedit ad meritū Zachariæ: quia cū in omnes pene Herodes ausus suæ temeritatis extēderit, ausus sit nil in isto: virtutibus sit huius oppressus, vt sacerdotis immaculata successio ad gloriâ germinis seruetur. *Et uxor eius de filiabus Aaron.* Aaron primus pōtifex in lege fuit sacerdotii origo: propterea merito prætermisiss omnibus eius filia dicitur, cuius in se memoria prætulit sanctitatem, quam tātī generis pia custos gloriosissimè transfudit in filium. Sed huius matris laudes euāgelista describit. *Erāt, inquit, ambo iusti ante deū.* Est noua fœlicitas, est coniugiū singulare, quādo manet in duobus mēs vna, vna sanctitas in duobus, cōstabat mēte, quod distabat in sexu: & in moribus erat vnū, quod geminabat aspectus: ac virtus reddebat pares, impares dederat quos natura. *Erant, inquit, iusti ambo ante deum.* Placere iudiciis humanis, coram hominibus esse iustum, est virtutis humanæ, maximi est & laboris: ante deum qui scrutatur corda, cogitationes discuit, videt mētium motus, esse iustum humani laboris non est, muneris est diuini. Si magnus est qui nō peccat in carne, quantus est qui corde non peccat? Ioānes ergo supra carnem est natus de istis, qui ante deum nec corde, nec corpore peccauerunt. Adiecit euāgelista, dicens, *Incedentes in omnibus mandatis, & iustificationibus domini sine querela.* Incedentes, incedit qui nō stat in triniis peccatorum: qui pe-

regnum se hoc sentit in seculo: qui asperas virtutum intrat
intrepidus mansiones: qui montes iustificationum, manda-
torum colles indefessus viator ascendit: vt præsentia parētis
dei, patriæ cælestis beatitudine perfruatur. *Incedentes in omni-
bus mandatis & iustificationibus.* Hi in omnibus, in quibus ne-
mo, vel pauci. In omnib⁹ mādatis & iustificationibus. Quis
fumi in seius cupiditatem trāsīt incendia: quis vitæ lubricum
nunquam lapsus euadit? per vitiorum gurgites quis impol-
lutus incedit? carnis negocia, vitæ causas, actus mundi quis
peragit, & non erit in querela, cum nasci ipsum plenum sit &
lachrymis & querelis? Nanque parturiens queritur ex dolo-
re, & natus in lachrymas queritur ex natura: sed in Zacharia
& Elizabet reatus occidit, periit querela omnis est amputata
causatio quia in illis parabatur vnde tota sanctitas nascere-
tur: sed hoc ex ipsa iam lectione luceat. *Et non erat ei,* inquit,
filius, eo quod esset Elizabet sterilis. Sterilitas ista non erat ma-
ledicta, sed mystica, in qua partus non ablatuſ est, sed dila-
tus: neque erat pignori clausa, sed tempori: collebatur tem-
pore, virtute serebatur, maturabatur etate, senectute cresce-
bat, vt in filio singulari tota fecunditas pensaretur, quando
in vno nascebatur numerositas cōgesta virtutum. Beata ste-
rilitas quæ vnum seruabatur ad partum: & expectabat Ioan-
nem, cui quia prima omnia debebantur primogeniti digni-
tas non periret. *Et ambo processerant in diebus suis.* Processere-
rant, non decesserant: vixit in sanctis ætas, non defecit, sed
processit. Aut quid illis deficit, quibus accedunt semper in-
crementa virtutum? Ergo in Zacharia & Elizabet stupet se-
xus, frigescit caro, membra sopiuntur, tempus prætetit, ætas
transit, aboleſcit totum quicquid est & humani ordinis, &
negotij coniugalis, vt diuino munere, non partu ex homini-
bus angelus nasceretur, Promiseramus de ortu Ioannis cau-
sas mortis eius expromere, sed quia nos hodie longius ser-
mo protraxit, & ad probationem rei satis nobis necessaria
sunt quæ sequuntur, quæ modo dicta sunt, ortus eius depu-
tentur ad gloriam: nōsque ingrati non simus vobis, quid diffe-
rimus debitum, non negamus: nam debitoribus dilatio cre-
ſcit ad gratiam creditoris. Expectate ergo quod promittit
debitor, & expectate securi, quia promissa negari nequeunt,
quando sterili tam largiter negata soluntur.

ERigi nos sanctorum lapsibus, sanctorum trepidatione
 fundari cunctatio nos hodie Zachariæ docuit sacerdoti:
 qui cum non credit dei promissa, sed discutit, & opera di-
 uina non fide percipit, sed humana ratione disquirat, infide-
 litatis culpam longa silentij condemnatione persoluit: au-
 dierat ab angelo, *Exaudita est deprecatio tua: & uxor tua Eli. Luc. 1.*
zacheus pariet tibi filium. Qui tunc respondit *Vnde hoc sciam? Ego*
enim sum senex & uxor mea processit in diebus suis. Nonne quan-
 tum senectute longa spem posteritatis amiserat, tantum lon-
 go vitæ usu fuerat edoctus, quod deus impossibile nil habe-
 ret? Legerat tanti temporis sacerdos, sciebat veteranus pōti-
 fex lege naturam, non authorem naturæ posse constringi: &
 tempus homini posse, suo non posse præscribere conditori:
 nouerat de Abrahæ & Sarre emortuis extrema senectute cor- *Gen. 21.*
 poribus, & à patris matrisque nomine famosissima sterilita-
 te summotis, Isaac ad totam fecunditatem Israël iuici gerimi-
 nis erupisse? cui non obfuit tātum defuisse naturam, quantū *Gen. 25.*
 nasci profuit authoris beneficio, non naturæ: didicerat Re- *1. Re. 1.*
 beccæ & Annæ effœtis diu, diu naturæ suffragio destitutis,
 dedisse deum quod sterilitas abnegauerat edoctus ergo tan-
 tis, quid est quod dicit? *Vnde hoc sciam? Ego enim senex sum: &*
uxor mea processit in diebus suis. Fratres, satis ad deum trepida,
 satis ad diuinas virtutes hominis est imbecilla natura: nec ta-
 lem se in causa inuenit, qualem se æstimat ante causam: & sa-
 tis se ignorat antè, quàm se rebus probet, & experiatur exem-
 plis, petit cælum, petit alta scrutatur superna, mouet cælum,
 pulsat cælum: sed cum cælum mouerit, cæli pondera nō po-
 terit sustinere, ambit fidei subire verticem, ardet cælum sua
 penetrare virtute: sed ætherias in vias ubi incedere humanis
 gressibus inchoat, & cum suam deorsum respicit ad naturā,
 non tantum fidit de præteritis, quantum trepidat de ruina.
 Sic beatus Petrus cum per æquora diuinos imitatur incessus, *Mat. 14.*
 & nouus viator molle iter duris gressibus calcat, antè de la-
 psu supplicat, quàm gaudeat de donato. Sic nunc Zacharias,
 qui cum diu fletet diabolum posse, regnare mortē culpa ho-
 minis vnus: nasci homines ad labores, ad gemitus, ad pericu-
 la, optate licet ærumnosa, moritura: nec posse pignora pro-
 mereri, stare inter acies criminum, obsideri vitiorum cater-
 vis, infirmitatum quati, & quassari semper impulsu: videre
 eminus vexilla virtutum, spem legis, gratiæ libertatem, nec

tamen illuc quęquam propriis posse viribus peruenire: velle bona, & non facere crimina odisse, nec vincere: debere iam misereri deum: debere iam taliter subuenire captiuis. Pontifex ergo iste cum dei aures cōtinua & tali querela, tali lamentatione pulsaret, deus sic pia, sic iusta poscenti, ex germine ipsius responsionis suę sumpsit, & instituit mirabile documentum: quocredere posse deum dare vitam mortuis, salutē reddere desperatis, si senectuti mortuę sobolem, si sterilitati dedisset filium desperatę sicut euāgelicus aperit sermo, cum dicit, *Exaudita est deprecatio tua: & uxor tua Elizabeth pariet tibi filium.* Redemptionis huius nuncium, huius salutis pręuium: qui deum non sicut tu vocadeat, non gemitibus flectat, non ad impetrandū nostra ille sicut tu suffragia requirat, sed ipse in nostro ordine constitutus, & angelico honore fultus, deum satis ab omnibus desideratum, nec ulli vnquam cognitum, etiam ipsis angelis inuisum, manu teneat, amplectatur gremio, & iam conspicuū mundum vllis fœlicibus tradat: palmis beatissimis assignet humanis oculis peruidēdum, deum cognitū faciat vniuersis, perducatur dominum ad cōsortia seruulorum, misceat reis iudicem, censorem in se testetur noxiorum suscepisse personam, ac sic probet condemnationis humanę sententiam cessaturam, quando ipse agitur, ipse currit per veniam, qui reos erat daturus ad pœnā. Vt luceat hoc mysterium pietatis immensę, Zacharia tuus filius suum dominum pœnitentię demergit in baptisma, in remissionem diluit peccatorum, quia voluit fons dilui, cognitor suscipere veniam, iudex ipse suam subire sententiam, ne damnaret reos, nec vindictam proferret in noxios. ascendit crucē, degustat mortem, sepulturam patitur, intrat infernū, qui puniri voluit, ne puniret, qui amari magis voluit quam timeri. Quod vbi Zacharias fratres audivit, tantum se meruisse suis precibus sacramentum, rei ipsius consideratione territus, sacramenti ipsius æstimatione turbatus, nec se mereri tantum credidit, & deum dubitavit ad hæc talia, & tanta descendere: hinc est quod dicit, *Vnde hoc sciam? Ego enim senex sum: & uxor mea processit in diebus suis.* Hoc est dicere, quomodo me habere filium ratio non permittit humana, ita nasci & mori deum maiestas non sinit sempiterna. Cui angelus venerabiliter nō credenti pœnam signi tantū dedit, non perfidię: cautelę est tardē de deo humilia credere, de deo tardius contumeliosa

sentire: adiecit angelus, dicens, *Ego sum Gabriel. Ut ex nomine tanto, & ex merito ministri tanti, pontifex promissionis, fidem pensaret, & crederet qualitatem. Ego sum Gabriel, qui asto ante deum, & missus sum loqui ad te. Dum dicit nomen, designat meritum. cum se refert astare, se missum refert: servitutem fatetur, ne prerogativa nominis debitum celaret obsequium. Ego sum, inquit, Gabriel, qui asto ante deum, & missus sum loqui ad te: & hec tibi nunciare.* Verè magnus dominus, & *Psal. 146.* sapientiæ eius non est numerus: infirmantem curat de vulnere, nutantem de ultione confirmat, de supplicio fidei perficit argumentum, dicendo, *Et ecce eris tacens: & non poteris loqui.* Ut ex te, & in te credendi regulam consequaris: & vernaculo exemplo deum posse credas facere quod promittit: nam cum vult tuæ vocis organum claudit: & cum vult tui aperire oris officium, profecto potest: & cum vult fecundam ex sterili facere, ex fecunda sterilem cum promittit, potest: cum vult largiri partus officia, obsequia naturæ cum vult prævalet denegare. Egit ergo angelus, ut tali documento pōtīfex eruditus non dicat amplius, Vnde hoc sciam? Qui totius creaturæ indicio potuit approbare, quòd deus, qui cælum terram, mare, & omnia quæ in eis sunt, ex nihilo legerat substitisse, credere debuit, quod potuit ex aliquo facere, quod vult: & desperato reddere, quod promittit: & qui totū fecit ex eo quod non erat, ex eo quod est quicquid vult facere, non laborat. Et erat plebs expectans Zachariam: & mirabantur quòd tardaret in templo. Egressus autem Zacharias non poterat loqui ad illos: & cognoverunt, inquit, quod visionem vidisset in templo. Ille autem erat innuens illis: & permansit mutus. Egreditur pontifex gestans in ore sterilitatis indicium, portans in pectore conceptionis figuram, ut cum mater pareret filium, daret filius vocem, tunc verbi pater ederet sacramentum, & antè natus daret patri veniam, quàm dilueret crimina vetusta populorum: & quia qui non credidit, tacuit: meritò propheta, quia credidit, gloriatur, dicendo, Credidi, propter quod locutus sum. *Psal. 115.* Fratres, dat verbum fides: negat infidelitas verbum. Si nos ergo fratres, sicut dixi, sanctorum lapsus erigit, firmat trepidatio beatorum: nihil vnquam deo esse impossibile iudicemus, neque inquiramus quemadmodum facturus sit quod promittit, cuius voluisse, fecisse est: cuius dedisse, est promississe,

Luc. I.

Psal. 142.

Num. 20.

Exo. 32.

Matt. 26.

Rom. 3.

Ephes. 2.

Arum de terra legere qui nouerunt, vbi diuitem senserint venam, ibi quicquid artis est, quicquid laboris impendunt: & nos quia in sancto Zacharia celestem nouimus latere thesaurum, in ipso totum quod sermonis est nostri, quod vestri auditus est, occupemus: quatenus commune lucrum sit, quod fuerit communi labore quæsitum. *Fuit, inquit, in diebus Herodis regis Iudæ sacerdos quidam nomine Zacharias, ex vice Abia. Hoc iam diximus. Et uxor eius de filiabus Aaron. Sic cepit euangelista, ut in coninge sacerdotis seruata sacerdotialis stemmatis generositas monstraretur. Erant, inquit, ambo iusti ante deum. Ambo iusti, quia in ambo- bus erat vna iusticia. Ambo iusti. Quia constabat inter eos non de diligentia, sed de sanctitate coniugium. Ambo iusti. Quia sexu dispares, pares meritis habebantur. Ambo iusti. Quia ut erat in duobus vna caro, sic erat in duobus vnus spiritus, Imitentur conjuges, ut quos coniungit affectio, iungat & virtus. Erant, inquit, iusti ambo ante deum. Ambo iusti ante deum. Et vbi est illud, Non iustificabitur in conspectu tuo omnis viuens? Ante homines fortè quis putetur iustus, quia homines ut culpas corporum norunt, sic vitia mentis ignorant: ante deum vero, cui pectoris claustra patent, quem cogitationum secreta non latent, quis innocens habetur, & iustus? Estne homo qui corde non peccet, non cogitatione delinquat, non offendat dubitatione, non lapsum trepidationis incurrat? Moyses dubitat, Aaron deuiat, Petrus negat, & quis iustus? Et quomodo ambo iusti ante deum? *Ante deum, sed semper. Ambo iusti apud deum. Non labore, sed gratia: Audi Apostolum, Iustificati gratis per gratiam ipsius. Et iterum: Non ex vobis, dei donum est: non ex operibus, ne quis gloriatur. Et iterum, Quid habes quod non accepisti: si autem accepisti, quid gloriaris, quasi non acceperis? Euangelista ergo sic refert, non quid non habuerit, sed quid acceperit: non quid quæsitum sit, sed quid donatum. Erant, inquit, ambo iusti ante deum, incedentes in omnibus mandatis & iustificationibus dei sine querela. Incedentes dixit, ut eos ostenderet cucurrisse virtutibus, non stetisse: & ambulasse in via iustitiæ, non sedisse: nec remansisse in itinere mandatorum, sed ad mandatorum plenitudinem peruenisse. Incedentes in omnibus mandatis & iustificationibus dei sine querela. Beati, fratres, quos culpa non percutit,**

percutit, non vulnerat crimen sed beatiore*s* isti: quos tetigit nec querela. *Sine querela.* Si pueritia, si adolescentia, si iuuetus sine querela exiit, ubi tota querela est, qualis horum senectus? Si tale initium, qualis finis? Ascēdisse iustificationem vertices, colles mandatorum, nec in aliquo titubasse, est gratiæ singularis, est vnicæ fœlicitatis insignē. *Et non erat, inquit, illis filius, eo quod esset Elizabeth sterilis.* Non dixit non erant illis filij, sed nō erat illis filius, quia singularis futurus erat, qui erat de talibus nasciturus. Audi dominum dicētem, *Matt. 11.* Non surrexit maior natis mulierum Ioanne Baptista. *Eo quod esset Elizabeth sterilis.* Sterilis corpore, sed sœcunda virtutibus: tarda sobole, sed non tarda deo: non germini clausa, sed tempori: non negata pignori, sed seruata mysterio. *Et ambo, inquit, processerant in diebus suis.* Processerant: sic describitur sacramentum senectutis, quæ nondum decidit meritis, non ætate deficit, sed procedit: nec sentit detrimenta corporis, quæ sumit augmenta virtutis. Fratres, Elizabeth sanctæ partus non ablatu*s* est, sed dilatu*s*, donec transiret tēpus carnis, passio corporis, coningii necessitas, voluptatis causa, cupiditatis sensus, & totum quod humanum confundit, grauat, onerat conscientiam. Mundabatur enim longo tempore sacrificii domus sanctitatis hospitium, meatu*s* meratoris Christi, Angeli domiciliū, aula spiritus sancti, dei tēplum. Nescitis, inquit Apostolus, quia templum dei estis: & spiritus dei *I. Cor. 3.* habitat in vobis? Denique ubi tota corporis sedata querela est, & in totum facti sunt sine querela, mox sterilitas fugit reuiuiscit senectus, fides cōcipit, parit castitas, nascitur maior homine, par angelis, tuba cœli, præco Christi, arcanū patris, filij nūcius, signifer superni regis, peccatorum venia, Iudæorum correctio, vocatio gentium, & vt propriè dicam legis & gratiæ sibi*u*la, quæ diploidem summi sacerdotis sancto patri iungebat in pectore. Euangelista ergo virtutes patris, matrisque describit, vt ex generatorum tātis meritis dignitas germinis nosceretur: & probaretur maior homine, qui in ortu suo excedebat legem natiuitatis humanæ. Sed si processurus est, iam nascatur Ioānes, quia instat natiuitas Christi: surgat nouus lucifer, quia iubar iā veri solis erumpit: det vocē præco, quia adest iudex: clamet turba, quia venit rex: & quia processurus est deus, angelus iam præcedat. Verū, quia quod supra homines est, homo referre non sufficit, virtutes nascentis

angeli angelus iam loquatur. Dixit angelus ad Zachariam, ne timeas Zacharia: exaudita est deprecatio tua, ecce Elizabeth uxor tua pariet tibi filium: & vocabis nomen eius Ioannē. & erit tibi gaudium & exultatio: & multi in natiuitate eius gaudebunt: eris enim magnus coram domino: & uinum & ficeram non bibet: & spiritu sancto replebitur adhuc ex utero matris sue, & multos filiorum Israël conuertet ad dominum deum ipsorum, & ipse precedet ante illum in spiritu & uirtute Elie, ut conuertat corda patrum in filios: & incredulos ad prudentiam instorum, parare domino plebem perfectam. Vacat humanus sermo, silet prædicatio tractatoris, quando angelico præconio Ioannis profertur gloria uirtus insonat, laus collaudatur: nec est quod illi adiciat homo cui deus contulit totum. Spiritu sancto, inquit, replebitur adhuc ex utero matris sue. Videtis quemadmodum Ioannes antè perueniat ad cælum, quam tangeret terram: antè accepit diuinum spiritum, quam haberet humanum antè suscepit diuina munera, quam corporis membra: antè cepit uiuere deo, quam sibi: imò antè vixit ille deo, quam deus uiueret illi: iuxta illud Apostoli, *Vi*uo autem iam non ego, uiuit uero in me Christus. Sexto mense suæ matris exultat in utero, & in uterum virginis uenisse nunciat Christus. Feruens nuncius, qui antè gestiuit nunciare, quam uiuere? impatiens dux, qui antequam perueniret ad corpus, peruenit ad regē: antè rapuit arma, quam mēbra: antè aciem petiit, quam lucē: & ut uinceret mundum, uicit antè naturā, ipse sine uisceribus viscera matris exuiscit: & quia tardabat corpus, solo spiritu implet euangelizātis officiū. Quid dicam? Ioannes antequam Christum præcederet, se præcessit, Patris, matris, filii corda unus, atque idē implet spiritus sanctus: ut uno sanctitatis organo resonet natiuitatis dominicæ cātilena. Nec mirum fratres, semper ortus regios honorat festiuitas, dulcis gratificat symphonia. Et nos fratres, natiuitate Christi glorificemus canticis, honoremus muneribus: quia mentitur fidei, si quod facit Magus, non facit Christianus.

De eisdem,

Sermo XCII.

Matt. 2.

4. Reg.

SEnsim nos sermo Euāgelicus ad altiora promouet, ad superna extollit. Nec mirum fratres, si Eliā curus æthereus euexit ad cælum, cum quotidie ista Euangeliorum quadriga, hominum genus cæli perferat & transmittat ad regnum. Ecce iam nos ipsa fratres, de partu sterilis ad virginis partum & à Ioannis ortu, ad ortum nostri fecit proximos saluatoris.

Sed quod superest adhuc de Zacharia pontifice patientius audiamus, ut ad euabula nostri regis regali itinere peruenire possimus: qui ob hoc cælestis quadrigæ fidam conscendimus sessionem, ut sollicitas & arduas compèdiorum semitas vitaremus. Sic enim lectum est: *Et factum est, ut impleti sunt dies officij eius, abiit in domum suam.* Ita vni templo astabat tribus tota parebant milia sacerdotum: propter quod ipsa observatio pontificalis officij erat diuisa per plurimos, dispensata per tempora, distributa per vices, ne aut ordinem sacerdotij multitudo cōfusa turbaret: aut alter agendo iugiter alteri debitum negaret officium. *Post hæc autem concepit Elizabeth uxor eius.* Erat illis coniugij facultas, erat illis licentia donata generandi, quibus inerat adhuc legis adolescētia instabat adhuc religionis infantia. Lex fratres illicita prohibuit, licita non negauit: intra donum tenuit, supra donū cōferre nil potuit: naturā texit, supra naturā hominem nō erexit. Lex fidei ianua gratiæ nuncia. Euāgelij præuia, pædagogus religionis infantia, remisit in sacerdotio legalis coniugij castitatem, ut in pontificatu gratiæ venturam perpetuæ, virtutis gloriā nunciaret. Secundum hanc ergo indulgentiam Elizabeth annositate iam mortua, sanctū reuiuiscit in partum: & arida neque exarata rugis mēbra medullis vitalibus in viscera fœcūda viridātur: ipsum quoque tēpus, ipsum quo degerat reuocatur ad corpus: & vetustate nimia domus vteri dilapsa, in faciem nouā repente reparatur: stupet ordo, deficit consuetudo, miratur ipsa natura, & ex apparatu mansionis hospitis meritum, dignitasque innotescit. Verum Ioānes id generali habitaculo satis se miratus est esse peregrinū, qui se exclusum tempore, abdicatum natura, receptum se in eo authoris beneficio didicit, non parentis. *Et celabat se mensibus quinque, dicens, quia sic mihi fecit dominus.* Bene totum fecisse dominū confitetur, quæ sibi collatum per hominem nil videbat. Et occultabat se mēsisibus quinque: quia etsi erat diuini muneris, sui tamen temporis nō erat quod habebat. *Celabat se mensibus quinque.* Erubescit anus fœta, verecundatur vetula primi partus, & puerperam senectus abscondit extrema, ne sterilitatis opprobrium risus fœcundæ senectutis auget. Quod autem risui subiaceret senilis & veterana concepcio, persimilis huius sterilitatis & ætatis Sara probat: quæ sibi tum reddi partum, donari filium, cui iam vita pro-

Gen. 18.

Gen. 21.

pè deēiat domino promittente cognosceret, & ipsa de suo partu risit: & quòd risui posset esse omnibus pręgnās, & onerata canicies, ipsius germinis testatur ex nomine, dicēte scriptura, & vocauit nomen filij sui Isaac. Quod interpretari risum docuit, adiiciens, Risum mihi fecit dominus, Hinc est, quòd Elisabeth sacrum vult celare mysterium, dicēdo, *Quia sic mihi fecit dominus.* Vt modo conceptus fatiget verecundia, quandiu negati partus ærumna afflixit pater tacet ex pœna, ex verecūdia mater celat. O quanto silentio vox nascitur! O quanta taciturnitate tuba sæculis inclamatura generatur! O quod secretū diuini iudicis dat præconem! *Quia sic mihi fecit dominus in diebus quibus respexit offerre opprobrium meum inter homines.* Honor coniugii, matrimonii dignitas, est procreatio dulcium liberorum: satis enim graue est, & satis triste, & virginitatis carere pręmio, & filiorum solatia non habere sustinere onera matrimonii, & ad fructum matrimonii nō venire. Hinc est, quòd gaudet à se ablatum sterilitatis opprobriū: dicendo, *Quia sic mihi fecit dominus in diebus quibus respexit auferre opprobrium meum inter homines.* Quia hoc apud homines miserum computatur, apud deum verò reatus nullus est, vbi parentis culpa nulla est, sed iudicium denegātis. Certè si hoc affert aliqua corporalis infirmitas, necessitas in causa est, nō voluntas. Sed iam nunc omnis ignaua carnis intelligentia sit remota, tota corporei sensus abuciat infirmitas: & quæcūque est ingeniū humani omnis excludatur intentio, fidei pateant oculi, cordis referentur aures, mentis currat & occurrat incessus: vt peruenire ad mysterium virginēi conceptus, ad sacramentum partus virginēi penetrare possimus: adiuuante domino Iesu Christo, quia ex ea genitus nunc in cēlestia regna cum deo patre, spiritu sancto viuit per infinita sæcula sæculorum. Amen.

De ea quæ unxit dominum unguento.

Sermo XCIII.

Luc. 7.

AD prandium, & ad Pharisei prandium venisse Christum sollicitus forsitan miretur auditor. Pharisei domū Christus intrauit, nō accepturus Iudaicos cibos, sed diuinā misericordiam largiturus: neque accubuit pocula saporata melle, floribus odorata sumpturus, sed pœnitētis lachrymas ex ipsis oculorum fontibus potaturus: Deus delinquentium gemitus esurit, sitit lachrymas peccatorum. *Rogabat, inquit,*

dominum quidam Phariseus, ut manducaret cum illo: & ingressus domum Pharisei discubuit: & ecce mulier quæ erat in civitate peccatrix, ut cognovit quòd accumberet dominus in domo Pharisei: attulit alabastrum unguenti, & stans retro secus pedes eius, lachrymis cepit rigare pedes eius, & capillis capitis sui tergebat, & osculatur pedes eius, & ungebat unguento. Videtis quia ad Pharisei mēsam venit Christus, non ut carnalibus repleretur es-cis, sed ut in carne negotiū cæleste monstraret: neque ut probaret posita humanus ante se, sed post se gesta diuinitus approbaret. Christum nanque semper agnoscimus per humanos actus diuinas exercuisse virtutes: dum noua, & præter vsus mortalium cuncta esse quæ ab eo etiam corporaliter gesta sunt comprobantur. Phariseus ad manducandum vocat Christum: quid ibi quærit mulier non vocata? Claustra domus non prorumpit extraneus, conuiuii secretum non præsumit non inuitatus intrare, cibos paratos relaxandis mentibus post laborem perturbare non audet arbiter luxuriosus: & quid est quod hæc mulier ignota, imò male nota, onusta luctibus, plena lachrymis, clamorosa planctu, nescio ianitore, nullo conscio, ipso ignorante pastore, domus aditus percurrit omnes, transit totas ministeriorum cateruas, ipsum conuiuii peruolat ad secretum, & facit domum lætitiæ domum lamentationis & planctus? Fratres, non rogata venit illa, sed iussa: intrauit exhibita, non præsumens: ipse sic fecit assisti sibi, qui illam cælesti sententiâ iussit absolui. Denique dum Phariseus veste clarus, primus in signate, in ipsis oculis Christi tumens, epulis homini, non deo placiturus, festiuus infunditur, venit mulier, & venit retro: quia reus animus post tergum stat ad veniam: quia per culpam nouit se vultus fiduciam perdidisse: venit satisfactura deo, non homini placitura cum venit: venit pietatis illa, non voluptatis exhibitura conuiuium: denique & pœnitentiæ ponit mensam, fercula compunctionis apponit, panem doloris infert, potum lachrymis temperat in mensura, & ad delicias deitatis totas, totam pulsat cordis sui & corporis symphoniam, organi planctibus dat clamorem, citharam per suspiria longa modulatur, gemitus aptat in fistulâ: & dum pectus ipsam conscientiam arguens sæpe percutit, facit placitura deo cymbala personare: dumque taliter apportat diuinis oculis cibos, totas misericordiæ copias sic reportat. Ecce mulier quæ

erat in ciuitate peccatrix. Exaggerat Euangelista mulieris facinus, vt accumulet indulgentiam largitoris. In ciuitate peccatrix. Ciuitate peccauerat, quia fama sua famam totius tetigerat ciuitatis: sicq; iā non peccatrix solum, sed ipsius ciuitatis facta fuerat ipsa peccatum. Hæc cognouit, quod nisi ab illo solo ciuitatis peccatum nō posset auferri, qui solus mūdi venerat abolere peccatum. Et vt cognouit, quia accumberet dominus in domo Pharisei. Non ad stantē, non ad sedentem audet venire peccatrix: Deus cum stat, corripit: cū seder, indicat: prostratis coniacet, cum decumbit. Vt cognouit quod accumberet dominus in domo Pharisei. Inclinem ad miserandum supernam didicit maiestatem: & ideo credidit, quod esset ad veniam sibi prōptus, qui Pharisei venerat tam prōptus ad mensam. Attulit alabastrum unguenti. Portauit oleū, quia medicinā lethali vulnere à superno medico perquirebat. Stans retro secus pedes eius. Ad pedes tēdit semper citam veniā qui requirit. Et benestās, quia iam cadere non potest, qui ad pedes Christi meruit peruenire. Stans retro secus pedes eius. Vt Christi vestigiis innixa percurreret per viā vitæ, quæ per viam cucurrerat mortis. Lachrymis rigabat pedes eius. Ea mutatur ordo rerum, pluuiam terræ cælum dat semper: ecce nūc rigat terra cælum: imò super cælos & vsque ad ipsum dominum imber humanarum profilit lachrymarum: vt iuxta Psalmistā & de aquis ætuum cantetur illud, Et aquæ quæ super cælos sunt, laudent nomen domini. Lachrymis rigabat pedes eius. O quanta vis in lachrymis peccatorum, rigant cælum, terram diluunt, extinguunt gehennam, delent in omne facinus latam diuina promulgatione sententiam. Et capillis capitis sui tergebat. Dominicis pedes lauat lachrymis, crinibus tergit, vacat ab excusatione paupertas, inhumanitas veniam non habebit: quia in totum sibi natura sufficit ad obsequium creatoris. Et capillis capitis sui tergebat. In peccatricis caput purgandis criminibus resuebat vnda, vt suo fonte mulier in nouum baptisma suorum dilueret illuuiem peccatorum. Et capillis capitis sui tergebat. Vt iuxta Psalmistā, Verticem capilli, ex quo ambulauerat in delictis suis, in sanctitatem tali venteret seruitute. Et osculabatur pedes eius. Præcesserant interuenientes lachrymæ, vt oscula deuota sequerentur, quia lachrymæ satisfactionis sunt documentum: oscula sunt reconciliationis indicia. Et ungebat unguento. Mulierē super caput domini fuisse oleū: alio

Psal. 148.

Psal. 67.

Mat. 26.

Euangelista referente, cognouimus: non est ergo quod facit hæc mulier mollis & carnalis obsequii, sed plenæ humanitatis est sacramentum: quia in capite Christi Deus est, in pedibus euangelizantium pacem. Orate fratres, ut & nos in vnguine domini commercemur aliquatenus computari, & vnguamur vnguento quod pedibus funditur saluatoris: quia sicut oblatio est, cum offertur vnguentum: ita Chrisma perfectum est, de dominicis vestigiis, cum redundat. Cuius autem mulier ista typum præferat, vel quàm magnum præfiguret arcæum, donante deo, tunc dicemus, quando ea quæ sunt in sequentibus exponentur.

De eadem,

Sermo XCIIII

Quoniam sermone proximo partem primam hodiernæ percurramus lectionis, admirati pariter sumus quo furore, qua fide quali ausu, quanta obsequii nouitate, peccatrix mulier ipsius vestigia contigerit saluatoris: modo quid Phariseus tacens dixerit, quid Christus, cui loquuntur tacita, responderit, audiamus. *Videns, inquit, Phariseus, qui vocauerat eum: ait intra se dicens, Hic si esset propheta, sciret utique quæ, & qualis est mulier quæ tangit eum.* Phariseæ, quod conspicias non est ignorantia, sed potestas: est diuini iudicii, non erroris humani. Phariseæ erras, nescire magis potuit si fuisset propheta: quia prophetia non est humani arbitrii, muneris est diuini: vnde propheta sit non quantum vult, sed quantum dederit ille, qui tribuit prophetiam. *Hic si esset propheta, sciret utique quæ, & qualis est mulier quæ tangit eum.* Mulieris malæ tactus vixit male cōscium: parem polluit, suspectum notat, hominem malæ voluntatis infamat: cæterum peccatrix sit bona, sit sancta, sit innocens, cum tetigerit veniæ largitorem. Stercora contingunt, sed non inquinant solem: medicum cum tangit vulnera putredo non polluit: iudicem quanuis tangat reus, non potest maculare cum supplicat: sic peccator cum dominum tangit, non dominum sordidat: sed ipse & peccato caret omni, & rapit subito sanctitatem. Probat hoc mulier in profluvio sanguinis constituta, quæ ut tangit simbriam domini, non simbriam polluit, sed ipsa mox inquinamento vetustæ carnis passionis. *Hic si esset propheta, sciret utique quæ, & qualis est mulier quæ tangit eum.* Phariseus Christum prophetam crederet, si exposita oculis, nota populis si videret. Quid putas crediturus erit, cū mox cum metis suæ arbitriū, cordis

Luc 7.

Sui iudicem, testem conscientię suę, cogitationum suarum
 didicerit cognitorem? Putaſne vel tunc fatebitur Deum, quē
 modo poſt virtutes tantas iudicat nec magiſtrum? *Hic ſi eſſet*
propheta, ſciret utique quę, & qualis eſt mulier quę tangit eum. Mu-
 lier habebat vulnus, ſciebat illud: & ideo taliter tanti vulne-
 ris medicum perquirebat: Phariſæus perfidię morbo ſau-
 cius, ſuperbię flamma febriens, per phreneſim ſe neſciebat
 in ſanum. Hinc eſt quod Chriſtus illuc primum curam ver-
 tit, ubi ignota ſæniebat infirmitas: vt cæleſtis medicus vno
 medicamine duos curaret ægrotos. *Videns Phariſæus qui voca-*
uerat eum, ait intra ſe, dicens, Cui, quia intra ſe cogitauerat
Phariſæus, Chriſtus publica voce reſpondit; & dum Phariſæi
cordis patefecit arcanum, ipſum fuiſſe totius prophetiæ de-
monſtrat auctorem. Reſpondens, inquit, Ieſus, ait, Simon, habeo ti-
bi aliquid dicere. Tibi, cui opus eſt medecina, & neſcis quære-
 re medicinam: tibi, qui Deum magiſtrum vocas, & Dei de-
 ſeris diſciplinam: ignoras quoniam magiſtro magnam facit
 iniuriam, qui ſe diſcipulum ſatetur eiſ, cuius non ſequitur
 inſtitutum. Nam ſicut diſcipuli probitas laus eſt magiſtri, ita
 magiſtri vituperatio diſcipulus neſciens diſciplinam. *Simon,*
habeo tibi aliquid dicere. Reſpondit, magiſter dic. Iterum, magiſter
 dic, & non Deus dic. Iam iam Deum ſenties, quem vocas ma-
 giſtrum. *Duo, inquit; debitores erant cuidam ſceneratori, vnus de-*
bebat denarios quingentos, & alius quinquaginta? Non habentibus
illis vnde redderent, donauit utriſque: quis ergo amplius diligit? Reſ-
pondens Simon dixit, eſtimo quod is eiſ plus donauit. Et dominus,
recte iudicaſti. Audiſtis quemadmodum cæleſtis creditor totū
 debitum charitate compenſat, & ad incrementum totius ſcē-
 noris amoris ſolius exigit, & requirit uſuram. Plectendus
 debitor qui dilectione ſola ſuam negligit redimere cautio-
 nem. Viſ ſcire homo quid Deo debeas? Quod factus es,
 Dei creditū eſt: quod es rationis capax, Dei ſcōnus eſt: quod
 diſcretionem mali, boniſve poſſides, accepiſti: & quod viuen-
 di normam acceperis per chirographum legis ſtipulanti deo
 ſpōdiſſe te nō potes diſſiteri. Sed dum te per vitia carnis
 in lutum inſtar ſuis demergis, & quadrupedum more viuēs
 qua præditus es ratione priuaris, & in gurgite criminum bo-
 ni maliſve perſita diſcretionem confundis, & diuinę legis ſub-
 ſtantiam diſſipas, mundana voluntate captiuus, factus es glo-
 rioſi ſcēnoris debitor luſtuſus: cui deficientibus virtutum

lucris criminum multiplicatur vsuta. Sed licet in hac re cecideris, licet fueris in ista deuolutus vide ne desperes homo remāsit tibi vnde piissimo satisfacias creditori. Absolui vis? Ama, charitas coopetiet multitudinem peccatorum. Negationis crimine quid peius? & tamē Petrus amore solo valuit hoc delere probante domino, cum dicit, Petre amas me? Inrer omnia Dei praecepta amor obtinet principatum. Diliges dominum Deum tuum ex toto corde tuo, & ex tota anima tua, & ex tota mente tua, & ex tota virtute tua. Ama ergo homo Deum, & ama totus: vt possis omnia sine labore vincere peccata. Tenerae militiæ, delicati conflictus est, amore solo de cunctis criminibus reportare victoriam sicut ex sequentibus elucescit. *Conuersus, inquit, ad mulierem, dixit Simoni, Quid est quod conuersus ad mulierem Simoni loquitur Christus? Quia cum pœnitentem respicit, arguit oblatrantem. Dixit Simoni, guides hanc mulierem? Intraui in domum tuam, aquam pedibus meis non dedisti: hæc autem lachrymis rigauit pedes meos, & capillis capitis sui tersit, osculum mihi non dedisti: hæc autem ex quo intraui non cessauit osculari pedes meos, oleo caput meum non unxisti: hæc autem unguento unxit pedes meos. Propterea diuo tibi, dimittuntur illi peccata multa, quoniam dilexit multum: cui autem minus diligit. Probatum est, quia dilectio delet & abluit vniuersa peccata. Quid est autem quod dixit, Cui minus dimittitur, minus diligit? Ergo peccandum satis est, vt maior charitas comparetur? Absit. Charitas de præteritis subuenit, non liberat de futuris: charitas nescit peccare cum diligit: charitas non est charitas, si delinquit: charitas Dei custos est sanctitatis. Fratres, si nos esse peccatores nouimus, & esse nolumus peccatores, pedibus Christi demus lachrymas, spatgamus capillos, figamus oscula, pietatis oleum tota deuotione fundamus: vt dicatur nobis, dimittuntur vobis peccata multa, quia dilexistis multum. Imitetur hanc mulierem, quam conspiciamus nō solum caruisse peccatis, sed ad totum sanctitatis verticem peruenisse. Quæ sit autem hæc mulier, quæ hodiernus sermo charitatis nos distulit, sicut iam promissimus, in sequentibus Deo auctore pandemus.*

De eadem, Sermo X C V.

Omnia quæ à Christo corporaliter gesta referuntur, sic subnixa sunt historica veritate, vt plena semper sacramētis cælestibus approbarētur. Et quia quod erat in facie le-

tionis iam perstrinximus sermone repetito: orate ut sicut promissimus, interna eius spiritu sancto reuelare, pandamus. In honora est dictio quæ Dei facta humana tantum expositione deponit. *Rogauit, inquit, dominum quidam Phariseus, ut manducaret cum illo.* Phariseus fratres, catholicus dicitur Iudæorum: nam & resurrectionem credit, & à Sadducæo resurrectionem negante dissentit: hinc est quod rogat Christum, id est, resurrectionis auctorem, ut māducet cum illo: quia qui conuiuio Christo, mori nescit, utique uiuit semper. *Rogabat dominum ut manducaret cum illo.* Rogas Phariseæ, ut manduces

Ioann. 6. cū illo: crede, esto Christianus, & māducas ex illo. Ego sum, inquit, panis qui de cælo descendi. Semper Deus maiora tribuit, quàm rogatur: nam se manducandum dedit, qui rogabatur ut manducandi secum fiduciam largiretur: & ramen si hoc dedit, ut illud quod postulatus est non negaret. Nōne promittit hoc & spontè discipulis suis? Vos qui perseuerastis

Luc. 22. mecum manducabitis & bibetis in mēsa mea in regno meo. Christiane, qui se tibi hic manducandum dedit, quid suū tibi denegare poterit in futurum? Et qui tātum ubi viaticum parauit ad victum, quid in illa tibi mansione perpetua non parauit? Manducabitis in mensa mea in regno meo; Audisti dei conuiuium, sollicitus non sis de qualitate conuiuii. Qui peruenire regis meretur ad mensam, māducavit quicquid regni dominatio possidet & potestas: sic qui ad conuiuium venerit creatoris, habebit in delitiis suis quicquid continetur in creatura. Sed ad cœpta redeamus. *Et ingressus domum Pharisei,*

Ioan. 6. Quam domum? Nempe synagogam ingressus accubuit. In synagoga fratres, tunc accubuit, quando occubuit Christus: sed corpus suum Ecclesiæ transmissit ad mensam, ut esset cœlestis caro manducaturis gentibus ad salutem. Nisi manducaueritis carnem filii hominis, & biberitis eius sanguinem, non habebitis vitam in uobis. Quemadmodum autem manducetur caro Christi, quomodo bibatur & sanguis eius, norunt illi qui sunt sacramentis cælestibus instituti. *Ecce, inquit, mulier quæ erat in ciuitate peccatrix.* Quæ mulier? Ecclesia sine dubio. *In ciuitate peccatrix.* Ciuitate qua? Illa de qua dixerat propheta. Quomodo facta est meretrix ciuitas fidelis Sio. Et

Esa. i. alibi, Vidi iniquitatem & contradictionem in ciuitate, & iniquitas & labor in medio eius & iniustitia, & non defecit de plateis eius usura & dolus. In ciuitate ergo perfidiæ septa mu-

ris, superbiæ turribus communita, distincta iniquitatum plateis, obsecrata contradictionum portis, depicta doli fucis, indurata siliçibus vsuratum, negotiorû doloribus aggravata, infamata lupinaribus, id est, idolorum templis, mulier hæc, id est Ecclesia, grauissimum trahebat reatum ex tanta præcedentium colluue peccatorum. Sed ubi audiuit venisse Christum ad domum Pharisei, id est, ad synagogam: ibi, hoc est, ad Iudaicum Pascha, passionis suæ mysteria tradidisse, aperuisse sui corporis & sanguinis sacramentû manifestasse nostræ redemptionis arcanum, scribas velut pessimos despiciens

Luc. 11.

genitores (Væ vobis legisperitis, qui tulistis clauem sciētix) irruptis contradictionû foribus, cōtempo ipso chori Pharisæi principatu, ardens, anhelans, estuans ad totum legalis conuiuii penetrabile peruenit: ibique reperit Christum inter amoris epulas & dulcia pocula traditum, Iudaicam occubuisse per fraudem: iuxta illud prophetæ, Quoniam si inimicus exprobrasset mihi, supportassem vtique. & si is qui oderat me, super me mala locutus fuisset, abscondissem me vtique ab eo: tu verò homo vnanimis, dux meus & notus meus, qui mecum dulces capiebas cibos, in domo domini ambulauimus eum consensu. *Vt cognouit accubuisse dominum in domo Pharisæi.* Id est, in synagoga omni dolo, tota fraude addictum, passum, crucifixum & sepultum: tamen à feruore fidei tanta ista non retardatur iniuria, sed portat vnguentû, portat Christiani chris-matis oleum: & quia Christi faciem videre non meruit corporalem, stat retro nō loco, sed tempore: inhæret eius vestigiis, vt sequatur: & iam desiderii plus, quàm conscientię lachrymas fundit: vt quem abeuntem videre nō meruit, mereatur videre redeuntem. Lachrymas ergo ad pedes domini profluo amore perfundit, dum pedes euangelizantium regnum eius bonorum operum manibus tenet, lauat lachrymis eharitatis, confessionis labiis osculatur: & totû misericordiæ profundit vnguentum, donec conuersus ad eam: quid est conuersus? hoc est, reuersus, dicat Simoni, dicat Pharisæis, dicat negantibus, dicat populo Iudeorum, Intraui domum vestrâ, aquam pedibus meis non dedistis. Et hæc quando dicet? Quâdo venerit in maiestate patris sui, & segregabit iustos ab iniustis, quasi pastor qui segregat oues ab hædis: & dicet, Esuriui, & non dedistis mihi potum: hospes fui, & non suscepistis me. Hoc est dicere, aquam pedibus meis nō dedi-

*Psal. 57.**Mat. 25.*

stis: hæc autem, dum meorum pedes lauat, pedes vngit, pedes osculatur: fecit seruis, quod vos domino non fecistis: fecit pedibus, quod capiti vos negastis: impedit minimis, quod vos vestro denegastis auctori. Tunc dicet ad ecclesiam, Dimit-
tuntur tibi peccata multa, quia dilexisti multum. Quia tunc erit remissio peccatorum, quando tollitur materia tota peccandi, quando corruptio induet incorruptionem, quando mortalitas immortalitem consequetur: quando peccati caro, caro totius efficietur sanctitatis: quando terrena seruitus cælesti dominatione mutabitur, quando militia humana diuinum promouebitur ad regnum. Orate fratres, ut & nos in parte ecclesiæ constituti ad ea quæ numerauimus peruenire mereamur: auctore ipso Christo, cui est honor, & gloria una cum spiritu sancto in sæcula sæculorum. Amen.

De parabola Zizaniorum.

Sermo XCVI.

Mat. 13.

SI dicta, vel facta Christi passim carnalibus sensibus subiicerentur, torpesceret animus, mens vacaret, dormiret ingeniū, cor tabesceret, exstingueretur quicquid humani vigoris est & caloris. *Proposuit, inquit, illis parabolam.* Sicut in lapide friget ignis, latet ignis in ferro: ipse tamen ignis ferri ac lapidis collisione flammatur: sic obscurum verbum verbi ac sensus collatione resplendet. Certè si mystica non essent inter infidelem fidelēque, inter impium atque pium, discretio non maneret: & esset deuotus, sicut contumax: iners, sicut qui laborat: peruigil, ut ille qui dormit: nunc verò cum petit anima, mens pulsatur, querit sensus, sperat pietas, fides exigit, meretur intentio, apparet & sudantis fructus, & pœna desideris, & iustitia largitoris simul, quia plus accepta sapiunt, quàm possessa: inuenta magis, quàm subiecta delectant. Hinc est quod doctrinam suam Christus parabolis velat, tegit figuris, sacramentis operit, reddit obscurā mysteriis. *Proposuit, inquit, illis parabolam.* Illis, hoc est, non suis, sed extraneis: inimicis utique, non amicis: spectantibus ad calumniam, non audientibus ad salutem. *Ideo in parabolis, inquit, loquor eis, quia videntes, non vident: & audientes, non audiunt neque intelligunt.* Quare? Quia qui calumniatur præterita, videre præsentia non meretur: neque dignus est agnoscere gratiam, qui legem ne cognosceretur, abscondit. Vt vobis, inquit, legis peritis, quia tulistis clauem scientiæ: ipsi non introistis, & eos qui introibant, prohibuistis. *Proposuit, inquit, illis parabolam, dicens,*

Luc. 11.

Simile est regnum calorum homini. Et quid offendit Christus, si in similitudinem hominum factus est, ut percuncti humano generi subueniret? Scandalizat dominus, si, ut manumittat seruos, inueniatur in habitu seruitutis? quando quicquid est maiestatis futuræ, quicquid aduentus & regni, ecce homini cōparatur. *Simile est, inquit, regnum calorum homini, qui seminauit bonum semen in agro suo: cum autem dormirent homines, venit inimicus eius, & super seminauit Zizania in medio tritici, & abiit.* Audistis quēadmodum sator mundi rerum p̄incipia bona seuit: nec vllum malum ab otiginis processit auctore: ab inimico superseminatum est malum, malum non est à rerum parente procreatum. Et vidit deus, inquit, omnia quæcunque fecit & ecce bona valde. Bona, & valde bona: nam quem deus faciēs vocauit mundum, inficiens reddidit inimicus immundum: & hominem quem deus in paradiso deliciarū collocauit ad vitam, inimicus in hac laboris vita detraxit ad mortem: & affectum quem carni deus inseruit per naturam, inimicus in parricidium per inuidiam cōmutauit. Cain probat hoc qui primus germano sanguine terram tinxit: & in exitium fraternū mortis dignus exitit dedicator. Sic ex discordia nata mors semper humanam scindit, & separat charitatem. Et quia longum est ire per singula, vel paucis aperire cōpellimur, inimicus qualiter bonis mala, virtutibus vitia, vitalibus mortalia, nostram semper superseuerit ad ruinam. Nonne ex vno homine deus omnem repleuit terram, & semine ex vno pius sator totum genus hominum tātam multiplicauit ad messem? Sed inimicus mox homines in vnum redegit omnes: & superseminando mala quod bene satum fuerat deleuit diluuiο, non rigauit. Sic legem diuinis & veracibus satam præceptis, humanis & mendacibus fucavit inuentis: ut de sacerdote fieret persecutor, de doctore deprauator existeret, de defensore legis redderetur inimicus. Sic creaturas ad agnitionem condita creatoris, ut nesciretur deus deos esse mentitus est. Hinc sapientes sæculi fecit stultos, speculatores mundi docuit nihil videre, professores scientiæ fecit scientiam nō habere, inquisitores rerum omnium dimisit ignaros. Sic Euangelicam segetem satam cælesti semine hæretica zizania superseminando confudit inimicus: ut manipulos fidei gehennæ fasciculos faceret, ne triticum fieret cælestium horreorum. Et quid plura? Posteaquam est ipse in dæmonem conuersus ex ange-

Gen. 1.

Gen. 4.

lo, ne qua creatura in suo statu confisteret, arte, dolis, machinis, fraude, contendit. Sed iam præsentis parabolæ verba pādamus. *Simile est regnum celorum homini. Cui? utique Christo. Qui seminauit bonum semen. Quia in ipso rerum semine nescit malum conditio creatoris. In agro suo. Hoc est, in mundo: dicente ipso domino, & ger hic mundus est. Cum autem dormirent homines. Id est, sancti patres, patriarchæ, prophætæ, apostoli, martyres, in sopore mortis temporaliter dormientes, quia sanctorum mors somnus est: peccatorum vero mors est, quia in inferno pœnæ viuunt, vitæ pereunt peccatores. Veniens inimicus eius. Id est, diabolus. Superseminauit zizania. Superseminauit, non seminauit. Præcedunt creatoris bona, mala diaboli post sequuntur: ut malum quod est ex diabolo, sit accidens, non natura. Superseminauit zizania in medio tritici. Quia diabolus hæreses inter fideles: inter sanctos, peccatum: inter pacificos, lites: inter simplices, dolos: inter innocentes, nequitiam gratis serere cōsuevit: nō ut acquirat zizania, sed ut triticum perdat: nec ut reos capiat, sed ut adimat innocentes. Hostis plus ducē, quàm militem petit: nec obsidet mortuos, sed impugnat viuentes: sic diabolus nō peccatores quærit capere, quos possidet subiugatos, sed ut iustos capiat sic laborat. Superseminauit zizania in medio tritici, & abiit. Quia diabolus impellit quidem viribus ad ruinam, sed posteaquā prostrauerit derelinquit: diabolus non quærit hominem, sed hominis interitum quærit. Fratres, ille malis nostris gaudet: surgit ruinis nostris, nostris vulneribus conualescit, nostrum sanguinē sitit, nostra saturatur ex carne, nostris viuit ex moribus. Diabolus hominem non vult habere, sed perdere. Quare? Quia ad cælum vnde ille cecidit, non vult, non ferr, non patitur hominem peruenire. Et quia nos sermo trahit longius hodie, reliqua differamus: ut & communem reuelemus laborē: & quæ dicenda sunt, plenius exequamur. Deus autem noster & mihi dicendi gratiam, & vobis audiēdi desiderium donare dignetur.*

De eadem,

Sermo XCVII.

QVia festius antehac sermo ut communem temperaret laborem, ad totum parabolæ prætereuntis non valuit peruenire secretum: nunc reliqua, domino reuelante pandamus. *Proposuit, inquit, illi parabolam, dicens. Simile est regnum celorum homini qui seminauit bonum semen in agro suo: cum autem dor-*

mirant homines, venit inimicus eius, & superseminauit zizania in medio tritici, & abut. Cum autem dormirent homines, insidiator in noctibus latitat: in diebus vigilantes fugit, appetit dormientes, fortis conflictum petit, prouocat palam spectantibus omnibus, & coram populis vult habere victoriam. Maxime infirmitatis indicium est dormientibus irruisse. *Cum autem dormirent homines, venit inimicus eius.* Malus nunquam non stultus. Quid hic egit inimicus? Esto, quod dormierint serui, nunquid & dominus dormiebat? Esto, quod oculos seruorum sopor clauferit post laborem: nunquid & dormientis oculos vlla vicerat lassitudo? Inimice, lucis refuga, vigilasti, laborasti, sed non laquisti: nam dormientibus seruis, dominus ipse te videt: desertor cæli præuenisti, fecisti, sed non profecisti. Deo perire non potest, quod ipse custodit: fraudis auctor in dominum non committis, sed in seruos, dum facis vt negligentie illorum quod tuæ fraudis est, ascribatur. Ille, ille te videt, qui totius & fraudis testis & laboris. Manent ergo laboris sui fructus beneficientem, manent & nequitie suæ pœnæ fraudatorem: illi triticum ad horreum cæleste portabunt, tibi zizaniorum tuorum portabis fasciculos ad gehennam. *Cum autem dormirent homines, venit inimicus eius, & superseminauit zizania.* Vt quid? Vt periret dominica messis, & hoc ad lucrû quid pertinebat inimici? nisi quod inuidiæ spiritus hominum damnum suum computat lucrum: & que d perierit hominibus, hoc se æstimat acquisisse? Sed diabolus hoc ideo, vt diximus, tenebris cælâribus est molitus, vt adulteratæ messis noxa redundaret ad seruos: & hinc pœnam sumerent, vnde sperauerant palmam. Denique vigilantes serui præ timore, ista cur euenerint, expauescunt: hoc metuentes, ne zizaniorum germina ad illorum redirent offensam, quorum conscientia præter iactû boni seminis nil habebat. Hinc est quod auditum sui domini præuenerunt, ne securi de innocentia, reatum de silentio sustinerent: cum vocatur innocens ad reatum, dum purgari æstuat, vrget & stimulat cogitorem. *Cum autem creuisset herba, & fructum fecisset, tunc, inquit, apparuerunt & zizania.* Quod latet in herba, manifestatur in spica: & quod celatur in gramine, aperitur in fructu: sic quos credentes putamus pares, fide dispares inuenimus: sic iudicij prodit messis, quod ecclesiæ germē occultat. Iuxta illud dictum dominicum, Ex fructibus eorum, co- *Matt. 7.*

gnosceris eos. Flores multi multitudinem fructuū pollicentur, sed examinati ventorum flabris ad fructum paucissimi perseverant: sic credentes in Christo multi ecclesie videntur in pace, ubi autem persecutionis procella perflauerit, pauci martyrii reperiuntur in fructu. Sed Euphemia sancta plus soluit in fructu, quàm promisit in flore: quæ manente virginitatis flore, copiosum martyrii peruenit ad fructum. *Accesserunt, inquit, serui patris familiars, dicentes ei, Accesserunt fratres, mente non corpore: non loco, sed fide: dixerunt non clamore vocis, sed cordis tacito cum dolore. Domine, nonne bonum semen seminasti in agro tuo? Seminasti, non seminauimus: nos quod per te facimus, tibi semper nostro assignamus auctori: & tu in iis quæ nobis faciēda præcipis, ipse operator assistis. Ergo si nos operis tui facis esse pro tua dignatione consortes, non nobis solis quòd zizania nascuntur, ascribas, Domine, aut tecū nos munit innocentia, aut nobiscum te reatus attingit: nos nostro operi non potuimus inuidere, magnis sudoribus offensam non potuimus non parare: tu quod vis, vnde vis: quando vis, habes: nos præter tuam gratiam nil habemus, per quam stamus, viuimus, mouemur & sumus: & sine qua iacemus, deficiamus & perimus. Ergo nos hæc nobis sic laborauimus, ut perirent? Sed quis hoc fecerit, qui solus non dormis nobis dormientibus tu vidisti: & si tu vidisti iuste iudex (factum quis scit? ille qui vigilat, non ille qui dormit,) ergo tu prodeum, ut nos quos sic anxios conspicias, facias sic securos. *Ait dominus, inimicus homo hoc fecit. Inimicus homo hoc fecit: & tu quare hoc cum videres domine permisisisti? Quare? Quia timere fraudes non potest, cui nil potest deperire: & quia plus est mystica discernere, quàm prohibere mysterium: maius est reparare perditam, quàm illæsa reseruare: simul quia oportet zizania esse, ut qui probati sunt, manifesti fiant. Serui autē dixerunt ei, Vis imus & colligimus zizania? Sic deuoti serui indefessum promittunt laborem: nec patiuntur dominicæ messis videre, vel temporaliter sceditatem: sed dominus quem tempora non fatigant, & quādo vult potest abolere suæ messis iniuriam: vetat dicendo. Non. Et quare prohibuerit mox reuelat. Ne forte colligente zizania, eradicetis simul cum eis & triticum. Sic imperiti erant cultores, sic operis nescii, sic discretionis scientiam non habētes, ut euellentēs zizania eradicarent & triticum? Vbi sunt prophete per dei spiritum prophetantes?**

Act. 17.

Psal. 120.

1. Cor. 11.

tantes? Vbi Petrus cui pater reuelat? Vbi Paulus in quo ope- *Matt. 16.*
ratur & loquitur Christus? Vbi omnes sancti, planè sancti, *Gal. 2.*
sed serui, tantum scientes, quantum singulis scientiarum lar- *1. Cor. 13.*
gitor indulgit? Sed dicis, hic occultum nil erat, nil erat ibi oc-
cultum, quando aliud videbatur in specie, aliud habebatur in
flore: & quod hodie erat zizania, cras in triticū vertebatur:
sic hodie habetur hæreticus qui crastina fit fidelis, & qui ad
præsens peccator cernitur, ad futurum iustus assistit. Hinc est
etiam quòd auctor vtraque referebat ad messem, id est, vsque
ad iudicium diuinæ patientiæ suæ: & nostræ poenitiæ tem-
pus, vt qui se de malo commutarit ad bonum; dominicum
deputetur in triticum cælestibus horreis aggregandus, qui se
de fideli fecerit in fidelem, gehennæ deputetur incendio. Et
quid plura? Si zizaniis non dei patientia subueniret: nec Mat-
thæum de publicano euangelistam, nec Paulum de persecu-
tore Apostolum ecclesia possideret. Denique Ananias eradi-
care triticum tunc quærebat, quando ad Saulum missus. De
Paulo talia quærebatur, Domine, quanta mala fecit sanctis *Acto. 9.*
tuis: hoc est, eradica zizania: quid ad lupum ovis? quid ad
contumacem deuotus? quid ad persecutorem talis prædica-
tor missus? Sed cum Ananias videret Saulum, Paulum domi-
nus tunc videbat: cum Ananias persecutorem diceret, tunc
dominus prædicatorē sciebat: & cum ille eum zizania iudi-
caret inferni, Christus eum vas electionis, triticum in cæli-
sti horreo iam ponebat. Vade, inquit, quia vas electionis est
mihi.

Desit fortasse quippiam.

De parabola grani sinapis. Sermo XC VIII.

A Vdistis hodie fratres, quemadmodum grano sinapis to-
ta regni cælestis comparata est magnitudo. Et quid est
quod potestatem tantam, sic parua, sic minima, imò minimo-
rum minima similitudo concludit? Sic enim ait dominus,
Cui est simile regnum dei? & cui simile estimabo illud? Cum dicit, *Luc. 13.*
Cui est simile, quasi quærentis indicat & producit affectum.
Et ille solus verbum, scientiæ fons, dicendi flumen, qui om-
nium corda rigat, sensus aperit, ingeniū dilatat, in inuenien-
da similitudine nunc laborat? Sed quid inuenerit audiamus,
Simile est, inquit, regnum calorum grano sinapis. Quærens in cæ-
lo & in terra, nil inuenit nisi granum sinapis, in quo poten-
tiam totam supernæ dominationis includat: & illud regnum

1. Cor. 1.

1. Cor. 1.

singularitate potens, æternitate fœlix, diuinitate fulgēs, diffusum toto cælo, tota terra dilatatum, in grani sinapis coarctat & concludit angustias? *Simile est regnum celorum grano sinapi.* Spes ista est credentium tota? Expectatio ista est fidelium summa? Ista est fœlicitas virginum longis continentię laboribus comparata? Ista est gloria martyrum torius effusione sanguinis conquistata? Hoc est, quod nec oculus vidit, nec auris audiuit, nec in cor hominis ascendit? Hoc est, quod ineffabili sacramento diligentibus deum promittit Apostolus esse præparatum? Fratres, non facillè dominicis moueamur in dictis: nam si infirmum dei fortius est hominibus, & stultum dei sapientius est hominibus: hoc minimum dei tota magnitudine mundi magnificentius inuenitur, si modo hoc granum sinapis nos sic nostris seminemus in mētibus, vt intelligentiæ magnam nobis in arborem crescat: & sensus altitudine tota leuetur ad cælum, ac totos scientiarum diffundatur in ramos: atque ita ora nostra feruentia viuido fructus sui sapore succēdat, & ita igne seminis sui toto nobis ardeat, & flammetur in pectore: atque nostræ ignorantie totum nobis auferat sua degustatione fastidium. *Simile est regnum celorum grano sinapi, quod acceptum homo misit in hortum suum, & creuit, & factum est in arborem magnam, & volucres celi requieuerunt in ramis eius.* Grani sinapis, si cut dicit, instar est regnum dei, quod de supernis affertur verbo, suscipitur auditu, fide scribitur, credulitate radicatur, spe crescit, confessione diffunditur, virtute tenditur, & dilatatur in ramos, ad quos vocat aues cæli, id est, spirituales sensus, atque in ipsis eas quæta suscipit mansione. Veniat hæreticus, veniat, quia redeūtibz ecclesię semper patescit ingressus, veniat, audiat, & pietati dominicę iā desinat oblatrare. Si cęlestis regni maiestas omnis ad grani sinapis similitudinē venit, quid queritur, quod deus ad hominem, dominus serui descendit in formam? Sic enim venit heretice, vt tibi totum per fidem crederet, cui iam totum defecerat per naturam. *Simile est regnum celorum grano sinapi.* Sed sinapis reuertamur ad granum: sic tota regni summa manet, & consistit in regno cęlorum: Christus est regnum cęlorum, qui velut granum sinapis in hortum virginis corporis missus, orbe toto crucis in arborem creuit, ac tantum dedit fructus sui saporem cum teritur passione, vt quicquid est vitale suo saporaret & condiret tactu. Nam sicut in integrita-

te grani sinapis, sinapis virtus habetur occulta, apparet vero virtus eius vehementissime, si teratur, ita Christus corpore tecti voluit, qui suam noluit latere virtutem. Et nos fratres teramus istud granum sinapis, ut eius vim in hac similitudine sentiamus. Christus rex, quia tota ipse est origo regnandi: Christus regnū, quia in ipso est regni sui tota maiestas: Christus homo, quia totus Homo reparatur in Christo: Christus granum sinapis, unde magnitudo tota dei, tota hominis exiguitate minoratur. Et quid plura? Omnia ipse factus est, ut in se repararet omnes. Christus homo accepit granum sinapis, hoc est, regnum dei accepit homo Christus, quod habuit semper deus Christus: misit in hortum suum sponsam: Huius horti sepe meminit in Canonicis Canticorum, dicendo, Hortus clausus: hortus est Euāgelij vomere orbe toto diffusa cultura, clausus stimulis disciplinæ, ab omni pessimo gramine apostolico labore purgatus, fidelium plantariis, liliis virginum, rosis martyrum, confessorum viriditate amœnus, flagrans floribus sempiternis. Hoc itaque granum sinapis in hortum suum misit Christus, id est, promissione regni sui, quod radicatū est in patriarchis, natū est in prophetis, crevit in apostolis, in ecclesia fecit arborem magnam, multiplices dedit in donationibus ramos, quos enumerat Apostolus, *1. Cor. 12.* dicendo, Alii datus est sermo sapientiæ, alii verbum scientiæ, alii cura sanitarum, alii operatio virtutum, alii prophetia, alii discretio spirituum, alii genera linguarum. Audistis fratres, istud granum sinapis in arborem quā prorupit, audistis quas fundavit radices, audistis quales, quāvisque se iam diffuderit, & secauerit in ramos: in quibus celi, nō aëris aves, in pennis sapientiæ & prudentiæ volatu, fidei securitate requiescant. Et tu audi, si vis terrenas bestias non timere, si vis euitare aves rapaces, voraces vultures, hoc est, aves aëreas, quæ sunt omnes nequitie spirituales, eleuare à terra, terrena deserere: sume alas columbæ prophetice deargentatas, sume pennas diuini solis fulgore radiatas, euola in specie auri, ut in tantis, & talibus ramis iam nullis laqueis attentanda requiescas semper, & de volatu tali valida, & de tanta mansione secura. De similitudine sequenti, sequenti verbo, domino docente, declarabimus.

Luc. 13.

Psal. 43.

1. Cor. 11.

Bene currebat hodiernæ series lectionis, ut euangelica mulier, mater nostra acciperet à domino fermentum, per quod nobis hodie hoc templum tantam sanctitatis erigere-
 tur & surgeret in massâ. Sic enim cepit Dominus, *Cui simile æstimabo regnum dei? Simile est fermento, quod acceptum mulier abscondit in farinæ mensuris tribus, donec fermentatum est totum.* Bonus dominus, amator suorum Christus, regni sui similitudines iterat, variat comparationes, quas non de occulto sumit, non capiat de cælestibus, sed profert de quotidiano usu, de communi conuersatione proponit, ut ad omne genus hominum perueniat, quid est omnibus profuturum, iuxta illud Prophetæ, Audite hæc omnes gētes, auribus percipite omnes qui habitatis orbem, quique terrigenæ, & filii hominum, simul diues & pauper. Si quid de diuinitatis occulto, si quid de secrete regali, si quid de penetralibus diuitum afferret in medium, hoc nesciret pauper, non caperet mediocritas, notum simplicitas non haberet, nunc vero loquitur nota diuiti, usitata pauperi, omnibus vitæ ipsius necessitate vernacula, quia homo in dei vocatione queritur, non discernitur in eius vocatione persona. Sed lectam similitudinem replicemus. *Cui simile, inquit, æstimabo regnum dei?* Sic dicendo appendit animos auditorum, & attonitos reddit stupore toto, quid regno dei, quid imperio diuino valeat comparari: atque illis mente per multa & magna peruagantibus, cæli dominus in hospitio pauperis, in manu panicoctariæ mulieris regni sui inuenit, & format exemplum dicendo, *Simile est fermento, quod acceptum mulier abscondit in farinæ mensuris tribus, donec fermentatum est totum.* Antè regnum suum grano sinapis comparabat, nunc illud efficit simile fermento. Antè sinapis granum memorat accepisse virum, mulierem nunc asserit accepisse fermentum? dicit antè exiguum semen virum senisse in magnæ arboris incrementum, mulierem modo fermentum breue ad profectum totius massæ abscondisse manifestat. Vere, sicut dixit Apostolus Paulus, Neque vir sine muliere, neque mulier sine viro in domino. Ad unum regnum diuersum sexum varia similitudo perducit: neque virum separat à muliere vocatio Christiana, quos deus coniungit, natura sociat, & mira similitudine similes reddit habitus, forma componit, & facit deus, ut sit homo vnus, duo: duo, vnus: alter, ipse homo in copula coniugali: ne sit aut singularitas destituta, aut con-

fusa cōiunctio. Sed quare has similitudines regni sui dominus per virum producit & fœminam? Quare maiestatem tantam tam vilibus, tam disparibus format exēplis? Fratrēs preciosum latet in hac vtilitate mysteriū, dicente Apostolo, *Mysterium hoc magnum est, ego autem dico in Christo, & in ecclesia.* *Ephē. 3.* Comparationibus istis humani generis negociū geritur principale: per virum & mulierē mundi causa sæculis tractata finitur. Adam primus homo, mulier prima Eua ab arbore scientiæ boni & mali, ad euangelici sinapis arborem deducitur, vt oculos quos illecebrosa arbor aperiendo clauderet, sinapis arbor graui sui collyrio & acritudine ipsa dum claudit, aperiret, vt ora quæ venenosa arboris gustus infecerat; salutaris arbor flammæ gustus sui sapore sanaret, & ista arbor igneo pastu suo conscientiam toto conuersationis suę ardore succederet, quam frigidam illa toto iam rigore perfecerat. Neque hic iam vel aget, vel confunditur nuditas, vbi hominem totū tegit venia: fidei facit calere vestitus: sed hoc per granum sinapis quod acceperat vir, confertur fœminæ. Quid vero per fermentum, quod accepit mulier conferatur homini, sollicitius persequemur. *Simile est, inquit, regnum dei fermento, quod acceptum mulier abscondit in farina mensuris tribus.* Res de vſu geritur: vir in agro sinapis arborem serit, domi mulier fermentum procurat, & panes præparat alimonix: quia virum foris expectat labor, intus mulierem domestica cura cōstringit. Hinc est quò Sara sterilis, & anus ex ista præparatione fermenti, & ex tribus mensuris, tres subcinericios panes dominicæ hospitalitati offert, mystico & apponit obsequio, vt sterilitas mūdi tota senectute cōclusa, in mensuris tribus, hoc est, in æquitate patris, & filii, & spiritus sancti, fermentum fidei collocaret: & domino suo tres panes poneret confessione trinitatis: atque pro munere hoc totā Christiani germinis fœcundaretur ad prolem. Sed ad proposita redeamus. Mulier accepit à deo fermentū fidei, quæ acceperat à diabolo perfidię fermentum: abscondit in mensuris tribus, hoc est: in tribus hominum temporibus, quod est ab Adam vsquo ad Noë, à Noë vsque ad Moysen, à Moysen vsque ad Christum: vt mulier quæ corruerat fermento mortis in Adam totā massam generis humani, fermento resurrectionis totam carnis nostrę massam redintegraret in Christo: vt mulier quæ confecerat panem gemitus & sudoris, panem vitæ

coqueret, & salutis: & esset omnium viventium mater vera per Christum, quæ erat in Adam mater omnium mortuorū. Ob hoc namque Christus nasci voluit, ut sicut per Euā venit ad omnes mors, ita per Mariam rediret omnibus vita. Quæ Maria huius fermenti implet typum, similitudinem præfert, consignat figuram, dum de supernis suscipit fermentum verbi: & humanam carnem in aluo virginis, imò in aluco virginis cælestem totam conspergit in massam. Sed quid allegorici sensus in hac similitudine maneat iam prodam. Mulier quæ accepit fermentum ecclesia est: fermentum quod accepit, cælestis doctrinæ est sacramentum: mensuræ tres in quibus perhibetur abscondisse fermentum, lex, prophetæ, euāgelia, ubi diuinus sensus mystico absconditur & celatur in verbo, ut fidelem non lateat, lateat infidelem. Quod autem dixit, *Donec fermentatum est totū.* Illud est quod Apostolus dicit, Ex parte scimus, & ex parte prophetamus: cum autem venerit quod perfectum est, cessabunt quæ ex parte sunt. In conspersione scientia nunc diuina est: aspergit sensus, leuat corda, incrementat ingenia, & doctrinarum more ad sapientiæ cælestis dilatat, suscitatur, diffunditur augmentum, fermentatur totum quando adueniente Christo.

Deest finis.

De Syrophœnissæ, siue Cananææ.

Sermo C.

Hodie beatus Marcus cū Syrophœnissæ mulieris commendat prudentiam, fidem refert, credulitatis extollat ardorem, sollicitis auditoribus non paruam generat quæstionem dicendo, *Et inde surgens dominus abiit in partes Tyri & Sidonis: & ingressus domum, neminem scire voluit, & non potuit latere.* Voluit, & non potuit: velle, & non posse, non est diuinæ maiestatis, est infirmitatis humanæ: scriptum est enim, Omnia quæcunque voluit dominus fecit in cælo, & in terra, in mari, & in omnibus abyssis. Et Apostolus, Voluntati eius quis resistit? Succumbit necessitati quæ non libera & absoluta voluntas. Leprosus dicit ad dominum, Si vis potes me mūdare: & euangelista dicit, Voluit, & non potuit. Quid ait beatus Marcus? Nunquid extollenda ita est mulieris fides, ut inclinetur domini possibilitas, & voluntas? Aut est tanta sagacitas fidei, ut nolēte deo diuinum valeat inuestigare secretum? Tale mihi videtur & illud esse, cum dominus Hemorrhoiſsæ fidem in suæ virtutis vult prodere ac probare documento.

1. Cor. 13.

Matt. 7.

Psal. 134.

Rom. 9.

Matt. 8.

interrogando, *Quis me tetigit?* Cui discipuli dicunt, *Turbare te comprimunt, & dicis, quis me tetigit?* Discipulis videbatur; quod omnes tangerent dominum solo corpore comprimentes: & tali carnali incestu omnes, similiter iungerentur: similiter ille, qui aliter senserat, & aliter inquirebat, peruenisse mulierem ad maiestatem suam, ad suam penetrasse virtutem mente, non corpore, non communi tactu, sed fide, ista sciebat. Vnde clamat non homo, sed deus: non caro, sed spiritus. *Quis me tetigit?* ut cum proderet virtus operis quæ tunc humanitas occultabat. Sed quid sit voluit, & quid sit non potuit, evidentius inquiramus. Promissionis suæ memor Christus Israëlitiçi populi primum venerat ad salutem, ut quod Abrahæ promiserat, & semini eius Dauid, cuiusque posteris, fidele redderet persolutum: sed quia indignos se sua perfidia præstiterunt, obtinuit, rapuit, traxit fides gentiũ, quod infidelitas spreuit & perdidit Iudæorũ. Audi ipsum dicentẽ, Non sum missus nisi ad oves perditas domus Israël: sed oves luporum contagione iam tabide, & ipsis bestiis propria feritate scuiiores, laniare & violare suũ semper voluere pastorẽ: atque ideo velle suum Christus implere non poterat, non impossibilitate sua, sed nequitia perditorum, & quod aliis detulerat, aliis cõfetre cogebatur, dicente ipso, *Regnum cõlorum vim patitur: & qui vim faciunt, diripiunt illud.* Vim fecit fides gentium, ut raperet hæreditatem patris: ipsam hæreditatem totam diriperet filiorum, sicut evidentius præsentì lectione monstratur. *Mulier enim statim ut audiuit de ea, cuius habebat filia spiritum immundum, intrauit, & procidit ante pedes eius, erat autem gentilis Syrophœnissa genere: & rogabat eum, ut demonium eiiceret de filia eius, qui dixit illi, Sine prius satiari filios: non enim est bonum tollere panem filiorum, & mittere canibus.* Non dixit, non est bonum mittere canibus, sed non est bonũ tollere filiis, & mittere canibus: quia dare panem canibus, & si humanitatis non est, humanæ tamen est rationis. Canis dormientibus dominis, nocte & custos & peruigil prodit extraneũ, turbat furem, occurrit latroni, ut curam releuet, & solitudinem seruulorum. Verũtamen quomodo tulit panem filiis, quibus toties & taliter obrulit, tribuit, ingessit? Sed illi oblatum, cõculcare ad scelus, non ad vitam sumere sunt conati: & tamen cõminutum & cõculcatum à filiis, canis tota fide, toto desiderio lambere festinauit. Hinc est, quod sic respondit, *Utique*

domine; nam & catelli sub mensa comedunt de micis puerorum. Merito quæ se canem confessa est, in hominem commutatur; & iuste conuertuntur in canes, qui se filios esse noluerunt: merito adoptatur in filiam, leuatur, honoratur ad mensam, quæ se sub mensa laudabili & protida humilitate deiecit: iuste tunc epulatur micæ ex pane, quæ suis meritis se intellexit, & cōfessa est vix mereri. Et quid plura? Hinc est, quòd propter iustitiam suam dominus, nec Iudæis dare potuit, nec gentibus denegare.

Deest aliquid.

In illud Luca, nolite timere eos: qui occidunt corpus, &c. de quæ
morte contemnenda. Sermo C.I.

Luc. 12.

A Regis exhortatione compellat, ut despectu mortis inrefectores corporis non pauescant: denique eos in amicorum iura trāscribit, qui studio triumphii, qui amore libertatis, sanguinem cum gaudio, & sine trepidatione fuderint, sic enim ait, *Vobis autem dico amicis meis ne timeamini ab his qui occidunt corpus, & post hæc non habent amplius quid faciant: Ostendam autem vobis quem timeatis: timeate eam qui postquam occiderit, habet potestatem mittere in gehennam.* Vobis autem dico amicis meis ne timeamini: quia libertatem probat virtus, metus indicat seruitutem: nam liber ad gloriam, seruus natus est ad timorem: merito ergo ad dei amicitias sublimatur, qui propter deum humanas despicit mortes, nescit timores. Si amicos morum facit imitatio, mortum similitudo coniungit, conuenienter eos amicos vocat Christus, quos imitatione sua mundi iacula, & ipsam mortis formidinem conspicit, & præuidet calcaturos. *Vobis autem dico.* Id est, non omnibus, sed amicis. *Vobis autem dico.* Quos mors absoluit ista, non finit. *Vobis dico.* Quos corporis resolutio promouet ad melius, nō trāducit ad pœnam. *Vobis dico.* Quibus morte vita inchoatur, non finitur. *Vobis dico.* Quorum mors preciosa sit non sui qualitate, sed causa: dum vitæ magis lucra inuenit, quàm vitæ perdat vīsuram. Sed audiamus quid dicat amicis suis. *Ne timeamini ab his qui occidunt corpus.* Audiant qui de bono mortis veterum vetusta volumina detriuerunt, nihil tamen inde capere virtutis, aut consolationis aliquid inuenire valuerūt. Quia & si totis eloquentiæ viribus ad tolerantiam mortis armarunt animos, siccarunt lachrymas, suspiria sustulerunt

negauerunt gemitus, ineluserunt dolores: nihil tamen aut de
 spe certa, aut de perpetua vita, aut de vera suis lectoribus sa-
 lute conquisierunt. Quis homini, quis sapienti dicat? Morti
 natura est: necesse est deperire. Nobis vixerunt veteres, viui-
 mus nos futuris: nemo sibi, quod non potest tolli velle vir-
 tutis est: suscipe voluntarius ad quod vrgeris inuitus: mors
 antequam veniat non est, cum autem venerit, venisse nesci-
 tur. Nec ergo amisisse te doleas, quod cum amiseris non do-
 lebis. Sed hæc talia cum dixerint, dicunt totum de sententia,
 non de vita. Quia vnde, & quando, & quomodo tibi, & per
 quem mors venerit, nesciunt: nobis autem author vite pro-
 didit mortis authorem: Deus nanque vitam fecit, diabolus
 machinatus est in vitam, diuino eloquio sic prodente, Deus
 mortem non fecit, inuidia autem diaboli mors introiuit in
 orbem terrarum. Sed dicis, quare deus opere diaboli opus *Sapient. 1.*
 suum passus est deperire? O homo, si interrogata scite velles, *Sapient. 2.*
 vagares paululum, daret animum, aperires aures, vt negociū
 principale arbiter ipse tu tam curiosus agnosceres: sed tu oc-
 cupatus aliis semper, ubi nunquam, quare nescias rerū cau-
 sas, negocia tota sæculorum, iudiciorum profundum, & im-
 penettabile secretum, deses & ociosus accusas. Nonne vt
 apices literarum, vt elementa cognosceres, addictus magi-
 stro, scholis affixus, totus patiens laboris & pœnæ, nec do-
 mum noveras, nec parentes? Quam utile tibi est ad quod ti-
 bi magister addicitur, ingeritur schola, & tibi pœnis tuis, la-
 bore suo doctor supplicat, vt ista velle scire, vt talia & tanta
 digneris audire. Probant hoc apostoli, & maximè Paulus, qui
 vapulando docuit, non credendo, vt eximius magister quot
 sunt homini mores, rot ferret & exciperet passiones. Et nos
 ea in puncto temporis rerum principia, causas sæculi dica-
 mus; quia iubemur: & quomodo nos iubemur? & tu audis nō
 quomodo debes: & nos ista seruitus, necessitas talis excusat:
 te libertas tanta voluntas talis, indubitanter accusat: quod
 dicimus, officii nostri est: quod minus dicimus, est fastidii
 tui. Queris homo, cur non mortem deus mox cum ipso ex-
 tinxit authore, & lethale virus sua prouidentia tunc nō pro-
 uidit, ne ad totius orbis, & præcipue ad suæ imaginis perni-
 ciem perueniret? Cælum quod tu vides homo firmatum aëre
 toto, portat aquas multas, ne portatur ab aliquo ipsum, quia
 sola illud appendit iussio, sola sustinet vis præcepti, diuino

*Psal. 103.**Psal. 135.**Psal. 148.**Psal. 101.*

eloquio sic prodente, *Qui* extendit cælum sicut pellem: qui tingit in aquis superiora eius. Terra quæ tanto calcatur pōdere, atque onere montium, ac molle solidatur, supernarat liquido fundamento: dicente propheta, *Qui* fundauit terram super aquas ut quod stat, mādari sit, non naturæ. Ipse, inquit, dixit, & facta sunt: ipse mādauit & creata sunt: ut quod stat, sit diuini operis, non rationis humanæ. Mare quod tanto cōmotionis suæ vertice fertur, & eleuatur ad nubes, frangant tenues arenæ, ut videamus potestatem non pulueri cedere, sed præcepto. Omnia quæ in eis sunt, mouentur, ac viuunt solo iussu facta, iterum sola iussione soluenda confirmat propheta, cum dicit, *Initio tu domine terram fundasti*: & opera manuum tuarum sunt cæli: ipsi peribunt, tu autem permanebis, & omnes sicut vestimentum veterascent, & velut opertoriū mutabis eos, & mutabuntur. Quomodo? Ut tēpori vetustas, nō creatori pereat creatura. Sed tu iam nos quicumque quæris, euagatus es, dicis: quia cum tu quæris, quare deus mortem in destructionem sui plasmatis permiserit permanere? nos cælum, terram, mare ex nihilo facta, & soluenda iterum ex nihilo longo sermone descripsimus, tibi magis ac magis disquirendi materiam conquisiimus. Dicis, *Ego* quæsiui cur homo pereat, & tu ipsa elementa peritura firmasti, ut de generalitate pereundi solatium, non quietem de ratione, fessis mortalium sensibus prouideres, quasi non doloris sit perire cælum, solui terram, & totam rerum faciem intre mortalitatis aboleri. Dicis, rogo quid pulchrius cælo? quid splendidius sole? quid ornatius stellis? quid luna gratius? quid salubrius terra? quid utilius mari? aut quæ in istis vetustas? quæ sicut nata vel facta sunt perseverant: quod utique gratius esset ista stare, quàm perdere. Homo, forsitan esset iucundius, sed non utilius: nam istis stantibus tu nutasti: istis lucentibus cecatus es, ne videres: cæli claritas stupefecit sensus tuos, oculos tuos sol splendore cæcauit: nam decore deceptus horum, horum opificem tu negasti istos rectores mundi, istos confessus es deos, quos tuæ deus ver^o subiecerat seruituti: necesse est ergo solui cuncta, nouari omnia, ut vel tunc facta credas, cum videris esse reparata. Nec nos æstimes euagatos, quos in argumentum tuæ intelligentiæ totam percurrisse conspicias creaturam. Homo, quando te author tuus fecit ex puluere, non vidisti: nam si te vidisses factum nunquam te moriturum sic

deleuiffes: vidifti te perfectum, vidifti te videntem, vidifti te decorum, authori tuo te fimilem iam vidifti: vnde effes, qualis effes, quia nec nascentem nec morientem videras, nesciebas: hinc eft, quòd naturæ dedifti totum, tibi te, deo nihil: propterea deus per naturam redegit te, permiffit ex nihilo in puluerem reuocari, vt quid fueris fic videas, & refurrecturus agas gratias, qui factus, qui creatus ingratiſſimus exitiſti. Non timeamus ergo fratres, ſicut dixit dominus, eos qui occidunt corpus, quia iſtam vitam non perimunt, ſed deſtruunt. dum de temporali faciunt ſempiternam. Quid plura fratres? Permiſit tunc mori, qui poterat ſuſcitare, qui viuificare ſufficit, permiffit occidi: cui eſt honor & gloria in ſæcula. Amen.

De Centurione.

Sermo CII.

CHriſtus in corpore noſtro manens, quòd omnes non ſuſcitauit mortuos, omnes non ſanauit ægrotos, credamus hoc non poteſtati deſuiſſe, ſed temporì. Tunc orbem totum toto virtutis ſux fulgore radiaret, & ſuſtuliffet tempus fidei: & nihil ſecùdi aduentus ſui reſeruaffet ad gloriam. Nec vero ſic virtutum ſuarum temperauit inſignia, vt & diuinitatis ſux manifeſtaret iudiciũ: & credendi documentum pleniffimum largiretur, & excuſationem callidæ infidelitatis auferret, ſicut hodie Centurio, cuius Euāgelifta Lucas meminit, fide ſua, prouidentiæque monſtrauit. *Centurionis, ait, Luc. 7. cuiusdam, ſeruus malè habens moriebatur, qui illi erat precioſus.* Centurio hic Romanus erat: ſed plus erat hic ipſe fructus cœleſtino Chriſtianus. Et Deo magis militabat iſte, quàm ſæculo: & in humano bello fortis, fortior in diuinæ pacis conſtodia permãnebat. *Cuius ſeruus malè habens moriebatur, qui illi precioſus erat.* Seruus erat, qui precio taxabatur. Quæramus ergo, quis eſt iſte ſeruus, qui illi erat precioſus. Si dominabitur anima, corp⁹ ſeruit: & homini nil corpore precioſius. Hic ſeruus Cetrurionis iſtius precioſus infirmabatur ad mortem: ergo Centurio rogabat vt Chriſtus ſolus mortali corpori largiendo vitam perpetem ſubueniret. *Cum audiſſet, inquit, de Jeſu, miſit ad eum ſeniores Iudeorum.* Gentilis Iudæos ad Chriſtum mittit, & in lege poſitis qui ſine lege erat legiſ demonſtrat authorem. Nemo ergo miretur ſi gentilis, hoc eſt Chriſtianus, aut vocat, aut ducit, aut perducit ad Chriſtum. *Miſit ad eum ſeniores Iudeorum, rogans eum vt veniret, & ſaluaret ſeruum*

eius. At illi cum venissent ad Iesum, rogabant eum sollicitè dicentes, Dignus est ut hoc illi præstes: diligis enim gentem nostram, & synagogam ipse ædificauit nobis. Iudæi rogant pro gentili, qui pro se non rogant: & agunt satis pro salute alieni serui, qui pro salute suorum nihil agunt filiorum, aiunt. Dignus est ut hoc illi præstes. Si dignus est qui audit, credit, mittit ad Christum: ad Christum qui venit, videt, & non credit, quàm probatur indignus? Diligit enim gentem nostram. Ille diligit gentem vestram, quàm sic Christo supplicem facit: sed vos audistis eam, quàm sic Christo redditis contumacem, Aut quomodo Christianus non diligit gentem vestram, qui dum Christum facetur ex gente vestra, quicquid gentis vestræ est, cælestem tollit & extollit ad gloriam. Diligit enim gentem nostram, & synagogam ipse ædificauit nobis. Audistis quia semper diruta est synagoga, & iacet iugiter in cæmentis, nec cælestem surgit in fabricam, nisi eam in Ecclesiæ culmen Christianus fabricator instruxerit. Iesus, inquit, ibat cum illis. Sed illi non ibant cum Iesu, cum quo mente non ibant: nec cum illo erant, qui sciuncti corde corpore videbantur adiuncti. Et cum iam non longe esset. A quo? A gentili. Quantum Iudæi se iungebant à Christo, Christus tantum gentibus iungebatur. Et cum longe iam non esset, misit ad eum Centurio amicos. Qui antè miserat Iudæos, nunc amicos mittit: ut Iudæos sic dicendo indicet inimicos: probante hoc Apostolo cum dicit, Inimici propter vos. Iudæi dum credidisse gentes invident, quicquid erat & legis & gratiæ perdiderunt. Misit ad eum amicos. Audi ad Apostolos dominum dicentem, Iam non dicam vos seruos, sed amicos. Sicut fides seruos promouet in amicos, ita perfidia filios in pœnalem redigit seruitutem. Misit ad eum amicos, dicens, Domine, noli vexari. Quare? Quia non sum dignus ut intres sub tectum meum. Videtis quia Christus ducebat magis Iudæos, quàm adduceretur à Iudæis, ut audirent esse penes Centurionem diuinitatis reuerentiam, penes Gentilem legis cultum, penes militum stipendium gratiæ, penes Romanum fidei doctrinam, in frigore pagano Christianum calorem, in terreno pectorè cæleste secretum, & notitiam tuam dominationis supernæ in tota sæculi seruitute. Domine noli te vexare. Hoc est dicere, Deus quid te vexas humano in corpore? quid te conficis labore terreno? & viæ lōgitudine te fatigas? quid peregrinaris locis qui es vbique totus? atque intra te totam

Rom. II.

Ioan. 15.

tenes & possides creaturam. Domine, noli te vexare, non sum dignus ut intres sub tectum meum. Fratres, quod est tectum quod hominem aut dignum facit, aut reddit indignum: quod diuinum inuitet, aut repellat accessum? Fratres, hoc tectum corpus est, quod tegit animam, quod operit, sensum spiritus, quod cordis domicilium velat, quod libertatem mentis à cælesti visione secludit. Sub hoc ergo tecto Centurio indignū ducit intrare Christum, hoc est, in corpus humanum diuinā succedere maiestatem. *Non sum dignus ut intres sub tectum meū.* Sed Deus qui quod humanum est cum vult facit esse diuinū, & quod nostræ carnis est cum dignatur suum commutat in spiritum, nec habitare carnem, nec tectum nostri corporis dedignatur intrare. *Propter quod, inquit, & meipsum indignum arbitratus sum venire ad te.* Hoc est, vtrunque deuoti, quia & ad se Deum venire indignū ducit, & se accedere ad eum scit esse non indignum. Quis intrat ad iudicem non vocatus, quis non iussus ingreditur ad regem, quanto magis ad Deum non venit quis non vocatus? Quos vocauit, inquit, eos & iustificauit. Centurio ergo non refugit aduentum domici, Christi præsentiam non recusat, sed agit, ut vocantis sit gratia, non sit temeritas presumptis. Nam Deus quid possit, humano suggerit & informat exemplo, dicendo, *Nam & ego homo sum sub potestate constitutus, habens sub me milites: & dico huic vade, & vadit: & alij veni, & venit, & seruo meo, fac hoc, & facit.* Hoc est, si ego qui sum sub potestate constitutus, imperio verbi solo facio mihi parere subiectos: quomodo tu qui nulli subiaces, & cuius omnia subiacent potestati, verbo non potes iubente curare, sanitatem mittere, mandare virtutes? Aut verbo reficere non potes, quod verbo fecisti? Dixit, inquit, & facta sunt, mandauit & creata sunt. Aut aliquid ex aliquo reparare non sufficis, cuncta ex nihilo qui parasti? Dic ergo verbo, & sanabitur puer meus. Impleuit illud, quod propheta de Deo cecinit, *Misit verbum suum, & sanauit eos, & eripuit eos de corruptela eorum.* Fratres, Centurio iste dicendo, *Non sum dignus ut intres sub tectum meum.* Christiani populi gerit figuram, qui Christi præsentiam corporalem se iudicat non mereri: sed solo verbo, nuncio, auditu fidei tantum, totas domini audit, credit, respicit, in sua sanitate virtutes. Nam quod dicit, *Dico huic vade, & vadit: & alij veni, & venit: & seruo meo fac hoc, & facit.* Iu-

Rom. 8.

Psa. 148.

Psa. 103.

dæorum repulsam, vocationem gentium, Christiani populi obedientiam sic demonstrat. Dico huic. Hoc est Iudæo qui non credidit. *Vade, & vadit: & alii.* Hoc est, Gentili quia credidit. *Veni, & venit: & seruo meo,* Hoc est, Christiano. *Fac hoc, & facit.* Oremus fratres, vt mereamur Christiani nō nomine tantum esse, sed fide: & vt quæ iubentur non audiamus tantum, sed faciamus audita. *Quia* sicut deuoti serui est fecisse iussa, ita iussa contumacis est non fecisse. *Dic ergo verbo, & sanabitur puer meus. Quo audito, inquit, Iesus miratus est.* Creator mirabilium miratur: aurum conditor quasi qui non audita nesciat sic stupet audita: sed dum Gentilem sic credidisse miratur, incredulitatem corripit Iudæorum: denique. *Sequentibus se turbis dicit.* In morte manentes arguens sic Iudæos, *Amen dico vobis, nec in Israël tantam fidem inueni.* Verum est fratres: fides sola viuit, & viuet in gentibus: signa & virtutes lassant, & nihil proficiunt in Iudæis.

De filio viduæ excitato à mortuis, deque corporum resurrectione.

Sermo CIII.

Luc. 7.

Hodie beatus Euangelista, quia viduæ matris vnicum iam funeris vinculis illigatum, lamentabili impositum iam pheretro, prosequentibus turbis euntem iam carceris ad sepulchrum, per Christum vitæ redditum nūciauit, omnium concussit corda, mouit mentes, stupefecit auditum. Sed hoc gentes mirentur, Iudæi stupeant mundus pauescat: nos autem qui omnes à sæculis mortuos ad vnā vocem Christi sepulchris excitandos credimus, cur miramur? Exurgent, inquit Isaias, mortui: & resurgent qui in monumentis sunt. Et dominus, Veniet hora quando mortui audient, vocem filij Dei: & qui audierint, viuent. Ad hæc Apostolus, In momento, in ista oculi, in nouissima tuba, canet enim tuba, & mortui resurgent incorrupti. Quæ est ista tuba quæ inferis infert bellum: sepulchri resoluit moles, intonat mortuis vitam, resurgentibus in lucem perpetuam dat triumphum? *Quæ est?* Illa quam superius dominus dixit, Mortui audient vocem filij Dei. Tuba non quæ arctato spiritu per concanum coruū ligni, vel grīs tristem bellantibus dat mugitum: sed quæ de corde patris, ore filii, vitalem simul & inferis & superis dat clamorem. Et in nouissima tuba: tuba quæ in principio mun-

Esai. 26.

Iuxta

LXX.

Ioan. 5.

1. Cor. 15.

dum vocauit ex nihilo ipsa in nouissimo mundum reuocabit ex perdito: & quæ initio hominem suscitauit ex limo, ipsa in fine hominem resuscitabat ex puluere. Fratres, sic credimus, quia tuba diuinæ vocis chaos diuisit, collegit orbem, mundauit elementa, distinxit mundum, suspendit cælū, fundauit terram, mare vinxit, merfit inferos, dedit ordinum vires, iussit rerum continuam seruitutem, ac ne vacuus horret orbis, aptauit habitatores, habitacula sic discreuit, in cælo posuit angelos solo spiritu viuentes, in terra constituit vitas varias terrenorum: in aere dedit animas aligeras peruolare, in aquis tam pusilla, quàm magna fecit vt viueret animantium multitudo, ac miro modo sic ex disiunctis partibus iunxit compagem mundi, vt nec commixtio discreta confunderet, nec discretio rerum inscinderet vnitatem. Hinc est, quod diei ac noctis copula sic diuisa est, vt ex quiete labor, requies ex labore constaret. Hinc Sol & Luna vicissim mundi circumuehant metas, vt Sol germinata luce amplifcet charitatem diei: & Luna lumine suppari ex toto cæca noctis tempora non relinquat. Hinc stellæ suo cursu varios mutant ortus, vt noctibus & signent tempora, & vianibus dent ducatū. Hinc tempora eundo veniunt, esse incipiunt dum desistunt. Hinc semina nascuntur, crescunt, adulescunt, iuuenescunt, senescunt, decidunt, moriuntur, & iterum vitalibus sepulta sulcis, resoluta putredine, salutari ex morte in vitam suam redeunt: de corruptione propria suscitantur in forma. Et si hoc fratres Dei vox, tuba Christi, per dies, per menses, per tempora, per annos, vocat, reuocat, ducit, reducit, præcipit esse, facit nō esse, dat morti, vitæ reddit, quare quod in omnibus semper facit, semel facere nō possit in nobis? Aut in nobis solis virtus diuina lassessit, propter quos solos totū quod prædictum est, Dei est operata maiestas? Homo, si tibi omnia sua ex morte reuiuiscunt, cur tu Deo tua non reuiuiscas ex morte? Aut te in solo Dei creatura deperit, propter quē substitit agitur, mutatur, innouatur tota quotidie creatura? Fratres hæc dico non signorum Christi cupiens exinanire virtutes, sed horror vt vnius resurgentis exemplo ad fidem resurrectionis omnium concitemur: & credamus quod crux nostri corporis sit aratrum, fides, semen, sulcus, sepulchrum, resolutio, germen, expectatio, tempus, vt cum ver dominici aduentus arriiserit: corporum nostrorum matura tunc viriditas vitalem resurgat in

messem, nescituram iam finem, nescituram caniciem, nō passuram falces, nec flagella sensuram. Quia depositis in morte vetustatis paleis nouum gloriosi corporis confurgit in fructum. Si ad vnius viduę lachrymas temporales sic mortuus est Christus, vt occurreret in via, vt ex oculis stillantia dolorum fluentia restingueret, vt recurreret mortem, reduceret hominem, resuscitaret corpus, vitam reduceret, planctum verteret in gaudium, & exequias lugubres in festiuitatem natalitiam commutaret, & pheretro datum, matri viuum redderet ex morte, quid modo faciet quādo inardescet viribus suis ad Ecclesię suę lachrymas diurnas, ad sponsę suę sanguineos sudores? Nam per supplicantem Ecclesiam lachrymas fundit iuges, per martyres sacrum sanguinem sudat, donec vnicum suum, hoc est populum Christianum, quem tot ad mortem ferunt tempora, occurrens Christus de mortali pheretro perpetuę vitę reddat in supernę matris gaudiū sempiternum. Verum quia nascentis Christi venit tempus, & miraculum cēleste iam radiat paritura virginitas, atque ortum, diuini regis nobis non stella iam nunciat, sed ipse solis ascēsus, adoraturi occurramus omnes: & muneribus sacris Deū, regēque virgineo processisse fateamur ex templo offeramus munera, quia nascēti regi semper publica paratur oblatio, offeramus munera, quia indeuotus satis est vacuus adorator. Hoc probat Magus, qui onustus auro, succēsus thure, sacratus myrrha, Christi cunabulis inclinatur. Quale est, si quod fecit Magus, non faciat Christianus? Quale est, si ad gaudium nascentis Christi fleat pauper, captiuus gemat, hospes lamentetur, eiulet peregrinus? Festa cēlestia Iudæus decimis semper honorauit, Christianus quid de se sentit, si vel centesimis non honorat? Fratres, ne quis me hoc dicere, existimet declamantis studio, non dolentis affectu. Doleo, certe doleo, quando lego Christi cunabula Magus rigasse auro: & video altare corporis Christi Christianos vacuum reliquisse & in tempore hoc præsertim, quando se pauperum fames vastat: quando se fundit turba lamentabilis captiuorum. Non habeo nemo dicat, quando deus ex eo quod habes, non ex eo quod non habes, quærit: quando duo era viduę in acceptum dignanter ascribit. Deuoti simus creatori, vt nobis denota sit creatura, Proximorum nostrorum sustentem⁹ angustias, vt à nostris liberemur angustis. Repleamus

altare Dei, vt nostra horrea repleat fructuum plenitudo. Certe si non damus: quia non accipimus non queramur. Ipse autem Deus noster donet vobis tam presentia, quam futura bona, per dominum nostrum Iesum Christum: cui est omnis honor & perpetua gloria, vna cum spiritu sancto nunc & semper, & per omnia secula seculorum. Amen.

De diuite, cuius ager ferax. Sermo C I I I I .

Quotiens diues ille venit in medium, quem tot seculis, orbe toto, die omni, clamor diuinæ vocis accusat: totiens diuitiarum fallax fugatur ille cæcia, totiens cupiditatū furens flamma, restinguitur, auaritiæ totiens rabies vesana mitigatur. Sic namque hodie exiit dominus Iesus. *Homini Luc. 12.* cuiusdam diuitis vberes fructus ager attulit: & cogitabat intra se, dicens, quid faciam, quod non habeo, quo congregem fructus meos? Et dixit, hoc faciam, destruam horrea mea, & maiora faciam: & illuc congregabo omnia quæ nata sunt mihi bona mea: & dicam animæ meæ, Anima habes bona multa posita in annos multos, requiesce, munda, bibe, epulare. Dixit autem illi Deus, Stulte, hac nocte animam tuam repetuit à te: quæ autem parasti, cuius erunt? Miserum, quem vbertas stentem, abundantia anxium, inhumanum copia, diuitiæ fecere mendicum. Humanus ager inhumanum dominum sustinebat: & quod terra fundebat largiter, concludebat & congregabat angustè: vt esset alienorum custos, qui esse suorum noluit prorogator, ingratus Deo, sibi nequam: hostis pauperum, diuitum nota, carcer naturæ. *Homini cuiusdam diuitis vberes fructus ager attulit, & cogitabat intra se. Quasi* possit extra se quispiam cogitare, sed intra se iste cogitabat, qui in corde suo impietatis consilio recepto nil pietatis sibi, misericordiæ nil reliquit. *Cogitabat intra se, dicens, Digno consiliario* se vsus, qui mali animi non poterat habere solatiū, non poterat habere collegam. *Et cogitabat intra se dicens, Mens* impia cum pietate certabat: & patiebatur intestinum bellum, qui misericordiæ pacem perdiderat, & quietem. *Et cogitabat intra se, dicens, Quid faciam?* Interrogantis vox est: & quem putas interrogabat iste? Erat in illo alter, quia ad eius penetralia iam diabolus possessor infederat: & qui intrauerat in cor Iudæ mentis eius tenebat arcanum. *Quid faciam? quod non habeo.* Audistis quomodo non habet diues? Ecce clamar, *Non habeo.* Verum est, quia non habet semper, qui quærit

semper: & non habet ubi congreget, qui ut congreget sic requirit. Sed audiamus quid ei responderit consiliarius internus. *Destruam horrea mea.* Evidenter apparuit qui latebat: qui à destructione incipit semper inimicus. Agit, agit, ut quæ habes destruas, & quæ concupieris nõ reformes. Miser dives ignarus de præsentibus disputas stultissimè de futuris.

Desunt nonnulla. Præsens ubi est sedes animæ transtulisses: at nunc catenæ horreorum tuorum strinxerunt fauces pauperum: vinxerunt hospitum colla, esuriētium viscera contriuerunt: vnde pauperum te præcedunt gemitus, & sequuntur, accusant te hospitum luridi vultus: te turba impetit plangens petentium: ut addictus à superno iudice satietatem pœnarum capias, qui horreorum tuorum seras negando cæteris tibi met concludisti. Cogitabat intra se dives meritò illi taliter respondit, qui scit cogitationes hominum, quoniã vanæ sunt. *Stulte, hac nocte repetunt animam tuam à te, quæ autem parasti cuius erunt?* Benè stulte, quia ibi totum de carne fuerat, nil de corde: Bene stulte, quia migraturæ mox animæ cõdita satis longa præparabat. *Hac nocte à te repetunt animam tuam.* Convenienter hac nocte, quia fugiens misericordiæ lucem, avaritiæ tenebris se manciparat: dicendo, *Manduca, bibe & epulare.* Quod autem bibentes filii noctis sint, non diei, *1. Thes. 5.* apostolus sic declarat: Et qui inebriantur, nocte ebrii sunt: per obscurâ fertur, assumitur per tenebras, qui vitæ subsidiũ suorum mandavit & condidit horreorum. *Repetunt animam tuam à te.* Quare non dixit, qui dederat repetit, sed repetunt? Quia sanctorum Deus repetit animas, & reducit: tartarii ministri repetunt & pertrahunt animas impiorum. *Et cogitabat intra se, dicens, Quid faciam? quod non habeo, quo congregem fructus meos? Et dixit, hoc faciam, destruam horrea mea & maiora faciam: & illuc congregabo omnia quæ nata sunt mihi bona mea, & dicam anime meæ, Anima, habes multa bona posita in annos multos, manduca, bibe, epulare.* Dixit autẽ illi Deus, *Stulte, hac nocte repetunt animam tuam, quæ autem parasti cuius erunt?* Vnde iste dives sic præventus est, ut magis cogitata perderet, quàm parata: & *Psal. 145.* impletum est illud prophetæ, *Exibit spiritus eius, & reuertetur in terram suam, in illa die peribunt omnes cogitationes eorum.* Cogitavit iste quid post se relinqueret, non quid præmitteret ante se: vnde iuxta Apostolum, *Rom. 1.* Evanuerunt in cogitationibus suis, & obscuratum est insipiens cor eorum: æsti-

manentes se esse sapientes, stulti facti sunt. Cui dicitur stulte, & excitatus de somno præsentis vitæ in illa perpetuitate nihil inuenit in manibus suis: sicut dixit Psalmista: Dormierunt somnum suum & nihil inuenerunt omnes vici diuitiarum in manibus suis. Vigila ergo diues in opere bono, in malo dormi: vt non sit manus tua pauperi vacua, vt tibi plena sit semper. Quia diues quantum largiter profundit, tantum largiter redundat in rebus. Esto ergo diues in misericordia, si semper esse vis diues: & tunc etunt horrea tua maiora, tunc plena, si non fuerint largitate vacua, cupiditate inclusa.

De muliere quæ habebat spiritum infirmitatis.

Sermo C V.

Hodie cura Christi, & diuinæ virtutis dedit mirabile documentum, & diabolicæ fraudis nudauit asturiam, & absoluit mulierem longo & obscuro vulnere sauciatam: sicut ait Euangelista. Erat Iesus docens in synagoga sabbathis, Ecce mulier quæ habebat spiritum infirmitatis annis decem & octo: & erat inclinata, nec omnino poterat sursum respicere. Quam cum vidisset Iesus vocauit illam, & ait illi, Mulier, dimissa es ab infirmitate tua. Et imposuit illi manus, & confestim erecta est, & glorificabat deum. Habebat spiritum infirmitatis, & erat inclinata: patebat vulnus, sed auctor vulneris non patebat: languorem videbant cuncti, sed languoris materiam non videbant: erat in aperto pœna, sed in ipsa pœna carnifex latebat inclusus: corpus aspiciebatur incuruum, sed non aspiciebatur incurui corporis pondus: in medio ciuium portabat mulier hostem suum, sed hostem ciues vt propellerent, non videbant. Ars nequissimi spiritus, corporis necessitas credebatur: vt prædo callidus teneret captiuam dolo, quam tenere viribus non valebat. Diabolus nihil esset, si essent sollicitiores homines & cautiore. Aut quid in homine vnquam præualuit ille virtute, nisi arte, mendacio, insidiis, fraude, dolo, nequitia, vitiorum ministerio, furore criminum? Ille voluntates hominum semper explorat, & bonas quidem voluntates refugit: malis autem voluntatibus obsecundat, vt sit minister scelerum, criminum leno, parasitus ipse vitiorum. Et quia potestate non potest, dominatur turpissimis mentibus turpissima seruitute. Sic mendacio decepit Euam, sic cupiditate laqueauit Iudam: sic Iudæos excavit inuidia, sic gentes idolorum caligauit errore, sic confudit populos pompa rerum,

Psal. 57.

Luc. 13.

Gen. 3.

Mar. 14.

Mar. 15.

- sic paruulos vanitate ne sana saperent, occupauit. Denique
 quid circa præsentem mulierem molitus sit, audiamus, *Et ecce, inquit, mulier, quæ habebat spiritum infirmitatis annis decem & octo, & erat inclinata: nec omnino poterat sursum respicere.* Videtis
 quia hæc mulier depressa nequissimi spiritus onere suspirabat, qui semper oneribus peccatorum deprimat homines, & inclinatur ad terram: ne cælum videant, ne aspera sapiant, ne Deum aspecerent, ne ad libertatem suam per suum reuertantur auctorē: sed inclinato capite defixis oculis, prono vultu, captiui sub iugo semper hostis teneantur antiqui. Sic premebatur publicanus ille, qui oculos suos ad cælum tollere non valebat, sed percutiebat peccati consciū pectus, & quia negandi locus non erat, locum misericordiæ perquirebat, dicendo, Deus propitius esto mihi peccatori. Hoc sustinens propheta beatissimus sic cauebat, Iniquitates meæ superposuerunt caput meum, & sicut onus graue grauetur sunt super me. Et ut sui operis aperiret auctorem, alibi sic profatur, Ver-
Psal. 63. ticem capilli perambulantium in delictis suis: quia qui non resistunt delictis, sed perambulant in eis, eorum diabolus equitat, & percurrit in verticem: ut qui ad mala suo vadunt studio, ad peiora diaboli ducantur impulsu: Apostolo dicente, Tanquam euntes ducebamini. Sed quid in hac historia spiritualis intelligentiæ maneat, perscrutemur. *Et ecce mulier quæ habebat spiritum infirmitatis annis decem & octo, & erat inclinata, nec omnino poterat sursum respicere.* Quæ est ista cuius infirmitatis etiam tempora describuntur? Quæ est ista, cui ferre de terra, sed inclinare, aut languor calidus sic studebat? Quæ est? Hæc quæ modo est sanctorum genitrix Ecclesia sancta filiorum: quā, sicut dicit Apostolus, spiritus aëris huius, spiritus diffidentiae, spiritus erroris, spiritali vexabat incommodo: atque ita ponderibus diuersis pronam dabat & deponebat ad terram: ut ad cælum nunquam subleuaretur aspectu. Sed quid est quod hæc quæ Ecclesiæ typum portat, in synagoga sic reperitur incurua? Quid est? Quia dū fugit gentium sacrilegia, & declinat sarcinas idolorum grauiora incurrit, & portauit pondera synagogæ: probante domino: cum dicit, Vx vobis Scribæ & Pharisei, qui alligatis onera graua, & imponitis super humeros hominum: Ipsi autem nec vel minimo digito ea vultis mouere. Vnde & beatus
Mat. 13. Petrus, Nunc ergo quid tentatis Deum, inquit, imponere iu-
Acto. 15.

gum super cervices discipulorum, quod neque nos, neque patres nostri portare potuimus? Hinc est quod Christus ab his oneribus homines cupiens alleviare, clamat, Venite ad me omnes qui laboratis & onerati estis, & ego reficiam vos: tollite iugum meum super vos, quia suave est. Cum dicit omnes & Iudæos utique vocat, & gentes. Sed quare per decē & octo annos mulieris huius trahitur egritudo? Quia nisi decalogus legis ogdoadis venisset, ad gratiam, nūquam sancta Ecclesia, nunquam mulier hæc ad plenitudinem temporis, ad diem salutis, ad tempus acceptū, ad sui saluatoris præsentiam pervenisset. Hanc autem mulierem gessisse Ecclesię sic figuram, ipsius qualitas curationis assignat. *Vocavit, inquit, ad se illam, & imposuit illi manus.* Sic curare semper Ecclesiam satis novit, qui fieri Christianus meruit, & quotidie fieri conspicit Christianos. Nanque ut incurvus peccatis erigatur gentilis ad cælum, prius à gentili per impositionem manuum nequam spiritus effugatur. Nam qui solo verbo fugarat dæmones, & infirmitates omnes sola sanaverat iussione: quare super hanc mulierem suas imponit manus? Quare circa istam curandi ordinem nonat, nisi quia iam tunc in vna sanat omnes: imò quia non antè suscipit Ecclesiam, nisi eam per impositionem manuum suarum purget à diabolo, & faciat Christianam: & amplius faciendorum Christianorum curam præsentis curæ formet & instituat sacramento? Sed Archisynagogus indignatur, quare Christus sabbathis curet, hodięque Iudæus in Ecclesię cura zeli furore torquetur: dum cælestes sensus intelligentia terrena preuoluit, ac putat sabbathum iumentis, non hominibus consecratum, qui periclitanti bovi, vel asino sabbatho festinus occurrit, hominisque morienti sabbatho pietatis quicquam, miserationis quicquam non indulget. Et hoc facit excors, ut in pectore violet sabbathum: & in homine ipsam violet sanctitatem, ac sic Deo Dei lege præscribit: & observando sabbathū Deo sabbathum sic refundit, quod Deus Iudæo pro labore terreno & opere carnis clementer indulsit. Et conuersi sunt in arcū peruersum, qui in dominū legis, legis præcepta rectissima sic retorquent. Iudæ, qui te ab humanis, ut vel vno die, vel sabbatho, salutis tuę curatione cessates. Deest quippiam. Et tu Christiane diem domino dominicū serua, si vis illum videre domini diem, si vis quicquid est dominicum per dominum possidere.

Mat. 11.

Psal. 77.

Luc 13.

Sicut peritus magister ad audiendum rudes, ad intelligendum tardos discipulorum sensus vario, genere doctrinæ pulsatur, suscitatur, accenditur ingenium: ita dominus similitudinibus variis diuersis comparationibus populorum pigros, tardosque animos ad euangelicam cōuocat & inuitat auditum: nanquæ hodie sic cœpit, *Arborem fici habebat quidam plantatam in vinea sua, & venit querens fructum in illa, & non inuenit: dixit autem ad cultorem vineæ, Ecce tres anni sunt, ex quo venio querens fructum in ficulnea hac, & non inuenio, succide eam, ut quid & terram occupat? At ille respondens, ait illi, Domine, dimitte illam etiam hoc anno, usque dum fodiam circa illam, & mittam stercore, & si quidem fecerit fructum: sin autem in futuro succides illam. Arborem fici habebat quidam plantatam in vinea sua. Rogo quid tam planum, quid tam lucidum, quid tam commune, quid rusticis sic vernaculum, quid proprium sic peritis, quàm propositæ similitudinis forma? Quæ de generali vñu veniens omnes & verbo instruit & conuertit exemplo. Infructuosa arbor intricat cespitem, necat spatia, exhaurit terræ vires, cultorem conficit damno, afficit tædio possidentem: ac sic excidere istam lucrum est, est istam commodum non habere. Sic homo utique qui naturæ donum, minus animæ, rationis beneficium, excellentiam sensus, iudicium, mentis, artis industriam, culturæ bonum, per steriles atque inopes actus euerit, occupat, mergit, auctori fructum, cultori gratiam negat, sicut arbor è terra, sic iste è vita meretur excidi. Et sicut infœcunda arbor si fuerit in vinea, dum fundit mortiferam subiectis vitibus umbram, inimica non sibi soli, sed etiam palmitibus fit fœcundis: ita homo deses, ignauius, si præsit populis, nō sibi soli fit noxius, sed multis: dum sequētes se suo vitiat & perdit exemplo. Sed hanc similitudinem quare dominus dixerit, audiamus. Arbor ficus, brumali tempore transacto, dum grossos producit in florem, & simulat suum suis floribus fructum, decipit incautos, illudit ignaros. Nanque mox proiicit grossos, pigrū proficit & prorumpit in germen: & fit posterior cæteris fructu, quæ videbatur cæteras, antecisse. Merito ergo à domino synagoga arbori fici comparatur, quæ cælesfacta tempore legali tēporaliter ecclesiastici fructus floruit in figura. Patriarcharum nanque radice solidata, sacerdotali*

exaltata culmine, propheticiis dilatata ramis, Iudaicę obseruationis repleta grossis florebat, tunc spe sola fructū datura per Christum, imō ipsum Christum datura post fructum: dicente Psalmista, De fructu ventris tui ponam super sedē tuā. *Psalm. 131.* Unde sancti scientes hęc, spem fructus ex flore capiebant, & solabantur pręsentia de futuris: videntes iam iamque succedere æterna mortalibus, perpetua caducis, legi gratiā, Synagoga ecclesiam, cęlestia terrenis, humanis diuina, omnibus Christum: quem quia venturum longa patientia sustinebant, venisse fideli gaudio sunt gaudī. Ex istis erat Simeon ille, cui promissum erat vt non videret mortē, donec videret Christū domini, quem in vlnas habēs, talem prorupit in vocem, Nēc *Luc. 2,* dimittis seruum tuum domine, secundū verbum tuū in pace, Quia viderunt oculi mei salutare tuum. Ignari verō dum fiducia gerūt in lege tota, neque sunt de Christi expectatione solliciti, neque suscipere Christum, neque agnoscere meruerūt: & ita sunt legalibus decepti flosculis, sicut nescios grossis suis decipit ficus. Hinc est quod dominus aduentus sui tempora scire cupientes mittit ad ficum, dicens, Videte ficulneam, & omnes arbores cum producunt iam fructum: scitis quia propē est æstas, ita & vos cum videritis hęc fieri, scitote quia propē est regnum dei. Videtis quia ficus nō signat pręsentia, sed indicat sic futura. Sed iam per ordinem propositū prosequamur exemplum. *Arborem fici habebat quidam plantatam in vinea sua.* Synagoga est arbor ficus, possessor arboris Christus, vinea in qua refertur plantata arbor ista, Israeliticus est populus, Isaia propheta sic dicente, Vineam domini sabaoth domus Israël est. *Venit, inquit, querens fructum in illa, & non inuenit.* Venit Christus, & in synagoga fructum fidei reperit nullum: quia tota dolis erat inumbrata perfidia. Ad ficulneam venit Christus, ad quam legitur Adam nudus fuisse post culpam: dicente Genesios libro, Et cognouerunt *Gen. 3.* quia nudi sunt: & consuerunt folia fici, & fecerūt sibi succinctoria. Venit ergo ad ficū Christus, vt inueniret Adam, vt nudum regeret pio suo corporis indumēto: cuius ficus nō velabat, sed stimulabat pudorem: cuius ficus ista, id est synagoga circumcisionibus suis nudabat patrem verecundi corporis, nō tegebat. *Venit, inquit, querens fructum, & non inuenit. Dixit autem ad cultorem vinee, Ecce anni tres sunt, ex quo venio querens fructum in ficulnea hac, & non inuenio, succide eam.* Cultor vineę

qui infructuosam ficum iubetur excidere, est præsul synago-
gæ angelus, qui sterilitatem, quia non potest excusare, indu-
cias impetrat supplicando. Sed illud prætereundum non est
quod dixit, *Eccè anni tres sunt*. Tres anni, tria sunt tempora per
quæ Christus ad synagogam fructum quæsiturus aduenit: id
est, per legem, per prophetas, per ipsam sui præsentiam cor-
poralem: ut infructuosa ficus, quæ iam diuinitati fructus ve-
lut non necessarios debebat, vel homini, vel esurienti, vel
manducaturo Christo cibos necessarios non negaret. Sed
nunc, quid cultor vineæ responderit, audiamus. *Domine, dimitte
illam & hoc anno*. Cultor vineæ concedi adhuc euangelici
temporis precatur annum: de quo Isaias dicit, *Prædicare an-
num domini acceptum, & diem retributionis*. *Utridquid? Usque
domini fodiam circa illam*. Vult eam apostolico vomere perfode-
re, quia legalis cultri non valuit sentire culturam. *Et mittam
stercora*. Tanæ radici necessaria, quæ pro tâta pinguedine ce-
spitis sancti tora cælesti imbre non meruit esse secunda. Fi-
cus sterilis, synagoga misera miseratione gentium stercora-
tur: ut vilissimis adiuta fomentis redeat ad fructum, quæ tan-
to & precioso vbere decessit ad fructum: quæ si post hæc in ea-
dem sterilitate permanferit, iam non cultoris falce, sed ipsius
dominantis securi desperata & inutilis succidetur. Et ideo nō
dixit in futuro succidam eam, sed succides eam: iuxta illud
Ioannis, iam securis ad radicem arborum posita est. Omnis
ergo arbor non faciens fructum bonum, excidetur, & in
ignem mittetur. Quia post euangelici cultum temporis in-
fructuosas arbores securis iudicii succidet, & nouissimum
suscepit & cremabit incendium.

In diuum Petrum episcopum.

Sermo CVII.

Licet sancti sterilitas silentium mihi indicare videtur, lo-
qui tamen vehementia cogit & sanctitas imperantis.
Præstantius est enim imperium prædere eloquium, quàm
officiosum vegare sermonem. Quis ergo tanti viri adhorta-
tionem recuset, cui è cælo contigit & apostolici vocabulum,
& summi priuilegiū sacerdotis? Neque enim absque diuino
iudicio fuisse credendum est, quòd prima illa viuendi rudis
infecta tanti nominis adepta est dignitatem. Quem tūc af-
fuisse, nisi deum ipsum putamus, cum nescii patres de futu-
ris meritis iudicant? Petrum enim vocari in aliis appellatio
nominis est, in hoc prærogatiua virtutis. Verè beatus Petrus

Isa. 61.

Matt. 3.

immobile fundamētum salutis, talem se exhibet in sacerdotio, quales videri volunt, qui sacerdotiū concupiscūt. Quemadmodum igitur sanctitatis regulam disciplinis monasterialibus imbutus exercet? Pallēt ora ieiuniis, macies corpus attenuat, elemosyna pro delictis supplicat, lachrymæ peccata baptizāt. Sed ne forte hec deuoti populi turba miraretur, solet Petrus flere, cum in eum Christus intendit. Nec quisquā *Matt. 26.* in Apostolo inbrem irrigui luctus accuset: Lucundæ sunt lachrymæ, quæ gaudium immortalitatis emerunt. Ipse est ergo *Mar. 16.* custos fidei, petra ecclesiæ, ianitorque cælorū. Ipse est Apostolicus piscator electus, qui ad se turbas errorum fluctibus merfas hamo sanctitatis inuitat, & doctrinæ suæ reti concludit ad fidem hominum multitudinem copiosam. Est etiam *Luc. 5.* ipse beatissimus & apostolicus auceps, qui animas iuuenum per aëra volantes calamo diuini sermonis attingit. Iure igitur venerabilis dei sacerdos olim apostoli nactus vocabulū, nunc adeptus & meritum, serit in populos præcepta iustitiæ, & manifesta luce referat sacrorum voluminū mysticas questiones: tantūmque est in cælestibus magisterium disciplinis, ut qui conuertitur, ipsi absolutionem debeat: qui non corrigitur, sibi reatum. Omnis vndique ad eum ex diuersis regionum partibus visendi studio turba concurrat. Quicumque inuias solitudines, aut latētes eremi latebras incolabant, mirabilem Petrum magis veniunt videre, quàm sæculum: Datum est illis aliquando discere, difficilius quidem, sed gloriosius, mundo præsentē luctari: & aduersus instructas delinquentes turbas aciem quandam disponere sanctitatis. Quanta enim in mundo positis post certamen palma est, si in solitudine constitutis sine luctamine coronæ debentur? Vnde fratres, quoniam beatissimus Petrus omnis quæ sunt diuinæ virtutis, prædicationis vos suæ doctrina instruit, pariter & exēplis edocet, deprecemur dominum deum nostrum, ut æuo longissimo doctrinæ cælestis vos sermone latificet.

In verba Apostoli, Obsecro vos per misericordiam dei,

& cætera.

Sermo C VIII.

Mira pietas, quæ ut precetur, ut largiatur, exorat. Hodie nanque beatus Apostolus non humana petens, sed diuina conferens, sic precatur, *Obsecro, inquit, vos, per misericordiam dei.* Medicus austerā remedia cum recipere persuadet *Rom. 12.* ægrotos, agit precibus, non compellit imperio: sciens infir-

mitatis, non voluntatis esse, quod salutaria respuit, quoties profutura repellit infirmus. Et filium pater nō potestate, sed amore ad rigorem pertrahit disciplinæ, non ignorans quā sit aspera immaturis sensibus disciplina. Et si corporalis infirmitas ad curam præcibus sic mouetur, si puerilis animus vix ad prudentiam ducitur blandimentis: quid mirum si Apostolus, qui semper est & medicus & pater, humanas mētes morbis carnalib⁹ lauciatas, vt ad remedia diuina subrigat, sic precatur, *Obsecro, inquit, vos, per misericordiam dei.* Nouum genus obsecrationis inducit. Quare non per virtutem? quare non per maiestatem? non per gloriā dei? sed per misericordiam dei? Quia per ipsam solam & Paulus crimen persecutoris euasit, & apostolatus tanti adeptus est dignitatem: sicut ipse fatetur, dicens, Qui prius fui blasphemus & persecutor, & iniuriosus, sed misericordiam dei consecutus sum. Et iterum, Fidelis sermo, & omni acceptione dignus: quia Christus in hunc mundum venit, peccatores saluos facere, quorum primus ego sum, sed misericordiam sum consecutus, ad exemplum omnium, qui credituri sunt illi in vitam æternam. *Obsecro, inquit, vos, per misericordiam dei.* Rogat Paulus, imò per Paulum rogat deus: quia plus amari vult, quā timeri. Rogat deus, quia non tam dominus esse vult, quā pater. Rogat deus per misericordiam, ne vindicet per rigorem. Audi rogantem dominum, Tota die, inquit, expandi manus meas. Nonne qui expandit manus, ipso habitu rogat? Expandi manus meas: ad quem? Ad populum. Et ad quem populum? Non tantum non credentem, sed contradicentem. Expandi manus meas. Distendit membra, dilatat viscera, pectus porrigit, offert sinum, gremium pandit, vt patrē se tantæ obsecrationis demonstret affectu. Audi & aliter rogantem deū, *Mich. 6.* Popule meus quid feci tibi, aut quid contristavi te? Nonne dicit? si diuinitas ignota est, vel caro sit nota: Videte, videte in me corpus vestrum, membra vestra, vestra viscera, ossa vestra, vestrum sanguinem. Et si quod dei est timetis, quare vel quod vestrum est non amatis? Si dominum fugitis, quare nō recurritis ad parentem? Sed forē vos passionis meæ quam fecistis magnitudo cōfundit. Nolite, * Crux hæc nō meus, sed mortis est aculeus. Clauī isti non mihi insigunt dolorem, sed vestram mihi insigunt, altius charitatem. Vulnēra hæc non educūt gemitus meos, sed magis vos meis viscerib⁹ introdu-

1. Tim. 1.

Esa. 65.

cunt. Extensio corporis mei vos dilatat in gremiū , non meā
crefeit in pœnam. Sanguis meus non mihi deperit , sed ve-
strum prorogatur in precium. Venite ergo , redite , & vel sic
probate patrem , quem videtis pro malis bona , pro iniuriis
amorem , pro vulneribus tantis tantā reddere charitatem. Sed
iam quid obsecret Apostolus , audiamus, *Obsecro, inquit, vos , ut
exhibeatis corpora vestra.* Apostolus rogando sic omnes homi-
nes ad sacerdotale fastigium prouexit. *Ut exhibeatis corpora
vestra hostiam viuam.* O inauditum Christiani pontificatus of-
ficium, quando homo sibi ipse est & hostia & sacerdos: quan-
do homo non extrinsecus quod deo est immolaturus, inqui-
rit: quando homo secum , & in se , & quod pro se est deo sa-
crificaturus apportat: quando & eadem manet hostia , idem
permanet & sacerdos: quando hostia mactatur & viuit, sacer-
dos nescit occidere qui litabit. Mirū sacrificium, vbi corpus
sine corpore, sine sanguine sanguis offertur. *Obsecro, inquit, vos
per misericordiam dei , ut exhibeatis corpora vestra hostiam viuam.*
Fratres, hoc sacrificium Christi descendit ex forma, qui cor-
pus suum pro vita sæculi vitaliter immolauit: & verè corpus
suum fecit hostiam viuā, quia viuit occisus. In tali ergo vi-
ctima mors expenditur, hostia permanet, viuit hostia , mors
punitur. Hinc martyres morte nascuntur, sine inchoant, occi-
sione viuunt, & in cælis lucent , qui in terris putabantur ex-
tincti. *Obsecro, inquit, vos fratres, per misericordiam dei , ut exhibea-
tis corpora vestra hostiam viuam , sanctam.* Hoc est illud quod
propheta cecinit, Sacrificium & oblationem noluisti, corpus *Psal. 39.*
autem perfecisti mihi. Esto homo , esto & dei sacrificium &
sacerdos: non amittas quod tibi diuina dedit & concessit au-
ctoritas, induere sanctitatis stolam, præcingere baltheum ca-
stitatis, sit in velamento capitis tui Christus: Crux in frontis
tui munimine perseueret, pectori tuo appone diuinæ scien-
tiæ sacramentum, in odorem thymiana semper orationis ac-
cende, arripe gladium spiritus , altare cor tuum pone : & sic
corpus tuum admoue dei secutus ad victimam. Deus fidem,
non mortem quærit: votum , non sanguinem sitit : placatur
voluntate, non nece. Hoc probat deus ad hostiam Abrahæ *Gen. 22.*
sancti filium cum poposcit. Nam quid aliud, Abraham quàm
corpus suū immolabat in filio? Quid aliud deus quàm fidem
requirebat in parte, qui filium sicut offerri iussit, sic non per-
misit occidi? Tali ergo homo confirmatus exemplo, offer

corpus tuum, & non solum macula, sed etiam seca per omnia virtutum membra. Quia toties tibi vitiorum artes moriuntur, quoties à te deo viscera fuerint immolata virtutum. Offer fidem, ut perfidia sit punita: immola ieiunium, ut voracitas cesset. sacrifica castitatē, ut moriatur libido: impone pietatem, ut deponatur impietas inuita misericordiam, ut auaritia deleatur: & ut consummatur stulticia semper sanctitatem conuenit immolare: sic fiet corpus tuum tua hostia, si nullo peccati iaculo fuerit sauciata. Viuit corpus tuum homo, viuit, quoties à te deo virtutum vita vitiorum mortibus immolatur. Nō potest mori qui vitali gladio metetur occidi. Ipse autem deus noster, qui est via, veritas & vita, & à morte nos liberet, & perducatur ad vitam.

In eadem,

Sermo CIX.

QVoniam præcedens sermo tantum primordia cogit apostolicę lectionis, nunc de his quę sequuntur, quod dominus inspirat audiamus, sic enim cępit, *Obsecro, inquit, vos, per misericordiam dei, ut exhibeatis corpora vestra hostiam vi-* nam. Nunquid Apostolus sic dicendo, sola corpora digna diuinis hostiis probat: & animas velut reprobas aut tacet, aut præterit, aut relinquit? Nōne anima de cælo est, corpus è terra, hoc regitur, regit illa: illa dominatur, hoc seruit? hoc viuit, viuificat illa: illa manet, hoc deficit? hoc ætates patitur, illa nescit? & ad extremum mors, quę tantum dominatur in corpus, nec corpus anima præsentē contingit? Et quid est quod tacetur anima, & solum corpus ad dei hostiam sic vocatur? Fratres, hic Apostolus honorat corpus, non minores animam. Nam corpus quod capiunt peccata, quod delicta vinciunt, quod deprimunt crimina, quod vitia corrumpunt, quod deiciunt passionēs: hoc Apostolus cupit soluere, liberare studet, laborat attollere, expiare cōtendit, ut corpus ad originem animę conscendat, non anima descendat corporis ad naturam: & corpus animam comitetur ad cælum, nō anima corpus sequatur ad terram. Andi scripturam dicentem, anima qualibus & quantis corporis * aggrauetur. Corpus quod corrumpitur, aggrauat animam: & deprimat terrena cogitatio sensum multa cogitantem. Ergo non deponi animam, sed corpus Apostolus vult leuari: & animam & corpus, id est, hominem totum, ad hostiam sanctam, ad placitū deo sacrificium vult venire. Quod autem & anima sit dei sacri-

Rom. II.

Sap. 9.

ficiū Psalmista declarat, dicens, Sacrificiū deo spiritus *Psal. 50.* contribulatus. *Vt exhibeatis corpora vestra hostiam viūam, sanctā, placentem deo.* Quia non homo ex eo quod viuit, placet, sed placet ex eo quod bene viuit: nec ex eo sit homo hostia si se deo offerat, sed si sanctè offerat deo. Quantum enim immaculata victima placat deum, tantum deum victima si maculata fuerit, exacerbat. Audi dicentem deum, Non offeras mihi claudum, non luscum, non mortis contagione pollutum sed maturum sine macula. Hinc est quod Apostolus viūam deo petit hostiam ergo fratres, si nos ipsius propiciationis incensum.

Desunt nonnulla. Probat hoc Cain, qui cum deo *Gen. 4* parua à quo totum perceperat ingratus pōtifex sic diuisit, vt quod erat pessimum, hoc adoleret altari: quod erat optimum, in suam reseruaret offensam: denique cum sua suo male cum patitur auctore, se suosque posteros & à vita, & ab humano genere perdiuisit. Ergo Abel sequamur ad præmium, non Cain comitemur ad pœnam. Abel agnum portans ad dei sacrificiū, sicut agnus assumitur: Cain gestans sibi stipulam, fomentum sibi per quod exureretur, inuenit. *Vt exhibeatis corpora vestra hostiam viūam, sanctā, placentem deo, rationale obsequium vestrum.* Quantum placat obsequium quod ratione subnixum est, tantum quod rationem non habet exacerbat. Rationale obsequium, quod non præsumptione turbatur, non temeritate confunditur, non violatur illicitis non simulatione fucatur. Ad obsequium regis militaris statio contrahitur: humana dominatio exigit sollicitam seruitutem, ad arbitrium iubentis timor obedientis inuigilat: quia & cauta deuotio præmium iustæ remunerationis acquirit, & temeritatis pœnam præsumptrix seruitus non euadit. Quis non vocatus ad aulae regalis se proripit seruitutem? Quis sine titulo militari militem se ausus est profiteri? Quis sine dignitatis insulis nomen dignitatis inuadit? Et si hæc penes homines sollicita, cautæque sunt, si ratione constant, si conualescunt ordine, si tremore seruantur: quāto penes deum magis cauta est deuotio, magis tremenda seruitus, magis sollicitus cultus, vt diuinum ratione præstet obsequium? *Rationale, inquit, obsequium vestrum.* Obsequium ratione calens, seruo est: furor *Exo. 32.* est, quod ratione non frænatur. Hinc Iudaicus populus deū dum sibi præter rationem querit, deum cui cum ratione ser-

Lm. 10.

1, Re. 15.

uiebat, amisit. Hinc filij Aaron dum rationis sunt immemores, dum presumunt terrenos ignes diuinos ignibus admouere, flammā sacrificij salutaris in periale sibi incendium commutarunt. Hinc Saül tremens regali vertice, dum putat sibi, & de sacerdotio quid licere, regnum quod acceperat altaris temerator amisit. Hinc Iudæus dum legem sine legis ratione excolit, legis interemit auctorem. Hinc gētilis dum deorū populis, & deorum monstris nescius rationis obsequitur, ad dei qui vnus & verus est, peruenire non meruit seruitutem. Hinc Arrius patri se putat obsequi filium blasphemando: & dum filio dat initium, patri finem miserādus imponit. Hinc Photinus dum coeternum patri filium negat, pater vt pater non semper fuerit elaborat. Hinc omnes hæreses dum feruntur ad diuinitatis iniuriam, dum Trinitatem mentiuntur vocabulis, blasphemias obsequuntur. Nos autem fratres & corpora nostra aptemus in viuam dei hostiā, & obsequium nostrum rationabile procuremus, vt sit fides vera, pura conscientia, mens sobria, spes firma, cor mundum, caro casta, sanctus sensus, pius animus, tuta ratio, casta charitas, larga misericordia, vita sancta, verecundus habitus, & ad omne Christi obsequium humilitas nostrum semper comitetur incessum.

In verba eiusdem, non est autem scriptum propter Abraham tantum, &c.

Sermo CX.

Rom. 4.

BEatus Apostolus primis & nouissimis, id est, Iudæis & Græcis, fidei vexillum vnicum semper, & singulare erigit ad salutem: quod quisquis habere non meruerit & tenere, cælestium possidere non poterit gloriam triumphorum. Solum est fratres, quod contra perfidiam dimicantibus acie dirigit, regem indicat, connectit socios, impiūque hostem sola sui visione terrificat. Sic enim hodie cœpit, *Non est autem scriptum propter Abraham tantum, quod reputatum est illi ad iustitiam: sed & propter nos credentes in eum, qui suscitauit Iesum dominum nostrum à mortuis.* Videtis fratres, quia dum priores futura, dum præterita credunt posteri, sic vno itinere fidei vtrique perueniunt ad salutem: dum illi vêturum Christum nos iam venisse profitemur, illi vsque ad mortem more hominis descensurum mirantur & credunt, nos esse mortuum, & surrexisse gloriamur. Et quid plura fratres? Ideo salus hæc tam antecedentium, quàm sequentium oculis est negata, vt

tota esset in fide. Quod autem dixit, *Qui suscitauit Iesum dominum nostrum à mortuis*. Ne quis ab alio credat, ipse sui factor & resuscitator est corporis, qui dixit, Potestatem habeo ponendi animam meam, & potestatem habeo iterum sumendi eam: neque enim ab alio resurrectio suscitari, neque ab alio viuificari vita potuit: nec eadem negare sibi, quod erat omnibus collatura. Quia nec fons sitit, nec panis esurit, nec sol indiget luce, nec requies ipsa lassescit. *Qui traditus est, inquit, propter delicta nostra: & resurrexit: propter iustificationem nostram*. Traditus propter delicta: non ut ea quæ non poterat mori vita puniretur, sed ut delicta quæ nos à vita exulauerant sola deleberentur. *Et resurrexit propter iustificationem nostram*. Manente cōdēnatione iustificari nō potest cōdēnatus: nos ergo quos primi culpa sic parētis addixerat, ut mors obnoxios sibi iure retineret, Christus cēlestis & verus parens soluta mortis cōdēnatione per mortem propriam resurrectione iustificat: ut non reus pereat, sed reatus: ipsaque pœna, id est mors, quæ reos fuerat iussa percellere, merito deficiat: & suæ auaritiæ infulas potestatis. Cur innocentem, cur ipsum iudicem crudelis & impia est ausa contingere? & ideo addidit, *Iustificati igitur ex fide, pacem habeamus ad deum*. Hoc est dicere, desinat, desinat mater dissensionum, hostis quietis, pacis inimica contentio, non extollatur Iudæus per legem, Gentilis non superbiat per naturam, Philosophus ab opinionibus suis spumosis & inanibus detumescat: nemo de meritis, nemo de operibus gloriatur: quia vitam quam præuaticatio prima sustulerat, & elongauerat à nobis furiosa contentio, restituit & reddidit pax diuina. *Pacem habeamus ad deum, per dominum nostrum Iesum Christum*. Terra non rebellet in cælos, caro non insurgat in spiritum: sed supernæ pacis humilis perpetem iungatur ad gloriam. *Per quem accessum habemus*. Quia nobis ipse factus est via. *Fide in gratiam istam*. Dux viæ istius fides est fratres. *In qua stamus & gloriamur in spe gloriæ filiorum dei*. Stamus certe fide, non corpore: & in spe, non in re iam percepta gloriamur. *Non solum autē, sed & gloriamur in tribulationibus: scientes quod tribulatio patientiam operatur, patientia autem probationem: probatio autem spem, spes vero non confundit*. Ecce quibus etatibus iustus perfectum roboratur in virum: in tribulatione, patientia, probatione, spe. Tribulatio fratres velut prima iusti viri cōcutit & conturbat infantiam:

Ioan. 10.

Rom. 5.

sed cum inuenerit ista patientem, ad maiora adolescentem iam bonæ indolis tunc erudit. *Tribulatio patientiam operatur. Patientia est fratres quæ Christi iuuenem aprum probat esse virtutibus Spes vero non confundit.* Spes est quæ virum perficit: & ad mensuram Christi plenitudinis indefessa perducit. Perfectæ virtutis est, quòd in re non teneas spei robore possidere. *Quia charitas dei diffusa est in cordibus nostris per spiritum sanctum qui datum est nobis.* Et ut diffusæ in nos diuinæ charitatis ostenderet qualitatem, adiecit: *Vt quid enim Christus, cum adhuc infirmi essemus secundum tempus, pro impiis mortuus est? Vix enim pro iusto quis moritur: nam pro bono forsitan quis audeat mori.* Commendat autem charitatem suam deus in nobis: quia adhuc cum peccatores essemus, Christus pro nobis mortuus est. Si Christus genus hominum sic dilexit, ut daret pro impiis & peccatoribus mortem suam: iustus cum qui credimus largiturū, quàm vitam suam, regnum suum, gloriam suam? Ex te suscepit mortem, quam impiis impenderet super terram: reseruat tibi, quod in se, & per se semper possidet, & possidet in cælo. Dicamus ergo cum propheta. *Quid retribuam domino pro omnibus quæ retribuit mihi?* Calicem salutaris accipiam. Hoc est, & ego moriar pro illo. Et quid simile? Ille sponte pro impio & peccatore: ego vix pro iusto & bono, ego vix, quia me ad mortem non tam voluntas, quàm necessitas ducit. Audi ipsum dicentem ad Petrū, Cum autem seaueris, præcinget te alius, & ducet quo tu non vis. In aduersis fratres, necessitas voluntati non potest comparari: acquiescere necessitatis est, velle virtutis. Volenti mors ipsa subiecta est, quia semper dominata est mors nolenti. Et tamen fratres, quia diuinæ charitatis nil simile potest homo redhibere, det quod potest: quia secundum quod habet, acceptus est. Deficiat ad gloriam, moriatur ad vitam, pereat ad salutem. Gloriamur fratres, de noua istius commutatione commercij: quia mors quæ erat inter homines reparatio tota pietatis, Christum diuinæ commendatio est facta charitatis.

In verba eiusdem, Propterea sicut per unum hominem peccatum in hunc mundum intrauit, & cetera.

Sermo.

CXI.

Rom. 5.

PRæfens fratres apostoli lectio cum dicit, per unum hominem mundum totum suscepisse sententiam: non ad perorandum nos, sed ad flendum renouato & intimo dolore compellit.

compellit. Si enim eximii vares singularis populi, & vnus
 vrbs, ac solius nonnunquam hominis diu lamentauere di-
 scrimen: quæ mens non totis tenebris obscuretur, quos sen-
 sus non tota hebetudo confundat, quos oculos non redigat
 in fontes, & fluentia lachrymarum, quando vnus lapsus ex-
 citit ruina cunctorum, & vnus culpa omnium defluxit ad pœ-
 nam, ac parentis vitium vniuerso generi exitium ferale præ-
 parauit, dicente Apostolo, *Propterea sicut per vnum hominem in
 hunc mundum peccatum intravit, & per peccatum mors?* Miserunt
 me, ipse qui erat causa bonorum omnium, ianua factus est hic
 malorum. *Peccatum in hunc mundum intravit.* In hunc mun-
 dum: miraris eum posteris obfuisse, qui facinore suo damna-
 uerit mundum? Sed dicis, quomodo intravit, per quem intra-
 uit, quomodo? Per culpam. Per quem? Per hominem. Et quid?
 Peccatum natura, an substantia? Nec natura est, nec substan-
 tia, sed accidens: & aduersa est hæc potestas quæ videtur in
 opere, sentitur in pœna, impugnat animam, vulnerat men-
 tem, ipsam violat, confunditque naturam. Et quid plura fra-
 tres? Hoc est peccatum naturæ, quod est fumus oculis, quod
 febris corpori, quod dulcissimis fontibus amara salsedo. Vti-
 que purus & lucidus est oculus per naturam, sed per fumi cō-
 turbatur & obscuratur iniuriam. At corpus membrorum parti-
 bus, & sensibus suis per hoc quod est à deo conditum, viget:
 sed vbi vis febrium cœperit, & procella dominari, totum iners,
 totum efficitur imbecillum: tunc amaritudo oris, tunc oculo-
 rum caligo, tunc gressuum nutabunda vestigia, tunc inimica
 aura, tunc chari graues, tunc ipsa obsequia videntur ociosa.
 Et fontes quantum grati sunt per suam dulcedinem & natu-
 ram, tantum efficiuntur ingrati, cum aliquod vitium ex acces-
 sione susceperint. Sed ad cœpta redeamus. *Sicut per vnum ho-
 minem in hunc mundum peccatum intravit, & per peccatum mors.* Ec-
 ce fratres ianua per hominem peccatum, & per peccatum in-
 trasse videmur in mortem. Peccatum, ô crudelis fera, & non
 vno capite in hominum genus sæuire cōtenta: quàm fidem ve-
 trino ore tota humani stirpis germinatam preciosa deuorā-
 tem, trino ore fratres peccatum capit, mors deuorat, deglutit
 infernus. Et quo, sicut diximus, fonte lachrymarum talis no-
 bis planè descendendus est parens, qui nos tantarum miseriarum
 reliquit hæredes, qui non solum collata bona perdidit, sed
 omnes posteros suos tam feris creditoribus obnoxios sic re-

liquit? O dura hæreditas, ac crudelis: ô miseri, quib' nec adipisci libuit, nec renunciare licuit nos hæredes. Audi quod sequitur, *Et ita in omnes homines mors transiit.* Sed ne iniustum forte videatur, cur per vnum in omnes, quia omnes per vnum: per eum te detestaris esse damnatum, per quem te editum esse gloriaris in lucē. Sed dicis, si generi debeo, quod natus sum, nūquid & crimini, ut antè me reū faciat natura, quàm culpa? Huic quæstioni tuæ mox qui sequitur apostoli sermo respondet, dicendo, *In quo omnes peccauerunt.* Si in illo omnes peccauerunt, meritò per illum omnes susceperunt supplicium. *Sicut per vnum hominem in hunc mundum peccatum intrauit, & per peccatum mors: & ita in omnes homines pertransiit: in quo omnes peccauerunt.* Siue in homine, siue in peccato: per illum, & in illo omnes peccauerunt. Non ergo peccatum verum est in naturam, sed dum peccatum mortem ingerit, pœnam sibi debitam exigit per naturam. Deus naturam ita fecerat, ut homines crearet ad vitam: quæ tamen dum morti nolens generat, illi se peccato fateretur obnoxiam, cuius pœnæ deseruit iuuita. Nam quis ista sentiat fratres, quod extingui velit natura partus suos, & germina sua tam chara velit necari? Sed dum ingemiscit & condolet, amissam suspirat & desiderat recipere libertatem. Sed per quem receperit, Ioānes primus signanter ostendit: qui vilo Christo proclamat & vociferatur, dicēs, Ecce agnus dei, qui tollit peccatum mundi. Peccatum mundi, hoc est fratres, quod per vnum hominē Apostolus intrasse testatur. Gaudete ergo fratres, quia peccatū quod nos graui pondere deprimebat ad tartarū, à Christo sublatum est, & in tartara iam demersum: & nos, quos morti culpa primi parentis addixerat, secundi & diuini parentis gratia à pœna reuocauit ad vitam. Saluari ergo sine Christo homo non poterat: quia totius mundi peccatum ante ipsius permanebat aduentum. Sed tu quod per Christum iustificaris, amplecteris: & quod per Adam damnatus es, tu refutas: & alterius tibi pœnā obfuisse cōquereris, qui tibi conspicias alterius subuenisse iusticiam: Nunquid non in semine tora arbor? Vitium ergo seminis, vitium est totius arboris. Si sibi ipsa per se natura subuenire potuisset, nunquam eam ad reparandum in se author ipse suscepisset. Ad vitam eam creatam credis, qui adhuc eam per authorē dubitas esse reparatam? *Vsque ad legem enim, inquit, peccatum erat in mundo, Vsque ad legē cum audis, vsque ad finē*

legis: hoc est, vsque ad aduentum domini nostri Iesu Christi accipe. *Quia peccatum non imputabatur, ait, cum lex non esset.* Et quando lex non fuit, quæ cum ipso homine cœpit? Si lex nō fuisset, Adam præuicator utique non fuisset: sicut idem aperit Apostolus, cum dicit, *Sed regnavit mors ab Adam vsque ad Moysen.* Virique legem acceperant: sed Adam mox præuicatus est, ut accepit: Moyses præuicatoribus promulgauit acceptam, dicente Apostolo, Lex præuicationum causa posita est. Regnavit ergo mors per legem, quia grauius præuicatores, quàm peccatores, & non tantum parentis vitio, sed suo iam lapsos facinore, sæua deuorauit. *Sed regnavit, inquit, mors ab Adam vsque ad Moysen, etiam in eos qui non peccauerunt in similitudinem præuicationis Adæ.* Quia non tantum magnos, sed deuorabat & paruulos: & non tantum noxios, sed & deuastabat innoxios, innoxios dico à culpa propria, non parentis. Et hinc grauius erat lamenranda cōditio, quia eius parentis soluebar pœnam, cuius vix vitam degustarat infantulus: & luebat peccatum mundi, qui mundum cognitum non habebat. Acquiescamus ergo fratres, quòd per vnū, & vnus delicto mors regnavit, si omnes per vnū absolui desideramus & esse per Christum: quia qui viuir, Christo debet, non sibi: & Adam quòd moritur, id debebit.

In verba eiusdem, Si enim vnus delicto mors regnavit per vnum, &c.

Sermo CXII.

SI quis poculum aque frigidæ sitienti porrigit viatori, aliquantum quidem animum recreat estuantis: & humanitati planè succurrit, non tamen penitus sitim extinguit: ita & magnum diuinæ scientiæ desiderantibus nosse secretum, noster sermo non sufficit, qui ad præsens festinationi deservir, & tempori. Nam si ad humana perdiscenda rota hominis brevis est vira: quod tempus sufficere credimus ad intelligētiā posse diuinam? Dare ergo veniam fratres si intra punctum temporis & horæ vnus vix momentum obscura lucidate, clausa referare, firmare dubia, profunda contingere, rotæ seculorum ineffabile sacramētum per omnem modum aperire non possum, & eloqui: si vel cautè æmulis, securè filiis, credentibus confidenter, constanter incredulis non valeamus. Verum quia hodie apostolicus sermo claro se lumine sensibus audientium totus infudit, nec quicquam catholicis mentibus reliquit ambiguum, cum dicit, *Si enim vnus delicto Rom. 5.*

Sapient. 1.

mors regnavit per unum. Declamandi studium seponentes, tota simplicitate ipsis apostolicis eloquiis innitemur: ut verum scire cupientibus nulla sermone nostro generetur obscuritas. Si enim unius delicto, ut dicit, mors regnavit per unum. Quare mortem ab vno, & primo homine esse posteris acquiritam insinuare & approbare euangelica laborat autoritas? Et quamvis sufficiat illa sententia, quæ dicit, Deus mortem non fecit quare eam tam trucem, tam crudelem, tam immitem nonnulli à deo velint esse conditam, scire non possum. Nemo sine piaculo æstimat tam pium, tam bonum deum, mortem creare potuisse. cuius uniuersus mundus dolore continuo, gemitu, lachrymis accusat, & detestatur authorem. Si mors etiam penes homines est criminum pœna, quo ausu concreata homini, & pœne antè creditur innocenti à deo insita esse, quam vita? Sed audiamus Apostolum, Si enim unius delicto mors regnavit per unum, multo magis abundantiam gratiæ, & donationis, & iustitiæ accipientes, in vita regnabunt per unum Christum dominum nostrum. Ecce unum, & unum: Adam, & Christus. Per illum peccatum regnavit in mortem: per istum gratia regnavit in vitam. Denique duo hæc principia vitæ, & mortis, absolutionis, & pœnæ, desideratæ libertatis, & damnationis extremæ, is qui sequitur sermo Apostoli aperit & declarat. Igitur sicut per unius delictum in omnes homines in cōdemnationem: ita & per unius iustitiā in omnes homines in iustificationē vitæ. Per unum & unum, aut mors regnat, aut vita conceditur. Quid hic ergo addere sermo possit interpretis? quibus adiunges silentium, omnis æmulorum succumbit intentio. Per unius delictum in omnes homines in cōdemnationem: ita & per unius iustitiā in omnes homines in iustificationem vita. Sicut fonti fluuius, sic fructus semini: ita origini deseruit, aut addicta, aut erepta posteritas: sicut ex his quæ adiecit Apostolus plenius approbatur. Sicut enim unius hominis inobedientia peccatores constituti sunt multi, ita unius obedientia iusti constituentur multi. Sit homo peccator, ut sit deus iustus: quia reatus redundat ad iudicem, si pœna percellit innoxium. Et ideo dixit, Sicut per unius hominis inobedientiam peccatores constituti sunt multi. Ut scirent se eius culpæ fuisse participes, cuius pœnæ locios se esse persentiunt. Sed iam quid lex profuerit attestante Apostolo, audiant legis amatores. Lex autem, inquit, subintravit, ut abundaret delictum. Ecce, ut Apostolus dicit, Non imminutionem deli-

Rom. 1.

etorum lex fecit esse, sed copiam: non per se fratres, sed per eum, qui legem per imbecillitatem ferre non poterat. Non magnitudo lucis hebetat oculos, quæ solis à deo creata est oculis, sed oculorum infirmitas lucis totam sustinere nō potest, & ferre claritatem: ita & lex fratres, quæ per se satis iusta erat, & satis sancta, dum ab homine fragili severam exigit disciplinam, magis magisque oneravit & prodidit delinquentem. Et hoc quare fratres? Ut per gratiam & veniam conditoris rediret ad vitam, qui per tumorem & ignorantiam, cum male de innocentia gloriaretur in debitum parentis deducebatur & pœnam. Morbus igitur latebat occultus, per quem omnium secreta medullarum, & venarum meatus in ipsorum vitalium tendebant exitum, & quandam *συνήθειαν* in omnibus generabāt internis. Venit lex quæ & vulnus proderet, & tandem vetusto languori supernū aduenire medicum nunciaret. Venit lex quæ mandatorum fomentis in cutem profunderet, quod in altum lethaliter sæuiebat. Venit lex ut gladio præceptorum velut apostema longi temporis aperiret: & collectam diu saniem salutaris subinde siccaret effusio. Nec tamen per se, fratres, aut vulnus claudere, aut ægrotanti perfectam addere valebat ipsa sanitatem. Quod ubi vidit ægrotus, & tandem statum suum miserandus agnouit, cœpit tendere festinus ad medicū: ut quod per legem proditum, & per ipsam diu fuerat ampliaturum, tanti medici peritia curaretur, & gratia. Ampliatū vulnus dicimus fratres, quia post incisionem, putredo, fœtor, horror, vexatio ipsi vulneri abscissione generatur: & sit per curam deterior miserandi facies ipsa languoris, quam fuerat ignoranti periculum cum lateret. Venit ergo medicus: & iam fesso curis, & curationū vexationibus perdefesso solius verbi autoritate subuenit. Sicut Centurio ille cōfiteretur, cū dicit, Dic verbo, & sanabitur puer meus. Et impleretur illud propheticum, Misit verbū suum, & sanauit eos. Et ideo sequitur, *Vbi abundauit peccatum, superabundauit & gratia.* Ac si diceret, ubi dilatatum est vulnus, supereffusa est sanitas. Nemo ergo ingratus sit legi: quia quæ ægrotantē & iacētē inuenerat, leuauit, fouit, & ut salutē traderet, ipsum usque ad medicum salubri exultatione perduxit: ut, sicut dixit Apostolus, *Quemadmodum regnauit peccatum in mortem, ita gratia regnet in vitam æternam, per Iesum Christum dominum nostrum.* Gratia in vitam, peccatum regnat in mortem. Recta

Id est, idem iudicium, hoc est, omnia interiora similitudinem aff-

Mat. 8.
Psul. 106.

fides non mortem, non interitum hominis auctor. Ideo deputat, sed salutem. Mors sit hominis, sit peccati, ut vita creata, & reddita solum credatur esse per Christum.

In verba eiusdem, Quid ergo dicemus? permanebimus in peccato, ut gratia abundet? &c.

Sermo CXIII.

Rom. 6.

BEatus Apostolus quando interrogat, quando manifesta perquirat, eos videlicet obiurgat & increpat, qui eloquia divina sua interpretatione corrumpunt: & inde concipiunt suffragia criminum, unde assumere debuerant documeta virtutum. Sic enim hodie cœpit, *Quid ergo dicemus? Permanebimus in peccato, ut gratia abundet?* Superius dixerat fratres, Vbi abundavit peccatum, superabundavit & gratia: & ideo ita exorsus est: ac pro illo diuino & singulari magisterio, imperitis se velut interrogationis participat: ut quę sunt prudentiæ cœlestis plena eruditione respondeat. Si enim ubi abundavit peccatum, superabundavit & gratia. *Quid ergo dicemus? Permanebimus in peccato, ut gratia abundet?* Si prona est delinquentibus pietas, si gratia copiosa peccantibus, si iniustis amica largitas est diuina, certè si futura bona malis præsentibus acquiruntur, quid nobis virtutum iter arduum, quid durum obtinendæ iustitiæ labor, quid inter malos iugis seruandæ innocentæ cruciatus? Augeantur humana facinora, ut bonitas cœlestis exuberet: faciamus mala, ut dixit, ut veniant bona: permaneamus in peccato, ut gratia abundet. Ad hæc fratres idem qui interrogat Apostolus ipse respondit, *Abst.* *Qui enim mortui sumus peccato, quomodo adhuc viuemus in illo?* Cum dicit abst, taliter intelligentiam insipientium execratus est, & sensum: siquidem medicus non vulnere, sed curæ proficit, & salutis: nec putredini, nec morbis, sed soli congaudet ille sanitati. ita & deus, qui pro magnitudine vulneris adhibuit magnitudinem, vigoremque medicinæ: & nec peccato, sed homini largitus est gratiam: nec ad multiplicanda, sed ad delenda delicta imbrem suę pietatis effudit. Nemo, nemo sic de egritudine gratuletur, ut velit in vulnere permanere. Ingratus medico, inimicus est curæ, qui semper curari æstuat, nec vnquam desiderat hic sanari: & ita dei gratiā suis cupit exuberare peccatis, ut sibi cupiat peccata cumulari. Miser qui tali voto reus esse contendit per veniam. Fugienda fratres dementia ista est, fugienda: quæ etiā post curam ca-

Rom. 3.

priua tenetur amore morborum: recidua enim lethalis est
 sarpinus ægritudo. Quod autem dixit, *Qui enim mortui sumus pec-*
cato, Presentis temporis loquitur hic figuram: quia mortuos
 nos dixit esse peccato, non nobis iam in toto mortuum dixit
 esse peccatum: quia & si peccatum ipsum actu operis sanctis
 & fidelibus est defunctum, viuit tamen, & adhuc in nostram
 defæuit mortem: tunc autem peccatum ipsum morietur in
 vobis, cum corruptibile hoc induerit incorruptionē. & mor-
 tale hoc induerit immortalitatem, & factus fuerit sermo qui
 scriptus est: vbi est mors aculeus tuus, vbi est inferne victo-
 ria tua? Aculeus autem mortis peccatum est: viuit autem pec-
 cato, qui eius, sicut in consequentibus dicit, concupiscētiis fa-
 mulatur: & stimulis miserandus inseruit, qui obsecundat vi-
 tiis, qui criminibus infelici & continua captiuitate succum-
 bit: qui quod delicti est, esse autumat hoc naturæ & morbo,
 qui est accidens, vitur velut opere & beneficio conditoris.
 Et ideo ad arguendum talium ignorantiam addidit, dicens,
An nescitis, quia quicumque in Christo Iesu baptizati sumus, in mor-
te ipsius baptizati sumus? Consepulti enim sumus illi per baptismum
in mortem. Audiant fideles, & intelligant, quemadmodum
 triduana domini sepultura trina demersione figuratur in
 baptismo: & resurrexisse cum Christo: & si nec dum corpo-
 re, vitæ iam nouitate corgaudeant: sique totus homo virtu-
 tum domicilium, qui receptaculū fuerat antè vitiorum. *Visi-*
cut dixit, quomodo Christus surrexit à mortuis per gloriam patris, ita
& nos in nouitate vite ambulemus. Christus quicquid suatum
 virtutum est refert ad gloriam patris: & homo, cuius suum
 nihil est, sibi vendicare, quòd per Christum resurrexerit ela-
 borat: Quod autem dixit, *In nouitate vite ambulemus,* Quæ su-
 perius diximus, illa confirmat: vt si nec dum hoc corpore, vi-
 ta tamen iam totus immutatus incedat: intelligat se, & domi-
 netur elementis, qui elementis hætenus per ignorantiam ser-
 uiebat: largiatur sua per gloriam, qui prius turpiter fura ba-
 tur aliena: & qui carnis exercebat illicita, contemnat etiā licē-
 tias corporales: & qui innocentiam hætenus impie molie-
 batur extinguere, pro innocentia gloriosius ipse moriatur. Et
 quid plura? Si ex vetere homine iam nouus effectus est, vitio-
 rum gurgitem in fontem commutet ipse virtutum. Vsq̃ue ad
 finem autem lectionis hoc ingerit beatus Apostolus, hoc de
 monstrat, illum posse cum Christo viuere, illum regnare cum

Christo, qui resurgens Christi innocentiam sequitur, imitatur vitam, implere nititur sanctitatem, quum dicit, *Ut destruat corpus peccati*. Destruatur fratres, actu, non substantia: opere, non figura: quia peccato, non Deo vult hominem perire qui ait, *Existimate vos mortuos esse peccato: vivere autem Deo*, Et supernæ libertati fratres, restituere hominem tota pietate contendit, qui dicit, *Non regnet peccatum in vestro mortali corpore*. Et iterum, *Peccatum vobis non dominetur*. Non dixit, non veniat ad vos: non dixit, non prouocet, non titillet: sed non regnet, non dominetur, configat ad vincentis gloriam, dimicet & decidat ad triumphum victoris, & tandem se doleat impia peccati dominatio à seruis quondam suis tota securitate calcari: & crudelis tyrannus ingemiscat subiectum se suorum pedibus captiuorum: & ad eorum triumphum, de quibus diu triumphauerat se veteranus hostis peruenisse deploret.

In verba eiusdem, Peccauimus, quia non sumus sub lege, sed sub gratia, &c.

Sermo CXIII.

Sicut peregrinanti redditus ad propria dulcis semper & charus est, & vernaculæ domus vestibula sunt gratiosa post tempus: ita mihi post interualla sermonis ad apostolicarum seriem lectionum suauior est recursus. Siquidem à proposito dicendi ordine, & continuo tramite loquendi discedere nos sæpe necessitas religiosa compellit: quia sic doctrinæ ordo moderandus est, vt nō modo aliud impediatur ex alio. * Vnde quid hodie beatus apostolus dixerit, audiamus, Quid ergo ait? *Peccauimus, quia non sumus sub lege, sed sub gratia*? Absit. Hæc interrogatio fratres eorum arguit imperitiam, qui legis consuetudine captiuati, gratiæ beneficio nesciunt sentire virtutes: & quos præceptorum legalium series prodidit contumaces, eos sola munerum commoda, & festiuitatum pompa obseruationibus vanis fecit & reddidit obstinatos. Et cum legem tempus excluderet, quid cultor legis à lege faciet abdicatus? Iudæe quid habes quod non perdidisti? Si autem perdidisti: quid gloriaris quasi non perdideris? Vbi est templum, vbi est sacerdos, vbi sacrificium, vbi incensum, vbi purificationes tuæ, vbi solennitatum tuarum non omittenda deuotio? Sed vt sis Iudæus merito circumcideris: quia bonis omnibus abscissus es supradictis. Scriptum est enim, Male-

dictus omnis qui non permanserit in omnibus quæ scripta *Deu. 27.*
sunt in libro legis. Si maledictus est qui in vno offenderit,
quoties maledictus est qui nihil ex omnibus probabitur ef-
fecisse? Peccauimus, ait, quia non sumus, sub lege, sed sub gratia?
Ac si diceret fratres, Peccauimus, quia in cura non perman-
simus iam sanati? Peccauimus, quia ignem, ferrum, medi-
camenta reliquimus iam curati? Infelix æger, qui post cu-
ram non vult curare tormentum. Et quid plurâ fratres? Nun-
quam curat, qui infirmantis querit & expectat arbitrium?
Nam cum ex humore frigido semper ignis succendatur in
corpore: & rigor nimius dum membra vexat & concurrit, a-
crius ipse efficit & gignit incendium: ita ægrotus ad augen-
dam flammam quæ suis semper estuat & anhelat in venis,
dari sibi aquam frigidam impatienter expectat nesciēs quod
tunc calor calore restinguitur, frigore nutritur incendium.
Lex ergo dum hominis semper expectat, & sustinet volunta-
tem, nec tamen homo peccati sarcina præpeditus sufficere
legalibus præualet obedire mandatis: cultorem suum lex nō
absoluit à peccati vinculo, sed crimine præuaricationis obli-
gat. Et ideo addidit, dicens, *Nescitis quod cui exhibuistis vos ser-
uos ad obediendum, serui estis eius cui obedistis, siue peccati ad mortem,
siue obeditionis ad vitam?* Quid est fratres, quod cum de lege
loqueretur hominem prodidit seruum fuisse peccati? *Siue
peccati, ait, ad mortem, siue obeditionis ad vitam.* Quia superius
dixerat, peccatum nobis non dominetur: non enim estis sub
lege, sed sub gratia. Qui ergo sub lege sunt peccati deprimū-
tur, & incuruantur imperio: nec poterunt miseri de peccati
turpissima seruitute nisi gratia manumittente liberari. Gra-
tias autem ago deo, dixit, quia fuistis serui peccati. Sic gratias agit,
quasi qui congaudeat hominem seruum fuisse peccati? Ab-
sit. Gratias agit, non quia antè serui fuimus domini tam cru-
delis, sed quia ei iam non sumus subiugati, sicut ex sequenti
bus id ipsum manifestat expreſsius, dicens, *Obaudistis autem
ex corde in eam formam doctrine, in quam traditi estis: liberati au-
tem à peccato, serui facti estis iustitiæ.* Obaudiuius fratres bene-
ficio vocantis, non nostro: quia captiui sic tenebamur arbi-
trio. *Obaudistis autem ex corde in eam formam doctrine.* In quam?
In euangelij nempe: vbi nouo libertatis genere non est o-
missa seruitus, sed mutata: quia melior est deuota famula-
tio, quàm vaga & præsumpta libertas, *Serui facti estis iustitiæ.*

Hæc seruitus fratres, non obligat, sed absoluit: non onerat, sed honorat: abstergit seruitutis maculā, nō inurit. Quid hic rogo, non diuinum est, vbi seruitus pellitur seruitute, vbi fugatur condicione conditio, vbi mors morte moritur, vbi perditio perditione sanatur, & vt proprie ac breuiter dicatur, vbi tota aduersitas ipsius aduersitatis mucrone prosternitur? Quod autem dixit, *Humanum di o propter infirmitatem carnis vestrae: sicut enim exhibuistis membra vestra seruire immunditie, & iniquitati ad iniquitatem, ita exhibete membra vestra seruire iustitie in sanctificationem*. Magnitudinem pietatis ostendit, cum Euangelicam doctrinam ad tam humilia & pene verecunda deponit exempla: vt sanctitati tantum, quantum immunditiae, quantum iniquitati, iustitiae tantum imponat & imperet seruituti. Absurda fratres, atque indecens videtur comparatio, quæ tantum gloriæ, quantum turpitudini hominem cupit esse subiectum sed vrinam vel tantum. Et quando tantū Deo, quantum mundo, quando tantum cælo, quantum terræ, quando tantum virtuti, quantum vitis fragilitas humana famulatur? Totus homo miser sic carni deditur, sic rebus præsentibus occupatur, vt nihil in se, quod futuræ vitæ, quod diuinis bonis deseruiat, derelinquat. Illecebrę temporalis vim beatus Apostolus vno sermone humanis conscientijs conuenienter aptauit, conuenienter expressit, vt tanta vitali pondere iustitię voluntate, pudicię ac munditię humana membra seruiant, quanta vehementia, dementiæque, turpitudini, vitiisque dederunt. Parua aut forte nulla exigit, qui cupit de uicta proprietate cōcedere: & adimittit excusationem qui possibilia sibi, & vsitata præcipit vt repensari debet pro maximis. Da ergo homo deo tantum quantum carni, vitiisque tribuisti. Et quid est, quod antè vitiis, non Deo debeas teipsum, quod à te Deus tuo tātum vtique amore perquiris? Sequitur, *Cum enim serui essetis peccati, liberi fuistis iustitie: nunc autem liberati à peccato, serui facti estis iustitie*. Antè serui peccati: nunc serui iustitiæ. Per Apostolum ecce succedit seruitus seruituti contumax tu nunc tempus tuæ libertatis ostende: peccatum te antè mentiebatur liberum, quem tenebat miserandè captiuū: nunc gratia te vocat seruum, quem vt vere faceret esse liberum, Dei ipsius adoptauit in filiū. Impleta est ergo Christi sententia, qua dicit, qui vult esse dominus, sit seruus. Beata est hæc seruitus, quæ dominationem generat sempiternam.

Illā enim libertas fructum pœnæ & confusionem nobis intulit non ferendam, sicut dicit, *Quem enim fructum habuistis tunc in his quæ nunc erubescitis; nam finis illorum mors est?* Ecce qualiter manumittit, ecce quali præmio honorat illam diabolus seruitutem: ut mors simul & vitam finiat. & inchoet pœnam: & qui Christo seruiunt fratres, illusa morte cum stipendiis, sanctitatis perpetuam transferuntur ad vitam: finis enim Christi non suscipit finem: quia non interficit hominem finis iste, sed perficit.

In verba eiusdem, An ignoratis fratres, scientibus enim legem loquor, & cætera.
Sermo CXV.

POSTEAQUAM Dauidicam citharam spiritualis intelligentiæ plectro, & modulatione tangentes, animos vestros & corda perimus: intonantis quoque Euangelij ad suscitandos sensus vestros principia metuenda præbuimus, ad apostolicum magisterium mox credidimus esse remeandum, ut tripartitus ordo sermonis Ecclesiasticæ doctrinæ salutaris teneat & præbeat disciplinam. Nam & cantilena à continuo labore relaxat animos, & Evangelica autoritas mentes reparat & exuscitat ad laborem: & apostolicus vigor tramite recto remoueri, & nostros non sinit sensus euagari. Hanc beati Apostoli per ordinem sequi hodie reperimus lectionem. *An ignoratis fratres, inquit, scientibus enim legem loquor, quia lex dominatur homini, quanto tempore uiuit.* Et inducit similitudinem. *Nam quæ sub viro est mulier, uiuente viro, alligata est legi: si autem mortuus fuerit vir eius, soluta est à lege viri: igitur uiuente viro, vocabitur adultera, si fuerit cum alio viro: si autem mortuus fuerit vir eius, soluta est à lege viri.* Videtis fratres, beati Apostoli magnum cælestis magisterii documentum, quemadmodum legis tempora legalibus testimoniis asserit præterisse, totamque eius prærogatiuam miro coniugii exinanivit exemplo. Et merito lex carnali coniugio cõparatur, quæ non obtinuit cū synagoga spirituale consortium. Nam cū accepisset eā ad obseruatiā disciplinæ, ad sancti germinis fecunditatē, ad augmentū pudoris, ad custodiam castitatis, ad superni thalami sacrum, reueredūque secretum, ad mysticam tori cælestis vnitatem, reperit in ea totius meretricationis illuuiem. Occurrit enim tanto viro, id est legi, non cõperta moribus, non monilibus ornata virtutum, nō inces-

Rom. 7.

su grauis, non vere illo flameo virginalis verecundia operata
 velamento: sed lasciuia oculis, soluta gressibus, preuentia ille-
 cebris, & tota dolis & simulationibus perfucata. Quam cum
 vir tantus visam iusta indignatione despiceret, & eam procul
 à sua societate propelleret, atq; toto execraretur iudicio gra-
 uitatis: illa nec despecta erubuit, nec contempta se correxit,
 nec resipuit sic repulsa, sed tota præceps ad idolorum lupana-
 ria conuolauit, & maluit subire fornicationis infamiam, at-
 que adulterij crimē incurrere, quàm male placiti habitus tur-
 pitudinem non habere. Vnde & merito eam beatus prophe-
 ta deplorat, dicēs, *Quomodo facta est meretrix ciuitas fide-
 lis Sion? Cuius adulteria quoque Ezechiel sanctus toto pe-
 ne volumine præscribit.* Hinc est fratres, quòd cum in euan-
 gelio à Scribis & doctoribus legis apud dominum ista accu-
 saretur adultera, auertit faciem suam dominus, & declinauit
 in terram: ne crimen cerneret quod puniret: & maluit fra-
 tres in puluere scribere veniam, quàm dare in carne senten-
 tiam. Hanc Apostolus adulteram ad Christi nititur reuocare
 consortium: nec patitur pristini lapsus timore tardari, quæ
 viuente viro merito exitit adultera, quia fuit cum alio viro:
 nunc verò non deserit legem, quæ ad legis recurrit auctorē:
 sed moritur legi legalibus addicta sententiis, vt viuat gratiæ,
 & resurgat per veniam, quæ fuerat interempta, & mortifica-
 ta per legem. Denique cum eam à maritali iure defuncto vi-
 ro asserat absolutam, ipsam potius, non virum, in sequētibz
 defunctam esse testatur: quia non lex homini, sed homo mo-
 riur legi: nec mandatum præterit, sed mandato deficit ille,
 qui labitur à mandato. Audi quod sequitur, *Itaque fratres mei,
 & vos mortificati estis legi.* Nūquid dixit, mortua est vobis lex?
Et vos mortificati estis legi. Et bene addidit, *Per corpus Christi.*
 Quia lex rerum astringit, arctat obnoxium, punit & interfi-
 cit criminofum. Qui ergo per corpus Christi ab omni crimi-
 ne exemptus est, & eruditus, scēliciter moritur legi, vt inno-
 centiæ viuat, & gratiæ. *Vt scitis, inquit, alterius, qui ex mortuis re-
 surrexit.* Alterius. Alter ipse effectus est, cum nostram corrup-
 tionem in incorruptionem mutauit: & mortalitatem im-
 mortalitatis transuexit ad gloriam. *Vt fructificemus, ait, deo.*
 Consortes cælestis naturæ per Christum non terræ, sed deo:
 non morti, sed vitæ: & deo fructum asserit deferri, non carni.
Cum enim, inquit, essemus in carne, passionēs peccatorum quæ per le-

Esa. 1.

Ioan. 8.

gem erant, operabantur in membris nostris, ut fructificaremus morti,
 Cum dicit, Cum essemus, præteritum tempus indicat: dum in
 sola carne positi, imò magis expositi, quæ carni sunt tantum
 sapere, facere, velle cogebamur, iuxta illud Apostoli, *Qui in Rom. 8.*
 carnae sunt, deo placere non possunt. *Cum enim essemus, inquit, in*
carne, passionibus peccatorum quæ per legem erant. Dicam sicut dictum *Matt. 6.*
 est à domino, Si lumen quod in te est tenebræ sunt, ipsæ tene-
 bræ quæ? Si per legem passionibus peccatorum membris do-
 minantur humanis, quid ipsæ per se faciunt passionibus, quæ
 nascenti mox homini infelicitè & pœnaliter obsecundant?
 Cū taliter nascentem, generatum taliter angores deprimunt,
 virgēt pericula, afficiunt pœnæ, passionibus sunt, fratres, per quas
 infirmatur infantia, pueritia trahitur, adolescentia insanit, iu-
 uentus & senectus multis luctibus cumulantur, ipsæ sunt quæ
 totam hominis vitam inimico conturbante comitantur ad
 lapsum, quas lex dum prohiberet, admonuit: dum discuteret,
 ampliavit: dum accusaret, reddidit chariores: & quæ per igno-
 rantiam latebant, fecit esse per sciētiam notiores. Et sicut per
 falcem spinæ magis dum succinduntur accrescunt: ita dum
 refecantur per legem, pullulāt passionibus: quia intrinsecus ve-
 lut in radice carnis fixæ solidantur. Lex intrinsecus culturam
 fidei habet satis iustam, nec proficit: unde ad frugem mortis
 ipsum cespitem humanæ carnis suā excitatione perducit. *Pas-*
siones, inquit, peccatorum, quæ per legem erant, operabantur in membris
nostris, ut fructificaremus morti. Instrumentum quod ad vitā erat,
 ad frugem mortis sibi in nobis vendicant passionibus. Sauciati
 ergo taliter per Christi gratiam à lege mortis absoluihur, &
 spiritum sanctum percipimus intrinsecus, debellatorem, vi-
 ctoremque viciorū, ut passionibus forinsecus exclusæ pulsent,
 tentent, prouocent, sed cōcidant ad nostrorum gloriam triū-
 phorum. Nobis, nobis cupit vincere, qui cum dominaretur
 nobis dignatus est militare, sicut dixit, * Ergo seruiamus in
 nouitate spiritus à carnis seruitute iam liberi, quia vera do-
 minatio est famulatus dominicæ sanctitatis: nā & vetus ho-
 mo, & vetus litera totam corripuit & perdidit disciplinam.

In verba eiusdem, Quid ergo dicemus? Lex peccatum est?

Absit, & cetera.

Sermo C X V I.

Quoties diuerso genere, sed voce consona mystica reso-
 nat cantilena, mira dulcedine pascit & delectat audi-
 tum: ita cum vario modo, sed vno spiritu, eodémque sensu,

liquit? O dura hæreditas, acerudelis: ô miseri, quib' nec adipisci libuit, nec renunciare licuit nos hæredes. Audi quod sequitur, *Et ita in omnes homines mors transiit.* Sed ne iniustum fortè videatur, eum per vnum in omnes, quia omnes per vnū: per eum te detestaris esse damnatum, per quem te editū esse gloriaris in lucē. Sed dicis, si generi debeo, quod natus sum, nūquid & crimini, vt antè me teū faciat natura, quàm culpa? Huic quæstioni tuæ mox qui sequitur apostoli sermo respondet, dicendo, *In quo omnes peccauerunt.* Si in illo omnes peccauerunt, meritò per illum omnes susceperunt supplicium. *Sicut per vnum hominem in hunc mundum peccatum intravit, & per peccatum mors: & ita in omnes homines pertransiit: in quo omnes peccauerunt.* Siue in homine, siue in peccato: per illum, & in illo omnes peccauerunt. Non ergo peccatum versum est in naturam, sed dum peccatum mortem ingerit, pœnam sibi debitam exigit per naturam. Deus naturam ita fecerat, vt homines crearet ad vitam: quæ tamen dum morti nolens generat, illi se peccato fatetur obnoxiam, cuius pœnæ deseruit iniuncta. Nam quis ista sentiat fratres, quod extingui velit natura partus suos, & germina sua tam chara velit necari? Sed dum ingemiscit & condolet, amissam suspirat & desiderat recipere libertatem. Sed per quem receperit, Ioānes primus signāter ostendit: qui vilo Christo proclamat & vociferatur, dicēs, Ecce agnus dei, qui tollit peccatum mundi. Peccatum mundi, hoc est fratres, quod per vnum hominē Apostolus intrasse testatur. Gaudete ergo fratres, quia peccatū quod nos graui pondere deprimebat ad tartarū, à Christo sublatum est, & in tartara iam demersum: & nos, quos morti culpa primi parētis addixerat, secundi & diuini parentis gratia à pœna reuocauit ad vitam. Saluari ergo sine Christo homo non poterat: quia totius mundi peccatum ante ipsius permanebat aduentum. Sed tu quòd per Christum iustificaris, amplecteris: & quod per Adam damnatus es, tu refutas: & alterius tibi pœnā obfuisse cōquereris, qui tibi conspicias alterius subuenisse iusticiam: Nūquid non in semine tota arbor? Vitium ergo seminis, vitium est totius arboris. Si sibi ipsa per se natura subuenire potuisset, nunquam eam ad reparandum in se author ipse suscepisset. Ad vitam eam creatam credis, qui adhuc eam per authorē dubitas esse reparatam? *Vsq̃ue ad legem enim, inquit, peccatum erat in mundo, Vsq̃ue ad legē cum audis, vsq̃ue ad finē*

legis: hoc est, vsque ad aduentum domini nostri Iesu Christi accipe. *Quia peccatum non imputabatur, ait, cum lex non esset.* Et quando lex non fuit, quæ cum ipso homine cœpit? Si lex nō fuisset, Adam præuicator utique non fuisset: sicut idem aperit Apostolus, cum dicit, *Sed regnavit mors ab Adam vsque ad Moysen.* Vtrique legem acceperant: sed Adam mox præuicatus est, ut accepit: Moyses præuicatoribus promulgauit acceptam, dicente Apostolo, Lex præuicationum causa posita est. Regnavit ergo mors per legem, quia grauius præuicatores, quàm peccatores, & non tantum parentis vitio, sed suo iam lapsos facinore, sæua deuorauit. *Sed regnavit, inquit, mors ab Adam vsque ad Moysen, etiam in eos qui non peccauerunt in similitudinem præuicationis Ade.* Quia non tantum magnos, sed deuorabat & paruulos: & non tantum noxios, sed & deuastabat innoxios, innoxios dico à culpa propria, non parentis. Et hinc grauius erat lamentanda cōditio, quia eius parentis soluebat pœnam, cuius vix vitam degustarat infantulus: & luebat peccatum mundi, qui mundum cognitum non habebat. Acquiescamus ergo fratres, quòd per vnū, & vnus delicto mors regnavit, si omnes per vnū absolui desideramus & esse per Christum: quia qui viuit, Christo debet, non sibi: & Adam quòd moritur, id debet.

In verba eiusdem, Si enim vnus delicto mors regnavit per vnum, &c.

Sermo CXII.

SI quis poculum aquæ frigidæ sitienti porrigit viatori, aliquantum quidem animum recreat estuantis: & humanitati planè succurrit, non tamen penitus sitim extinguit: ita & magnum diuinæ scientiæ desiderantibus nosse secretum, noster sermo non sufficit, qui ad præsens festinationi descendit, & tempori. Nam si ad humana perdiscenda tota hominis brevis est vita: quod tempus sufficere credimus ad intelligentiam posse diuinam? Date ergo veniam fratres si intra punctum temporis & horæ vnus vix momentum obscura lucidate, clausa referare, firmare dubia, profunda contingere, tot sæculorum ineffabile sacramētum per omnem modum aperire non possum, & eloqui: si vel cautè æmulis, securè filiis, credentibus confidenter, constanter incredulis non valeamus. Verum quia hodie apostolicus sermo claro se lumine sensibus audientium totus infudit, nec quicquam catholicis mentibus reliquit ambiguum, cum dicit, *Si enim vnus delicto Rom. 5.*

Sapient. 1.

mors regnauit per unum. Declamandi studium seponentes, tota simplicitate ipsi apostolicis eloquiis innitemur: ut verum scire cupientibus nulla sermone nostro generetur obscuritas. Si enim unius delicto, ut dicit, mors regnauit per unum. Quare mortem ab vno, & primo homine esse posteris acquiritam insinuare & approbare euangelica laborat authoritas? Et quāuis sufficiat illa sententia, quæ dicit, Deus mortem non fecit quare eam tam trucem, tam crudelem, tam immitem nonnulli à deo velint esse conditam, scire non possum. Nemo sine piaculo æstimat tam pium, tam bonum deū, mortem creare potuisse. cuius vniversus mundus dolore continuo, gemitu, lachrymis accusat, & detestatur autorem. Si mors etiam penes homines est criminum pœna, quo ausu concreata homini, & pœne ante creditur innocenti à deo insita esse, quàm vita? Sed audiamus Apostolum, Si enim unius delicto mors regnauit per unum, multo magis abundantiam gratiæ, & donationis, & iustitiæ accipientes, in vita regnabunt per unum Christum dominum nostrum. Ecce vnum, & vnum: Adam, & Christus. Per illum peccatum regnauit in mortem: per istum gratia regnauit in vitam. Denique duo hæc principia vitæ, & mortis, absolutionis, & pœnæ, desideratæ libertatis, & damnationis extremæ, is qui sequitur sermo Apostoli aperit & declarat. Igitur sicut per unius delictum in omnes homines in cōdemnationem: ita & per unius iustitiam in omnes homines in iustificationem vitæ. Per vnū & vnum, aut mors regnat, aut vita conceditur. Quid hic ergo addere sermo possit interpretis? quibus adiunges silentiū, omnis æmulorum succumbit intentio. Per vnus delictum in omnes homines in condemnationem: ita & per vnus iustitiā in omnes homines in iustificationem vitæ. Sicut fonti fluuius, sic fructus seminata origini deseruit, aut addicta, aut crepta posteritas: sicut ex his quæ adiecit Apostolus plenius approbatur. Sicut enim vnus hominis inobedientia peccatores constituti sunt multi, ita vnus obedientia iusti constituentur multi. Sit homo peccator, ut sit deus iustus: quia reatus redundat ad iudicem, si pœna percellit innoxium. Et ideo dixit, Sicut per vnus hominis inobedientiam peccatores constituti sunt multi. Ut scirent se eius culpæ fuisse participes, cuius pœnæ locios se esse persentiunt. Sed iam quid lex profuerit attestante Apostolo, audiant legis amatores. Lex autem, inquit, subintravit, ut abundaret delictum. Ecce, ut Apostolus dicit, Non imminutionem deli-

Rom. 3.

Etorum lex fecit esse, sed copiam : non per se fratres , sed per
 eum, qui legem per imbecillitatem ferre non poterat. Non
 magnitudo lucis hebetat oculos , quæ solis à deo creata est
 oculis, sed oculorum infirmitas lucis totam sustinere nō po-
 test, & ferre claritatem: ita & lex fratres, quæ per se satis iusta
 erat , & satis sancta , dum ab homine fragili severam exigit
 disciplinam, magis magisque oneravit & prodidit delinquē-
 tem. Et hoc quare fratres ? Vt per gratiam & veniam condi-
 toris rediret ad vitam, qui per tumorem & ignorantiam, cum
 male de innocentia gloriaretur in debitum parentis deduce-
 batur & pœnam. Morbus igitur latebat occultus, per quem *Id est, idem*
 omnium secreta medullarum, & venarum meatus in ipsorum *iudicium, hoc*
 vitalium tendebant exitium, & quandam *συνίσιον* in omni- *est, omnia in-*
 bus generabāt internis. Venit lex quæ & vulnus proderet, & *teriora simi-*
 tandem vetusto languori supernū aduenire medicum nun- *literant as-*
 ciaret. Venit lex quæ mandatorum fomentis in curam pro- *fecta.*
 duceret, quod in altum lethaliter sæuiebat. Venit lex vt gla-
 dio præceptorum velut apostema longi temporis aperiret: &
 collectam diu saniem salutaris subinde siccaret effusio. Nec
 tamen per se, fratres, aut vulnus claudere, aut ægrotanti per-
 fectam addere valebat ipsa sanitatem. Quod vbi vidit ægro-
 tus, & tandem statum suum miserandus agnouit, cœpit ten-
 dere festinus ad medicū: vt quod per legem proditum, & per
 ipsam diu fuerat ampliatur, tanti medici peritia curaretur,
 & gratia. Ampliatū vulnus dicimus fratres, quia post incisio-
 nem, putredo, fœtor, horror, vexatio ipsi vulneri abscissione
 generatur: & sit per curam deterior miserandi facies ipsa lā-
 guoris, quam fuerat ignoranti periculum cum lateret. Venit
 ergo medicus: & iam fesso curis, & curationū vexationibus
 perdesfesso solius verbi autoritate subuenit. Sicut Centurio
 ille cōfiteretur, cū dicit, Dic verbo, & sanabitur puer meus. Et
 impleteretur illud propheticum, Misit verbū suum, & sanauit
 eos. Et ideo sequitur, *Vbi abundauit peccatum, superabundauit*
 & gratia. Ac si diceret, vbi dilatatum est vulnus, supereffusa
 est sanitas. Nemo ergo ingratus sit legi: quia quæ ægrotantē
 & iacētē inuenerat, leuauit, fouit, & vt saluti traderet, ipsum
 vsque ad medicum salubri exultatione perduxit: vt, sicut di-
 xit Apostolus, *Quemadmodum regnauit peccatum in mortem, ita*
gratia regnet in vitam eternam, per Iesum Christum dominum no-
strum. Gratia in vitam, peccatum regnat in mortem. Recta

Mat. 8.

Psal. 106.

fides non mortem, non interitum hominis auctorū deo deputat, sed salutem. Mors sit hominis, sit peccati, ut vita creata, & reddita solum credatur esse per Christum.

In verba eiusdem, Quid ergo dicemus? permanebimus in peccato, ut gratia abundet? &c.

Sermo CXIII.

Rom. 6.

Beatissimus Apostolus quando interrogat, quando manifesta perquirat, eos videlicet obiurgat & increpat, qui eloquia divina sua interpretatione corrumpunt: & inde concipiunt suffragia criminum, unde assumere debuerāt documēta virtutum. Sic enim hodie cœpit, *Quid ergo dicemus? Permanebimus in peccato, ut gratia abundet?* Superius dixerat fratres, Vbi abundavit peccatum, superabundavit & gratia: & ideo ita exorsus est: ac pro illo diuino & singulari magisterio, imperitis se velut interrogatione participat: ut quę sunt prudentiæ cœlestis plena eruditione respondeat. Si enim ubi abundavit peccatum, superabundavit & gratia. *Quid ergo dicemus? Permanebimus in peccato, ut gratia abundet?* Si prona est delinquentibus pietas, si gratia copiosa peccantibus, si iniustis amica largitas est diuina, certē si futura bona malis pręsentibus acquiruntur, quid nobis virtutum iter arduum, quid durus obrinendę iustitię labor, quid inter malos iugis seruandę innocentię cruciatus? Augeantur humana facinora, ut bonitas cœlestis exuberet: faciamus mala, ut dixit, ut veniāt bona: permaneamus in peccato, ut gratia abundet. Ad hæc fratres idem qui interrogat Apostolus ipse respondit, *Abst.*

Rom. 3.

Qui enim mortui sumus peccato, quomodo adhuc viuemus in illo? Cum dicit abstet, taliter intelligentiam insipientium execratus est, & sensum: siquidem medicus non vulnere, sed curę proficit, & saluti: nec putredini, nec morbis, sed soli congaudet ille sanitati. ita & deus, qui pro magnitudine vulneris adhibuit magnitudinem, vigorēque medicinę: & nec peccato, sed homini largitus est gratiam: nec ad multiplicanda, sed ad delenda delicta imbrem suę pietatis effudit. Nemo, nemo sic de egritudine gratuletur, ut velit in vulnere permanere. Ingratus medico, inimicus est curę, qui semper curari æstuat, nec vnquam desiderat hic sanari: & ita dei gratiā suis cupit exuberare peccatis, ut sibi cupiat peccata cumulari. Miser qui tali voto reus esse contendit per veniam. Fugienda fratres dementia ista est, fugienda: quę etiā post curam ca-

petua teneretur amore morborum: recidiva enim lethalis est
 sæpius ægritudo. Quod autem dixit. *Qui enim mortui sumus pec-*
cato. Præsentis temporis loquitur hic figuram: quia mortuos
 nos dixit esse peccato, non nobis iam in toto mortuum dixit
 esse peccatum: quia & si peccatum ipsum actu operis sanctis
 & fidelibus est defunctum, vivit tamen, & adhuc in nostram
 defæute mortem: tunc autem peccatum ipsum morietur in
 nobis, cum corruptibile hoc induerit incorruptionē: & mor-
 tale hoc induerit immortalitatem, & factus fuerit sermo qui
 scriptus est: vbi est mors aculeus tuus, vbi est inferne victo-
 ria tua? Aculeus autem mortis peccatum est: vivit autem pec-
 cato, qui eius, sicut in consequentibus dicit, concupiscētiis fa-
 mulatur: & stimulis miserandus inservit, qui obsecundat vi-
 tiis, qui criminibus infelici & continua captivitate succum-
 bit: qui quod delicti est, esse autumat hoc naturæ & morbo,
 qui est accidens, vitur velut opere & beneficio conditoris.
 Et ideo ad arguendum talium ignorantiam addidit, dicens,
An nescitis, quia quicumque in Christo Iesu baptizati sumus, in mor-
te ipsius baptizati sumus? Consepulti enim sumus illi per baptismum
in mortem. Audiant fideles, & intelligant, quemadmodum
 triduana domini sepultura trina demersione figuratur in
 baptismo: & resurrexisse cum Christo: & si nec dum corpo-
 re, vitæ iam novitate cor gaudeant: sitque totus homo virtu-
 rum domicilium, qui receptaculū fuerat antè vitiorum. *Vt si-*
cut dixit, quomodo Christus surrexit à mortuis per gloriam patris, ita
et nos in novitate vitæ ambulemus. Christos quicquid suarum
 virtutum est refert ad gloriam patris: & homo cuius sum-
 nihil est, sibi vindicare, quòd per Christum resurrexerit ela-
 borat: Quod autem dixit, *In novitate vitæ ambulemus.* Quæ su-
 perius diximus, illa confirmat: ut si nec dum hoc corpore, vi-
 ta tamen iam totus immutatus incedat: intelligat se, & domi-
 netur elementis, qui elementis hætenus per ignorantiam ser-
 uiebat: largiatur sua per gloriam, qui prius turpiter fura ha-
 tur aliena: & qui carnis exercebat illicita, contemnat etiā licē-
 tias corporales: & qui innocentiam hætenus impie molie-
 batur extinguere, pro innocētia gloriosius ipse moriatur. Et
 quid plura? Si ex vetere homine iam novus effectus est, vitio-
 rum gurgitem in fontem commutet ipse virtutum. Vsq̃ue ad
 finem autem lectionis hoc ingerit beatus Apostolus, hoc de
 monstrat, illum posse cum Christo vivere, illum regnare cum

Christo, qui resurgentis Christi innocentiam sequitur, imitatur vitam, implere nititur sanctitatem, quum dicit, *Vt destruat corpus peccati*. Destruatur frater, actu, non substantia: opere, non figura: quia peccato, non Deo vult hominem perire qui ait, *Existimate vos mortuos esse peccato: vivere autem Deo*, Et superæ libertati fratres, restituere hominem tota pietate contendit, qui dicit, *Non regnet peccatum in vestro mortali corpore*. Et iterum, *Peccatum vobis non dominetur*. Non dixit, non veniat ad vos: non dixit, non prouocet, non titillet: sed non regnet, non dominetur, configat ad vincentis gloriam, dimicet & decidat ad triumphum victoris, & tandem se doleat impia peccati dominatio à seruis quondam suis tota securitate calcari: & crudelis tyrannus ingemiscat subiectum se suorum pedibus captiuorum: & ad eorum triumphum, de quibus diu triumphauerat se veteranus hostis peruenisse deplorat.

In verba eiusdem, Peccauius, quia non sumus sub lege, sed sub gratia, &c.

Sermo CXIII.

Sicut peregrinanti redditus ad propria dulcis semper & charus est, & vernaculæ domus vestibula sunt gratiosa post tempus: ita mihi post interualla sermonis ad apostolicarum seriem lectionum suauior est recursus. Siquidem à proposito dicendi ordine, & continuo tramite loquendi discedere nos sæpe necessitas religiosa compellit: quia sic doctrinæ ordo moderaudus est, ut nō modo aliud impediatur ex alio. * Vnde quid hodie beatus apostolus dixerit, audiamus, Quid ergo ait? *Peccauius, quia non sumus sub lege, sed sub gratia? Absit*. Hæc interrogatio fratres eorum arguit imperitiam, qui legis consuetudine captiuati, gratiæ beneficio nesciunt sentire virtutes: & quos præceptorum legalium series prodidit contumaces, eos sola munerum commoda, & festiuitatum pompa obseruationibus vanis fecit & reddidit obstinatos. Et cum legem tempus excluderit, quid cultor legis à lege faciet abdicatus? Iudæe quid habes quod non perdidisti? Si autem perdidisti: quid gloriaris quasi non perdidideris? Vbi est templum, vbi est sacerdos, vbi sacrificium, vbi incensum, vbi purificationes tuæ, vbi solennitatum tuarum non omittenda deuotio? Sed ut sis Iudæus merito circuncideris: quia bonis omnibus abscissus es supradictis. Scriptum est enim, Male-

dictus omnis qui non permanserit in omnibus quæ scripta *Deu. 27.*
sunt in libro legis. Si maledictus est qui in vno offenderit,
quoties maledictus est qui nihil ex omnibus probabitur ef-
fecisse? *Peccauimus, ait, quia non sumus, sub lege, sed sub gratia?*
Ac si diceret fratres, *Peccauimus, quia in cura non perman-*
simus iam sanati? Peccauimus, quia ignem, ferrum, medi-
camenta reliquimus iam curati? Infelix æger, qui post cu-
ram non vult curare tormentum. Et quid plura fratres? Nun-
quam curat, qui infirmantis querit & expectat arbitrium?
Nam cum ex humore frigidus semper ignis succendatur in
corpore: & rigor nimius dum membra vexat & concutit, a-
crius ipse efficit & gignit incendium: ita ægrotus ad augen-
dam flammam quæ suis semper æstuat & anhelat in venis,
dari sibi aquam frigidam impatienter expectat nesciēs quod
tunc calor calore restinguitur, frigore nutritur incendium.
Lex ergo dum hominis semper expectat, & sustinet volunta-
tem, nec tamen homo peccati sarcina præpeditus sufficere
legalibus præualeat obedire mandatis: cultorem suum lex nō
absoluit à peccati vinculo, sed crimine præuagationis obli-
gat. Et ideo addidit, dicens, *Nescitis quod cui exhibuistis vos ser-*
uos ad obediendum, serui estis eius cui obedistis, siue peccati ad mortem,
siue obeditionis ad vitam? Quid est fratres, quod cum de lege
loqueretur hominem prodidit seruum fuisse peccati? *Siue*
peccati, ait, ad mortem, siue obeditionis ad vitam. Quia superius
dixerat, peccatum nobis non dominetur: non enim estis sub
lege, sed sub gratia. Qui ergo sub lege sunt peccati deprimū
tur, & incuruantur imperio: nec poterunt nisi de peccati
turpissima seruitute nisi gratia manumittente liberari. Gra-
tias autem ago deo, dixit, quia fuistis serui peccati. Sic gratias agit,
quasi qui congaudeat hominem seruum fuisse peccati? Ab-
sit. Gratias agit, non quia antè serui fuimus domini tam erū-
delis, sed quia ei iam non sumus subiugati, sicut ex sequenti
bus id ipsum manifestat expressius, dicens, Obaudistis autem
ex corde in eam formam doctrine, in quam traditi estis: liberati au-
tem à peccato, serui facti estis iustitiæ. Obaudiuius fratres bene-
ficio vocantis, non nostro: quia captiui sic tenebamur arbi-
trio. obaudistis autem ex corde in eam formam doctrine. In quam?
In euangelij nempe: vbi nouo libertatis genere non est o-
missa seruitus, sed mutata: quia melior est deuota famula-
tio, quàm vaga & præsumpta libertas, *Serui facti estis iustitiæ.*

Hæc seruitus fratres, non obligat, sed absoluit: non onerat, sed honorat: abstergit seruitutis maculā, nō inurit. Quid hic rogo, non diuinum est, vbi seruitus pellitur seruitute, vbi fugatur conditione conditio, vbi mors morte moritur, vbi perditio perditione sanatur, & vt proprie ac breuiter dicatur, vbi tota aduersitas ipsius aduersitatis mucrone prosternitur? Quod autem dixit, *Humanum di'o propter infirmitatem carnis vestrae: sicut enim exhibuistis membra vestra seruire immunditie, & iniquitati ad iniquitatem, ita exhibete membra vestra seruire iustitie in sanctificationem*. Magnitudinem pietatis ostendit, cum Euangelicam doctrinam ad tam humilia & pene verecunda deponit exempla: vt sanctitati tantum, quantum immunditiae, quantum iniquitati, iustitiae tantum imponat & imperet seruituti. Absurda fratres, atque indecens videtur comparatio, quæ tantum gloriæ, quantum turpitudini hominem cupit esse subiectum sed vtinam vel tantum. Et quando tantū Deo, quantum mundo, quando tantum cælo, quantum terræ, quando tantum virtuti, quantum vitis fragilitas humana famulatur? Totus homo miser sic carni deditur, sic rebus presentibus occupatur, vt nihil in se, quod futuræ vitæ, quod diuinis bonis deseruiat, derelinquat. Illecebræ temporalis vim beatus Apostolus vno sermone humanis conscientiis conuenienter aptauit, conuenienter expressit, vt tanta vitali pondere iustitiæ voluntate, pudicitie ac munditiæ humana membra seruiant, quanta vehementia, dementiæque, turpitudini, vitiis que dederunt. Parua aut forte nulla exigit, qui cupit de uicta proprietate cōcedere: & adimixt excusationem qui possibilia sibi, & vñtata præcipit vt repensati deberet pro maximis. Da ergo homo deo tantum quantum carni, vitiis que tribuisti. Et quid est, quòd antè vitiis, non Deo debeas te ipsum, quòd à te Deus tuo tātum vtique amore perquirat? Sequitur, *Cum enim serui essetis peccati, liberi fuistis iustitiæ: nunc autem liberati à peccato, serui facti estis iustitiæ*. Antè serui peccati: nunc serui iustitiæ. Per Apostolum ecce succedit seruitus seruituti contumax tu nunc tempus tuæ libertatis ostende: peccatum te ante mentiebatur liberum, quem tenebat miserandè captiuū: nunc gratia te vocat seruum, quem vt vere faceret esse liberum, Dei ipsius adoptauit in filiū. Impleta est ergo Christi sententia, qua dicit, qui vult esse dominus, sit seruus. Beata est hæc seruitus, quæ dominationem generat sempiternam,

Illa enim libertas fructum pœnæ & confusionem nobis intulit non ferendam, sicut dicit, *Quem enim fructum habuistis tunc in his quæ nunc erubescitis: nam finis illorum mors est?* Ecce qualiter manumittit, ecce quali præmio honorat illam diabolus seruitutem: ut mors simul & vitam finiat. & inchoet pœnam: & qui Christo seruiunt fratres, illusa morte cum stipendiis, sanctitatis perpetuam transferuntur ad vitam: finis enim Christi non suscipit finem: quia non interficit hominem finis iste, sed perficit.

In verba eiusdem, An ignoratis fratres, scientibus enim legem loquor, & cetera.

Sermo C X V.

P'osteaquam Dauidicam citharam spiritualis intelligentiæ plectro, & modulatione tangentes, animos vestros & corda perinulsimus: in tonantis quoque Euangelij ad suscitandos sensus vestros principia metuenda præbuius. ad apostolicum magisterium mox credidimus esse remeandum, ut tripartitus ordo sermonis Ecclesiasticæ doctrinæ salutiferam teneat & præbeat disciplinam. Nam & cantilena à continuo labore relaxat animos, & Euangelica autoritas mentes reparat & exuscitat ad laborem: & apostolicus vigor tramite recto remoueri, & nostros non sinit sensus euagari. Hanc beati Apostoli per ordinem sequi hodie reperimus lectionem. *An ignoratis fratres, inquit, scientibus enim legem loquor, quia lex dominatur homini, quanto tempore viuit. Et inducit similitudinem. Nam quæ sub viro est mulier, viuente viro, alligata est legi: si autem mortuus fuerit vir eius, soluta est à lege viri: igitur viuente viro, vocabitur adultera, si fuerit cum alio viro: si autem mortuus fuerit vir eius, soluta est à lege viri.* Videris fratres, beati Apostoli magnum cælestis magisterii documentum, quemadmodum legis tempora legalibus testimoniis asserit præteruisse, totamque eius prærogatiuam miro coniugii exinanivit exemplo. Et merito lex carnali coniugio cõparatur, quæ non obtinuit cū synagoga spirituale consortium. Nam cū accepisset eā ad obseruatiā disciplinæ, ad sancti germinis fecunditatē, ad augmentū pudoris, ad custodiam castitatis, ad superni rhalami sacrum, reuerēdūque secretum, ad mysticam tori cælestis vnitatem, reperit in ea totius meretricationis illuuiem. Occurrit enim tanto viro, id est legi, non cõpra moribus, non monilibus ornata virtutum, nō inces-

Rom. 7.

su grauis, non vere illo flameo virginalis verecundiæ operta
 velamento: sed lasciuia oculis, soluta gressibus, præuenta ille-
 cebris, & tota dolis & simulationibus perfucata. Quam cum
 vir tantus visam iusta indignatione despiceret, & eam procul
 à sua societate propelleret, atq; toto execraretur iudicio gra-
 uitatis: illa nec despecta erubuit, nec contempta se correxit,
 nec resipuit sic repulsa, sed tota præceps ad idolorum lupana-
 ria conuolauit, & maluit subire fornicationis infamiam, at-
 que adulterij crimē incurrere, quàm male placiti habitus tur-
 pitudinem non habere. Vnde & merito eam beatus propheta
 deplorat, dicēs, Quomodo facta est meretrix ciuitas fide-
 lis Sion? Cuius adulteria quoque Ezechiel sanctus toto pe-
 ne volumine præscribit. Hinc est fraires, quòd cum in euan-
 gelio à Scribis & doctoribus legis apud dominum ista accu-
 saretur adultera, auertit faciem suam dominus, & declinauit
 in terram: ne crimen cerneret quod puniret: & maluit fra-
 tres in puluere scribere veniam, quàm dare in carne senten-
 tiam. Hanc Apostolus adulteram ad Christi nititur reuocare
 consortium: nec patitur pristini lapsus timore tardari, quæ
 viuente viro merito extitit adultera, quia fuit cum alio viro:
 nunc verò non deserit legem, quæ ad legis recurrit auctore:
 sed moritur legi legalibus addicta sententiis, vt viuat gratiæ,
 & resurgat per veniam, quæ fuerat interempta, & mortifica-
 ra per legem. Denique cum eam à maritali iure defuncto vi-
 ro asserat absolutam, ipsam potius, non virum, in sequētib;
 defunctam esse testatur: quia non lex homini, sed homo mo-
 ritur legi: nec mandatum præterit, sed mandato deficit ille,
 qui labitur à mandato. Audi quod sequitur, *Itaque fratres mei,*
Et vos mortificati estis legi. Nūquid dixit, mortua est vobis lex?
Et vos mortificati estis legi. Et bene addidit, *Per corpus Christi.*
 Quia lex rerum astringit, arctat obnoxium, punit & interfici-
 cit criminolum. Qui ergo per corpus Christi ab omni crimi-
 ne exemptus est, & eruditus, feliciter moritur legi, vt inno-
 centiæ viuat, & gratiæ. *Vi scitis, inquit, alterius, qui ex mortuis re-*
surrexit. Alterius. Alter ipse effectus est, cum nostram corrup-
 tionem in incorruptionem mutauit: & mortalitatem im-
 mortalitatis transuexit ad gloriam. *Vi fructificemus, ait, deo.*
 Consortes celestis naturæ per Christum non terræ, sed deo:
 non morti, sed vitæ: & deo fructum asserit deferri, non carni.
Cum enim, inquit, essemus in carne, passionibus peccatorum quæ per le-

Esa. 1.

Ioan. 8.

gem erant, operabantur in membris nostris, ut fructificaremus morti. Cum dicit, Cum essemus, præteritum tempus indicat: dum in sola carne positi, imò magis expositi, quæ carni sunt tantum sapere, facere, velle cogebamur, iuxta illud Apostoli, *Qui in Rom. 8.* carnae sunt, deo placere non possunt. *Cum enim essemus, inquit, in carne, passionibus peccatorum quæ per legem erant.* Dicam sicut dictum *Matt. 6.* est à domino, Si lumen quod in te est tenebræ sunt, ipsæ tenebræ quæ? Si per legem passionibus peccatorum membris dominantur humanis, quid ipsæ per se faciunt passionibus, quæ nascenti mox homini infelicitè & pœnaliter obsecundant? Cû taliter nascentem, generatum taliter angores deprimunt, urgēt pericula, afficiunt pœnæ, passionibus sunt, fratres, per quas infirmatur infantia, pueritia trahitur, adolescentia insanit, iuuentus & senectus multis luctibus cumulantur, ipsæ sunt quæ totam hominis vitam inimico conturbante comitantur ad lapsum, quas lex dum prohiberet, admonuit: dum discuteret, ampliauit: dum accensaret, reddidit chariores: & quæ per ignorantiam latebant, fecit esse per sciētiam notiores. Et sicut per falcem spinæ magis dum succinduntur accrescunt: ita dum refecantur per legem, pullulāt passionibus: quia intrinsecus velut in radice carnis fixæ solidantur. Lex intrinsecus culturam fidei habet satis iustam, nec proficit: unde ad frugem mortis ipsum cespitem humanæ carnis suā excitatione perducit. *Passiones, inquit, peccatorum, quæ per legem erant, operabantur in membris nostris, ut fructificaremus morti.* Instrumentum quod ad vitam erat, ad frugem mortis sibi in nobis vendicant passionibus. Sauciati ergo taliter per Christi gratiam à lege mortis absoluihur, & spiritum sanctum percipimus intrinsecus, debellatorem, victorēque viciorū, ut passionibus forinsecus exclusæ pulsent, tentent, prouocent, sed cōcidant ad nostrorum gloriam triumphorum. Nobis, nobis cupit vincere, qui cum dominaretur nobis dignatus est militare, sicut dixit, * Ergo seruiamus in nouitate spiritus à carnis seruitute iam liberi, quia vera dominatio est famulatus dominicæ sanctitatis: nā & vetus homo, & vetus litera totam corrumpit & perdidit disciplinam.

In verba eiusdem, Quid ergo dicemus? Lex peccatum est?

Absit, & cætera.

Sermo CXVI.

QUoties diuerso genere, sed voce consona mystica resonat cantilena, mira dulcedine pascit & delectat auditum: ita cum vario modo, sed vno spiritu, eodēque sensu,

diuina & cælestis doctrina depromitur, libentius & cum suauitate maxima euangelicæ scientiæ p̄adit & aperit sacramentum. Et ideo post propheticam melodiam, & virtutum Christi stupenda miracula, ad apostolicarum redeamus ordinem lectionum. Talis ergo hodiernæ extitit cōtinētia lectiōis.

Rom. 7.

Quid ergo dicemus? lex peccatum est? Absit. Sed peccatum non cognoui, nisi per legem nam concupiscentiam non sciebam, nisi lex diceret, Non concupisces. Occasione autem accepta, peccatum per mandatum operatum est in me omnem concupiscentiam. Audistis fratres, quo morbo sine Christo laborauerit humana conditio: quàm captiua sine dei gratia fuerit humana fragilitas, quæ lege, quæ mandatis non prohibebatur, sed armabatur ad crimina: quæ ob hoc audiebat, ob hoc cognoscebat, non ut vinceret peccata, sed faceret. *Peccatum non cognoui, nisi per legem.* Vitia nō nosse felicitàtis est, nosse periculi, vicisse virtutis est. Rex nobilis, & fortis hostibus suis longius occurrit: & ita præuenit ingruentium dolos, ut deiici nequeat fides militum, ciuium nequeat conturbari constantia: lic modo generosus animus per Christi gratiam corporis sui transgreditur miserandas angustias, & ita totus delicta præuenit, proculcat vitia, & crimina tota internitione prostermit, ut nequeant fucis sensus fallere, dolis ingenium deprauate, tumultuationibus misera, imbecilla corda dissoluere ardore, sanguinibus, fumantes occasionēs incendere, vario passionum genere membra naturaliter infirma vexare. Quod ignis aridæ segeti, hoc vitia corpori sunt humano, quæ sola securius separatione vincuntur: necantur ignorantia, & nescita feliciter euanescent. Nam si ad mentem & sensus peruenierint, si cōtigerint animos, si semel membra penetrauerint, inextinguibile gignitur & exalietur incendium: & nisi vnda cælestis corda rigauerit, mentes infuderit, membra madefecerit, totum quod est roboris humani subditur & redigitur in fauillam. *Lex, inquit, peccatum est? Absit. Sed peccatum non cognoui nisi per legem.* Ac si diceret, Aurum avaritia non est, sed avaritiam non cognoui, nisi per aurum. Vinum ebrietas non est, sed ebrietatem non cognoui, nisi per vinum. Pulchritudo corporis non est cōcupiscentia, sed formæ decus concupiscentiæ me rapuit, & perduxit ad lapsum. Sic ergo ipsa per se mala non sunt, quæ à deo ad utilitatem, ad salutem, ad gratiam sunt creata, sed per ea delinquendi datur occasio. Ergo avaritia aurum accusat, ebrius vinum, la-

sciens aut lepidus, formæ vult esse quod contigit ad ruinam. Ita & lex quæ à deo data fuerat ad salutem, quæ erat per se excellentis & sancta, facta est per hominem miseri hominis ad ruinam: sicut ex sequentibus probat Apostolus, qui dicit, *Itaque lex quidem sancta, & mandatum sanctum & iustum & bonum.* Quod ergo bonum erat, non intulit mortem, sed peccatum quod principaliter intulerat mortem, quod fragilem, quod imbecillum, quod humanam naturam pronam fecerat ad lapsus & vitia. Quod latebat, & hostiliter humano grassabatur in corpore, lexprehendit, lex prodidit: dum admonet hominem de innocentia, de sanctitate, de iustitia, de virtute, de fide: dum arguit de vitiis, de delictis, de criminibus. Sed homo audire quidem cepit virtutes, cepit velle, sed non attigit: cepit detestari, sed sequi vitia: odisse delicta, sed facere: horrere crimina, sed implere: unde tardè se seruum captiuum, se male rabiei sensit addictum: & cepit clamare, *Infelix ego homo, quis me liberabit à corpore mortis huius?* Cui respondetur, *Gratia dei per Iesum Christum dominum nostrum.* Quo audito cepit libertatem querere per auctorem, salutem per veniam, vitam per solam sperare gratiam. Nam diu ignorauerat unde esset difficilis innocetia, unde laboriosa iustitia, anxia sanctitas, virtus ardua, fides tota periculis plena: unde sic tantas copias haberent delicta: unde crimina dum succiduntur, incrementum: virtutes deficiunt, dum coluntur. Lex aperuit, lex docuit, lex tota luce monstravit, crimina per peccatum, virtutes per deum in humanis sensibus, in humana mente dominari: nec posse antè superari delicta, quàm delictorum fuerit auctor extinctus, quod est peccatum, quod Christus abstulit: attestante Ioanne, cum dicit, *Ecce agnus dei, ecce qui tollit peccata mundi.* *Sine lege enim, inquit, peccatum mortuum erat: ego autem vivebam sine lege aliquando, sed cum venisset mandatum, peccatum reuixit: & ego mortuus sum, & inuentum est mihi mandatum quod erat a l vitam, hoc esse ad mortem: nam peccatum occasione accepta per mandatum seduxit me, & per illud occidit.* Peccatum mortuum erat, non quia non erat, sed quia ignorabatur: & propriè dictum est, *Peccatum reuixit.* Quia erat sepultum in ignorantia nostra, non mādatum, sed peccatum per mandatum reuixit, dum facit præuaricari qui fuerat antè peccator: dum reum perficit etiam contumacem, desertorem exuscitat & rebellem. Unde meritò homo iam

Ioan. 11.

tunc se exclamat mortuum, quando se vnde & quare, & per quem moreretur agnouit. Peccatum fratres, quàm crudelis tyrannus sit iam videmus. *Per mandatum seduxit me, & per illud occidit.* Quia argumentum salutis tetendit in laqueum, quia curam fecit esse languorem: quia instrumentum sanitatis exitiale mutauit in vulnus: quia vitam ipsam in gladium lethalem conuertit. *Per mandatum seduxit me, & per illud occidit.* Vt qui sibi iam quòd esset occisus, quid prouideret iam mortuus: nam quis poterat subuenire occiso, nisi Christus, qui vitam reparauit occisus: qui talionem morti reddidit per mortem, mortem peremit: atque eam prodidit contumacem, quæ incubare iussa pœnis reorum, attentare ausa est ipsum iudicem, inuadere ipsum innocentie præsumpsit auctorem: vnde meritò mors, mors tua est, & in me non ego viuo, sed viuit, agit, regnat, imperat Christus.

*In verba eiusdem, Factus est primus homo Adam in animam
viuentem, &c. Sermo CXVII.*

DVos homines beatus Apostolus hodie retulit humano generi dedisse principium, Adam videlicet, & Christum duos homines pares corpore, sed merito dispares, compage membrorū tota veritate perfimiles, sed ipso sui principio tota dissimiles veritate. *Factus est, inquit, primus homo Adam in animam viuentem, nouissimus Adam in spiritum viuificantem.* Ille primus ab isto nouissimo factus est, à quo est & animam consecutus vt viueret: hic est ipso se figuratus auctore, qui vitam non expectaret ab altero, sed ipse vitam solus omnibus largiretur: ille vilissimo plasmatur ex limo, ex vtero precioso virginis hic procedit: in illo terra mutatur in carnem, in isto caro promouetur in deum. Et quid plura? Hic est Adam, qui suam tunc in illo cum fingeret imaginem collocavit. Hinc est, quòd eius & personam suscipit & nomen recepit, ne sibi quod ad suam imaginē fecerat, deperiret. Primus Adam, nouissimus Adam: ille primus habet initium, hic nouissimus non habet finem. Quia hic nouissimus verè ipso est primus: ipso dicente, Ego primus, & ego nouissim⁹. Ego sum primus, est sine initio. Ego nouissimus, vtique sine fine. *Sed non prius, inquit, quod spirituale est, sed quod animale, deinde quod spirituale.* Prius vtique terra, quàm fructus: sed non tam preciosa terra, quàm fructus: illa gemitus exigit & labores, hic substantiam largitur & vitam. Meritò propheta de tali fructu gloriatur, dicens,

1. Cor. 15.

Esai. 48.

dicens, Terra nostra dedit fructum suum. *Quem fructum? Il-* *Psal. 84.*
 lum nempe, de quo alibi dicit, De fructu ventris tui ponam
 super sedem tuam. *Primus homo*, ait, *de terra terrenus: Secundus* *Psal. 131.*
homo de celo celestis. Vbi sunt qui conceptum virginis, virginis
 partum, mulierum partibus existimant exequandum: cum
 illud de terra sit, hoc de celo? hoc diuinæ virtutis sit, illud
 infirmitatis humanæ? illud sit in corpore passionis, hoc to-
 tum sit in tranquillitate diuini spiritus? humani corporis in
 quiete? Sanguis siluit, caro stupuit, soporata sunt membra,
 & aula virginis tota est in cælesti commoratione suspensa,
 donec auctor carnis carnis sumeret indumentum: & fieret
 homo cælestis, qui non solum terram redderet homini, sed
 homini donaret cælum. Virgo concipit, virgo parturit, virgo
 permanet. Ergo virtutis est caro conscia, non doloris, quæ ma-
 gis pariendo integritatis augmenta suscipit, damna pudoris
 ignorat, testis potius sui partus existit, quæ nullas partus per-
 tulit passiones, & sacramentis cælestibus interfuisse se noua
 mater miratur, quæ nascentis ordinem intelligit humanæ con-
 suetudinis nil habere. Si deum sic nasci magnus fatetur mu-
 nere, fatetur dum adorat, aduertite quid sentire, quid credere
 debeat Christianus. Sed quod sequitur audiamus, *Qualis ter-*
renus, tales & terreni: & qualis celestis, tales & celestes. Quem-
 admodum non nati taliter, tales poterunt inueniri, non ma-
 nendo quod nati sunt, & quod renati sunt permanendo? Hinc
 est fratres, quod virgineum fontis vterum cælestis spiritus
 arcana luminis sui admixtione sæcundat, ut quos origo limo-
 sis stirpis profuderat sub misera conditione terrenos, cæle-
 stes pariat, & ad similitudinem sui perducatur auctoris. Ergo
 iam renati, iam reformati ad nostri imaginem creatoris, quod
 præcipit Apostolus, impleamus. *Igitur sicut portauimus imagi-*
nem terreni, portemus & imaginem celestis. Fuerit necessitas quod
 de terra concreti cælestia aspirare nequiuimus: quod de con-
 cupiscentia nati, concupiscentiam non valuimus euitare: quod
 illecebris dominantibus acquisiti, coacti sumus illecebrarum
 turpitudinem sustinere: quod sæculi huius habitaculo rece-
 pti, captiui fuimus malis: ad instar nostri domini, sicut dixi-
 mus, iam renati, quos utique concepit virgo, viuificauit spi-
 ritus, portauit pudor, genuit integritas, nutriuit innocentia,
 edocuit sanctitas, virtus exercuit, deus adoptauit in filios,
 imaginem totam tota similitudine nostri portemus aucto-

ris: non maiestate qua solus est, sed innocentia, simplicitate, mansuetudine, patientia, humilitate, misericordia, cōcordia, qua dignatus est nobis fieri & esse communis. Cesset vitiorū pruritus pestifer, delictorum lethalia blandimenta vincantur: execrandus furor: criminum comprimatur origo, discutiatur à sensibus caligo: tota pompē secularis, abiiciatur à mentibus mundanæ cupiditatis illusio: appetatur paupertas Christi, quæ diuitias in cælestibus possidet sempiternas, tota sanctitas animæ custodiatur & corporis: ut non magnitudine, sed actu imago creatoris nostri portetur & clarescat in nobis. Affirmat quod diximus Apostolus, cum dicit, *Hoc autem dico fratres, quia caro & sanguis regnum dei possidere non possunt*. Ecce quomodo carnis resurrectio prædicatur, quia ibi caro possidebitur à spiritu; non caro spiritum possidebit, sicut ex sequentibus elucescit. *Neque corruptio incorruptionem possidebit*. Vides, quia non caro deperit, sed corruptio: non homo, sed culpa: non persona, sed crimen: ut homo in deo, & coram deo viuens, finem se delictorum tandem gaudeat consecutum. De resurrectione proprius sermo proferendus est fratres, quia transcursum, & in ipso verbi fine, non conuenit dici de eo, quod nos ad æterna tēpora perpetuā transmittat ad vitā. *In verba eiusdem, Notum autem vobis facio fratres Euangelium, &c.*

& de morte.

Sermo

CXVIII.

Quoniam tota spes fidei Christianæ in resurrectione cōstituta est mortuorum, ne quisquam de ea ausus sit dubitare: beati Pauli asserentis eam auctoritate, rebus, exemplis, latissimam recitari vobis fecimus hodie lectionem, ad quam sermo noster quod adiicere possit, non potuit inuenire. Sed quia nostri officij vestra charitas semper exigit seruitutem, repetere hæc eadem, inculcare vehemētius hæc ipsa, resurrectionis ipsius ardore gestimus. Fratres, semper de resurrectione libet dicere, iugiter de resurrectione delectat audire, quia mori nūquam libet, viuere semper delectat. Resonet ergo in ore nostro resurrectio semper, semper resurrectio ad nostræ mentis transmittatur auditum: ut mors, quæ nostros semper obsidet sensus, eum terrore suo, cum lamentis suis à nostris sensibus effugetur. Quia sic agricola fructus vberes, & exaratas epulas cantat, ut imminentem, vomeris laborem nō sentiat & sudorem. Sic nauta portus modulatur & lucra, ne vndarum ruinas, ne maris discrimina pertimescat.

Sic miles, ne vulnera metuat, ut gladios non pertimescat, præ-
 das personat & triumphos. Vnde resurrectionem mente, ore,
 oculis aspecet, cantet, cogitet Christianus: ut totam mortis
 possit despiciere & calcare formidine. Mors est fratres, de-
 sperationis domina, incredulitatis mater, germana corruptio-
 nis, inferni parens, diaboli coniux, omnium malorum regi-
 na, quæ omne genus hominum tali ordine inexplebili impu-
 gnat: ut primum suffragatricem suam desperationem præmit-
 tat talia suadentem. Homo, cur tua perdis tempora? Ecce do-
 mina mors tua venit animam tuam in nihilum redigens, car-
 nem tuam putredine, ossa tua vetustate consumens: ut te qui non
 fuisti antequam nascereris, faciat non esse post mortem. Red-
 de ergo debira ante mortem, moriturus cito, tibi, ætatibus tuis:
 da lusu infantiam, da deliciis adolescentiam, da voluptati-
 bus iuventutem, da senectutem mihi, ne sine causa de spe co-
 gites desperatus. Post istam mittit incredulitatem suam filiam,
 sic minantem. Quasi non moriturus, quasi euasurus mortem,
 sic de vita disponis. Homo, te decipit fides, tu fidei credis, quæ
 ut tollat præsentia, futura promittit, & ut auferat quæ sunt an-
 te mortem, nescio quæ inuisibilia pollicetur esse post mortem.
 Quis inde venit, aut quis sapiens credit tot sæculis promissa
 nec redditæ? O si manduces & bibas, manduca & bibe, cras *Esa. 22.*
 enim morieris. Tertiam germanam nequitie suæ corruptionem
 tali dirigit cum furore, ut aspectus hominum inuadat, attra-
 hat, occupet, per sepulchra extremos ostendens carceres, suos
 iacere ibi demonstrat immobiliter vinculatos: & ut homines
 sensus hominis horrore roto, toto pauore conturbet, effun-
 dit putredinem, eructat sanem, spargit foetores: atque ad unum
 corpus hominis innumeros carnifices ob se vermes dedisse
 proclamat. Quare non desperationi, quare non incredulitati
 crederent Christiani? Hæc sunt mortis bella, his ducibus, his
 consiliis, tali conflictu captiuat, vastat, interficit omnes quos
 natura præsentem perducit ad vitam, ducit reges, trahit po-
 pulos, gentes impellit, non diuitiis redimi, non flecti preci-
 bus, non lachrymis molliri, non viribus unquam potuit ista
 superari. Errauere fratres, qui de bono mortis scribere sunt
 conati. Et quid mirum? tunc se mundi sapientes magnos æsti-
 mant & præclaros, si id quod est summum malum, hoc esse
 summum bonum simplicibus persuaferint: merito scriptura de
 istis dicit, Væ qui dicunt bonum malum, & malum bonum, Væ *Esa. 5.*

i. Cor. 13.

qui ponunt tenebras lucem, & luce in tenebras. Et reuera quæ non isti fallerent, quæ non cæcare potuerunt, qui viuere malum, mori bonum, incautis credere perfecerunt? Sed hæc fratres, veritas submouet, lux fugat, impugnat fides: Apostolus notat, Christus delet, qui dum bonum vitæ reddit, malum mortis prodit, damnat, excludit: Sic enim cepit Apostolus, *Notum autem vobis facio fratres euangelium quod predicauimus vobis, quod & accepistis, in quo & statis, per quod & saluamini: quæ ratione predicauimus vobis, tenere debetis, nisi sine causa credidistis. Tradidimus enim vobis in primis, quod & accepi, quia Christus mortuus est pro peccatis nostris, & quia sepultus est, & quia resurrexit tertia die secundum scripturas. Dei largitas victurum, non moriturum dicit: Aut cui bonum accipit: si non erit ipse qui accipit. In quo & statis. Stat utique qui semper viuunt, quia moriturus semper iacet. in quo & saluamini. Si quis moritur, perit: saluatur verò ille qui semper viuunt. Quæ ratione predicauimus vobis, tenere debetis, nisi sine causa credidistis. Non solum fratres, sine causa credidit, sed & sine causa vixit, qui se ad hoc solum natum credidit ut periret. Homo, quid tibi oritur quod non occidat? quid tibi quod occiderit, non resurgit? Dies manè oritur: & iterum resurgit in mane: sero sepelitur in nocte, & iterum resurgit in mane. Sol quotidie nascitur, quotidie moritur: resurgit ipse quotidie, tempora dum transeunt, percunt: dum redeunt, renouiscunt. Vnde homo si deo non credis, si non acquiescis legi, si non consentis auditui, vel oculis tuis crede, vel elementis resurrectionem tuam tibi iugiter prædicantibus acquiesce. Certè si ista longe sunt inferiora quæ in tuis manibus sunt, & de morte tuo opere suscitantur, te posse dei opere doceant suscitari. Vade ad semen, Apostolo te docente: tolle triticum aridum sine sensu, sine mori: duc sulcū, fodi terram, fac sepulchrum, sepeli triticum, inspicere quem admodum morte deperit, humore turgescit, putredine corrumpitur: & cum peruenerit ad rotum, quicquid desperatio, quicquid incredulitas, quicquid corruptela tibi superius ingerebat: tunc subito reuiuiscit in germine, in herba pubescit, iuuenescit in caule, maturescit in fruge, & ad illā totā ipsam, quam tu periisse descebas, speciem resurgit & formam: ut te homo triticum non tam doceat manducare, quàm sapere: non tam cogat laborare, quàm credere. Reliqua nos taceamus, quia & vnde, & quando, & quomodo, & per quem mors*

i. Cor. 15.

venerit : beatus Apostolus plano & satis lucido ac dinino declarat eloquio. Homo, accipe fidem, quia gratis datur: crede resurrectionem, quia qui promittit illam, precium non requirit.

In verba eiusdem, Nescitis quòd hi qui in stadio currunt, &c. Sermo CXIX.

BEatus Apostolus Paulus non solum per doctrinam legis, sed sæculi huius exemplo ad coronam nos gloriæ cælestis hortatur. Sic enim inter cetera, ait, ut audiuit dilectio vestra. *Nescitis, inquit, quòd hi qui in stadio currunt, omnes quidem currunt, sed unus accipit præmium?* Et addidit, *Sic, inquit, currite, ut comprehendatis.* Secundum terrenum exemplum multi quidem, ut ait Apostolus, in stadio currunt, sed unus accipit coronam, id est, ille qui melius currit: ita & in stadio vitæ præsentis multi quidem currunt, sed unus accipit coronam. Currunt Iudæi per legem, currunt philosophi per inanem sapientiam, currunt & hæretici per falsam annunciationem, currunt catholici per veram fidei prædicationem: sed de his omnibus unus coronam accipit, id est, populus catholicus, qui recepto fidei cursu tēdit ad Christum: ut ad palmam immortalitatis, coronamque perueniat. Quapropter & Iudæi & philosophi & hæretici in vacuum currunt, quia non recto fidei tramite gradiuntur. Quid enim prodest Iudæis currere per observationem legis, qui Christum dominum legis ignorāt? Currunt & philosophi per inanem sapientiam sæculi, sed superfluum & vacuum cursus ipsorum est, qui verā Christi sapientiam nesciunt. Vera enim sapientia dei Christus est, quæ non ornatur verbis, nec luculenta oratione, sed fide cordis agnoscitur. Currunt & hæretici per venenatā fidei suæ assertionem, currunt per ieiunia, currunt per elemosynam, sed peruenire ad coronam nequeunt: quia non currūt. falsa enim fides eorum verè fidei gratiam accipere nō meretur. Manifestat hoc Apostolus alio loco, cum dicit, Et si distribuero omnē substantiam meam pauperibus, & si tradi dero corpus meum igni ut ardeat, charitatem autem nō habeam, nihil mihi prodest. Non enim habet charitatem Christi, qui Christo non fideliter credit. Et ideo bene addidit Apostolus, dicendo, *Sic currite, ut comprehendatis.* Currere ergo debemus fidei cursu in fide Christi, in mandatis Dei, in operibus iustitiæ, ut ad coronam æternæ vitæ peruenire possimus. Denique quemad-

1. Cor. 9.

1. Cor. 13.

modum nobis currendum est: idem Apostolus consequenter ostendit, dicēdo, *Omnis, inquit, qui in ego contendit, ab omnibus continens est: & illi quidem ut corruptibilem coronam accipiant, nos autem incorruptibilem* Vide quibus nos Apostolus exemplis ad coronam promissæ immortalitatis inuitat. In agone isto terreno qui vincere volunt, abstinēt se à cibis quibusdam, à potu nimio: abstinēt ab omni immunditia, sub tanta castitate, ut etiam propria coniugia non requirant: nec aliter se vincere posse sperant, nisi corpus suum castum, pudicū, & seruauerint. Et post tantum laborem quid aliud quàm paruam, & corruptibilem, & vilem quidem coronam accipiunt? Si ergo pro corruptibili corona tantus labor à quibusdam suscipitur: quanto magis nos omnem laborem sustinere debemus. quibus præmium cæleste, & æternæ gloriæ corona promittitur? Est ergo nobis agonizandum non leui certamine: certamus enim contra spiritualia nequitiae, contra diabolū & angelos eius: certamus contra iniustitiam, contra impietatem, contra malitiam, contra impudicitiam, contra diuersas illecebras peccatorum. Et si certantes vincimus, tot coronas accipimus, quot vitiorum victores fuerimus. Magnus itaque agone iste est, in quo spectaculū domino exhibemus: spectamur enim certantes à domino, spectamur ab angelis eius: in terra vincimus, sed præmium virtutis in cælestibus accipimus. Denique sancti martyres in agone certaminis positi non solum viria peccatorum, sed ipsam mortem vicerunt, & præmia immortalitatis susceperunt. In hoc agone primo dominus & saluator noster, & certauit & vicit, ut nobis exemplum certaminis & victoriæ demonstraret. Hæc ergo vobiscum tractantes, semen boni certaminis iniicimus in cordibus vestris, tanquam sulcata inuenientes pectora vestra aratio iustitiæ. Colite igitur verbum quod sparsimus in vobis, ut possit germinare quod satum est. Deus autem visitatione sua, rore suæ pietatis infundat: & det incrementum seminibus nostris, quo possitis in collectis manipulis meritorum ad fructum centesimum pertinere.

In verba eiusdem, Nolite configurari huic seculo,

& cætera.

Sermo CXX.

Matth. 5.

CHristus Apostolos sal esse hodie patefecit, dicēdo, Vos estis sal terræ. Ne q̄s ergo impatiēter ferat, si beati Pauli verba ut grana diuinī salis terim: quatenus aliis so porati

sensus intelligentiam condire possimus. Granae nim salis integra saliant, quatenus in medullis ipsa subtilius attenuata descendunt: sic sermo Apostoli communiter lectus præbet simplicem sensum, profundam scientiam præstat, lectione sedula iteratur ad illa quæ antè perscrutati sumus. Hodie dicit beatus Apostolus, *Nolite configurari huic sæculo.* Putasne beatus Paulus Apostolus dicendo sic, elementorum figuris ne configuremurobsistit? néve simus vt Persarum reges, qui subiecta nunc pedibus suis sphæra, vt polum se calcare vices mentiuntur: nunc radiato capite ne sint homines, solis residet in figura: nunc impositis sibi cornibus, quasi viros se esse doleant effæminantur in lunam: nunc varias velut siderum sumunt formas: vt hominis perdant figuram: & nihil supernæ claritatis acquirant. Sed ita licet de sæculi vanitate descendant: & à sapientibus tam fugienda sint, quàm ridèda: tamen Apostolus cum dicit, *Nolite configurari huic sæculo.* Sæculi vitam corrigir, arguit mores, iudicat institutum, castigat volūtates, luxuriam condemnat, & totam vanitatum sæcularium pompani propellit, effugat, excludit à mentibus Christianis. Sed hoc modo strictim commonet quod est in principio huius epistolæ latius executus: vbi figuram sæculi in vitiis sic figurat. Repletos, inquit, omni iniquitate, malitia, fornicatione, auaritia, nequitia, plenos inuidia, homicidiis, cōtentione, dolo, malignitate, susurratores, detractores, deo odibiles, cōtumeliosos, erectos, superbos, inuentores malorum, parentibus non obediētes, insipientes, incompósitos, sine affectione, sine misericordia, qui cum iustitiam dei cognouissent, nō intellexerunt, quoniam qui talia agunt, digni sunt morte: nō solum qui faciunt illa, sed & consentiunt faciētibus. Fratres audistis formam sæculi, didicistis speciem, vidistis figuram: si tamen formam & non informe monstrum, vbi confusione criminum tota rerum facies est deleta: vbi peccatorum conubio tota mundi figura est dissoluta, vbi delictorum morbis imago ipsa ablata est cōditoris, vbi homo in vitiis est sepultus, vbi corrupti corporis scatēt scelera, vbi homo hominis est sepulchrum, vbi in homine nō homo cernitur, sed cadauer. Apostolus ergo huic formæ nos prohibet esse conformes: & cōfigurari nos huic vetat figuræ: huic similitudini cū similes non esse permittit: sed ad formam dei reformat, ad similitudinem reuocat Christi, & totam reducit ad imaginem

Rom. 12.

conditoris, dicens, *Sed reformamini in nouitate sensus vestri*, Hoc est, sitis per Christum sensibus innouati, ablecta sæculi huius figura, & tota inueteratæ imaginis deformitate proiecta, formam vestram in formam vestri reducite saluatoris: vt nouitas sensuum vestrorum in vestris actibus elucescat, & cælestis homo cælesti habitu iam gradiatur in terra. Qualiter autem componat formam noui hominis, iam pateat. Sicut enim in vno corpore multa membra habemus, omnia autem membra non eundem habent actum: sic multi vnum corpus sumus in Christo, singuli autem alter alterius membra. Habentes autem donationes secundum gratiam quæ data est nobis differentes. Agit, agit vt corpus quod collocat in cælesti actu, in superna vita, in moribus sanctitatis membrorum consensu, & copulatione consistat: neque pes oculi ministetium, neque oculus pedis officium peruerso tumore confundat: sed vt sanctitatis membra donis contenta sint largitoris, & credant suum esse membra omnia, quod vnum fecerit mēbrum: quia minorari nescit membrum vnum, quod totū honoratur in corpus. Hinc est quod Apostolus actus membris, membra actibus sic depingit: Siue qui docet in doctrina, qui exhortatur in exhortatione, qui tribuit in simplicitate, qui præest in sollicitudine, qui misereatur in hilaritate. Charitas sine simulatione, odientes malum, adherentes bono, inuicem honore praueniētes, inuicem benigni, sollicitudine non pigri, spiritu feruentes, domino seruientes, spēs gaudentes, in tribulatione patientes, orationi instantes, memoriis sanctorum communicantes, hospitalitatem sectantes: benedicite, & nolite maledicere: gaudete cum gaudentibus, flete cum flentibus: prouidentes bona non solum coram deo, sed etiam coram hominibus. Nolite esse prudentes apud vosmetipsos, nulli malum pro malo reddentes: si fieri potest, quod ex vobis est, cum omnibus hominibus pacem habentes: non vindicantes vosmetipsos, sed date locum iræ. Si esurierit inimicus tuus, ciba illum: si sitit, potum da illi: noli vinci à malo, sed vince in bono malum. Superius fratres, Apostolus patefecit membra vitiorum: reuelauit modò nobis membra virtutum: vt cæleste corpus tantis solidatum membris, nervis talibus roboratum, possit facilè mundi bella prosternere, diaboli superare conflictus. Et ita viuens, vt Apostolus docuit, non prosternit mundum? non proterit carnem? non diabolus vincit? non æquatur angelis? non maior est cælo? Planè maior cælo, quia cælum non mouetur sponte, non volūtatē agit, non iudicio facit quicquam, sed sola necessitate

seruit semper, quia semel iussum est seruite: impollutum se non viribus, non labore custodit: vnde cum non sit obnoxium pœnæ, sic tamen nec consistit ad præmium: at homo ex terrena vilitate concretus, dum terrenam labem vincit, dum sanguinis stimulos frangit, dum carnis exuperat passiones, transcendit cælum, ad ipsam deitatis petuolat sedem: & sic fit maior cælo, meritis supergreditur angelos, non natura. Probat hoc apostolus Paulus, qui dum satis tertiam vincit, & intrauit cælum, & transiuit alium, & vsque ad tertium meruit peruenire. Et iustè, nam primus conscendere debet cælos, qui sic & verbo & exemplo homines penetrare docuit cælos. Erit, erit maior cælo qui vixerit sicut docuit Paulus: erit clarior sole, qui sic virtutum radiis toto orbe splendet, vt fuscari se nulla vitiorum nocte permittat. Erit, erit iste lucidior luna, qui tenebras has nō tenuato lumine temperat, sed totam sæculi noctem pleno meritorum fulgore depellit: nec sicut luna quotidiana lucis detrimenta perferent, sed iugi factorum lampade in superni luminis claritate persistit: nec iste sicut illa menstruo interpolatur obscuro, sed in claritate dei continua permanebit. Et si magna est illa quod mitigat noctem, quanto hic maior cuius vita recipit nil de nocte? De stellis taceo, quia quot cælum stellis, tot sancti virtutibus elucescunt, dicente domino: Vos estis lux mundi, lucete sicut luminaria in mundo. Ad summum, cælum, sol, luna, stellæ, (deo dicente) transibunt: iustus autem in claritate dei continua permanebit. Velim fratres de singulo Apostoli verbo proferre singulas dictiones, sed quia & frequētata lectio fastidium generat audienti, & nos diutius non possumus euangelicas tacere virtutes: gratum sit charitati vestræ quod cōpendioso sermone præsentem clausimus lectionem: deus autem noster & quæ diximus, & quæ tacuimus, ipse sanctis vestris sensibus insinuare dignetur.

Mat. 6.

Phil. 2.

Matt. 24.

De diuite & Lazaro.

Sermo CXXI.

A vdistis fratres hodie & paupertatis finem, & diuitiarū aqualis sit exitus cognouistis, dicente domino, Homo Leu. 16, quidam erat diues, & induebatur purpura & bysso, & quotidie epulabatur splendide: & erat quidam mendicus nomine Lazarus, huiusmodi plenus, qui iacebat ad ianuam eius, cupiens saturari de micis quæ cadebant de mensa diuitis, & nemo illi dabat: sed & canes veniebant & lingeabant huiusmodi eius. Factum est autē, inquit, vt more-

vetur pauper, & portaretur ab angelis in sinum Abrahe. Dives autem mortuus est, & sepultus in inferno. En fratres, quam rerum lamentanda mutatio, pauperem portant angeli: diuitem deglutit infernus. En fratres, mors pauperis: totam vitam diuitis vicit: & elatio sola pauperis totam diuitis pompam transcendit, & gloriâ. Quare sic sepultura decipit oculos? quare sic exequiarum pompa mentitur? in obsequium diuitis migrat hic tota ciuitas cum funus effertur: pauper vadit solus: pauperem duorum portat misratio baiulorum: nec quatuor ut mortuo, sed duo sub vno veste, quasi proiciendo oneri portitores addicuntur inuiti: Merito ei innox angelica officia, merito diuina deputantur obsequia, cui tam crudeliter negata sunt ipsa humanitatis extrema. Finis diuitis antecedit lugubris turba setuorum: pheretrum pauperis præcedit angelorum psallitium multitudo. In marmoreo tumulo & curata veste iacet diuitis corpus inclusum pauperis caro naturali quiescit in limo: & materiali situ vermium morsus nescit: præuenit putredines & foetores. Sed requiramus fratres quæ diuitis culpa, quod crimen, quod scelus eum supplicitis addixit inferni: & ante iudicium damnationis eius, elogium tot sæculis fecit, ipso iudice referente, cantari dicente domino, *Homo quidam erat dives, & induebatur purpura & bysso, & epulabatur quotidie splendide: & erat quidam mendicus nomine Lazarus, qui iacebat ad ianuam diuitis, & cupiebat saturari de micis, quæ cadebant de mensa diuitis.* Nunquid per se tantum diuitiæ criminose sunt? aut solæ, & per se penes deum damnandæ sunt vestes? & tantum per se puniendæ sunt epulæ, ut non solum careant præmio bonorum, sed omnium malorum, ferant & mereantur exitium: Aut ita per se probata est, & sanctificata mendicitas, hulcera tam sacrata, ut angelorum manibus Abraham sancti rapiantur ad gremiû? Et mirum fratres, quod Abraham quodam dives nunc diuitem spernit: dicente scriptura, *Erat autem Abraham dives valde, & cum quem habuit in bonis præsentibus parem, nunc reprobatur & patitur esse pœnalem: præfettim cum neque pauperis huius bona, neque mala diuitis istius prodiderit sermo diuinus.* Cur ergo nunc Abraham ambit pauperem, diuitem refugit & refutat? Aut quemadmodum hunc Abraham innocentem habuere diuitiæ, hunc fecere diuitiæ criminofum? Illum promouere ad omnium requiem beatorum, hunc in omnium malorum ba-

rathrum deputarunt? Verum ne propositus sermo vestrum diu fatiget animum, suspendat auditum, acceleranda nobis est huius solutio quæstionis. Abraham fratres, non sibi sed pauperi diues fuit, & opes non habere, sed prorogare gestiuit magis magisque in sinum pauperis, quàm in hortis recondere suas studuit facultates, sicut toto vitæ eius ordine perdocetur. Nam peregrinus ipse iugiter laborauit, sicque ne peregrinis peregrinum se esse sentiret, sub tentorio manens ipse, sine tecto aduenam manere non passus est: & hospitem hospes semper ipse suscepit, extorris patria, domicilij nescius, ipse & domus omnium fuit, & patria: sciens se non incubatorem, sed dispensatorem diuinæ posuit largitatis, vt vindicaret oppressos, absolueret captiuos, etiperet iam iamque mortuos, ipsum se morti nouus bellator addidit, apud quem pietas in alterû vita sua charior fuit. Abraham suscepto hospiti astitit, non assedit: & fuit iste non cõuiua hospitis, sed minister: Abraham viso peregrino dominum se esse nesciuit: ipse allator prandii, ad coquinam satis delicatâ sollicitus addixit uxorem: & qui se, suâque omnia famulis suis credit accõmitit, committere vix audet hospitem coniugi quàm probatæ. Et quid plura fratres? Huius denique humanitas sic sancta sanctis est semper manibus præparata, vt inuicaret apud illû ipsum deum, & compelleret hospitari. Ille ad Abraham, ille ad requiem pauperum, ille ad hospitum receptaculum venit, qui se in hospite & paupere receptum fatebitur in futuro, cû diceret, Esuriui, & dedistis mihi manducare: sitiui, & dedistis mihi bibere: hospes fui, & suscepistis me. *Factum est autem, vt moreretur pauper, & portaretur ab Angelis in sinum Abrahamæ.* Non immerito fratres sua nunc omnes sanctos suscipit in requie, & in ipsa cælesti beatitudine fungitur dispensatoris officio: quia dum semper hic suscepit peregrinos & pauperes, ipsum cum angelis suscipere deum, ipsum sub tentorio suo videre hospitem meruit, quem semper habuit largitorem. Et reuera fratres, parum se beatum credidit, si in ipsa superna gloria ab hospitalitatis pio cessaret officio. Et solus donis frueretur diuinis, qui hic humana bona crudelem se credidit cuiquam si negaret. Abraham fratres, venientibus longè semper occurrit, prætereuntes etiam prece reuocat: nolentes magna cum supplicatione suam compellit ad mensam: prima, & saginata de gregibus hospitibus semper apponit: suis, & cû-

Gen. 12.

Gen. 14.

Mat. 25.

iugis suæ manibus factos calentes semper offert panes, quos frigidos & hesternos esse utique iugis humanitas nō sinebat. At iste alter diues, imò diuitiarum captiuus, seruus opum, & ipsis censibus compedibus, tantum pompæ immobile sepulchrum, in quo pietatis totus utique & visus defecerat & auditus, non iam personam, non pauperem, sed ipsam misericordiam despicit ad ianuam suam Lazaro sic iacente. Purpura, bysso, delicatis vestibus, epulis blandis ferrea viscera crudelis anima nutrebat : quem Deus humanæ salutis audius inquisitor emollire cupiens, non tam Lazarum, quàm ipsum pietatis conflatorium eius proiecit ad ianuam : conflatorium dixi, propter ferrea viscera. Impiis ergo oculis mendicus Lazarus ingeritur, admouetur, & ut diues dare possit, magis magisque diuitis census cumulatur : sed diues adamante durior, quicquid Deus pauperis propter alimoniam diuitis conferebat ad censum, ille aut effundebat turpiter, aut crudeliter reponebat. Item Deus ut non taceret, ut clamaret, ut admoneret diuitem, ut panem se querere tantum ieiunus pauper ostendat, ut vel ad minima largienda abundantis impellat animum, augetur pauperi fames. *Cupiebat, inquit, de micis saturari quæ cadebant de mensa diuitis.* At diues variis crapulatus ferculis indigeriem suam ructabat ad cælum, ne vocem pauperis humi & taliter iacētis audiret. Itémque Deus, quia obduratis auribus vnius oris nil erat vox clamantis, ad aperiendum cor diuitis totum corpus pauperis, vulneribus aperit, ut in admonendo diuite tot essent pauperis ora, quot vulnera, soluantur viscera, hulcera producuntur, hiatus vulnerum dilata tur, sanies effunditur, & tota pauperis caro componitur in scenam pietatis : ut quem vox esurientis non mouerat, vel suspiria, vel dolores, gemitus, & tota ærumnarum congeries commoueret : sed diues superbo oculo & insatiabili corde, hæc omnia & audire, & videre, & sentire contemnit. Quærit adhuc Deus quemadmodum diues à sua obstinatione soluetur. Soluit pauperi manus à suis artubus, uti nec abigeret canes diuitis, quos vulneribus suis diuitis erat pasturus in vulnus : & nouo modo fratres humanitatis ordo mutatur : fit humana medicinas, ut cupiditas prodatur inhumana. Diues pauperem nec cadentibus de mensa micis pascit : & Lazarus pauper, qui aliud non habebat, etiam de carnibus suis canibus humanus extitit. Miser diues, si panem non dedisti, quare vel

canes abigere noluit? Sed mitiores te canes tui, immo tu ſæuior canibus tuis: nam te ſæuiente illi parcunt, qui non ad morſum denres, ſed linguas ad obſequium ſic producunt, vt in modum ſpongiæ non vexent vulnera, ſed detergant. Diues in canibus tuis famem pietas vicit: in te impietatem ſaturitas non euicit. Nam quod canes hoc ſtudio facere curant, vſus ipſe qui ſemper eſt in oculis, probat. Nam canes lambendo ſemper curant vulnera ſua: canes curant pauperem magiſterio naturæ, & homo hominem negligit, ipſa grauiter accuſante natura. Verum eſt, verum eſt, quod diues cum nec micæ dare poteſt, ſemper auarus eget. Differendus eſt ſermo frater, quia & dicēdi tempus abſumpſimus, & lectionis loca quæ nobis tractanda ſunt maxime, ſubſequentur.

De eiſdem.

Sermo

C X X I I .

DEberet fratres, ſermo noſter hodie ſancti Andree, inquantū ſufficit, referre virtutes: ſed quia de diuite illo, & Lazaro Euangelico paupere, quod ſuper eſt nos diximus reddituros, & beato Andree apoſtolatus, & martyrii ſui prærogatiua ſufficit, & abundat ad gloriā. Si placet, nos quæ promiſimus, quæ debemus, ipſo domino reddente, ſoluamus. Sciētes nanque quod & dicenti & audienti ſemper generet laſſitudo faſtidiū, ſuperiore tractatu maximam partem propoſitæ diſtulimus lectionis: vt reparatis animorum viribus ſalutaris verbi ſequentia toto vigore & debito caperemus auditu. Poſt illa enim quæ diximus, hæc ſequentur, *Et eleuans oculos ſuos cum eſſet in tormentis, Abraham vidit à longe, & Lazarum in ſinu eius.* Et eleuans oculos ſuos: ſero diues ſurſum leuat oculos ſuos, quos ſemper depreſſit in tetrā. Diues, quos oculos leuas, ipſi ſunt accuſatores tui: quos oculos leuas, ipſi non placant iudicem, ſed inflammant: non reportant veniā, ſed reatum: & exigunt pœnarum cumulum, non ſolamen. Quò oculos leuas? quid clamas adhuc diues? quò reſpicias diues: ibi eſt Lazarus, ibi eſt impietatis tuæ proditor, teſtis criminis, crudelitatis aſſertor. *Et clamauit, inquit, pater Abraham miſerere mei.* Modo cognoviſcis patrem, & modo tibi patrem ſe eſſe nescit, quem in Lazaro patrem ſic ſpreuiſti: modo tibi iuſtus occurrit, qui tunc, vt tibi pius eſſet, diu Lazarum paſſus eſt cruciari. Infœlix quem ſic ipſa origo arguit, quem ſic ipſe lucis author addicit: infœlix cui in iudicio pro magnitudine criminis non miſereri genitor, non pater igno-

Luc. 16.

scere, non affectio potuit subuenire. Quid clamas adhuc diues? Adhuc diues, sed crimine, non sensu: non substantia, sed reatu. Quid clamas? quid postulas? Hoc loco iam non geritur postulario, sed controuersia, ubi è diuerso cōsistit ipse qui passus est: sed agentium diuersus est locus: hic agit de proximo, ille de longe: hic de sinu suggerit, clamat ille de tartaro: exorat ille de requie, queritur hic de pœna. Sed quid dicere diues? *Pater Abraham miserere mei.* Bene diceret, si Lazarus in sinu residens ipsum pectus iudicis non teneret: bene diceret, si Lazarus iustissimi cognitotis rota non possideret arcana. Gratis rogat iudicem, quem sic innocens confessor accusat: & frustra sibi credit iudicem posse subuenire, quando ore iudicis pronunciat ipse tanta quæ pertulit. *Miserere mei, & mitte Lazarum.* Adhuc tu in Lazarum sic crudelis? *Lazarum mitte.* Quo? Ad infernum de gremio, de folio sublimi ad profundissimum chaos, ad tormentorum stridorem, de sancta quiete, de tanto silentio beatorum. *Et mitte Lazarum.* Vt video, quod agit diues, non est nouelli doloris, sed lioris antiqui: & zelo magis incenditur, quàm gehenna. Est graue illis malum, est illis incendium non ferendum, quos aliquando habuere contemptui, videre fœlices. Adhuc diuitem malitia non deserit, quem iam possidet pœna: qui non se ad Lazarum duci postulat, sed ad se Lazarum vult deduci. Ad cruciatus tui stratum diues pius Abraham Lazarum mittere nō potest, quem tu ad mensam tuam non es dignatus admittere. Iam vobis versæ sunt vices: vides eius gloriam, cuius supplicium sic spreuisti: videt ille cruciatus tuos, qui te tunc tua mirabatur in gloria. Sed videamus fratres, quare sibi mitti Lazarum sic deplorat. *Mitte Lazarum ut iningat extremum digiti sui in aqua, & refrigeret linguam meam.* Erras diues, hæc flamma nō tam linguæ, quam mentis est: non tam linguæ, quàm cordis est: & adhuc iste conscientie calor est, non illud extremum quod te manet, & expectat incendium. Nam si te iā no uissimi iudicii totius ignis ambiret, & illius desperatæ dānationis sententia iam teneret, nūquā leuares oculos, nūquā patrem colloqui, nunquam pro te rogare, nūquam præsumeres interuenire pro fratribus. Certe si te iam possidet totus ignis inferni, si te gehennæ flamma cōplectitur, quare solius linguæ æstibus desideras subueniri? Nisi quia cu pectus tuū anhelat flamma sui criminis & reatus, magis lingua vritur,

ardet, æstuat, quæ insultauit pauperi, quæ misericordiam denegauit: hæc præcedit ad iudicium: hæc antea degustat, & patitur cruciatus, hæc de toto corpore prima sentit ardorē quæ cum prima hæc varios deliciarū cibos, & odorata degustaret pocula, mandare pietatem noluit: fieri misericordiā non præcepit, sed & ipsa cum alii facerent, derogabat. Ipse est qui induebatur purpura & bysso. Quid est diues? ab æstu byssus nō defendit? purpura non resistit in inferno? Remanserūt ista, deseruerunt ista, & ipse nunc nudus sudas, æstuas, qui aliquādo insultabas æstibus artificiosa nuditate vestitus. *Et mitte Lazarum ut intingat extremum digiti sui in aqua, & refrigeret linguā meam.* Quid est diues? vbi sunt torrentes torcularium tuorum? vbi sunt horrea ad famem pauperis non minus cupiditatibus dilatata, quam copiis? vbi sunt vina ad inopiā pauperis annositatibus, & ipsa temporum obliuione seruata? vbi sunt effusiones, lapsus, flumina ministeriorum tuorum? Ista omnia tibi perire, non crimini, qui sitis extremi digiti guttam, quam si vel solam dedisses pauperi, non sitires. Immisericordem te gutta & mica reddidit inhumanū, in quibus totus pauperis & victus cōsistit & vita. Velim scire diues, si vel ipse tibi in pœna positus ignoscis: quia ad hæc mala non venisses, si de tantis horreis micā, guttā de tantis torcularibus tunc dedisses. Parum est quod caro eget, quod natura exigit, quod sufficit vitæ: avaritiā causa est, quod homo magna & multa recondit non sibi, sed aliis, ad suū plane præsentē, vel posterum cruciatum. Sed dicis diues, Ego & si vinū negaui, aquam peto, quam communem cunctis animantibus author ipse omnium præstitit & natura. Puto diues, quod & aquā pauperi tu negasti: cui ne ingrederetur ianuam tuā, ne ad tuum puteū perueniret, canes quā plurimos obiecisti. Quid est autē quod dicis? *Mitte Lazarum, ut intingat extremum digiti in aqua.* Et non deferat aquam? ergo iuxta te est aqua: & si iuxta est, quare de proximo nō sumis? quare? quia vinctæ sunt manus tuæ merito diues, quia solutis debilitate Lazari manibus subuenire tempisti. Debet homo, debet debilibus sua membra partiri: quæ cum Iob non daret, sed redderet, sic dicebat, *Iob 19.* Ego fui oculus cæcorum, pes autem claudorum: ego eram pauper inter inualidorum. Homo si non habes nummum, da pauperi *Iuxta L X X.* manum, quia maiorem misericordiam facit, qui ad mensam suam manu pauperem debilem ducit. Ipsum se pauperi de-

qui ponunt tenebras lucem, & luce in tenebras. Et re vera quæ non isti fallerent, quæ non cæcare potuerunt, qui viuere malum, mori bonum, incautis credere perfecerunt? Sed hæc fratres, veritas submouet, lux fugat, impugnat fides: Apostolus notat, Christus delet, qui dum bonum vitæ reddit, malum mortis prodit, damnat, excludit: Sic enim cæpit Apostolus,

1. Cor. 13.

Notum autem vobis facio fratres euangelium quod predicavi vobis, quod & accepistis, in quo & statis, per quod & saluamini: qua ratione predicavi vobis, tenere debetis, nisi sine causa credidistis. Tradidi enim vobis in primis, quod & accepi, quia Christus mortuus est pro peccatis nostris, & quia sepultus est, & quia resurrexit tertia die secundum scripturas. Dei largitas victurum, non moriturum dicit: Aut cui bonum accipit: si non erit ipse qui accipit. In quo & statis. Stat utique qui semper viuit, quia moritur semper iacet. in quo & saluamini. Si quis moritur, perit: saluatur verò ille qui semper viuit. Qua ratione predicavi vobis, tenere debetis, nisi sine causa credidistis. Non solum fratres, sine causa credidit, sed & sine causa vixit, qui se ad hoc solum natum credidit ut periret. Homo, quid tibi oritur quod non occidat? quid tibi quod occiderit, non resurgit? Dies manè oritur: & iterum resurgit in mane: sero sepelitur in nocte, & iterum resurgit in mane. Sol quotidie nascitur, quotidie moritur: resurgit ipse quotidie, tempora dum transeunt, pereunt: dum redeunt, reuiuiscunt. Vnde homo si deo non credis, si non acquiescis legi, si non consentis auditui, vel oculis tuis crede, vel elementis resurrectionem tuam tibi iugiter predicantibus acquiesce. Certè si ista longe sunt inferiora quæ in tuis manibus sunt, & de morte tuo opere suscitantur, te posse dei opere doceant suscitari. Vade ad semen, Apostolo te docente: tolle triticum aridum sine sensu, sine mori: duc sulcū, fodi terram, fac sepulchrum, sepeli triticum, inspicie quem admodum morte deperit, humore turgescit, putredine corrumpitur: & cum peruenit ad totum, quicquid desperatio, quicquid incredulitas, quicquid corruptela tibi superius ingerebat: tunc subito reuiuiscit in germine, in herba pubescit, iuuenescit in caule, maturescit in fruge, & ad illā totā ipsam, quam tu perisse descebas, speciem resurgit & formam: ut te homo triticum non tam doceat manducare, quàm sapere: non tam cogat laborare, quàm credere. Reliqua nos taceamus, quia & vnde, & quando, & quomodo, & per quem mors

1. Cor. 15.

venerit : beatus Apostolus plano & satis lucido ac dinino declarat eloquio. Homo, accipe fidem, quia gratis datur: crede resurrectionem, quia qui promittit illam, precium non requirit.

In verba eiusdem, Nescitis quod hi qui in stadio currunt, &c.

Sermo CXIX.

BEatus Apostolus Paulus non solum per doctrinam legis, sed sæculi huius exemplo ad coronam nos gloriæ celestis hortatur. Sic enim inter cetera, ait, ut audiuit dilectio vestra. *Nescitis, inquit, quod hi qui in stadio currunt, omnes quidem currunt, sed unus accipit braviū?* Et addidit, *Sic, inquit, currite, ut comprehendatis.* Secundum terrenum exemplū multi quidem, ut ait Apostolus, in stadio currunt, sed unus accipit coronam, id est, ille qui melius currit: ita & in stadio vitæ præsentis multi quidem currunt, sed unus accipit coronam. Currunt Iudæi per legem, currunt philosophi per inanem sapientiam, currunt & hæretici per falsam annunciationē, currunt catholici per veram fidei prædicationem: sed de his omnibus unus coronam accipit, id est, populus catholicus, qui recepto fidei cursu tēdit ad Christum: ut ad palmam immortalitatis, coronamque perveniat. Quapropter & Iudæi & philosophi & hæretici in vacuum currunt, quia non recto fidei tramite gradiuntur. Quid enim prodest Iudæis currere per observationem legis, qui Christum dominum legis ignorāt? Currunt & philosophi per inanem sapientiam sæculi, sed superfluous & vacuus cursus ipsorum est, qui verā Christi sapientiam nesciunt. Vera enim sapientia dei Christus est, quæ non ornatur verbis, nec luculenta oratione, sed fide cordis agnoscitur. Currunt & hæretici per venenatā fidei suæ assertionē, currunt per ieiunia, currunt per eleemosynam, sed pervenire ad coronam nequeunt: quia non currūt. falsa enim fides eorum verē fidei gratiam accipere nō meretur. Manifestat hoc Apostolus alio loco, cum dicit, Et si distribuero omnē substantiam meam pauperibus, & si tradidero corpus meū igni ut ardeat, charitatem autem nō habeam, nihil mihi prodest. Non enim habet charitatem Christi, qui Christo non fideliter credit. Et ideo bene addidit Apostolus, dicendo, *Sic currite, ut comprehendatis.* Currere ergo debemus fidei cursu in fide Christi, in mandatis Dei, in operibus iustitiæ, ut ad coronam æternæ vitæ pervenire possimus. Denique quemad-

1. Cor. 9.

1. Cor. 13.

modum nobis currendum est: idem Apostolus consequenter ostendit, dicendo, *Omnis, inquit, qui in agone contendit, ab omnibus continens est: & illi quidem ut corruptibilem coronam accipiant, nos autem incorruptibilem* Vide quibus nos Apostolus exemplis ad coronam promissæ immortalitatis inuitat. In agone isto terreno qui vincere volunt, abstinere se à cibis quibusdam, à potu nimio: abstinere ab omni immunditia, sub tanta castitate, ut etiam propria coniugia non requirant: nec aliter se vincere posse sperant, nisi corpus suum castum, pudicium, que serauerint. Et post tantum laborem quid aliud quàm paruum, & corruptibilem, & vilem quidem coronam accipiunt? Si ergo pro corruptibili corona tantus labor à quibusdam suscipitur: quanto magis nos omnem laborem sustinere debemus. quibus præmium cæleste, & æternæ gloriæ corona promittitur? Est ergo nobis agonizandum non leui certamine: certamus enim contra spiritualia nequitiae, contra diabolum & angelos eius: certamus contra iniustitiam, contra impietatem, contra malitiam, contra impudicitiam, contra diuersas illecebras peccatorum. Et si certantes vincimus, tot coronas accipimus, quot vitiorum victores fuerimus. Magnus itaque agone iste est, in quo spectaculum domino exhibemus: spectamur enim certantes à domino, spectamur ab angelis eius: in terra vincimus, sed præmium virtutis in cælestibus accipimus. Denique sancti martyres in agone certaminis positi non solum viria peccatorum, sed ipsam mortem viceunt, & præmia immortalitatis susceperunt. In hoc agone primo dominus & saluator noster, & certauit & vicit, ut nobis exemplum certaminis & victoriæ demonstraret. Hæc ergo vobiscum tractantes, semen boni certaminis iniicimus in cordibus vestris, tanquam sulcata inuenientes pectora vestra aratro iustitiæ. Colite igitur verbum quod sparsimus in vobis, ut possit germinare quod satum est. Deus autem visitatione sua, rore suæ vos pietatis infundat: & det incrementum seminibus nostris, quo possitis in collectis manipulis meritorum ad fructum centesimum peruenire.

In verba eiusdem, Nolite configurari huic seculo,

& cetera. Sermo CXX.

Matt. 5.

Christus Apostolos sal esse hodie patet fecit, dicendo, Vos estis sal terræ. Ne quis ergo impatiēter ferat, si beati Pauli verba ut grana diuini salis terim? quatenus altius so porati

sensus intelligentiam condire possimus. Granae nim salis integra saliant, quatenus in medullis ipsa subtilius attenuata descendunt: sic sermo Apostoli communiter lectus præbet simplicem sensum, profundam scientiam præstat, lectione sedula iteratur ad illa quæ antè perscrutati sumus. Hodie dicit beatus Apostolus, *Nolite configurari huic sæculo.* Putasne beatus Paulus Apostolus dicendo sic, elementorum figuris ne configuremur obstitit? neve simus vt Persarum reges, qui subiecta nunc pedibus suis sphaera, vt polum se calcare vices mentiuntur: nunc radiato capite ne sint homines, solis residet in figura: nunc impositis sibi cornibus, quasi viros se esse doceant effeminantur in lunam: nunc varias velut siderum sumunt formas: vt hominis perdant figuram: & nihil supernæ claritatis acquirant. Sed ista licet de sæculi vanitate descendant: & à sapientibus tam fugienda sint, quàm ridenda: tamen Apostolus cum dicit, *Nolite configurari huic sæculo.* Sæculi vitam corrigit, arguit mores, iudicat institutum, castigat voluntates, luxuriam condemnat, & totam vanitatum sæcularium pompani propellit, effugat, excludit à mentibus Christianis. Sed hoc modo strictim commonet quod est in principio huius epistolæ latius executus: vbi figuram sæculi in vitiis sic figurat. Repletos, inquit, omni iniquitate, malicia, fornicatione, auaritia, nequitia, plenos inuidia, homicidiis, cōtentione, dolo, malignitate, susurratores, detractores, deo odibiles, cōtumeliosos, erectos, superbos, inuentores malorum, parentibus non obediētes, insipientes, incompositos, sine affectione, sine misericordia, qui cum iustitiam dei cognouissent, nō intellexerunt, quoniam qui talia agunt, digni sunt morte: nō solum qui faciunt illa, sed & consentiunt faciētibz. Fratres audistis formam sæculi, didicistis speciem, vidistis figuram: si tamen formam & non informe monstrum, vbi confusione criminum tota rerum facies est deleta: vbi peccatorum conuulso tota mundi figura est dissoluta, vbi delictorum moribus imago ipsa ablata est cōditoris, vbi homo in vitiis est sepultus, vbi corrupti corporis scatēt scelera, vbi homo hominis est sepulchrum, vbi in homine nō homo cernitur, sed cadauer. Apostolus ergo huic formæ nos prohibet esse conformes: & cōfigurati nos huic vetat figuræ: huic similitudini cū similes non esse permittit: sed ad formam dei reformat, ad similitudinem reuocat Christi, & totam reducit ad imaginem

Rom. 12.

seruit semper, quia semel iussum est seruire: impollutum se non viribus, non labore custodiri: vnde cum non sit obnoxium pœnæ, sic tamen nec consistit ad præmium: at homo ex terrena vilitate concenterus, dum terrenam labem vincit, dum sanguinis stimulos frangit, dum carnis exuperat passiones, transcendit cælum, ad ipsam deitatis peruolat sedem: & sic fit maior cælo, meritis supergreditur angelos, non natura. Probat hoc apostolus Paulus, qui dum satis terram vincit, & intrauit cælum, & transiit alium, & vsque ad tertium meruit peruenire. Er iustè, nam primus conscendere debet cælos, qui sic & verbo & exemplo homines penetrare docuit cælos. Erit, erit maior cælo qui vixerit sicut docuit Paulus: erit clarior sole, qui sic virtutum radiis toto orbe splendet, ut fuscari se nulla vitiorum nocte permittat. Erit, erit iste lucidior luna, qui tenebras has nō tenuato lumine temperat, sed rotam sæculi noctem pleno meritorum fulgore depellit: nec sicut luna quotidiana lucis detrimenta perferit, sed iugi factorum lampade in superni luminis claritate persistit: nec iste sicut illa mense suo interpolatur obscuro, sed in claritate dei continua permanebit. Et si magna est illa quod mitigat noctem, quanto hic maior cuius vita recipit nil de nocte? De stellis taceo, quia quot cælum stellis, tot sancti virtutibus clucescunt, dicente domino: Vos estis lux mundi, lucete sicut luminaria in mundo. Ad summum, cælum, sol, luna, stellæ, (deo dicente) transibunt: iustus autem in claritate dei continua permanebit. Velim fratres de singulo Apostoli verbo proferre singulas dictiones, sed quia & frequēta lectio fastidium generat audienti, & nos diutius non possumus euangelicas tacere virtutes: gratum sit charitati vestræ quod cōpendioso sermone præsentem clausimus lectionem: deus autem noster & quæ diximus, & quæ tacuimus, ipse sanctis vestris sensibus insinuare dignetur.

*Mat. 1.**Phil. 1.**Matt. 24.**De diuite & Lazaro.**Sermo CXXI.*

A Vdistis fratres hodie & paupertatis finem, & diuitiarū qualis sit exitus cognouistis, dicente domino, Homo *Len. 16,* quidam erat diues, & induebatur purpura & bysso, & quotidie epulabatur splendide: & erat quidam mendicus nomine Lazarus, huiusmodi plenus, qui iacebat ad ianuam eius, cupiens saturari de micis quæ cadebant de mensa diuitis, & nemo illi dabat: sed & canes veniebant & lingeabant huiusmodi eius. Factum est autē, inquit, ut more-

retur pauper, & portaretur ab angelis in sinum abrahe. Diues autem mortuus est, & sepultus in inferno. En fratres, quam rerum lamentanda mutatio, pauperem portant angeli: diuitem deglutit infernus. En fratres, mors pauperis: totam vitam diuitis vicit: & elatio sola pauperis totam diuitis pompam transcendit, & gloriā. Quare sic sepultura decipit oculos? quare sic exequiarum pompa mentitur? in obsequium diuitis migrat hic tota ciuitas eum funus effertur: pauper vadit solus: pauperem duorum portat miseratio baiulorum: nec quatuor vt mortuo, sed duo sub vno veste, quasi proficiendo oneri portitores addicuntur inuiti: Merito ei mox angelica officia, merito diuina deputantur obsequia, cui tam crudeliter negata sunt ipsa humanitatis extrema. Funus diuitis antecedit lugubris turba seruorum: pheretrum pauperis præcedit angelorum psallētiū multitudo. In marmoreo tumulo & curata veste iacet diuitis corpus inclusum pauperis caro naturali quiescit in limo: & materiali situ vermium morsus nescit: præuenit putredines & fœtores. Sed requiramus fratres quæ diuitis culpa, quod crimen, quod scelus eum suppliciiis addixit inferni: & ante iudicium damnationis eius, elogium. tot sæculis fecit, ipso iudice referente, cantari dicente domino, *Homo quidam erat diues, & induebatur purpura & bysso, & epulabatur quotidie splendide: & erat quidam mendicus nomine Lazarus, qui iacebat ad ianuam diuitis, & cupiebat saturari de micis, quæ cadebant de mensa diuitis.* Nunquid per se tantum diuitiæ criminosa sunt? aut solæ, & per se penes deum damnandæ sunt vestes? & tantum per se puniendæ sunt epulæ, vt non solum catcant præmio bonorum, sed omnium malorum, ferant & meteantur exitium: Aut ita per se probata est, & sanctificata mendicitas, hulcera tam sacrata, vt angelorum manibus Abrahæ sancti rapiantur ad gremiū? Et mirum fratres, quod Abraham quōdam diues nunc diuitem spernit: dicente scriptura, *Erat autem Abraham diues valde, & cum quem habuit in bonis præsentibus parem, nunc reprobat & patitur esse pœnalem: præsertim cum neque pauperis huius bona, neque mala diuitis istius prodiderit sermo diuinus.* Cur ergo nunc Abraham ambit pauperem, diuitem refugit & refutat? Aut quemadmodum hunc Abraham innocentem habuere diuitiæ, hunc fecere diuitiæ criminofum? Illum promouere ad omnium requiem beatorum, hunc in omnium malorum ba-

rathrum deputarunt? Verum ne propositus sermo vestrum diu fatiget animum, suspendat auditum, acceleranda nobis est huius solutio quæstionis. Abraham fratres, non sibi sed pauperi diues fuit, & opes non habere, sed prorogare gestiuit magis magisque in sinum pauperis, quàm in horreis recondere suas studuit facultates, sicut toto vitæ eius ordine perdocetur. Nam peregrinus ipse iugiter laborauit, sicque ne peregrinis peregrinum se esse sentiret, sub tentorio manens ipse, siue tectoaduenam manere non passus est: & hospitem hospes semper ipse suscepit, extorris patria, domicilij nescius, ipse & domus omnium fuit, & patria: sciens se non incubatorem, sed dispensatorem diuinæ posuit largitatis, ut vindicaret oppressos, absolueret capriuos, eriperet iam iamque mortuos, ipsum se morti nouus bellator addidit, apud quem pietas in alterû vita sua charior fuit. Abraham suscepto hospiti astiuit, non assedit: & fuit iste non cõiuua hospitis, sed minister: Abraham viso peregrino dominum se esse nesciuit: ipse allator prandij, ad coquinam satis delicatâ sollicitus addixit uxorem: & qui se, suâque omnia famulis suis credit ac cõmit. rit, committere vix audet hospitem coniugi quàm probatâ. Et quid plura fratres? Huius denique humanitas sic sancta sanctis est semper manibus preparata, ut inuitaret apud illû ipsum deum, & compelleret hospitari. Ille ad Abraham, ille ad requiem pauperum, ille ad hospitum receptaculum venit, qui se in hospite & paupere receptum fatebitur in futuro, cû dicet, Esuriui, & dedistis mihi manducare: sitiui, & dedistis mihi bibere: hospes fui, & suscepistis me. *Factum est autem, ut moreretur pauper, & portaretur ab Angelis in sinum Abrahæ.* Non immerito fratres, sua nunc omnes sanctos suscipit in requie, & in ipsa cælesti beatitudine fungitur dispensatoris officio: quia dum semper hic suscepit peregrinos & pauperes, ipsum cum angelis suscipere deum, ipsum sub tentorio suo videre hospitem meruit, quem semper habuit largitorem. Et reuera fratres, parum se beatum credidit, si in ipsa superna gloria ab hospitalitatis pio cessaret officio. Et solus donis frueretur diuinis, qui hic humana bona crudelem se credidit cuiquam si negaret. Abraham fratres, venientibus longè semper occurrit, prætereuntes etiam prece reuocat: nolentes magna cum supplicatione suam compellit ad mensam: prima, & saginata de gregibus hospitibus semper apponit: suis, & cû-

Gen. 12.

Gen. 14.

Mat. 25.

iugis suæ manibus factos calentes semper offert panes, quos frigidos & hesternos esse utique iugis humanitas nō sinebat. At iste alter diues, imò diuitiarum captiuus, feruus opum, & ipsis censibus compedibus, tantum pompæ immobile sepulchrum, in quo pietatis totus utique & visus defecerat & auditus, non iam personam, non pauperem, sed ipsam misericordiam despicit ad ianuam suam Lazaro sic iacente. Purpura, bysso, delicatis vestibus, epulis blandis ferrea viscera crudelis anima nutrebat: quem Deus humanæ salutis audus inquisitor emollire cupiens, non tam Lazarum, quàm ipsum pietatis conflatorium eius proiecit ad ianuam: conflatorium dixi, propter ferrea viscera. Impiis ergo oculis mendicus Lazarus ingeritur, admouetur, & ut diues dare possit, magis magisque diuitis census cumulatur: sed diues adamante durior, quicquid Deus pauperis propter alimoniam diuitis conferebat ad censum, ille aut effundebat turpiter, aut crudeliter reponebat. Item Deus ut non taceret, ut clamaret, ut admoneret diuitem, ut panem se quærete tantum ieiunns pauper ostendat, ut vel ad minima largienda abundantis impellat animum, augetur pauperi fames. *Cupiebat, inquit, de micis saturari que cadebant de mensa diuitis.* At diues variis crapulatus fereulis indigieriem suam ructabat ad cælum, ne vocem pauperis humi & taliter iacētis audiret. Itēque Deus, quia obduratis auribus vnus oris nil erat vox clamantis, ad aperiendum cor diuitis totum corpus pauperis, vulneribus aperit, ut in admonendo diuite tot essent pauperis ora, quot vulnera, soluuntur viscera, hucera producuntur, hiatus vulnerum dilatatur, sanies effunditur, & tota pauperis caro componitur in scenam pietatis: ut quem vox esurientis non mouerat, vel suspiria, vel dolores, gemitus, & tota ærumnarum congeries commoueret: sed diues superbo oculo & insatiabili corde, hæc omnia & audire, & videre, & sentire contemnit. Quærit adhuc Deus quemadmodum diues à sua obstinatione soluetur. Soluit pauperi manus à suis artubus, uti nec abigeret canes diuitis, quos vulneribus suis diuitis erat pasturus in vulnus: & nouo modo fratres humanitatis ordo mutatur: fit humana medicitas, ut cupiditas prodatur inhumana. Diues pauperem nec cadentibus de mensa micis pascit: & Lazarus pauper, qui aliud non habebat, etiam de carnibus suis canibus humanus extitit. Miser diues, si panē non dedisti, quare vel

canes abigere noluit? Sed mitiores te canes tui, immo tu sæuor canibus tuis: nam te sæuiente illi parcunt, qui non ad morsum dentes, sed linguas ad obsequium sic producunt, ut in modum spongiæ non vexent vulnera, sed detergant. Diues in canibus tuis famem pietas vicit: in te impietatem saturitas non euicit. Nam quod canes hoc studio facere curant, vsus ipse qui semper est in oculis, probat. Nam canes lambendo semper curant vulnera sua: canes curant pauperem magisterio naturæ, & homo hominem negligit, ipsa grauitè accusante natura. Verum est, verum est, quod diues cum nec micæ dare potest, semper avarus eget. Differendus est sermo fratres, quia & dicendi tempus absumpsimus, & lectionis loca quæ nobis tractanda sunt maxime, subsequuntur.

De eisdem.

Sermo

C X X I I .

DEberet fratres, sermo noster hodie sancti Andreæ, inquantum sufficit, referre virtutes: sed quia de diuite illo, & Lazaro Euangelico paupere, quod superest nos diximus reddituros, & beato Andreæ apostolatus, & martyrii sui prærogativa sufficit, & abundat ad gloriâ. Si placet, nos quæ promissimus, quæ debemus, ipso domino reddente, soluamus. Scientes namque quod & dicenti & audienti semper generet lassitudo fastidiû, superiore tractatu maximam partem propositæ distulimus lectionis: ut reparatis animorum viribus salutaris verbi sequentia toto vigore & debito caperemus auditu. Post illa enim quæ diximus, hæc sequuntur, *Et eleuans* Luc. 16.
oculos suos cum esset in tormentis, Abraham vidit à longe, & Lazarum in sinu eius. Et eleuans oculos suos: sero diues sursum lenat oculos suos, quos semper deprelsit in terrâ. Diues, quos oculos leuas, ipsi sunt accusatores tui: quos oculos leuas, ipsi non placant iudicem, sed inflammant: non reportant veniâ, sed reatum: & exigunt pœnarum cumulum, non solamen. Quò oculos leuas? quid clamas adhuc diues? quò respicis diues: ibi est Lazarus, ibi est impietatis tuæ proditor, testis criminis, crudelitatis assertor. *Et clamauit, inquit, pater Abraham miserere mei.* Modo cognoscis patrem, & modo tibi patrem se esse nescit, quem in Lazaro patrem sic spreuisti: modo tibi iustus occurrit, qui tunc, ut tibi pius esset, diu Lazarum passus est cruciari. Infelix quem sic ipsa origo arguit, quem sic ipse lucis author addicit: infelix cui in iudicio pro magnitudine criminis non misereri genitor, non pater igno-

scere, non affectio potuit subuenire. Quid clamas adhuc diues? Adhuc diues, sed crimine, non sensu: non substantia, sed reatu. Quid clamas? quid postulas? Hoc loco iam non geritur postulario, sed controuersia, ubi è diuerso cōsistit ipse qui passus est: sed agentium diuersus est locus: hic agit de proximo, ille de longe: hic de sinu suggerit, clamat ille de tartaro: exorat ille de requie, queritur hic de pœna. Sed qui dicit diues? *Pater Abraham miserere mei.* Bene diceret, si Lazarus in sinu residens ipsum pectus iudicis non teneret: bene diceret, si Lazarus iustissimi cognitoris rota non possideret arcana. Gratis rogat iudicem, quem sic innocens confessor accusat: & frustra sibi credit iudicem posse subuenire, quando ore iudicis pronunciat ipse tanta quæ pertulit. *Miserere mei, & mitte Lazarum.* Adhuc tu in Lazarum sic crudelis? *Lazarum mitte.* Quo? Ad infernum de gremio, de folio sublimi ad profundissimum chaos, ad tormentorum stridorem, de sancta quiete, de tanto silentio beatorum. *Et mitte Lazarum.* Vt video, quod agit diues, non est nouelli doloris, sed luoris antiqui: & zelo magis incenditur, quàm gehenna. Est graue illis malum, est illis incendium non ferendum, quos aliquando habuere contemptui, videre fœlices. Adhuc diuitem malitia non deserit, quem iam possidet pœna: qui non se ad Lazarum duci postulat, sed ad se Lazarum vult deduci. Ad cruciatus tui stratum diues pius Abraham Lazarum mittere nō potest, quem tu ad mensam tuam non es dignatus admittere. Iam vobis versæ sunt vices: vides eius gloriam, cuius supplicium sic spreuisti: videt ille cruciatus tuos, qui te tunc tua mirabatur in gloria. Sed videamus fratres, quare sibi in itti Lazarum sic deplorat. *Mitte Lazarum ut inlingat extremum digiti sui in aqua, & refrigeret linguam meam.* Erras diues, hæc flamma nō tam linguæ, quam mentis est: non tam linguæ, quàm cordis est: & adhuc iste conscientie calor est, non illud extremum quod te manet, & expectat incendium. Nam si te iā nouissimi iudicii totius ignis ambiret, & illius desperatæ dānationis sententia iam teneret, nūquā leuares oculos, nunquā patrem colloqui, nunquam pro te rogare, nūquam præsumeres interuenire pro fratribus. Certe si te iam possidet totus ignis inferni, si te gehennæ flamma cōplectitur, quare solius linguæ æstibus desideras subueniri? Nisi quia cū pectus tuū anhelat flamma sui criminis & reatus, magis lingua vitur,

ardet, æstuat, quæ insultauit pauperi, quæ misericordiam denegauit: hæc præcedit ad iudicium: hæc antea degustat, & patitur cruciatus, hæc de toto corpore prima sentit ardorē quæ cum prima hæc varios deliciarū cibos, & odorata degustaret pocula, mandare pietatem noluit: fieri misericordiā non præcepit, sed & ipsa cum alii facerent, derogabat. Ipse est qui induebatur purpura & bysso. Quid est diues? ab æstu byssus nō defendit? purpura non resistit in inferno? Remanserūt ista, de seruerunt ista, & ipse nunc nudus sudas, æstuas, qui aliquādo insultabas æstibus artificiosa nuditate vestitus. *Et mitte Lazarum ut intingat extremum digiti sui in aqua, & refrigeret linguā meam.* Quid est diues? vbi sunt torrentes torcularium tuorum? vbi sunt horrea ad famem pauperis non minus cupiditatibus dilatata, quam copiis? vbi sunt vina ad inopiā pauperis annositaribus, & ipsa temporum obliuione seruata? vbi sunt effusiones, lapsus, flumina ministeriorum tuorum? Ista omnia tibi periere, non crimini, qui sitis extremi digiti guttam, quam si vel solam dedisses pauperi, non sitires. Immiscricordem te gutta & mica reddidit inhumanū, in quibus totus pauperis & victus cōsistit & vita. Velim scire diues, si vel ipse tibi in pœna positus ignoscis: quia ad hæc mala non venisses, si de tantis horreis micā, guttā de tantis torcularibus tunc dedisses. Parum est quod caro eget, quod natura exigit, quod sufficit vitæ: avaritiā causa est, quod homo magna & multa recondit non sibi, sed aliis, ad suū plane præsentē, vel posterum cruciatum. Sed dicis diues, Ego & si vinū negaui, aquam peto, quam communem cunctis animantibus author ipse omnium præstitit & natura. Puto diues, quod & aquā pauperi tu negasti: cui ne ingrederetur ianuam tuā, ne ad tuum puteū perueniret, canes quā plurimos obiecisti. Quid est autē quod dicis? *Mitte Lazarum, ut intingat extremum digiti in aqua.* Et non deferat aquam? ergo iuxta te est aqua: & si iuxta est, quare de proximo nō sumis? quare? quia victæ sunt manus tuæ merito diues, quia solutis debilitate Lazari manibus subuenire tempisti. Debet homo, debet debilibus sua membra partiri: quæ cum Iob non daret, sed redderet, sic dicebat, *Iob 19.* Ego fui oculus cæcorum, pes autem claudorum: ego eram pauper inualidorum. Homo si non habes nummum, da pauperi *L X X.* manum, quia maiorem misericordiam facit, qui ad mensam suam manu pauperem debilem ducit. Ipsum se pauperi de-

dit, qui se aptauit in obsequium pauperis, aptauit in pauperis seruiturē. Iterum fratres, præsentis verbi plenitudinem differamus, vt tertia auditione quam sentētiam ab Abraham beatissimo pertulerit diues, proloquamur.

De eisdem. Sermo CXXIII.

Lnc. 16.

I Nuerecundi debitoris est aut differre credita, aut promissa denegare: honesti sine mora, & mox vtraque dissoluere. Promissum est vt omne quod restat de illo diuite redderemus, qui cum in Lazarum visus sit immitis, in se magis sequus extitit, & crudelis. Hactenus quid diues ad Abraham locutus fuerit, & sanctus Euangelista, & noster sermo, in quantum potuit declarauit. Dictum est, *Et eleuans oculos suos cum esset in tormentis, vidit Abraham à longe, & clamans, dixit, Pater Abraham miserere mei: & mitte Lazarum, vt intingat extremum digiti sui in aqua, & refrigeret linguam meam, quia crucior in hac flamma. Cui nunc respondit Abraham, Fili recepisti bona in vita tua. O mira pietas, adhuc vocat filium, quem degenerasse propria crudelitate sic respicit. O singularis bonitas, adhuc vocat filium, quem videt inferni vernulam, pœnarum sobolem, extremū mancipium iam gehennæ. Sed vocat filium, vt magis magisque filij prodatur impietas: quando cum tali etiam paterni sermonis pietas perseverat. Tu vocas patrem, ego voco filiū vt te grauitèr doleas perdidisse quod natus es. Adhuc voco filium, vt amarius doleas perdidisse te quod tibi gratia dederat, & natura: quia non habuisse doloris non est tanti, quanti habita mœtoris est perdidisse: voco filium, vt intelligas iudicis esse quod pateris, nō furoris: voco filium, vt in me mea patientia, & in te tua maneat pœna. Sed iste fratres intelligit se non esse filium, qui fatetur, & pensat de suo merito, quod tam pii patris perdidit de natura. Qui tunc vtiq; respondisset generi, si pius, si hospitalis, si misericors in pauperē, si fuisset humanus. Qui genitoris opera nō facit, negat genus, domino sic docente, si filii Abrahæ essetis, opera Abrahæ faceretis. Ille fidem generis probat, cui tantus paterni operis assertor asistit. Sed quid dicit Abraham? *Fili recepisti bona in vita tua.* Si tantum diuitis huius istud est crimen, quia recepit bona: quantum reus qui inuadit indebita? Si tantum criminofus qui sua claudit, qui non largitur accepta, quàm pœnalis est qui & suis incubat & aliena peruadit? Fratres demus nostra, sit tamen nostra, demus tamen quæ putamus nostra,*

Ioan. 8.

stra,

stra, vitemus aliena, declinemus extranea, certe si cui aliquid tulimus, tota celeritate reddamus: ne hic relinquētes omnia, illuc censu pauperes, crimine diuites, ad istum diuitem perducamur. Discat tamen diues quia recepit bona, non accepit. Videtis fratres, quia Abrahę sancti verbo istius diuitis animus proditur, sensus arguitur, intellectus punitur, qui nō sibi data, sed reddita credidit quæcūque domino largiēte posset. Intelligite quo sensu inceserit, quo corde ambulauerit, qui Deum sibi credidit debitorem, & dominū suum male diues vsuris suis addixit obnoxium, ignorans quia dominus & si pauper incesit in terra, diues tamen ascendit in cælum: & dedit ille, non accepit in scēnore, qui dedit vni quinq̃ talenta, alii duo, alii vnum: vnde & promittit se exacturum, nō redditurum vsuram, cum dicit ad seruum, Serue nequam & piger dedisses pecuniam meam, & ego venissem, & exegissem eam vtique cum vsuris. Hinc autem plus impius diues iste, quia nō in aliū pius extitit: qui & si recepit bona, non pro bonis mala, sed pro malis bona recepit indignus. Sed transeamus ad Lazarum, & queramus quid est quod dicit. *Et Lazarus similiter recepit mala.* Et id sufficiat ad meritum, abūdet ad gloriam, si non fecit bona, sed recepit mala. Plane beatus est fratres, qui se à deo accipere bona, mala recipere fideliter credit. Beatus qui Deo semper reddit debita: certe si nō potest, vel dimitti sibi debita tota humilitate deponat, ipso domino sic docente. Dicite, Dimitte nobis debita nostra. Beatus qui Deo debita, & cum nō intelligit se cōtraxisse, persoluit, altius propheta instituyente, cum dicit, *Quæ non rapui nunc exoluebam.* Beatus qui se apud Deum semper vt excuset, accusat, scriptura taliter admonente, Iustus in primordio sermonis sui accusator existit. Et si iustus, quare se iustus accusat? quia, Non iustificabitur in conspectu tuo omnis viuens. Homo coram homine de iustitia, de innocentia, de merito forsitan gloriatur: coram Deo qui se de innocentia iactat, de sua iustitia gloriatur, homo nō est. Hinc est, quod ille phariseus cum nō orat, sed iustitias suas computat, impunit, ructat, iniustus, & publicano deterior abscedit. Sed accedam⁹ ad reliqua. *Nunc autem hic cōsolatur, ait, tu vero cruciaris.* Videtis fratres, intelligitis fratres, qui iustos ex his quæ dicta sunt, & si discretio locorū, vna tamē & inferni adhuc regio continebat: atque eos & si chaos iam magni, nondum tamen cō-

Mat. 18.

Mat. 6.

Psal. 68.

Pro. 18.

Iuxta

L X X.

Psa. 142.

Gen. 3.

lestis habitatio separabat: & si diuidebat illos hiatus tristis, non dum tamē deputata superius angelis altitudo. Iam meæ romphææ (sicut legislator refert) paradisi voluebatur in ianua, ne illuc homini pateret accessus: æteis ianuis, & ferreis v. stibus portæ inferi obseratæ clauderantur, ne animabus quæ illuc iactatæ fuerant de supernis vllus pateret egressus. Nam & chirographum paterni debiti, quod morti singulos addicebat, itylo culpæ, & reatus ipsius atramento tenebatur ascriptū, & ad sobolis noxam multa temporum curiebat v. sura: nec erat idoneus qui paradysum introueret, flammam extingueret diuinitus institutā, aut aperiret ianuas inferni cælitus obseratas, aut solueret chirographū, quod in arca legali Dei præcepto tenebatur inclusum. Hinc est, quod ipse dominus primi hominis, id est, cōtumacis serui, exulator aduenit: ipse dominus qui obserauit paradysum, qui clausit infernū, ad terras & inferos tota potestate descendit, vt accensa extingueret, clausa protinus aperiret, protoplasti facinus aboleret. Hinc est, quod arietē suæ crucis portat aggressus infernū, vt conterat & confringat ipsas tartari ianuas ære munitas, & ferro. De latere fundit aquam, vt paradisi viā temperet, ignē ex parte sanctorum extinguat interni, totum chirographum debiti diluat, & soluat antiquū. & patiēdo hoc remittat ipse, quod ipse intulit imperiādo. Agnoscite fratres, lætaminī fratres, post triumphum Christi sanctorū custodiā dissolutam, & in sanctos vltra inferni nil deberi: quando Christus vt iustos, non iniustos absolueret, ad inferos vsque penetravit. In religamus fratres quāuī Christus profuerit, inō quāuī sine Christo in nullo fuerit salus, enim præter illam corporum solutionem, sanctorum quoque anime apud inferos tenebantur astinctæ. Beatus ergo Lazarus, qui totū Deo debuit, vt crimini nil deberet. Beatus, qui hic recepit tot mala, vt ibi bona oīnnia possideret. Et adiecit Abraham, dicens, *Neque hinc ad vos transire, neque hinc transire quis potest.* Terret fratres, terret nimis huius vocis auditus quæ ostendit post mortem, & semet apud inferos peruali custodiæ deputatos ad sanctorum quietem nō posse trāfieri, nisi Christi gratia iam redempti, ab hac desperatione sanctæ Ecclesiæ intercessione soluātur, vt quod sententia negat Ecclesia mereamur, præstet gratia. Hic tamen diues rogat adhuc, & dicit, *Pater Abraham.* Ad huc vocat patrem, qui maritus suis & patrem & patriam sic ami-

*sit. Pater Abraham. Hic miser & in pœna mentitur. Pater Abraham mitte eum in domum patris mei. Si vere hunc patrem vocat, cuius domum patris alterius tunc requirit? nisi forte eum se in absentia habere patrem credit, quem in præsenti se taliter conspicit perdidisse: & sic sibi credit eius patris domum eius gratia custodiri, cuius ibi negari sibi sinum vider, videt requiem pernegari. Pater Abraham mitte eum. Quem? Nempe Lazarum. Vbi? In domum patris mei. Modo, & tarde diues Lazarum ad domum patris sui non misericors, sed miserandus inuitat, quem toto tempore substantiæ miseratione suis incumbentem ianuis nō recepit: & sub specie pietatis ad pristina vulnera, ad præteritos gemitus Lazarum vult redire, quem prima petitione ad suos deuocare non potuit cruciatus. Antè dixit, *Mitte ad me.* Modo dicit, *Mitte ad fratres meos.* Dolet, agit infœlix, ne videat fœlicem, quæ maliquando putauerat infœlicem. *Mitte ad fratres meos. Vbi? In domum patris mei. Vt quid? Habeo, enim, inquit, quinque fratres, ut testetur illi, ne & ipsi veniant in hunc locum tormentorum.* Cui pius, qui sibi sic impius? Impudenter præsumit aliis impetrare pœnitentiam, qui sibi tam crudeliter ad veniam nil prouidit. *Mitte Lazarum in domum patris mei: habeo enim quinque fratres.* Et putas quod quinque fratribus tuis sufficit Lazarus, qui tibi tanto tempore, tot vulneribus suis, toto clamans corpore nil profecit? Merito ei respondit Abraham, *Habent Moysen & prophetas, audiant illos.* Sine Lazarum tantos requiescere pœst labores: & tu desce tuas quas tuo merito sustines pœnas. Deus autem fratribus tuis, & omnibus, nō pro tuo cōsilio, sed pro suo munere olim prospexit ad salutem, dedit per Moysen legem, prophetiam largitus est per Eliam: audiant ergo illos, ne tuos sentiant cruciatus. Respondit diues, *Non pater Abraham, sed si quis ex mortuis resurrexerit credent ei.* Cui respondit Abraham, *Si Moysi & Elia non credant, neque si quis ex mortuis resurrexerit, credent ei.* Nihil tam verum fratres, qui de cælo loquenti per legem, de cælo venienti Christo credere noluit, iam non merebitur credere ab inferis reuerenti. Ipse Christus statres Deus, & dominus noster ad Moysen est locutus de cælo, ipse in terra terreno est locutus in corpore: ipse cum terreno corpore ab inferis est reuersus: & tamen referenti quæ bona in cælis, quæ sint apud inferos mala, fratres diuitis illius, qui Iudaicis intelliguntur in populis, credere tota*

obstinatione noluerunt. Verum fratres, quia nos, quis sit diues, aut quis Lazarus pauper, & qui sint quinque diuitis fratres, dicere nunc tempus excludit: nec quid in hac historia spiritalis intelligentiæ lateat, aperire permittit: edocti per Christum quid apud ipsum iustos maneat, quid apud inferos expectet iniustos, agamus, curramus verbo, opere, misericordia, ut & superna bona apprehendere, & mala perterriti vitare & declinare possimus.

De eisdem.

Sermo

CXXIII.

*Id est, caue
ludorum.
Luc. 16.*

Quoties nobis à Deo diues ingeritur purpuratus, quoties vulneratus pauper apponitur, toties nobis misericordiae σκάρμα panditur, toties nobis stadium pietatis aperitur: ut de spectaculo cælesti possimus attendere, quàm breui quantumuis pauper ad palmam, diues peruenit ad ruinam. Homo, inquit, erat diues, & induebatur purpura & bysso, & epulabatur quotidie splendide: & erat quidam mendiculus nomine Lazarus, qui iacebat ad ianuam eius, cupiens saturari de micis quæ cadebant de mensa diuitis. Induebatur diues purpura, pauper liuore: diues bysso, pauper squallore, auro diues, pauper fortore: diues plumeco decumbebat in sigmate, iacebat durissima pauper in terra: diues ructabat epulas, sanie pauper anhelabat: fundebat vina diues, pauper lachrymas: exatiatus diues proiciebat panes, micas pauper esuriens non habebat: pascebat oblatrâtes pauper diues ferculis suis, pauper vulneribus suis saturabat diuitis canes. Ac ne plurimis, ad diuitem bona omnia, ad pauperem mala omnia perlegimus pronenisse, neque tamen pauperem fregerunt aduersa, aut diuiti omnia secunda profuerunt, imò pauperem prouexit ad philosophiam paupertas, ad virtutem dolor, contemptus ad patientiam, necessitas ad voluntatem, fames ad ieiunium, sitis ad tolerantiam, ad vitam mors, ad premium poena, ad cælum terra, egestas ad regnum, & diuites sic extulit purpura ad superbiam, byssus ad luxum, ad inhumanitatem copia, abundantia ad impietatem: vnguenta ad marcorem, ad cæcitatem splendor, sublimitas ad ruinam. Ergo neque prospera ignauos erigunt, neque fortes aduersa prosternunt, quia neque diuitiæ neque paupertas, sed animus aut ducit gratos ad premium, aut ad poenam deducit ingratos. Iamquæ diuitis pauper apponitur hulceribus plenus: ac sit hoc non humano casu, iudicio sit diuino, ut diuitis & pauperis conflictus esset in terra, spectaculum maneret in cælo. Diues

totus indutus diuitiarum stabat armis : & contrà pauper iacebat ipsa vestitus in carne : nisi forte lorica erat illi vnum totius corporis vulnus. Diues morabatur seruorū choris, pauper exutus cute dolorum stimulis agebatur. Iaciebat impietatis tela diues, clypeum miserationis Lazarus opposebat : crudelitatem suam diues pauperis vibrabat in vulnus, frustrabatur diuiti fontem animam : totus corpore deserēte migravit, & calcata carne in spiritum totus armiger supernus ascendit, ne vbi possit ferire diuitis crudelitas inueniret. Ob hoc enim egerat Deus, vt diues pauperis, pauper diuitis in oculis semper essent, quatenus vicissim sibi ambo curam de vario languore præstarent. Aegrotabat pauper corpore, mente diues. Hinc est, quòd differebatur cura pauperis, diues sumeret de vulnere medicinam, de gemitu compunctionem, de lachrymis pœnitentiam, de patientia exemplum, de fame misericordiam, de siti sensum. Ad summam, cæleste de terrena cōpassione consortium, certe vt tātis diues bonis fultus Deo gratus esset, quando gratus Deo pauper in malis omnibus vidente diuite permanebat. Merito ergo portabatur ab angelis qui iacebat, qui lugebat, Abraham consolabatur in gremio : & viuit Deo semper, qui se sibi viuere nec sciuit in mundo. *Factum est, inquit, vt moreretur pauper, & portaretur ab angelis in sinu Abraham. Mortuus est autem & diues, & sepultus est in inferno.* Miser accepit antè animā, quam corporis sepulturam : nec antè quieti corporis, quàm pœnali traditus est sepulchro : vt viuat pœnè semper, cum sit semel mortuus vitæ. *Et sepultus est in inferno : & vidit Abraham de longe, & Lazarum in sinu eius.* Immutatio quanta rerum : quo descendit diues? quo pauper ascendit? Respicit ibi sursum, quem despexerat hic deorsum : & videt eum de inferno in sinu Abraham, quem iacentem se coram superbo de sigmate non videbat. *Pater Abraham miserere mei.* Stulte petit à patre misericordiam, quàm negauerat fratri. *Miserere mei.* Quid illi cum misericordia, cui iam totum in pœnam? Aut quæ illi supplicatio apud patrem poterit subuenire, cui in sinu patris residet accusator? Pectus patris Lazarus tenet, & totam sancti cordis pulsat æquitatē, quatenus se filij patrem boni, mali iudicem seruet. *Pater Abraham miserere mei : & mitte Lazarum vt intingat extremum digiti sui in aqua, & refrigeret linguam meam, quia crucior in hac flamma.* Mitte Lazarum : vt ipse qui cruciatus mei causa est, iam

refrigerii minister extremum digiti sui solamen modo ipse porrigat, cui ego iacenti manus meæ totius solatium tunc negavi. *Et mitte Lazarum, ut intingat extremum digiti sui in aqua: & refrigeret linguam meam.* Sinit itaque guttam, qui vini lacus ut pauper sitiret, effudit: & stilla digiti extremi credit gehennæ flammæ extinguere, qui mensuris per totam diem ebrietatis non extinxit incendia. Sed hanc sibi guttam ad refrigerium dari petiit, ad ardorem pauperis quam negarat. Ista gutta est diues quæ te facit crudelem, ista gutta est quæ os Lazari à te negata siccauit: quia ad refrigerium pauperis & gutta sufficit & mica. *Cupiens, inquit, saturari de micis quæ cadebant de mensa.* Spargebatur panis, fundebatur vinum, & quod ad extremam vitam pauperis negabatur, hoc totam diuiti peribat ad pompam. *Et mitte Lazarum, ut intingat extremum digiti sui in aqua: & refrigeret linguam meam.* Lingua in capite, caput mali, ipsa derogat egeno, insultat pauperi, pietatem lattrat, misericordiam carpit: & merito prima est in gehenna, in cruciatio præuia, dux pœnarum, quia ipsa interdixit misericordiam, cui datum fuerat ut iuberet. Et quanvis series lectionis & me compellat dicere, & vos iociter audire, qui sit purpuratus diues, qui sit Lazarus pauper, qui sint quinque fratres diuitis, quomodo ante diem iudicii diues cruciatus sentiat gehennæ, sed dolor reuocat ad dicendum. Et si

Id est, com-
bustio.

est sub terra tartari carcer, si est καύσις ardens, si est inferus sine fine crucians, si est apparitor istis, quæ nos ad ista rapiat post sæculi labores: quid stupemus? ubi sumus? quis est iste qui nos eludit somnus? quæ est ista quæ nos tenet obliuio lethalis? quare non omnibus contemptis euadendi à malis talibus nobis sola sit cura, ne viucentes mundo, ne aliis currentes, ad tantas, tales, tam crudeles subito rapiamur pœnas? Et si est ascendendi possibilitas ad superna, si est facultas viuendi in cælestibus, si est Abrahæ sinus bonis omnibus ad requiem præparatus, si est Lazarus in sinu patris tanti: imò quia dubium non est, ubi & loca, & personæ, & nomina describuntur: quare non cælo mutamus terram? quare non caducis emimus æterna? quare non perituris manentia comparamus? ut & supplicia deuitemus inferni: & hæc quæ audire desideramus anguste, late videre, habere, & tenere possimus.

OMnium quidem ciborum sal salubre est condimentum si mensura non d. sit: alioqui sine modo & ipsum perit, & quod saltem perdit: amarat enim nimietas quod poterat condire mensura, sic qui in nobis est sensus si teneat modum, dat saporem, intellectum parit prudentiam generat, cor dilatat, auget ingenium maturat dicenda. audienda componit, si quæ sibi du'cis, si d. gustantibus tota dulcedinis plenitudo: & plane erit ille m. illeus sensus qui ore proferet nil amarum. Hoc præmissimus, ut sit nobis in eua: gelicis sensibus nostri sensus constringenda mensura: quatenus vitalem cibum, diuinum pastum, cælestem saporem nō violer, sed cautissima nobis sobrietate custodiat, iuxta illud Apostoli, Non plus sapere quàm oportet sapere, sed sapere ad sobrietatem. Sed iam quid dominus dixerit, audiamus, *Homo quidam erat diues. Et quis erat homo iste, nisi Christus? Quis diues, nisi ipse qui in paupertate nostra rotas creaturæ diuitias possidebat? Homo quidam erat diues.* Hoc Iudæis sæpius inculcabar, ut intelligerēt quod inesset ei locuples deitas, cui erat humana paupertas. *Erat diues* Erat in maiestate sua diues, qui oculis Iudæorum erat pauper. Et quomodo diues non erat, cui ministrabant angeli? virtutes parebant? elementa seruebant? & quæ non erant, fiebant iussa, vocata veniebant? *Homo quidam erat diues: & habebat villicum.* Quem, nisi hominem, qui ad colendum mundum tota fuerat commissio possessio? *Homo quidam erat diues, & habebat villicum: & hic diffamatus est apud illum.* Quasi non præscierit, quasi non præuiderit, cui occulta nota sunt: cuius oculis etiam illa nuda sunt quæ teguntur. *Et hic diffamatus est apud illum.* Ergo ille famæ credidit? fama nūciantem cognouit? Absit Sed quia illa quæ nouerat, quæ pietate velabat, querere tunc cepit quando accusabat terra. Vox Gen. 4. sanguinis fratris tui clamar de terra: clamabat terra. clamabat cælum, doliebant angeli, quando iam tota sæculi fama loquebatur. *Et hic diffamatus est apud illum quod dissipasset substantiam eius.* Filius iunior ante istius hominis lectus est substantiam dissipasse, nunc ipsius bona villicus dissipasse perhibetur. Sicut idem deus & homo Christus, idem pater familias, & pater: sic hunc eundem esse & villicum constat, & filium: est hic causarum diuersitas, est mutatio nominum: non est varietas personarum. *Et diffamatus est apud illum, quod dissipasset bona*

Rom. 12.

Luc. 16.

Gen. 4.

Luc. 16.

ipsius, & vocauit eum. Vocauit per euangeliū. *Et ait illi.* Et quid per euangelium nō agit? Per quod mores arguit, occulta nudat, conscientiam pandit, commissa castigat, dinumerat mala, & in his persistenti minatur pœnam, quanuis cōuerso veniam repromittit. *Et vocauit eum: & ait illi, quid hoc audio de te?* Cognita velut audita imputat, quia iu reum non vult accelerare sententiam: & conuictum penes se, velut accusatum cōuenit, qui iudicium gestit venia sic præire. *Quid hoc audio de te?* Redde rationem villicationis tue, iam enim non poteris villicare. Tam piis tam seuera cur iungit? cur antè à villicatione submouet, quàm rationem cognoscat? *Redde rationem, iam enim non poteris villicare.* Rationem modo instar hominis expetit: modo sicut deus instantia denunciat, & futura. *Redde rationem, iam enim non poteris villicare.* Rationem petit, non vt exigat, sed relaxet: petit, vt petatur: petit hic, ne petat ibi: petit in seculo, ne petat in iudicio petit cito, ne pœnarū tēpus, tēpus satisfactionis excludat. *Redde rationem villicationis tue, iam enim non poteris villicare. Quare?* Quia venit finis vitæ, tēpus mortis, iam te apparatus superna constringit, iam iudicium vocat. Festina ergo, ne satisfactionis tēpus perdas: qui tēpus operis perdidisti. *Redde rationem.* Hoc est dicere, compone rationem, compone tua, ne reddas mea, compones autem, si iam defines dissipare: priora debita suscepi ego, cum te suscepi: solui ego, cum te absolui: ego cognitor pro te cognitori audiendus astiti: iudicium intraui iudex, rei mei reus factus sum, à pœnalibus suscepi pœnas, à damnatis sententiam non refugi, mortis perstititor mortem excepi, penetraui inferos destrutor inferni, vt te per ista nō modo subducerem tuæ pœnæ, sed & meæ consortem facerem dignitatis. Age ergo, vt te quem tēpus tuæ villicationis exclusit, perpetuitas meæ donationis includat. Sed villicus quid responderit iam perscrutemur. *Ait, inquit, intra se: quid faciam?* Quid faciam modo? semper homo bona facere tunc cupit, quando mors faciendi tēpus ademit. *Ait, inquit, intra se.* Quærit, inquit, intra se consiliū, qui foris vnde sibi iam succurreret non habebat. *Ait intra se.* Pungit cor suum, stimulat mentem suam, & omnia vexat interna, vt à se pœnitentiam, quam pro se dare possit, extorqueat. *Fodere non valeo.* Non vires isti, sed tempora defecerant ad laborem. *Fodere non valeo: mendicare erubescō.* Confusionem futuri iudicij pertimescit, in quo iam non pœ-

nitendi tempus est, sed pœnarū, & ubi reus plus de conscientia, quàm de gehennæ erubescit incendio. *Mendicare erubesco.* Et quis non erubescit in cælestibus mendicare? Miser quem temporalitas habuit diuitem, mendicum sempiternitas possidebit: & habebit hūc nudum tartarus, quem locupletem suscipere cælum potuit, & tenere. Præsens figura tendit ad populum: sed bonū nobis, bonum nimis, si ad nos illa aptemus singuli, si ad nos ista referam⁹, qui in terra nos debemus sentire villicos, dominos non putare: prorogationis temporariæ ministerium suscepisse, non inuenisse ius perpetuū possidendi: cauere ne ad patrem familias fama versæ substantiæ nos præcedat, iuxta illud Apostoli, *Quorundam peccata manifesta sunt, præcedentia ad iudicium: quosdam autem & subsequuntur.* Non peruenit ad statutum terminum vitæ qui villicationis amittit tempus: quē sonarit credita dissipasse. Hinc, hinc est immaturus exitus, hinc est ante diem mors, hinc est vocatio amara, hinc est seipsa acerbior redhibitio, sicut propheta lamentatur, clamans, Viri sanguinum & dolosi nō dimidiabunt dies suos. Sed vtinam, quando nos de vocatione commonet ægritudo, quando febris à villicatione inclementer excludit, quando vis doloris ad reddendam villicationem properare compellit, præsentis villici factum, sensumque sequeremur, cōuerteremur ad animæ consiliū, ad compunctionem cordis, ad mentis pœnitentiam, ad misericordiæ suffragium, ad pietatis patrociniū, ad cōfessionis aduocationē, certe peteremus dominicorum chirographa debitorū: & si non tota, vel media, sicut iste villicus, ad nostrā veniā soluerem⁹: vt qui bona credita dissipādo iniquitatis vocamur villici, in nouissimis pia fraude ipsius laudem iudicis consequamur. *Et laudauit, inquit, villicum iniquitatis.* Et quia euangelici factum villici non paruam generat quæstionem, qui reus de multis vnā legitur placuisse per fraudem: quare placuerit sic, vel quis sit iste, sequenti per deum plenius sermone pandemus.

De eodem,

Sermo CXXVI.

QUAM sit commodum, quàm lucrosū debitorum nodos soluere, cautionum vincla laxare, præsentis villici nos edocet & informat exemplum: qui dum chitographorum cumulos pio moderatur assensu, non modo euasit certissimas discussionis angustias, sed etiam discussoris laudem mansuram sæculis conquisiuit. Et nos fratres, quod de præsentis le-

Timo. 5.

Psal. 54.

Luc. 16.

Etione vobis fecit promissio me debere, auditu piissimo temperate. ne me, vobis que simul oneret seuera discussio, quos intelligentia poterit benigne releuari. Vnde quæ supersunt lectionis iam sequamur: & consilium villicus quod inuenerit audiamus. *Ait, inquit, intra se, Quid faciam, quia dominus meus aufert à me villicationem? fodere non valco, mendicare erubescio: scio quid faciam. Conuocatu itaque singulis debitoribus domini sui, dicebat primo, Quantum debes domino meo? At ille dixit, Centum cados olei. Dixitque illi, Accipe cautionem tuam & sede cito, scribe quinquaginta. Deinde dixit alij, Tu vero quantum debes? Qui ait, Centum coros tritici. Et ait illi, Accipe literas tuas, & scribe octoginta. Et laudauit dominus villicum iniquitatem, quod prudenter fecisset. Vel nunc liquet in euangelicis lectionibus obscurata mysteriis diuinis, supernis velatas sensibus contineri, quatuor plumas quæstiones: nec facile humano intellectui subiacere, quod ore Christi de cælestibus profertur arcanis. Et laudauit, inquit, dominus villicum iniquitatis, quod prudenter fecisset. Rogo quid hoc loco mundanus capit animus? quid hic communis capit & recipit auditus? vbi inter villicum & dominicos debitores versutæ fraudis laudatur inuentio: vbi debitoris honestas tollitur, aufertur pudor, violatur innocentia, verecundia tota sepelitur: vbi villicus reddendæ rationis tempore plus ardet in fraude, quàm tempore villicationis anhelaui in luxu: in articulo discussionis ipsum dominicum plus in dispendium seruit, quàm diebus suæ fudit & disperdidit actionis: & qui antè substantiam vacauerat dissipando, vacuando chirographa quod remanserat plus euertit: nec curat vnde possit sarcire quod deerat, sed quod remansit quemadmodum minorare possit excogitat. Dicebat debitori, Quantum debes domino meo? Non dicebat quantum debes mihi. Conueniebat conscientiam, testabatur debitoris animum: sic dicendo, Et quid est quod sine respectu domini debitor ad tantam fraudem villico conspirauerat? Quantum debes domino meo? Dicit ille, Centum cados olei. Accipe cautionem tuam, & scribe quinquaginta. Ad tantam fraudem villicus conspirabat, & agebat vt totam fidem perderet, dum mediat cautionem. Quantum debes domino meo? Sciebant ambo quia præsens erat vbique, & semper supernus creditor: nec poterat fraude præueniri, sed neq; in oculis dominicis desinit, si mel coeperit qui furari. Esto tamè, sit humani moris, vt debitor quærat compendia fraudulenta, & villi-*

cus sibi consulat: sic furando, Dominus iterum quare probat fraudem? furia collaudat? prædicat falsitatem? Quod est nequitia, prudentiâ dicit: & hoc pium iudicat, quod multis pessimum falsitatis præstat exēplum? Sapiat ita carnalibus sensibus, spiritualibus quod est diuini luminis iâ luce scat. Iterata est parabola per villicum, quæ fuerat iuniorē prælibata per filium. Villicus iniquitatis à mammona iniquo gentium populus nūcupatur. Facite vobis, inquit, amicos de mammona iniquitatis, qui relicto creatore totum se mammonæ tradiderat seruituti. Quisquis est ab huius mammonæ captiuitate liber, & pecuniæ iam crudeli pondere non grauat, cōsistat in specula cælesti, & inde despectet mammonam, mundo, & mundanis tyrânico furore dominantem. Imperat gentibus, iubet regnis, bella mādāt, comparāt bellatores, sanguinem vendit, agit mortes, prodit patrias, vrbes destruit, subdit populos, arces vrget, vexat ciues, foro præsidet, ius delet, fas nefasque confundit, & ad mortes vsque tendendo fidē tenet, violat veritatem, famam carpit, honestatē dissipat, soluit affectus, innocentiam tollit, pietatem sepelit, necessitudinem scindit, amicitiam subruit. Et quid plura? Hoc est mammona, dominus iniquitatis, qui inique humanis & corporibus dominatur & mentibus. Huius ergo mammonæ villicus, hoc est gentilis populus dissipatæ taliter substantiæ reus à domino per euangelium conuenitur, vt reddat rationem villicationis suæ, id est naturalis boni. Cui tunc dicitur, *Iam non poteris villicare.* Quando ei finis sæculi nunciatur. Credit denique, iuxta apostolum, figuram præterire mundi, transire tempora villicationis humanæ: & intra se, in se reuersus, quid facere deberet interrogat. *Ait, inquit, intra se, Quid faciam?* Ingegemit cor, doluit mens, respōdit fides, credulitas dedit consilium salutare, vt villicus ad verum dominum iâ rediret: & erogando mammonam, sæuum dominum suę victor subderet seruituti, vt fieret salutis occasio, quod perditionis exiret instrumentū. Pergit ergo villicus gentilis quondam, iam Christianus, ad primum debitorem domini sui. Quem? Iudæum interrogat debitorem: quid, quantumque interrogat, quasi nesciat modum debiti: portitor cautionis nouerat iam per euangelium, sed interrogando cōfessionem taliter requiebat: denique & qualitatē, & quantitātē debiti cōfiteretur, dicens: *Centum sados olei.* Quare non argenti, vel auri pondus?

Luc. 16.

1. Cor. 7.

quare non centum decem, aut nonaginta, sed centum? Ut & de debito, & de numero cæleste luceat sacramentum. Debebat Iudæus oleum, quod chirographo legis ad vngendos reges, prophetas, & sacerdotes, Christiani chrismatis acceperat in figurâ, donec ad ipsum regum & prophetarum, & sacerdotum principem perueniret, cui tota reddenda & infundenda erat centenaria chrismatis plenitudo. Sed quia contra cautionis fidem debitor, ne debitum redderet, occidit impius creditorem: legalis ipsa cautio peruenit ad gētes, hoc est lex: ut Iudæus conuictus per gentilem, quia debitum conuertit in crimen, pœnitentiæ soluat vsuram. Vides ergo quia villicus non fraudem, sed pœnitentiam suadet: sollicitat ad acquirendam misericordiam, non impellit ad falsum, cum dicit: *Accipe cautionem tuam: sede cito, & scribe quinquaginta.* Quinquagesimum numerum ad misericordiam pertinere David pandit, cum psalmum quinquagesimum cantat, clamans: *Miserere mei deus secundum magnam misericordiam tuam.* Quinquagesimus numerus parefecit misericordiam, dum quinquagesimum annum, qui est iubilæus, lex debitorum omnium, omnium contractuum delere, & soluere ligamenta perscribit. Villicus ergo agit iste ut per misericordiâ Christi idoneus sit Iudæus, qui per cautionem legis insolubilibus confusus debitis tenebatur. Debet Iudæus oleum, qui iuxta Apostolum feracis in se oliuæ pinguedinem incredulitatis sterilitate siccauerat. Vnde & euangelicæ fidei calore iam tota redit in ramos, Christiano totam reuiuiscit in gratiam. Deinde alij dicebat: *Tu vero quantum debes?* Qui ait: *Centum coros tritici.* Posteaquam granum tritici, quod est Christus, satum est in terra nostræ carnis, & ad vbertatem supernam per dominicam fecundatum est sepulturam, factum est ut homo centesimum fructum suo iam debeat auctori: Nisi, inquit, granum frumenti cadens in terram mortuum fuerit, ipsum solum manet. Videns ego villicus satis prouidet, cum dicit, *Accipe cautionem tuam, & scribe octoginta.* Quia sicut quinquagesimus misericordiam confert, ita octogesimus totam fidē præfiguratur & gratiam. Hic est numerus, in quo decalogum legis esse, & ogdoadē gratiæ satis gnarus legis, satis studiosus euangelii lector intelligit. Itaque villicus cum dicit, *scribe octoginta*, id agit, ut per gratiam soluat, quod reddere non poterat per naturam. Bene ergo iste villicus meruit lau-

Psal. 10.

Leui. 25.

Rom. 11.

Mat. 12.

dem domini sui, qui in chirographis non fraudem molitus est, sed salutem: quod autem dixit, *prudentiores sunt filij sæculi in generatione sua, quàm filij lucis*. Ita intelligendum est, quia qui erant filii sæculi quondam, id est gẽriles, nunc electi sunt dei: & qui erant filii dei, hoc est Iudæi, nunc in filiis sæculi sunt relictī. *In generatione sua*. Quia renati sunt, non qua-
 ti sunt, Scribantur hæc, inquit, in generatione altera. Altera
 hæc est generatio quęrentium dominum. Deus autem scienti-
 æ & illuminationis illuminet corda vestra, & totam scienti-
 æ suæ plenitudinem in vestræ mentis infundat arcanum.

De decollatione diui Iohannis Baptiste.

Sermo CXXVII.

Qui falso diui Chrysostomi titulo editus est.

Hodie nobis Iohannis virtus, Herodis feritas dum refer-
 tur concussa sunt viscera, corda tremuerunt, caligauit
 visus, intellectus hebuit, au fugit auditus: Aut quid cõstat in
 sensibus humanis, quando perdidit virtutum magnitudinẽ
 criminum magnitudo. Herodes, inquit, tenuit Ioannem & al-
 ligauit eum, & posuit in carcere. Ioannes virtutum schola, ma-
 gisterium vitę, sanctitatis forma, norma institutię, virginitatis
 speculum, pudicitię titulus, castitatis exemplum, pœnitentię
 via, peccatorum venia, fidei disciplina, Ioannes maior homi-
 ne, par angelis, legis summa, euangelii sanctio, apostolorum
 vox, silentium prophetarum, lucerna mundi, præco iudicis,
 præcursor Christi, metator domini, dei testis, totius medius
 Trinitatis, datur incæstui, traditur adulteri, addicitur salta-
 trici. Meritò ergo concussa sunt viscera, corda tremuerunt.
 At Herodes ipse est qui prophanauit templum, sacerdotium
 sustulit, confudit ordinem, temerauit regnum, corrupit quic-
 quid erat religionis: quod vitę, quod legis, quod morũ, quod
 fidei, quod disciplinę, perdidit & confudit. Herodes sicarius
 in ciues, in nobiles latro, populator in socios, in domesticos
 prædo, interemptor plebis, occisor filiorum, homicida in ex-
 traneos, in proprios patricida, inebrians cruore terram, in siti
 sanguinis permanebat. Hinc est quod Ioannis sanguinem
 pium ingenti poculo crudelitatis absorbit, sed ipsa lectio
 iam loquatur. Herodes, inquit, tenuit Ioannem, & alligauit eum.
 Qui vincula soluerat peccatorum, peccatoris vinculis alli-
 gatur, vt vincula venia locum veniæ non relinquat. Alligauit
 eum, & posuit in carcere. Herodes, tu adulterium facis, & in

carcerem vadit Ioannes? Sic iudicas sedens in loco iudicis reus, in loco vindicis innocentie persecutor? Rogo vbi rerum facies? vbi fama? vbi pudor? vbi exilimatio publici cognitoris? certe vbi deus? vbi homo? vbi fas? vbi lex? vbi ipsius iura naturæ? Simul omnia sunt Herodes te agente, te iudicante, te iubente confusa. *Tenuit, inquit, Ioannem, & alligauit eum, & posuit in carcere.* Herodes, te causa petit, te arguunt vincula, te carcer accusat, te diuulgat producta in publicum Ioannis iniuria: causam custodiz qui requirit inuenit in te quod puniat, & in Ioanne quod delectat. Ioannes orbi notus, fama virtutis cognitus, celebratissimus sanctitate dum trahit ad se suæ inquisitores iniuriæ, facit vt tuus cunctis innotescat inextus: agit vt te habeat confusio publica, quem corrigere non potuit secreta correctio Herodem Ioannes monitis, non accusatione pulsabat: corrigere voluit, non perire: sed Herodes facibus libidinis ardens perire maluit, quam redire: & uxorem fratris illicite possidere. Captiuis criminum, innocentiz inimicis, odiosa fit semper libertas, virtus contraria vitiosis, sacrilegis exosa sanctitas, inimica castitas impudicis, corruptis integritas pœna, luxuriosis aduersa frugalitas, crudelibus misericordia, pietas impiis, iniustis iustitia non ferenda: probat hoc euangelista cum dicit, *Dicebat enim illi Ioannes, non licet tibi habere uxorem Philippi fratris tui.* Ecce vnde Ioannes offendit, ecce vnde Herodes furit: malos qui monet offendit, incurrit odium qui arguit criminosos. Dicebat Ioannes quod erat legis, quod iustitiæ, quod salutis: certe quod erat non odii, sed amoris: ecce qualem consecutus est ab impio pro pietate mercedem. *Volens, inquit, occidere eum, timuit populum.* Facile deuiat à iustitia, qui in causis non deum, sed hominem pertimescit. Hic timor peccandi facultatē differt potest, auferre non potest voluntatem: vnde etiam quos suspendit à crimine, auidiores reddit ad crimen, & æstuat animo quousque perficiat quod cogitat malum. Solus est dei timor qui mentes corrigit, fugat crimina innocentiam seruat, perpetuam tribuit facultatem. Sed audiamus ipsam Ioannis beatissimi passionem. *Die, inquit, natalis Herodis saltauit Herodiadis filia in medio triclinio, & placuit Herodi: vnde iureiurando pollicitus est dare ei quodcumque postulasset ab eo. At illa premonita à matre sua, da, mihi, inquit, hic in disco caput Ioannis Baptiste. Hæc est mulieris antiqua malitia, quæ Adam eiecit de paradisi deliciis:*

hec cælestes homines fecit esse terrenos: hæc humanum genus misit in infernum, hæc vitam abstulit mundo propter unius arboris pomum: hoc malum quod homines ducit ad mortem: hoc malum fugit Elias propheta. & cuius lingua *1. Reg. 19.* clavis facta est cæli tanquam reus fugit à facie mulieris, hæc inuenit verum laborem & pressuram, quæ nunc occidit Ioannem Baptistam, deiecit pueritiam, perdit iuuentutem, illicite & inquietat emortuam senectutem. *Irmonita à matre sua, da mihi, inquit, in disco caput Ioannis Baptiste.* De matris pectore dans iugulum noua belua, contempta corporis præda, caput ipsum truncatura peruadit. *Et contristatus est Rex, propter iusiurandum tamen, & propter discumbentes iussit dari: misitque decollari Ioannem. & allatum est caput eius in disco, & datum est puellæ, & puella dedit matri suæ.* Audistis fratres, quanta sit nara de voluptate crudelitas, de libidine impietas. *Et allatum est caput eius in disco.* In arenam vertitur domus, mensa migrat in caueam. fiunt de pransoribus spectatores, furore muratur conuiuium: sic cibus cædes, vinum transit in sanguinem, finis apponitur natali, in ortu exhibetur occasus, conuiuium in homicidium commutatur, organa tragædiam personant sæcularem, intrat bestia, non puella querit amputare, non saltare: discurret fera, non fœmina spargit iubas per ceruicem, non capillos: membra dilatat anfractibus sœuitiæ, crescit augmentis: si grâdis crudelitate, non corpore & singularis fera visque dum capiat prædam, frenit ore, dentibus frendit, ferit non suscipit, sed producit Verum ne quis existimet declamare nos velle de rabibus, nos non declamare volumus, sed clamare: vt festiuitatum gaudia sint cauta vestrarum: nataliumque vestrorum solennitas teneat in exultatione mensuram, epulis nostris intersit Christus, in facie prandeatur auctoris, honestate conuiuii natura ipsa quæ vos producit honoretur, lætitia mensæ vestræ pertingat ad pauperes, familia vestra innocentæ tripudiet disciplina: luxur absint, fugetur effusio, saltatricum pestis lenocinia cantorum, voluptatum fomenta ventris onera, naufragia mentium, cum Herodiadis conuiuiis abscondantur: vt præsens gaudium vestrum ad lætitiâ perueriat sempiternam. Hodie fratres sermonem tulimus, non in Herodem tantum, sed etiam in Herodiadem: quia satis auditor intelligit, quanta sit fœlicitas martyris, quando miseriam persecutoris audierit: scire tamen nos cõ-

uenit, quia & Ioannes de morte sua natus est, & de natali suo mortuus est Herodes.

In diuum Apollinarem episcopum & martyrem,

Sermo CX XVIII.

BEatus Apollinaris primo sacerdotio solus hanc ecclesiam Rauennatem vernaculo atque inclyto martyrii honore decorauit. Merito Apollinatis, quia iuxta mandatum dei sui hic perdidit animam suam, ut eam inueniret in vitam sempiternam. Beatus qui ita cursum consummauit, fidem seruauit, ut vere primus à credentibus suo repetiretur in loco. Nec cum quisquam confessoris vocabulo minorem credat esse, quam martyrem, quem dei nutu quotidianum, & multiplicem reuersum conspicit ad agonem. Audi Paulum dicentem, Quotidie morior. Semel mori patum est eum, qui potest regi suo gloriosam saepe de hostibus referre victoriam. Non tam mors quam fides & deuotio martyrem facit: & sicut virtutis est in acie, in cōflictu, pro re amore succumbere, ita perfectæ virtutis est diu agere & consummare certamina. Non ideo persecutus est martyrem: quia non intulit mortē, sed probauit martyrem: quia non elicit fidem, iniecit tela quæ potuit, & omnia armorum suorum genera callidus exegit inimicus: nec tamen fortissimi ductoris mouere mentem potuit, aut temerare constantiam. Summum est fratres pro domino præsentem vitam si necesse sit contemnere, sed gloriosum est etiam cum vita mundum suo tempore & conculcare cum principe. Festinabat Christus ad martyrem, martyr suum festinabat ad regē. Bene diximus festinabat, iuxta illud prophetæ, Exurge in occursum mihi, & vide. Sed ut propugnatorem suum sibi ecclesia sancta retineret, Christo vehementer occurrit, ut vincēti iustitiæ reseruaret coronam, & sibi belli tempore præliatoris sui præsentiam condonaret. Fundebat saepe confessus sanguinem suum, suisque vulneribus fide mentis suæ testabatur auctorem. Cælum suscipiens carnem despiciebat & terram. Vicit tamen, tenuit, & à suo desiderio retardari martyrem tenera adhuc ecclesiæ impetrauit infantia. Infantiam dico fratres, quæ totum semper obtinet, quæ plus lachrymis, quam virium ratione cōtendit. Neque enim tantum vultus & sudor fortium, quantum possunt lachrymæ paruulorum: quia ibi corp ora, hic corda franguntur: ibi mentis iudicia vix mouentur, hic tota pietas in-

clina

1 Co. 15.

Isal. 18.

elinata descēdit. Et quid plura fratres? Egit, egit ecclesia sancta mater, ut nusquam à suo separaretur antistite. Ecce viuit, ecce ut bonus pastor suo medius assistit in grege: nec unquā separatur spiritu, qui corpore præcessit ad tempus, præcessit dico habitu: cæterum ipsa inter nos corporis sui habitatione quiescit. Extinctus est diabolus, persecutor occubuit: ecce regnat & viuit, qui pro rege suo desiderauit occidi, qui viuit & regnat cū patre in vnitæte spiritus sancti deus, per omnia sæculorum sæcula.

In diuum Cyprianum martyrem.

Sermo CXXIX.

Quoniam hodie deo in natali sancti Cypriani martyris conuenimus, in quo miro certamine de diabolo triumphauit, & quia nobis virtutum suarum gloriosum reliquit exemplum: ideo exultare nos conuenit & lætari. Natalem ergo sanctorum cum auditis charissimi, nolite putare illum dici, quo nascuntur in terram de carne, sed de terra in cælū, de labore ad requiem, de tentationibus ad quietem, de cruciatibus ad delicias, non fluxas, sed fortes & stabiles & æternas: de mundanis risibus ad coronam & gloriam. Tales natales digne martyrum celebrantur. Cum ergo huiusmodi festiuitas agitur, noli æstimare charissime, quod in solis prandiis & profusioribus epulis natales martyrum celebrentur: sed imitandum tibi proponitur quod in memoria martyris celebras. Aspice ergo charissime alacritatem populi circumstantis. In hac enim die aliquando turba astitit impiorum, cum sanctus Cyprianus iussu tyranni feriretur: tunc turba malorum, expectantium chori, nunc multitudo fidelium ad collatandum deuota confluit: tunc turba sequentium, nunc exultantium: tunc desperantium, nunc sperantium. Idcirco ergo natales martyrum annua lætitia celebrantur, ut quod semel actum est, per omne æuum in memoria maneat deuotorum. Gesta res est charissime, ne te dices ignorare, celebrantur annua, ne dicas, oblitus sum. Ad hæc ergo imitanda vos animare charissimi, hanc magnanimitatis gratiam concupiscere: hoc petite dari vobis, quod ille meruit adipisci. Omnes enim cælestia cupientes terrenorum honorum laqueis irreti non possunt, quia conuersationem suam in cælestibus statuerunt. Sicut ait sanctus Apostolus, Nostra autem cōuersatio in cælis. Dirigatur ergo cordis nostri desiderium ad ha-

Phil. 3.

bitationem cœlestem, vbi quum dispersus fuerit pauperibus thesaurus vester, illic erit & cor vestrum. Thesaurus autē bonorum omnium Christus est, qui vos cum Patre & Filio & Spiritu sancto donis cœlestibus, & nunc, & in æternum cumulare & replere dignetur.

In consecratione episcopi.

Sermo CXXX.

Isa. 52.

Psal. 44.

Psal. 44.

Mat. 19.

Sicut magnæ promissionis longa expectatio accendit animum, mentem fatigat, ita sensus omnes, & interna ipse viscerum suscitatur optatus promissionis effectus. Hinc est quod hodie, sicut dixit Isaias, Ecclesia mater sancta festiua, tota gaudens & compta processit, induit se tunicam iucunditatis suæ: & sicut sponsa imposuit sibi mitram, ac vario se composuit & decorauit ornatu: vt cœlum stellis fulget luminibus, & terra vernat floribus suis: & vt hortus producit germina sua, ita produxit lætitiā in conspectu omnium filiorum suorum. Quia iuxta pollicitationem Dauid, Hodie pro patre natus est ei filius, qui eam non pondere inclinet, non auctoritate deterreat, non commotione sollicitet, non asperitate conturbet, sed fideli sustentet obsequio: cura peruigili faciat persecuram, sollicito labore necessaria procuret, familiam blanda institutione componat, hospitibus occurrat, parentibus seruiat, regibus obtemperet, potestatibus collaboret, det senibus reuerentiam, pueris gratiā, fratribus amorem, paruulis impendat affectum, liberam per Christum cunctis exhibeat seruitutē. Dauid dixit, Audi filia, & vide. Ego dicam, Audi mater & vide, pro patribus tuis nati sunt tibi filij. Sint prudentia senes, gravitate patres, charitate filii, virtute iuvenes, dulcedine soboles, innocentia infantes, malitia paruuli qui mundi sunt nescientes: totam regni dei præsentiam possidentes: attestante domino, cum dicit, Sinite paruulos venire ad me, talium est enim regnum cælorum. Tales generat perpetuæ virginitatis copula, tales generat cælestis vitæ coniunctio, sexus nescia, conceptus conscia, gnara partus, corruptionis ignara, pudore integra, integritate clausa, casta pignoribus, fœcunditate diffusa. Hęc tam pia mater dum vnus germinis sui hodie natalitia festa celebrat, sinus aperit, extendit amplexus, emittit vocem, diuinis cantat in canticis, vt omnes aduocet, omnes capiat, omnes ad congaudent sibi gremio charitatis includat. Adest ipsa etiam mater Christiani perennis & fidelis imperii, quæ dum fide, opere

misericordiae, sanctitate in honore Trinitatis beatam sectatur & imitatur Ecclesiam, procreare, amplecti, possidere, augustinam meruit Trinitatem. Sic remunerat Trinitas in sui amore & ardore feruentes: ista meruit ut daret sibi honorem, gauderet quod sibi fecit ei de gratia religionem con- similem. Ista meruit ut genitricis dignitas per genitricem redundaret in posteros. Oate fratres, ut Christiani principes, quia pia deuotione dignantur nostris occurrere gaudis, nostris solennitatibus interesse, ipsos quoque pari gratia omnium sacerdotum longo in tempore obsecratio deuota commendet.

In illud Ioannis, Si quis sermonem meum seruauerit, &c.

Sermo CXXXI.

Sæpe diximus, quod deus corporeis oculis non videtur, quod diuinitas non clauditur mente carnali, quod humana ratio rerum non capit conditorem: sed deum sola fides attingit, credulitas sentit tota: nec quantus est, sed quia est, hominis quantuscunque est intuetur aspectus. Denique Exo. 33. Moyses, qui de seruo in amicam, de homine promouetur in deum, dei faciem quærit, sed non inuenit: petit, sed non accipit: & ut postertora tantum dei videat admonetur: quatenus homo deum quærat sequi, non præcedere: neque ante deum quæ sint quærere præsumat, sed quod post deum sint omnia adorator agnoscat. Crebro deus hominibus formam hominis demonstrat, & magnitudinem suam tantam breuem nostri corporis colligit in figuram, ut præsentiam diuinam possit infirmus noster oculus intueri, angustus noster recipere Gen. 12. possit aspectus. Sic ad Abraham deus venit in hominis forma, succedit hospitis in figura, & lasciuiatoris in morem accepit pedibus suis aquam, sed & inuitatus ad mensam vituli, & panis appositione saturatur: & ita se totus humano credit & committit obsequio, ut ipso tactu, visu, verum hominem videatur explere: & hoc eo tempore, quo verus deus sterilitati extremæ sentis desperatæ patefactis visceribus in partum sobolem largiturus aduenit. Sic Iacob vianti conuiator occurrit: & ita se humano collegio socium præbet, ut prouocanti homini deus totus in luctam inseratur: & tunc videbatur Gen. 23. neruis aut lacertis vincere, quando victor cælestia dat dona, munera dat diuina. Sic Isaias deum regali habitu sedere cōspexit, ut agnosceret nisi à deo rege regatur reges, ipsos cum Isaia. 6.

Ioan. 7.

sint homines, nihil regere posse rectores. Sic Daniel deum patrem, crine niveo, senectute reuerenda, antiquitate terribilem, septum angelis, igitum sede, ad iudicandum residere conspicit. Sic ipsum filium dei in hominis filio venientem cum celi nubibus intuetur, ut ignotum ante tantis perfidis Christum, fidelibus notum semper fuisse cognoscat. Si toties deus ab hominibus in figura hominis videtur: quid est quod Iudæus modò hominem videns Christum sic exasperatur? nisi fortè figura, honor, veritas, putatur iniuria. Retulit Euāgelista hodie Christum dixisse, *Si quis sermonem meum seruauerit, non videbit mortem in eternum.* Ad quod verbum responderunt Iudæi, *Nunc cognouimus quia demonium habes: Abraham pater noster mortuus est & propheta: & tu dicis, Si quis sermonem meum seruauerit, non gustabit mortem in eternum. Nunquid tu maior es patre nostro Abraham? Quem te ipsum facis?* Omnes perfidia qualiter excepit. O qualiter oculos claudit livor, quantum iudicium cordis nequitia præiudicata confundit: ô quàm dure asputat obstinatio rationem: sensus humanus peruersus audire non potest, quod semel statuit odisse, malis bonitas exosa, iusticia iniustus inimica. Hinc est quòd homines mendaces cognoscere nequeunt veritatem, iudex animus inuenire verum non potest inter nuncia falsitatum. Quod vult, nò quod est, audit semper qui decreuit errare. Dixerat Christus, *Si quis sermonem meum seruauerit, mortem non videbit in eternum.* Iudæus non discuit audita, interpretari sibi dicta non querit: quod ipse impossibile æstimat, exigit ut ille astruat qui promittit: sed mox de conceptu mentis blasphemiam parturit, serit iniurias, maledicta diffundit, & auctoritatem dicentis ita contumeliis vacuare nititur: ut & æterna dare posse mortalibus non credatur, qui sic humanis videtur subiacere. *Nunc scimus quoniam demonium habes.* Dæmon mali auctor, inala promittit, non bona: occidere, non viuificare consuevit, nec vult æternos esse homines, quos nec temporales esse permittit. Ergo non est dæmon, sed deus est Christus, qui redonat quam donauerat vitam: & verbo suo æternos facit homines, quos diabolus persuasione sua fecerat temporales. *Abraham, inquit, mortuus est & propheta: & tu dicis, Si quis sermonem meum seruauerit, mortem non videbit in eternum.* Audiat fidelis, ut fide reuelante cognoscat, quod infidelis nescit audire: quod videre non potest, qui semet incredulitatis demersit

Iodis, 10.

obscuro : dixit Christus , *Mortem non videbit*. Obstinatio tua Iudæ meritiò dicere falsitatem quærit: Abraham & prophetæ verbum audientes tenaciter seruauerunt, sed tamen mortui sunt, sed non in æternum. Ergo cum dicit , *Mortem non videbit*. Et addidit , *In æternum*. Resurrectionem promittit, non temporaliter negat esse morituros. Iudæ quos mors in præsentis sæculo faciebat non esse, hos resurrectione perpetuos reficit in futurum. Audi apertius hoc dicentem, *Ioã. 11. & 5.* Omnis qui crediderit, non morietur in æternum, sed transibit de morte ad vitam. Quomodo non moritur? Quia de morte transit ad vitam. Moritur ergo, moritur omnis qui nascitur de conditione mortali, sed viuit, & in æternum viuit omnis qui renascitur de generatione vitali. Sed dico, qui potuit auferre mortem: quare hominem voluit transire per mortem? gratior enim medicus, qui anticipat morbos, quàm qui morbis ingerit seram, & non sine dolore medicinam. Iudæ fecisset & hoc medicus Christus, si medico agrotus non fuisset ingratus. Ille & vitam dedit, & homini mortem venire prædixit: sed ille qui aduersa non seuserat, prospera seruare nesciuit. Bona quàm sint bona, scire, nisi malorum cognitione non possumus. Ergo magnificabitur Christus, qui & antè inhabitam vitam dedit, & perditam modo reddidit: & homo plus gnarus vitæ erit sibi cautiore, erit plus gratus auctori. Nunquid maior es, inquit, patre nostro Abraham? Plane maior & tanto maior, quantum seruo dominus, quantum deus homine, quantum factura factor, quantum viuificans mortuo, quantum suscitans suscitato. Respondit Iesus, *Abraham exultauit vt videret diem meum, vidit, & gauisus est*. Ille vt ostenderet viuere Abraham, dixit illum vidisse diem suum, id est, diem quo mundo natus est Christus. Dierum conditor non tenetur die, temporis auctor tempora nescit: sed Christus propter hominem homo natus, & diem suscepit & tempus. *Abraham exultauit vt videret diem meum*. Si Moyses & Elias in monte occurrunt, vt promissum conspicerent Christum: quomodo nec Abraham occurrit ad partum virginis, vt promissam benedictionem in gentibus, id est, in semine suo, patientissimus expectator intenderet? Amen amen dico, inquit, vobis, quia ante Abraham ego sum. Si omnia per ipsum facta sunt, & sine ipso factum est nihil: & hic est cui pater dixit, Faciamus hominem ad imaginem & *Gen. 1.*

similitudinem nostram: quomodo Abraham non vidit? Faciamus hominem ad imaginem & similitudinem nostram. Angelus & deus, ut diuersa est substantia, sic imago. Ergo non nisi ad filium loquitur pater, cum dicit, Faciamus hominem ad imaginem & similitudinem nostram, quibus est imago eadem, eademque substantia. *Tulerunt lapides ut mitterent in illum.* Et ædificantes turrem ut altius caderent, ipsi sibi lapides prouiderunt, & isti lapides non ut deum occiderent, sed se vnde occiderent, miserabiles attulerunt. *Iesus abscondit se.* Non timens, sed ignoscens. Deus peccatorem cum fugit, parcit: Deus rebellem non vult perdere, cum declinat.

De unitate fidelium.

Sermo CXXXII.

SI perfecta omnia, si robusta, si nullius indigna gigneret & profertet natura, profecto aboleretur pietas, ingenium deficeret, ars periret, aurum obscuraretur in terra, gemma occultaretur in lapide: utraque tamen inuenit, purgat, distinguit, elimat opifex disciplina: & ars eadem usque ad murem uulæ preciosæ speciem, gratiâque perducit: & quod terra naturæ largo de fonte producit, aut asperatur sensib⁹, aut agresti luxuria dominante syluescit, nisi illud ad cultû suum solers agricolæ reuocet industria: & ne longius euagemur, vno & vernaculo ea in quibus nitimur asseramus exemplo. In cunabulis iam natus homo in homine est, sed latet: est corpus, & non est: membra videntur, & non sunt: viuunt quæ non vigent sensu, inclinatur pietas, defudat industria, ars laborat: & ut plenius dicam, quot membra hominis, tot magisteria ut hominem perficiant, elaborant. Et quid plura? cuncta quæ natura generat vel producit, pietas nutrit, industria excolit, ars decorat. Et quid mirum fratres, si deus qui pati propter hominem voluit, ut hominis honoraret industriam, in rebus præsentibus infirmari voluit & naturam? Hinc est quod sensus in litera latet, occultatur diuinum in humano sermone mysterium: ut quæ credentibus adhuc futura iam patent, perfidis & non credentibus obscurantur, ac sic infidelium pœna fidelium redundet ad gloriam. Non enim parui est cruciatus visa non cernere, audita nescire, salutifera velut noxia declinare, virtutes quasi vitia sic cauere: dicente ipso domino, In parabolis loquor, ut videntes non videant, & audientes non audiant. Et ad fideles, Vobis autem datum est nosse mysterium dei.

Mar. 4.

Luc. 8.

Matt. 13.

Nulli ergo fratres, simplicitate sua aut communis, aut vilis sermo Euangelicus habeatur, præsertim cum ipsa præmia Euangelicæ lectionis nihil bene petentibus, & pie cupientibus prædixerit denegandum, dicendo, *Quia si duo ex vobis concu-
nerint super terram, de omni re quamcunque petierint, fiet illis à pa-
tre meo.* Audistis quantum possit, & præualeat sanctæ peti-
tionis assensus: non dixit illud aut illud, sed totum se pro-
mittit quicquid vnitas postulationis concupierit præstaturū:
cum dicit, *De omni re quamcunque petierint, fiet illis.* Salua tamen
ea cautela & reuerentia, vt à Deo quæ Deo digna sunt po-
stulentur: qui enim mala à Deo postulat, Deum mali iudicat
& sentit authorem: & qui vilia & indigna precatur, præ-
stantis potestatem & potentiam degener petitor ignorat.
Non ergo impia, sed pia: non terrena, sed cælestia: non ille-
cebris, sed virtuti congruas: non digna odiis, sed apta concor-
diæ, à tali semper exoranda sunt largitore. Vbi sunt qui præ-
sumunt Ecclesiæ conuentum posse contemni, & solitarias
preces venerandæ cōgregationi autumant anteferri: si duo-
bus vel tribus simul positis medium se futurum, & omnia se Mat. 18.
promittit quæ postulatus fuerit, præstaturum? Qui nil ne-
gat tam paucis, quid in consiliis & congregatione sancto-
rum poscentibus denegabit? Sic credens propheta hoc ade-
ptum se gloriatur, cum dicit, Confitebor tibi domine in Psa. 110.
roto corde meo, in consilio iustorum & congregatione.
Toto corde confitetur, qui totum sibi in consilio sancto-
rum, quod poposcerit audit esse præstandum. Sed nonnul-
li sub specie fidei contemptus sui excusare nituntur igna-
uiam, vt neglecto venerandi cœtus & congregationis ardore:
illud se tempus orationi deputasse consingant, quod do-
mesticis dederint & impenderint curis: & dum propriis desi-
deriis mancipantur, diuina contemnunt & despiciunt insti-
tuta. Isti sunt qui corpus Christi dissipant, membra disper-
gunt: nec ad decorem suum patiuntur formam dominici ha-
bitus peruenire: quam propheta cum vidisset in spiritu, sic
canebat, Speciosus forma præ filiis hominum. Habent qui- Psal. 44.
dem singula membra proprium sui munus officij, quod ta-
men tunc implere poterunt, si connexa sibi & compaginata
perfecti corporis perueniant ad decorem. Hoc ergo interest
inter cōgregationis plenitudinem gloriosam, & separationis
præsumptam de ignorantia, aut negligentia vanitatem: quod

in salute & honore integri corporis, species est vnitas membrorum: & in separatione viscerum est fœda, lethalis, & horrenda perniciēs. Homo, quid aliud te docuit in tuo corpore, aut sic diuisa coniunctio, aut tam coniuncta diuisio, nisi vt ex multis vnus, & vnus in multis viueres? Est membrorum cō-mercio salutarī precīosus oculus, sed si perseverat in corpore: alioqui vbi corpori defuerit, sibi non aderit: debēt illi mēbra omnia suæ lucis obsequium: sed & ipse oculus sentit corpori se debere quod lux est, qui vtiq̃e cum omnibus mēbris ministratum membrorum prouideat, euulsus à corpore nec sibi videt. Quisquis ille est qui se putat esse aliquid, tali institutus exēplo maneat in Ecclesia, vt sit aliquid: alioqui vbi defuerit illi, sibi esse mox desinit. Quod qui plenius nosse desiderat, Apostoli de corpore Christi loquētis perlegat instituta quia nos illa percurrere sermonis breuitas amica nō patitur. Lex est data non vni, sed omnibus: Christus nō pro vno, nec ad vnum, sed ad omnes, & pro omnibus venit: vt redintegraret omnes in vnum, quod solum bonum, solum iucundum propheta futuri præscius, sic proclamat, Ecce quā bonum & quā iucūdam habitare fratres in vnum. Quia Deo non singularitas est accepta, sed vnitas. Spiritus sanctus Apostolis in vnum congregatis vbertate tota sui fontis illabitur: cuius vt simul discipuli operirentur aduentum dominicæ sunt præceptione commoniti. Fratres, amittit diuina munera, perdit gratiæ largitatem, charitatis fraudatur bonis, vnitatis illud benedictio non manebit, qui de se malefidus, & ex defectu suo stulte sibi sufficiens, sic præter Ecclesiam vitam querit: quam in ipsa tantum esse propheta testatur, dicendo, Ecce quā bonum & quā iucundum habitare fratres in vnum: quia illic mandauit dominus benedictionem & vitam vsque in sæculum.

In diuinum Andreæ Apostolum.

Sermo CXXXIII.

Beatissimus Andreas merito natus hodie creditur, quando nō ad præsentem vitam materno est effusus ex utero, sed conceptu fidei, martyrii partu, cælestem noscitur generatus ad gloriam. Quando non cum materna cunabula suscipere vagientem, sed superna triumphantem secreta receperunt: quando non infirmum lactis pastum genitricis trahit ex pectore, sed pro rege suo deuotissimus miles virtutis sanguine fudit. Vixit, quia mortem cælestis militiæ bellator occidit,

1. Cor. 12.

Psa. 132.

Acto. 2.

Acto. 1.

Psa. 132.

Sequitur hic moriendo dominum æstans & anhelans, ac
coro virtutis gradu dominicis incumbit herere vestigiis, nec
eū cursus faciat disparē fratri, quem natura similem, vocatio
socium, parem gratia ipsa perfecerat. Ad vnam vocē domini
sicut ille patrem, patriam, censum reliquit: laboribus, oppro-
briis, irineribus, cōtumeliis, vigiliis, Christi indefesse germa-
ni societare donauit: solū est, quod tēpore dominicæ passio-
nis fugit, sed neque hoc impat quia fugire negare autem si a-
liqua putatur culpa, non est grauius fugere, quā negare: sed
tacēda sunt alia: æquauit fratres venia, quos sic dis creuerat
culpa. Et secutus vt deuotio perprobauit, quos metus impro-
bauerat antecedens. Nā crucē qua refugerāt, postea cōiūctis
viribus ardentē inuadunt, vt vnde reatum sumpserant, inde
conscenderent cælum, inde præmium sumerent, & coronam.
Petrus nanque crucem, arborem conscendit Andreas: vt qui
Christo compati gestiebant, in semetipsis figuram, formam-
que ipsius exprimerent passionis: & redempti ligno cōsum-
marentur ad palmam. Sic Andreas noster & si cedit ordini,
præmio tamen non cedit, & labori.

In diuam Fælicitatem martyrem. Sermo CXXXIIII.

Quoniam varios martyrum, multiplicēve triumphos,
quos persecutoris crudeliras toties illusa cumulauit,
tempus nos dinumerare non paritur, ad illam tota nostri
sermonis confugit oratio, quæ meruit filios tot habere, quot
dies mundus accepit. Vere maris lumen, fons dierum, quæ
septenario corusco germinis sui toto orbe splēdet. Beata quæ
non solum pro lege patitur, sed ipsius legis heptalismū me-
ruit mater sancta generare: heptalismum fratres, qui non v-
nius & temporalis tabernaculi illustraret arcanum, sed Ec-
clesiam sempiternam sacro illuminaret incenso. Fælix, quæ Eccl. 25
meruit portare tot virtutum pignora, quot illa arca præce-
ptorum volumina sacrata gestauit: & vt illa verbo, ita hæc
doceret exemplo. Iam tunc eos fratres martyres genuit, quā-
do eos partus sui septenario numero consecrauit, & mystico.
Huc, huc sanctus Paulus veniat, qui adhuc parturit donec
Christus formetur in homine. Ecce mulier iterum, atque ite- Gal. 4.
rum parturit, donec in virtutem mutetur infirmitas, caro trā-
scendat in spiritum, terra transferatur in cælum. Ardebat, an-
helabat, vt eos vno die sacros martyres pareret, quo vix par-

uulos per annorum curricula generabat. Ecce mulier, ecce mater, quam vita filiorum fecit anxiam, mors securam. Beata, cui in futura gloria tot altant candelabra, quot germina. Beata, quæ tot præmisit ad regnum: beator quæ suum in sæculo nil amisit. Discurrerebat lætior inter confossa cadauera, quàm inter cunabula chara filiorum: quia internis oculis tot eernebat braua, quot vulnera: quot tormenta, tot præmia: quot victimas, tot coronas. Et quid plura fratres? Non est, nõ est vera mater, quæ nescit filios sic amare.

In diuum Laurentium.

Sermo CXXXV.

Hodiernus dies beatissimi martyris Laurentii corona illustratur, cuius egregij martyris merita nulla pars Romani orbis ignorat. Passus est in ipso capite gentium, id est, in ipsa vrbe Romana. Ibi enim diaconus ministravit: & in ipso iuuentutis suæ flore decorem iuuentutis suæ sanguine purpurauit. Passio eius insignis est, multumque mirabilis: hanc breuiter domino adiuuante narrabo. Illo tunc Archidiacono beatus Sixtus erat Episcopus, cuius triumphus martyrii ante triduum fuit. Cum ergo sanctus Laurentius Episcopum suum Sixtum pergentem ad martyrium sequeretur, fide fulcus, tristis affectu, nõ quia ille patiebatur, sed quia ab illo ipse deserebatur, respexit venerabilis senex venerabilem iuuenem, & ait illi, Noli esse tristis fili, post triduum me sequeris. Tunc ille ebibita prophetia, iã corde patatissimus, ex spiritu ebrius, certum sperauit futurum, quod prædixerat ille qui nouerat. Deinde apprehensus est adductus: & quoniam erat Archidiaconus, apud illum esse vtrique credebantur opes Ecclesiæ quas desiderabat persecutor, non tam avarus, quàm furiosus. Oderat quem occidebat: sed amabat apud eum quod ille contemnebat. Erat autem sanctus Laurentius pauper opibus, diues moribus: non se negauit Ecclesiæ habere diuitias, sed vt eas ostenderet, tridui dilationem petiit, deinde mandauit congregari agmina pauperum. Tunc deinde ipso die coronæ suæ præsentatus examini, tanquã demonstraturus quod illè quærebat, demonstrauit quod habebat. Tunc ait persecutor, Vbi sunt Ecclesiæ facultates? At ille manum extendens in pauperes, Hæ sunt, inquit, Ecclesiæ facultates. Verũ dixit, sed amarum Quid autem mirum, si veritas auxit odium? Irrisum se dolens crudelis tyrannus & avarus inimicus, qui forse mitiorem poenam cogitauerat, ferro interficere venerabilem

iuuenem, parari flammis præcepit. Plus ardebat, quàm vrebatur: vrebat in carne, ardebat in corde. Supplicium eius tanto erat grauius, quanto interius. Tunc oblata est torrenda, & vt verius dicam, affanda martyrio nobilis illa Laurentii craticula: astrictus est ferro, sed ille craticulam supplicii, lectū quietis putabat: supplicium dixi, secundum animum patientis, non secundum cōscientiam patientis. Nullum est enim supplicium damnati, vbi non est pœna peccati. Itaque beatissimus martyr ostēdens quā quietē iaceret in illo ignito ferro, ait circumstantibus: Iam me versate, & si vna pars cocta est, vorate. Miramur patientiam, donum Dei miremur. Ibi fides non solum non arsit, sed & consolabatur ardentem. Quare fides consolabatur ardentem? Quia fidelem tenebat promittentem. Vt fides non deficeret, vt spes nō auerteretur, vt charitas inter pœnas igneas corporales plus accenderetur, Dei dona erant. Fratres mei, nemo arroget potentiae suae quod non dat nisi Deus. Merito Apostolus alloquens martyres, vt in epistola eius hodie cum legeretur, audistis, Vobis, inquit, donatum est pro Christo, non solum vt credatis in eum, sed etiam vt patiamini pro eo. Ergo martyrum merita velut Dei dona laudemus, amemus, oremus, subiciamus voluntatem nostram. Voluntas enim sequitur, non præuenit. Sed tamen non deest charitas, si non desit voluntas: ipsa enim ardēs voluntas vocatur charitas. Quis est qui timeat volens? quis est qui amet nolens? ferueat oratio, & festum martyris celebretur: sed vt non sit inanis qui celebrat, imitemur.

In Adelphum Episcopum.

Sermo CXXXVI.

Habet hoc Adelphi antistitis sanctus animus, & plena pietate dignatio, vt diues pauperis intret hospirium, pauperis se ponat ad mensam, & humilibus se faciat esse cōmunem, quem diuitiis, potestas, honor fecit & reddidit singularem. Inter maximas enim virtutes numeranda est ista voluntas, quæ contempto obsequii sui fastu despecta magnificē domus reuerentia, calcato etiam suae fastigio potestatis, & abiecta opum suarum interna conscientia, vnde tumor maximus humanis semper dominatur in mentibus, ad vilissimas inopis se inclinauit angustias, vt suo pauperem contubernio sublimaret. Beatus plane iste animus, & ab omni morbo arrogantiae remotus, qui ad hoc pauperis diuerso-

rium primus intrauit: vt antè humanitatis debitor, quàm largitor existeret. Imitari deum euidenter iste gēstiuir, qui antè humani in corpore suscepit obsequia, quàm beneficia homini diuina concederet, quòd pontificem dei summi pręsentem Adelpum fecisse cōspicimus: qui cum sit verbo diues, scientia copiosus, magnus ingenio, loco primus, egeni sensus, & mediocis eloquij nostri audientiam concipuit: illius prophete instar, qui illius viduę victum esuriuit extremum, & paruulorum eius sua fame vexauit angustias, nouū differens sua petitione ministerium, vt petendo tribueret, esuriendo saturaret, & exhauriendo deficientibus horreum diuina largitate cumlaret. Et nos filioli quod habuimus dedisse nō pœnitet: quia & si nos factum conturbauit ad tempus, releuat, & solatur exemplum. Cito ad verbū huius dei hominis exiguitas ingenij nostri, vt viduę illius pastus, cēlesti proficiet incremento, ac deinceps à reposito cordis nostri non vitę substantia deficiet, sed ipsa inopia abolebitur, & defectus. Fœlix vena, quę suo ditatur irriguo, & fluenta putei sui tota acquirit, atq; attrahit libertate. Ecce venit, & sublimes vestros animos cēlestis imber infudit: totòque impetu superui fluminis, quę in vobis est, ciuitatem dei suo rigauit illapsu, vt terra nostra diuino rore madida cētēsimum vsque fœcundetur ad fructum. Aperite sensus, corda dilatarate, & gremium vestrę mentis extēdite: vt quicquid de cēlestibus iste thesaurus vobis largiter effuderit, ad æternam gloriam, & censum perpetem, possidere possitis.

De predicatione diui Ioannis Baptiste.

Sermo CXXXVII.

Posteaquam legis vomere, & iugi cultu exinanita Iudaici cespitis est vbertas, beatus Ioannes gentium conuolans ad desertum, sentes criminum spiritus igne succēdens, infructuosas arbores excidens ultionis securi, complanās asperos superbię colles, humilitatis conualles erigens exequando, & planitiem terrę totam (gramine perditò) aptans, nutritibus fluctis submittens irrigua Iordanis: ac sic euangelico semini noualia diffusa pręparat, fœcunda componit. *Factum est, inquit, verbum domini super Ioannem Zacharię filium in deserto. Verbum caro factum est, & habitauit in nobis. Super Ioannem. Quare non ad Ioannem, sed super Ioannem? Quia quod de Iursum est, super omnes est. Factum est verbum domini super*

*Luc. 3.
Ioan. 1.*

Ioannem. Quia Ioannes vox est, deus verbum. Factum est verbum domini super Ioannem. Deus super Ioannem, super seruum dominus, super vocem verbum. Sed dicis mihi, Quid, quod vox præcedit verbum? Præcedit, sed non præcellit: antecedit ad sequentis obsequium, nõ ad proprię potestatis iudicium. Vox non est ipsa iudex, sed est nuncia iudicantis: verbum iudicat, vox prætonat, iubentem potestas respicit, non clamantem. Sed hoc fateatur, testetur, asserat vox ipsa, præco ipse, qui clamat, Qui post me venit, inquit, fortior me est. Quare? quia in me terror est, in illo est sententia. Venit in omnem regionem Iordanis. Venit ad Iordanem, quia Iudaicas sor- Matt. 3.
Ioan. 1.
des nõ poterat hydria iam leuare, sed flumen. Sicut scriptum est, Erant, inquit, hydriz lapidez secundum purificationem Iudæorum. Venit ad Iordanem. Vt pœnitentes potaret aqua, non vino. Venit in omnem regionem Iordanis, prædicans baptismum pœnitentię in remissionem peccatorum. Erat penes Ioannem venia, sed non sine pœnitentiā: erat remissio, sed luctibus comparata: erat cura vulneris cum dolore, erat baptismus quod culpam tolleret, consciętiā nõ * deleteret. Et quid plura? Per * Alias ostē-
baptisma Ioannis purificabatur homo ad pœnitentiā, non deret.
promouebatur ad gratiā. At vero Christi baptismus sic regenerat, sic immutat, sic hominem reddit ex vetere nouū, vt præterita nesciat, non recordetur antiqua, qui de terreno cælestis iam cælestia possidet, & diuina. Hinc est, quod redeū- Luc. 15.
ti post luxuriam filio pater immortalitatis reddit stolam primam, annulum libertatis imponit, occidit vitulum saginatū, aquas pœnitentię, gratię conuertit in vinum, vt conuiuium gratię iam pocula mera satiarent: quatenus conscientię dolores, pœnitentię gemitus, peccatorum lamęta, sobria dominici calicis aboleret ebrietas. Dicente propheta, Et calix tuus Psal. 22.
inebrians, quā præclarus est. Quantum enim terrena ebrietas est deformis, tantum præclara & decora ebrietas est cælestis. Dicebat ergo ad turbas, quę exibant, vt ab illō baptizarentur: Progenies viperarum, quis ostendit vobis fugere ab ira ventura? Facite ergo dignos fructus pœnitentię. & ne experitis dicere, patrem habemus Abraham: dico enim vobis, quod potens est deus de lapidibus istis suscitare filios Abrahę. Iam enim securus ad radices arborum posita est. Omnis arbor non faciens fructum bonum, excidetur, & in ignem mittetur. Progenies viperarum. Exemplo corripit, comparatione notat, figura prodit, vt iam non mores solum, sed ipsam

naturam possit venenosi germinis immutare. *Progenies viperarum*. Quia quos deus creauerat homines, fecerat filios Abraham, malitia peperit, & conuertit in viperas: & quos conditos cælestis dulcedine pietatis infudetat, hos impietas amara fecit lethales vomitus, serpentium virus effundere: & in sando crudelitatis auspicio de morte patris concipi, matris de morte generari. *Progenies viperarum*. Soboles ingrata naturæ, cuius ortus est genitoris exitium, cuius vita est mors parentis. *Progenies viperarum*. Vipera conceptus sui tempore intra os suum receptum caput coniugis refertur abscindere, vt per cruenta oscula non foetum concipiat illa, sed crimen: ac sic carnifices sceleris sui pariat filios, vindictæ ordine, non naturæ. Nam genimina patris concepta de eade, sanguinis antequam lactis exigunt nutrimentum, & vltionem petunt, matris nanque vterum viperæ dicuntur exciudere, & scelestum conceptus sui domicilium adhuc immaturis visceribus, maturo furore confringere: vt hoc sit illis viuere, matrem suam, matrem quæ illos tales genuit, non videre. Compulsi latius comparationis quam sanctus Ioannes fecerat typum descripsimus, & figuram, vt non maledicti, sed veritatis sit, quod ab illo Iudæi taliter nuncupantur. *Progenies viperarum*. Synagogam fratres, eiusque filios tales fuisse demonstrat: ad quam Christus affectu coniugis cum venisset, dicente Ioanne, *Qui sponsam habet, sponsus est: inter amplexus & oscula cruenta Iudæ, Christi caput est expetitur, & ore petitur, cum dicitur, Crucifige, crucifige. Vnde pignora sanguine concepta, tanto mox ad matris armantur interitum, vt disrupto synagogæ vtero ad vocem Ioannis concurrerent & regenerarentur ad dei progeniem, Progenies viperarum, quis ostendit vobis surgere à ventura ira? Quæ est ista ira ventura? Illa quæ non habet finem: quæ hominem non absoluit morte, sed colligat: nec iam veniæ spem habere permittit, quem semel tartari deputari: ad poenam. Admoniti taliter, cognoscunt & genus, & crimen: & ideo responderunt, dicentes: *Quid faciemus, vt saluemur? Qui respondens, ait illis. Quod dicturus est fratres, timeo dicere, ne quot auditores hodie video contemptores, ille tot faciat contumaces. Qui faciam? Dicere timeo, tacere non possum: aliud me prohibet pietas, ad aliud impellit utilitas: Pietas, quæ non audirur, ne dum contemnit, incurrat: utilitas, ne qui facturus sit non audiat, & per hoc doctor offendant.**

Dico fratres, vt & nudus se vestiatur, & ego me exuam. *Qui habet, inquit, duas tunicas, det non habenti: & qui habet escas, similiter faciat.* Puta sine satis petit, qui de duabus tunicis vnā petit? Non satis petit: quia non petit gemmā, sed tunicā: non aurum, sed panem. Et si qui de duabus tunicis non dederit vnā, reus est: qualis est vnā de plurimis qui negarit? qui ad hoc vestes suas carcerat, & panem claudit, vt pauper fame pereat, frigore cōsumatur? Ille vestes sepelit, non reponit: nō credit diligentī, sed sepulchris: qui quod negat pauperi, dat tinea: & ipse vestibus suis corporis vorator est, dicente domo, Vermis eorum non morietur: quia Christum concussit pauperis fames, dolor hominis dei profiliuit ad viscera, captiui gemitus ad Christi penetrauit interna, inopis contemptus ad creatoris sui redundauit iniuriam, proficiente ipso, cum dicit, *Esuriui, & non dedistis mihi manducare: nudus fui, & nō vestistis me.* *Venerunt & publicani dicentes, Quid faciemus? Audiant publicani: Nihil amplius quā constitutum est vobis, petatis.* Prodidit quæ res reum faciat publicanum, ne amplius petatis. *Qui plus petit, fraudis exactor est, non tributū: cogitet quā deo reus est, qui de fessum & depressum publicat: magis ac magis sua fraude deprimat & fatigat: & ad debita vix sufficienti superimponit, & auget indebita.* *Venerunt & milites, dicentes, Audiant & milites quid etiam militibus interrogantibus responderit hic magister: Et nos quid faciemus? Et ait illis, Neminem concutatis, neque calumniemini: contenti estote stipendiis vestris.* Verus miles est, qui non concutit, sed defendit: qui calumniam non ingerit, sed repellit: qui currit ad regis stipendia, non ciuis currit ad prædā. Beatus Ioannes sic diuina docuit, vt non turbaret humana: instituit rem publicā, non dimouit: probauit à deo ordinata esse quæ docuit posse facere & seruare iusticiam. Quid sit autem inter baptisma Ioannis, & Christi baptisma, quia latius explanandum est, nunc tacemus.

De pace.

Sermo

C X X X V I I I.

Melius quidē fuerat, fratres charissimi, si pater, ac magister noster communis impericiam nostram latere permitteret: nec publicaret penuriam quæ in nobis hæctenus velamentō propriæ verecundiæ regitur. Melius fuerat, vt qui tam copiose abundat in spiritualibus doctrinæ diuitiis, de nauicula pauperis nequaquā tenuis verbi vestigial exigeret,

Luc. 10.

Phil. 4.

Colo. 1.

Quis enim aut egenus diuitibus, aut peregrinus ciuibus, aut agrestis & ignarus studiosis conferat? Tamē quoniam iussis parere cogimur, eadem nos humilitatis ratio, quæ excusare videtur, ad dicendum cogit, cogit ad obediendum. Quid igitur est ō religiosa plebs domini, quod vobis quanuis pauperes, quanuis ineruditissimi, attamen decenter offerimus? Pacem sine dubio, quam dominus noster Iesus Christus ingredienti nos offerre omni domui iubet: vnde & nos in principio salutationis nostræ pacem vobis à domino exorauimus: quæ & habenda semper est, & semper oranda, non illa infida, & instabilis huius mundi pax, quæ vel pro commodis quarritur, vel pro timore seruat: sed pax Christi, quæ secundum sententiam Apostoli Pauli, superat omnem mentem, & credentium corda custodit. Pax, quæ charitatis fecundis nutritur vberibus. Pax, alumna fidei: columna iustitiæ. Pax, futurę spei pignus idoneum. Pax, quę præsentēs sociat, absentes inuitat. Pax, quę terrena cęlestibus & diuinis humana conciliat: sic enim dicit Apostolus, Quod dominus noster Iesus Christus pacificauit per sanguinem suum non solum quę in terris sunt, sed quę in cęlis. Hęc ergo vobis charissimi pro viribus pauperis viatici peregrinus viator exposuit, expectans magis vnā vobiscum apud mensam potētis magistri affluentibus, & copiosis dapibus saginati. Deus autem pacis qui cęlestibus terrena coniunxit, cōcedat nobis eadem sapere in alterutrum: & plena vnanimitate gaudere, per Christum dominum nostrum, per quem est deo patri omnipotenti gloria in sæcula sæculorum. Amen.

De remittendo fratri delicto. Sermo CXXXIX.

Luc. 17.

Sicut in terra latet aurum, ita diuinus sensus verbis celatur humanis: & ideo quoties dominica nobis eloquia panduntur, mens euigilet, animus intendar, vt intellectus possit scientiæ cęlestis intrare secretum. Quare dominus hodie sic cœperit, audiamus. *Attendite, inquit, vobis.* Quid sibi ista nouitas elocutionis? Quo ista tendit admonitio præter vsum? *Attendite, inquit, vobis.* Ille attendit sibi, qui non alienis actibus importunis, impudens, curiosus intendit. *Attendite, inquit, vobis.* Vagus oculus, lasciuus intuitus, improbus aspectus, suas non respicit ad tuinas: alienos currit, & decurrit ad lapsus: sua cęcus ad crimina, ad aliena errata perlucet: malorum suorum nescius, alienorum est accusator & testis: suum tepidus ad

ad reatum, ad alterius & innocentis flammatur, & excandescit examen. Et ne multis, sicut dixit dominus, Oculus in se trabem non vidēs, videt in alio festucam. Nōne oculus pręvaricationis est author? Et vidit, inquit, mulier, quòd bonum esset lignum ad manducandum, & quòd gratum oculis ad videndum. Mortis ianua, invidiæ fax, liuoris caminus, toto cupiditatis incēdio velocius per aliena percurrit, quàm currit ignis arida & terrena per gramina. Dei est quòd oculus in orbem sic apertus arctatur angustissimis in pupillā, quatenus moderate visum videat, non inuideat: pręuideat, non propriat: prospiciat, non despiciat: oculus sit animæ fenestra, speculum sit mentis, sit lumen corporis, membrorum dux sit, non introitus vitiorum. Sed ad pręfata redeamus, *Attendite, inquit, vobis.* Vobis, non dixit tibi, quia quicquid alij attenderit homo, attendit sibi: & quantum videbit ipse alteri, videbit alter ipsi: sicut ex sequentibus elucescit. *Si peccauerit, inquit, in te frater tuus, increpa illum: & si penitentiam egerit, dimitte illi.* Age homo, mandante deo, dimitte, dimitte peccata: esto misericors ad delicta: in te commissorum tu remissor esto peccatorum: tu modo ne perdas in te diuinę infulas potestatis: quicquid in alio tu non remiseris, tibi in alio tu negabis. *Si peccauerit in te frater tuus, inquit, increpa illum.* Increpa vt iudex: vt frater remitte: quia iuncta libertati charitas, charitati mixta libertas, & terrorem compriimit, & suscitatur frater: fratrem frater est in febre cum lædit: est in fide proximo cum delinquit: est sui nescius, est humanitatis extraneus: huic qui per compassionem non subuenit, hunc qui per patientiam non curat, non per veniam sanat, sanus non est, ægrotat, infirmatur, viscera nō habet, & ab humano sensu monstratur alienus. Furit frater, ascribe ægritudini, tu illum iuua vt frater: ascribe tu quod sic geritur febris, & fratri non poteris imputare commissum: dabisque tu prudenter infirmitati culpam, fratri veniam: vt illius sanitas ad tuam gloriam recurat, illius venia tuum redundet ad pręmium. *Si peccauerit, inquit, in te frater tuus, increpa illum: si penitentiam egerit, dimitte illi.* Nemo ista audiens censuram sibi remittentis assumat, & imponat fratri delinquenti vana pręsumptione personam: ac sic durum putet remittere delicta. Se peccatorem, peccaturum se homo cogitet: & tunc incipit amare veniam, non amare vindictam. Audis tu quia re-

*Matt. 7.**Gen. 3.*

mittere debeas: & quia tibi remitti debeat, non audis. Peccabis & tu illi eras, qui tibi hodie peccauit: & erit tibi iudex, qui tibi erat reus antè: & reddet tibi veniam, si dedisti: si non dedisti, aut negabit veniā: aut si dederit, imputabit amplius, quàm donabit. Remitte peccanti, remitte pœnitenti, vt cum tu peccaueris, repensetur in venia, non donetur. Bona semper venia, sed tunc dulcissima, cum debetur. Vicit pœnam, iudicem prœuenit, euasit iudicium, qui remittendo antè sibi veniam, quàm desinqueret iam prouidit. *Et si septies, inquit, in die peccauerit in te, & septies in die conuersus fuerit ad te, dicens, pœnitet me: dimittes illi.* Quare veniam lege constringit, angustat numero, sine cōcludit, quam sic pulsat per misericordiā, per gratiam sic relaxat? Si septies, si oēties, vincit numerus gratiam? bonitati calculus obsistit? & addicit vna culpa pœnæ quem commissa septem veniæ iam dederunt? Absit. Nam sicut fœlix ille qui septies remisit, ita fœlicior est iste septuagies septies qui remisit. Petrus mandati immemor huius, interrogat dominum, dicens, Si peccauerit in me frater meus, quoties remittam illi? Septies? Respondit dominus, Non solum septies, sed septuagies septies. Præscriptus ergo numerus non angustat veniam, sed dilatat: & quod præcepto finit, sine fine relinquit arbitrio: vt si quantum iusserit remiseris, tantum sit obedientiæ, sit præmii. Verum septimus numerus qui numero videtur parvus, inuenitur amplissimus sacramento: nam septimus numerus per dies gradiens sabbathum facit, quod benedixit dominus: & deputauit ad requiem tam sui operis, quàm laboris humani. Septimus numerus per ogdoadas currens, sic septem septuplicat septimanas, vt pentecosten nobis impletam mysterii solennitate concludat: totūque sancti spiritus imbrem in ecclesiasticam segetem cælesti sonitu tunc effundat. Septimus numerus cū per menses properat, septimi mensis festa cōsecrat tota nobis ieiunii sanctitate. Septimus numerus cum vadit per annos, septimanas facit: facit annum qui requiem dat terræ, ne xas omnes fraternę obligationis absoluit. Septimus numerus annorum cum circuit septimanas, annum quinquagesimū qui Iubileus vocatur, ad plenitudinem totam veniæ & remissionis adducit: vt tollatur seruitus, redeat libertas: vt cautionum documēta & monumenta rumpantur: resurgat debitor, debitum sit sepultum, redeat vt ager pauperis, vt pereat diuitis totus de cu-

Matt. 18.

piditate contractus. Et si septimus numerus septemplex per dies, per menses, per annos, totum contulit remissionis & veniæ, septemplex septuagies septies. Septimus numerus quid afferre possit, Christianus æstimet, & aduertat auditor. Tunc vere cessabit crediti contractus, & debiti, tunc vere abolebitur tota conditio seruitutis, tunc illa, illa veniet sine fine libertas, tunc æternus ager victurus semper remeabit. Veniet, veniet remissio tunc vera, quando abolebitur etiam necessitas ipsa peccandi: quando percunte immunditia vere mundus iam vocabitur mundus: quando redeunte vita mors non erit: quando regnate Christo diabolus iam peribit. Orate fratres, ut & nobis dominus augeat fidem, quatenus hæc bona credere, videre, & tenere possimus.

De annunciatione diuæ Mariæ virginis. Sermo CXL.

Satis modo sit oculorum nostrorum pura acies, ut possit in diuini ortus intendere claritatem: nam si nascentis iubar solis oculorum nostrorum vix suffert sanitas tota, vel puritas, quanta interni visus est præparanda synceritas, ut splendorem sui ferre possit orientis & radiantis auihoris? *In sexto Luc. I.* autem mense missus est, inquit, angelus Gabriel in ciuitatem Galilee, cui nomen Nazareth, ad virginem desponsatam viro, cui nomen erat Ioseph. Locum, tempus, personam, sanctus euangelista designat, ut relationis veritas manifestis ipsarum rerum comprobetur indiciis. Missus est, inquit, angelus ad virginem desponsatam. Ad virginem deus aligerum portitorem mittit: nam dat arram, dotem suscipit, qui fert gratiam: fidem refert, & tradit munera virtutis, qui mox virginei consensu resoluit sponsonem. Peruolat ad sponsam festinus interpres, ut à dei sponsa humanæ desponsationis arceat, & suspendat affectum, neque auferat ab Ioseph virginem, sed reddat Christo, cui est in utero pignorata cum fieret. Christus ergo suam sponsam recipit, non præripit alienam: nec separationem facit, quando suam sibi totam iungit in vno corpore creaturam. Sed quid egerit angelus, audiamus: *Ingressus ad eam, dicit, Ave gratia plena: dominus tecum.* In hac voce oblatio est, oblatio muneris, non simplex salutationis officium. *Ave.* Hoc est, accipe gratiam. Ne trepides: ne sis sollicita de natura. *Gratia plena.* Quia in aliis gratia, in te tota gratiæ pariter veniet plenitudo. *Dominus tecum.* Quid est in te dominus? Quia ad te non visitandi studio venit, sed in te nouo nascendi illabitur

sacramento. Adiecit congrue, *Benedicta tu in mulieribus*. Quia in quibus Eua maledicta puniebat viscera, tunc in illis gaudet, honoratur, suscipitur Maria benedicta. Et facta est vere nunc mater viuentium per gratiam, quæ mater antè exiit morientium per naturam. *Quæ cum audisset, turbata est in sermone eius*. Quid est quòd personam videt, & de sermone turbatur? Quia venerat angelus blandus in specie, fortis in bello: mitis in habitu, in sermone terribilis: humana proferens, diuina repromittens. Vnde & virginem, quam leuiter visus sollicitauerat, nimium turbauit auditus: & quam missi præsentia parum mouerat, cõcessit toto pondere mittentis autoritas. Et quid plura? Mox sensit in se supernum suscipi iudicem, vbi antè iam cælestem vidit, & contemplata est metatorem. *Quauis enim blando motu, affectu pio, Virginem sibi deus in matrem, seruam sibi verteret dominus in parentem: turbata sunt tamen viscera, mens refugit, ipsa est tremefacta conditio, cum deus, quem tota creatura non capit, totum se intra pectus recepit & condidit humanum. Et cogitabat, ait, Virgo quæ esset ista saluatio*. Aduertat vestra charitas, vt diximus, cõsensisse Virginem salutationi non verborum, sed rerum: & vocem fuisse non communis obsequij, sed supernæ vim totâ fuisse virtutis. Cogitat ergo Virgo, quia cito respondere est facilitatis humanæ, cogitare vero ponderis est maximi, & iudicij permaturi. *Quantus sit deus satis ignorat ille, qui huius Virginis mentem non stupet, animum non miratur, pauet cælû, tremunt angeli, creatura non sustinet, natura nō sufficit, & vna puella sic deum in sui pectoris capit, recipit, oblectat hospitio, vt pacem terris, cælis gloriam, salutē perditis, vitā mortuis, terrenis cum cælestibus parentelā, ipsius dei cum carne cōmercium, pro ipsa domus exigat pensione, pro ipsius vteri mercede conquirat, & impleat illud Prophetæ: Ecce hæreditas domini, filij merces fructus ventris. Sed iam se concludat sermo, vt de partu Virginis, donante deo, & indulgente tempore, gratius proloquamur.*

De incarnatione Christi.

Sermo CXLI.

Quantum secretum cubiculi sit regalis, quali reuerentia, quo tremore locus habeatur, vbi ipsa principis requiescit potestas, quàm nulli extraneo, immundo nemini, nulli infideli pateat illuc, & permittatur accessus, quàm munda, quàm casta, quàm fidelia ibidem præstolentur obsequia, im-

perialis aule manifestis docetur insignibus. Quis ad ipsas palatii fores vilis, quis propinquat indignus? Certe ad thalamū sponsi nisi satis proximus, nisi satis intimus, nisi bonæ conscientiae, nisi laudabilis famæ, nisi probabilis vitæ nullus admittitur. Intra thalamum verò ipsum virginem deus capit solam: suscipitur sola virginitas illibata. Vnde ô homo his admonitus exemplis, æstima quis sis, quantum sis, qualis sis, & tunc demum cogita, vtrum possis Dominicæ natiuitatis penetrare secretum, vtrū merearis ad illius pectoris cubiculum peruenire: vbi tota superni regis, tota diuinitatis requiescit maiestas: vtrum debeas humanis oculis, corporeis sensibus, conceptum virginis temerarius discussor attēdere: vtrū possis ipsas dei manus operantes sanctum sibi corporis templum intra aluum genitricis audax, & curiosus arbiter intueri: conspectibus tuis absconditum sæculis nudare mysterium, reuelate tibi ipsis angelis inuisibile sacramentum: & ita cælesti fabricæ præsidere, vt deprehendas liquido tu quomodo deus penetrale clausæ carnis intrauerit: quemadmodum sacri corporis in illo venerabili vtero præter virginis conscientiam liniamenta pinxerit: quomodo præter concipientis sensum mansura sæculis ossa solidauerit: qualiter præter hominis ordinem, hominis veram produxerit formam: quemadmodum præter carnis sollicitudinem totam carnis assumpsit veritatem: qua ratione præter naturam nostræ carnis integram suscepit qualitatem: & si ad hæc tibi liber non perpatuerit accessus, iam deus ex carne nunc assumere non potuit, quod in principio assumpsit ex limo? Imò quia totū deo est possibile, & tibi ne ad minima quidem operum dei possibile est peruenire, cōceptum virginis noli discutere, sed crede: deum voluisse nasci pie senti, quia facis iniuriam si requiris, magnum dominicæ natiuitatis sacramentum. fide percipe, quia ne minima quidem operum dei assequi poteris sine fide, dicente scriptura, Omnia opera eius in fide. Sed tu hic *Psal. 11.* totum vis de ratione constare, vbi totū consistit ex fide: quod tamen non sine ratione subsistit, sed ratione dei, nou tua homo. Quid tam rationabile, nisi vt deus quicquid voluerit, possit? Qui quod vult non potest, deus non est. Quæ ergo mādāt deus, exequitur angelus, implet spiritus, efficit virtus, virgo credit, natura suscipit, cæli narrant, annunciat firmamentum, ostendunt stellæ, magi prædicant, pastores adorant,

pecora cognoscunt, attestante propheta, Cognouit bos possessorem suum, & asinus præsepe domini sui. Tu homo si nō mox cum angelis, agnosce vel tardissime cum iumentis: ne dum moraris, ipsis iumentis, quibus antē comparatus fueras, postponaris. Ecce iumenta adulantur caudis, blandiuntur auribus, linguis lambunt, & motu quo possunt authorem suum fatentur contra naturam in tuam venisse naturam: & tu cum Iudæis discutis, carpis, qui excluderunt à diuersoriis suis dominum suum, quem iumenta suis in præsepibus susceperunt. Vnde si tādē vel angelis es pium præstaturus auditum, quæ ab angelo dicenda sunt, si nō fœliciter vel dignanter admitte: quod nos hodie differre, & sequenti referre sermone, sancti fratres satis vobis necessarius sermo compellit.

De annunciatione diuæ Mariæ virginis. Sermo CXLII.

Avdistis hodie fratres charissimi angelum cum muliere de hominis reparatione tractantem. Audistis agi, ut homo cursibus eisdem, quibus dilapsus fuerat ad mortē, rediret ad vitam. Agit, agit cū Maria angelus de salute, quia cū Eva angelus egerat de ruina. Audistis angelū de carnis nostræ limbo templum diuinæ maiestatis arte ineffabili construentem. Audistis in terris deū, in cælis hominem sacramento incomprehensibili collocari. Audistis inaudita ratione in vno corpore deū, hominēque misceri. Audistis fragilē nostræ carnis naturā ad portandam totam deitatis gloriā angelica exhortatione roborari. Denique ne tāto ponderi cælestis fabricæ in Maria subtilis nostri corporis arena succumberet, & in virgine toti⁹ generis humani portatura fructū virga tenuis frangeretur, fugatura metū vox angeli mox præcessit, dicens, *Ne timeas Maria.* Ante causam dignitas virginis annunciat ex nomine: nam Maria Hebræo sermone, Latine domina nuncupatur: vocat ergo angelus dominam, ut dominatoris genitricem trepidatio deserat seruitutis, quā nasci: & vocari dominam ipsa sui germinis fecit & impetrauit auctoritas. *Ne timeas Maria, inuenisti enim gratiam.* Verum est, quia qui inuenit gratiam, nescit timere. *Inuenisti gratiam.* Apud quem? *Apud deum.* Beata quæ inter homines audire sola meruit præ omnibus. *Inuenisti gratiam.* Quantam? quantam superius dixerat. Plenam. Et verē plenam, quæ largo imbri totam funderet & infunderet creaturam. *Inuenisti enim gratiā apud deum.* Hæc cum dicit, & ipse angelus miratur, aut feminam tantum

aut omnes homines vitam meruisse per scēminam, stupet angelus totū deum venite intra virginales v̄reri angustias, cui tota simul angusta est creatura. Hinc est quod remoratur angelus, hinc est quod virginem vocat de merito, de gratia cōpellat, vix causam prodit audiēti, sanē vt sensim promoueat, vix longa trepidatione componit. *Æstimate fratres, quare reuerentia, quo tremore nos tanto interesse deceat, & cōueniat sacramento, quando ipse angelus non sine metu discuit audientis. Ecce concipies in utero.* Bene concipies, quod caro nescit, conditio non habet, non admittit natura. *Ecce concipies in utero.* Quis antē ad fructum peruenit, quā terræ laborem sentiat, & sudorē? Quis antē poma carpit, quā plantæ suam tribuat & impendat industriam? Quis præter viam ad vllam peruenit mansionem? Quis præter naturam naturę suscipit incrementum? Beata ergo, & verē beata Maria, quæ præter generandi curas, præter materni doloris fastidia, tantam germinis peruenit ad gloriam. Beata, quæ diuinum pignus sic suo suscepit & seruauit in pectore, vt illud tota corporis externa nescirēt. Beata quæ quod de supernis angelo referente susceperat, sic menti suæ solæ commisit & credidit. Intra domum virginis negocium cæleste sic geritur, vt manentibus claustris ipsa domus septa non sentiant. *Concipies & paries filium.* Quis ingreditur & egreditur, & introitus sui, & exitus nulla vestigia relinquit, diuinus habitator est, non humanus: & qui conceptu suo virginem seruat, & ortu suo relinquit virginem, non terrenus homo est, sed cælestis. Nostrę ergo carnis ordo secedat, hic sibi naturam nostram nil vindicet, vbi ad diuinam progeniem cælestis ordo diuinā instituitur in naturam. Conceptus & partus sermo audientis animum non fatiget, nec leuiter sensum moueat Christiani, vbi ad cælestem progeniem virtutis dei diuina peraguntur insignia. *Concipies & paries filium.* Non dixit tibi, non dixit tuum. *Quare? Quia sanctū vocabitur filius dei.* Virgo te gratia matrē præstitit, nō natura: genitricē te dici pietas voluit, quam non sinebat integritas: in tuo conceptu, in tuo partu creuit pudor, aucta est castitas, integritas roborata est, est solidata virginitas, omnes perseuerauere virtutes. Virgo si tibi salua sunt omnia, quid dedisti? Si virgo, quomodo mater? Si spōsa, genitrix quomodo? Ille quo tibi aucta sunt omnia, nil minuit virgo. Virgo, cōcipitur ex te auctor tuus, tua ex te ori-

tur origo, in tuo germine est genitor tuus, in tua carne est deus tuus, & ipse lucem mundi per te cepit, qui lucem mūdo dedit. Monita ergo per angelum virgo ne præsumas hūc vocare filium tuum, sed mox ut genueris inuoca saluatore: quia virginitas non sibi parit filium, sed parit pignus auctoris, & integritas suum gestat dominum, non alumnum: dicente angelo, *Et vocabis nomen eius Iesum. Quod saluator Latino vocabulo nuncupatur. Dixit autem Maria ad angelum, Quomodo fiet istud?* Ecce Maria interrogat: & si qui interrogat dubitat, cur solus Zacharias velut querulus percunctator incarrit? Quia pectorum cognitor non verba, sed corda peruidit: non quid dixerint, sed quid senserint iudicauit: erat enim interrogantium causa dissimilis, species perdiuisa: hæc contra naturam credidit, ille dubitat pro natura: hæc integræ rei ordinē quærit, ille quæ deus iubet fieri non posse perscribit: ille impellentibus exemplis non accedit ad fidem, hæc sine exēplo percurrit ad fidem: hæc miratur de partu virginis, ille de conceptu disputat coniugali. Meritò ergo hæc loquitur, hæc deū suo cognoscit & confiteretur in corpore: ille tacet, donec Ioānem quem negabat conuictus proprio redderet ex corpore. *Quomodo fiet istud? Quare? quia virum non cognosco.* Mulier, quem virum quæris? quem tu in paradiso perdidisti? Redde virum mulier, redde depositum dei, redde ex te quem perdidisti per te: prætermitte naturæ ordinem, recognosce ordinē creatoris. Ille ex te assumet & faciet virum, qui in principio te fecit & assumpsit ex viro ne quæras virum, cesset opus hominis, quia ad reparationē hominis sufficit ars diuina. Hinc est quodd deus ipse ad te venit, quia te pœnituit ad hominem peruenisse. Nec iam caro ad carnem. *Sed spiritus sanctus superueniet in te.* Quia quod de carne natum est, caro est: & quod de spiritu, spiritus est: qui ergo de spiritu nascitur, sine cōtroversia deus est, quia spiritus est deus. *Spiritus sanctus superueniet in te, & virtus altissimi obumbrabit tibi.* Obumbrat dei virtus, ne portatura deum fragilitas humana succumbat. *Et virtus altissimi obumbrabit tibi.* Æstus nostri corporis nescit, quam diuinæ protegit vmbra virtutis: nec secretum mundanæ habitationis inquirat, quæ se septam superni splendoris circumspicit velamento. *Propterea quod nascetur ex te sanctum, vocabitur filius dei.* Nemo hic communiter accipiat sanctum, sed illa singularitate qua clamatur in cælestibus, Sāctus, san-

Ioan. 3.

Ioan. 4.

Isa. 6.

ctus, sanctus dominus deus sabaoth. Mittitur autem Maria ad Elizabeth, virgo ad sterilē, infans ad anum, vt certamine pio sumant ambæ, percipiant pariter: altera de nouitate fidē, altera de necessitate virtutem. His auditis, respondit Maria, *Ecce ancilla domini, fiat mihi secundum verbum tuum.* Quæ vocatur ab angelo domina: ipsa se cognoscit, & confitetur ancillam. Quia deuotus animus infulis beneficiorū crescit ad obsequium: augetur ad gratiam, non ad arrogātiā profilit, nō ad superbiam pertumescit. *Fiat mihi secundum verbum tuum.* Ioan. I. Quæ credit verbo, merito concipit verbū. In principio erat verbum, & verbum erat apud deum, & deus erat verbum: & ad totam rem petuenit, quæ secretum fidei consentit auditu. Quantum peccat hæreticus, qui post causam nō credit, cum tantum hanc credidisse conspiciat ante causam?

De eadem, Sermo CXLIIT.

DEbetur quidem vobis natalitius sermo, sed ineffabile natiuitatis dominicæ sacramentum credere magis conuenit, quàm referre. Virgo peperit. Quod natura non habet, & vsus nescit, ignorat ratio, mens non capit, pauet cælum, stupet tetra, creatura miratur, quomodo sermo narrabit humanus? Denique euāgelista conceptū Virginis, Virginis partum sicut humano sermone pandit, ita diuino claudit arcano: & hoc facit, vt homo quod credere iussus est, discutere nō præsumat. Quis attingit arcanum dei? partum Virginis? rerū causas? sæculorum negocium? cōmercium diuinitatis & carnis? hominem deūque vnum deum? euāgelista sic ait, *Missus est angelus Gabriel à deo in ciuitatem Galilee, cui nomen erat Nazareth, ad Virginem desponsatam viro, cui nomen erat Ioseph, & nomen virginis Maria.* Missus est angelus à deo, vbi mediator est angelus, humana cesset opinio: vbi celestis est nūcius, interpretatio terrena pellatur. Curiositas humana torpescat, vbi supernus habetur interpres. *Missus est angelus à deo.* Qui audit attentius quia à deo missus sit, deitatis refugit perseruati secretum. Quod per angelum deus mandar, ille meretur scire, qui timet scire. Audi dominum dicentem, Super quem respiciam, nisi super humilem & mansuetum, & timentem verba mea? Humilem & mansuetū, quantum mansuetus est ille qui iussis obtemperat, immanus tantum est ille qui iussa discutit. *Missus est angelus ad virginem.* Quia semper est angelis cognata virginitas. In carne præter carnē viuere

Isa. 66.

Iuxta

Lxx.

non terrena vita est, sed cælestis. Et sic vultis scire, angelicam gloriam acquirere maius est, quàm habere: esse angelum felicitatis est, virginem esse virtutis: virginitas enim hoc obtinet viribus, quod habet angelus ex natura. Angelus ergo & virgo, diuinum agunt officium, non humanum. *Ingressus, inquit, angelus ad eam, dixit, Ave gratia plena, dominus tecum, benedicta tu inter mulieres.* Ave gratia plena dominus tecum: videtis quibus est virgo oppignorata muneribus. *Ave gratia plena, dominus tecum.* Ave, hoc est accipe. Quid? Virtutes munerum, non pudoris. *Ave gratia plena.* Hæc est gratia, quæ dedit cælis gloriam, terris deum, fidem gentibus, finem vitiis, vitæ ordinem, moribus disciplinam. Hanc gratiam detulit angelus, accepit virgo salutem sæculis redditura. *Ave gratia plena.* Quia singulis gratia se est largita per partes, Mariæ verò simul se totam dedit gratiæ plenitudo. Omnes, inquit euangelista de plenitudine eius accepimus. Vnde & Dauid dicit, Descendit sicut pluuia in vellus. Vellus cum sit de corpore, nescit corporis passionem: sic virginitas cum sit in carne, vitia carnis ignorat: cælestis ergo imber virginum in vellus placido se fudit illapsu, & tota diuinitatis vnda bibulo se nostræ carnis celauit in vellere, donec per patibulum crucis expressum terris omnibus in pluuiam salutis effunderet. Et sicut stillicidia stillantia super terram. Vt vitalibus partita stillicidiis tempora fidei rigarent germina, non necaret. *Ave gratia plena, dominus tecum.* Missus est angelus à deo, & quid dicit? Dominus tecum. Ergo erat cum virgine, qui ad virginem miserat. Præcessit nuncium suum deus, sed à deo non recessit, teneri locis non potest, qui omnibus habetur in locis: & totus vbique est, sine quo nihil est totum. *Benedicta tu inter mulieres.* Verè benedicta virgo, quæ & virginitatis possidet decus, matris & pertulit dignitatem. Verè benedicta, quæ & superni conceptus meruit gratiam, & sustulit integritatis coronam. Verè benedicta, quæ & diuini germinis suscepit gloriam, & regina totius exitit castitatis. Verè benedicta, quæ fuit maior cælo, fortior terra, orbe latior: nam deum quem mundus non capit, sola cepit. Portauit eum, qui portat orbem, genuit genitorem suum, nutriuit omnium viuentium nutritorem. Sed videamus quid ait Euangelista, *Maria, inquit, ut vidit angelum, turbata est in sermone eius.* Turbata est caro, concussa sunt viscera, mens tremuit, tota cordis ob-

Ioan. 1.

Psal. 71.

Psal. 71.

stupuit altitudo : quia in ingressu angeli virgo sensit diuinitatis ingressum. Turbatur humani corporis tēplum, & carnalis domicilij mouebantur angustix, cum se in virgineo pectore tota dei conderet magnitudo. Sed, si placet, priusquā fidei Christianæ penetremus arcanum, loquamur ad eos qui partum virginis, qui magnum pietatis sacramentum, qui reparationem salutis humanæ referunt ad diuinitatis iniuriam.

Venit ad virginem deus, hoc est, ad opus suum opifex, creator ad creaturam suam. Quando ad opificis honorem operis *Ioan. 1.*

restauratio non redundat? Quando honor non deputatur ad gloriam, si factor facturam suam reparet? Ne amittat quis opus suum, nōne cum veterascit renouat? & cum cadit, erigit? & cum destruitur, in melius non reformat? Ergo quod in partu virginis agitur: non est creatoris iniuria, sed salus est creaturæ. Si deus fecit hominem, quis arguit cur refecit? & quod ex limo formasse digne creditur, quare ex carne reformasse iudicatur indignum? Quid preciosius, caro aut limus?

Ergo reparationis nostræ quanto preciosior materia, tanto maior est gloria. Aut quando deus non in vtero plasmator est hominis? Audi Iob, Manus tuæ fecerunt & finxerunt me. *Iob. 10.*

Et post, Vt caseum coagulasti me: ossibus & nervis inseruisti me: vitam & misericordiam dedisti mihi. Et Dauid, Tu formasti me, & posuisti super me manum tuam. Et ad Hieremiam deus, Priusquam esses in vtero, noui te, & in vulua sanctificaui te. Si ergo parentis in aluo Iob linamenta depinxit, si matris in vtero Dauid membra compegit, si Hieremiam genitricis sanctificauit in vulua, si Ioannem sterilis in vtero repleuit spiritu sancto: quid mirum modo, si virginis habitauit in vtero, qui mulierē hominis sumpsit ex latere? Ipse hominem mulieris resumpsit ex vtero, qui virginē viri formauit ex corpore: ac perinde homo quæ tibi videntur noua, deo habentur antiqua. Sed dicis, Quæ nascendi necessitas deo, cui suppetit faciendi potestas? Quæ? Vt ipsam naturam nascendo resciceret, quā fecerat operando, quia quæ facta fuerat vt generaret ad vitam, ipsa generabat ad mortem. Per peccatū primi hominis natura lethale vulnus accepit, & cœpit esse origo mortis, quæ erat initium vitæ. Hoc est ergo negocium nascuitatis quod nasci compulit Christum: vt naturæ curam natiuitas daret auctoris, & naturæ cautio esset viuificatio filiorum,

DE natiuitate Christi nos comperédinare sermonem altitudo rei facit, & cogit mysterii magnitudo. Virgo peperit, quis loquetur? Verbum caro factum est, quis narrabit? Si verbum Dei infantiae dat vagitū: homo imperfectus quomodo clamabit in verbo? Quantam stella magis nocte dedit quærentibus lucem, tantam doctoris sermo ortus dominici præbet audientibus claritatem: vt Christum inuenisse gaudeant, discurrere non præsumant: honorent muneribus infantiam, non minorent. Sed orate fratres, vt qui nostro sensum credit in corpore, paulatim nostro crescere dignetur in verbo. Euangelista hodie angelum retulit sic locutum. *Ne timeas Maria, inuenisti enim gratiam apud Deum.* Ne timeas Maria, quare? Quia inuenisti gratiam. Timet non qui inuenit, sed qui perdit. Inuenit, inuenit hæc concipiendo superni germinis gratiam, quæ pariendo non perdidit virginiratis insignia. *Ne timeas Maria.* Quid timet, quæ securitatem rerum concipit, parit gaudia sæculorum? Timor non est, vbi diuinum est negocium, non humanū: vbi virtutis consciētia est, non pudoris. Quid timet, quæ suscepit eum, quem timēt omnia quæ timētur? Quid timet, cui iudex causæ est assertor, integritas testis innocentiae? *Ne timeas Maria, inuenisti enim gratiam apud Deum.* Quod erat in principio apud deum, verbū Deus intra se virgo reperit: & factum est magnum deitatis templum, quæ erat pusillum humanitatis hospitium: & quæ non capiebat pusillitas humani corporis, cepit virginalis vteri magnitudo. *Ecce, inquit, concipies in utero.* Propter reuerentiam dixisse suffecerat, concipies: quod exaggerat, in utero quid est? Vt conceptus esset veritas, non figura: vt partus esset proprietas, nō imago: vt sicut de Deo vero Deus verus natus est, sic de vero conceptu veritas humani corporis nasceretur. In ortu Christi fratres, humani corporis iniuria sublata est, non natura: nec est creatura deleta, sed culpa damnata est. Est ergo hæresis, quæ Christum æternum corpus assumptum esse mentitur: nec habuisse carnem, sed hominem stimulasse fingit. *Concipies, inquit, in utero, & paries filium, & vocabis nomen eius Iesum.* Quod Hebraicè Iesus, Græce σωτηρ, hoc dicitur Latine saluator. Merito ergo virgini salua sunt omnia, quæ omnium genuit saluatorem. Et vocabis nomen eius Iesum. Quia in hoc nomine deitatis tota adoratur maiestas:

Luc. I.

Ioan. I.

omnes qui commorantur in cælis. vniuersi qui habitant terram, cuncti qui in profundo tenentur inferni, huic prosternuntur nomini, hunc adorant. Audi Apostolum dicentem, Vt in nomine Iesu omne genu flectatur, cælestiū, terrestriū & infernorum. Hoc nomen quod dedit cæcis visum, audi *Phil. 1.* tum surdis, claudis cursum, sermonem mutis, vitam mortuis, totāque diaboli potestatem de obsessis corporibus virtus huius nominis effugauit. Et si nomen tantum est, quanta potestas? Sed quis est iste qui vocatur hoc nomine? Iam dicat angelus, *Et filius altissimi vocabitur.* Videtis quia quod concipit virgo, non terrenum germen est, sed cæleste. Virgo peperit, sed Deus suscipit filium. Ergo qui de hac natiuitate humano modo disputat, ad omnem tendit tanti genitoris iniuriam. *Et dabit, inquit, ei dominus sedem David patris sui.* Hinc hæreticus generat perfidiæ suæ nebulas: hinc sibi fingit erroris materiam. Ecce, inquit, non ego dico, sed angelus, dabit illi dominus Deus: nunquid non maior est qui dat, quam qui accipit? & qui accipit antequam acciperet non habebat. Sed nos ista fratres audiamus, nō vt perfidi, sed vt fideles: & sit nobis argumentum fidei, quod illis est erroris occasio. *Dabit illi dominus Deus.* Quis dat? aut cui dat? vtrique Deus homini dat, diuinitas carni. *Dabit illi dominus Deus.* Quis Deus? vtrique verbum quod erat in principio semper Deus. *Ioan. 1.* Cui dat? quod caro factum est, & habitauit in nobis. Audi *1. Cor. 5.* Apostolum dicentem, Deus erat in Christo mundum reconcilians sibi. Sibi vtrique non alii. Hic ergo Deus qui in Christo erat, regnum sibi dabat in Christo: & conferebat su sceptro corpori, quod semper sua diuinitate possederat, sicut ex ipso angeli probatur eloquio. *Dabit illi dominus Deus sedem David patris sui.* Vides, quia quando accipit, David filius dicitur: quando dat, Dei filius nuncupatur: ipse dixit: Omnia quæ habet pater, mea sunt. Et quæ necessitas accipiendi, vbi *Ioan. 16.* est habendi potestas? Ait, omnia quæ habet pater, mea sunt. Quis accipit quæ sua sunt? Aut in gratia dantis est, si accipientis est quod donatur? Fate mur quia acceperit, sed iste qui natus est, qui suscepit carnem, qui suscepit infantiam, qui cunabula pertulit, qui suscepit ætates, qui laborem sustinuit, qui famem sensit, qui sitim passus est, qui tota iniuriarum genera non refugit, qui ascendit crucem, qui subiit mortem, qui intrauit sepulchrum: hæretice huic quod accepit ascribe. Aut

puras quod honorem à Deo dedignatur accipere, qui ab hominibus tantas accepit iniurias? Aut existimas quòd cõferri sibi regnum à patre fastidit, qui ab inimicis pœnas, mortemque suscepit? Hæretice quod est iniuriæ, quod infantie, quod ætatis, quod temporis, quod dati, quod accepti, quod minorationis, quod mortis, si intellexeris nō esse diuinitatis, sed corporis, tu nullam filio irrogabis iniuriam, nullam tu facies in Trinitate distantiam. Sed reuertamur ad nos, & quæ sunt nostra iam loquamur. *Dabit illi, inquit, dominus Deus sedem David patris sui, & regnabit in domo Iacob in æternum, & regni eius non erit finis.* Qui in cælo semper consedit patri, nunc sedem David accepit in terra: qui regnavit sibi semper, modo nobis in domo Iacob regnum sortitus est æternum. Gaudeamus fratres, quia qui sibi regnavit, regnaturus est nobis: gaudeamus, quia venit regnaturus in terrâ, ut nos cum illo regnare possimus in cælo. Audi Apostolum, Si compatimur, & contregnabimus. Nobis natus est, nobis utique regnū venit donaturus: ipso promittente, cum dicit, Venite benedicti patris mei, percipite regnum quod vobis paratum est ab origine mundi. Vobis dixit, non mihi. Veniet, ut sit nobiscum semper: ut nostris sit semper in oculis, qui nunc tantum nostris habetur in cordibus. Veniet, ut quibus est gloria de regno, sit de familiaritate fiducia. *Et regni eius non erit finis.* Qui eius aduentum credis, gaude, quia regnum sine fine promittit: ubi est sine successore militia, ubi sunt perpetuæ dignitates. Sed quid est quòd permansura non ambiunt, qui ambiunt transitura? Quid est? Quid est quòd caducos honores auro comparant, & nolunt gratis accipere sempiternos? Fratres, hic parantur officia, hic decernuntur loca, hic honores designantur, hic qui non de Euangelij fide acceperit codicillos, ibi æternarum insulas non habebit dignitarum. Ergo si delectat militia, si volumus semper militare, arripiamus arma Christi, vigilemus, sobrij simus, vincamus diabolum, prosternamus vitia: ut possimus accipere præmia patiter, & coronas ab ipso domino nostro Iesu Christo, qui cum Deo patre regnat nunc & semper, & per omnia sæcula sæculorum. Amen.

De generatione Christi.

Sermo CXLV.

Avdituri estis hodie fratres, quemadmodum nobis beatus Euangelista generationis Christi retulit sacramen-

tum. *Christi, inquit, generatio sic erat, Cum esset desponsata mater eius Maria Ioseph, antequam copuenerent, inuenta est in utero habens de spiritu sancto: Ioseph autem vir eius cum esset iustus, & nollit eam traducere, voluit occultè dimittere eam.* Et quomodo iustus, qui conceptum sponsæ duxit non discutere? Suspecti non exquirunt causam pudoris, coniugij famam non vindicat, sed requirit? *Voluit occultè dimittere eam.* Hoc pio magis videtur conuenire, quam iusto, sed humano iudicio, non diuino. Penes Deū neque pietas sine iustitia est, neque sine pietate iustitia: cælesti sensu sine bonitate æquitas, sine æquitate bonitas non habetur. Virtutes si separatæ fuerint dilabuntur, æquitas sine bonitate sequitia est, & iustitia sine pietate crudelitas. Ioseph ergo merito iustus, quia pius: & pius, quia iustus. Denique dum pietatem cogitat, crudelitatem caruit: dum causam temperat, iudicium custodiuit: dum vindictam differt, crimen euasit: dum refugit accusatorem, fugit sententiam. Aestuabat animus sanctus negocij nouitate perculsus, stabat sponsa prægnans, sed virgo: stabat plena pignore, sed non vacua pudore: stabat de conceptu sollicita, sed de integritate securi: stabat vestita materno munere, sed non honore virginis exclusa. Sponsus quid faceret ad ista? Accusaret de crimine? Sed erat ipse innocentia testis. Culpam diceret? Sed erat ipse custos pudoris. Vrgeret adulterium? Sed erat ipse virginis assertor. Quid faceret ad ista? Cogitat dimittere, quia non poterat vel foris prodere, vel intus quod euenerat continere. Cogitat dimittere, & dicit Deo totum: quia quod homini diceret, non habebat. Et nos fratres quoties res turbat, salit species, facit color negotii interna nescire, declinamus iudicium, subtrahamus vindictam, sententiam fugiamus, dicamus Deo totum, ne dum facile innocentem forte gestimus in pœnam, ipsi nobis noxiam sententiam proferamus, dicente domino, In quo iudicio iudicaueritis, iudicabitur de vobis. Certè si nos tacuerimus, clamabit Deus: respondebit angelus, qui Ioseph ne innocentiam desereret, sic præuenit. *Ioseph, inquit, fili David, noli timere accipere Mariam coniugem tuam: quod enim in ea natum est, de spiritu sancto est.* Pariet autem filium, & vocabit nomen eius Iesum: ipse enim saluum faciet populum suum à peccatis eorum. Ioseph fili David. Videtis fratres in persona genus vocari, videtis in vno totam prosapiam nuncupari, videtis in Ioseph seriem Davidici stemmatis iam citari,

Matt. 1.

Matt. 7.

Psal. 131.

Ioseph fili David. Tricesimaoctava generatione natus quomodo David filius dicitur, nisi quia generis aperitur arcanum, fides promissionis impletur, superna conceptio celestis partus virginea iam signatur in carne? *Ioseph fili David.* Tali voce ad David prolata fuerat promissio Dei patris, Iuravit dominus David veritatem, & non frustrabitur eum, de fructu ventris tui ponam super sedem tuam. Quod factum quidem tali gloriatur in cantico, Dixit dominus domino meo, sede à dextris meis. De fructu ventris tui: bene fructus ventris tui, bene de utero: quia celestis hospes, supernus habitator: sic in utero descendit hospitium, ut corporis claustra nesciret: sic de habitaculo ventris exiit, ut virginalis ianua non pateret, & impleret illud quod cantatur in Cantico Canticorum: Hortus clausus soror mea sponsa: hortus clausus, fons signatus. *Ioseph fili David noli timere.* Sponsæ causas sponsus ne timeat, admonetur: & verè pius animus dum compatitur, plus pauescit. *Ioseph fili David, noli timere.* Ne qui de conscientia securus sis, de sacramenti cognitione succumbas. *Ioseph fili David, noli timere.* Quam vides vittus est ista, non crimen: hic non humanus lapsus est, sed est diuinus illapsus: hic præmium est, non reatus: hic incrementum cæli est, non corporis detrimentum: hic non est proditio personæ, iudicis est secretum: hic palma cognitoris est, non supplicii pœna: hic hominis furtum non est, thesaurus est Dei: hic non est mortis causa, sed vitæ. Et ideo noli timere, quia quæ vitam parturit, non meretur occidi. *Ioseph fili David, noli timere Mariam coniugem tuam accipere.* Sponsam vocari coniugem legis est hoc diuinæ, sicut ergo manente virginitate mater est, ita coniux dicitur pudore permanente. *Ioseph fili David, noli timere accipere Mariam coniugem tuam: quod enim in ea natum est, de spiritu sancto est.* Veniant, audiant, qui requirunt, quis sit quem Maria genuit. Quod in ea natum est, de spiritu sancto est. Veniant, audiant, qui Græco turbine Latinam tubilare nisi sunt puritatem, ἀβρωποτόκον, χεῖρο τόκον, ut θεοτόκον tollerent, blasphemantes. Quod in ea natum est, de spiritu sancto est. Et quod de spiritu sancto natum est, spiritus est, quia deus spiritus est. Quid ergo requiris, quis est qui de spiritu sancto natus est, cum tibi quia Deus est, Deus ipse respondeat? cum te Iohannes increpet, qui dicit, In principio erat verbum, & verbum erat apud Deum, & Deus erat verbum: & verbum Deus caro factum est,

Psal. 105.

Cant. 4.

Id est, hominem parientem, Christi param, deiparam.

Ioh. 3. & 4.

est, & habitauit in nobis, & vidimus gloriam eius. Iohānes *Iohā. 1.*
 vidit gloriam, respicit infidelis iniuriam. *Quod in ea natum est,*
de spiritu sancto est. Et vidimus gloriam eius, cuius eius? qui na-
 tus est de spiritu sancto: eius qui verbum caro factum est, &
 habitauit in nobis. *Quod in ea natum est, de spiritu sancto est.* Vir-
 go concepit, sed de spiritu: virgo parturit, sed eum quem *Isaie. 7.*
 prædixit Isaias: Ecce virgo in utero accipiet, & pariet filium, *Mat. 1.*
 & vocabunt nomen eius Emanuel, quod interpretatur no-
 biscum Deus. Nobiscum Deus, cum illis homo. Et male-
 dictus homo, qui spem ponit in homine. Audiant qui requi- *Hie. 17.*
 runt, quis est qui natus est de Maria. *Paries filium, inquit ange-*
lus, & vocabis nomen eius Iesum. Quare Iesum? Apostolus di-
 cit: Vt in nomine Iesu omne genu flectatur, cælestium, *Phil. 3:*
 terrestrium, & infernorum: & tu quis sit Iesus, dolosus cog-
 nitor nunc requiris? Omnis iam lingua confitetur quia domi-
 nus Iesus in gloria est Dei patris, & tu adhuc inquis, quis
 est Iesus. *Paries filium, & vocabis nomen eius Iesum: ipse enim sal-*
uum faciet populum suum. Non alterius saluum faciet. Vnde?
A peccatis eorum. Esse Deum qui peccata donat, si Christianis
 non credis, crede infidelissime vel Iudæis dicentibus: Cum
 sis homo, facis te ipsum Deum. Quis potest peccata dimitte- *Iohā. 10:*
 re, nisi solus Deus? Illi eum negabant Deum, qui cum pecca- *Mar. 2.*
 ta dimittere non credebant: tu ab eo peccata dimitti credis,
 & Deum dubitas confiteri? Verbum caro factum est, ut ho-
 minis caro promoueretur in gloriam Dei, non ut Deus in
 carnis verteretur iniuriam, sicut dicit Apostolus: Qui se iun- *1. Cor. 6:*
 git domino, vnus spiritus est. Et quomodo non, quando se
 iungit Deus homini, vnus est Deus? Humanæ leges intra tri-
 ginta annos litigiosas omnes interimunt quæstiones, & Chri- *Chrysologi*
 stus circa quingentos annos natiuitatis suæ causas præstat: *et al.*
 ortus sui lites paritur: status sui sustinet quæstiones? Hære-
 tice desine iudicare iudicem tuum, & adora in cælis Deum, *Mat. 24*
 quem Deum magus adorauit in terris.

De eadem.

Sermo CXLVI.

QUOTIES transcurtis anni metis dies dominicæ natiuita-
 ris aduentat, & virginei partus fulgor orbe toto dif-
 funditur flamineo corusco, voluntatis non pauoris est quod
 tacemus. Quæ mens in ipso ortu diuini regis obicere se præ-
 sumat? Solis radii cum erumpunt, visus hebetatur humanus,
 radiante deo quomodo non totus animorum sauciatur aspe-

ctus? Reparatis ergo sensibus noui luminis post stuporem,
 tempus est quo iam nobis per carnem ipsius diuinitatis visu
 generationis Christi contemplemur arcana. *Christi, inquit,
 Euangelista, generatio sic erat.* Fratres si volumus intelligere quæ
 dicuntur, diuina verba modis non pensemus humanis: sepo
 nendus est humanus sensus, vbi totum quod dicitur est di-
 uinum. Sic Christus quod nascitur non est consuetudo, sed
 signum: non est natura, sed virtus: non ordo est, sed potestas:
 & est cæleste miraculum, ratio non humana. Hic mundana
 scientia quid capiet? hic carnis intelligentia quid requiret?
Christi, inquit, generatio sic erat. Non dixit sic facta est, sed sic
 erat: quia Christi generatio erat apud patrem, quando gene-
 rabatur ex matre. Quod erat, semper erat: quod factum
 est, hoc teddebat: erat Deus, reddebatur homo: ex vtero
 nos suscepit ille, qui nos plasmauerat ex luto. *Cum desponsata
 esset mater eius Maria.* Suffecerat dixisse, cum desponsata es-
 set Maria. Quid sibi vult sponsa mater? si mater, non spon-
 sa: si sponsa, non adhuc mater. *Cum desponsata esset Maria
 mater eius.* Virginitate sponsa, fecunditate mater: mater viri
 nescia, partus conscia. Aut quomodo non ante conceptum
 mater, quæ post partum virgo mater? Aut genitrix quando
 non quæ sæculorum generauit authorem? principium de-
 dit rebus? natura virgo mater semper, sic rerum semper no-
 uerca corruptio. Est ergo muneris virginalis, vt regeneret
 per Deum virgo, quod per Deum virgo generauit: Deus &
 integritas est cæleste consortium, virginitas iuncta Christo
 copula est perfecta virtutis. Quod virgo concipit, est honor
 spiritus, non onus est carnis: quod parturit virgo, secretum
 est Dei, non est ministerium coniugale: quod nascitur Chri-
 stus, diuinæ maiestatis est, non est imbecillitatis humanæ:
 est gloria deitatis rota, vbi nulla carnis sentitur iniuria. *Cum
 esset desponsata mater eius Maria Ioseph, antequam conuenirent, in-
 uenta est in vtero habens de spiritu sancto.* Quid est quod ad spō-
 sam, & non ad liberam, cælestis innocentie destinatur ar-
 canum? Quid est quod sic zelo sponsi sponsæ periculum
 comparatur? Quid est quod virtus tanta putatur crimen,
 salus certa discrimen? Quid est quod inter innocentes ta-
 liter laborat pudor, verecundia succumbit, fatigatur casti-
 tas, sauciatur fides, extat accusatio, vrget causa, facultas tō-
 ta excusatione aufertur? Quis excusat sponsam quam con-

ceptus accusat? Aut quid proficiet defensor externus, quando facti testis internus assistit? Quid tenemus fratres? Non apices, non literæ, non syllabæ, non verbum, non nomina, non personæ in Euangelio diuinis vacua sunt figuris. Sponsa quæritur, ut iam tunc Ecclesia Christi spōsa signetur iuxta illud Osee prophetæ, Spōsabo te mihi in iustitia & iudicio, & in misericordia & miserationibus, & desponsabo te mihi in fide. Hinc Iohannes ait, Qui habet sponsam, sponsus est. Et beatus Paulus, Spōsauī vos vni viro virginē castā exhibere Christo. Vere spōsa quæ virginali partu nouam Christi regni infantiam. Procurator Ioseph sponsus, ut iste in illo Ioseph Christi figuram impleat passionis: Ioseph prophetalibus somniis incurrit zelum, Christus propheticiis visionibus suscepit inuidiam: Ioseph missus in lacū mortis, viuus emergit à lacu, Christus mortis sepulchro datus, viuus remeāt à sepulchro. Ioseph venūdatus est, precio taxatus est Christus. Ioseph trāsducitur in Aegyptum, ad Aegyptū fugatur Christus. Ioseph esurientibus populis panē copiose subministrat, Christus cæli pane manentes orbe toto exaturat nationes. Sic lucet, cur Ioseph iste cælestis spōsi typū prætulerit, portauerit imaginem, ambulauerit in figuram. Maria mater vocatur, & quando non Maria mater? Congregationes, inquit, quarum appellauit maria. Nōne hæc exeūtem populum de Aegypto concepit vno utero, ut emergeret cælestis in nouā creaturam renata progenies? iuxta illud Apostoli, Patres nostri omnes sub nube fuerunt, & omnes mare transierunt: & omnes in Moyse baptizati sunt in nube & in mari. Et ut semper Maria humanæ præuia sit salutis, populum quem vnda generatrix emisit in lucem, ipsa iure præcessit in Cantico, Maria, inquit, soror Aarō sumens tympanum in manu sua, dixit, Cantemus domino, gloriose enim honorificatus est. Nomen hoc prophetiæ germanum est, hoc renascētibz salutare, hoc virginitatis inligne, hoc pudicitiz decus, hoc iudiciū castitatis, hoc Dei sacrificiū, hoc hospitalitatis virtus, hoc collegium sanctitatis: meritò ergo matris Christi nomē est hoc maternum. Diximus quare mater sponsa, quare Ioseph sponsus, quare Mariæ maternum nomen, ut totum circa ortum Christi fuisse mysticū panderemus: nunc quare sponsa quæsitā sit ad partum Christi, aliis prodamus ex causis. Prædixerat Isaias & virginem parere Deum cæli, regem

Osee. 2.

Ioan. 3.

2. Co. 11.

Gene. 1.

1. Cor. 12.

Exo. 15.

Isaia. 7.

Mat. 2.

terre, orbis dominum, reparatorem mundi, mortificatorem mortis, redditorem vitæ, perpetuitatis authorem: hoc quam esset mundanis triste, terribile legibus, pauendum Iudæis, ipse dominicæ natiuitatis probauit euentus. Nanque ubi natum Christum nunciantibus magis audiuit Iudæa, Herodes didicit, mox perdere Iudæi, Herodes occidere molitus est Christum, & dum successorem sibi timent, omnium perdere conati sunt saluatorem: denique quia ipsum inuenire nequierunt, delent patriam: lac miscent sanguini, coænos eius partidali furore collidunt: laniant innocentæ socios, quia culpæ participes inuenire non poterant, quos punirent: Et si iam nato Christo hæc faciunt, concepto Christo tanta feritas quid fecisset? Hinc est quod prouidetur sponsus, prouidetur maritalis species, ut celet miraculum, ut regat signum, ut velet virginis partum, ut crimini non det locum, ut furētis insidias sic eludat. Christus quanuis morti deditus in utero si fuisset extinctus, mors præcepit quod nostræ saluti venerat abstulisset. Et quia locus iste multa nobis cōferre poterit si dicatur, prælibasse nos hodie fratres dominicum sufficiat sacramentum.

De incarnationis sacramento.

Sermo CXLVII.

Ioan. 1.

Dominum Christum fratres quæ res fecerit terreni corporis inire commercium, intrare humanæ carnis angustias, habitare virginalis uteri mansionem, quia antehac audire cepimus, hodie plenius audiamus. Vos mihi vita, vos mihi salus, vos mihi gloria: & ideo non patior nescire vos, quod Deus mihi dederit scire. Deum scinit Euangelista cum dicit, Deum nemo vidit vnquam. Ergo Deum quem sciebat, agnoscebat, sentiebat: quia videte non poterat creatura, ferebatur seruitute dura, triste exhibebat obsequium pro inuisibili maiestate, obsederat pauor omnia, timor soluerat vniuersa, cuncta concusserat terror, in cælo diuinus splendor prostrauerat angelos, in terra tonitrua & fulmina corda mortalium quassabant. Sic nimis pauor amorem dominantis excludit, Angelos fugauit ad terras, homines traxit ad idola, mundum vanis erroribus occupauit: fecit omnes creatorem fugere, colere creaturas. Amare non potest, qui satis timet. hinc est, quod mundus perire maluit, quam timere: pauore mors ipsa leuior. Denique Cain ubi patricidalis cepit terrore vexari, mortem petiit, requiem credit si periret. Et quid dicam

Gene. 4.

3 Re. 19.

Cain? Elias ille vbi sensit toto se timore aspergi, repetebar quam fugerat mortem, melius existimās mortui succumbere, quàm timori. Petrus quoque dominicæ virtutis timore turbatus Christum vt à se discederet supplicabar. Discede, inquit, à me, quia homo peccator sum. Hoc dicebat, quia quicquid erat amoris & fidei, pondus pauoris extinxerat: sic timor nisi amore fuerit temperatus, quāuis deuotam seruitutem efficit contumacem. Videns ergo deus mundum labefactari timore continuo, agit vt eum amore reuocet, inuitet gratia, charitate teneat, & constringat affectu. Hinc est, quòd inueteratā malis terrā abluuit vlciscente diluuiò: & Noë noui sæculi vocat parentem, blādo sermone compellat, dat familiarem fiduciā, pie de præsentibus iustruit, cōsolatur per gratiam de futuris, & iam nō iussis, sed participato labore vna in arca claudit totius sæculi partem, vt societatis amor timorem seruitutis auferret: & seruaretur amore communi, quod fuerat communi labore saluatum. Hinc est, quòd Abraham vocat de gētibus, augēt nomine, patrem fidei facit, comitatur via, inter extetos seruat, ditat rebus, honorat triumphis, promissis oppignorat, eripit iniuriis, hospitalitate blanditur, mirificat germine desperato, vt tot repletus bonis, tāta diuinæ ille ctus dulcedine charitatis, Deum dilige: e disceret, non timeret: amando colere, non pauendo. Hinc est, quòd Iacob fugientem solatur in somnis, redeuntē pio certamine prouocat, luctatoris cōstringit amplexu, vt amatet partem certaminis, non timeret. Hinc est, quòd Moysen patria voce vocat, patetna alloquitur charitate: vt sit plebis suæ liberator inuitat. Et quid plura? Deū facit: dedit eum in Deum Pharaonis: Deū facit, munit signis, atmat virtutibus, iussis bella expugnat, militem ipso verbo vincere tribuit, præceptis triumphare concedit, atque per omnes virtutum coronas ad amicitiam suam promouet, cælestis regni præstat esse participē: & vt ipse sit legislator indulget, totum tamen vt amaret, accepit: denique tantum esset dei amore succensus, vt ipse ardentè diligeret, & alios vt diligerent, sic moneret, Diliges dominum Deum tuū ex toto corde tuo, ex tota anima tua, & ex tota virtute tua. Quicquid est cordis, quicquid mentis, quicquid virtutis humanæ, ita Dei amore voluit possideri, vt hominis mundanus non haberet quid violaret affectus. Sed per hæc quæ memorauimus, vbi humana corda flamma diuinæ charitatis accendit, & huma-

Luc. 5.

Can. 7.

Gen. 12.

Gen. 28.

Exod. 3.

Exo. 10.

nis sensibus amoris Dei tota se fudit ebrietas, sauciamente
 ceperunt Deum carnalibus velle oculis intueri. Deum quē mū-
 dus non capit, angustus quomodo capere poterat humanus
 aspectus? Quid erit, quid debeat, quid possit, non respicit ius
 amoris. Amor ignorat iudicium, ratione caret, modum nescit.
 Amor non accipit de impossibilitate solarium, non recipit
 de difficultate remedium. Amor nisi ad desiderata pertaserit,
 necat amantem: & ideo vadit quod ducitur, non quod debeat.
 Amor parit desiderium, gliscit ardorem, ardor ad inconcessa
 pertendit. Et quid plura? Amor quod amat non potest non vi-
 dere. hinc est quod omnes sancti omnia quae meruerant par-
 ua duxerunt, si dominum non viderent. Et revera fratres quo-
 modo pro beneficiis reddet obsequium, si beneficiorum non
 videat largitorem? Aut quomodo credit à deo se amari, cuius
 non meretur aspectum? Hinc est quod amor qui cupit vide-
 re Deum, & si non habet iudicium, habet tamen studium
 pietatis. Hinc est quod Moyses audet dicere: Si inveni gratiam
 coram te, ostende mihi faciem tuam. Hinc est quod alius di-
 cit: Ostende faciem tuam. Denique & ipsi gentiles ob hoc si-
 mulacra finxerunt, ut in ipsis erroribus oculis cernerent quod
 colebant. Sciens ergo Deus visendi se desiderio cruciari, las-
 sarique mortales, unde se visibilem faceret hoc elegit, quod
 esset & terrenis magnum, & non minimum supernis. Nam
 quod in terra à Deo sibi simile factum est, in cælo poterat
 honorificum non haberi? Faciamus, inquit, hominem ad i-
 maginem, & similitudinem nostram. Perfecta devotio hoc
 debet imagini, quod debet & regi. Si de cælo sumpsisset an-
 gelum, nihilominus invisibilis haberetur, si de terra minus
 homine, & diuinitatis esset iniuria, & deiecisset hominem,
 non leuasset. Nemo ergo charissimi Dei credat iniuriam, si
 Deus ad hominem per hominem venit, & assumpsit ex nobis,
 ut videretur à nobis: qui vivit, & regnat Deus nunc, & per
 omnia secula seculorum. Amen.

De eodem.

Sermo CXLVIII.

Hodie fratres hesternum debemus redhibere sermo-
 nem: hodie dominicę natiuitatis lætitiā debemus i-
 terare: quando concipit virgo, virgo parit, manet virgo: non
 est consuetudo, sed signum: non est ratio, sed virtus: auctor
 est, non natura: non est commune, sed solum divinum est, nō
 humanum. Cesset ergo inanis philosophię labor, na sci Chri-

Exod. 33.

Psal. 79.

Gene. 1.

stum non fuit necessitas, sed potestas: fuit honor, iniuria non fuit: sacramentum pietatis fuit, deitatis non fuit detrimentū: fuit reparatio salutis humanæ, imminutio substantiæ nō fuit hoc diuinæ. Qui non nascendo ex intacto limo fecit hominem, nascendo ipse hominem de corpore fecit intacto: manus quæ in nostrum plasma lutum dignāter assumpsit, ad reparationem nostram dignāter assumpsit & carnē. Ergo quod creator in creatura sua, quod deus inuenitur in carne, creaturæ honor est, non est creatoris iniuria. Sed hoc contumeliam credit, qui credit lutum pretiosius esse quàm carnem. Fortasse pœnitet de luti iniuria in honorē carnis, in hominis gloriam se mutatum? Homo quare tibi tam vilis es, qui tam preciosus es deo? Quare sic honoratus à deo te ipsum taliter inhonoras? Quare quæris vnde factus sis, & ad quid factus sis nō requiris? Nōne tota ista quam vides tibi facta est mundi domus? Tibi infusa lux circumfusas remouet tenebras, tibi est tēperata nox, tibi dimēsus est dies, tibi cælum, solis, lunę, stellarū vario fulgore radiatū est: tibi terra floribus, nemorib⁹, fructib⁹ est depicta: tibi creata est in aëre, in cāpis, in aqua speciosa continēs mirabilis animantiū multitudo, ne gaudiū noui sæculi tristis solitudo cōfunderet. Hinc est, quod fecit te esse de terra, vt esses tu dominus terrenorum: & esses ipsis in ipsius substantiæ cōmunionē cōmunis: nec tamen te terrenū terrestribus sic æquauit, vt nō etiā cælestibus animatū te cælitus exæquarer: & vt esset tibi cū deo ratio cōmunis, corpus cōmune cū iumentis, dedit tibi animā de cælo, dedit tibi corpus de terra, vt in te nexa cæli, terræ quę cōcordia seruaretur. Adhuc tamen quid adiiciat ad honorē tuum tuus creator excogitat: in te imaginem suā ponit, vt terris inuisibilem cōditorem visibilis imago præsentem poneret: & in terrenis dedit tibi vices suas, vt non fraudaretur domini vicario mundi tam larga possessio. Et si ista ita sūt, quare modo putatur iniuria, quando deus quod per se fecit in te, in se clemēter excepit, & in homine se vere videri voluit, in quo antē imaginario voluit se videri, deditque vt pprietas esset ipse, qui antē vt similitudo esset acceperat: cōcepit virgo, virgo peperit, nō te conceptus turbet, parrus te non confundat auditus, quando virginitas quicquid est humani pudoris excusaz. Aut quę ibi verēcūdię lēsio, vbi in it deitas cum amica sibi semper integritate consortium, vbi est interpretes angelus, fides pronuba, de-

Gene. i.

spōsatio castitas, donatio virtus, iudex cōsciētia, causa deus, conceptus integritas, virginitas partus, virgo mater? Nemo ergo iudicet humano modo quod diuino geritur sacramento, nemo mysterium cæleste discutiatur ratione terrena, nemo ex vſu tractet nouitatis arcanū, nemo quod singulare est metiatur exemplo, nemo contumeliā de pietate componat, nemo periculū subeat de salute. Certe q̄ scire desiderat altiora, recurat ad legem: per legem legis scientiam quærat: auctoris factum auctoritate cognoscat. Auctoris lex refert, quod deus hominem propriam creauit ad vitam, quod homini terram iussit proferre fructus spontanea seruitute: quod bestias, pecudes, armenta, humanæ iussit potestati subiaccere, non artū: vt homo laboris nescius, doloris ignarus, beatus delicias possideret. Sed omnia hæc ne haberet homo, Angelus qui inter primos habebatur inuidit: maluitque in diabolū commutari, ne hominem plenum gloria sic videret. Denique hoc liuore succensus aggreditur dolis fœminam, virginēque vt veritum degustaret pomum inducit: inducta Virgo inducit virginem mox maritum, deiecit vitæ statum, mortis cibum, peccati pabulū, dum ministrat, & ipsa sit totius materia ruinæ, quæ facta fuerat ad solatium singulare. Hinc peccatum primum, hinc origo mortis, hinc labor, hinc dolor, hinc gemitus, hinc amara nostræ conditio seruitutis. Nanque homo antè dominus omnium in omnium deiectus est seruitutem: & timet omnes, qui timebatur ab omnibus: & viæ arte valet, qui potestate regnabat. Hinc est fratres, hinc est, quod Christi talis est ordo nascentis: ad virginem diabolus venerat, venit angelus ad Mariā: vt quod malus deiecerat angelus, bonus angelus alleuaret. Perfidiam suasit ille, hic fidem: sūasori credidit illa, ista credit auctori. Nascitur Christus, vt nascendo corruptam redintegret naturam: infantiam suscepit ille, patitur nutrimenta, percurrit ætates, vt vnam perfectam, manentem, quam ipse fecerat, instauraret ætatem: portat hominem, ne iam cadere homo possit: quem terrenum fecerat, fecit esse cælestem: animatum humano spiritu, spiritum viuificat in diuinum: & sic cum totum tollit in deū, vt in eo quod peccati, quod mortis, quod laboris, quod doloris, quod terræ est, nil relinquat: præstante domino nostro Iesu Christo, qui cum patre viuit, & regnat, in vnitæte spiritus sancti deus, nūc, & semper, & per immortalia sæcula sæculorum. Amen.

Gen. 2.

Gen. 3.

De natiuitate Christi. Sermo CXLIX.

Quem quidam D. Seneriani episcopi putant, sed falso.

IN aduentu domini & saluatoris nostri, atque in presentia
 eius corporali angeli ducentes choros cælestes euangeli-
 zabant pastoribus dicentes, *Annuncio vobis gaudium magnum, Luc. 2.*
quod erit omni populo. Ab ipsis ergo sanctis angelis etiam nos
 mutuati vocem, annunciamus vobis gaudium magnum. Ho-
 die enim ecclesia in pace est, & hæretici in ira: hodie ecclesiæ
 naus in portu est, & hæreticorum furor iactatur in fluctibus:
 hodie fratres pastores ecclesiæ in securitate, & hæretici in
 perturbatione sunt: hodie oues domini in tuto, & lupi insa-
 niunt: hodie vinea domini in abundantia, & operarij iniqui-
 tatis in indigentia: hodie populus Christi charissime exalta-
 tus est, & inimici veritatis humiliati sunt: hodie dilectissimi
 Christus in læticia, & diabolus in luctu, hodie angeli in exul-
 tatione, & demones in confusione. Et quid plura dicere? Ho-
 die Christus qui est rex pacis, cum sua pace procedens, fuga-
 uit omne dissidium, dissensiones depulit, discordiam pertur-
 bauit: & sicut cælum splendor solis, ita ecclesiam fulgor pa-
 cis illuminat. *Quia natus est vobis hodie, ait, saluator mundi.* O
 quàm desiderabile nomen pacis: quàm religionis Christia-
 næ stabile fundamentum: & altaris dominici cælestis orna-
 tus. Et quid dignum possumus de pace proloqui? Pax nomen
 est ipsius Christi, sicut & Apostolus dicit, *Quia Christus est Ephe. 2.*
 pax nostra, qui fecit utraque vnum: quæ non sententiis, ne-
 que fide, sed inuidia diaboli dissidebant. Verum sicut proce-
 dente rege, & plateæ mūdantur, & omnis ciuitas diuersis flo-
 ribus & ornatibus coronatur, vt nihil sit, quod minus dignū
 vultui regis appareat: ita & nunc procedēte Christo rege pa-
 cis, omne quod triste est auferatur à medio: & illucescente
 veritate, fugetur mendacium, fugiat discordia, resplendeat
 concordia. Et sicut frequenter fieri videmus, vbi regnum, vel
 fratrum tabulæ depinguntur, vt inter utrosque vnanimitatis
 declarentur insignia, artifex pictor sæmineo habitu post ter-
 gum vtriusque cōcordiam statuit, quæ brachiis suis vtrūque
 complectens indicet: quod hi qui videntur corporibus sepa-
 rari, sententiis & voluntate conueniant, ita nunc pax domini
 media assistens, & vtrunque nostrum gremio palpante con-
 nectens, discreta corpōra in vnum conuenire animum vlnis
 iungentibus docet, in quo sine dubio completur sermo pro-

pheticus, qui ait, Et erit consiliū pacificum inter utrosque. Et hesterno quidē pater noster communis euangelico pacis sermone præfatus est, hodie vero nos verba pacis expromimus: ipse nos hesterno resupinis manibus in verbo pacis excepit, & nos hodie dilatato pectore, vniſque patentibus ad eum cum muneribus pacis occurrimus. Iam bella destructa sunt. Omnia pulchritudo pacis obtinuit, nunc in luctu est diabolus, & in lamentatione omnis dæmonum turma: nunc in cælestibus læticia, & in angelis exultatio, quibus specialius familiaris est pax: hanc enim etiam cælestes admirantur virtutes, apud quas fons eius habetur perennis: ex quo etiam terreni guttis quibusdam exinde distillantibus irrorantur. Et ideo etiā si in terris pax laudatur à sanctis, laudis eius splendor redundat in cælum: laudant etiam cælestes angeli, & dicunt, *Gloria in altissimis deo: & in terra pax hominibus bonæ voluntatis.* Videtis fratres, quomodo cælestes omnes, terrestres inuicem sibi munera pacis mittunt, cælestes angeli pacem terris annunciant: sancti in terris Christum qui est pax nostra collaudant in cælestibus positum, & mysticis choris conclamant, *Hosiah anna in excelsis.* Dicamus ergo & nos cum angelis: *Gloria in altissimis deo: qui humiliauit diabolum, & exaltauit Christum suum. Gloria in altissimis deo, qui discordiam fugauit, & pacem statuit.* Videte fratres vocem angelicam exultantem. *Gloria in excelsis deo: & in terra pax.* Dico enim vobis artē diaboli, cuius neque vos ignoratis astutias. Vidit satanas firmitatem fidei, stabilitatēque: vidit eā pietate dogmatum septam: vidit eam operum bonorum fructibus abundantem: & ideo pro his omnibus ad insaniam venit, & rabie furoris exarsit, ut incinderet concordiam, ut cōuelleret charitatem, ut disrumperet pacem, sed pax semper sit nobiscum.

De fuga Christi in Aegyptum. Sermo C L.

SI conceptum virginis, virginis partum sermo non aperit, sensus non recipit, non capit mens humana, deum fugisse ut hominem quis loquatur? Apparuit, inquit, angelus domini in somnis Ioseph, dicens, *Accipe puerum & matrem eius: & fuge in Aegyptum.* Si pietatis esse diximus quod natus est Christus, Christus quod fugisse legitur, quid dicemus? Forte sicut natum diximus, repararet naturam: dicamus, ut fugaces reuocaret, aufugit. Et te, vera si ut reuocet errantem ouem in monti-

bus ipse errat, quomodo ipse non fugit fugientes populos vt reducat? *Accipe puerum & matrē eius, & fuge in Ægyptum.* Quid *Matt. 18.* est quòd sic cælestis causa tristatur, vt humanus se cōfundat auditus, lassetur animus, labore intelligētia, sensus hebetetur, fides nutet, spes titubet, credulitas ipsa succumbat? *Accipe pueram & matrem eius: & fuge in Ægyptum.* Persequente homine deus fugit: sæuiente terra, cælum trepidat: & volitāte puluere, pauore turbantur angeli: & pavor patris filio fugiente monstratur. *Accipe puerum & matrem eius: & fuge in Ægyptum.* *1. Reg. 21.* *& 22.* David persequente Saül ad Iudæam confugit, recepit vicina, domus vnus viduæ Eliq̃ sufficit ad latebras, Christo fugienti locus deest, prouincia deficit, non subuenit patria. Dū migrat, non vicinæ gentes, non finitimæ sufficiunt regiones: sed Ægypti tristem locum, extorrem habitum, lingua, moribus barbarum procuratur exilium. *Accipe puerum & matrem eius: & fuge in Ægyptum.* Si rerum refugium fugit, auxilium late-
3. Reg. 17. scit omnium, si formidat fortitudo cunctorum, si se vniuersorum defensio non defensat, quare humana notatur fuga, atguitur trepidatio, formido culpatur? Quare vocatur in crimen Petrus qui negat, Ioannes qui expauescit, & fugit: *Matt. 26.* discipuli omnes, quia deserūt per pauorem? Et ista fratres esto *Marc. 14.* facta sint, quare literis mandantur, quare referuntur in libris, quare recitātur sæculis, quare quotidianis lectionibus innotescunt, quare omnes panduntur in gentes, nunquid vt diuinum timorem lingua, locus, ætas, tempus, vniuersa cognoscant? Sicut enim cum virtutes leguntur, animos erigunt ad profectum: ita deponunt animos cū recitantur infirma. Quid sibi vult ergo euangelista, quòd hæc scribit ad memoriā sempiternā? Deuoti militis est regis sui tacere fugā, referre constantiam, virtutes loqui, timores silere: aperire fortia, infirma reticere: aduersa delere, prædicare victorias, quo & hostium frangere ausus possit, & sociorum excitare virtutē. Euangelista igitur referendo talia, videtur excitasse hæreticorum latratus, & defensionem fidelibus sustulisse. Tolle, ait, *puerum & matrem eius: & fuge in Ægyptum.* Mandatur fuga, non profectio: imponitur necessitas, non voluntas: inducit angelus latentem peregrinationem, non liberum com meatum: vt via quæ est per se molesta semper, esset molestior per timorē. Ergo ob quam causam hæc nobis scripta sint, iam tempus est vt quæramus. *Tolle puerum, & matrem eius, & fuge in Ægyptum.*

Bellicosus quòd in bello fugit, artis est, non timoris : Deus quando fugit hominem, sacramenti est, non pavoris : potens quando se subducit infirmo, insequentem non pauet, sed foris producit: vult enim in aperto vincere, qui publicam referre cupit ex hoste victoriam : occultum se non patitur inire conflictum, qui mandare suum sæculis vult triumphum. Secreta victoria, virtusque latēs exemplum postetis non relinquunt. Hinc est, quòd Christus fugit vt cedat tempori, non Herodi. neque enim mortem fugit, qui venerat de hoste reportare victoriam: neque humanas insidias expauescit, qui totas venerat diabolicæ fraudis aperire versusias : neque tunc timuit, quando infans, & secundum hominem timere nesciuit: & secundum deum potuit non timere. Christus fratres, si mactatus in illo grege lactentium tunc fuisset, mors ei casus fuerat, non volūtas: non virtus fuerat, sed infirmitas: necessitas fuerat, non potestas: & innocentie fuisset præmium, maiestatis gloria non fuisset. Certe vbi esset quod à deo dictū est:

Exo. 13. & Non coques agnum in lacte matris suæ? Futurum est, inquit, 34. vt Herodes quærat puerum. Herodes quærebat, sed quærebat

diabolus per Herodem, qui videbat sibi magos quos habebat in erroribus suis principes aufugisse, Christus si victus pannis, si sub matris vberibus occupatus, si tacens lingua, si latens opere, si gressu nullus, diaboli signiferos, hoc est, magos in duces fidelissimos commutauit, perfectæ ætatis Christus quid posset facere diabolus iam videbat: & ideo mouebat Iudæos, instigabat Herodem, vt Christi suspectam sibi præueniret infantiam: vt futura virtutis eius anticiparet insignia: vt peremptorium sibi nobis victoriosissimum vexillum crucis callidus machinator auferret. Sentiebat diabolus, sentiebat quòd Christus doctrinis, virtutibus, vitam mox repararet, & mundum totum qui adhuc vagiens ipsum quod erat mundani verticis, occuparet, iuxta illud prophetæ: Priusquàm sciat puer vocare patrem, aut matrem, accipiet & vittutē Damasci, & spolia Samariæ. Et vt ipsis probantibus Iudæis, cum dicunt: Videtis, quia nihil proficimus, ecce mūdus torus post ipsum vadit: Christus se in carne venturum, ascensurum per cæcitatem gradus, annunciaturum gloriam cælestis regni, prædicaturum fidei doctrinam, & imperio verbi solo fugaturū dæmones, daturum cæcis visum, claudis cursum, mutis verbum, auditum surdis, peccatoribus remissionem, mortuis vi-

Esa. 8.

Joan. 12.

tam, per legem promiserat, & per prophetas: vnde hæc Christus impleturus vir, infaus mortem distulit, non fugit. Denique fugam eius non de periculi metu, sed de prophetiæ venisse mysterio euangelista asserit, sic dicendo. *Accipe puerum & matrem eius, & fuge in Aegyptum.* Et post, *Vt impleretur quod dictum est à domino per prophetam, dicentem, Ex Aegypto vocavi filium meum.* Christus ergo fugit, vt staret legis veritas, prophetiæ fides, Psalmistæ testimonium, dicente ipso domino, Necessæ erat impleri omnia quæ scripta sunt in lege Moyfi, & prophetis, & psalmis de me. Christus fugit nobis, non sibi: Christus fugit, vt dispensata temporibus sacramenta servaret. Christus fugit, vt futuris virtutibus & perfidis materiam tolleret excusandi: & credituris fidei fiduciam largiretur: quia in persecutionem melius est fugere, quàm negare. Denique Petrus, quia fugere noluit, abnegavit: Ioannes ne abnegaret, aufugit.

Oses. II.

Luc. 24.

Mar. 14.

De eadem,

Sermo C L I.

HOdierna lectio movit corda, concussit viscera, stupere fecit auditum. Ecce, inquit, angelus domini apparuit Ioseph in somnis, dicens, *Surge, accipe puerum & matrem eius: & fuge in Aegyptum.* Cui nascenti virginitas non resistit, non obuiat ratio, non contradicit natura, potestas quæ, quæ vis, quod discrimen prævaleret, vt compelleretur ad fugam? *Accipe puerum & matrem eius: & fuge in Aegyptum.* Reuerentius diceret, vade in Aegyptum. vt esset profectio, non fuga: voluntas, non necessitas: iudicium, non metus: humanum saltem, si non diuinum: at nunc mandatur fuga, mandatur cælitus, mandatur per angelum, vt videatur cælum timor antè tenuisse, quàm terram. *Accipe puerum & matrem eius: & fuge in Aegyptum.* In Aegyptum fuge à tuis ad extraneos, ad sacrilegos à sanctis, à templo tuo ad dæmonum fana: ad idolorum patriam è regione sanctorum. Sic Iudææ non sufficit latitudo, sic angustatur sæculi diffusa possessio, non capit secretum templi, sacerdotum turba non suscipit, non abscondit numerositas inuestigabilis cognatorum, vt ad deitatis latebras profana Aegyptus conducatur, sic res vrget, sic non vacat intueri verrecundiam virginis, laborem matris, sexus pudorem, periculum Ioseph, longinquitatis fatigationem, exitium totius domus, & quod his durius, Iudæos peregrinaturos in gentibus, quibus nec ipsa est communio, imò est profundum legis:

Matt. 2.

*Psal. 89.**Psal. 45.**3. Re. 17.**4. Re. 1.*

transgressionem naufragium. O quam durum est peregrinatio etiam inter ciues fratresque: sapit quid sit sua domus, qui sentit alienam: & ubi est illud, Domine, refugium factus es nobis? Et, Deus noster refugium & virtus? Si refugium fugit, si timet virtus, si praesidium migrat, quæ vita, quæ spes, quæ securitas, quod munimen? Eliæ contra insidias liberi regis vidua vna sufficit: Christo contra Herodis captiui minas Iudæa tota non sufficit: Elias missos ad se cælesti igne consumit, Christus sola fuga fit saluus? Hucusque fugæ Christi querimonias exaggerasse sufficiat. Fratres, quod fugit Christus fuit mysterij, non timoris: fuit liberatio, non periculum creatoris: diuinæ virtutis fuit, non fuit fragilitatis humanæ: non fugit propter authoris mortem, sed fugit propter sæculi vitam. Nam qui mori venerat, quare fugeret mortem? Christus totam causam nostræ salutis occiderat, si se parvulum permisisset occidi. Christus venerat, ut quos præceptis docuerat, firmaret exemplis: & ipse faceret quæ facienda mandauerat: & visu probaret possibilia, quæ impossibilia videbantur auditu. Venerat ut mundo notitiam suæ deitatis infunderet: & humani generis ignorantiam auferret. Venerat, ut pigra mortalium corda ad fidem virtutibus excitaret. Venerat diabolum publico superare conflictu: ut ab omnibus & diuino vinceretur iussu, & humano proitteretur exemplo. Venerat præsentis suæ promissa persolvere: ut quibus scire se dederat, concederet se videre. Venerat, ut veniret Iudæus de contemptu legis. Venerat introducere ad fidem gentes. Venerat eligere Apostolos doctores orbis, eosque cælestibus implere doctrinis, munire virtutibus, armare signis, ut signis edomarent feros, sanarent virtutibus infirmos, doctrinis dociles edocerent: & ad summum, venerat mortem perdere moriendo, penetrando inferna dissolvere, resurgendo sepulchra referare, ascendendo ad cælos cælestibus donare terrenos. Omnia hæc utique periissent nobis, si Christus cum esset in cunabulis, non fugisset. Sed auditor dicas, cum posset aliter, quare tantis, quare talibus summis iniuriis? Quare? Primum quia neque sine homine poterat saluari homo: neque sine humanis iniuriis iniuriæ humanæ poterant amputari: causam suam facit, qui alterius vult cauere: qui non compatitur, amputare non potest passiones. Christus nos in se suscepit, ut se daret nobis: pertulit passiones nostras, ut nostras tolleret passiones. Hinc est, quod Christus fugit,

ut nostras fugas in persecutionibus temperaret. Martyr comprehensus debet tenere constantiam, non comprehensus debet fugere persequentem: ut & persecutori indulgeat resipiscendi tempus, & sibi tempus non auferat supplicandi, dicente domino: Si vos persecuti fuerint in hac ciuitate, fugite in aliam. Persecutorem, qui prouocat, facit: corrigit qui declinat. Fugere debemus ergo, prouocare non debemus, si saluari persecutores nostros volumus, pro quibus præceptum est nos orare. Orate, inquit, pro persequētibus vos. Orādum est, fugiendum est, ut & ille qui per ignorantiam furit sanetur: & ille qui patietur de patientia palmam subeat, non subeat de temeritate discrimen. Fratres si Paulū martyres nō fugissent, Paulum non fecissent. Hoc faciēdum docuit Christus: hoc nobis reliquit exemplum, ut fugiente domino, fugere indignum non putet seruus. Et alia est causa quod fugit Christus, quod infans tempus suę distulit passionis, quod crucem supra tricesimum annum vitæ corporalis ascendit: ut qui ad vitam perfectum hominem fecerat, perfectam repararet in vitam: & qualem terris dederat, talem redderet cælo. Et quod ad Ægyptum fugit, aliam procedit ad causam. Fugit ad Ægyptum, ut perfidiam Iudæorum per fidem gentium castigaret: nam dominum suum quem Iudæa fugauerat, Ægyptus obsequenter accepit: ut ecclesiam synagogæ, Iudæis gentes anteponendas in fide suam panderet per figuram.

De infantium nece.

Sermo CLII.

Qui non recte tamen D. Senerini titulo circumsfertur.

Zelus quo tendat, quo profiliat linor, inuidia quo feratur, Herodiana hodie patefecit immanitas: quæ dum temporalis regni æmulatur angustias, æterni regis ortum molitur extinguere: sicut ait euangelista. Tunc Herodes videns, quia illusus esset à magis, iratus est valde, & mittens occidit omnes pueros qui erant in Bethlehem, & in omnibus finibus eius. Videns, quia illusus esset à magis: dolet impietas se illusam, dilatam se crudelitas furit, fremit dolositas se deceptam, & in se fraus reuersa, colliditur. Herodes stridet cadens ipse in laqueum quem tetendit, hinc iniquitatem quam condiderat euaginat: de fide perfidiæ sumit arma, terreno quærit furore, quem natum cælitus non credit, ad sinns matrum militum cogit castra, inter vbera arcem pietatis oppugnat,

in teneris vberibus ferrum durat, lac fundit antequam sanguinem, dat antè mortem sentire, quàm vitam: tenebras ingerit intrantibus lucem. Sic agit magister mali, minister doli, iræ artifex, inuētor sceleris, impietatis auctor, pietatis prædo, inimicus innocentie, hostis naturæ, malus omnibus, suis peior, pessimus sibi: quem Christus non ut euaderet, sed ne videret, aufugit. In altum tendens, cedit ab alto: cælum pulsans, intrat profundum: in se vadit, qui vadit in deum: se occidit, qui vitam conatur occidere: quia capi non potest perditione salus, occisione vita, æternitas sine. O ambitio quàm cæca semper? O quàm semper præsumptio pessima? O quàm perdit concessa, qui inconcessa captat! Herodes obsidens terrenum regnum, impugnat cæleste: terrenis inhians, irruit in diuina: ipsamque pietatem tota impietate sectatur. Audierat natum regem, quæsierat ubi, quando, vnde, & ad quid: ast qualiter debuerat, non quæsiuit: quia apud illum peccandi amor, amor innocentie non manebat. Destinatus ad scelus, ad piaculum promptus, paratus ad crimen, causas innocentie non requirit, ius abrogat, confundit fas, nefasque: cui nequitia est sodalis, cui odiosa est æquitas, iniquitas semper est amica, qui cædibus viuit, qui se munit sanguine, qui crudelitatem sectatur, cui de timore stat totum, de amore nil constat. Herodes tunc cæcus sic Christum gladiis quærit, inuestigat cruore, crudelitate rimatur: successorem timens, incessit in authorem: peremit innocentes, volens innocentiam deperire. Rector populi, morum custos, disciplinæ censor, iustitiæ indagator, æquitatis defensor, seruator innocentie, ampliatur populi, innocentis causam facit innocentium crimen, munus nati natorum vertit in pœnam, authoris ortum oriëntum mandat occasum, negotium saluantis, saluandum iubet esse discrimē. Index audientes vocat, interrogat loquentes, negantes arguit, vrget reos, percellit noxios, cōscios corripit, addicit complices, sententiæ dat detectos. Infantes quid? Quorum lingua tacuit, oculi nil viderunt, nil audierunt aures, manus nil fecerunt, & quibus actus nullus est, vnde culpa? Sumpserunt mortem, qui viuere nescierunt, non tempus affuit, non excusauit ætas, silentiū nō defendit, quibus apud Herodem solum quòd nati sunt, hoc fuit crimen: & re vera quomodo non redderent naturæ creditum, à quibus causa exigebatur authoris? infelix homo, qui sibi ad accusationē parauit

parauit omnia: ad excusandum spacium non reliquit, sed totum parauit ad pœnam. Quis excusabit quem pulsat innocentia, infantia impetit, lac ut sanguis accusat? Hoc cōtra Herodem. At Christus futurorum præsciis, consciis secretorum, cogitationum iudex, mentium perscrutator, quare deseruit quos sciebat quærendos esse propter se, & propter se nouerat occidendos? Natus rex, & rex cælestis quare neglexit milites innocentia sue, cōxtaneum sibi quare contempsit exercitum, quare cunabulis suis deputatas excubias sic reliquit, ut regē solum quæsiturus hostis totum grassaretur in militem? Fratres, Christus non despexit suos milites, sed prouexit: quibus dedit antè triumphare, quàm viuere: quos fecit capere sine cōcertatione victoriam, quos donauit coronis antequàm mēbris, quos voluit virtutibus vitia præterire, antè cælū possidere, quàm terram: nec antè humanis inferere quàm diuinis. Præmisit ergo Christus suos milites, non amisit: recepit suas acies, non reliquit. Beati, quos martyrio natos vidimus esse, non sæculo. Beati, qui labores in requiem, in refrigerium dolores, mœtores in gaudium commutarunt. Viuant, viuunt, quia vere viuunt, qui pro Christo merentur occidi. Beati vētres qui portauerunt tales, beata vbera quæ se talibus infuderunt: beatæ lachrymæ quæ pro talibus fusæ flentibus gratiam baptismatis contulerunt. Nam diuerso modo, dono vno, in lachrymis suis matres, & sui filij suo sanguine baptizantur. In martyrio filiorum passæ sunt matres: nam gladius filiorum pertransiens membra ad matrum corda peruenit: & necesse est ut sint præmii consortes, quæ fuerunt sociæ passionis. Ardebat paruulus occisori, gladio adiocabatur infantulus, nutricis loco attendebat lactans percussoris horrorem, nescia lucis ætas moritura gaudebat: infans filius omnē hominem non hostem respicit, sed parentem. Matres tulerunt quicquid & angoris extitit, & doloris: & ideo nō martyrii gaudio, martyrii lachrymas quæ fuderunt. Hoc loco attendat auditor, attendat, ut intelligat martyrium non constare per meritū, sed venire per gratiam. In paruulis quæ voluntas, quod arbitriū, vbi captiua fuit & ipsa natura? De martyrio ergo demus totū deo, nil nobis. Vincere diabolus, corpus tradere, contemnere viscera, tormenta expēdere, lassare tortorem, capere de iniuriis gloriā, de morte vitam, nō est virtutis humanæ, muneris est diuini. Ad martyriū qui sua virtute currit, per Chri-

stum non peruenit ad coronam: sed ipse nos celeste perducit ad pabulum, qui nostro dignatus est iacere in stabulo Iesus Christus Nazareus dominus noster, qui viuit & regnat in sæcula sæculorum. Amen.

De eadem,

Sermo CLIII.

FRatres, humani sensus nō est virginēi partus aperire mysterium: quod natura non habet, authoris est, nō naturę: est opus superni spiritus. quod sentire nō potest caro: vbi nō est humanitatis indicium, ibi deitatis est signum, dicere propheta, Ipse dominus deus dabit vobis signum. Ecce virgo in utero accipiet. Vbi nil est terreni vsus, est ibi cælestis ordinis totum: quod de mundo non est, mundano intellectu nō potest subiaccere. Conceptas qui virginem seruat, partus virginē qui relinquit, diuinum est quod generat, nō humanum: deus graditur, vbi vestigiū nullatenus humani trāsitus inuenitur, consuetudo deficit, miracula cum geruntur, consuetudines non respiciūt signa, singularitas non admittit exemplum, sicut hodierna pandit lectio quę diuina narrat prælia paruulorum. Coorta regi cohors suo magis præmori quàm commori tota gestit: Christo dicati milites cœperunt antè militare, quàm viuere: antè pugnare, quàm ludere: fundere ante sanguinē, quàm lactis vbera perpotare: ardētes animæ moras corporis non tulerunt, à gremio ad furentes hostium cuneos peruolantes, anticipant virtutibus blandimenta, vulneribus oscula, vnguenta ferro, ut cælum possint ante inhabitare, quàm terram: præmia spiritus ante portare, quàm carnem: ante referre triumphos deo, quàm perferre hominum nutrimenta. Vere, vere fratres isti sunt gratiæ martyres, confitentur tacentes, nescientes pugnāt, viuunt inscii, moriuntur inconscii, ignari tollunt palmas, coronas rapiunt ignorātes. Ergo sicut virginitas corruptionis nescia cōtulit honorem matri, sic infantia passionis ignara martyrii palmas rapuit, & coronas. Sed quid dicemus, quòd rex ipse qui stare debuit fugit solus, & fugit monente patre? Fugere istud est amoris intimi, non timoris ignauitæ. Si sterisset Christus, haberet eos synagoga filios, hos ecclesia martyres non haberet.

In diuum Stephanum protomartyrem.

Sermo CLIIII.

Sicut dominum prædiorum limitibus affixi tituli proloquuntur, ita nomina ipsa sæpe sanctorum merita indicāt,

testantur insignia. Ita Abraham, quòd fide credidit, nominis adiectione monstravit: quando ex Abram Abraham diuinitus nuncupatur: vt dilatandus genere, nomine antè dilaretur, dicente domino, Et nō vocabitur amplius nomen tuum Abram, sed Abraham erit nomen tuum: quia patrem multarum gentium posui te. Sic coniux sancta eius cum de sterili sit fœcūda, ex Sara vocitata est Sarah: vt & ipsa antè crescat nomine, quàm crescat pignore: & quia promittente domino risum credidit, si vetula conciperet exarata iam rugis, si pareret desperata iam fœcunditas, si sterilitas iam penes senectutis extrema prægnaans fieret, risum mox quòd genuit, nuncupauit: & hoc aptrauit in nomine, quòd sensu passa est cum rideret, & vocauit nomen eius Isaac, quod interpretatur risus. *Gen. 17.*

Sic Iacob qui in vtero cœpit antè luctari, quàm viuere: antè viribus superare, quàm membris: etiam interviscera materna ipsa supplantatoris est vocabulum consecutus, eo quòd antequam nasceretur, noscitur diuinitus reprobaturum supplantasse germanum. Et quia longum est ire per singula: sicut Petrus à petra nomen adeptus est, quia primus meruit ecclesiā fidei firmitate fundare: ita Stephanus vocatus est à corona, quia primus meruit pro Christi nomine subire conflictum: primus meruit sanguine suo militum Christi martyrium dedicare. Petrus apostolici chori vetustum teneat principatum, aperiat intrantibus regnum cælorum, reos potestate vinciat, pœnitentes clemēter absoluat: Stephanus est martyrum primus, Stephanus purpuratum ducit exercitum, qui pro domini sui adhuc calente sanguine, sanguinem suum avidus bellator effudit. Et quia cruore proprio tinctam sibi ipse purpuram conquisiuit: meritò à rege suo consecutus est pòst coronam, qui iam cum nasceretur nomen sortitus est à corona: verè quem præsciuit & prædestinauit, ipsum nunc martyrii primum vocauit ad gloriam.

De Calendis Ianuariis, quæ varia gentium superstitiones polluebantur.

Sermo C L V.

Vbi nostram Christus piè natus est ad salutem, mox diabolus diuinæ bonitati numerosa genuit, & pernicioſa portenta: vt ridiculum de religione componeret, in sacrilegium verteret sanctitatem, de honore dei deo pararet iniuriam. Hinc est fratres, hinc est quòd hodie gētiles deos suos fœditatibus exquisitis, excogitato dedecore, & ipsa turpitu-

Rom. I.

dine turpiores deos suos videndos trahunt, distrahunt, pertrahunt, quos faciunt non videndos. Quæ vanitas, qualis dementia, quanta cæcitas, fateri deos, & eos ludibriis infælicibus infamare? Irrisores sunt, cultores nō sunt, qui deos quos venerantur illudunt: iniuriis afficiunt, non honorant, qui deos à quibus se formatos existimant sic deformant: confundunt, non glorificant, qui eos de ipsa confusione componunt. Verè, sicut ait Apostolus, quia non probauerunt deum habere in notitia, tradidit illos deus in reprobum sensum, vt faciant ea quæ non conueniunt: quando eis quibus humana abrogant, dant diuina: quando eos iudicāt dignos cælo, quādo ipsos faciunt terra ipsa non dignos: verè dati sunt in reprobum sensum, & non est hoc iudicii diuini, est hoc sapientiæ dei, vt ipsi sint iniuriarum dei vindices, qui iniuriæ probantur auctores. Quæ ira, quæ ultio, sic in deum de idolis exequeretur offensam, vt eos quos verustas aris, incenso, victimis, gēmis, auro, deos esse mentita est, posteritas turpi cultu homines fuisse turpissimos iudicaret, & eorum vitam, mores, actus, ipsi eorū signaret in vultibus, ac doceret tales fugiendos esse potius quàm colendos? Desicemus fratres, & eos qui talia sunt secuti, & nos euasisse talia cœlitus gaudeamus. Quorum formāt adulteria in simulachris, quorum fornicationes imaginibus mādant, quorū titulant in cœsta picturis, quorum crudelitates commendant libris: quorum patricidia tradunt scæculis, quorum impietates personāt tragædiis, quorum obscœna ludunt, hos qua dementia deos crederent, nisi quia criminum desiderio, amore scelerum possidētur, criminum deos exoptant habere criminosos? Qui peccare cupit, peccatorum colit & veneratur auctores. Hinc est quod Veneri adulter inseruit, hinc est quod se Marti crudelis addicit. Hæc diximus fratres, vt proderemus causam: quare facientes hodie quæ talia sustinemus, faciant gentiles deos suos, & faciant tales qui videntibus & horrore sint & pudori: faciant vt eos aliquando & ipsi qui faciunt, horreant & relinquunt, & Christiani glorientur a talibus se liberatos esse per Christum: si modo non eorum ex spectaculis polluantur, si eorū non inquinent thura tactu, si huiusmodi fugiāt de assensione discrimen: quia factis semper est æqualis assensus, Apostolo probante, cum dicit, Non solum qui faciunt ea, sed etiam qui consentiunt facientibus. Et si tanta est de assensione damna-

Rom. I.

tio, quis satis lugeat eos, qui simulachra faciunt semetipsos? Nōne isti amiserunt imaginem dei, similitudinem perderunt Christi, exuti sunt indumentum, qui se simulachrorum formis sacrilegiis formauerunt? Sed dicit aliquis, non sunt hæc sacrilegiorum studia, vota sunt hæc iocorum: & hoc esse nouitatis lætitiā, non vetustatis errorem: esse hoc anni principium, nō gentilitatis offensam. Erras homo, non sunt, non sunt hæc ludicra, sunt crimina. Quis de impietate ludit, de sacrilegio quis iocatur, piaculum quis dicit risum? Satis se decipit, qui sic sentit: tyrannus est, tyranni habitum qui præsumit. Qui se deum facit, deo vero contradictor existit: imaginem dei portare noluit, qui idoli voluerit portare personam: qui iocari voluerit cum diabolo, non poterit gaudere cum Christo. Nemo cum serpente securus ludit, nemo cum diabolo iocatur impune. Si qua sunt ergo viscera pietatis in nobis, si qua est in nobis contemplatio humanitatis, si qua nos habet fraternæ salutis affectio, abstrahamus eos qui sic ad perditionem currunt: rapiuntur ad mortem, trahuntur ad tartara, festini sunt in gehennam. Abstrahat ergo pater filiū, seruum dominus, patens parentem, ciuem ciuis, homo hominem, Christianos omnes qui se bestiis comparant, exæquarunt iumentis, aptauerunt pecudibus, demonibus formauerunt. Et ille qui liberat, inuenit præmium: qui negligit, acquirit offensam. Beatus qui suæ vitæ custos est, & prouisor est salutis alienæ.

De Epiphania & Magis.

Sermo C L V I.

QUOTIES salutaribus succis contra lethales morbos antidotum temperat peritia præcauta medicorum, si præter artem, præter medicinam, præter tempus accipere præsumat ægrotus, sit periculi causa quod prouisum est ad salutē: sic dei verbum si præter magisterium, præter doctrinam, præter dogma fidei, scire temerarius præsumat auditor: quod est vitæ materia, sit perditionis occasio. Quærendum est fratres ne peraudiendi imperitiā, quod ad profectum nobis diuinitus scriptum est, ad animarū veniat detrimētum. Putāsne Chaldeos siderum scrutatores, errantes per astra magos, cæli negotia in tenebris noctium perquirentes, nascendi, moriēdi causas stellarum cursibus ascribentes, bona malæ hominum de arbitrio luminarium firmantes, euangelista hodie ortū Christi absconditū sæculis stella duce docuit inuenisse?

Abfit. Sic sentit mundus, sic gentiles intelligunt, sic fallit species lectionis: cæterum sermo euangelicus non humana loquitur, sed diuina: non vñitata, sed noua: non arte fallentia, sed veritate subnixā: non oculis alludentia, sed cordibus infixa, non coniecturis nutātia, sed auctoritate firmata: à deo venientia, non à fato: nō collecta numeris, sed virtutibus acquisita. *Cum natus esset Iesus, inquit, in Bethlehem Iudæ, in diebus Herodis regis: ecce magi ab oriente venerunt Hierosolimam, dicentes, Vbi est qui natus est rex Iudeorum? Vidimus stellam eius in oriente & venimus adorare eum.* Cum nascitur Iesus, oritur origo rerum, generatur largitor generis, nascitur auctor naturæ: vt repararet naturā, genus redderet, originē recrearet. Adam primus homo, pater generis, origo generationis, naturæ bonum, libertatem generis & germinis vitam sic perdidit dum deliquit, vt malum naturæ, seruitutem generis, germinis mortem successio lamentanda portaret. Hinc est quòd Christus nascendo naturam reddidit, tulit moriendo mortem, vitam reuocat dum resurgit, & qui homini animam dederat de cælo, inde hominem fecit & carne constare, ne terrena labes cælestem sensum rursus carnis demergat in lapsum: dicente Apostolo, Primus homo de terra, terrenus: secundus homo de cælo, cælestis: qualis terrenus, tales & terreni: & qualis cælestis, tales & cælestes. Et Ioannes euangelista, Omnis qui ex deo natus est, nō peccat, sed generatio dei seruat illum. Hinc est ergo quòd nascitur Christus, vt iacentes in terreno germine cælestem tolleretur ad naturam. *Cum natus esset Iesus in Bethlehem Iudæ, Bethlehē fratres Hebraicè, domus panis vocatur.* His ergo vocabulis Iudæ signatur domus, genus vocatur, vt promissionis fides, vt prophetiæ veritas impleatur, dicente Iacob, Iudā te laudabunt fratres tui, manus tuæ supra dorsum inimicorum tuorum, adorabunt te filii patris tui. Et post, Nō deficiet princeps ex Iudā, nec dux ex femoribus eius donec veniat cui reposita sunt, & ipse expectatio gentium. Vnde & Dauid, Iudā rex meus. *Cū natus esset Iesus in Bethlehem Iudæ in diebus Herodis regis.* Quid est quòd tēpore regis nefandi deus descendit ad terras, miscetur diuinitas carni, fit terreno corpori cæleste cōmetciū? Quid est & quādo nō verus rex expulsurus tyrannū, vindicaturus patriā instauraturus orbē, libertatem redditurus adueniat? Herodes refuga gētis Iudaicæ

Mat. 2.

Colos. 15.

Ioan. 5.

Gen. 49.

Iuxta

I. XX.

Psal. 59.

inuafit regnum, libertatem fustulit, prophanauit sancta, confudit ordinem: quicquid disciplinæ, quicquid cultus est, aboleuit: meritò ergo genti sanctæ, quia humana defunt, diuina succurrunt: & adest Deus ipse, cui homo nō erat qui adesset. Sic iterum Christus veniet, vt Antichristum subruat, liberetur orbis, paradisi patria reddatur, mundi perpetuetur libertas, sæculi seruitus tota tollatur. *Ecce magi ab oriente venerunt.* Ab oriente ad orientem veniunt magi, vt susciperet venientes ipse, qui iusserat vt venitent: quando enim Deum magus, nisi Deo iubente perquireret, quando regem cæli nisi reuelante Deo astrologus inuenisset, quando vnum Deum sine Deo Chaldæus adoraret in terra, qui in cælo Diis totidem, quot sideribus seruiebat? Plus celeste de magis, quàm de stella signum est: quòd Iudææ regem, quòd legis authorem magus scit, nescit Iudæus: Chaldæa defert, non defert Iudæa: Hierosolyma auersatur & refugit, Syria sequitur & adorat. *Ecce magi ab oriente venerunt, dicentes, ubi est qui natus est rex Iudeorum? Vidimus stellam eius.* Et quid tamen est quod videtur? Verè sicut dixit Apostolus, Cum esset diues, pauper factus 1. Cor. 2. est: cum esset in deitate sua diues, nostra fit pauper in carne: & habere cœpit stellam vnā, totā qui fecit, habet, & continet creaturam. *Vidimus stellam eius.* Aliquando videt magus: qui habet stellam, non habetur à stella: nec ipse agitur cursu stellæ, sed ipse stellæ agit cursum: cuius per cælum sic cursum dirigit, sic moderatur incessum, sic viam temperat, vt magorum seruiat, & mittatur ad gressum: nam ambulante mago, stella ambulat: sedente mago, stat stella: mago dormiente, excubat stella: sic sentit magus, vt quibus viandi par conditio est, par sit necessitas seruiendi: & stellam iam non Deum credit, sed iudicat esse conseruam, quam cernit taliter suis obsequiis mancipatam. *Vbi est qui natus est rex Iudeorum? Vidimus stellam eius in oriente, & venimus adorare eum.* Dicendo, ubi est qui natus est rex Iudæorum, non interrogant, sed insultant: quādo scientes interrogant, nescientes non ignorāt, sed negligentes arguunt: increpant desides, malos produnt, contumaces verberant, seruum domino non occurrisse causantur. Nam quid ab hominibus querunt, qui per Deum nouerant quod querebant? Vt quid illis ad hoc humanæ demonstrationis officium, quibus ad hoc cæli sydera seruebant? Quo illis lucerna templi, quibus cæli sidus mirabile

Isaie. 1.

perlucēbat? *Vbi est qui natus est rex Iudæorum?* Hoc est dicere, Currex Iudæorum in præsepi iacet, & non decumbit in templo? Cur non fulget in purpura, sed squallet in pannis? Cur latet in specu, & manifestus in sanctuario non habetur? Receperunt iumenta in præsepi, quem in domo sua recipere vos spreuistis. Agnouit, sicut scriptum est, bos possessorem suum, & asinus præsepe domini sui: tu autem Israël tuum dominum non quæstisti. *Vidimus stellam eius.* Apparuit stella non volens, sed iussa: non cæli nutu, sed diuinitatis impulsu: non lege siderum, sed nouitate signorum: non cæli climate: sed virtute nascentis: nō ab arte, sed à deo: nō astrologi scientia, sed præscientia conditoris: non arithmetica ratione, sed sanctione diuina: superna procuratione, non curiositate Chaldæa: non arte magica, sed Iudaica prophetia. Sic vbi vidit magus humanas periisse curas, suas defecisse artes, mundanæ sapientiæ exinanitos labores, omnium sudores obriguisse sectarum, totius philosophiæ thesauros esse vacuos, fugisse paganam noctem, opinionum nebulas cōcidisse, ipsas dæmonum delituisse umbras, stellam non vt cometem incircumsuso crine occultare quod nunciat, obscurare quod lucet, sic dicit, Fas est, vt & te nouo radio, signifero lumine, splendore certo radiare videam illic natū regem, præter mundi legem, præter carnis ordinem, præter humanam monstres naturam. Sic deposito errore, sequitur, currit, peruenit, inuenit, gaudet, procidit, adorat: quia non per stellam, non per artem, sed per Deū, Deum se inuenisse. humana miratur in carne. Ergo fratres, lectione præsentis non est firmatus error magicus, sed solutus. Sed sufficiant ista hodie, vt per Deum quæ sunt in sequentibus clare elucescant.

*De eisdem.**Sermo*

CLVII.

Dominicæ festiuitates causas suas suis vocabulis eloquuntur: nam sicut nascendo Christus diem dedit natalem, & resurgendo resurrectionis diem dedit, sic lumine signorum diem suæ illuminationis ostendit. *Qui enim nascendo antè humano corpore se velauit, postea operando ipse se cælesti reuelauit arcano: post Deus ipse apparuit trino modo, qui homo in partu paruit singularis. Merito ergo solennitas præsens epiphaniæ vocabulo nuncupatur, in qua illuxit deitas, quæ nostra nobis obscurabatur in carne. Ista est fratres, ista est festiuitas, quæ concepta tempore diuerso peperit*

tria deitatis insignia. Per epiphaniam magi Christum dominum muneribus mysticis cōfiterentur, & cultores siderum, noctis incolæ, auctorem lucis densis inueniunt in tenebris: ut sit hoc auctoris gratia, non sit hoc industria sic quærentis: nō sit stelle: sed Dei sit creatoris donū, non sit beneficium creaturæ: non sit humanæ artis, muneris sit diuini. *Ecce magi, inquit, ab oriente uenerunt, dicentes, Vbi est qui natus est rex Iudeorum? Vidimus enim stellam eius in oriente, & uenimus adorare eum.* Vidimus stellam eius. Et quid non eius? Stella eius est, non ille stellæ, *Stellam eius.* Quæ accepit esse, sed non dedit: stellam, cuius ortum tenebat auctor, non quæ ortum tenebat auctoris. *Stellam eius.* Venientem non à genesi, sed à genitore: mandato, non fato: non à computatore, sed ab auctore: non quæ daret ortum, sed quæ sustineret occasum. Stellam nō legiferam, sed signiferam: ferentem non dierum ordinem, sed noctium lumen. Stella hæc ministra viæ, nō vitæ: comes magorum, non cognata Christi: non dominantis domina, sed ancillula seruorum. Sed dicit aliquis, *Quare magi? Quare per stellam, si enim stellis, cum origine nulla causa est, nulla ratio cum natura? Quare magi? Quare stella?* Vt per Christum ipsa materia erroris sic fieret salutis occasio: quemadmodū per Christum mortis causa, causa facta est vitæ. Hostem proprio mucrone turbare singulare est insigne virtutis. Apud magos in culpa erat ignorantia, non voluntas: & erat in crimine nō studium, sed error. Quærere Deū, & nescire quærere, necessitas magis est, quàm reatus. Fuit ergo pium, ut & Deus inuenire se quærentibus daret, & culpam deputaret errori. Denique Paulus iudicio tali de persecutore factus est prædicator: quia per zelum legis impugnabat legem, & in Deum Dei amore peccabat. Hinc est quòd fides currit ad Paulū, perfidia ad ignorantiam recurrit. Sed adhuc dicit auditor, *Esto quòd stella non nutu proprio, sed Dei iussu ostenderet viam quærentibus magis: unde tanta munerum scientia mysticorum, unde donorum sacramenta tanta? Non Chaldaea arte, sed de prisca sanctorū traditione maiorum: erant isti de genere Noe, de filiis Abraham, qui Christum nasei per Deū didicerāt, non per artem, eūque hominem, Deum, regem, moriturū alto cognouerāt sacramento.* Hinc est quòd apta patrum fidei munera portauerūt: ut aurum regi, incensum Deo, morituro myrrham scienter offerret, talisque munere & pietati sa-

Mat. 2.

Ioan. 2.

tisfaceret & honori. Sed de magis ista sufficiant. Per epiphaniam Christus in nuptiis aquas saporauit in vinum: vt Christi nuptiis interfuisse virtutis fuerit, non voluptatis, nō fuerit humanitatis, sed potestatis: signi fuerit causa, non ventris: ebrietatis non fuerit apparatus, fuerit deitatis ostensio. Denique vbi aqua mutauit naturam, mox patefecit auctorem, & elementorum creator mutatione reuelatus est creaturæ. Fœlices nuptiæ, fœlices illæ, quibus Christus est præsens, quæ nō luxu, sed virtutibus consecrantur. Quid ibi non transiit in gratiam, vbi aqua transiit in vinum? Per Epiphaniā Christus Iordanis alueum baptisma nostrū consecratus intrauit, vt quos nascēdo in terra susceperat, hos renascēdo releuaret in cælum: in se haberet liberos, quos præter se viderat esse captiuos: faceret vitales ipse, quos culpa fecerat esse mortales: perpetuos redderet, quos mors dederat temporales: & quos diabolus exules fecerat terrenorum, hos ipse in cælestibus sibi faceret esse cōsortes. Hinc est fratres, quod spiritus sanctus tūc toto se fudit illapsu, quādo pater de cælestibus clamat: Hic est filius meus dilectus: vt quibus in creādis nobis opetatio fuerat vna cum filio, vna fieret de nostra reparatione dignatio: æque Christus diuerso tempore vno eodēque die magorum munere, atque mutatione, atque patris voce Deus trino testimonio nosceretur fieretque de trina ostensione Christi epiphaniæ vna & sacra solennitas.

*De eisdem.**Sermo CLVIII.**Mat. 3.*

SAepe quærimus, quare sic mūdum Christus intrat, vt vtrius experiatur angustias, partus patiatur iniuriam, sustineat vincla pānorum, cunabula toleret imbecilla, lachrymis vberum nutrimēta disquirat, ætatum gradus, necessitatēque persentiat. Et qualiter venire debuit, qui voluit apportare gratiam, timorem pellere, quærere charitatem? Natura docet omnes quid valeat, quid meretur infantia. Infantia quam barbariem non vincit, quam non feritatem mitigat, quam crudelitatem non comprimit, quem nō compescit furorem, quam non potestatem deponit, quem non intelligit rigorem, quam duriciam non resoluit, quid non amoris expostulat, quid non affectionis extorquet, quam non imponit gratiam, quam non impetrat charitatem? Hoc ita esse sciunt patres: matres sentiunt: probant omnes: viscera humana testantur. Sic ergo nasci voluit, qui amari voluit, non timeri:

& tamē apud malitiā humanā, sic blanda, sic pia, sic chara, audire quid proficit infantia. *Audiens, inquit, Herodes rex turbatus est: & omnis Hierosolyma cum ipso: & congregans omnes principes sacerdotum, & scribas populi, sciscitabatur ab eis ubi Christus nasceretur.* Si Hierosolyma, si rex, si scribæ, si principes sacerdotum ad Christi sic turbantur infantiam: quid isti facerent, Christus perfectum mox in hominem si venisset, si sultus diuitiis & multitudine, si cū suspectis, si eum extraneis? Quid nil dant tempori, nil ætati, nil pauperi, nil parenti sed vt audiunt natum, parant nascenti mortem, innocenti dolos, scelus pio, nudo gladios, soli milites, vagienti necem, pœnam parenti: & vt vis misceatur sanguini, crudelitas acerba cunabulis bella indicit, vbera telis virget, clypeos illidit gremiis, quatenus humanam, diuināque sobolem antè sepulchrum faciat intrare quàm mundum. Esto quòd Herodes rex amore regni, successoris timore, coactus sit talia moliri: quare Hierosolyma, quare principes, quare scribæ? Quare? Quia nasci non vult prophanus Deum, seruus dominum, iudicem reus, rebellis principem, perfidus cognitorum. Hierosolyma varia se contaminatione perfuderat, sacerdotes prophanauerant sancta, & peccata vendentes, in quæstum veniam, pietatēque conuerterant, scribæ doctrinam cælestem, scientiam salutarem, vitale magisterium, in suum sensum, in perfidiæ lapsum, in lethale vaniloquium commutabant. Hinc est quòd Christum nolunt nasci, viuere timent: quia nouerant se mox ignominia dandos, trahendos opprobriis, eiiciendos templo, priuandos sacerdotio, oblationum munere vacuandos. Semel enim cupiditate flammati, capti pōpa, vitiis sauciati, vanitate ebrii, madefacti luxu, quia de correctione nil cogitare poterant, de venia nil sperabant. Bonus villicus quando copiosum fructum continuo labore conquirat, venire dominum suum ad lucrum suum cupit, suū concupiscit ad gaudium: diligens operarius quando opus suscepti laboris impleuerit, vt mercedem percipiat, patrem familias desiderat aduenire: deuotus miles post cōflictū, post victoriam, præsentiam regis optat, vt præmiis sudores & vulnera remuneratione compenset: sic ad palmam suam cupit venire Christum, qui bella mundi indefessa virtute prostermit: sic Christum venire non vult, qui superatus illecebris sæculi de pœna trepidat, de venia nil præsumit. Fra-

tres, faciamus bona, declinemus à malis: fugiamus vitia, virtutes sequamur: dissimulemus præsentia, & futura cogitemus, nostrum petamus ad regnum, nostram veniamus ad palmam, optemus ad gloriam, tendamus votis omnibus ad coronam. Sed ad illa sermo quæ sunt in sequentibus iam recurrat. *Tunc Herodes, inquit, clam vocatis magis diligenter didicit ab eis tempus stellæ quæ apparuit eis: & mittens in Bethlehem, dixit, Ite, & interrogate diligenter de puero, & cum inueneritis, renunciate mihi, ut & ego veniens adorem eum.* Occulte vocat magos, quia palam nil audet simulata mens, conscientia dolosa. Occulte vocat magos, quia fur amat noctem, latro in occulto tendit insidias. Diligenter inquirat tempus stellæ, sed cum timet regnum: signum cæli non timet, temporis non pertimescit auctorem. Quid turbaris Herodes? Quid es tantum de successore sollicitus? Cui sidera militant, terreno imperio non tenetur. *Ite, & interrogate diligenter de puero, & cum inueneritis, renunciate mihi.* Herodes, magos adorare iussus est, non deferre: testari venit ille, non prodere: videre illi datum est, tibi non datum est inuenire. *Ite, & interrogate.* Quasi magos semel interrogare non sufficit. Interrogantibus pie datum est sine pietate responsum, salutis nuncius male audientibus conuersus est in ruinam. Contumax seruus audit natum dominum, sed domino nascenti parat laqueos, non honorem: mortem præparat, ut careat seruitute, Sed quia nec finiri deus, nec perire salus, nec vita poterat interire, permanet in honore dominus, seruus remansit in criminibus: & ad pœnam trahitur, qui ad obsequium venire contempsit: capitur ad sententiam, qui ad gratiam noluit peruenire. *Ite, & interrogate diligenter de puero, & cum inueneritis, renunciate mihi.* Conuenienter dixit, renunciate mihi, quia semper diabolo renūciat, qui puenire festinat ad Christum. Christianus futurus à sacerdote cum audit, renuncians diabolo, respondet, renuncio. Propriè ergo Herodes à magis sibi renunciare debere dicit, qui se diaboli sciebat tenere locum, satanæ nouerat implere personam. *Ut & ego veniens adorem eum.* Vult mentiri, sed non potest: veniet, ut ad tormenta curuetur, ad supplicia iaciatur, sternatur ad pœnam, qui adorare sinxerat, ut sæuaret. Sed magi ubi Iudaicæ perfidiæ nubila transierunt: & in Christianæ fidei sereno reuident quam videtant stellam, ipsa præuia, ipsa duce, ad ortus dominici locum sacratissimum peruenerunt. *Et apertis thesauris suis obtylo-*

rant ei munera, Aurum, Thus, & Myrrham. Aurū regi. Thus deo, morituro Myrrham, dominicæ deuotioni offerunt, scientiæ thesauris maximos in posterum credituris: sic ad sua per innocentiam redeunt, qui iter Herodianæ fraudis calcauerunt in ruinam.

De eisdem,

Sermo C. L I X.

ANte hos dies, id est, diem octauum Calendarum huius, quo crescere dies cœpit, quia dies verus illuxit, in carne natum dominum Christum Iesum in Euangelio scriptum *Luc. 2.* facile recolunt. qui legerunt, vel qui autem legentibus præbuerunt. Israëlitici pastores super gregem suum vigilantes angelis nuntiantibus cognouerunt: hodie in eadem carne manifestatum gentiles magi curiosa sectantes signis indicantibus inuenerunt: illis ortum dominicæ natiuitatis annuncians locuta est vox spiritalium ministrorum, istis stella tanquam linguæ cœlorum. Dicunt illi ad quos sæpius prophete missi fuerat: Trāseamus vsque Bethlehem, & videamus hoc verbum quod factum est ad nos: dicunt isti quibus nullus vnquam locutus fuerat prophetarum, & sciscitantes interrogant: *Vbi est qui natus est rex Iudeorum? Vidimus stellam eius in oriente, & venimus adorare eum.* Accedunt ergo illi de proximo, hi veniunt de longinquo: utrique tamen ad vnum, eundemque fidei locum, quia deuotione conueniunt: ibique regem Christum appositum ante duo prophetica illa iumenta, duorum videlicet populorum, typum, figuramque gestantia intuentur, admirantur, agnoscunt. Agnouit enim bos *Esa. 1.* Iudæus ingo legis excusso: agnouit & asinus paganus stultitiæ feritate deposita: illa deserens superfluum obseruationis laborē, hic relinquēs vagum superstitionis errorē. Vterque agnouit, quia uterque ad vnū præsepe domini epulaturus accessit, epulaturus nō scēnū mortis, sed cibū salutis. Edite, edite pia animalia æternæ vitæ cibaria: & perpetuæ retributionis escā audis quantū potestis faucibus occupare, non diuidentes in frustra, sed integrum, solidūque sumentes. Non potest enim edi Christus, & diuidi: integer à credentibus sumitur: integer in ore cordis recipitur. Verbum enim caro factū est, *Ioan. 1.* & habitauit in nobis: habitauit, ex quo vterum virginis dignanter impleuit. *Obtulerunt illi, ut scriptum est, Aurum, Thus, & Myrrham.* Nos fidei Thus longinque regionis, nos proximæ

confessionis Myrrham boni odoris, nos suaueolentia dona charitatis: tria nanque ista offerimus, quando Christum, & regem, & dominum, & hominem confitemur: sed in spiritu & veritate adoramus Christum: si ei munera fidei & confessionis obtulimus: & nos sicut illi magi qui sunt fidei nostræ duces, crudelitatisque principes, cōmoniti in somnis, id est, in hac vita, quæ somno est similis, illuso Herode rege, id est, diabolo huius mundi principe, per aliam viam, id est, per alteram vitam, ad illam nostram patriam reuertamur, de qua per Adam ciecti infelicititer sumus, per Christum vero misericorditer nunc reducti.

De eisdem,

Sermo CLX.

Q Vanuis in ipso dominicæ incarnationis sacramento affuerint clara semper diuinitatis insignia, deum tamen venisse in humanum corpus multis modis aperit, & reuelat hodierna sollennitas: ne perdat per ignorantiam semper obscuritatibus inuoluta mortalitas, quod tantum tenere meruit, & possidere per gratiam. Nam qui nobis nasci voluit, à nobis noluit ignorari: & ideo sic aperit, ne magnum pietatis sacramentum magni fieret erroris occasio. Hodie magus quem fulgentem quærebat in stellis, in cunis reperit vagientem. Hodie magus clarum miratur in pannis, quem diu in astris patiebatur obscurum. Hodie magus quid ubi videat profundo stupore peruoluit: in terra cælum, in cælo terram, in deo hominem, in homine deum, & vniuerso sæculo non capacem cōcludi corpore perpusillo. Vnde magus quia scrutari valet, capere non potest, mox adorat: videt enim non sic lucere in cælo stellas, lunam, solem, qualiter illuxisse carnem contemplatur in terris: videt in vno, eodémque corpore diuinitatis & humanitatis conuenisse commercium. Hic dum credit deum, sentit regem: intelligit humani generis amore moriturus, & pauida cogitatione pertractat: quemadmodum possit mori deus, qualiter possit vitæ restitutor occidi. Ac sic magus cessat arte quærere, quod arte non potest inuenire: & quia se in cælo diu cū astris errantibus videt errasse, gaudet in terra se ad dædum ducatu vnici sideris peruenisse: & deprehendit magus cuncta quæ videntur in cælo, humanis clara oculis, profundis esse obscurata mysteriis. Iamque vidēs credere se, & non discutere mysticis muneribus confitetur: Thure deū, Auto regem, Myrrha esse moriturum. Thure deum, Auto re-

gem, vt cum diuiti placaret obsequio, quem curioso & importuno incesſerat, & offenderat instituto: atque implet illud, quod multi de ſpadone ex Aethiopia ſuſpicatur. Aethiopia pręueniet manus eius deo. Vide: Chriſtum magus Iudæũ pręueniens manibus ſuis, quia quādo Chriſtum Iudæus Herodi ſcelere prodebat, tunc magus deum Chriſtum muneribus fatebatur. Hinc eſt quòd gentilis qui erat nouiſſimus, factus eſt primus: quia tunc ex magorum fide eſt gentium credulitas dedicata, & Iudæorum eſt notata crudelitas. Hodie Chriſtus Iordanis alueum mūdi peccatum lauaturus intrauit: ad hoc eum veniſſe Ioannes ipſe teſtatur, Ecce agnus dei, ecce qui tollit peccata mundi. Hodie ſeruus dominum, homo deum, Ioannes Chriſtum tenet: tenet accepturus veniam, non daturus. Hodie ſicut ait propheta, Vox domini ſuper aquas. *Quæ vox?* Hic eſt filius meus dilectus in quo mihi complacui. Hodie vox dei ſuper aquas, qnia pater deus vt probaret generis fidẽ, ipſe ſui teſtis filij, ipſe aſſertor aſſiſtit. Hic eſt filius meus dilectus, quia alterum qui teſtimonium diceret non habebat: arcanum patris, arbitrum non habebat, teſtem generatio neſcit diuina, diuinitas externam non recipit notionem: ipſo filio dicente, Nemo nouit filium, niſi pater: neque patrẽ quis nouit, niſi filius. Hodie ſpiritus ſanctus ſupernat at aquis in ſpecie colūbæ, vt ſicut illa columba Noë nunciauerat diluuium diſceſſiſſe mūdi: ita iſta indice noſceretur perpetuum mundi ceſſaſſe naufragium, neque ſicut illa veteris oliuæ ſurculum portaret, ſed totam in caput parentis noui chriſmatis pinguedinem fundit: vt impleat illud quod propheta prędixit, Propterea vnxit te deus deus tuus oleo lętitiz prę confortibus tuis. Hodie dominus ſuper aquas. Bene ſuper aquas, & non ſubtus aquas: quia Chriſtus baptiſmati ſuo non ſeruit, ſed imperat ſacramentis. Hodie deus maiestate intonat, & ſi pater de cælo intonat, ſi filius Iordanis inſiſtit fluentis, ſi ſpiritus ſanctus corporaliter appareret de ſupernis: quid eſt quòd Iordanis qui fugit ad pręſentiam legalis arcę, ad totius Trinitatis pręſentiam non refugit? *Quid eſt?* Quia pietati obſequitur, incipit non eſſe timori. Hic Trinitas exercet gratiam totam, totã ſecum loquitur charitatem: ibi elementa corripit, vt ſeruulos inſtituat ad timorẽ. Inter hæc tamẽ talia, & tanta intrepidus ſtat Ioannes, quia timere non poteſt, qui totus ad dei amorem natus

*Pſal. 67.**Ioan. 1.**Pſal. 28.**Matt. 3.**Matt. 11.**Gen. 6.**Pſal. 44.**Iofue. 3.*

Ioan. 2.

angelico testimonio comprobatur. Hodie Christus initium dat signorum celestium, dum conuertit aquas in vinum: vt quem pater voce filium iam probarat, ipse se deum virtutibus approbaret: qui elementa commutat, & naturam fecit ipse: qui contra naturam facere non laborat, aquam transfert in

Matt. 14.

vinum, vt diuinitatis in vigore nature nostre proficiat heberudo. Nam qui panes quinque fragmento profluo & furtiuo incremento, ad quinque millia hominum tetendit & dilatauit saginam, potuit augmentis succrescentibus ad nuptiarum festa vini ampliare & perpetuare mensuras. Sed aqua in sanguinis erat conuertenda mysterium, vt mera pocula de vase corporis sui Christus bibentibus propinaret: vt impleret illud prophetæ, Et calix tuus inebrians quàm præclarus est.

Psal. 22.

Tribus autem modis hodie Christi deitas est probata, magorum munere, patris testimonio, aquæ mutatione in vinum: quia tribus stare omne verbû scripturæ firmavit auctoritas, dicendo, In ore duorum vel trium testium stet omne verbum.

Matt. 18.

Sed quia festiuitas ipsa ad mensam nos domini, & calicis istius lætitiâ commonet iam venire: res amplas breui sermone sufficit conclusisse, per dominum nostrû Iesum Christum, qui viuât & regnat nunc & semper, & per omnia sæcula sæculorum. Amen.

De parabola serui ab agro, deque hominis erga deum gratitudine.

Sermo CLXI.

Luc. 17.

AVdistis fratres, quemadmodum famulatum diuinum dominus exigit humanæ seruitutis exemplo, dicendo, *Quis vestrum habens seruum arantem aut pascentem, qui regresso ab agro dicat statim: transi, recumbe, & non dicit ei, para quod cœnem: & præcingere, & ministra mihi donec manducem & bibam, & post hæc tu manducabis & bibes? Nunquid gratiam habet seruo illi, quia fecit quæ sibi imperauit? Non præto. Sic & vos, inquit, cum feceritis omnia quæ præcepta sunt vobis, dicite, Serui inutiles sumus: quod debuimus facere, fecimus. Sic & vos, Quid simile? Imò longe dissimile. Tantum debet homo deo, quantum debet homini homo? Absit. Nam est alter ordo, diuersa causa, dissimilis fides. Deus hominem fecit esse, nasci iussit, dedit viuere, concessit sapere, donauit & tempora, distribuit ætates, cōcessit ad gloriam, aperuit ad honorem, præfecit animantibus, & toti terre dominum definita lege & ætate præscripsit: & cum talia, tantæque homini dei beneficia deperiissent: secunda repara-*

uit

uit tanto maiora, quanto diuina: præstantiora tanto, quanto cælestia. Nam cæli post habitatorem dedit, quem dederat ante incolam terrenorum, vt aduersum nullum illi, nullus incursum, nullusque terrenis irreparet bonis, amplius in hominem non valeret: seruarétque conditio iam certa, quem perdidit incerta libertas: & esset homo liber omnium sola domini seruitute, cui conditorem qua factus est debet: debet originem quòd redemptus est, quòd emptus est: debet vtique seruitutem, dicente Apostolo, Precio empti estis, nolite fieri serui hominum. Et propheta vt conditorem, vt originem faceretur, Ego seruus tuus, inquit, & filius ancillæ tuæ. Deo ista, homini quid tali debet homo? Et tamen quærit deus vel tantum, quia reddere homo deo nil vult cui debet totum. Sed reperamus lectionem, & oculis nostris similitudinem proponamus ipsam: & quod diximus tunc lucebit quia nullam deo, homini totam dependimus seruitutem. *Quis vestrum habens seruum arantem, aut pascentem, cui regresso ab agro dicat, statim transi, recumbe: & non dicit ei, para quod cœnem: & præcingere, & ministra mihi, donec manducem, & bibam: & post hæc tu manducabis, & bibes? Quàm familiaris, quàm vernacula, quàm de quotidiano vsu veniens, quàm communis est ista doctrina? Si dominus est, qui audit, agnoscit talia se exigere à seruo: si seruus, exhibere se domino ista cognoscit. Seruus nanque post vigilias antelucanas, post totius diæi varios & duros labores, post trepidantes, & anxios concursus, & parat domino suo cœnam, & cinctus quod parauerat subministrat: non est elatus, quia fecit, sed cum deuotione singula faciens contremiscit: & apponit domino suo cibos multiplices, arte tota totius saporis conditos: ipse autem semicoctam, nec salitam forsitan cœnulam gustaturus: porrigens crebra pocula, varios calices, vina mutat, ad longissimi cœuiij fabulas longiores stat fixus, stat moueri nescius, stat cui lassescere nō licet seruituti. Et cum dominus iam partem noctis insomnem deducit, peragit inquietem, seruus colligit, curat, accurat, ponit, componit, reponit: & sic in rebus necessariis immoratur, vt nihil sibi, aut parum noctis ad escam referuet, & soporem. Post hæc omnia nisi peruigilet in craftinum, & dominum præuenerit dormientem, fessus, indefessus manicabit ad verbera: ad præsentem pœnam nihil hesternum ei subuenit de labore: quia quicquid dominus indebite, iracunde, libes, nolens, ob-*

1. Cor. 7.

Psal. 115.

litus, cogitans, sciēs, nesciens, circa seruum fecerit, iudicium, iustitia, lex est: imperantis ira subdito ius est: & ad libitum domini vocem non habet conditio seruitutis. Si ergo & seruus sentit quid debeat homini taliter seruiendo, & dominando dominus qualem seruitutem domino dominorum debeat docetur, & intelligit se magistrum. Hoc implebat Paulus, qui seruitutis suæ titulos sic scribebat. Vsq̃ue ad hanc horam esurimus, & sitimus, & nudi sumus, & colaphis cædimur. Et alibi, Liuidum facio corpus meum: & seruituti subiicio. Præbebat vindictam bonus seruus, qui se vsque ad liuorem sicagens ingiter verberabat: nec laxabat fr̃ena corpori, ne per indulgentiã caro laxata alterius incurreret seruitutem. Sed homo quod à seruo exigit, impēde ei qui te dominum fecit. Tu qui semper dormis, & à seruo exigit vigilias indefessas, aliquando vigila tuo domino pro te sine cessatione vigilati: assiste tuo domino vel momēto vno ieiunanti, cui manducati tuus seruus semper assiste: remitte seruo in nocēti, cui peccati blanditur dominus tuus: da interim veniam, cui tuus dominus semper ignoscit. Certe si quicquam boni feceris, crede te dominanti soluisse debitum, non beneficium præstitisse. Cū feceritis, inquit, omnia quæ precepta sunt vobis, dicite, serui inutilis sumus, quod debuimus facere fecimus. Quando per se homo utilis ad diuina, qui sic sibi est inutilis ad humana? Cogitet homo cordis mala, carnis vitia, voluptatum fluctus, desideriorum procellas, irarum scopulos, naufragia criminum, & tunc quicquid in se est vtile, dabit deo, sibi quicquid inutile est deputabit. Sed ad proposita redeamus: vt, quare dominus discipulos suos admonuerit, iā pateat. Apostolos suos Christus vt mitteret ad populos vario dolore languentes, dedit illis virtutem spiritus, potestatem supernam dedit, dedit gratiã sanitatum, vnde perambulantes illi reddebant visum cæcis, claudis cursum, surdis auditum, & ne per singula vos morer, cunctis male habētibus dabant salutem: vnde redeunt gloriabantur dicentes, domine etiam in nomine tuo dæmonia subiecta sunt nobis. Quos dominus temperat dicens, Nolite gaudere, quia dæmonia subiecta sunt vobis: gaudete autem quia nomina vestra scripta sunt in cælis. Ergo ne per elationem perderent quod conquisierant per laborē, & deputarent sibi quod diuinitus fuerāt cōsecuti, ad humilitatem quæ mater est doctrinæ, tali reuocat exēplo: *Quis vestrum habens seruū*

1. Cor. 4.

1. Cor. 9.

Luc. 10.

arantem, aut pascentem, qui regresso ab agro dicat ei, statim transi, & recumbe: & non dicat ei, para quod cœnem: & præcingere, & ministra mihi donec manducem & bibam, & post hæc tu manducabis & bibes? Post exactos labores, & magna, & multa documenta virrutum, Apostoli satis sibi utiles videbantur: sed versati in luto carnis, & limo corporis huius, & quòd essent inutiles nesciebant: sed deprehenduntur cum Iudas tradit, Petrus negat, Iohannes fugit, relinquunt omnes, ut solus in quo erat, & ex quo erat tota utilitas appareret. Quod autem dixit. Et postea tu manducabis. Monet discipulos ut post ascensionem suam statim copulari se domino in illa beatitudine superna gesserent. Nam denique hic relicturos approbat: & præcingit ad tolerantiam passionis: & ministerii sui perficit ad laborem. Nam tunc tanto tempore ministrarunt apostoli discumbenti, quanto tempore inter peccatorum coquinas, & gētium focos, cœnam domini super mensas ecclesiæ in memoriam perpetuam præpararunt. Hanc cœnam qui fidelis est nouit: qui nescit, & scire desiderat, sit fidelis.

Mat. 26.

Mar. 14.

De eo qui volebat diuidere hæreditatem.

Sermo CLXII.

AVdistis fratres hodie quid à domino hæres bonorum petierit mundanorum. *Magister, inquit, dic fratri meo, ut diuidat mecum hæreditatem.* Præceps cupiditas, & incauta, mundanæ litis arbitrum credidit ipsum sæculi cognitorem: & cum fieri voluit diuisionis authorem, qui ad restituendam venerat humani generis vnitatem. *Magister, dic fratri meo, ut diuidat mecum hæreditatem.* Hic non magister quæstus est, sed amoris. *Dic fratri meo, ut diuidat mecum hæreditatem.* Cum dicit, dic fratri meo, præmisit quòd charitatem moneat, quòd interpellat naturam, quòd pulset affectum. *Dic fratri meo, ut diuidat mecum hæreditatem.* Non potest dicere fratri, diuide, qui per prophetam docuit, Ecce quàm bonum, & quàm iucundum habitare fratres in vnum. *Dic fratri meo, ut diuidat mecum hæreditatem.* Quæ maior hæreditas, quæ melior hæreditas, quàm diuinæ vinculum charitatis? Quia hæreditas aliquando perit, charitas nunquam, dicente Apostolo, Charitas nunquam excidit. Sed dicit aliquis, ergo charitas nunquam perit, nunquam violatur? Plane nunquam, quia charitas si est, permanet: si non permanet, non est. Sicut sterilis arbor quæ vernali tempore cum tota cadesceat in flore, fructum

Psal. 132.

1. Cor. 13.

non dat illa, sed fallit: ita ista charitas quæ putatur, & non est, occasionum concussa fluctibus, euanescit: ac sic lædit sollicitos, & decipit incautos. Sed ad cæpta redeamus. *Magister, dic fratri meo, ut diuidat mecum hereditatem.* Hæreditas munda-
na antè posteris infert iurgia, quàm conferat censum: ante-
quam diuidat facultates, scindit hæredes: antequam debitas
tradat singulis portiones, successores ipsos defecat, & mittit
in partes. Proinde non est hæreditas ista, sed pugna: & hæc
nouerca filiorum est, non facultas. Ille dicit filios, qui relin-
quit filiis plenissimam charitatem. At tu quisquis ille es, qui
dominum tali petitione compellas, dominum prouocas, do-
minum producis ad litem, cum quo tibi Apostolus heredita-
tem docet, & ostendit esse communem. Hæredes, inquit, dei
sumus, cohæredes autem Christi. Hic tibi sic hæres est, hic est
tibi frater, qui nascendi sorte, conditione crescendi, viuendi
ordine, moriendi exitu, per omnia tibi voluit similis inueniri.
Nam cum esset & solus dei hæres, & filius vnicus per natu-
ram: te participem sibi, te cohæredem sibi voluit, & fecit es-
se per gratiam: qui eras miser, & subiectus vltimæ seruituti.
Habebis itaque, & collata poteris fœliciter possidere, si mā-
steris in aula patris, si fueris in diuina hæreditate communis.
Dari potest, diuidi nō potest fors diuina: quia cælestia & qui
dederit non amittit, & qui acceperit sibi singulariter non re-
condit. Vnde homo quid hunc ad diuisionē vocas, quid hunc
ad discussionem miscrādus inuitas, quid ab eo partem petis,
qui tibi quæsiuit, & cōtulit totum? Vel expertus cessa: & iam
pœniteat talia te petiisse. Nam partem substantiæ principa-
lis accepisti: & acceptam peregrinus, vagus, luxuriosus cum
luxuriolis heluo perdidisti. Hinc paradisi exul, hinc hæredi-
tatis exors, hinc extorris à vita. Homo dicit tibi Christus,
quod à me, & per me consecutus es, sine me non poteris pos-
sidere, quia sine me qualis fueris iam vidisti: hoc sciens pro te
patrem ingratis omnium sic poposci. Pater, quos dedisti mi-
hi, volo ut vbi ego sum, & illi sint mecum. Et quia nec hoc ti-
bi sufficere poterat ad tutelam, nam cum mecum esses in pa-
radiso, & extra me tu periisti, adieci, dicens, Pater, sicut tu in
me, & ego in te, ita & isti in nobis vnū sint. Ego ut patris bo-
na habeam, processi de patre à patre, penitus nō recessi: & ideo
tantum te in nobis habere volo, quantum nos ipsi sumus, &
manemus in nobis. Desine ergo vel superna diuidere, vel de

Rom. 8.

Luc. 15.

Ioh. 17.

terrenis me audiente litigare: ne quem teneas, & habes hodie largitorem pium, seuerissimum sentias postmodum cognitorem. Sed iam quid responderit dominus, audiamus. *Homo, inquit, quis me constituit iudicem, aut diuisorem super vos?* Quis me constituit iudicem? Et ubi est illud quod tu dixisti domine, Pater neminē iudicat, sed omne iudicium dedit filio? *Aut diuisorem super vos?* Et quis diuidet iustos ab iniustis, sicut segregat pastor oues ab hœdis? Si tibi iudicium debetur hominis, & per te est torius sæculi celebranda diuisio, quomodo dicis, quis me constituit iudicem, aut diuisorem super vos? Est quidem penes Christum, & fuit, atque erit omne iudicium, sed tunc non iudicaturus venerat, sed iudicandus: nec addicturus reos, sed à reis innocens addicendus. In homine agebat deū: in seruo dominum, ut esset vernula tēporis, qui erat & factor & cognitor sæculorum. Merito ergo respondit, *Quis me constituit iudicem, aut diuisorem super vos?* Et quis cum constitueret iudicem, qui constituit & restituit vniuersa? Christus ad litigatoris arbitrium arbiter esse non poterat, qui totius iudicij summa est & potestas: illi iurgator non inuitatus à patre taliter tu petisti, hæc dicit, sed inuisus astitit, ut adiudicantes, illi fas non sit resilire sententiam. Et quia correcturus venerat, non damnaturus reum, præcepto remouet fomitem iurgiorum, dicendo: *Videte, caute ab auaritia.* Hoc est dicere, abiciatur auaritia, & non erit in hæreditate contentio. Auaritia, fratres, parentes negat, germanos diuidit, separar socios, amicitiam soluit, excludit affectum: hanc qui intra se habuerit, erit nullius, suus non erit. Auaritia, fratres, sicut dicit Apostolus, radix est omnium malorum: quæ cum radicari cœperit in corde, sic morum dissipat ornamenta, sicut arbor noxia feralibus radicibus nexa soluit, & dissipat monumenta maiorum.

De terrenorum cura despicienda. Sermo CLXIII.

BEati quorum corda hodiernus dominici sermonis penetrauit auditus. Beati quorum mentes promouit ad fidem tanta, & talis promissio Saluatoris. Beati qui credulitate cælestium mandatorum duris absoluti sunt præsentium curis. Tali nanque hodie discipulos suos, imò omnes auditores suos, dominus voce compellat, *Nolite solliciti esse anime vestre quid manducetis, neque corpori vestro quod vestiamini. Anima plus est quàm esca, & corpus plus est quàm vestimentum.* Quis sic ita

Ioan. 5.

Matt. 25.

1. Tim. 6.

Luc. 12.

inuidus bonis suis, quis sic deliciis suis inimicus, ut spontanea, & cælitus præparata despiciat, & concupiscat mundanis laboribus, & doloribus conquista? Degener nimis animus, mēs rota seruilis est, quæ cocorum affatus, squallores coquinæ, hesterno horrore scetentia perquirat obsonia, cui iugiter regius deseruit, atque adiacet apparatus. Noli ergo homo inania prouidendo gemere, noli laborare caduca præparando, quia prædij tui semper, & ubique deus præparator assistit. *Quis rex deuoris militibus debitam nõ procurat annonam? Quis dominus fidelibus seruis iusta cibaria non ministrat? Quis pater non dat panem filiis?* Si ergo nobis Deus, & Rex, & Dominus, & Pater est, quid negabit? Stipendiis suis militans derogat miles Regi, suis sumptibus viuens dominũ seruus accusat, pro se sollicitus filius culpatur superstitem patre. Noli ergo homo exponere deum pro te: taliter cogitando, qui & iustitia regnantis, & dominantis studio, & generantis affectu, in se totam tui recepit sollicitudinem, refudit & curam, dicendo, *Nolite solliciti esse anime vestre quid manducetis.* Sed te forte mellitus imber, & singularis cibus Iudaici fastidij deterret exemplo: nec carnem credis humorum varietate concretam per solum Manna sua voluntate compleri: dicis, deus corpus sicut ex diuersis voluit constare membris, ita varietatis dapibus voluit & iussit enutriri. Superfluous est õ homo iste, qui te exagitat, timor: nam creatoris ad prandium tota concurrit & aduolat creatura. Vnde si te legalis cibi singularitas & parcitas terret, inuitet & prouocet euangelici conuiuij cælestis effusio: quæ in vno ferculo, manducatur Petro totius apponit genera creaturæ. Nam quicquid Noë vector noui sæculi, sæculi seruauit ad semẽ, quicquid in aëre volitat & fertur, quicquid gignitur & viuunt in terra, & quicquid in aquis est, & mouetur, hoc vni Petro cælitus macatur, & exhibetur ad cœnam. Si ergo vis homo accipere & omnia manducare, despice vilia tibi prouidere cellaria. Et nos quidem magnis exemplis tibi superna cogitanti carnalia non defutura probare cõrendimus: deum autem pro suæ maiestatis insignibus de suis dubitantem promissis ad vilia & extrema remittit exempla: ut te tali examinatione redarguat, quem tanta mutatione non traxit. *Considerate, inquit, cornos, quia non seminant, neque metunt: quibus non est cellarium, neque horreum, & deus pascit illos: quanto magis vos pluri estis illis.* Dubium

Act. 10.

merito infidelem ad auem mittit amicam belli furoris sociā, insatiaram sanguine, & in ipsos mortuos ferro grauius sœnientem. Nanq; cessante gladiocarnifex improbissimus exanime grassatur in corpus, laniat, dissipat, spargit, ne quid funeris inuentum quieti misericors sepultura commendet. Itaque dominus exemplo tali exaggerat dubitantis insaniam: qui putat deum hoc piis filiis denegaturū, quod impiis aui- bus subministrat: & existimat relinquentibus propter se patriam, domum, parentes, filios, coniuges, victus subsidia non daturum, qui nascenti indulsit crescere, terminauit corporis incrementum. O miserum, ô tota infœlicitate dignissimum, cui cum datur regnum, suspirat panem: cum perpetuitate donetur, deflet potū: cum immortalitatis gloria induatur, plāgit corporis vestimentum. Genuinæ infœlicitatis conscius fieri non credit se fœlicē: & terreno enutritus in puluere cæli incolam dubitat se futurum. Conuenienter ergo dominus quæ sequuntur, adiecit: *Quis autem vestrum cogitando potest adlicere ad staturam suam cubitum unum?* Humanarum mentium cogitationes intimas scrutator exponit: nam omnis homo dum sui corporis pulchritudinem concupiscit, procerum se esse exoptat: sed cogitare homo hoc potest: hoc per se homo obtinere non potest: ad id credendo peruenit, ad quod peruenire non potest cogitando. Hinc est, quòd dominus humani conscius desiderii hominem Christi tetendit in formam: vt in mensuram Christi speciositate tota decorus esset, qui in breuitate sua erat ipso erubesciente deformis. vnde bene subiunxit, *Si ergo neque quod minimum est potestis, de ceteris quid solliciti estis?* Hoc est, quid cogitatione homo maiora præsumis, qui per fidem minora desperas? Quid vestimento minus, quid maius corporis incremento? Crede ergo tibi à deo vestitum corporis posse præstari, à quo tibi fides corporis incrementa repromittit. Verum, quia deus sic humanū diligit genus, vt ipsos quos dominantis iure corripit, mox paterno soletur, & mulceat blandimento quos comparatione fœdissimæ auis exasperasse videbatur, ad floris odorati & speciosi nimium hos reducit exemplum. *Considerate, inquit, lilia quomodo crescunt: non laborant, neque nent: dico autem vobis, nec Salomon in omni gloria sua vestiebatur sicut vnum ex istis.* O quantum se superna pietas hominis amore deponit! Nam qui poterat præcepta sua sola authoritate firmare, toto insinuat, &

altruit labore doctoris: & qui sufficiebat in sola fide promissionis suæ terminum collocare, auditores ad fidem promissi suavis perducit exemplo, dubios lilii comparatione confirmat, lilium Salomonis sublimat exemplo: quia ipso domino testante, inter omnes mundi reges Salomon singulari gloria, ornatu vnico, speciosus effulsit: & omnes terræ flores lilium vincit, & præcellit in gratia: tantumque distat ab vniuerso germine lilium, quantum regem specie, gloria, cunctos constat excellere. Nec a nobis latius lilii describenda est pulchritudo, cuius prærogatiuam dominica testatio reddit singularem: iteranda sunt sane illa, quæ ad robur fidei nostræ geminato dominus commendauit exemplo: quia Christianus de vita, de regno, de immortalitate certus, de pastus & vestitus non debet necessitate pulsari, cum videat deum hodie nato, & perituro in crastinum germini tantam vestibus gloriam cõtulisse: sed sicut ariditati ista, sicut clibani deputantur incendio, ita mortis, ita gehennæ ignibus destinatur, qui præsentia sibi à deo præstari dubitant, cum futura sibi iã sentiant contributa. *Et vos nolite querere quid manducetis, aut quid bibatis: & nolite in sublime tolli: hæc enim omnia gentes mundi querunt. Pater autem vester scit quoniam his indigetis. Veruntamen querite regnum dei: & hæc omnia adiciuntur vobis.* Cum se patrem nostrum dicit, nostri sibi piam curam comprobat non deesse: cum vobis regnum cæleste iubet querere, nobis subiicienda monstrat omnia, nobis quicquid cælestis exigit apparatus indicat affuturum.

In illud Lucæ. Ignem veni mittere in terram, &c.

Sermo CLXIIII.

Sicut febrientibus ainarus est semper salutaris cibus, ita & sæpe dominicus sermo contrarius imperitis: vtrisque tamen aliter, aut ex corporis, aut ex mentis infirmitate contingit. Hodie dominus exasperasse nonnullorum videtur auditum, dicendo, *ignem veni mittere in terram, & quid volo, nisi ut accendatur?* Et infra, *Putatis, quia pacem veni mittere in terram? Non, dico vobis, sed separationem.* Et vbi est illud: *Ecce agnus dei?* Vbi illud, *Sicut ouis ad occisionem ductus est, & sicut agnus coram tondente se mutus, sic non aperuit os suum?* Sed & illud: *Dicite filiæ Sion, ecce rex tuus venit tibi mansuetus?* Et quid est quod agnus iste tam dure in prædicatione percutit? Quid sic atietat in verbo, qui in passione tanta patientia

Luc. 12.

Joan. 1.

Esai. 53.

Matt. 1.

tacet, in morte tota humilitate succumbit? Et re vera fratres mundum suum Chriftus per omnia mitis & mansuetus intrauit, dum nascitur nostro dulcis in germine: dū cunis blande blandior ipse fouetur: dum paruulus in gremio se fundit, & resoluit humano: dum parentis in collo stringitur, & stringit toto charitatis amplexu: & vt enutriet toto dum nutrit affectu, per omnes sensim currit & adolescit ætates: pauper agit semper, solitarius semper incedit, quia pauper communis est semper: patet omnibus solitarius semper. Et quid est quòd tantum verbis spargit ignem, quòd tanta & talia inflāmat & dilatat incendia, dicendo, *Ignem veni mittere in terram?* Quid est? Ager quoties longa incuria syluescit, & toro luxuriæ agrestis sordescit horrore, peritissimi cultoris vtique semper aperitur, & purgatur incēdio: ac studio benigno cultoris ignis apponitur, vt exustis sentibus reueletur prima facies cāpi, præstetur agricolæ libertas, fiat facilis via vomeri, sit germinis ferax sterilis diu terta: & longa, ac mœsta otia læto lētissima iam repenset in fructu. Ergo vbi Iudaicus cespes continuo aratro legis & iugi culru effectus ad inopiam, non respondit germi, non labori, sed pro tritico lolium reddidit, proutulit pro vitibus spinas, Chriftus ad sata gentium diuini cultus cōuertit industriam: ac diu oppressa dumis nationum cupiēs noualia purgare, ignem mittit primum maximus magister in terram, & quicquid naturalis squalfecerat luxus, quicquid arefecerat brumalis rigor, artificii depurgat & cōsumit incendio: quatenus sola longo exhausta ieiunio ipso suo cinere saginata pinguescerent, & post diuturnam duriem tenera redderentur & mollia: ac sic euāgelico apta cultro semini redderentur commoda: & fœlici sulco iam redderent tricesimum, sexagesimum, ac centesimum fructum, sed hic ipse cultus non est nouus agricolæ veteri & cælesti: nam legem pangere, gratiam serere, ignis semper opere consuevit. Daturus legem ignem præmisit in rubo: sed diuinum ru-

Exo. 3.

Psal. 18.

colere deserta terrarum, dicente Propheta, In omnem terram exiuit sonus eorum, & in fines orbis terræ verba eorum. Sed ad illud iam quod sequitur transeamus. *Ignem veni mittere in terram, & quid volo nisi ut accedatur? Sed baptismo habeo baptizari: & quomodo coarctor donec perficiatur? Urget aqua ignem: cogitanda est talis, tam diuisa coniunctio. Urget vnda flammam: multiplicat flamma vndam. Quæ est talis, tam cōcors ista discordia? Geritur hic, sicut diximus, agricolæ diuini species: plena nanque omnia calore germinant, humore nutriuntur. Vndererum parens Deus ignis, & aquæ commercio nos germinat, vos enutrit, quorum tanto ardet, calet, exæstuat, anhelat affectu. Baptismo habeo baptizari. Christus suo baptizatur in sanguine, ut quicquid ex nostra carne suscepit diluatur, renouetur, & totam suæ diuinæ maiestatis redigatur in formam. Baptizatur Christus suæ baptismate passionis, qui totius peccatum mundi lauit, quod non nisi ab eo qui mundum fecerat, poterat aboleri. Putatis, ait, quia pacem veni mittere in terram? Non, dico vobis, sed separationem. Quare? Quia coniunctio cælestis est in ista separatione terrena. Nemo potest connecti terræ, & iungi cælo. Grata ergo & chata sit ista terrena separatio, quæ nos sic à terrenis separar, ut inferat nos diuinis. Erunt, inquit, ex hoc quinque in domo vna diuisi, tres in duos, & duo in tres: diuidetur pater in filium, & filius in patrem: mater in filiam, & filia in matrem: socrus in nurum suam, & nurus in socrum suam. Cum quinque dixerit ex vna domo diuidendo numero, nomina sex diuidetur, pater, filius, mater, filia, socrus, nurus: sed quia est ipsa socrus quæ mater est, certum est quinque tantum personas in his nominibus inueniri. Diuiduotur autē tres in duo, dum in sponso sponsa coniuncta, socrus quæ tertia est, diuisa remanebit in domo. Ergo ista in qua ecclesia coniungitur Christo synagoga, quæ mater est, & socrus, permanet, suo iam marito perdiuisa. Duo ergo in tres ita diuiduntur, dum de isto Christi & ecclesiæ cōsortio altera hæres scinditur, & diuiditur synagoga: ut Christus & ecclesia diuisi ab hæreticis vno maneant & iungantur in spiritu. Diuiditur & pater in filium, & filius in patrem: dum Iudaicus populus qui per carnalem Christi generationem paternum sortitus est nomen, à Christo filio per inuidiam separatur: pater liuidus in odium vertit affectum, cuius filij gloria iugis est pœna: est continuus cruciatus, dicente Apo-*

stolo, Quorum patres, ex quibus est Christus secundum carnem: qui est super omnia deus benedictus in sæcula. Diuiditur & mater in filiam: est nāque synagoga mater, ex qua per Petrum & ceteros apostolos nascitur ecclesia filia: quæ ubi diuini regis Christi meruit habere consortium, matrem & æmulam pertulit, & nouercam. Et quæ filix mater talis, qualis nurni socrus? Hæc nanque synagoga mater ubi ecclesiam nurum vidit ex gētibz aduenisse, occidit scelestā filium, nurus consortium ne videret: occidit Christum, si vel sic amorē nurus furibunda valeret extinguere, sed ex morte totum resurrexit in ecclesiæ coningium Christus: vt probaret charitatem nō separari morte, sed crescere. Arguit eos autem dominus qui faciem cæli, ortus nubium, stellarum cursus, plagas orbis student nimia curiositate perquirere, & tempus salutis suæ nullis studiis, nullis iudiciis nituntur agnoscere. *Hypocritæ, ait, faciem celi & terre nostis probare: & quomodo tempus istud non probatis?* Oculus effusus perdit lumen, quia tota hominis intra pupillam visio continetur: ne ergo studeas videre multa, vt videas temetipsum: ne præsumas excelsa cōtueri, nec longinqua ambias conspicerē, quia angustus oculus non capit multa, non penetrat excelsa, longinqua nō perspiciunt, atque ita videt nihil, qui videre existimat totū. Agnosce ergo diem salutis, tempus acceptum per Christum Iesum dominum nostrum, si vis à te

Deest finis.

De consecratione dñi Proiecti episcopi Forocorneliensis.

Sermo C L X V.

OMnibus quidem ecclesiis venerationē debere me profiteor, & fidelissimam seruiturē: sed Corneliensi ecclesiæ inseruire peculiariter ipsi⁹ nominis amore cōpellor. Cornelius nanque memorię beatissimę vita clarus, cunctis virtutum ritulis ubique fulgens, operum magnitudine notus vniuersis, pater mihi fuit, ipse me per euangeliū genuit, ipse pius piissime nutriuit, ipse sanctus sancta instituit seruitute, ipse pontifex sacris obtulit & consecrauit altaribus: & ideo mihi clarum, colēdum, mirabile Corneliij nomen. Amor ergo cognominis me compellit Corneliensis ecclesiæ desideris desideranter occurrere: & Proiectum venerabilem virum amabilibus pontificem consecrare. Proiectum dixi, sed non abiectū: iuxta illud, In te proiectus sum ex vtero: de ventre matris meę deus meus es tu. Et vere est Proiectus ex vtero humanę

Isa. 9.

matris matris diuinæ in vtero iugiter mansit: qui domus suæ nescius domus Dei esse perstitit habitator. qualiter autē fratres cunabulis ab ipsis gradus Ecclesiasticæ militiæ conscēderit, & officia quia dicere mihi longū est, sicut dicit dominus, ætatem habet: ipse pro se loquatur, per dominum nostrum Iesum Christum, qui viuit & regnat cum spiritu sancto in sæcula sæculorum. Amen.

De quadragesimali ieiunio.

Sermo. C L X V I.

Habet quidem simplicitas innocētiæ suæ gratiam: habet fidei suæ fructum, scientiæ præmium habere non potest, palmam habere non potest virtutum. Aliud est orio & securitati suæ vivere: aliud est pro omnibus ferre vigilias & labores. Simplicitas ciuem bonum facit, non facit militem fortem: hinc est, quod ille censum soluit, hic stipendia percipit, & honores. Civis aut cedit, aut succumbit aduersis, aduersa miles sustinet & propellit: ille pugnare non didicit, hic non timere: ille cauet semper, hic vincit. Hæc diximus, ut quæ sit distantia monstraremus inter eum qui Christianæ fidei simpliciter accipit, & sequitur sacramētum: & inter eum qui studet ipsius fidei & apprehendere scienter, & nosse mysterium. Ecce quadragesimæ ieiunium, quod deuotione solenni die crastino suscipit vniuersalis Ecclesia: multi putant abstinentiæ tantum studio, vel nobis traditum, vel pro nobis dominum peregrisse, nec altioris intelligentiæ continere mysterium, sed solummodo castigandis corporibus, rescelandis vitiis, temperandis mentibus hoc prouisum. Porro quadragenarius iste numerus tam sacratus esse à sæculis, tam mysticus reperitur, ut semper in efficiendis rebus diuinis, & maximis Dei negociis explicandis adhibitus lege inuiolabili perscribatur. Quod ut luceat ad purum, copiosissimis percurramus exemplis. Cum mundus intra generis humani primordia perdessefenda nefando vitiorum squallore sordesceret, & totus criminū fœteret horrore, ac pene ipso iniquitatis suæ fumo fuscare cœli tantam contenderet claritatem, quadraginta diebus ac noctibus expiaturus terram cælestis imber effunditur: ut, quia perire sibi mūdus, quod factus fuerat iam debebat, gauderet tali baptismo se renatum: sciretq; quod est non senaturæ, sed authoris sui gratiæ iam debere: ipsamque nostri baptismatis formam terra nostri corporis origo prælibaret: ut quæ antè nos homines producebat ad mor-

Gene. 7.

tem, hos ad vitam produceret iam renatos. Attendite fratres
quantus sit quadragenarius numerus iste, qui & tunc cælum
terris aperuit abluendis : & nunc fonte baptismatis orbem
totum pandit gentibus innouandis. Merito nos quadragin-
ta diebus per ieiunium currimus, vt perueniamus ad fontem
baptismatis & salutis. *Exod. 16.* Quadraginta annis populum Iudxorū
panificus in eremo paucit imber : nec solito ministratu incre-
menta germinis produxit è terra : sed ipse terris potius flu-
xit frumenta, totūque seruitutis humanæ ademit labo-
rem, qui blando rore esutientibus cælestem præbuit & eue-
xit annonam. *Nam. 13.* Quadraginta diebus terram repromissionis
exploratio missa diuinitus circuiuit : vt hic sacratus numerus
promissas Israeliticum populum euocaret ad terras : qui nos
quadragenariis ieiuniorum cursibus euocat, & perducit ad
cælum. Nanque & nostri corporis terram quadraginta die-
bus explorat nūc, & circuit cælestis inspectio : vt expugnatis
& expulsis vitiorum gentibus, regionem nostri cordis possi-
deat turba virtutum. *Exod. 24.* Et quia nihil omittendum est, Moyses
ipse dierum quadraginta ieiunio ita humano defæcatus est,
& exinanitus à corpore, vt totus diuinitatis mutaretur in
gloriam : & adhuc in nostri corporis obscuro roto fulgeret
lumine deitatis : neque intueri cum mortalium visus posset,
qui substantia Dei diu pastus tota mortalis cibi oblitus fue-
rat adiumenta : vnde didicit coram Deo, & cum Deo com-
morantibus vitæ subsidia non deesse. Et reuera fratres nescit
lassari, mori non potest, cui panis, cui vita Deus est. Merito
hic talis legem sancire meruit, qui totum quicquid in homi-
ne lex vrgere poterat peramisit. Præstiterat hoc Moyse iuge
fortasse ieiunium : sed nondum reddiderat talem, si defuisset
quadragenarius numerus hic sacratus. Ieiunium Eliam leua-
uit ad cælum, & purificato sic corpori ignei currus addixit
obsequium : vt ostēderet gehenna quæ exurit reos, innocuis
quam deseruit : sed vt ad hoc perueniat & Elias quadragena-
rij numeri ante viam mysticam præcurrit. *4. Reg. 2.* Ezechiel eximius
prophetarum quadraginta diebus iacens latete vno, scienti-
bus legem loquor, captiuitatem futuram dum præfigurat ab-
soluit : quia sacratus numerus iste suscipit iniquitates vt de-
leat, iniquitates vt absoluat ingreditur, vincula patitur vt re-
laxet. Hinc est ergo quòd dominus author à sæculis in hoc
numero absconditi sacramenti intrat ipsum numerum die-
3. Reg. 19.
Eze. 4.
Mat. 4.

rum quadraginta ieiunii: vt quod adumbrauerat in famulis, ipsa per se iam veritate facta & cœpta perficeret, firmaret tenera, inchoata suppleret, & quæ præceptis instituerat, roboraret exemplo: non enim suffecerat hoc tantum tanti numeri sacramentum imperasse verbis, nisi commendasset & factō. Et tamen fratres à tempore diluuii sacramenti huius cōtendimus aperire mysterium, non ausi anteriora contingere, superiora rimari, loqui tacita, tam diu certe reposita proferre: præsertim cum mihi temerarium, & vobis non necessarium videam, causarum tales, tantâque origines perscrutari. Vetæ deuotionis est, fidelissimæ seruitutis est, quid fieri velit, non quare velit dominator, inquirere. Si ergo quadraginta dierum simplex, purum, æquale, tantis testimoniis, sub tanti numero sacramenti traditum nobis à domino ieiunium perdocetur: vnde ista varietas, vnde nouitas ista, vnde hebdomadæ nunc resolutæ, nunc rigidæ, nunc indulgentes nimium, nunc seueræ? Vnde intemperati ieiunii vsus iste, qui aut afficiat sine venia, aut remittat ad crapulam? Hoc est, separatim calida, separatim frigida, separatim salis, separatim cibi, suis vñibus deputare, & totum vitæ negligere conditorem? Certe qui corporis cibos coniunt, sapienter discant animæ pabulū temperare: ne aut plus salitum, aut penitus insulsum salutaris cibi generet lethale fastidium. Ieiunium sit æquale: &, vt est nobis traditum, seruetur ad corporis & animæ disciplinam. Certe qui ieiunare non potest, non præsumat inducere nouitatem: sed fateatur esse fragilitatis propriæ quod relaxat: & redimat eleemosynis, quod non potest supplere ieiuniis: quia illius gemitus dominus nō requirit, qui pro se gemitus, auperum sic redemit.

De duobus Iohanne Baptista prædicante, deque pœnitentia agenda.

Sermo CLXVII.

Opportune nobis Iohannes beatissimus ieiunii tempore pœnitentiæ doctor aduenit: doctor dictō, factōque magister verus: quod verbo asserit, demonstrat exemplo. Magisterium stat de scientia, sed magisterii autoritas constat ex vita: docenda faciens obedientem perficit auditorem. Docere factis sola est norma doctrinæ: doctrina in dictis scientia est, in factis virtus. Scientia ergo illa vera est, quæ fuerit mixta virtuti: illa, illa diuina est, non humana, Euangelista probante, cum dicit, *Quæ cœpit Iesus facere & doce,*

re. Præceptor cum docenda facit, & auditu instruit, & infor- *Acto. 1.*
 mat exemplo. *In diebus, inquit, illis venit Iohannes Baptista præ-* *Mat. 3.*
dicans in deserto Iudææ, & dicens, Pœnitentiam agite, appropinqua-
uit enim regnum celorum. Pœnitentiam agite. quare non magis
 gaudete? gaudete magis, quia succedunt humanis diuina, cœ-
 lestia terrenis, temporalibus sempiterna, malis bona, secu-
 ra anxiiis, ærumnis beata, mansura perituris. *Pœnitentiam agi-*
te. Pœniteat plane, pœniteat qui diuinis prætulit humana,
 qui seruire voluit mundo, & dominationem mundi cum
 mundi domino non habere. Pœniteat qui maluit perire cum
 diabolo, quàm reguare cum Christo. Pœniteat qui virtutum
 libertatem fugiens, captiuus voluit esse vitiorum. Pœniteat,
 & satis pœniteat, qui ne vitam teneret manus tradidit morti.
Appropinquauit enim regnum celorum. Regnum celorum, est
 præmium iustorum, iudicium peccatorum, impiis pœna.
 Beatus ergo Iohannes, qui pœnitentia iudicium voluit præ-
 ueniri, peccatores nō iudicium voluit habere, sed præmium:
 impios voluit regnum intrare, non pœnam. Et tunc Iohānes
 vicinum cecinit regnum celorum, quando adhuc puer mun-
 dus ætatum conquirebat augmenta. Modo celorum regnum
 quàm proximum iam scimus, quando mundus senectute fes-
 sus extrema vacuatur viribus, membra deponit, amittit sen-
 sus, doloribus vrgetur, curā respuit, vitæ moritur, viuat mor-
 bis, defectum clamat, testatur finem. Nos ergo duriores Iu-
 dæis, qui fugientem sequimur mundum, qui futurorum tem-
 porum obliuiscimur: præsentibus inhiamus, qui in ipso posi-
 ti iam iudicio non timemus, qui venienti iam domino non
 occurrimus, qui volumus manere mortem, resurrectionē no-
 lumus mortuorū: qui seruire volumus, nolumus regnare, vt
 tantum regnum nostro domino differamus. Vbi est illud: *Luc. 11.*
 Cum orabitis dicite, veniat regnum tuum. Maiori ergo pœ-
 nitentia opus est nobis, & pro modo vulneris modus adhi-
 bendus est medicinæ. Pœniteamus fratres, pœniteamus cito,
 quia nobis spatium temporis iam negatur: iam nobis ipsa ho-
 ra concluditur, iudicii præsentia iam nobis satisfactionis lo-
 cum excludit. Currat pœnitentia, sentētia ne præcurrat: quia
 dominus quòd non venit adhuc, quòd adhuc expectat, quòd
 moras facit, nos sibi redire desiderat, nō perire, quos pietate
 tali semper est allocutus, Nolo mortem peccatoris, sed vt re-
 uertatur impius à via sua & viuat. Pœnitentes ergo reuer- *Exec. 33.*

Luc. 23.

mur fratres, & ne de arcto temporis pertimescamus: quia auctor temporis nescit arctari: probat hoc Euangelicus lairo, qui in cruce & in hora mortis rapuit veniam, inuasit vitam, effregit paradysum, penetrauit ad regnum. Et nos fratres, qui de voluntate meritum non quesiuimus, acquiramus vel de necessitate virtutem: ne iudicemur, iudices nostri simus: pœnitentiam debemus nobis, vt possimus nobis auferre sententiam. Prima est fœlicitas perpetua innocentie securitate gaudere, inuiolatâ seruare mentis & corporis sanctitatē: nulla immunda mundi inquinamenta sentire, reatus conscientiam nō habere, vulnera nescire peccati, gratiā semper possidere virtutum, semper sub spe viuere cœlestium præmiorū: sed si quo forte nostra mens iaculo fuerit confixa peccati, si caro tumescat ex crimine, si vitiorum sanie fragilitas humana corrumpatur: tunc egris illa, quæ non sanis, pœnitentie medicina succurrat, ferrum compunctionis accedat, apponatur adustio tunc doloris, adhibeantur suspiriorum tunc fomenta, tumentis conscientie feruor euaporet: tunc reatus hulcera lachrymis abluantur, immundiciam corporis cilicia tunc detergant. Ferat, ferat amaram pœnitentie curam, qui seruare debitam noluit sanitatem. Cui vita sua chara est, dura nulla est cura: medicus non sit ingratus, qui per dolorem reuocat ad salutem. Qui innocentie creditum seruat, pœnitentie non soluit vsuram: dominus hoc aperit dicendo, Non est opus sanis medicus, sed male habentibus. Et qui male haberent patefecit, iterum dicens, Non veni vocare iustos, sed peccatores. Reuocat per pœnitentiam Iohannes, Christus per gratiam vocat: hinc est quod Iohannes vestitu, victu, loco, totus pœnitentia formatus incedit. *Vnit, inquit, Iohannes Baptista predicans in deserto Iudææ, & dicens, Pœnitentiam agite.* Per deserta Iudææ pœnitentiam clamat Iohannes, quæ legis cultum, prophetarum laborem, fœcunditatem patrum, frugem Dei sua sterilitate perdebat: vnde ad pœnitentiam merito vocantur disciplinarum deserta, non hominum, non locorum: vacat clamor, vbi non assistit auditor. *Ipsæ autem Iohannes habebat vestimentum de pilis camelorum.* Posuit de caprarum, sed cilicio opus non erat: sed accepit tortuosissimi pilos animantis, nihil habētis recti, nihil gratiæ, nihil decoris: quæ natura dedit labori duro, addixit magno ponderi, extreme tradidit seruituti, tali pœnitentie magister indui debuit vestimento:

stimento: vt qui à recti detorserant disciplina, & deformes se totos formis reddiderant peccatorum, magnis pœnitentię sarcinis subderentur, addiceretur duris satisfactionis angoribus, suspiria compunctionis laboriosa portarent: vt directi & attenuati in modum acus per angustum pœnitentię foramen *Mat. 19.* ampla remissionis intrarent: & impleretur dominicam dictum, Camelum per foramen acus posse transire. *Esa autem eim erant locustæ, & mel sylvestre.* Locusta castigandis peccatoribus attributa meritò pœnitentię figuratur in pastum, vt de peccati loco exiliens, in pœnitentię locum ad cælum possit pennis veniæ peruolare. Hoc propheta senserat, qui dicebat, Sicut ymbra cum declinat sublatus sum, & excussus sum *Psa. 108.* sicut locustæ: genua mea infirmata sunt præ ieiunio, & caro mea immutata est propter misericordiam. Audistis quemadmodum de peccato in pœnitentiã excussus est vt locusta, & curauit genua vt pœnitentię pondera baiularet: & adiicitur mellis cibus, vt amara pœnitentię dulcis misericordia temperaret.

De parabola centum ouium. Sermo CLXVIII.

Sicut profunda maris ingredi, & liquētis vię calles inuios strāsmearē artifex viator inuenit: ita de Dei dictis aliquid audire, & ad diuini sensus penetrare secretum dedit & docuit lex diuina. Hinc est quod ratem nostrę mentis carnis è litore soluentes in pelagus euangelici sermonis intramus, credētes quòd flante spiritu sancto cælestis intelligētix perueniamus ad portum. Dominus noster hodie spem peccatorum promouit ad veniam, & superborum murmur piissimò compressit exemplo. *Erant, inquit, appropinquantēs domino publicani & peccatores, vt audirent illum: & murmurabant Pharisei & Scribæ, dicentes, quia hic peccatores recipit, & manducat cum illis.* *Luc. 15.* Non minus inuidi, quàm superbi malitiā de dominica bonitate capiebant: de pietate Dei impii reddebantur, fiebāt de Christi miseratione crudeles, sumebant de cælesti curatione languorem, & pœnitentium veniam vertebant iudicis in reatum. *Peccatores recipit, & manducat cum illis.* Sic videt inuidus, sic superbus sentit, auarus sic sapit, intelligit sic malignus. *Peccatores recipit.* Non dicunt suscipit. *Quid amiserat, qui recipit?* Donat culpas, iram vertit in gaudium, dolorem mutat in gratiam, quicumque inuenit quod amisit. *Peccatores recipit.* Recipit peccatores Deus, sed Deus peccatores

esse non finit, quos recipit: peccator Deum non violat appropinquans, Deus peccatorem sanctificat cum propinquat. Phariseæ Christus peccata non recipit cum recipit peccatorem: quia Deus non criminis, sed hominis est receptor. Vnde Phariseus non quales venerat, sed quales redibant videre debuit peccatores. Cerrè Paulum quem persecutorem miserat, prædicatorem videant mox rediisse. Sed iam Deus gaudium suum de reditu peccatoris comparatione qua, qua similitudine insinuet audiamus. *Et ait ad illos parabolam, Quis ex vobis homo qui habet centum oves, & si perdidit ex eis unam, nonne dimittit nonaginta novem in deserto, & vadit ad illam quæ perierat, donec inueniat eam? Et cum inuenerit eam, imponit super humeros suos gaudens: & veniens domum conuocat amicos & vicinos, dicens illis, Congratulamini mihi, quia inueni ovem meam quæ perierat. Ita dico vobis, gaudium erit in calis super uno peccatore penitentiam agente, quàm super nonaginta novem iustis qui non indigent penitentia.* Semper quidem cum perdita reperimus, nonnumquam cum mulum gaudiorum: & est iucundius nobis inuenisse perdita, quàm non perdidisse seruata. Sed hæc parabola plus diuinæ pietatis, quàm consuetudinis humanæ loquitur, & exprimit veritatem. Magna relinquere, amare minora Dei potestatis est, non est cupiditatis humanæ, quia Deus & quæ non sunt facit esse: & perdita sic sequitur, ut teneat quæ reliquit: & amissa sic inuenit, ut quæ seruata sunt non amittat. Ergo non terrenus pastor iste est, sed cælestis: & parabola hæc tota non figurata est laboribus humanis, sed diuinis est obumbrata mysteriis: sicut ex ipso numero mox lucefcit, cum dicit, *Quis ex vobis homo qui habet centum oves, & si perdidit ex eis unam.* Quare non quiquaginta, quare non ducentas, sed centum? quare non quatuor, quare non quinque, sed unam? Ut ostenderet non ex damno fuisse, sed ex numero plus dolorem. Nanque amissio vnus totum dissipauerat centenarium numerum, & totum de dextera redegerat ad sinistram: ut dispendio vnus & sinistra clauderet omnes, & dextera nil haberet. Nonagesimus & nonus numerus, in sinistra latet clausus, cōstrictus hæret, tenetur oppressus: qui tamen ubi vnus percepit & senserit augmentum: mox dextræ transit ad palmam, mox centenarii numeri peruenit ad coronam: & si non habuisse centenarium numerum doloris est, cuius doloris est perdidisse? Videtis quia per vnus ouis amissionem pastor

iste totum gregem cecidisse de dextera, & totum in sinistram doluerat recidisse: & ideo relictis nonaginta nouem vnā sequitur, vnā quærit, vt inueniret in vna omnes, redintegraret omnes in vna. Sed iam cælestis parabola pandamus secretum. Homo habens oues centum Christus est. Pastor bonus, pastor pius, qui in vna oue, hoc est in Adam, posuerat totum gregem generis humani: hanc inter amœna paradisi, hanc in regione vitalis pascuæ collocarat: sed illa vocem pastoris oblita dum lupinis ululatibus credit, & caulas perdidit salutes & rota lethalibus sauciata vulneribus. Hanc ergo Christus veniens quærere in mundum, in vtero virginæ regionis inuenit. Venit suæ natiuitatis in carne, & in crucem leuans humeris suæ imposuit passionis: & gaudens toto resurrectionis gaudio per ascensum ad cælestem tulit & pertulit mansionem, *Et vocauit amicos, & vicinos.* Hoc est angelos, *Dicens illis, Congratulamini mihi, quia inueni ouem meam quæ perierat.* Congratulantur & congaudent Christo angeli super ouis Dominicæ reditu, nec indignantur in toto sibi præsidere solio maiestatis: quia de cælestibus inuidia cum diabolo fuerat iam fugata: nec poterat per agnum qui peccatum mundi tulerat in superna, amplius inuidiæ penetrare peccatum. Fratres, ille nos quæsiuit in terra, nos illum quæramus in cælis: ille nos portauit suæ diuinitatis ad gloriā, nos illum sanctitate tota nostro portemus in corpore. Glorificate, inquit Apostolus, & portate Deum in corpore vestro: Ille Deū in corpore suo portat, qui nullum portat in suæ carnis operatione peccatum.

1. Cor. 6.

De parabola drachmæ perditæ. Sermo CLXIX.

PER omnes Euangelicas lectiones latere mysticos sensus & cælestis intelligentiæ manere secreta, norunt soli quicunque diuini spiritus gratiam percepere. Ecce posteaquam pastor supernus perditam centenarii gregis ouem perquisiuit, inuenit: & angelorum lætitiā totam cæleste iam retulit ad ouile, mulier euangelica producit in figuram, quæ lumine accenso de decem drachmis vnā drachmam perditam sic requirit, vt inuenta hac de lucto suo, de suo gaudio, causam pariat cælestium gaudiorum: sic enim dicit, *Aut quæ mulier habens drachmas decem, si perdidit drachmam vnā, non accendit lucernam & euertit domum, & quærit diligenter, donec inue-*

Luc. 15.

niat? Et cum inuenerit, conuocat amicas & vicinas, dicens, Congratulamini mihi, quia inueni drachmam quam perdideram. Ita dico vobis, gaudium erit coram angelis Dei super vno peccatore pœnitentiam agente. Putâsne mulier ista, communis est, aut habuisse eam decem drachmas humano putatur excessu, aut vnam ea su creditur perdidisse mūdano, aut simpliciter contigit quod eam nocturno requirit in tempore, aut lucernam de nostri vsus more succendit, aut consuetum quod eam perdidit & inuenit intra domum, aut familiare, quod amicas ad lætitiā conuocat & vicinas, quas perdens conuocasse non legitur ad mœrorem? Nouum dānini genus, & quod drachmam non ablatam patefaciat, sed dilapsam, & quod eam domesticis absconditam tenebris, & non defossam dqlis loquamur extraneis. Videtis quā singulare sit torum, quā morē transeat & supergrediatur humanum: quā diuinum spiret, & re doleat sensum: quā attollat ad cœlum mentis intellectum, quā collocet iu supernis, quā cogat superni cordis accendere lucernam, & instar euangelicæ mulieris per dominicæ lectionis obscura drachmam quærere scientiæ salutaris. Antequam Christus ad ouem veniret errantem, & miserandis discursibus attritam misericordiis humeris subleuaret ad cœlum, & onustus pecore pio inaccessas lupis perueniret ad cāulas: mulier habens decem drachmas tenebras diutinas sustinebat, & non solum drachmam perditam deflebat vnam, sed ipsas nouem drachmas sibi residuas non videbat. Nox ei erat iugis, erat ei profunda & perseverās caligo, cui lucerna sine diuino igne ad noctis solatium non lucebat: sed posteaquam supernus ignis, ignis spiritus sancti flammeo se super apostolos imbre diffudit, & non minus frigida, quā terre a mortaliū corda toto ignis sui calore succendit. Mulier, id est Ecclesia accendit lucernam suam, id est internum illum sui cordis obtutum: hoc est, illuminatos, vt inquit Apostolus, oculos cordis vestri. Accendit ergo lucernam suam, & illam Iudaicam domum ignorantie cæcam tenebris euerit apostolicum post laborem, donec iam de decem drachmis, hoc est, decalogo legis drachmam perditā reperiret in Christo. Christus est plenum deitatis numisma, Christus est drachma nostræ redemptionis & precii, Christus est qui & erat in legis decalogo & latebat, Christus est quem habebat synagoga, & tenebris impugnantibus non videbat, Decem

drachmas decem legis diximus verba, ex quibus verbum per
diderat synagoga vnum. Quod vnum? Illud quod in Ec-
clesia primus, quia lucerna ardens erat, Iohannes inuenit, di-
cente domino, Ille erat lucerna ardens: dicente Euangelista, *Ioan. 5.*
In principio erat verbum, & verbum erat apud Deum, & *Ioan. 1.*
Deus erat verbum. Hoc fuisse in decalogo iam parescat,
Audi, inquit, Israël, dominus Deus tuus, Deus vnus est. Hoc *Deu. 6.*
synagoga dum non videt in filio, amittit in patre: dum non *Mar. 12.*
credit in Christo, Christum lethaliter crucifigit: cui merito
per decalogum consequenter dicitur, Non occides. Siqui-
dem dum Iudeus ipsam mandatorum seriem capite detrun- *Exo. 20.*
cat, antè Christi, quàm legis extitit homicida: vnde & totum
corpus retorfit in Christum, Non occides, non mœchabe-
ris: damnata est synagoga, quæ iuncta diis gentium repulit
Christum, qui seposita potestate dominantis, coniugis ad *Matt. 28.*
eam descendit affectu. Non furtum facies. Furata est domi- *Mat. 26.*
nicam resurrectionem, quæ precium militibus dedit, vt resur-
rectionis infoderet & occuleret veritatem. Nō falsum testi-
monium dices. Hęc est quę conquisiuit falsos testes, vt im- *Psal. 34.*
pleret illud, Exurgentes testes iniqui quæ ignorabam, inter-
rogabant me. Et re vera aliter tradere non poterat veritatis
auctorem, quia semper sola impugnat falsitas veritatem. Sic
ruit, sic per gradus cadit, qui de scalis labitur & corrui præ-
ceptorum. Nam si dominum Deum credidisset vnum, ad hoc
ruinarum barathrum non venisset. Sed nos lucernam matris
Ecclesiæ iam sequamur: & ambulantes lumine dominici
vultus Christi perueniamus ad drachmam, atque amicas &
vicinas, id est, Ecclesias gentium cōuocemus, ne matrem no-
stram drachmam suam nesciant inuenisse: & dicamus cum
propheta, Paraui lucernam Christo meo. Et quid lucerna *Psal. 131.*
profuerit audiamus. Ecce audiuius eam in Ephrata, inue-
nimus eam in campis syluę. Introibimus in tabernaculum
eius, adorabimus in loco vbi steterunt pedes eius. Ecce quod
per distensos campos, & nemora diffusa quærebat in do-
mino, hoc matris inueniamus ad lucernam. Super hoc læ-
tetur & cælum: quia in vno peccatore pœnitentiam agente
totius Christiiani populi claruit plenitudo, & tota deitatis
forma Christi nostram refulsit in drachmam,

Sermo CLXX.

Marc. 6.

Exod. 3.

Exod. 13.

Deu. 32.

In xta

LXX.

Mat. 23.

Luc. 15.

1. Pet. 5.

BEatus Marcus hodie cum Gallilæa dominum retulit circumisse castella, ineffabilem circa nos prodidit eius pietatem. *Et circuibat, inquit, Iesus castella in circuitu docens.* Audistis quemadmodum circuit, quemadmodum te, & propter te ubique pietas indefessa perquirat. Et ille qui capit ipse omnia, nec ab ulla capitur ipse creatura, intrat, & tuo angustatur in corpore, tuis in habitaculis se coarctat. Et ille cuius maiestatem vox fidelium quotidiana testatur clamans, Pleni sunt celi & terra gloria tua: tuis propter te circuit, apparet, videtur, & tenetur in locis. Quo se mouet immobilis plenitudo, quo accedit, vel unde recedit, quo sunt plena omnia? Et tamen vadit, redit, descendit, ascendit: & totum te & propter te homo Deus patitur, quia te nimis diligit, nimis amat. Habitus suscipit, formas variat, commutat officia: & nunc igneus tibi resplendet in rubo, vt perfidia te frigidum fidei calore succendat: nunc elucescit cælesti flammeus in columna, vt remotis ignorantie tenebris, per solitudines mundi huius viam possis scientiæ percurrere salutaris: nunc idem tibi nubis vertitur in columnam, vt ardentes tuorum temperet æstus animorum: nunc te vt aquila protegit pennis sapientiæ, & cælestem pronocet ad volatum: dicente Moysæ, Sicut aquila protegit nidum suum, & super pullos suos confidit, extendens alas suas accepit eos, & suscepit eos super scapulas suas: dominus solus ducebat eos, & non erat cum eis Deus alienus. Nunc sicut gallina educit, ducit, vocat, recipit, protegit, portat, fouet, ambrat, amplectitur: & sui volatus oblita, suæ temporaliter immemor libertatis, tuis in penetralibus, tuo versatur in puluere: vt te vernaculis, familiaribus, domesticis alar, erudiat, instituat nutrimentis: nunc vt pastor bonus altissimis errantem solus requirit in montibus, solus inuenit, solus suis humeris imponit: & ne amplius in terrena pascua luporum moribus peruadaris, cælestes enclit & perducit ad caulas. Sic, sicut diximus, habitus suscipit, formas variat: & vt te mutet in melius, ipse sua toties mutat & commutat officia. Et quia diu circuibat vt diriperet & deuoraret inimicus: nunc necessario circuit vt te vindicet, vt eripiat Christus dicente scriptura, Aduersarius vester sicut leo rugiens cir-

euit quærens quem deoret. *Et conuocauit, inquit, duodecim.*
 Post diuturna tempora tetræ noctis, auroræ suæ desiderato
 splendore æternus dies Christus noster reluxit in lucem: qui
 duodecim suas horas in apostolis suis duodecim signanter
 aptaret. Hunc diem beatus Psalmista prophetali vidit spiritu,
 cum canebat, *Hæc est dies quam fecit dominus, exultemus* *Psal. 117.*
 & lætemur in ea. Vnde & Apostolus, lucis ac diei filios ap-
 pellat credentes, *Vos filij lucis estis & diei.* *Et conuocauit duo-* *1. Th. 5.*
decim. Duodenarius numerus iste per quaternarium triparti-
 tam nobis monstrat & format quadrigam: per quam Trini-
 tas tota toto orbe apostolicis vehitur & fertur excursibus, vt
 diabolus mitis bellator expugnet, vt mundi superbiā man-
 fuerus victor inclinet, vt discordias gentium pacificus au-
 ferat præliator, vt destructo inferno, hoc est, peccati fouea,
 diuturno carcere animarum humani generis captiuitatem li-
 beram triumphi sui perducatur ad gloriam. Hunc Trinitatis
 currum beatus Psalmista vidit prophetali spiritu, cum dice-
 bat, *Ascendisti in altum, captiuam duxisti captiuitatem, ac-* *Psal. 67.*
cepisti dona in hominibus. Hunc currum sibi, suo patri &
 spiritui sancto, dominus cum diceret, præparat, *Tollite iu-* *Matt. 11.*
gum meum super vos, quia iugum meum suauis est, & onus
meum leue est. Nescit lassescere baiulus misericordiæ, pietatis
 euector. Duodecim patriarchas, duodecim distinctos in tri- *Gen. 49.*
 bubus, duodecim fontes eremi, duodecim lapides eleuatos *Exod. 15.*
 ex alueo in figurâ, formamque apostolici numeri fuisse de- *Iosue 4.*
 scriptos scrutatori legis relinquamus altius ad probandum:
 quia nobis cur binos ad prædicandum discipulos miserit pro-
 positæ lectionis series conatur aperire. *Et cepit eos mittere bi-*
nos & binos. Binos mittebat, ne destituta singularitas aut ne-
 garet, vt Petrus: aut fugeret, vt Ioannes. Cito cadit fragi- *Marc. 14.*
 litas humana, quæ de se superbe confisa socios despicit: non
 vult habere collegam, dicente scriptura: *Et vix vni cum ce-* *Eccle. 4.*
ciderit: & non est secundus qui erigat eum. Quantum au-
 tem alter alterius roboretur auxilio, eadē scriptura testatur,
 cum dixit: *Frater, qui adiuuatur à fratre, quasi ciuitas muni-* *Prou. 18.*
ta. *Et cepit eos mittere binos & binos.* Nec mirum fratres, si
 Trinitas quæ ex duodenario numero tripartitam conscen-
 dit quadrigam, nunc ascendit & bigam: vt duobus nunciis
 duorum vocatio monstretur & clareat populorum, dicen-
 te Apostolo: *Nunquid Iudæorum deus tantum? Nonne &* *Rom. 8.*

Isa. 21.

gentium timo & gentium: & impleatur Isaia varicinium: qui se ascēforem bigę vidisse testatur, vnde mox cecidisse Babylonem clamat, & omnia sculptilia. Quis dubitat fratres per has bigas Christum salutes inequitatie discursus: cū videat apostolica prædicatione corruisse tēpla, idola deperiisse, cessasse pecudum mugitus, & victimas, ipsas aras cum thuris sic fumo iam tota euannisse per sæcula? Has bigas Abacuc viderat, cum elamaret, Qui ascendis super equos tuos, & equitatus tuus sanitas. Et dedit, inquit, eis potestatem spirituum immun-

Abac. 3.

dorum. Hoc est, diuinæ virtutis insigne: hoc trophæum singularis triumphi: vt prædæ suæ prædo ipse ipsis captiuis suis ipse captiuus, victis quondā suis victus ipse diabolus nunc tradatur: quatenus eorum subiiciatur imperio, quorum ante fuerat magnificus: seruitute merito dolet, gemit merito, merito stridet, qui se videt hominum sententia, hominum potestate percelli, qui se deum hominibus longa diu fuerat persuasione mentitus: Et præcepit eis, ne quid tollerent in via, nisi virgam tantum, non peram, non panem, non in xonis es. Homo cum operarios inuitat ad opera, non necessaria victus solum, sed etiam largo fundit epulas apparatu: vt conuiuium humanitatis effusæ pondus operis superet, & laborem: deum quantum credit inhumanum, qui ad opera eius inuitatus, pera, pane, precio onustus incedit, & anxius: vt aut lassus, aut tardior ad opus operarius infidelis occurrat: aut occurrere fortassis non potuit, præmia promittit ille copiosa: tot chirographis, tot testibus, largam spondet ille mercedem: tu cum neque panem, neque vestimentum impio spiritu æstimas præbiturum? Te ipsum cum non esses dedit esse: & quicquid homo habes dedit ipse: & cum tibi actuis voluptatibus viueres, victus necessaria non negauit: hunc suis virtutibus, suis operibus seruienti, non panem, non vestimentum æstimas largiturum? Hoc ipsum quod in pera, quod in zona portas, quis dedit tibi? Quid illi de suo insultaturus occurris? Nouit quia diues es. Cessa homo operibus tuis: sufficit tibi diuina paupertas: depone saccinas diuitiarum tuarum: onustus non potest per angustam viam ad opus dominicæ messis peruenire: veni expeditus, veni liber ad opera, antequam nudus & expoliatus, infidelis omnibus operarius rapiaris ad pœnā: quia sicut scriptum est, Morientem diuitiæ non sequuntur. Sit tibi pera conscientia tua: sit tibi panis vita tua: vt sit verus pa-

Psal. 48.

nis Christus in vita, qui dixit, Ego sum panis. Sic tibi in precium merces tua: quia ille primum exigit securus à Christo, qui ut sequeretur Christum, nudus despexit respiciens fideliter quod habebat.

Ioan. 6.

De discipulis illotis manibus prandentibus.

Sermo C L X X I .

Sicut fulgura cum saxa, montes, arbores, ipsa domorum culmina, terribili collisione dissoluunt, sensus hominum mentesque corripunt: ita dominus quoties in pharisæos insonat, suos timore salutariter corrigit & emendat: sicut hodie euangelicus sermo perdocuit, pharisæos & scribas vituperasse aliquos discipulorum domini, eo quod non lotis manibus manducarent. Nemo cum hæc audit, existimet discipulos domini sub specie contemptus incultis & lutulentis manibus edere: nec mensæ domini, nec conuiuij communis seruare & colere honestatem: quâdo istud neque natura patitur, neque hospitalitatis admittit affectio. Quis aquam manibus non offerat mox ad venientis obsequium, quis ad offerentis tristitiâ mox recuset, præsertim cum dominus ipse arguat Simonem inuitatus ad mensam, Pedibus meis, inquit, aquam non dedi- *Luc. 7.* sti? Vult itaque fieri, quod sic exigere perdocetur. Sed Pharisæi non diligentiam corporis in discipulis domini, sed superstitionis suæ baptismata perquirebant: nescientes vnū baptismum, quod dominus non lauandis solum, sed innouandis animabus & corporibus inuenisset: quod non corpus ad cultum vitæ, sed conscientiam dilueret ad salutem. Hoc propheta præcabitur, cū diceret, Ampli? laua me ab iniustitia mea. Id est, *Psal. 50.* quousq; me legaliter lauas, & me non lauas? laua me per gratiam semel, quem lauacra legis innumera non lauerunt. Sed hoc aperiat nobis ipse, qui sequitur euangelicus sermo. Pha- *Matt. 7.* risæi, inquit, & omnes Iudei nisi crebro lauerint manus, non manducant, tenentes traditionem seniorum: & cum de foro veniunt nisi baptizati fuerint non manducant, seruantes baptismata calicum & urceorum ac eramentorum & lectorum. Pharisæo, quid te mundum credis, cum tua omnia tuo sint polluta conuiuij? In foro tu de innocentis sanguine disputasti, de rapienda substantia pauperis perquisisti, perferutatus es qualiter libertatem addideres seruituti, & cum interiora tua tanto sint confecta crimine: quemadmodum te exterior lauare & mundare sufficiet aqua? Corda & corpora nostra mundare hæc poterit,

cum fuerit & ipsa spiritus sancti purificata commercio, ut visibili ministerio inuisibile purificationis nostræ perficiat sacramentum. Sed tu Iudæ calices, vrceos, æramenta baptizas, quæ motu, sensûque carentia per naturam, ut reatum nesciunt, ita non sentiunt: hæc honoras, & te per quem contaminata sunt omnia, non emundas: tuis vsibus, tuis obsequiis hæc mancipata purificas, & te diuinis officiis, diuinis mysteriis non purificas mancipatum, Sed nos Fratres non quid Iudæis, sed quid discipulis suis dominus responderit, audiamus: *Dicebat autem, quod quæ de homine exeunt, illa contaminant hominem. Abintus enim de corde hominum procedunt cogitationes male, adulteria, fornicationes, homicidia, furta, auaritia, nequitia, dolus, impudicitia, oculus malus, blasphemia, superbia, stultitia: omnia hæc mala abintus procedunt & contaminant hominem. Quæ spatia terrarum, quæ magnitudo urbium, quæ latitudo regionum, tantos hostes ferre, tot inimicos capere, tantas sustinere præuallet nationes, quot vitia, quot delicta, quot crimina rapiunt humanos sensus, hominum corda patiuntur? Ad vnâ ouem genera tota, tota feritas bestiarum, quæ magis eo sæuiunt, quo se explere nequeunt, satiari non possunt vnus captione voracidente prædones: qui plus hinc æstuant & tabescunt, quod capere nequeunt & vorare: quod ad vnâ columbam tot milui, tot aquilæ, vultures tot voraces, ætatum currat cõgeries auium sordidarum. Hanc numerositatem, hanc multitudinem senserat propheta, cum caneret, Circudederunt me mala quorum non est numerus, comprehenderunt me iniquitates meæ, & non potui ut viderem. Abintus de corde hominum procedunt. Tolerabilis est hostis cum muros arietat extrinsecus, cum foris positus cedit aliquando conflictu: cui vero est intus inimicus, cuius aduersarius in ipsis penetralibus iam descendit, iste se intelligit, & sentit oppressum: iste se & captiuum perdit, & deplorat: iste suus expugnator esse non potest: suus esse non potest liberator: alienum requirit auxiliũ: querit alterum defensorem. Abintus exeunt de corde. Nouus est hic ordo bellandi: de homine contra hominum gentes exeunt bellaturæ: non contentæ in occulto vincere, prostertere in abdito: quasi quæ famam querant hominis de ruina. Iudæi qui foris sunt, se, & sua forinsecus lauent: nos fratres ab istis vitiorum sordibus emundemur intrinsecus: has nequitiarum gentes in nostris mentibus Christo propugnante*

vincamus: has delictorum bestias de nostris cordibus terrore dominici nominis effugemus: has criminum rabies, & voracillimas aues à nostris scēsis crucis hasta fortiter propellamus: vt ciuitatis nostrę splendor, templi nostri sanctitas, domus nostrę integer & singularis ornatus, ad habitandum semper in nobis nostrum prouocet, & inuitet auctorem. Illuc vitia redire nequeunt, vbi Christus cum suis virtutibus comoratur.

De inuidia & hypocrisi.

Sermo C L X X I I .

Alios, seipsum ianitor inuidiosus exclusit. *Luc. ix.*
*Vidistis hodie fratres, quemadmodum dum seclusit alios, seipsum ianitor inuidiosus exclusit. Vae vobis, inquit, legis peritis, quia tulistis clauem scientiæ, ipsi non introiitis, & eos qui introibant prohibuistis. Audistis ergo quemadmodum dum seclusit alios, seipsum ianitor inuidiosus exclusit. Acciperat clauēs Pharisæus non vt clauderet, sed vt intrare desiderantibus aperiret: sed ne intraret alter, ipse permanere foris maluit per liuorem: Omnia quidem vitia ad suorum semper intendunt & profiliunt læsionem, sed suos semper amplius inuidia consumit: inuidia suorum carnifex semper extitit: extendit sensus, torquet animos, discruciat mentes, corda corrumpit. Et quid plura? Hanc qui receperit, sua sustinet sine fine supplicia, quia in se domesticum semper diligit habere tortorem. Quis ibi malorum finis, vbi alterius bonum pœna est, vbi cruciatus est aliena fœlicitas? Malum multiplex: quot sunt prosperitates hominum, tot tormenta sunt inuidorum. Cum aliis vitiis animus poterit configere Christianus: inuidiam quisquis antequam sentiat non fugerit non euadit. Hæc peritis legis legem suam non aperire, sed claudere: & salutaris præcepti non commodare doctrinam, sed negare: obserare scientiæ fontem, & vitalis fluētis originis suæ secreto diuitias obstruere. Iste velociter fugiendus est morbus: quia quos contigerit, non patitur iam sanari. Inuidia cœlum tentat: ibi enim diabolus fecit ex Angelo: vit terras, quæ vtiq; paradisi nobis amœna flammeo custode seclusit. Reges vrget, quia hæc Herodē in coxuos Christi sic *Mac. 2.* compulsit desequi, vt antè lac quàm sanguis teneris fundetur ex membris. Charitatem violat, nam hæc Cain reddidit *Gen. 4.* fratricidam: & innocuam adhuc terrā noui sanguinis cruore perfudit. Vastat populos, nanque Iudæos hæc, si dici fas est, si capit sermo, fecit esse deicidas: deicidas diximus, non*

Mat. 13.

Mat. 16.

Luc. 12.

L. Co. 2.

I. Cor. 5.

quos pertuenit, sed quo facinus hoc tetēdit: In Christo enim Iudæi non hominē tantum, sed deum filium dei conati sunt opprimere, necare virtutes, cum dicunt, Hic est hæres, venite occidamus eum: & nostra erit hæreditas eius. Sed quid valet diabolus ad deum? Inuidia quid valet ad dominicam charitatem? Inuidit diabolus terram, sed donauit cælum deus: clauēs sciētiæ legisperitus sustulit, sed clauēs cælestis regni per Petrum largitus est Christus: Ac sic inuidia suis commodis est nudata: & homo ditatus est ipsa necessitate damnorum. Bene ergo in sequentibus dominus adiecit, dicens: *Attendite vobis à fermento Phariseorum.* Quia in fermento non est moles magnitudinis, sed tumoris: & conspersio tali specie inflata est, non ditata: quantum enim efferbuerit feruentius, tantum farris massa turgescit: & totam formam leuitatis implet, & tumoris. Congrue ergo à domino dictum est: *Attendite vobis à fermento. Phariseorum, quod est hypocrisis.* Quid est hypocrisis, nisi species arte composita, quæ aliud in re agit, aliud promit in vultum? Hęc penes Phariseos per scientiam tumescebat, Apostolo sic dicente: Scientia inflat. Illos namque scientia inflabat ad superbiam, non instruebat ad vitam: & corrumpebat ad malitiam, non ad prudentiam promouebat. Erat in eorum facie hypocrysis: erat in eorum mente inuidiæ hydrops: erat in pectore siticulosus fons: erat ardens vnda, quæ suis magis ac magis inflammabatur fluentis, vt bibentis non exstingueret sitim, sed augeret incendium. Sic, sic hypocriti ministrante suis semper inuidia propinat: Ab hoc nos morbo subtrahit Apostolus: Cum nos non in fermento veteri, neque in fermento malitiæ & nequitæ, sed in azymis synceritatis & veritatis sanctū Pascha domini celebrare cōpellit. Veritas nescit tumorem, simplicitas hypocrisim prorsus ignorat. In azymis synceritatis & veritatis. Hęc sunt cordis azyma: hęc cælesti dulcedine confecta: hęc gratiæ saporata pinguedine: hęc sancti spiritus igne decocta: hęc nos manducantes agnum dei, agnum qui tollit peccatum mundi, ad nostrum Pascha solenniter immolamus: quibus Christus ad lætitiā totam, totam est natus & immutatus ad gloriam.

De dno Ioanne Baptista & Herode. Sermo CLXXIII.

Pastor bonus peruigiles noctes, dies anxios ducit, ne quid callidus latro, ne quid luporum feritas astuta pernicio-

sum charo gregi, ne quid noxium moliat. Pastor bonus, si. *Ioan. 10.*
 cut dominus dixit, animam suam ponit pro ouibus suis. Sed
 & oues bonæ pastoris sui audiunt attentis auribus vocem, pa-
 storis sui semper sequuntur arbitrium, pastoris sui totam fa-
 ciunt voluntatem, ascendunt colles, petunt ardua, mutant se-
 pe regiones: ac sic apta pascuis, irrigua fluentis, vmbrosa, ac-
 commodata, secreta quietis loca penetrant, reperiunt amœni-
 tates, & deliciis perfruuntur. Et vos filii domini gregis
 portio copiosa, niueo & diuino vestita iam vellere, molli
 fœtu, cælesti germine perfœcunda, si per nostræ vocis audi-
 tum ad loca sæpe salutaria, ad salutaria pascua peruenistis, si
 per nostri sermonis fluentia animi vestri æstus, vestræ sitis
 temperastis ardorem, si sub doctrinæ nostræ tegmine aliquā-
 ta commoditate recubastis, quæ ordinamus, attendite: quæ
 dicimus, audite: quæ facimus, approbate: nec pro voluntate
 vestra, sed pro dispositione nostra prædicationis nostræ per-
 cipite rationem: & siue cum dicimus de gradu isto, siue cum
 de sacerdotali sede pro temporis ratione tractamus, ut oues
 bonæ. ut chari greges, dilecta pignora, sine fastu impigræ, ac
 toto fidei cursu conuenite, concurrите: nec vos locorum mu-
 tatio tam propinqua, & spatia sic arctata, aut reddant desi-
 des, aut faciant murmurantes: quia nec ouis ad caulas perue-
 nit, si pro suo libito peruagetur: nec scientiam discipulus po-
 terit obtinere, si doceri pro sua voluntate contenderit: ægro-
 tus quoque nunquam poterit recipere sanitatem, si pro suo
 fuerit curatus arbitrio. Sed quia nobis hodie contra lupum
 furem sermo est, arrepto pastoralis baculo transcamus ad
 euangelicam lectionem. *Audiuit, inquit, Herodes rex: manife-* *Matt. 6.*
stum enim factum erat nomen Iesu, & dicebat, quia Ioannes Baptista
resurrexit à mortuis, propterea virtutes operantur in illo. Stultus
 de mortuo pie credit, quem feraliter persecutus est viuum.
 Ioannes resurrexit, & tamen confitetur ignorans, quia in
 Christo pro Christo resurgit occisus. Herodes quid egit gla-
 dius tuus, crudelitas tua quid profecit, quo processit impietas
 tua, si ut ipse dicis, rediit ad virtutes, resurrexit ad opera diui-
 na, qui furore tuo putabatur extinctus? Ioannes resurrexit si-
 cut fateris ipse: non hic persona, sed infirmitas perit: non hic
 Ioannes, sed mors magis tali morte succubuit: illusa est pœ-
 na: carnifex habetur irrisus: ipsa est cognitoris miseri decepta
 sententia, quæ interdictum non perdidit, sed promouit. *Ioannes*

resurrexit à mortuis, propterea virtutes operantur in illo. Et si hostis legis, per legem tamen ille resurrectionem promissam didicerat mortuorum. Et si resurrectorum Ioannem nouerat, cur infans occidit? Si ad totius diuinæ virtutis culmen, si ad totum quicquid est potestatis insigne, tali morte sciebat eleuandum: cur setantæ mortis esse fecit auctorem? Semper febricit impietas: à phrenesi semper crudelitas obtinetur: carere dementia furor nescit: in se nanque sçuit, quoties in alterum tendit: se punit dum percellit insonem: sibi lethalis est totus, cum erga iustum crudelis existit. Ecce Ioānes, vt ipse dicit, iam uiuit in Christo: ad tuam pœnam redit, qui venit ad omnium cœlesti munere medicinam. Alii autem dicebant, quia Elias est: alij vero dicebant, quia propheta est, aut quasi unus ex prophetis. Quo audito, Herodes ait, Ipse est Ioannes quem ego decollauī, hic resurrexit à mortuis. Maleuolo quidem. & vetaci sensu testis ipse criminis sui, assertor sceleris sui, sui facinoris accusator existit. Ioannes quem ego decollauī ipse est, hic resurrexit à mortuis. Verum dicit: nam sicut in Christo sui resurgunt, ita in suis ipse patitur Christus: & sicut honor capitis ad mēbra pertendit, ita membrorum pœna ad dolorem capitis, ad capitis redundat iniuriam. Ioannes, quem ego decollauī, ipse est. Iste rex sapiens, egregius iudex, censor morum, disciplinæ custos, vindex innocentæ, criminum pœna, quòd decollauerit Ioānem dicit, quare decollauerit tacet: ne potestati regiæ tanti facti confunderet turpitudine: sed euangelista prodit, vt interfectoris dedecus interfecti producat ad gloriam. Nam ipse Herodes, inquit, misit, ac tenuit Ioannem, & vinxit eum in carcere propter Herodiaden uxorem Philippi fratris sui, quia duxerat eam uxorem. Dicebat enim Ioannes Herodi, Non licet tibi habere uxorem fratris tui. Herodias, quæ vxor esset duorum fratrum sceleris amore contendit, vt affectione violaret affectum, & sociaretur Herodi Herodias, ne essent vel nomine dissimiles, qui erant scelere, moribus, vitæque consimiles: & iungerentur vocabulo, quos criminum iunxerat turpitudine: hæc ergo Herodias insidiabatur Ioanni. Herodes adulteræ non vincebat animum: nefas tamen adulteræ differebat. Illa, ne esset arguēs, arguentis tendebat ad mortem: ille, vt placeret incestæ, caprius ipse iustum tātum tenuit, vinxit inclusum, quia in innocentem reus facile non poterat dictare sententiam. Cum accidisset, inquit, opportunus dies, Herodes natalis sui, cenam

fecit principibus, tribunis, & primis Galilææ, cùmque intrasset filia ipsius Herodiadis, & saltasset, & placuisset Herodi, simulque recumbentibus, rex ait puella, Pete à me quod vis, & dabo tibi. Et iurauit illi, quicquid pueris, dabo tibi, etiam si dimidium regni mei. Ingratus, inhumanus rex, qui virtuti tantæ, tam glorioso labori, tam memorabili facto, non totum regnum suum, sed dimidium dedit. Et quate sibi vel pro parte seruauit, qui post tantam domus suæ gloriam, post tantam familiæ sanctitatē, post tale castitatis exemplum, esse, videri, viuere, non debebat? Illa ergo criminis filia, non naturæ, non tam ad matrē, quàm ad ipsam sentinā sui sceleris mox currit: vt quæ fluida tota, tota ierat resoluta, sæua & truculēta reuolaret: & vt de ipsa artibus loquar, vt tragœdiam nefandā caneret, quæ impleuerat tui pessime comœdiam. At illa egressa dixit matri suæ: Quid petam? Il' a verò dixit, caput Ioannis Baptiste. Et ingressa statim cum festinatione ad regem, petiuit dicens: Volo, vt protinus des mihi in disco caput Ioannis Baptiste. Et contristatus est rex propter iusurandum, & propter simul recumbentes, noluit eam contristare: & statim rex misso speculatore, iussit afferri caput eius: Ille autem abiit, & decollauit eum in carcere, & attulit caput eius in disco, & dedit illud puellæ, & puellæ dedit illud matri suæ. Sic iudicat mens oppressa crapulis, soluta vino & toto quodammodo ebrietatis demersa naufragio, Volo, vt protinus des mihi in disco caput Ioannis. Serpentis germen caput hominis petit, cui suum caput sententia principali sciebat addictum: dicente deo, Ipse seruabit caput tuum, & tu illius obseruabis calcaneum, In lōgum nos trahit prolixitas lectionis, & satis in altum promouit loci ipsius immensa profunditas. Differamus hodie quæ sequuntur, ne dum sermo festinat ad finem, quæ sunt prolixè dicenda transmittat. Id in clausula nostri cōmendamus eloqui, quod sine causa cucurrerit serpens: nam tota germina serpentis antiqui iste Ioannes noster interemit, & effusione sui sanguinis extinxit occisus.

De decollatione diui Ioannis Baptiste.

Sermo C L X X I I I I .

Herodianæ cœnæ cruentas epulas, conuiuium sic ferale, tunc terra, tunc cælum, hodie mecum vester horruit & expauit auditus. Herodes, inquit, natalis suæ cœnam fecit. Bene cœnam, quia non luci, sed tenebris addictus est hic natalis, in quo noctis filius natus est, non diei. Natalis sui, inquit,

Genes. 3.

cœnam fecit principibus, tribunis, & primis Galilee. Quid egit incauta, & cæca semper impietas? Omnes euocat potestates, ut non tam multos conuiuij sui socios, quàm innumeros criminis sibi testes assumat: & tot habeat facinoris sui arbitros, quot habuit præfides disciplinæ. Cùmque intrasset filia ipsius Herodiadis & saltasset, inquit, & placuisset Herodi. Respondit suo turpis generi, dum patris complacet turpiori: de adulterio namque non nisi turpis debuit procreari: quæ fractis gressibus, corpore dissoluto, disiuncta compage membrorum, fluentibus ex arte visceribus, tota patri fieret deformitate formosior. Et reuera suam credidit tunc Herodes cum talem vidit: nam putasset alienam, si pudicam vel aliquantulum peruidisset. Serpens tunc latebat in femina, quæ reptans gressibus flexuosis lethale toto corpore virus effudit: ut discumbentium mentes furor, venenum corpora sauciaret: homines verterentur in bestias: nec vino iam tales, sed sanguine potarentur: nec pane rabidi, sed carnibus vesceretur humanis. Tales utique, tales reddidit, quibus adhuc fumante sanguine caput intulit tunc Ioannis: ut illud Psalmistæ canticum probaretur. Dederunt carnes sanctorum tuorum bestiis terræ: effuderunt sanguinem eorum tanquam aquam. Ecce quid pariter totis noctibus protracta conuiuia: ecce quid generat quod cum mensura emitur, & sine mensura bibitur vinum: ecce quo præcipitatur caro, cum ad luxuriæ facinus voluptatis inflammatur incendiis. Rogo quid tantis cuneis arctatur? Sufficit infelix caro sibi suis casibus ad ruinam, attestante Propheta cum dicit, Ut quid irruitis in hominē, interficitis vniuersi vos tanquam parieti inclinato, & maceriæ impulsæ: lacerabat in Herode caro oppressa crapulis, ebrietate captiua, quæ titillante luxuria, & non tam ludente, quàm illudente lasciuia, promitteret quicquid turpitudine peteret se daturam. Pete à me quod vis, inquit, & dabo tibi: & iurauit illi. Iurat miser, dum quicquid honestatis est & virtutis abiurat. Pete à me quod vis. Quid peteret luxuria, nisi castitatis interitum, pudicitiae necem, mortem sibi semper contrariæ sanctitatis? Volo ut des mihi in disco caput Ioannis. Si caput viri est, iuxta Apostolum, Christus, iam tunc nouello ore antiquissimus serpens Christi domini tendebat ad mortem. Volo ut des mihi in disco caput Ioannis. Iam tunc audus draco in serui capite domini degustabat fixiens passionem. Volo, ut des mihi in disco.

Cur in

Psal. 78.

Psal. 61.

1. Cor. 11.

Cur in disco, cur preciose gestas, quem viriliter occidis, nisi *Psal. 113.*
quia, Preciosa in conspectu domini mors sanctorum eius?
Hoc ipsum quod vis non agis, quomodo ipsa vis: quia agite
superna ratio aliter quàm vis: tu illo quidem tunc ferali an-
tro, non aula regis, rabies tunc fera pastum suũ credidit, cum
caput martyris vidit, totum suum sensit, cum liquorem sacri
sanguinis sitiens, aspexit: ferculum crudelitatis suæ toto ore,
totis faucibus contendit, & conatur absorbere. Sed Ioannes
venit in sublimi positus, vt lucerna super candelabrum, tene-
bras vt fugaret, dicente domino, Ille erat lucerna ardens & *Ioan. 9.*
lucens. Venit Ioannes, vt iudex in tribunali resplendens, vt
qui arguit adulterum, exponeret & damnaret homicidam: &
qui pie viuens incæstum vocarat ad pœnitentiã, reseruauerat
ad veniam, homicidium etiam damnaret occisus. Quam
quæso meretur veniã, qui in morte Ioãnis ipsam pœnitentiã
tam crudeliter interemit? Gratis cucurristis Herodes, He-
rodias, nomina non affectione sociata, sed crimine: qui vocẽ *Ioan. 1.*
intercipi posse stultissime credidistis. Ego sum, inquit, vox
clamantis in deserto. Vox occidi non potest, sed magis cla-
mat angustiis corporis absoluta. Sic vox Abel in suo iam ef- *Gene. 4.*
fusa sanguine magis sonat, magis penetrat, magis pertendit
ad cælum. Sic nunc Ioannes toto orbe clamat, totis sæculis
facinus vestrum cunctis refert, & ostentat in gentibus. Ecce
Ioannes Christi capite gloriatur, qui capite putabatur addi-
ctus. Ecce eo die quo tu finisti tnum, ille sibi natalem cæli-
tus conquisiuit: quia quando tuus ortus meruit in finem, tũc
illius finis ortus est in natalem. Iustus enim tunc inchoat vi-
uere, cum pro Christo meretur occidi: transfertur ista morte
vita martyris, non aufertur: morte magis claruit, qui ob hoc
mortuus est vt viveret in æternum. Ecce tu iaces in morte:
Ioannes viuit occisus. Tu fucaram murice purpuram perdi-
disti, Ioannes cruore suo fulgenti purpura semper gloriatur
indutus. Tui conuiuæ nunc participes efficiuntur in pœnis,
Ioannes cælesti mensa cum choris vescitur angelorum. Ille
audie cælestem iugiter symphoniam, tu audis inferni semper
gemitum & stridorem: ille meretricis tuæ, saltatricis tuæ ad-
dictus in precium, nunc regno, nunc præmiis cælestibus ho-
noratur: tu mercedem sententiæ tuæ cum tua filia in tartaro
percepisti. Vestimentum Ioseph, cum adulteram fugeret de- *Genes. 39.*
reliquit: Ioannes ne videret adulteram, ipsum proiecit & cor-

Matt. II.

pus. Ioseph, ne adulterium faceret, libens carcerem suscepit: Ioannes, vt argueret adulterium, cremum carcere commutauit. Ioseph somnia dum reuelat, euasit ex morte: Ioannes, vt dei filium reuelaret, suscepit & mortem. Ioseph dum panem præparat temporalem, ex auro torquem meruit, & honorē: Ioannes, vt ostenderet cælestem credentibus panem, martyrii torquem meruit ex cruore. Merito in natis mulierū cunctis maior est hic Ioannes: qui non solum adulteras arguit, sed & licita mulierum consortia virginittatis amore calcauit. Et si Ioannes tantus, Ioannes talis, tanto cremo separatus à fœminis fœminarum pericula non euasit, quis est qui inter fœminas viuens euasurum se sine labore maximo, maxima sine cautione confidit, nisi is qui sancto alitur spiritu? Qui cū genitore, natōque vnā cuncta disponit sæcula per qui omnia spatia.

De Marcellino episcopo Vicohauentino, & diuæ Mariæ virginis partu.

Sermo CLXXV.

Ioan. I 4.

Luc. 2.

OMnium quidem rerū primordia sunt dura, sed duriora sunt omnibus primordia generantis. Sancta ecclesia Rauennas vt primum pareret, viam fecit, angores pertulit, sensit dolores. Et hoc egit fratres, vt ordinem partus diuini toto veritatis tramite custodiret: nam posteaquam primogenitum totius creaturæ virgo mater vt pareret, viam totius patriæ percucurrit: sic virgineus partus, sic primitiuorum est dedicata natiuitas. Et necessario, fratres, via generatur in via. Ego sum, inquit, via: vt omnis aditus excluderetur erroris, & viator tandem cælum peteret, qui terreni itineris incassum diu sudores pertulerat & labores. *Et factum est in diebus illis, inquit euangelista, Exiit edictum à Cesare Augusto, vt proficeretur vniuersus orbis. Ascendit autem & Ioseph à Galilea de ciuitate Nazareth in Iudeam ad ciuitatem Dauid que vocatur Bethlehem, eo quod esset de domo & familia Dauid, vt proficeretur cum Maria desponsata sibi uxore prægnante. Et factum est in diebus illis, impleti sunt dies vt pareret: & peperit filium suum primogenitum.* Libet hicaliquid de dolore dicere. Edicto Cæsaris, & pagani dominus obtemperaturus occurrit: & decreto beati Petri decreto principis Christiani, seruus adhuc aliquis irreuerēter obstitit? Verum, quia neque prospera aduersis, neque gaudiis miscenda sunt tristitia, his omittis hodierni germinis lætitiā proloquamur. Habeat modo natus, qui primum natus est,

primogeniti reuerentiam, teneat & honorem: Marcellinus hodie vernaculi partus totum rapuit & conquisiuit affectum. Circumstant filii, ad sunt propinqui, cognatio tota concurrat, familia exultat omnis, & ipsa penetralia domus tripudiant & lætantur: quia videre oculis, suscipere manibus, hodie primum sanctæ genitricis partum, sobolēque meruerunt. Ipsa quoque genitrix sponsa mater & virgo, in ipso spōsi sui thalamo, in ipso cōiunctionis suæ cubiculo, genuisse noua gratulatione miratur. Sed neminem turbet, nullū moueat, quòd in thalamo ipso sponsa ipsa cernitur peperisse: talis non est de crimine, sed de virginitate conceptus: quando in tali germine cælestis parius est, non humanus: nec ullus hic est uirginitatis suspitionis locus, ubi ipse spōsus sponsæ suæ testis habetur, & custos. Quicumque sollicitus es de facto, esto de exemplo maximo periculus: & præcedentis trepidatio ad tuam cautelam proficiat, & munimen. Ioseph ille maritus solo nomine, conscientia sponsus, prægnantem sponsam fluctuans & anxius intuetur: quia neque accusare innocentem, neque prægnantem poterat excusare: tacere tutum nō erat, erat loqui periculum. Admittit, non prodit crimina accusator infontis. Erat ipse testimonium castitatis, erat custos pudoris: aliud nouerat, aliud intuebatur, confundebat virginis fides: actus & vita in biuio, mens iusta & sanctus animus, ancipiti cogitatione torquetur: sentit, sed tantum non potest penetrare sacramentum: quia nec accusare poterat, & defensare penes homines non valebat. Merito mox occurrit angelus: merito responsum subuenit mox diuinum, cui humano deficiente consilio iustitia non defecit. Et quid dicit? *Ioseph fili David noli timere. Qui nihil fecerat, quid timebat? Timebat, quia & si nullus in facto reatus erat, erat in causa maximus pavor. Sanctus animus quicquid non assequitur expauescit. Caue ergo homo de partu nostræ matris taliter disputare, cū angelum respondisse sufficiat. Noli timere accipere Mariam coniugem tuam: quod enim in illa natum est, de spiritu sancto est. Faciliter parturit, quæ virginitatis coronam magis, magisque pariendo conquisiuit, & gloriam. Hic verò qui nobis hodie natus est, semper retia tetendit in mare. Nemo ergo miretur, si piscatorem Petrus gestiuit habere collegam. Orate ergo fratres, ut piscati mereatur homines, qui hactenus pisces capere hominum laborauit ad vitam.*

Ioan. 9.

Mar. 8.

Mat. 11.

DENS quoties desperatas humanorum curat corporum
passiones, deitatis suæ toties potentiam pandit: sed in
vna eademque infirmitate, quando ordinem suæ curationis
immutat, causas propter quas hoc faciat, facit nos altius per-
secrari. Nam iuxta viam sedenti cæco visum sola restituit
iussione: alii à natiuitate cæco, nato non lumini, sed tenebris,
& cui natura visum inuiderat, atque ipsa quæ parat, & aperit
oculos, oculos clauferat, & negat. Christus imponit lutum:
& collytio materiali fingit, facit, procurat oculos, non recu-
rat: vt creante, non mendicante manu inde homini suppleret
lumina, vnde hominem fecerat totum. Ille verò cæcus, cuius
nobis euangelista Marcus retulit curā, sic nouo sanatur mo-
do, vt omnes compellat exquirere, cur cōtrita x cæcitas mo-
ram facere sic præsumit auctori: cuius nutu, visu, iussu infir-
mitates pereunt, redeunt sanitates, vita oritur, mors finitur,
stant omnia, euncti dilabuntur. *Venit, inquit, Iesus Bethsaida,*
& adducunt ei cæcum, & rogabant eum, vt eum tangeret, & appre-
hensa manu cæci, eduxit eum foras extra vicum. Quasi cum cura-
re nō potuerit in loco: aut beneficio loci indiguerit, vniuer-
sis qui contulit visum. Hæc est Bethsaida, cuius perfidiā do-
minus exprobrat, dicens, Vē tibi Chorozaïm, vē tibi Beth-
saida, quia si in Tyro & Sidone virtutes factæ fuissent quæ in
te factæ sunt, olim in cilicio & cinere poenitentiam egissent.
Ergo apprehensa manu eius de domo infidelitatis educit, le-
uat eum de perfidiæ sessione: vt antè fidem, quàm oculos da-
ret: antè menti, quàm corpori redderet sanitatem: antè præ-
beret humani ducatus obsequiū, quàm diuinæ virtutis ope-
raretur insigni. Illi rogabant vt vel tangeret eum: sed Chri-
stus, qui horrere nescit pauperem, pauperem scilicet amare, totā
dedit pauperi manum: & debilitari deus publicam præbuit
seruitutem, vt homo non horreat hominem, & videns non
videntem videat: & duce manu cæcum lucis faciat nescire
orbitatem: nec dicat homo, non habet manus mea quod det
pauperi, det ipsam manum pauperi: & plus erit manum pau-
peri dedisse, quàm nummum: itet præbuisse pauperi, quàm
pauperi panis dedisse fragmentum. *Et eduxit eum foras extra*
vicum: & exspuit in oculos eius. Dominico spūto vacuas oculo-
rum replet lacunas, diuino ore luciferam dat saluam, vt san-
cti roris gutta baptizaret oculos peccatoris, vt aperiat venia,

quos clauferat culpa. Nemo ergo dubitet diuino imbre tota arefacta mortalia membra posse reuiuiscere: cum videat parua dominici sputi gutta arentes cæcitate oculos subito sic suscitatos in lucem. Exurgent, inquit Isaias, mortui: & resurgent qui in monumentis sunt: & lætabuntur qui sunt in terra. Quomodo? Ros enim qui abs te est, sanitas est illis: quod est pluuia semini, hoc resurrectoris dominicus imber. *Et imposuit illi manus.* In faciendo, in reparando, in componendo hominem dominicę manus curatrices hominibus semper adsunt, Manns tuę, inquit, fecerunt me, & plasmauerunt me. *Et interrogauit eum si aliquid videret.* Interrogat vt homo, operatur vt deus. Qui videt abdita terrarum, qui cordis intuetur occulta, cui omnia sunt nuda quę sunt tecta omnibus, in opere suo, in oculis suis videre quęrit, laborat scire, alio referente cognoscit? Absit. Sed interrogat vt presentes scirent, futuri cognoscerent, cęcitatıs huius non esse simplicem, sed mysticam curam. Denique non lumen, sed auroram quandam, lucemque erumpentem datam sibi adhuc qui curabatur, domino interrogante, respondit: *Videō, inquit, homines vt arbores ambulantes.* Imperfectis oculis grandescunt forme, turbantur specics, res falluntur ipsę: quia non iam visionem capiunt, sed adhuc vmbraı sustinent visionis. Et quare tamen sicut arbores, non vt columnę, aut aliud quid, neque stantes, sed ambulantes? Quia post curam Christi viderat, quod homines velut arbores transirent in hoc sæculo, non manerent: temporalem plantationem germinis humani esse in hac vita mox videt quem curauerit Christus. Iterum da est ergo cura Christi, vt perfecti oculi futura certa, manentia videant, & æterna. Iterum, inquit, posuit manus super oculos eius, & cepit videre, & restitutus est, ita vt clare videret omnia: & misit illum in domum suam, dicens, Vade in domum tuam: & si in vicum introieris, nemini dixeris. Aperiatır iam spiritalis intelligentia, vt qui sit iste cæcus cognoscamus, & quare non sponte venit, sed ab aliis adducitur, & ducitur manu Christi, & educitur extra vicum: & alibi recipit visum, qui diu apud suos longam sui pertulerat orbitatem: & expuit in oculos eius & iteratur diuinę manus impositio, & cui videre extra domum datur, qui viderit, quomodo viderit, per quem viderit, suis dicere nõ donatur. Fratres, cæcus iste est Iudæus, qui in synagoga, hoc est, in perfidię domo: & in vico, hoc est, in con-

Isa. 26.

Psal. 108.

Psal. 39.

uentu malignantium, ignorantia cæcitate tenebatur, & sedebat oppressus. Hinc est, quod non veniebat ad Christum, sed venit ad eum Christus, & apprehendit manum eius, vt dono vocantis, non beneficio legis, non proprio curatum se gloriaretur arbitrio. Educit eum foras, vt in ecclesia lucem fidei videat per libertatem gratia, qui sub legis velamine nil videbat. Imponit ei primum manum, vt videat transire umbram legis: vt sacerdotes, scribas, Phariseos, & figuram totam Iudaicæ obseruantia videat velut arbores præterite: quæ vt nascuntur, virescunt, florescunt, fructificant in tempore: sic cum tempore senescunt, percunt, euanescent. Iterum imponit ei manum, vt resurgens non iam caduca videat, sed æterna: & videat quicquid est diuini luminis, honoris, & gloriæ: sicut ille magnus ex ipsis Paulus, qui extra vicum, & in via Iudæus cecidit, cecidit, vt resurgeret Christianus: & cæcatus est in lege, vt videret in gratia, sicut ab ipso perhibetur. Nunc videmus in speculo & in ænigmate: tunc autem videbimus facie ad faciem. Tunc, quando quod sepultum est in morte, surget in vita: & quicquid satum est in contumelia, surget in gloria.


Acto. 9.

1. Cor. 13.

*Deuotissimi sanctissimique viri Petri Chrysologi sermones finiunt,
Deo Optimo Maximoque auxiliante.*



AD LECTOREM.

 *Um intelligeremus (humanissime lector) doctus diui Petri Chrysologi conciones non parum Christianis Ecclesiasticis subseruire posse, si omnia in eum ordinem cōgesta esset quo sunt Ecclesiastico ritu in templis explicanda: volumus diligentie nostre nonnihil adhibere, ut tuum redimeremus laborem. Hunc itaque indicem tibi confecimus omnium Euangeliorum & Epistolarum, quæ in Chrysologo enarrata inuenies.*

Die sanctonatalis domini.

Euang. Luc. 2. Exiit edictum à Cæsare. Sermone. 175.

Die sancti Stephani protomartyris.

Sermo. 154. citra Euangelicam lectionem.

Die sanctorum Innocentum.

Euang. Matt. 2. Apparuit angelus domini in somnis Ioseph.

Ser. 150. 151. 152. 153.

Die circuncisionis domini.

Sermo. 155. citra Euangelicam lectionem.

In Epiphania domini.

Euang. Matth. 2. Cum natus esset Iesus. Ser. 156. 157. 158. 159.

160

Dominica intra octauas Epiphaniæ.

Epistola Roma. 12. Obsecro vos fratres, per misericordiam Dei. Ser. 108. 109. 120.

Dominica tertia post octauas Epiphaniæ.

Euang. Matt. 8. Videns Iesus turbas multas. Ser. 19. 20. 21.

Dominica quarta post octauas Epiphaniæ.

Euang. Matth. 13. Simile est regnum cælorum homini. Serm. 96. 97.

Dominica in septuagesima.

Epistola. 1. Corinth. 9. Nescitis quod si qui in stadio. Ser. 119.

Feria quarta die cinerum.

Euang. Matth. 6. Cum ieiunatis nolite fieri. Ser. 7. 8. 22. 166.

Feria quinta in capite ieiunii.

Euang. Matth. 8. Cum introisset Capharnaum. Serm. 15. 101.

Feria sexta in capite ieiunii.

Euang. Matth. 6. Attendite ne iustitiam vestram. Ser. 9.

Dominica prima in quadragesima.

Euang. Matth. 4. Tunc Iesus ductus est. Ser. 11. 12. 13.

Feria 2 post dominicam primam.

In psalmum 40. Sermo 14.

Feria quarta post dominicam primam.

Euang. Mat. 12. Tunc responderunt ei quidam. Serm. 37.

Feria quinta post dominicam primam.

Euang. Matth. 15. Egressus Iesus venit in partes. Ser. 100.

Feria quinta post dominicam secundam quadragesime.

Euang. Luc. 16. Homo quidam erat diues. Serm. 66. 121. 122.
123. 124.

Sabbatho post dominicam secundam quadragesime.

Euang. Luc. 15. Homo quidam habuit duos filios. Sermo.
1. 2. 3. 4. 5.

Feria tertia post dominicam tertiam quadragesime.

Euang. Mat. 18. Si peccauerit in te frater. Serm. 139.

Feria quarta post dominicam tertiam quadragesime.

Euang. Matth. 15. Tunc accesserunt ad eum. Serm. 171.

Feria quinta post tertiam dominicam.

Euang. Luc. 4. Surgens autem Iesus de synagoga. Ser. 18.

Feria tertia post dominicam quartam.

Euang. Luc. 7. Ibat Iesus in ciuitatem quæ vocabatur. Ser. 103.

Feria sexta post quartam dominicam.

Euang. Iohannis. 11. Erat quidam languens. Serm. 63. 64. 65.

Dominica in passione.

Euang. Iohannis. 8. Quis ex vobis arguet me. Ser. 131.

Feria quinta post dominicam in passione.

Euang. Luc. 7. Rogabat Iesum quidam Phariseus. Sermo. 93.
94. 95.

Die sancto pasche.

Euang. Marc. 16. Cum transisset Sabbathum. Ser. 82. 73. 74.
75. 76.

Feria tertia pasche.

Euang. Luc. 24. Dum hæc loquuntur, stetit Iesus. Serm. 81.

Feria quarta pasche.

Euang. Iohannis. 21. Postea manifestauit se iterum Iesus.
Sermo 78.

Dominica prima post pascha.

Euang. Iohannis 20. Cum ergo sero esset die illo. Serm. 84.

Dominica secunda post pascha.

Euang. Iohannis. 10. Ego sum pastor bonus. Ser. 40.

Feria secunda in Rogationibus.

Euang. Luc. 11. Quis vestrum habebit amicum. Ser. 55.

Die dominica Ascensionis.

Euang. Marc. 16. Nouissime recumbentibus illis. Ser. 83.

Dominica prima post pentecosten.

Euang. Luc. 16. Homo quidam erat diues. Sermo 66. 121.

122. 123. 124

Dominica tertia post pentecosten.

Euang. Luc. 15. Erant autem appropinquantes ei. Serm. 168.

Dominica nona post pentecosten.

Euang. Luc. 16. Homo quidam erat diues qui habebat. Serm.

125. 126.

Dominica 16 post pentecosten.

Euang. Luc. 7. Ibat Iesus in ciuitatem. Serm. 03.

Dominica 24. post pentecosten.

Euang. Matt. 9. Hec illo loquente ad eos. Serm. 33. 34. 35. 36.

Die sancti Andrea.

Sermo. 133. citra expositionem euangelicam.

Die sancti Thome apostoli.

Euang. Iohannis. 20. Thomas vnus ex eis. Ser. 84.

Die annunciationis.

Euang. Luc. 1. Mense sexto missus est. Ser. 140. 141. 142. 143.

144.

Die sancti Iohannis Baptiste.

Euang. Luc. 1. Fuit in diebus Herodis regis. Ser. 86. 87. 88. 89.

90. 91. 92.

In festo sancti Petri.

Sermo. 107. citra expositionem euangelicam.

Die sancti Laurentij.

Sermo 135. citra expositionem euangelicam.

Die sancti Matthei.

Euang. Matt. 9. Cum transiret inde Iesus, vidit hominem.

Serm. 128. 29 30.

Die decollationis sancti Iohannis Baptiste.

Euang. Marc 6. Audiuit rex Herodes. Ser. 127. 173. 174.

De beato Luca Euangelista.

Euang. Marc. 6. Conuocauit Iesus undecim. Ser. 170.
De uno martyre.

Sermo 129. citra textus expositionem.
De uno confessore.

Sermo. 128. sine expositione euangelica.

Euang. Luc. 12. Noli timere pusillus grex. Ser. 2223.

Euang. Luc. 12. Sint lumbi vestri præcincti. Serm. 24.
De virgine martyre.

Sermo. 134. sine textu euangelico.

Die dedicationis templi.

Euang. Luc. 19. Ingressus Iesus perambulabat. Sermo 54.

BIBLIOTECA NAZ.
ROMA
VITTORIO EMANUELE.





D. PETRI CHRYSOLOGI SERMO-

NVM INDEX, FO ORDINE QVO

in vetustis codicibus habentur.



E duob' filiis,

prodigo, &

frugi, Serm. j.

De eisdem. ij.

De eisdé. iij.

De eisdem. iij.

De eisdem. v.

In psalmum xcix. vj.

In illud Matthæi, Cum ieiunatis,

nolite fieri sicut hypocritæ tristes, &c. & de

hypocrisi. vij.

De ieiunio & eleemosyna.

vij.

In illud Matthæi, Attendite,

ne iustitiam vestrâ faciat

is coram hominibus, &c.

& de eleemosyna. ix.

In psalmum xxviij. x.

De ieiunio & tentationibus

Christi. xj.

De eisdem. xii.

De eisdem. xiiij.

In psalmum xl. xiiij.

De Centurione. xv.

De duobus dæmoniâcis. xvj.

De demoniaco. xvij.

De sacro Petri. xvij.

De Scriba cui Christus sequi

te non permittit. xx.

De sedata maris tempestate. xx.

De eadem. xxj.

De terrenorû cura despicien-

da, & de seruo vigili. xxiij.

De terrenorum cura despi-

cienda. xxiij.

De seruo vigili. xxiij.

De terrenorû cura despicien-

da. xxv.

De fideli dispensatore. xxvj.

De scandalo tollendo. xxvij.

De Matthæo, & Christo cû

publicanis manducante.

xxviii.

De eisdem. xxix.

De eisdem. xxx.

De Phariseorû & discipulo-

rum Iohânis ieiunio. xxxj.

De eo qui habebat manum

aridam. xxxij.

De filia Archisynagogi, &

que muliere sanguinis pro-

fluuo laborante. xxxiiij.

De eisdem. xxxiiij.

De muliere profluuo san-

guinis obnoxia. xxxv.

De Hæmorrhoiâ, & filia

Archisynagogi. xxxvj.

De Ionæ prophetæ signo.

xxxvij.

De iniuria æquo animo to-

leranda. xxxxvij.

De perseuerantia orationis.

xxxix.

De bono pastore.	xl.	De eodem.	lxv.
De ieiunio & eleemosyna.	xlj.	De diuite & Lazaro.	lxvj.
De eisdem.	xlj.	In oratione dominica.	lxvij.
De oratione, ieiunio, & eleemosyna.	xljij.		lxviiij.
In psalmum j.	xljij.		lxix.
In psalmum vj.	xl.	In eandem.	lxx.
In psalmum xciiij.	xlvj.		lxxj.
De parabolis inuentæ margaritæ, & sagenæ missæ in mare.	xlviij.	De paschali solennitate.	lxxiiij.
In illud Matthæi, Venit Iesus in patriam suam, & cætera: & de inuidia.	xlviij.	De resurrectione Christi.	lxxiiij.
De eisdem secundum Marcum.	xlx.	De eadem.	lxxv.
De paralytico.	l.	De eadē, de quæ secūda Christi manifestatione facta mulieribus à monumento regredientibus.	lxxvj.
D. Hieronymo, ac Chrysostomo, falso ascriptus.		De resurrectione Christi.	lxxvij.
De dæmoniaco surdo & mutō.	lj.	De septima Christi manifestatione facta discipulis ad natæ Tiberiadis.	lxxviij.
De eodem.	lij.	De resurrectione Christi.	lxxix.
De pace.	liij.	De resurrectione Christi, & secūda manifestatione facta mulieribus à monumento regredientibus.	l.
De Zacchæo.	liij.	De quinta Christi manifestatione facta discipulis: cū Thomas abesset.	lxxxj.
In illud Lucæ, Quis ex vobis patrem petit panem, & cætera: de quæ patrū in filios charitate.	lv.	De Christi resurrectione, & quarta manifestatione facta duobus euntibus in castrum.	lxxxij.
De symbolo apostolorū.	lvj.	De noua Christi manifestatione facta recumbentibus vndecim discipulis.	lxxxiiij.
In symbolum apostolorum.	lvij.	De quinta Christi manifestatione facta discipulis cū abesset Thomas, de quæ lex-	
	lvijij.		
	lix.		
In idem.	lx.		
	lxj.		
	lxij.		
De Lazaro à mortuis suscitato.	lxiii.		
De eodem.	lxiiij.		

De eisdem.	cxxij.	De eadem.	cxlvj.
	cxxij.	De incarnationis sacramēto.	
	cxxiiij.	cxlvij.	
De villico iniquo.	cxxv.	De eodem.	cxlvij.
De eodem.	cxxvj.	De natiuitate Christi.	cxlix.
De decollatione diui Ioan-		<i>Quem quidam D. Seueriani epi-</i>	
nis Baptiste.	cxxvij.	<i>scopi putant, sed falso.</i>	
<i>Qui falso diui Chrysostomi</i>		De fuga Christi in Ægyptū.	
<i>titulo editusest.</i>		cl.	
In diuum Apollinarē episco-		De eadem.	clj.
pum & martyrem.	cxxvij.	De infantium nece.	clij.
In diuum Cyprianum mar-		<i>Qui non recte tamen D. Seuerini</i>	
tyrem.	cxxix.	<i>titulo circumferunt.</i>	
In consecratione episcopi.		De eadem.	clij.
cxxx.		In diuum Stephanum proto-	
In illud Iohannis, Si quis		martyrem.	cliiij.
sermonem meum seruaue-		De Calendis Ianuariis, quæ	
rit, & cetera.	cxxxj.	varia gentium superstitione	
De vnitāte fidelium.	cxxxiij.	polluebantur.	clv.
In diuum Andream aposto-		De Epiphania & Magis.	clvj.
lum.	cxxxiiij.	De eisdem.	clvij.
In diuam Felicitatē marty-		De eisdem.	clviij.
rem.	cxxxiiij.	De eisdem.	clix.
In diuum Laurēcium.	cxxxv.	De eisdem.	clx.
In Adelphum episcopum.		De parabola serui ab agro	
cxxxvj.		regressi, deque hominis er-	
De prædicatione diui Ioan-		ga deum gratitudine.	clxj.
nis Baptiste.	cxxxvij.	De eo qui volebat diuidere	
De pace.	cxxxviij.	hæreditatem.	clxij.
De remittēdo fratri delicto.		De terrenorū cura despicien-	
cxxxix.		da.	clxiiij.
De annunciatione diuæ Ma-		In illud Lucæ, Ignem veni	
riæ virginis.	cxl.	mittere in terram, & cetera.	
De incarnatione Christi.		clxiiij.	
cxlj.		In consecratione diui Proie-	
De annunciatione diuæ Ma-		cti episcopi Forocorneliē-	
riæ virginis.	cxlij.	sis.	clxv.
De eadem.	cxliij.	De quadragesimali ieiunio.	
De eadem.	cxliij.	clxvj.	
De generatione Christi.	cxlv	De diuo Iohanne Baptista	

INDEX.

prædicatæ, de quæ pœnitentia agenda. clxvij.	De inuidia & hypocrisis. clxxij.
De parabola centum ouium. clxvij.	De diuo Ioanne Baptista & Herode. clxxij.
De parabola drachmæ perditæ. clxix.	De decollatione diui Ioannis Baptiste. clxxiiij.
De eo quod Christus misit apostolos curatum varios morbos. clxx.	De Marcellino Episcopo Vicohauentino, & diuæ Mariæ virginis partu. clxxv.
De discipulis illotis manibus prædicantibus. clxxj.	De cæco. clxxvj.

INDICIS FINIS.

Soli deo omnipotenti
gloria.

PARISIIS,

Excudebat Carolus Rogerius,
Anno Domini.

M.D.LXXXV.

VIRTVTIS ET GLORIÆ



COMES INVIDIA.





4-3-5

